

ბ. შარბიანი

**სამთამაღრო მრეწველობა და
სამრეწველო პროლეტარიაში
რევოლუსიამდე სპარტაკოზი**

მარგანეცის მრეწველობა



გამომცემლობა
„საპროტა სპარტაკილო“
თბილისი — 1968

წიგნში გაშუქებულია კაპიტალისტური ხანის საქართველოს მრეწველობის მსოფლიო მნიშვნელობის დარგის — მარგანეცის მრეწველობის განვითარება და სამრეწველო პროლეტარიატის ჩამოყალიბება კიათურაში თავისი სოციალური, პოლიტიკური, ეკონომიური და ტექნიკური წინამძღვრებით.

შესწავლილია სამრეწველო რაიონის ბურჟუაზიის გენეზისი, ადგილობრივი, რუსული და უცხოური კაპიტალის მეტოქეობა კიათურაში. დადგენილია მარგანეცის მრეწველობის განვითარების სტადიები. კანონზომიერება და სპეციფიკა. დახასიათებულია სამრეწველო რაიონის მუშათა კლასის ჩამოყალიბების მიმდინარეობა. საგანგებო ადგილი აქვს დათმობილი მრეწველთა წარმომადგენლობითი ორგანიზაციის საქმიანობის განხილვას, ასევე ცარიზმის კოლონიური ეკონომიური პოლიტიკის დახასიათებას და სხვ.

წინასიტყვაობა

საბჭოთა მეცნიერება თავიდანვე დიდი გულის-
ყურით ეკიდება ჩვენი ქვეყნის კაპიტალისტური
მრეწველობისა და სამრეწველო პროლეტარიატის
ისტორიის შესწავლას. ამ საქმის ინიციატორი და
ორგანიზატორი ა. მ. გორკი თავის 1931 წლის
მოწოდებაში მიუთითებდა: „იმისათვის, რომ მუ-
შათა კლასმა გაიგოს თავისი მონაპოვრების, თავის
სამეურნეო წარმატებათა უდიდესი მნიშვნელობა,
ძან უნდა იცოდეს წარსულიც, ის ღრმად ხავსმო-
რეული ნიადაგი, რაზეც დაიწყო თავისი ახალი
სახელმწიფოს მშენებლობა. ყველაფერი შეიცნობა
შედარებაში და იმისათვის, რომ სწორად შევაფა-
სოთ აწმყო, აუცილებელია ვიცოდეთ წარსული“.
ჩვენი პარტიის შეუხელებელი მზრუნველობით
საბჭოთა საისტორიო მეცნიერებამ თვალსაჩინო
წარმატებებს მიაღწია ფაბრიკა-ქარხნების ისტო-
რიის შემუშავებაში. დიდი მეცნიერული და პოლი-
ტიკური მნიშვნელობის პრობლემის მკვლევართა
რიგები თანდათან ივსებოდა. მაგრამ ცალკეულ
მსხვილ სამრეწველო დაწესებულებათა ისტორიის
კვლევა-ძიება საბჭოთა კავშირში და მოძმე სოცი-
ალისტურ ქვეყნებში განსაკუთრებით ამ უკანასკ-
ნელ წლებში გაძლიერდა, — შედარებით მოკლე
დროში გამოიკა მრავალი მონოგრაფია თუ ნარკვე-
ვი. ამ წარმატებას თვალნათლივ მოწმობს (1966
წლის ნოემბერში პრადაში ჩატარებული) სოცია-
ლისტური ქვეყნების ისტორიკოსთა მეორე საერ-
თაშორისო თათბირის შედეგებიც.

ჩვენს რესპუბლიკაში ამ მიმართულებით დღემ-
დე, სამწუხაროდ, „თ ი თ ქ მ ის ა რ ა ფ ე რ ი

გაკეთებულა. თითო-ოროლა შრომა, საქართველოს მუშათა კლასის ისტორიის საკითხებისადმი რომაა მიძღვნილი, საერთო ამინდს ვერ ქმნის“.

წინამდებარე ნაშრომის მიზანი მიღწეული იქნება, თუკი ის რამდენადმე მაინც ხელს შეუწყობს ამ ხარვეზის შევსებას ჩვენს ისტორიოგრაფიაში. გამოკვლევის მიზანდასახულობას შესავალში შევხებით; აქ კი მხოლოდ მისი აგებულების (სტრუქტურის) განმსაზღვრელ პრინციპზე მივივითებთ. ჩვენ ვცადეთ მარგანეცის მრეწველობის განვითარებაში 1879—1914 წლებში განვლილი, ერთმანეთისაგან თვისობრივად განსხვავებული ეტაპების, ანუ პერიოდების დადგენა. ასეთი გამოკვლევის ამოსავალ პრინციპს წარმოადგენდა მოცემული დარგის მიერ განცდილი კარდინალური ეკონომიური ხასიათის ცვლილებების გათვალისწინება. ჩვენი დაკვირვებით, მარგანეცის მრეწველობამ 1914 წლამდე განვლო ოთხი პერიოდი: პირველია მრეწველობის ჩასახვისა და ერთგვარი გაფართოების პერიოდი (1879—1894 წწ.), როცა მის წინსვლას, დაწყების სიძნელესთან ერთად, ძლიერ აბრკოლებდა მიმოსვლისა და მადნის სატრანსპორტო საშუალებათა არარსებობა. ამ პერიოდში მარგანეცის მრეწველობამ ვერ პოვა მძლავრი განვითარება; მეორე პერიოდი ძირითადად ემთხვევა XIX საუკუნის დამლევის მსოფლიო სამრეწველო აღმავლობას (1895—1900 წწ.). მას დასაბამი მისცა სამრეწველო რაიონში რკინიგზის შეყვანამ. ამ პერიოდში ჭიათურის მარგანეცის მრეწველობამ მძლავრი აღმავლობა განიცადა. მას დიდად შეუწყობ ხელი მსოფლიო მეტალურგიის განვითარებისდაკვლად მარგანეცზე მოთხოვნილების კოლოსალურმა ზრდამ; მესამე პერიოდი (1901—1905 წწ.) არსებითად ემთხვევა 1900—1903 წლების მსოფლიო ეკონომიურ კრიზისსა და მის მომდევნო დეპრესიას. ამ პერიოდში მსოფლიო ბაზრის მოთხოვნილება მარგანეცზე თითქმის სანახევროდ შემცირ-

და და ჭიათურის მარგანეცის მრეწველობამაც ამის შესაბამისი დაქვეითება განიცადა; მეოთხე პერიოდი I მსოფლიოომამდელ სამრეწველო აღმავლობას უკავშირდება (1906—1914 წწ.). მოცემულ პერიოდში ჭიათურის მარგანეცის მრეწველობა, ისევე როგორც მსოფლიო მეტალურგია, არ ვითარდებოდა სწორხაზობრივად, მისთვის დამახასიათებელი იყო თვალსაჩინო ზიგზაგები: 1906 წლის მძლავრი აღმავლობა, 1907, მეტადრე, 1908 წლის დაქვეითება და, რაც მთავარია, 1913—1914 წლების მძლავრი სამრეწველო აღმავლობა. აღნიშნულის მიუხედავად, ვფიქრობთ, მოცემული ხანა პირობით შეიძლება წარმოვიდგინოთ ერთ პერიოდად. მრეწველობის ოთხივე პერიოდი, წიგნის პირველ ოთხ თავშია განხილული, ხოლო მეხუთე თავში დახასიათებულია ჭიათურის მარგანეცის მადნის ექსპორტი, მისი მომხმარებლები.

წიგნში „დამატების“ სახითაა წარმოდგენილი ნაშრომის ბოლო სამი თავი, სადაც განხილულია ჭიათურის რკინიგზის გაყვანა და ცარიზმის კოლონიური სატარიფო პოლიტიკა, მარგანეცის მრეწველთა წარმომადგენლობითი ორგანიზაციის დაარსება და მისი საქმიანობა, ადგილობრივი, რუსული და უცხოური კაპიტალის მეტოქეობა პირველი მსოფლიო ომის წლებში ჭიათურაში სალიკვიდაციო გერმანული ფირმების საწარმოთა შესაძენად.

„დამატების“ პირველი ორი თავის ამ სახით წარმოდგენით თავი მოვარიდეთ აქ განხილული საკითხების მოქცევას მრეწველობის განვითარების ზემოთ დასახელებული პერიოდების ჩარჩოებში, რადგან მას შეეძლო გამოეწვია ნაშრომის სტრუქტურის გართულება, მისი გადატვირთვა და, რაც მთავარია, გაძნელებოდა ცარიზმის კოლონიური

სატაფირო პოლიტიკის, ასევე მრეწველთა ყრილობის საქმიანობის სრული სურათის კომპაქტურად წარმოდგენა. „დამატების“ ბოლო თავი თემატურად და ქრონოლოგიურად 1914—1921 წლებს განეკუთვნება. ამ წლებში კიათურის მრეწველობაში შექმნილი ვითარება ზოგად ხაზებში ასახულია აგრეთვე წიგნის IV თავში გაკეთებულ ექსკურსებში.

შ ე ს ა ვ ა ლ ი

კაპიტალიზმის გენეზისი და განვითარება საქართველოს მრეწველობაში რთულ და სპეციფიკურ პირობებში მიმდინარეობდა. ამ პროცესის ჯეროვანი სიღრმით შესწავლის გარეშე შეუძლებელი ხდება კოლონიურ დამოკიდებულებაში ჩაყენებულ საქართველოში ბურჟუაზიული ურთიერთობის ჩასახვა-განვითარების სრული სურათის აღდგენა, რადგან ეს პროცესი მკაფიოდ აისახა მრეწველობაში. სამრეწველო განვითარებაზე დაკვირვება ხელშესახებ მასალას იძლევა ქვეყნის შიგნით სასაქონლო-ფულადი ურთიერთობის განვითარების დონის დასადგენად, ასევე ჩვენში მეტროპოლიისა და უცხოური კაპიტალის როლისა და ზედრიითი წონის შესაფასებლად. მრეწველობის განვითარებასთან ორგანულადაა დაკავშირებული კაპიტალისტური საქართველოს ორი ძირითადი ანტაგონისტური კლასის — ბურჟუაზიისა და პროლეტარიატის ჩამოყალიბება.

მოცემული პრობლემის მეცნიერულ გაშუქებას მივყავართ ჩვენში სოციალისტური რევოლუციის ისტორიული წინამძღვრების ობიექტურ გაგებამდე. ამ გარემოების ერთგვარი გაუთვალისწინებლობის მაჩვენებელი და ნაყოფია ქართულ საბჭოურ ისტორიოგრაფიაში დღესაც გავრცელებული ზოგიერთი მცდარი თვალსაზრისი და, კერძოდ, მეცნიერულად დაუსაბუთებელი თეზისი, რომელიც მთელი რევოლუციამდელი რუსეთის და, მეტადრე, საქართველოს მრეწველობას ძლიერ ჩამორჩენილ და სუსტ სამეურნეო დარგად წარმოგვიდგენს¹. აქ საქმე გვაქვს რუსეთისა და საქართველოს საწარმოო ძალთა

¹ ბურჟუაზიული ხანის საქართველოს ეკონომიური განვითარების დონის შეფასებლობას ჩვენში თავისი ხანგრძლივი ისტორია გააჩნია, მას ვერ აცდა ისეთი გამოჩენილი პროლეტარული რევოლუციონერიც კი, როგორც იყო ფილიპე შახარაძე. მან მარქსისტთაგან ერთ-ერთმა პირველთაგანმა მოგვცა საქართველოში კაპიტალიზმის განვითარების ძირითადად სწორი დახასიათება. ამასთანავე თავის ნაშრომში „1905 წელი ამიერკავკასიაში“ (1932 წ.) წერს: „რაც შეეხება ამიერკავკასიის ეროვნებათა ეკონომიკას ანუ საწარმოო ძალებს, ამას მაინცდამაინც წინ არ

განვითარების გარკვეულ შეუფასებლობასთან და მასთან ერთად სოციალისტური რევოლუციის ისტორიული წინამძღვრების ერთგვარ უგულვებელყოფასთან. ხსენებული თეზისის უსაფუძვლობა თავის დროზე მთელი სიცხადით გამოააშკარავა ვ. ი. ლენინმა. მან მეცნიერულა სიზუსტით დაახასიათა რუსეთის ისტორიული პროცესის მთელი მიმდინარეობა. დაასაბუთა, რომ „რუსეთის შედარებითი ეკონომიური ჩამორჩენილობა იყო იმპერიალისტური სახელმწიფოს შედარებითი ჩამორჩენილობა“. „მაგრამ, — წერდა ვ. ი. ლენინი, — ძირითადი ძალები — და საზოგადოებრივი მეურნეობის ძირითადი ფორმები — რუსეთში იგივეა, რაც ყოველ კაპიტალისტურ ქვეყანაში, ასე რომ ეს თავისებურებანი შეიძლება შეეხებოდეს მხოლოდ არა ყველაზე მთავარს“². ვ. ი. ლენინი გამოდიოდა რუსეთის შედარებითი ჩამორჩენილობის განზვიადების წინააღმდეგ: „კაპიტალიზმის გარკვეული დონის გარეშე ჩვენ არაფერი გამოგვივიდოდა“ — მიაწერა მან ბუხარინის წიგნის «Экономика переходного периода»-ს ერთ-ერთ გვერდზე, რომელიც შეიცავდა მტკიცებას, რომ მსოფლიო კაპიტალისტური სისტემის კრახი დაიწყო ყველაზე სუსტი სახალხომეურნეობრივი სისტემიდან. გახაზა რა სიტყვები „ყველაზე სუსტიდან“ ვ. ი. ლენინმა მიაწერა: „არასწორია: „საშუალოდ სუსტიდან“³.

წაუწყვია მეცხრამეტე საუკუნის განმავლობაში, ის საერთოდ დარჩა ისეთივე როგორც იყო ათასის წლის წინედ“ (იქვე, გვ. 8). ზემოხსენებული თეზისის გაკლენა იგრძნობა „საქართველოს კომუნისტური პარტიის ისტორიის ნარკვევებში“ (ტომი I, 1957 წ.), სადაც ვკითხულობთ: „რუსეთის მრეწველობა ძლიერ ჩამორჩებოდა სხვა კაპიტალისტური ქვეყნების მრეწველობას“ (გვ. 356), „რუსეთში სკარბობდნენ ძველი ფაბრიკები და ქარხნები, სადაც გაცვეთილი მოწყობილობა იყო“ (იქვე), „მსხვილი სამრეწველო საწარმოები საქართველოში ძალიან ცოტა იყო“ (გვ. 357), საქართველოს ისედაც სუსტად განვითარებული მრეწველობა ომის შედეგად კიდევ უფრო დაზარალდა“ (გვ. 361) და სხვ. ასეთსავე მოსაზრებას ავითარებს მკვლევარი ს. ჩხატარაიანი, რომლის აზრით ომმა „ჩააკლა ქვეყნის სამრეწველო და სასოცოცლო მაქისცემა“ (იხ. მისი ნაშრომი: „რევოლუციური მოძრაობის ისტორიიდან საქართველოში“, 1957, გვ. 30). საქმე იმდენად შორს წავიდა, რომ ჩვენში, უახლოესი გამოკვლევის ზოგიერთი ავტორი წინასწარვე ისახავს მიზნად აჩვენოს რევოლუციამდელი ამიერკავკასიის ეკონომიკის „ღრმა ჩამორჩენილობა“, ამ მხრივ დამახასიათებელია, მაგალითად, მკვლევარ შ. ბასილაიას სადოქტორო ნაშრომი, სადაც ვკითხულობთ: «Большое место в нашей работе заняли экономические вопросы. Показана глубокая отсталость Закавказья, приведшая, в годы первой мировой войны его хозяйство к упадку...» (იხ. Ш. И. Басилая, Закавказье в годы первой мировой войны. Автореферат докторской диссертации, Сухуми, 1965, გვ. 4).

² ვ. ი. ლენინი, თხზ., ტ. 30, გვ. 110.

³ Ленинский сборник, XI, გვ. 397.

ეს სახელმძღვანელო მითითება საბჭოთა ისტორიოგრაფიაში 30 — 40-იან წლებში დაიწყო და მიეცა. მომდევნო პერიოდში რუსულ ისტორიოგრაფიაში მდგომარეობა გამოსწორდა: რუსეთის კაპიტალიზმისა და იმპერიალიზმის შესწავლას საფუძვლად დაედო მოცემული ისტორიული პროცესის ლენინური კონცეფცია, მეცნიერულად დასაბუთდა, რომ საწარმოო ძალთა განვითარების დონის მხრივ რუსეთის მრეწველობის ძირითადი დარგები სავსებით მომწიფებული იყო ნაციონალიზაციისა და განსაზოგადოებისათვის, აღიკვეთა ქვეყნის სამრეწველო განვითარების შეუფასებლობა, რომელიც კითხვის ქვეშ აყენებდა დიდი ოქტომბრის სოციალისტური რევოლუციის ისტორიული წინამძღვრების არსებობას. რუსულ საბჭოთა ისტორიოგრაფიაში კარგა ხანია გადასინჯულია აგრეთვე მცდარი მოსაზრება რევოლუციამდელი ამიერკავკასიის მრეწველობის ე. წ. „ძლიერ ჩამორჩენილობის“ შესახებ. მაგალითად, გამოჩენილი მკვლევარი პ. ლიაშჩენკო თავის კაპიტალურ ნაშრომში წერს, რომ ამიერკავკასიაში «...была создана капиталистическая промышленность, болсе мощная, чем в других национальных окраинах и по размерам производства и по числу вовлеченного в нее национального пролетариата»⁴.

ქართველმა მეცნიერებმა გარკვეული საკვლევადიგებო სამუშაოები ჩაატარეს XIX საუკუნის საქართველოში კაპიტალისტური მრეწველობის ჩასახვა-განვითარების პროცესის შესასწავლად. რთული პრობლემის არაერთმა საკითხმა პოვა სწორი გადაწყვეტა, მრავალი ამჟამადაც სადავოა, ან სავსებით შეუსწავლელი. მთავარი კი ისაა, რომ ქართულ საბჭოთა ისტორიოგრაფიაში საფუძვლიანად არ აღმოფხვრილა ჩვენი ქვეყნის კაპიტალისტური მრეწველობის განვითარების დონის გარკვეული შეუფასებლობა. ამასთანავე, საქართველოს მრეწველობის განვითარება იმპერიალიზმის ეპოქაში (XX საუკუნის დამდეგიდან სოციალისტური რევოლუციის გამარჯვებამდე) მკვლევართა მიერ თითქმის სავსებით უყურადღებოდაა მიტოვებული. მდგომარეობას, სამწუხაროდ, ვერ ცვლის XIX საუკუნის საქართველოს სამრეწველო განვითარების შესწავლისადმი მიძღვნილ გამოკვლევებში გაკეთებული ზოგადი ექსკურსები, ვერც XX საუკუნის დამდეგის საქართველოს პოლიტიკური ისტორიისადმი მიძღვნილი განმსაზოგადებელი თუ კონკრეტული ხასიათის ნაშრომებში ქვეყნის სამრეწველო განვითარების შესახებ მოცემული მიმოხილვები და დასკვნები, რომლებიც საფუძვლიანი კვლევის გარეშეა გაკეთებული. ამგვარად, საქართველოს კაპიტალისტური მრეწველობის განვითარება იმპერია-

4 П. И. Лященко, История народного хозяйства СССР, том II, Капитализм, Изд. четвертое, М., 1956, გვ. 563.

ლიზმის ეპოქაში ჩვენს ისტორიოგრაფიაში გაუტეხავი ყამირია. ასეთი ვითარება, ვფიქრობთ, ორი გარემოებით აიხსნება. ერთი მხრივ, ჩვენი ისტორიული პროცესის კვლევისას საკმაო ანგარიში არ ეწევა მრეწველობის განვითარების მნიშვნელობას; მეორე მხრივ, ჩვენს ისტორიოგრაფიაში ფაქტიურად ერთმანეთისაგან ერთგვარად მოწყვეტილადაა წამოდგენილი კაპიტალისტური მრეწველობის გენეზისი და განვითარება. განვითარების ეს პროცესი, ბუნებრივია, უფრო სწრაფად სწორედ იმპერიალიზმის ეპოქაში წარიმართა და მან მაშინ მიიღო შედეგებით უფრო დასრულებული სახე. მკვლევართა უმეტესობა კი მარტო XIX საუკუნის დამლევამდე აწარმოებს ამ პროცესზე დაკვირვებას და, თან, მხოლოდ იმდროინდელი სინამდვილის ანალიზზე აგებს თავის მსჯელობას რევოლუციამდელი საქართველოს მთელ სამრეწველო განვითარებაზე. არც იმის დაეიწყება შეიძლება, რომ მრეწველობის ყველა დარგის გენეზისი დროის ერთსა და იმავე პერიოდთან არაა დაკავშირებული. ზოგიერთი დარგი მხოლოდ რეფორმის მომდევნო ხანაში ჩაისახა და მანქანური ინდუსტრიის სტადიაზე მეტ-ნაკლები დაგვიანებით გადავიდა. ამ გარემოებათა გათვალისწინებით საფუძვლიანადაა გამოსაკვლევი არა მარტო კაპიტალისტური მრეწველობის გენეზისი, არამედ მისი განვითარების მთელი პროცესი.

საკითხის ასეთი დაყენება რომ სწორი და შეიძლება ერთადერთი იყოს, ეს ჩანს თუნდაც იმ „დასაბუთებიდან“, რომელსაც თანამედროვე რეაქციული ბურჟუაზიული ისტორიოგრაფია მიმართავს ჩვენში სოციალისტური რევოლუციის ისტორიული წინამძღვრებისა და, მაშასადამე, მისი კანონზომიერების უარსაყოფად. მისი წარმომადგენლები, როგორც ცნობილია, უარყოფენ რუსეთში და, მით უმეტეს, მის ვანაპირა მხარეებში სოციალისტური რევოლუციის სოციალურ-ეკონომიური წინამძღვრების არსებობას და ჩვენს ქვეყანაში მის გამარჯვებას შემთხვევით მოვლენად — „ისტორიულ პარადოქსად“ — აცხადებენ.⁵ ამ მხრივ დამახასიათებელია გ. ფონ რაუხის ნაშრომი, სადაც ვკითხულობთ: „წარმოდგენაც კი არ გვექნებოდა იმ ძალებზე, რომელნიც რუსეთის ისტორიაში გამოჩნდნენ, თუკი დავუშვებდით, რომ ქვეყნის (მხედველობაშია რუსეთი — გ. მ.) განვითარებას აუცილებლობით მოჰყვა ბოლშევიზმი“⁶. ის ცდილობს დაამტკიცოს ჩვენი ქვეყნის უკიდურესი ჩამორჩენილობა, მუშათა კლასის მოუმწიფებლობა

⁵ V. Gitterman, Geschichte Ruslands, Bd I, გვ. 15; იხ. აგრეთვე: M. Karpovich, A. Letturm on Russian history, M. — G., 1958; I. Lawrence, Russia in the Making; G. von Rauch, Geschichte des Bolschewistische Russland, Wiesbaden, 1953.

⁶ G. von Rauch, geschichte des Bolschewistischen Russland. გვ. 15.

რევოლუციისათვის და დაასკვნის: „ცარიელი ფიქცია იქნებოდა იმის მტკიცება, რომ ოქტომბრის რევოლუციის დღეს ძალაუფლება ხელთ იგდო მუშათა კლასმა“⁷.

ისტორიის ფალსიფიკატორები ვ. მარკერტი და ე. ლემბერგი ასევე ირწმუნებიან, რომ რუსეთის იმპერიაში სოციალისტური რევოლუციისათვის არავითარი წინაპირობა არ არსებობდა, გარდა იმისა, რომ რომანოვების დინასტიის დამხობის შედეგად ქვეყანაში შეიქმნა „ხელისუფლების საბედისწერო ვაკუუმი“⁸. ბ. მეისნერი კი აცხადებს, რომ „1917 წლამდე რუსეთში არც კაპიტალიზმმა და არც პროლეტარიატმა არ მიაღწია თავის სრულ განვითარებას“, რომ პროლეტარიატი მოუმწიფებელი იყო საკუთარი დიქტატურის დამყარებისათვის⁹. ასეთივე ყალბი მოსაზრებისაა გ. რიტერი. მისი განცხადებით რუსეთის იმპერიაში 1917 წელს არ არსებობდა „მეურნეობის თანამედროვე კაპიტალისტური სისტემა“, ხოლო პროლეტარიატი წამოადგენდა „სულიერად და სოციალურად გაუფორმებელ მასას“¹⁰. ისტორიის ფალსიფიკატორები თითქმის ერთხმად უარყოფენ რუსეთის იმპერიის შინაგანი ცხოვრების როლს სოციალისტური რევოლუციის მომწიფებაში. მას ძლიერ ჩამორჩენილ ქვეყნად სახავენ. ამგვარი მეთოდით ერთნი იუწყებიან, რომ „რუსეთის რევოლუცია განეკუთვნება რევოლუციების ახალ კატეგორიას, რევოლუციებს ჩამორჩენილ ქვეყანაში და ამიტომ ის შეიძლება გაგებულ იქნეს უმათავრესად როგორც რევოლუცია, რომლის მიზეზები უნდა ვეძიოთ ქვეყნის ფარგლებს გარეთ“¹¹. მეორენი მიიჩნევენ, რომ „რუსეთის წარსულში ნათლად შეიძლება შევიცნოთ მისი აწმყოს წანამძღვრები და ჩანასახები“¹². მაგრამ, ამ წანამძღვრებს ისინი ხედავენ არა ქვეყნის სოციალურ-ეკონომიურ განვითარებაში, არამედ. პირიქით, ჩამორჩენილობაში; მესამენი კი შემთხვევითი ხასიათის მოვლენათა ერთობ თავმოყრით ხსნიან რუსეთის იმპერიაში სოციალისტური რევოლუციის გამარჯვებას¹³. ამგვარი

⁷ G. von Rench, Geschichte... გვ. 15.

⁸ W. Markert, Zum problem der kontinuierität in der russischen Geschichte. „Deutschland und Europa“, Düsseldorf, 1951, გვ. 308; E. Lemberg, Die Sowjetunion und Osteuropa, Salzburg, 1955, გვ. 55.

⁹ . Meissner, Sowjetrussland zwischen Revolution und Restauration, Köln, 1956. გვ. 22.

¹⁰ G. Ritter, Lebendige Vergangenheit, München, 1958, გვ.44, 45.

¹¹ Th. von Laue, Die Revolution von russen als erste phase der Russischen Revolution 1917. „Jahrbücher für Geschichte Osteuropas“, 1956, Bd. 4, H. 2, გვ. 138.

¹² J. Gittermann, Geschichte Russlands, Bd. 1. გვ. 14 — 15.

¹³ W. Wahls, Russia and the Sovietunion, Ann Arbor, University of Michigan press, 1953, გვ. 639 — 640.

ანტიისტორიული კონცეფციების ავტორები იმასაც კი აცხადებენ, რომ თითქოსდა ოქტომბრის სოციალისტური რევოლუცია „ეწინააღმდეგება მარქსიზმის მოძღვრებას პროლეტარული რევოლუციის შესახებ“¹⁴.

ისტორიის ფალსიფიკატორები, ასევე წინაზრახულად, კიდევ უფრო დაჟინებით უარყოფენ სოციალისტური რევოლუციის კანონზომიერებას ყოფილი რუსეთის იმპერიის განაპირა მხარეებში, მათ შორის საქართველოში. ისინი ხელოვნურად თიშავენ პროვინციას ცენტრისაგან და ცდილობენ იმის დასაბუთებას, რომ თითქოსდა ეს მხარეები იპყრებოდნენ რუსეთის ყოველგვარი ეკონომიური და პოლიტიკური განვითარების გავლენის ფარგლებს გარეთ. ამავე დროს შეუსაბამოდ აზვიადებენ განაპირა მხარეების ადგილობრივ თავისებურებებს და უარყოფენ რუსეთის მუშათა კლასის რევოლუციური ბრძოლის გავლენას განაპირა პროვინციების მშრომელ მასებზე. ამგვარი ნაშრომები მიზნად ისახავს შთააგონოს მკითხველს, რომ თითქოსდა 1917 წლის ოქტომბრიდან 1918 წლამდე საქართველოსა და ამიერკავკასიაში ადგილი არ ჰქონია არავითარ რევოლუციურ მოძრაობას, არავითარ კლასობრივ ბრძოლას და, რომ თუ საერთოდ რაიმე გამოსვლები შეინიშნებოდა აქ, ეს იყო ბურჟუაზიულ-ნაციონალისტური და არა პროლეტარული. ამ მხრივ ნიშანდობლივია ამერიკელი პროფ. რ. პაიპსის თეალსაზრისი, რომლის თანახმად 1917 წელს ამიერკავკასიაში სიმშვიდე სუფევდა, ხოლო 1918 წელს გამოსვლები მიმდინარეობდა ამიერკავკასიაში რუსეთის არმიის ნაწილების მოძრაობის შედეგად¹⁵.

ისტორიის ფალსიფიკატორების მიერ შეთხზული ვერსიით სოციალისტური რევოლუცია ამიერკავკასიაში იყო „არაკანონზომიერი მოვლენა“, გადატრიალება, მოწყობილი საბჭოთა რუსეთის მიერ „შეიარაღებული ინტერვენციის“ მეშვეობით. მათ ნაშრომებში ამ ასპექტშია წარმოდგენილი მეთერთმეტე წითელი არმიის შემოსვლა საქართველოში და სოციალისტური რევოლუციისათვის მებრძოლი ძალებისადმი მის მიერ გაწეული დახმარება შეფასებულია, როგორც „ბოლშევიკური ჩრდილოეთის ომი საქართველოს წინააღმდეგ“¹⁶.

¹⁴ Handbuch des Weltkommunismus, Hrsg. J. Bochenski, München, 1958, 33-61.

¹⁵ R. Pipes, The Formation of the Ssovietunion. Communism and Nationalism 1917—1923. Harvard University Press, Combridge, 1954, გვ. 98—99. 103—104.

¹⁶ ია. ს. დანიელოვი, „აფხაზი ხალხის ტრაგედია“ (Review of the Institute for the study of the USSR, № 1, München, 1951; M. Lashauri, Current soviet interpretation of XIX—XX Century Georgian History („Caucasian Review“, № 3, 1955).

ზემოთქმულიდან ცხადია, რომ რევოლუციის წინარე ხანის საქართველოს სოციალურ-ეკონომიური განვითარების პროცესის გამოკვლევა, საერთოდ, და სამრეწველო განვითარებისა, განსაკუთრებით, ღღემდე ინარჩუნებს დიდ მეცნიერულ და პოლიტიკურ მნიშვნელობას. ამ ამოცანის გადაწყვეტა და, კერძოდ, ჩვენი ქვეყნის მრეწველობის გენეზისისა და განვითარების მეცნიერულად დასაბუთებული სურათის შემუშავება ვერ ხერხდება რთული პროცესის ყველა ძირითადი ასპექტის გაშუქების გარეშე, მრეწველობის ყველაზე წამყვანი და ტიპური დარგების საფუძვლიანი შესწავლის გარეშე. ვფიქრობთ, სწორია ვ. კ. იაცუნსკი, რომელიც, ვ. ი. ლენინის სახელმძღვანელო მითითებაზე დაყრდნობით, მკვლევარებს სთავაზობს მრეწველობის განვითარების შესწავლას დარგობრივად¹⁷.



წინამდებარე ნაშრომი მიზნად ისახავს საქართველოს კაპიტალისტური მრეწველობის ერთ-ერთი უმნიშვნელოვანესი დარგის — სამთამადნო მრეწველობის განვითარების მონოგრაფიულად შესწავლას. ამავე დროს, მოცემული პროცესის კანონზომიერებისა და სპეციფიკის, რამდენადაც შეიძლება, მკაფიოდ და რელიეფურად გაშუქების მიზნით შემოვიფარგლეთ მარგანეცის მრეწველობით. რეფორმის მომდევნო ხანის საქართველოს მრეწველობაში, როგორც ცნობილია, მნიშვნელოვანი ადგილი დაიმკვიდრა სამთამადნო მრეწველობამ, რომლის წამყვან დარგს წამოადგენდა მარგანეცის მრეწველობა. ეს უკანასკნელი ჩვენში 1879 წელს ჩაისახა და მისი განვითარება I მსოფლიო ომის დაწყებამდე მიმდინარეობდა. მოცემულ პერიოდში მარგანეცის მრეწველობა მზარდი წარმატებით აკმაყოფილებდა მსოფლიო ბაზრის მოთხოვნილებას მარგანეცზე და მადნის ექსპორტის მასშტაბის გადიდებით აქტიურად ზემოქმედებდა რუსეთის იმპერიის საგარეო ვაჭრობის ბალანსის გაუმჯობესებაზე. ბურჟუაზიული საქართველოს მარგანეცის მრეწველობა საიმპერიო და მსოფლიო მნიშვნელობის დარგად იქცა. საქართველოს კაპიტალისტურ მრეწველობაში მისი ხვედრითი წონა თვალსაჩინოდ იზრდებოდა: XX საუკუნის დასაწყისიდან, მეტადრე 1905 წლის დამლევდიან მარგანეცის მრეწველობამ

¹⁷ В. К. Яцунский, Промышленный переворот в России, «Вопросы истории», 1952, № 12, გვ. 49.

ჩვენი ქვეყნის მრეწველობის დარგებს შორის პირველი ადგილი დაიკვიდრა წარმოებაში ჩაბმულ მუშათა რიცხვისა და ნაწარმის საერთო ღირებულების სიდიდით.

მარგანეცის მრეწველობა დიდ ყურადღებას იმსახურებს ჩვენში კაპიტალისტური მრეწველობის გენეზისის თვალსაზრისით. მან აქ განვლო კაპიტალისტური მრეწველობის სამივე სტადია: წვრილი სასაქონლო წარმოებისა, მანუფაქტურული და ფაბრიკული. მანუფაქტურული სტადიიდან მანქანურ-ინდუსტრიულ სტადიაზე გადასვლა, როგორც ეს საზოგადოდ ხდება, სამრეწველო გადატრიალების შედეგად განხორციელდა. სამრეწველო გადატრიალება მოასწავებდა არა მარტო ტექნიკურ რევოლუციას, არამედ მოცემულ სამრეწველო რაიონში არსებული საზოგადოებრივი ურთიერთობის ძირეულ გარდაქმნასაც. ამ პროცესს გააჩნდა ორი მხარე: ტექნიკური და სოციალური, რაც მთელი სიცხადით წარმოგვიდგება ჭიათურის მარგანეცის მრეწველობის მაგალითზე. მართლაც, თუკი ამ კუთხით მივუდგებით რეფორმის მომდევნო ხანის საქართველოს მრეწველობის განვითარების სოციალური შედეგების შეფასებას, ვფიქრობთ, იმ უტყუარ დასკვნამდე შეიძლება მივიდეთ, რომ აქ კაპიტალისტური საზოგადოების ორი ძირითადი (ანტაგონისტური) კლასის — სამრეწველო ბურჟუაზიისა და სამრეწველო პროლეტარიატის — ჩამოყალიბების კანონზომიერება და სპეციფიკური თავისებურება ყველაზე მკაფიოდ სწორედ ჭიათურის მარგანეცის მრეწველობაში აისახა. ჭიათურის სამრეწველო რაიონში, ეროვნული სამრეწველო ბურჟუაზიის მრავალრიცხოვან ჯგუფთან ერთად, ჩამოყალიბდა საქართველოს ეროვნული სამრეწველო პროლეტარიატის ერთ-ერთი მძლავრი, მრავალათასიანი რაზმი, რომელშიც სხვა ეროვნების მუშებიც შედიოდნენ. ამდენად, დასახელებული დარგის განვითარებაზე დაკვირვება დიდძალ მასალას იძლევა სამრეწველო ბურჟუაზიის გენეზისისა და სამრეწველო პროლეტარიატის ჩამოყალიბების პროცესის კანონზომიერებისა და სპეციფიკის დასადგენად.

ჭიათურის მარგანეცის მრეწველობა თავიდანვე გახდა ადგილობრივი, რუსული და უცხოური კაპიტალის მეტოქეობისა და ურთიერთბრძოლის ასპარეზი. ამ პროცესზე დაკვირვება მით უფრო საგულისხმოა, რომ ის ჩვენს ისტორიოგრაფიაში დღემდე არ გამზდარა საფუძვლიანი კვლევის საგანი; კიდევ მეტი, საერთოდ, საქართველოს მრეწველობაში ადგილობრივი, რუსული და უცხოური კაპიტალის ხვედრითი თანაფარდობა და მნიშვნელობა სპეციალურ სამეცნიერო ლიტერატურაში მხოლოდ ზოგადადაა დახასიათებული. მოცემული პრობლემის გასაშუქებლად და დასკვნების გასაკეთებლად დიდძალ ხელ-

შესახებ მასალას იძლევა რევოლუციამდელი ხანის ჰიათურის მარგანეცის მრეწველობა, რომლის ფარგლებშიც განსაკუთრებით ცხარე და ინტენსიური ბრძოლა გაჩაღდა ადგილობრივ და უცხოურ კაპიტალს შორის (რუსული კაპიტალი აქ შედარებით მოგვიანებით გააქტიურდა).

მარგანეცის მრეწველობა საინტერესოა აგრეთვე ცარიზმის კოლონიური ეკონომიური პოლიტიკის დახასიათების თვალსაზრისითაც, მით უმეტეს, რომ საქართველოს მრეწველობის ეს დარგი, როგორც ნედლეულის მომპოვებელი საწარმო, კოლონიურ დამოკიდებულებაში მოქცეული ქვეყნის მრეწველობის კოლორიტული დარგია. ამასთანავე, ცარიზმში გასული საუკუნის 90-იანი წლების დამდგენიდან თავისებური გულისყურით ეკიდებოდა მარგანეცის მრეწველობას საქართველოში: მეფის მთავრობა, სამხრეთ რუსეთის (ნიკოპოლის) მარგანეცის მრეწველობისათვის მფარველობის გაწევისა და ხაზინის ვიწროდ გაგებული ფისკალური ინტერესების შესაბამისად, ჰიათურის მარგანეცის მრეწველობის მიმართ მეთოდურად ახორციელებდა მკაცრ (პროტექციონისტულ) სატარიფო პოლიტიკას, რომელიც იმპერიის კოლონიური ეკონომიური პოლიტიკის კონკრეტულ განსახიერებას წარმოადგენდა ჩვენი ქვეყნის სამთამადნო მრეწველობაში.

რევოლუციამდელ ჰიათურაში ჩამოყალიბდა მეწარმეთა წარმომადგენლობითი ორგანიზაცია — „მარგანეცის მრეწველთა ყრილობა“ (სამრეწველო და სავაჭრო ბურჟუაზიის ეს თვითმმართველი ორგანიზაცია ერთდღერთი იყო იმეამინდელ საქართველოში). მის ხანგრძლივ საქმიანობაზე დაკვირვება გარკვეულ წარმოდგენას იძლევა ეროვნული სამრეწველო ბურჟუაზიის მისწრაფებათა დასახასიათებლად.

მარგანეცის მრეწველობას შეუწელებელი ყურადღებით ეკიდებოდა იმდროინდელი ქართველი საზოგადოებრიობა, სხვადასხვა იდეურ მიმართულებათა წამომადგენლები. ამდენად, მრეწველობის ამ დარგის ისტორია არაერთ საგულისხმო ფაქტს იძლევა ქართული საზოგადოებრივ-ეკონომიური აზრის ისტორიისათვის.

ვფიქრობთ, ზემოაღნიშნული საკმარისია იმის წარმოსადგენად, თუ რაოდენ დიდ ინტერესს იმსახურებს მარგანეცის მრეწველობა. პირველ რიგში საქართველოში კაპიტალიზმის გენეზისისა და განვითარების თვალსაზრისით. ჩვენ ვცდილობდით კვლევის სფეროში მოგვექცია მოცემული პროცესის ყველა ასპექტი: სოციალური, პოლიტიკური, ეკონომიური, ტექნიკური. ამასთან დაკავშირებით განისაზღვრა გამოკვლევის ოთხი უმთავრესი ამოცანა: 1) სამრეწველო რაიონის ბურჟუაზიის გენეზისის შესწავლა, სახელდობრ,

მრეწველთა რიგების შევსების წყაროების დადგენა, მათი სოციალური და ეროვნული შედგენილობის გარკვევა, ადგილობრივი და უცხოური კაპიტალის მეტოქეობის მიმდინარეობის სურათის დადგენა, ექსპლოატატორული კლასის პრაქტიკული მოქმედების დახასიათება (ამ შემთხვევაში არ დაგვიწყებია ის სახელმძღვანელო დებულება, რომ საზოგადოებრივი კლასები, მათ შორის ბურჟუაზია, განხილული უნდა იქნან თავის განვითარებაში); 2) სამრეწველო რაიონის მუშათა კლასის ჩამოყალიბების პროცესის გაშუქება, სახელდობრ, მუშათა რიგების შევსების წყაროების დადგენა, მუშათა შემაღვლლობის დახასიათება, იმის ჩვენება, თუ როგორ გადაიქცა „მუშათა მასა“ „კლასად თავისთავად“, ხოლო შემდეგ „კლასად თავისთვის“. ამ მიზნით დაკვირვება ვაწარმოეთ არა მარტო მუშათა შრომისა და ყოფა-ცხოვრების პირობებში მომხდარ ძვრებზე, არამედ მუშათა კლასობრივი ბრძოლის დაბალი ფორმებიდან მაღალ ფორმებზე გადასვლაზე, ვცადეთ გვეჩვენებინა ლენინური სოციალ-დემოკრატიის ხელმძღვანელობით მებრძოლი მუშათა რაზმის რევოლუციური თვითშეგნებისა და ინიციატივის ამალგება, ღვაწადათეთ ჭიათურელ მუშათა როლი საქართველოს მუშათა მოძრაობაში (რაც განსაკუთრებით თვალსაჩინო იყო დასავლეთ საქართველოში 1905 წლიდან 1913 წლამდე ჩათვლით); 3) მარგანეცის მრეწველობის განვითარების სტადიების დადგენა-დახასიათება. ამ მიზნით ვიკვლევდით მრეწველობის სხვადასხვა ფორმის თანაფარდობაში მომხდარ ცვლილებებს, თვალს ვადევნებდით მატერიალურ-ტექნიკური ბაზის გაუმჯობესებას, საგანგებო დაკვირვებას ვაწარმოებდით სამრეწველო გადატრიალების მიმდინარეობაზე; 4) ჭიათურის მარგანეცის ექსპორტისა და მადნის მომხმარებელი ქვეყნების დახასიათება. აქვეა განსაზღვრული ჭიათურის ხვედრი მადნის მსოფლიო მოპოვებაში, მსოფლიო ექსპორტსა და მოხმარებაში. დახასიათებულია მარგანეცის ფასების მერყეობა მადნის საერთაშორისო ბაზრებზე.

ნაშრომში ვრცლადაა განხილული ცარიზმის კოლონიური (პროტექციონისტული) სატარიფო პოლიტიკა, ასევე მარგანეცის მრეწველთა ყრილობის მთელი საქმიანობა, გაშუქებულია ის მსოფლიო მასშტაბის მეტოქეობა, რომელიც I მსოფლიო ომის წლებში გაიშალა ჭიათურაში სალიკვიდაციო გერმანული ფირმების საწარმოთა ხელში ჩასაგდებად.

ნაშრომის ქრონოლოგიური ფარგლების განსაზღვრისას 1914 წელზე შეჩერება იმით იყო ნაკარნახევი, რომ საქართველოს კაპიტალისტური მრეწველობის ამ (მსოფლიო ბაზართან ორგანულად დაკავშირე-

ბული) დარგის კანონზომიერი განვითარება სწორედ ამ დროს შეწყდა მსოფლიო ომის დაწყების შედეგად.

დღემდე არ გავაჩნია ისეთი სრულფასოვანი განმაზოგადებელი გამოკვლევა, სადაც ჭეროვანი სიღრმით იქნებოდა გაშუქებული საქართველოს კაპიტალისტური მრეწველობის გენეზისი და განვითარება; ამ პრობლემის გადაწყვეტა, როგორც აღვნიშნეთ, შეუძლებელი ზდება მრეწველობის წამყვანი სფეროების მონოგრაფიულად შესწავლის გარეშე.

მსგავსი ვითარებაა საქართველოში მუშათა კლასის ისტორიის შესწავლაში: მართალია, ამ აქტუალურ პრობლემას უკვე მრავალი ნაშრომი მიეძღვნა, მაგრამ ავტორთა უმეტესობა მუშათა მოძრაობას იკვლევს პროლეტარიატის კლასად ჩამოყალიბების პროცესთან კავშირის გარეშე, კიდევ მეტი, ქვეყნის სამრეწველო განვითარების პროცესის საფუძვლიანი შესწავლის გარეშე. ამგვარი გამოკვლევები (როგორც კონკრეტული საკითხების შემსწავლელი, ისე განმაზოგადებელი ხასიათისა) ერთმანეთს გავს ე. წ. შესავალი „ისტორიული ფონით“, ანუ, უფრო ზუსტად, განმათავისუფლებელი მოძრაობის პროლეტარული ეტაპის თანადროული საქართველოს სამრეწველო ცხოვრების ზოგადი დახასიათებით. საკვლევი პრობლემისადმი ამგვარმა მიდგომამ ჩვენს ისტორიოგრაფიაში წარმოშვა სადღეისოდაც გავრცელებული თვალსაზრისი, რომელიც, ერთი მხრივ, უსაბუთოდ ცდილობს შთაგვაგონოს, რომ რევოლუციამდელ საქართველოში მრეწველობა „ძლიერ სუსტად იყო განვითარებული“, ხოლო, მეორე მხრივ, მართებულად აღიარებს, რომ აქ მუშათა მოძრაობა ხასიათდებოდა უმაგალითო გაქანებით. უდავოა, საქართველოს მუშათა კლასი ჩამოყალიბდა და გაიზარდა, როგორც მთელი რუსეთის მუშათა კლასის შემადგენელი და განუყოფელი ნაწილი, მისი ერთ-ერთი მებრძოლი რაზმი; საქართველოს მუშათა კლასის რევოლუციური ბრძოლა არ შეიძლება განხილულ იქნეს ბოლშევიკური პარტიის ხელმძღვანელობით გაშლილი მუშათა საერთო-სარუსეთო რევოლუციური მოძრაობისაგან მოწყვეტით, მასთან მჭიდრო კავშირის გარეშე. ჩვენში მუშათა მოძრაობის გაძლიერებაზე დიდი გავლენა იქონია რუსეთის მუშათა კლასის ბრძოლამ. მაგრამ, ამ გავლენის აღიარებასთან ერთად, ჭეროვნად უნდა შეფასდეს საქართველოში მუშათა მოძრაობის მძლავრი გაქანების განმსაზღვრელი შინაგანი ფაქტორები — ჩვენი ქვეყნის სოციალურ-ეკონომიური ცხოვრების. განსაკუთრებული პირობები, რომელშიც უნდა ვიგულისხმოთ, არა მარტო კოლონიური ჩაგვრის არსებობა და მისი შედეგები, არამედ ქვეყნის სამრეწველო-ეკონომიური განვითარების გარკვეული დონის არსებობა, რადგან მუშათა კლასი

საზოგადოდ, ქვეყნის საწარმოო ძალთა განვითარების შედეგი და საგნობრივი განსახიერებაა. მუშათა მოძრაობას საქართველოში, ისე როგორც მთელ რუსეთში, გააჩნდა თავისი შინაგანი ლოგიკა, თავისი ისტორიული წინამძღვრები, რომელთა შორის აღსანიშნავია ქვეყნის სამრეწველო განვითარების გარკვეული დონე. მარტოდენ ამ გარემოების გათვალისწინებაც კი იმას ადასტურებს, რომ საქართველოში მუშათა კლასის რევოლუციური ბრძოლის მძლავრი გაქანება ვერა-ვითარ შემთხვევაში ვერ ჩაითვლება ქვეყნის მრეწველობის „ძლიერი სისუსტის“ მაჩვენებლად, და, გნებავთ, შედეგად. საქართველოს მუშათა კლასის ისტორიის გაშუქებაში დაშვებული შეუსაბამობა გამოიწვია პრობლემისადმი ცალმხრივმა მიდგომამ, კერძოდ, იმან, რომ ჩვენში მუშათა მოძრაობის განსაკუთრებული სიძლიერის განმაპირობებელ ფაქტორებს შორის ჯეროვანი ყურადღება ექცეოდა მხოლოდ ქვეყნის კოლონიურ მდგომარეობას, ასევე რუსეთის მუშათა კლასის გმირული ბრძოლის გამარჯვოლუციონერებელ გავლენას, ხოლო ჩვენი ქვეყნის საწარმოო ძალთა განვითარების შედეგად შექმნილი კონკრეტული სოციალურ-ეკონომიური ვითარება, რომელმაც წარმოშვა მუშათა კლასი და მის რევოლუციურ ბრძოლასაც მწვავე ხასიათი მისცა, რამდენადმე გაუთვალისწინებელ-შეუფასებელი რჩებოდა. მუშათა კლასის ისტორიის შესწავლაში ჩვენს ისტორიოგრაფიაში მრავალი სხვა ნაკლიც შეინიშნება; მათ შორის პირველ რიგში აღსანიშნავია საქართველოს მრეწველობის ცალკეულ დარგებში და ცალკეულ სამრეწველო რაიონებში მუშათა კლასის ჩამოყალიბების პროცესის შეუსწავლელობა, რის გამოც ძნელდება ჩვენი სახელოვანი მუშათა კლასის მეცნიერული ისტორიის შემუშავება. წინამდებარე ნაშრომის დაწერისას ვცდილობდით რელიეფურად დაგვესურათებინა მუშათა კლასის ჩამოყალიბება ჭიათურის სამრეწველო რაიონში.

ნაშრომში გაბათილებულია რევოლუციამდელი ისტორიოგრაფიისაგან მემკვიდრეობით მიღებული და თანამედროვე სპეციალურ სამეცნიერო ლიტერატურაში გავრცელებული მცდარი თვალსაზრისი, რომლის თანახმად ჭიათურის მარგანეცის მრეწველობა რევოლუციამდელი საქართველოს მრეწველობის ჩამორჩენილ დარგს წარმოადგენდა და 1921 წლამდე ატარებდა „წვრილი სასაქონლო და კუსტარული წარმოების ხასიათს“.

• • •

საკვლევი პრობლემის შესწავლისას ვხელმძღვანელობდით ისტორიული პროცესის ლენინური კონცეფციით. პირველ რიგში ვემყარებოდით ვ.ი. ლენინის ნაშრომს „კაპიტალიზმის განვითარება რუსეთში“,

სადაც საგანგებოდაა აღნიშნული კავკასიის სამთო მრეწველობის „გასაოცარი ზრდა რეფორმის შემდგომ პერიოდში“¹⁸. ნაშრომში ფართოდაა გამოყენებული ვ. ი. ლენინის გამოკვლევა „იმპერიალიზმი, როგორც კაპიტალიზმის უმაღლესი სტადია“.

ჭიათურის მარგანეცის მრეწველობამ, როგორც ცნობილია, ჩასახვიდანვე მიიპყრო თანამედროვეთა ყურადღება. მის წარსულს, აწმყოსა და მომავალს რევოლუციამდელ და მეტადრე საბჭოთა ხანაში მრავალი პუბლიცისტური, ისტორიული და ეკონომიური ხასიათის წერილი და გამოკვლევა მიეძღვნა.

ჭიათურის მარგანეცის მრეწველობას თავიდანვე მზრუნველობით მოეციდნენ თერგდალეულთა პლეადის სახელოვანი წარმომადგენლები: აკაკი წერეთელი, ილია ჭავჭავაძე, ნიკო ნიკოლაძე, სერგეი მესხი, გიორგი წერეთელი. მათ მდიდარი ლიტერატურული მემკვიდრეობა დაგვიტოვეს დასახელებული დარგის ისტორიისათვის. მარგანეცის მრეწველობის ფუძემდებლის, ა. წერეთლის უამრავ სტატიებსა და ნარკვევებში დახასიათებულია წარმოების ჩასახვა და მისი პირველი ნაბიჯები, სამრეწველო ბურჟუაზიის საქმიანობა და მუშათა მდგომარეობა. ავტორის სიმპათიები მშრომელთა მხარეზეა, მუშათა კლასის მისიის შეფასებაში ის მარქსისტულ გაგებას უახლოვდება¹⁹.

დიდი ილია კარგა ხანს იღვწოდა ჭიათურის სამრეწველო რაიონში რკინიგზის შესაყვანად. ის მკაცრად აკრიტიკებდა მარგანეცის მრეწველთა მოქმედებას, მოითხოვდა მშრომელთა მდგომარეობის გაუმჯობესებას²⁰.

ს. მესხი ერთ-ერთი პირველთაგანი გამოვიდა მარგანეცის მადნის საბადოების უცხოელთა ხელში გადასვლის წინააღმდეგ²¹.

მარგანეცის მრეწველობაზე ზრუნვას განსაკუთრებით ბევრი დრო და ენერჯია შეაღია ნ. ნიკოლაძემ. მის კალამს ეკუთვნის მრავალი წერილი და რამდენიმე ბროშურა, სადაც ავტორი მისთვის ჩვეული სიმახვილითა და მგზნებარებით აღწერს მრეწველობის მდგომარეობას, დაუნდობლად აკრიტიკებს მთავრობის კოლონიურ პოლიტიკას,

¹⁸ ვ. ი. ლენინი, თხზ., ტ. 3, გვ. 581.

¹⁹ იხ. ა. წერეთლის წერილები: „დროება“, 1880, 8 იანვარი, № 5; „დროება“, 1886, № 113; „ივერია“, 1889, № 224, 257, 299; „კვალი“, 1893, № 34, 46; „კვალი“, 1902, № 50; „ივერია“, 1902, № 229 და სხვ. იხ. აგრეთვე ა. კოკლავაშვილი, ა. წერეთელი და ჭიათურის მარგანეცი, თბ., 1958; ა. იოვანის პუბლიკაცია, ა. წერეთელი, დოკუმენტები („საისტორიო მოამბე“, 1953, № 7).

²⁰ იხ. ი. ჭავჭავაძე, თხზ., ტ. IV, 1955, გვ. 10, ასევე, მისი წერილი გაზ. „ივერია“, 1886, 16 ოქტომბერი, № 223.

²¹ იხ. „დროება“, 1879, 30 ნოემბერი, № 248.

ასევე მარგანეცის მრეწველებს და ესარჩლება სამრეწველო რაიონის მშრომელებს²². ნ. ნიკოლაძემ, გ. წერეთელთან ერთად, ხანგრძლივი ბრძოლა აწარმოვა ჭიათურის რკინიგზის გასაყვანად.

ჭიათურის მარგანეცის მრეწველობას მრავალი წერილით გამოეხმაურა გ. წერეთელი²³. მათ შორის განსაკუთრებით საყურადღებოა ნარკვევი „შავი ქვის წარმოება დასავლეთ საქართველოში“, სადაც ავტორმა, ერთ-ერთმა პირველთაგანმა, მოგვცა მარგანეცის მრეწველთა გენეზისის ცდა, ასევე ჭიათურაში ადგილობრივი და უცხოური კაპიტალის მეტოქეობის დაწყების დახასიათება.

თერგდალეულთა პლეადას კარგად ესმოდა ჩვენი ქვეყნის სამრეწველო წინსვლის და, კერძოდ, მარგანეცის მრეწველობის ეროვნულ ნიადაგზე აღორძინების მნიშვნელობა. გამოჩენილმა მოღვაწეებმა ვერ მოგვცეს მრეწველობის მოცემულ დარგში დამკვიდრებულ სოციალურ ურთიერთობათა ბოლომდე სწორი შეფასება. სამაგიეროდ, მათ არსებითად სწორად დაახასიათეს ამ დარგის განვითარების პროგრესული მნიშვნელობა ქვეყნის სამეურნეო-ეკონომიური წინსვლისათვის. ამასთანავე ისინი გვევლინებიან კაპიტალიზმის კრიტიკოსებად.

გასული საუკუნის ბოლოსა და მიმდინარე საუკუნის დამდეგს ჭიათურაში შექმნილ ვითარებას აღწერდა მარგანეცის მრეწველთა ყრილობის „წვრილ მრეწველთა ოპოზიციის“ ხელმძღვანელი სიმონ ქვარიანი. მან ზუსტად გადმოსცა მრეწველთა გაერთიანება „შავი ქვის“ დაარსების ისტორია. ცენზურის მიერ აკრძალულ ბროშურაში „შავი ქვის მწარმოებელთა გაკირვებანი“ (1900 წ.) ს. ქვარიანმა გაბედულად გააკრიტიკა მრეწველობის მოუწესრიგებლობა, დაახასიათა მუცათა მძიმე მდგომარეობა²⁴.

მარგანეცის მრეწველობასთან მჭიდროდა დაკავშირებული ყოფილი ხალხოსნის გ. შაიაშვილის (ზდანოვიჩი) ხანგრძლივი მოღვაწეობა. მრეწველთა ყრილობის უცვლელმა ხელმძღვანელმა 1896 — 1917 წლებში მთავრობის ორგანოებს წარუდგინა რამდენიმე ასეული მოხსენება, შუამდგომლობა თუ განცხადება, სადაც აღწერილია მრეწველობის ვითარება. ისინი დღემდე გამოუქვეყნებელია და არქივებში ინახება. ამ საბუთებში მოტანილი დიდძალი მასალა და ფაქტები ხშირად არაზუსტია. ამას იწვევდა მთავრობის მხარდაჭერის მოპოვებისათვის მზრუნველი მოღვაწის მცდელობა, რამდენადაც შეიძლებოდა შთამბეჭდავად დაეხატა მარგანეცის მრეწველობის მდგომარეობა.

²² იხ. მისი ბროშურები: *Кавказское марганцевое самоуправление*, СПб., 1910; *К истории грузинской марганцепромышленности...* Тиф., 1925.

²³ იხ. „ივერია“, 1889, 12 იანვარი, № 8; „კვანლი“, 1900, № 40.

²⁴ იხ. „საისტორიო მოამბე“, 1956, № 9, გვ. 200—201.

მარგანეცის მრეწველობასთან კავშირი ჰქონდათ და მას წერილები მიუძღვნეს ცნობილმა კრიტიკოსმა კიტა (ივანე) აბაშიძემ, მწერალმა ნ. დადიანმა, ივ. აბაშიძემ. ჭიათურის მრეწველობას, ასევე სხვა ქვეყნების მარგანეცის მრეწველობას, წერილები და წიგნი მიუძღვნა სამთო ინჟინერმა გ. დეკანოზიშვილმა²⁵. ავტორს დიდძალი ფაქტობრივი მასალა მოაქვს მარგანეცის მსოფლიო მრეწველობისა და მდნის მსოფლიო მოხმარების დასახასიათებლად.

ჭიათურის მარგანეცის მრეწველობის მდგომარეობას გასული საუკუნის 80-იანი წლებიდან ხშირად ადგილზევე სწავლობდა გ. ლასხიშვილი, რომელმაც მრავალი ნარკვევი გამოაქვეყნა ჟურნალ „მოამბესა“ და გაზ. „ივერიაში“²⁶. ავტორმა მიმოიხილა მრეწველობის განვითარების პირველი პერიოდი.

1912 წელს გამოიცა ნ. წუწუნავას წიგნაკი „შავი ქვა“, სადაც მოკლედაა გადმოცემული მრეწველობის ისტორია, დახასიათებულია მუშათა შრომისა და ყოფა-ცხოვრების პირობები.

მენშევიკების ბატონობის პერიოდში საქართველოს მარგანეცის მრეწველობამ შემდგომი დაქვეითება განიცადა. მაგრამ, პერიოდულ პრესაში მრეწველობის ამ დარგის წარსულზე, მის მსოფლიო მნიშვნელობაზე მსჯელობა გრძელდებოდა, საფიქრებელია, ამ სიმდიდრით დასაველეთის კაპიტალისტური ქვეყნების დაინტერესების მიზნითაც. ამ კონტექსტში საყურადღებოა ცნობილი მრეწველისა და ბურჟუაზიული მოღვაწის სოლომონ წერეთლის ვრცელი ნარკვევი „მარგანეცის მრეწველობა და მისი განვითარების ისტორია საქართველოში“²⁷. აქ ზოგად ხაზგდებია მიმოხილული მრეწველობის ისტორია მისი ჩასახვიდან 1918 წლამდე. საყურადღებოა ავტორის დაკვირვება მრეწველობის მატერიალურ-ტექნიკური ბაზის გაუმჯობესებაზე, ასევე მრეწველთა ყრილობის საქმიანობაზე. მაგრამ, მრეწველთა ყრილობის ერთ-ერთი ხელმძღვანელი, ამ ორგანიზაციის საქმიანობის აპოლოგეტიცაა.

ს. წერეთელმა საკითხის ისტორიოგრაფიაში პირველმა წარმოადგინა ჭიათურის მარგანეცის მრეწველობის თავისებური პერიოდიზაცია მისი შეხედულებით, მრეწველობამ რევოლუციამდელ ხანაში გაიარა ორი პერიოდი. პირველი მოიცავს 1879 — 1896 წლებს („პრიმიტიულ-რაინდული ხანა“), მეორე კი 1896—1919 წლებს („კუსტა-

²⁵ იხ. მისი წიგნი: *Очерк марганцевой промышленности Бразилии и остр. Кубы, Кутанси*, 1905; ასევე წერილები: „ივერია“, 1893, № 256, 260, „ივერია“, 1898, № 16.

²⁶ იხ. „მოამბე“, 1900, № 8, განყ. II; „ივერია“, 1886, 7 თებერვალი, № 30, 1887, 28 ოქტომბერი, № 225.

²⁷ იხ. გაზ. „საქართველო“, 1920, № 14, № 18, № 20, № 31.

რული ხანა“). ეს პერიოდიზაცია, ისევე როგორც მოტანილი მასალის ავტორისეული ინტერპრეტაცია, მიუღებელია.

მარქსისტთაგან ქიათურის მრეწველობას განსაკუთრებული ყურადღებით ეყიღებოდა ფილიპე მახარაძე. გამოჩენილმა რევოლუციონერმა სამრეწველო რაიონის მუშათა მდგომარეობის დახასიათებას მიუძღვნა მრავალი წერილი და ამ საკითხს ის შემდეგშიც რამდენჯერმე დაუბრუნდა²⁸. ფ. მახარაძე მკაფიოდ აღწერდა სამთო, მადნის გადამზიდველ და მტვირთავ მუშათა შრომისა და ყოფა-ცხოვრების მძიმე პირობებს, სამარცხვინო ბოძზე აკრავდა მრეწველებს, მრეწველთა ყრილობასა და მის საბჭოს²⁹. საგულისხმოა მისი დაკვირვება მარგანეცის მრეწველობის განვითარების პროცესზე. ამასთანავე, ძნელია დავეთანხმოთ ავტორს, როცა დაასკვნის: „აგერ 22 წელიწადია, რაც ეს მრეწველობა არსებობს, მაგრამ ამ ხნის განმავლობაში მას ფერი არ უცვლია“³⁰.

მარგანეცის მრეწველობაში ჩაბმულ ბურჟუაზიულ მოღვაწეთა და კერძოდ, მრეწველთა ყრილობის საქმიანობის დახასიათებლად განსაკუთრებული მნიშვნელობა აქვს გამოჩენილ მარქსისტ ალექსანდრე წულუკიძის სტატიას „ჩემი შთაბეჭდილებანი...“³¹.

ასეთია, ზოგად ხაზებში, საკითხის რევოლუციამდელი ისტორიოგრაფია.

ქიათურის მარგანეცის მრეწველობას ნარკვევი მიუძღვნა ა. პ. სოლოვიოვმა. ავტორი მოკლედ ახასიათებს მრეწველობას. ის გადაჯარბებულ შეფასებას აძლევს მენშევიკური მთავრობის ღონისძიებას მრეწველთა ერთ საზოგადოებაში გასაერთიანებლად³².

1925 წელს გამოქვეყნდა ფ. ბუბლენიკოვისა და ნ. ლესინგის გამოკვლევა „Марганцевая промышленность СССР“. აქ მიმოხილულია ქიათურის მრეწველობის მდგომარეობა 1905 — 1921 წლებში, დახასიათებულია საბჭოთა ხელისუფლების მიერ ქიათურის მრეწველობის ნაციონალიზაციის თავისებურება³³.

²⁸ იხ. ფ. Е. Махарадзе, История возникновения и развития рабочего движения в Грузии, М., 1932; მისივე, Грузия в девятнадцатом столетии, Тб., 1933.

²⁹ „კვალი“, 1902, № 50, გვ. 799—800; იგივე სტატია იხ. ფ. მახარაძე, თხზ., ტ. II, ტფ., 1925, გვ. 5—6.

³⁰ ფ. მახარაძე, თხზ., ტ. II, გვ. 54.

³¹ იხ. „კვალი“, 1903, № 5; ა. წულუკიძე, თხზულებანი, თბ., 1943, გვ. 80—83.

³² იხ. А. П. Соловьев, Марганцевая промышленность Грузии, Тиф., 1921, გვ. 38.

³³ ფ. Бублеников, Н. Лессинг, Марганцевая промышленность СССР, изд. центр. упр. печати ВСНХ СССР, М. —Л., 1925, გვ. 8, 29.

1926 წელს გამოიცა ქს. კვანტრეს ნარკვევი, სადაც მოკლედ აღწერილი ქიათურის სამრეწველო რაიონის მუშათა მდგომარეობა და შათი ბრძოლის ზოგიერთი ეპიზოდი³⁴.

აღსანიშნავია ვ. ტუხოლკას ნაშრომი „Железные и марганцевые руды“, სადაც ყურადღება გამახვილებულია ქიათურის მრეწველობაში გერმანული ფირმების საქმიანობაზე³⁵.

საკითხის ისტორიოგრაფიაში რამდენადმე მივიწყებულია, თუმცა „თავისებურ“ სარგებლობაშია დ. წერეთლის ვრცელი წიგნი „შავი ქვა“, გამოცემული 1930 წელს. მართალია, ნაშრომში ზოგიერთი საკითხი ბურჟუაზიული ობიექტივიზმის პოზიციიდანაა გაშუქებული, მაგრამ ამასთანავე საინტერესოა ავტორის სოციოლოგიური მიდგომა მრეწველობის ისტორიისადმი.

ვ. ადამჩუკის ნაშრომში „Марганец СССР в мировой марганцевой промышленности“ გადმოცემულია ქიათურის მრეწველობის მოკლე ისტორია (1900 წლიდან სოციალისტურ რევოლუციამდე), დახასიათებულია საერთაშორისო ბაზრებზე მარგანცის მადნის ფასების მერყეობა, ასევე პირველი მსოფლიომამდელი ქიათურის მრეწველობის „სინდიკატიზაციის“ ცდების წარუმატებლობის მიზეზები³⁶.

ოცდაათიანი წლების დამდეგს ა. მ. გორკის ინიციატივით ჩვენს ქვეყანაში წამოიწყო და თანდათან გაიშალა ფართო მოძრაობა ფაბრიკა-ქარხნების ისტორიის შესამუშავებლად. დიდი მწერალი თავის მოწოდებაში მოითხოვდა ყველაზე ტიპიურ საწარმოთა ისტორიის საფუძვლიან შესწავლას. საარქივო და სხვა წყაროების ვრცლად გამოყენებით უნდა გაშუქებულიყო საწარმოთა ისტორია, მუშათა კლასის ჩამოყალიბება, მისი შრომისა და ყოფის პირობები, პარტიული წრეების აღმოცენება, პოლიტიკური მოძრაობა და რეაქციული პარტიების მოქმედება, მუშათა შეტაკება პოლიციასთან და კაზაკებთან, საწარმოს ქაეშირი სოფელთან და მუშათა გაელენა გლეხობაზე, ნაჩვენები უნდა ყოფილიყო „фигуры бывших хозяев“ და სხვ.³⁷ ა. მ. გორკის ამ მოწოდებამ და სამრეწველო საწარმოთა ისტორიის შესაქმნელად

³⁴ იხ. ქს. კვანტრე, საქართველოს სამთამადნო მუშათა მოძრაობის ისტორია, თბ., 1926.

³⁵ В. А. Тухолка. Железные и марганцевые руды (Богатства СССР, под общ. ред. А. Ф. Арского, М.-Л.; 1927, გვ. 66).

³⁶ В. А. Адамчук, Марганец СССР в мировой марганцевой промышленности, М.-Л., 1932, გვ. 14.

³⁷ А. М. Горький, История фабрик и заводов («Правда», 1931, 7 IX, № 247).

ჩვენი პარტიის მიერ გატარებულმა ღონისძიებებმა თავისი გამოძახილი პოვა საქართველოშიც. საქ. კპ(ბ) ც. კ.-თან არსებული სტალინის ისტორიულ-პარტიულ სამეცნიერო-კვლევით ინსტიტუტში 1933 წელს უკვე მუშაობდა საქართველოს ფაბრიკებისა და ქარხნების ისტორიის შემსწავლელი კომისია გამოჩენილი მეცნიერის სიმონ ხუნდაძის ხელმძღვანელობით. ინსტიტუტის გეგმით 1933 წელს გამო-საცემად გათვალისწინებული იყო ამიერკავკასიის მთავარი სახელოს-ნოებისა და დეპოს ისტორია — 16 თაბახის მოცულობით; ჭიათურის მარგანეცის მრეწველობისა და მუშათა მოძრაობის ისტორია — 24 თაბახი; თბილისის ტრამვაი — 15 თაბახი³⁸. ინსტიტუტის დირექციამ 1933 წლის 15 მარტს განიხილა საკითხი „ჭიათურის მრეწველობის ისტორიის შესახებ“. მიღებულ იქნა დადგენილება: „ჭიათურის მრეწველობის ისტორია გამოიცეს 2 ტომად, 45 თაბახის მოცულობით“, მაგრამ, სამწუხაროდ, ამგვარი ნაშრომი არ გამოცემულა.

შემდეგში, ქართველ საბჭოთა მეკლევართაგან პ. გუგუშვილმა ერთ-ერთმა პირველთაგანმა შეისწავლა მონოგრაფიულად ჩვენში და ამიერ-კავკასიაში კაპიტალიზმის წარმოშობა და განვითარება. მისი ვრცელი ნაშრომი „კაპიტალიზმის წარმოშობა და განვითარება საქართველოსა და ამიერკავკასიაში“, გამოცემული 1941 წელს, მრავალფეროვანი წყაროების, მათ შორის სტატისტიკური კრებულებისა და პერიოდული პრესის მონაცემების საფუძვლიანი შესწავლის შედეგია. აქ გარკვეული ადგილი უკავია ჭიათურის მარგანეცის მრეწველობის სოციალურ-ეკონომიურ ისტორიას, წარმოდგენილია მისი ჩასახვა-განვითარების საერთო სურათი, საინტერესო მონაცემებია მოტანილი მრეწველთა ყრილობის საქმიანობის დასახასიათებლად. განსაკუთრებით საყურად-ღებოა ავტორის დაკვირვება წარმოების გამსხვილებასა და კონცენ-ტრაციაზე.

1953 წელს გამოიცა ა. რობაქიძის გამოკვლევა: „Некоторые стороны быта рабочих Чхатарской марганцевой промышленности“. ავტორი საარქივო წყაროების, ეთნოგრაფიული მასალისა და რევოლუციამდელი პერიოდული პრესის მონაცემების მოშველიებით ახასიათებს მრეწველობას, აკაკი წერეთლის საქმიანობას მრეწველო-ბის დასაფუძნებლად. ნაშრომი გვიჩვენებს სამთო მუშათა კონტინგენ-ტის შევსებას.

³⁸ ამ ცნობაზე მივივითთა და სათანადო საარქივო საბუთის ლეგენდაც გად-მოგვეცა მეკლევარმა მკვებელმა ნათელაქემ, რისთვისაც მას მადლობას ვოვასხენებთ. საბ. იხ. სკკპ ცეკასთან არსებული მარქსიზმ-ლენინიზმის ინსტიტუტის საქართვე-ლოს ფილიალის არქივი, ფონდი 8, ანაწ. I, საქმე 10, ფურცელი 4—7.

მკვლევარს დიდ დახმარებას უწევს ა. კიკვიძის ორტომიანი ნაშრომი („საქართველოს ისტორია. XIX საუკუნე“, 1954; „საქართველოს ისტორია. XIX—XX სს.“, 1959), ასევე ავტორთა კოლექტივის (პ. რატიანი, ა. კიკვიძე, ი. კაჭარავა, ა. სურგულაძე) მიერ 1962 წელს გამოცემული „საქართველოს ისტორია, ტომი II“.

ყურადღებას იმსახურებს მკვლევარ ა. გავაშელის ნაშრომები, მათ შორის წიგნი „ჭიათურის მარგანეცის მრეწველობის ისტორიიდან“ (1957 წ.). ავტორს საინტერესო ცნობები მოაქვს წარმოების მატერიალურ-ტექნიკური ბაზის დასახასიათებლად. მისი აზრით, ჭიათურის მრეწველობამ რევოლუციამდელ ხანაში განვლო ერთი ეტაპი. ის წერს: „პირველი ეტაპი ესაა პერიოდი 1879 წლიდან 1922 წლამდე, როცა ჭიათურის მარგანეცის მადნების ექსპლოატაციას ეწეოდნენ ადგილობრივი კერძო პირები, უცხოელი კაპიტალისტები და სააქციო საზოგადოებანი. ამ პერიოდში საბადო მუშავდებოდა ხელით, პრიმიტიული წესით“³⁹.

1958 წელს გამოიცა გ. ბაქრაძის მონოგრაფია „Возникновение и развитие капиталистической промышленности в Грузии в XIX веке“. ავტორმა გამოაქვინა და კვლევა-ძიების სფეროში მოაქცია მრავალფეროვანი, უპირატესად საარქივო წყაროები, ახლებურად მიუდგა პრობლემის ზოგიერთი ასპექტის გაშუქებას. მან საკითხის ისტორიოგრაფიაში პირველმა მიუთითა მანუფაქტურული და ფაბრიკული ხასიათისა და ფორმის ზოგიერთ საწარმოს არსებობაზე ჭიათურაში (გასული საუკუნის მიწურულიდან).

1958 წელსვე გამოქვეყნდა ნ. ტყეშელაშვილის „ნარკვევები საქართველოს მრეწველობის ისტორიიდან (1864 — 1920 წწ.)“, სადაც მარგანეცის მრეწველობაცაა განხილული. ავტორი ერთმანეთისაგან გამოყოფს მრეწველობის განვითარების ორ („მონოპოლიზმამდელი“ და „მონოპოლისტური კაპიტალიზმის“) პერიოდს. საყურადღებოა მისი დაკვირვება მარგანეცის მადნის მომხმარებლის — მსოფლიო მეტალურგიის განვითარებაზე.

1958 წელს გამოიცა ა. კოჭლავაშვილის მონოგრაფია „აქაი წერეთელი და ჭიათურის მარგანეცი“. ავტორი ზოგიერთი ადრე უცნობი წყაროს დეტალური განხილვით, დამაჯერებლად ასაბუთებს ადრე ცნობილ, მაგრამ თავიდანვე სადაოდ გამხდარ, მოსაზრებას ჭიათურის მარგანეცის მადნის საბადოს სამრეწველო ექსპლოატაციის დაწყებაში. აქაი წერეთლის პრიორიტეტის, აგრეთვე ექსპლოატაციის დაწყების დროის შესახებ. ნაშრომში დამტკიცებულია, რომ საბადოთა სამრეწ-

³⁹ ა. გავაშელი, ჭიათურის მარგანეცის მრეწველობის ისტორიიდან, 1957, გვ. 7.

ველო ექსპლოატაცია პირველად 1879 წელს დაიწყო ა. წერეთელმა. აქ გადმოცემულია მრეწველობის დაფუძნებისა და ჭიათურის რკინიგზის შტოს მშენებლობის მოკლე ისტორია და სხვ.

ალსანიშნავია ვ. ჯაოშვილის „ჭიათურა. ეკონომიურ-გეოგრაფიული ნარკვევი“ (1959 წ.). ავტორი ცდილობს დაახასიათოს ჭიათურის, როგორც სამრეწველო რაიონის ცენტრის, ზრდა-განვითარება. მისი აზრით, ჭიათურის მარგანეცის მრეწველობამ 1879 — 1921 წლებში განვლო სამი ეტაპი: პირველი ეტაპი 1879 — 1895 წლებს მოიცავს. მეორე — 1896—1913, ხოლო მესამე — 1914—1921 წლებს⁴⁰. ავტორს მიაჩნია, რომ ამ ეტაპებზე მრეწველობის ფორმაში ცვლილება არ მომხდარა და მადნის მოპოვება და დატვირთვა „კვლავ პრიმიტიული წესით წარმოებდა“⁴¹.

საყურადღებოა სამთო საქმის სპეციალისტის, შკვლევეარ ვლ. ჭანიშვილის ვრცელი ნაშრომი „მანგანუმის მადნის მრეწველობის განვითარება საქართველოში“ (1960 წ.), რომელიც ქრონოლოგიურად მოიცავს ხანას მრეწველობის ჩასახვიდან 1941 წლამდე, ხოლო თემატიკურად მრეწველობის ისტორიას, საბადოს სამთო-გეოლოგიურ და სამთო-ტექნიკურ დახასიათებას და სხვ. წიგნის პირველ ნაწილში განხილულია მრეწველობის პირველი მსოფლიოომამდელი ხანა. გაშუქებულია მარგანეცის მადნის ჭიათურის საბადოს აღმოჩენისა და გეოლოგიური შესწავლის ისტორია, საბადოს სამრეწველო ექსპლოატაციის დაწყება და მისი მიმდინარეობა რკინიგზის ჭიათურის შტოს გაყვანამდე და მის შემდეგ, გადმოცემულია რკინიგზის დასახელებული შტოს მშენებლობის ისტორია. დიდძალი მასალაა მოტანილი მრეწველთა საქმიანობის, მათ გაერთიანებათა დასახასიათებლად. ავტორი უხეხება წარმოების ტექნიკურ აღჭურვილობას, ასევე მუშათა მდგომარეობას. ისტორიული კვლევისა და მასალის დალაგების ავტორისეული მეთოდი, ისევე როგორც მისი ზოგიერთი დებულება, ჩვენი აზრით, არაერთ სერიოზულ შენიშვნას იმსახურებს. ნაშრომში საგრძნობია თემის ირგვლივ არსებული ლიტერატურის ერთგვარი უჯვრულბელოფა. ავტორს რომ ლიტერატურა ჭეროვნად გაეთვალისწინებია, ის არ შეუდგებოდა მარგანეცის საბადოს სამრეწველო ექსპლოატაციის დაწყების ხელახლა დათარიღებას.

ნაშრომის ღირსებაა მარგანეცის „მრეწველობის განვითარების“ პერიოდიზაციის ცდა. ავტორისეული პერიოდიზაცია ასეთია:

⁴⁰ ვ. ჯაოშვილი, ჭიათურა (ეკონომიურ-გეოგრაფიული ნარკვევი), 1959, გვ. 25.

⁴¹ იქვე, გვ. 30.

I — საბადოს აღმოჩენის, მისი წინასწარი გეოლოგიური შესწავლის და ექსპლოატაციის მომზადების პერიოდი (1846—1875 წწ.); II — მრეწველობის ჩასახვა-წარმოშობისა (1876—1879 წწ.); III — მრეწველობის განვითარებისა და განმტკიცებისა (1879—1894 წწ.). IV პერიოდი მსხვილი კაპიტალის შემოქრით ხასიათდება (1894 — 1900 წწ.); V პერიოდი მუშათა რევოლუციური მოძრაობის აღმავლობისა და რეაქციის წლებს მოიცავს (1900 — 1910 წწ.); VI პერიოდი პირველი მსოფლიო იმპერიალისტური ომის წინა წლებს მოიცავს (1910 — 1913 წწ.); VII პერიოდი პირველი მსოფლიო იმპერიალისტური ომის წლებს მოიცავს (1914 — 1917 წწ.); VIII პერიოდი მარგანეცის მრეწველობის დაქვეითებისა და მთლიანად შეწყვეტისა (1917 — 1921 წწ.)⁴² და ა. შ.

შევნიშნავთ, რომ შესავალში მოცემული პერიოდიზაცია (პერიოდების სახელწოდებანი და ქრონოლოგიური ფარგლები) მნიშვნელოვნად შესწორებული და სახეშეცვლილია ნაშრომში⁴³. ამასთანავე, რამდენადმე გაუგებარია, რა პრინციპით ხელმძღვანელობს ვ. ჭანიშვილი, როცა „მრეწველობის განვითარების“ პირველ პერიოდად ასახელებს „საბადოს აღმოჩენის... წინასწარი გეოლოგიური კვლევისა და ექსპლოატაციის მომზადების წლებს“ (1846—1875 წწ.)⁴⁴. ასევე დამაფიქრებელია 1876 — 1879 წლების ჩათვლა „მრეწველობის ჩასახვა-წარმოშობის პერიოდად“⁴⁵. თუ მეორე პერიოდის ავტორისეულ ფორმულირებას გავიზიარებთ, გამოდის, რომ „მრეწველობის განვითარების“ პირველი პერიოდი წინ უსწრებდა საკუთრივ მრეწველობის „ჩასახვა-წარმოშობას“ სასურველი იყო პერიოდიზაციას საფუძვლად დასდებოდა არა სხვადასხვა, ისიც ზედმიწევნით პირობითი ნიშნები, არამედ საერთო პრინციპი, პირველ რიგში მრეწველობის ეკონომიკაში მომხდარი კარდინალური ძვრები, უამისოდ გარკვეული უხერხულობა იქმნება; ასე მაგალითად, მრეწველობის მესამე პერიოდის (1879—1894 წწ.) გამოყოფას, ავტორის განმარტებით, საფუძვლად უდევს მრეწველობის განვითარებისა და განმტკიცების გათვალისწინება, მეოთხეს (1894 — 1901 წწ.) მსხვილი კაპიტალის შემოქრა, მეხუთეს (1900 — 1910 წწ.) მუშათა რევოლუციური აღმავ-

⁴² იხ. ვლ. ჭანიშვილი, დასახ. ნაშრ. გვ. 11—14.

⁴³ შლრ. ერთმანეთს თუნდაც ნაშრომის სარჩევი (გვ. 5—6) და შესავალში მოცემული პერიოდიზაცია.

⁴⁴ ვლ. ჭანიშვილი, დასახ. ნაშრ., გვ. 11.

⁴⁵ იქვე.

ლობისა და რეაქციის წლების დადგომა და სხვ. ისმის კითხვა, თუ მრეწველობის განვითარებაში მომხდარი წინსვლაა პერიოდიზაციის პრინციპი (თაეი III), ეს ხომ მომდევნო ხანაში, ეთქვათ 90-იანი წლების ბოლოს, 1906 წელს, ან, მით უმეტეს, I მსოფლიო ომის წინ, უფრო თვალსაჩინოა?! თუკი პერიოდიზაციის საფუძველი შეიძლება იყოს მსხვილი კაპიტალის შემოჭრა, ესეც ხომ უფრო 1894—1900 წლების მომდევნო ხანას, კერძოდ, 1909 — 1914 წლებს ახასიათებს?! ვ. ჭანიშვილის მიერ გამოყოფილი V პერიოდი (1900—1910 წწ.) მოიცავს პოლიტიკურად ერთმანეთისაგან განსხვავებულ სამ სხვადასხვა პერიოდს: რევოლუციური მოძრაობის აღმავლობის, 1905 — 1907 წლების რევოლუციისა და რეაქციისას. თუ ავტორის მიერ მიღებული პრინციპით ვიხელმძღვანელებთ, 1905 — 1907 წლების რევოლუციის პერიოდი ხომ მაინც ცალკე უნდა გამოგვეყო, ამასთანავე ჭიათურის სამრეწველო რაიონში რევოლუციური მოძრაობის აღმავლობა არ დაწყებულა 1900 და, გნებავთ, 1901 წელს. უხერხულობას აღრმავებს 90-იანი წლების სამრეწველო აღმავლობის, XX საუკუნის დამდგის სამრეწველო კრიზისისა და მისი მომდევნო დეპრესიის, ასევე I მსოფლიოომამდელი სამრეწველო აღმავლობის ერთგვარი შეუფასებლობა, რასაც ვ. ჭანიშვილის მიერ მოცემული პერიოდიზაცია იწვევს, ხოლო. ეს მოვლენები ხომ ყველაზე მკაფიოდ განასხვავებდა ერთმანეთისაგან მრეწველობის განვითარების სხვადასხვა პერიოდს.

1962 წელს გამოიცა ა. კოჭლავაშვილის მეორე მონოგრაფია „საქართველოს სამთამადნომეტალურგიული მრეწველობის განვითარება XIX საუკუნეში“. აქ ახალი მასალის მოტანითაა დახასიათებული მარგანეცის საბადოთა აღმოჩენა⁴⁶, აკაკი წერეთლის დეაწლი მრეწველობის მოცემული დარგის დაფუძნებაში. ავტორის აზრით, „ჭიათურის მანგანუმის სამრეწველო ექსპლოატაციისათვის ცდები ა. წერეთელს. 50-იანი წლების მეორე ნახევარში დაუწყია⁴⁷, მაგრამ ვერ მოუხერხებია“⁴⁸. ა. კოჭლავაშვილი დასახელებულ ნაშრომში კიდევ უფრო დამაჯერებლად ასაბუთებს, რომ „საბადოების დამუშავება აკაკის დაუწყია 1879 წლის დასაწყისში“⁴⁹. მარგანეცის მრეწველობის მდგომარეობა 1879 — 1895 წლებში ფაქტიურად სრულიად შეუსწავლელია და მით უფრო მნიშვნელოვანია ა. კოჭლავაშვილის ცდა გააშუქოს ეს პერიოდი.

ასევე საყურადღებოა ა. ბენდიანიშვილის ვრცელი სტატია „ქარ-

⁴⁶ ა. კოჭლავაშვილი, დასახ. ნაშრ., გვ. 226.

⁴⁷ იქვე, გვ. 237.

⁴⁸ იქვე, გვ. 238.

⁴⁹ იქვე, გვ. 273.

თული ეროვნული ბურჟუაზია და უცხოური კაპიტალი. 1879 — 1921 წლებში ქიათურის სამრეწველო რაიონში⁵⁰.

ქიათურის მარგანეცის მრეწველობის ისტორიას ეხება დ. გოგოლაძისა⁵¹ და ე. ხოშტარიას⁵² ნაშრომები, რომელთა გამოცემის დროისათვის ჩვენი გამოკვლევა უკვე შესრულებული იყო.

დღემდე მრავალი მკვლევარი შეხებია მუშათა მდგომარეობასა და პოლიტიკურ ბრძოლას რევოლუციამდელ ქიათურაში. მუშათა ყოფაცხოვრებისა და ბრძოლის უმნიშვნელოვანესი ეპიზოდები, ზემოხსენებულ ავტორთა გარდა, გააშუქეს მკვლევარმა პროფ. ი. ხუციშვილმა, ზ. გეგეშიძემ, გ. არუთინოვმა და სხვ.⁵³ უახლესი გამოკვლევებიდან აღსანიშნავია აგრეთვე ვ. ჭიქიას ნაშრომი, სადაც ახალი მასალების მოშველიებით და უფრო ვრცლადაა გაშუქებული საქართველოს სამთამადრო მრეწველობის მუშათა მდგომარეობა და საგაფიცვო მოძრაობა 1900 — 1917 წლებში⁵⁴. ასევე საყურადღებოა მ. ჭიჭიშვილის ნაშრომი „მუშათა კლასის ისტორიისათვის საქართველოში (1917—1921 წწ.)“⁵⁵, სადაც გარკვეული ადგილი აქვს დათმობილი ქიათურის სამრეწველო რაიონის პროლეტარიატის მდგომარეობისა და ბრძოლის დახასიათებას.



წინამდებარე შრომა მნიშვნელოვანწილად ემყარება პირველადი წყაროების კრიტიკულ შესწავლას. ბეჭდური წყაროებიდან აღსანიშნავია „შორაპნის მაზრის მარგანეცის მრეწველთა ყრილობის“ გამოცემები: ყრილობის სხდომების სტენოგრაფიული ანგარიშები —

⁵⁰ იხ. „მოამბე“ 1963, № 2, გვ. 92—113.

⁵¹ იხ. დ. გოგოლაძე, სამთამადრო, სამთო-საქარბნო მრეწველობა საქართველოში და კაპიტალიზმის გენეზისის ზოგიერთი საკითხი, XVIII—XIX სს., თბ., 1966, გვ. 104—151.

⁵² И. Г. Антелава, Э. А. Орджоникидзе, Э. В. Хоштария, К вопросу о гнезисе и развитии капитализма в сельском хозяйстве и промышленности Грузии, Тб., 1967, გვ. 111—120.

⁵³ იხ. ი. ხუციშვილი, 1905—1907 წლების რევოლუცია საქართველოში, თბ., 1955; ზ. გეგეშიძე, 1905 წელი ქიათურაში. (პროფ. ი. ხუციშვილისა და სხვ. რედაქციით, თბ., 1955); მისივე, რევოლუციური წარსულის შესანიშნავი რედაქცია (იხ. კრებული: საქართველოს კომპარტიის ისტორიის საკითხები, ტ. 14, თბ., 1966); Г. Арутюнов, 56-дневная стачка Чиатурских рабочих в 1913 году, «Исторические записки», 1956; М., № 58.

⁵⁴ „მატენი“, 1965, № 4.

⁵⁵ წიგნი 1965 წელს გამოიცა.

„შრომები“, ყრილობის საბჭოს „მოსხენებები“, ყრილობის სარევიზიო-კომისიის „მოსხენებები“, ყრილობის საბჭოს წარმომადგენლობითი მოღვაწეობის „ანგარიში“, ყრილობის სტატისტიკური კომიტეტის კრებულები. ზოგიერთ საყურადღებო ცნობას შეიცავს აგრეთვე დემოგრაფიული სტატისტიკა.

ყრილობის გამოცემები და სტატისტიკური კრებულები მრავალი ფაქტის მცდარ აღწერასა და არაზუსტ ცნობებსაც შეიცავენ, მაგალითად: „მარგანეცის საქმის სტატისტიკის“ ცნობით 1879 — 1914 წლებში ჭიათურის აუზში მოპოვებულ იქნა სულ 634 028 000 ფუთი მადანი. ეს მაშინ, როცა ამ პერიოდში გზათა სამინისტროს უწყების ცნობით, რკინიგზით გაზიდულ იქნა 698 580 593 ფუთი. როგორც ვხედავთ, მადნის მოპოვების სტატისტიკურ მაჩვენებელს 64552593 ფუთით აღემატება რკინიგზით გადაზიდული მადნის ოდენობა, რაც მხოლოდ სტატისტიკური მაჩვენებლის მეტისმეტ ნაკლებობაზე მეტყველებს. მადნის მოპოვების მაჩვენებლებისა და რკინიგზის სადგურებზე მიზიდული მადნის ოდენობის მონაცემების ურთიერთშედარებისას, „სტატისტიკური კრებულის“ ავტორები არ მალაუდნენ, რომ „რკინიგზის პლატფორმებზე მიზიდული მარგანეცის რაოდენობის ამსახველი ცნობები გვიჩვენებენ, რომ სინამდვილეში მოპოვებულია გაცილებით მეტი მადანი, ვიდრე ზემოთაა ნაჩვენები“⁵⁶. აქვე აღსანიშნავია, რომ საქართველოს ნავსადგურებში მიზიდული მადნის ექსპორტის ოდენობის მაჩვენებლებიც არასრულია, რადგან „საბაჟო უწყისებში ყველაფერი არაა ნაჩვენები“⁵⁷. სამრეწველო სტატისტიკის მოუწესრიგებლობაზე ჩივილი ხშირად გვხვდება სტატისტიკურ კრებულებშივე, მათი ავტორები შენიშნავენ: «Скудность статистических данных не позволили в достаточной степени осветить все стороны названной отрасли промышленности а некоторые, очень важные вопросы по этой причине даже совершенно не могли быть затронуты»⁵⁸. მარგანეცის მრეწველობის სტატისტიკის მოუწესრიგებლობას ჩივის გ. ლასხიშვილიც, რომელიც ჯერ კიდევ 1887 წელს, ადგილზევე სწავლობდა მრეწველობის ვითარებას. „სამთო მრეწველობას ჩვენში, — წერდა იგი. — ძალიან ბევრი ნაკლოვანებაც აქვს. სხვა ნაკლოვანებათა შორის უმთავრესი სტატისტიკის უქონლობაა“. „სამთო მმართველობა ყოველი წლის დამლევეს მოსთხოვს ხოლმე თვითნებულ მრეწ-

⁵⁶ Статистика марганцевого дела, К., 1902, გვ. 24.

⁵⁷ Статистика марганцевого дела, К., 1909, გვ. 29.

⁵⁸ Статистика марганцевого дела, К., 1902, გვ. 1.

ველს მუშაობის ანგარიშს. მრეწველებიც უგზავნიან, მაგრამ ვაი ამ ანგარიშს. არც ერთი ციფრი არ არის ნამდვილი, სულ შეთხზულია და მასთან უხეიროდაც⁵⁹. მარგანეის საქმის სტატისტიკა სავსებით მოუწესრიგებელი იყო 1893 წლამდე, ანუ ქიათურის მრეწველობაზე 'სამთო ზედამხედველობის დაწესებამდე. ამ დრომდე მეწარმეები არასისტემატურად უდგენდნენ ცნობებს კავკასიის სამთო სამმართველოს. მოცემული სტატისტიკა, ზედამხედველობის დაწესების შემდეგაც, უფრო მოუწესრიგებელი იყო, ვიდრე საზოგადოდ რუსეთის სამთამადნო და საფაბრიკო-საქარხნო სტატისტიკა, რომლის მეტისმეტად არადაამაყოფილებელი მდგომარეობა ესოდენ მკაფიოდაა გამოაშკარავებული ვ. ი. ლენინის ნაშრომში „კაპიტალიზმის განვითარება რუსეთში“⁶⁰. ვ. ი. ლენინი აღნიშნავდა, რომ „კანონის ფრიალ დაწვრილებითი განკარგულებანი მეფაბრიკეების მიერ ცნობების წარმოდგენის შესახებ მხოლოდ კეთილ სურვილად რჩება“, რომ „საფაბრიკო-საქარხნო სტატისტიკას დღემდე შერჩენილი აქვს თავისი ძველი, წმინდა რეფორმამდელი ორგანიზაცია“⁶¹. სამრეწველო სტატისტიკის შემდგენლებიც აღიარებდნენ, რომ „მუშათა რიცხვი და წარმოების თანხა საგრძნობლად შემცირებულია მეფაბრიკეთა ჩვენებებში“⁶². ამ მხრივ ნიშანდობლივია, რომ „მარგანეის საქმის სტატისტიკის“ ცნობით 1913 წელს ქიათურაში მხოლოდ 3477 სამთო მუშაა⁶³, ხოლო 'სხვა კატეგორიის მუშები სულ არაა აღრიცხული, ეს მაშინ, როცა უფრო სანდო წყაროს (ბოქაულის მიერ აღგილზე ჩატარებული აღწერის) ჩვენებით იქ 7001 სამთო მუშაა, ხოლო სამრეწველო რაიონში ყველა კატეგორიის მუშათა საერთო რიცხვი 12000-მდე აღწევს⁶⁴. კიდევ უფრო ნაკლებია დემოგრაფიული სტატისტიკა. ასე მაგალითად, მოსახლეობის 1897 წლის აღწერის ცნობით, ქიათურის სამრეწველო რაიონში მხოლოდ 128 მუშაა⁶⁵, ეს მაშინ, როცა სამრეწველო სტატისტიკის არასრული ცნობით იქ მარტო სამთო მუშათა რიცხვი 1500-ზე მეტია⁶⁶. მარგანე-

⁵⁹ გ. ლასხიშვილი, (განი), შავი ქვის მრეწველობა. „ივერია“. 1887, 28 ოქტომბერი, № 244.

⁶⁰ ვ. ი. ლენინი. თხზ., ტ. 3, გვ. 537—553.

⁶¹ იქვე, გვ. 537—538.

⁶² იქვე, გვ. 539.

⁶³ Статистика марганцевого дела за 1914—1917 годы. К., 1918, табл. № 17.

⁶⁴ იხ. სსსა, ფონ. 415, საქ. 109, ფურც. 6—7.

⁶⁵ იხ. Численность и состав рабочих в России в 1897 году, т. II, СПб, 1906, გვ. 106.

⁶⁶ Статистика марганцевого дела, К., 1907, გვ. 37.

ცის საქმის სტატისტიკა ხასიათდებოდა ბურჟუაზიული სტატისტიკისათვის ნიშანდობლივი აპოლოგეტიკითა და ფალსიფიკაციით. ის ხელოვნურად ან არაზუსტი აღრიცხვით ამცირებდა უმუშევრობის მასშტაბებს, აზვიადებდა ნომინალური და რეალური ხელფასის ღონეს, მკვეთრად ამცირებდა კაპიტალისტების მიერ მიღებული მოგების ოდენობას, ჩქმალავდა კლასობრივი წინააღმდეგობის სიმწვავეს და სხვ. ჭიათურის მარგანეცის მრეწველობის სტატისტიკის მონაცემები საკითხის რევოლუციამდე და საბჭოურ ისტორიოგრაფიაში, სამწუხაროდ, არაკრიტიკულადაა გამოყენებული და გადმონერგილი. ვ. ი. ლენინი, როგორც ცნობილია, მკაცრად აკრიტიკებდა რეფორმის მერმინდელი რუსეთის მრეწველობის ბურჟუაზიულ მკვლევარებს, რომლებიც იჩენდნენ „სტატისტიკისადმი უაღრესად არაკრიტიკულ დამოკიდებულებას“⁶⁷. სტატისტიკური მონაცემებით სარგებლობისას ჩვენ ვხელმძღვანელობთ ვ. ი. ლენინის მითითებით, „რომ უმეტეს შემთხვევაში მისი ცნობებით სარგებლობა განსაკუთრებული დამუშავების ჩაუტარებლად არ შეიძლება და რომ ამ დამუშავების მთავარი მიზანი უნდა იყოს შედარებით გამოსადეგის გამოყოფა აბსოლუტურად უვარგისისაგან“, რომ სტატისტიკური „ცნობები ძალიან ხშირად... სრულიად შემთხვევით ხასიათს ატარებენ და რომ ამიტომ საჭიროა უდიდესი სიფრთხილე ამ ცნობებით სარგებლობის დროს“⁶⁸. სტატისტიკური გაძოვლებისას ჩვენ ყველა შემთხვევაში ვცდილობთ მხოლოდ განვითარების ტენდენციის სწორად ჩვენებას, ხოლო აბსოლუტურ სიზუსტეზე პრეტენზიას არ ვაცხადებთ.

გამოკვლევაში გამოყენებულ მრავალფეროვან საარქივო წყაროებს შორის საგანგებო მნიშვნელობის საბუთებია: მრეწველთა პირადი საქმეები (სსსა), ჭიათურის მარგანეცის მრეწველობის თაობაზე პეტერბურგში მოწყობილი საუწყებათაშორისო თათბირების სტენოგრაფიული ანგარიშები, ჭიათურაში მოქმედი გერმანული ფირმების სალიკვიდაციო სამმართველოს მასალები (ЦГИАЛ), მეწარმეთა, ასევე მათი ყრილობის განცხადება-შუამდგომლობები (სსსა, ЦГИАЛ), მეწარმეთა სიები, ასევე მუშათა რევოლუციური მოძრაობის გაძლიერებასთან დაკავშირებით მთავრობის ორგანოებში წარდგენილი ცნობები (ЦГИАЛ, ЦГИАМ), ქუთაისის გუბერნიის საფაბრიკო და სამთოსაქარხნო საქმეთა საგუბერნიო საკრებულოს სხდომების ოქმები (ХФЦГИАУ), მრეწველობასთან დაკავშირებულ მოღვაწეთა პირადი არქივები (ნ. ნიკოლაძის არქივი — საქ. სსრ საჯარო ბიბლიოთეკის

⁶⁷ ვ. ი. ლენინი, თხზ., ტ. 3., გვ. 542.

⁶⁸ ოქტ. გვ. 551.

ქართველოლოგიის კაბინეტში, ასევე გ. ზდანოვიჩისა — ქუთაისის ისტორიულ-ეთნოგრაფიული მუზეუმის არქივში), რომლებიც ეპისტოლარულ მემკვიდრეობასთან ერთად უამრავ სხვა საბუთსაც შეიცავს.

* * *

ნაშრომში ფართოდ და კრიტიკულადაა გამოყენებული შესასწავლი ხანის სხვადასხვა პოლიტიკური მიმართულების პერიოდული გამოცემების მასალები. ასეთ მასალას შეიცავს: „მოამბე“ და „კრებული აკაკისა“, „დროება“, „ივერია“, „ცნობის ფურცელი“, „კვალი“, „ახალი სხივი“, „ერი“, „ეშმაკის მათრახი“, „ეკალი“, „აზრი“, „ამირანი“, „მერცხალი“, „ცხოვრების სარკე“, „ჩვენი კვალი“, „ნოვოე ობოზრენიე“ და სხვ. ჩვენთვის განსაკუთრებული მნიშვნელობა ჰქონდა „პრავდაში“ ჭიათურის თაობაზე გამოქვეყნებულ კორესპონდენციებს.

თ ა ვ ი

ჭიათურის მარგანეცის საბადოს აღმოჩენა და მისი სამრეწველო ექსპლოატაციის პირველი ეტაპი (1846—1879—1894 წწ.)

§ I. საბადოს აღმოჩენა-გამოკვლევა (1846—1878 წწ.)

მარგანეცის მადნის ჭიათურის საბადო, როგორც ცნობილია, 1846 წელს აღმოაჩინა აკად. აბიხმა. ამის შემდეგ საბადოს გეოლოგიურ შესწავლა-გამოკვლევას ეწეოდა სამთო ინჟინერი, პოლკოვნიკი კომაროვი (1849 და 1851 წწ.) და სამთო ინჟინერი, შტაბს-კაპიტანი კომაროვი (1853 წ.).

1854 წელს „სამთო ჟურნალში“ დაიბეჭდა პირველი ცნობა ჭიათურის საბადოზე, ხოლო 1858 წელს იმავე ჟურნალში გამოქვეყნდა აკად. აბიხის ვრცელი გამოკვლევა მარგანეცის დასახელებული საბადოს შესახებ.

საქართველოში მარგანეცის მადნის საბადოს გეოლოგიური გამოკვლევის შედეგების პოპულარიზაციაში დიდი ღვაწლი მიუძღვის აკაკი წერეთელს. დიდი მგოსანი მარგანეცის მადანს უშუალოდ გასცნობია ჯერ კიდევ გიმნაზიაში სწავლისას, ხოლო შემდეგ ლიტერატურული წყაროებით პეტერბურგში სტუდენტობისას — 1859 — 1862 წლებში¹. მისი ინიციატივითა და უშუალო მონაწილეობით ჭიათურის საბადო 1872 წელს გამოიკვლია გეოლოგმა ს. სიმონოვიჩმა. გამოკვლევის შედეგების ამსახველი ნაშრომი აკაკის, თავის მოსაზრებათა დართვით, რამდენიმე ენაზე უთარგმნია და გაუფრცხვლებია².

¹ იხ. ვრცელი გამოკვლევები: ალ. კოკლაეაშვილი, აკაკი წერეთელი და ჭიათურის მარგანეცი, 1958; ვლ. ჭანიშვილი, მანგანუმის მადნის მრეწველობის განვითარება საქართველოში, თბ., 1960; ალ. კოკლაეაშვილი, საქართველოს სამთამადნო-მეტალურგიული მრეწველობის განვითარება XIX საუკუნეში, 1962.

² იხ. დ. წერეთლის ნაშრომი „შავი ქვა“, ტფ., 1930, გვ. 57. სხვა ცნობით, გამოკვლევა დაიწყო 1873 წელს (იხ. ა. კოკლაეაშვილი, აკაკი წერეთელი და ჭიათურის მარგანეცი, გვ. 38, 47).

შემდეგში, მთავრობის ნებართვით, იმავე, ს. სიმონოვიჩს და სამთო ინჟინრებს ა. სოროკინსა და ლ. ბაცევიჩს, ქუთაისისა და შორაპნის მაზრების გეოლოგიურად შესწავლისას, 1873 წელს კვლავ გამოუკვლევიათ მარგანეცის მადნის ჭიათურის საბადო.

1876 წელს შორაპნის მაზრა გეოლოგიურად შეისწავლა ლ. ბაცევიჩმა და შეადგინა ჭიათურის საბადოს გეოლოგიური რუკა³.

სპეციალურმა, საფუძვლიანმა გამოკვლევამ ცხადყო, რომ ჭიათურის მარგანეცის საბადო მადნის მარაგით, მისი კეთილხარისხოვნებით და მოპოვების ხელსაყრელი პირობებით, აგრეთვე სარკინიგზო და საზღვაო გზებთან სიახლოვეთაც, თითქმის სწორუბოვარი იყო არა მარტო რუსეთის იმპერიაში, არამედ მთელ იმდროინდელ მსოფლიოში. ჭიათურის საბადოს მსოფლიო მნიშვნელობა იმავითვე გაიზარდა უძლიერეს კაპიტალისტურ სახელმწიფოებში მეტალურგიული მრეწველობის განვითარების შედეგად, მარგანეცის თვისებების მეცნიერულად შესწავლა-დადგენამ, მისმა გამოყენებამ სხმული ფოლადის მიღების ბესემერული და მარტენული მეთოდის დანერგვისა და სრულყოფის გზით, როგორც ცნობილია, ხელი შეუწყო მსოფლიო მეტალურგიის განვითარებას ფერომარგანეცის ფართოდ გამოყენების ბაზაზე.

გასული საუკუნის მეორე ნახევარში მსოფლიო მეტალურგიული მრეწველობის განვითარებისდაკვალად მარგანეცზე მოთხოვნილება კოლოსალურად გაიზარდა. მეტალურგიული მრეწველობის განვითარების ერთ-ერთი მთავარი მიმართულება გახდა მარგანეცისა და რკინის შენადნობთა მიღება. ასეთი შენადნობი, რომელიც 8%-დან 35%-მდე მეტალურ მარგანეცს შეიცავდა, სარკულ თუჯს წამოადგენდა, ხოლო შენადნობი 50%-დან 82%-მდე მეტალური მარგანეცის შემცველობით ფერომარგანეცს, რომელმაც გამოყენება პოვა განსაკუთრებული ხარისხების ფოლადის მისაღებად. მარგანეცი, როგორც ცნობილია, ფოლადსა და რკინას ანიჭებს ჭედადობას, სიბლანტეს, სიმკვრივეს, ზრდის მათი დრეკადობის, აგრეთვე გამძლეობის ზღვარს და სხვ.⁴

მაღალხარისხოვანი მარგანეციანი ფოლადის ფართოდ გამოყენება

³ ვლ. ჰანშვილი, მანგანუმის მადნის მრეწველობის განვითარება საქართველოში, 1960, გვ. 95.

⁴ ქვემოთ „მარგანეცის მადანს“, აუცილებელი შემთხვევების გარდა, მოვიხსენიებთ შემოკლებით — „მარგანეცი“.

⁴ В. Л. Тухолка. железные и марганцевые руды (Богатства СССР. Под ред. А. Ф. Арского. М.-Л., 1925, გვ. 64), ф. Бублейников и Н. Лессинг, Марганцевая промышленность СССР, изд. центр. управления печати ВСНХ, М.-Л., 1925, გვ. 12.

სახალხო მეურნეობაში, სახელდობრ მანქანათმშენებლობაში, სამხედრო მრეწველობაში, საკინიგზო და გემთმშენებლობაში, აგრეთვე მრავალ სხვა დარგში იმ დროს დღითი დღე იზრდებოდა და საფუძვლად ედებოდა მრეწველობის შესაფერისი დარგების განვითარებას. მარგანეცი სტრატეგიულ ნედლეულსაც წარმოადგენდა. ამასთანავე ინერგება მარგანეცის გამოყენება ფერადი ლითონების შენადნობთა, მინის, ასევე კრისტალურ წარმოებაში, აგრეთვე ქიმიურ მრეწველობაში, სადაც მარგანეცმა გამოყენება პოვა ქლორის დასამზადებლად, საღებავების მისაღებად, მახრჩობელა გაზების საწარმოებლად და სხვ.

მარგანეცის საერთო მოხმარების 90% იმ დროს მეტალურგიაში ფოლადის წარმოებაში მიდიოდა და მხოლოდ 10% იხარჯებოდა სხვა ნაწარმთა მისაღებად. მრეწველობის წამყვან დარგებში მარგანეცის გამოყენებამ გამოიწვია მასზე მოთხოვნილების უდიდესი ზრდა.

მარგანეცის მადანი, როგორც ცნობილია, მრავალ ქვეყანაში მოიპოვება. მაგრამ, მისი მოპოვება თვალსაჩინო კომერციული დანიშნულებით, იმ დროს მხოლოდ რამდენიმე ქვეყანაში, სახელდობრ, საქართველოში, ინდოეთსა და ბრაზილიაში დაიწყო და განვითარდა.

მარგანეცის საბადოების ღირსება-მნიშვნელობა, სხვა ფაქტორებთან ერთად, განისაზღვრება მადანში მეტალის პროცენტული შემცველობით, ანუ მისი კეთილხარისხოვნებით. მარგანეცის ცნობილ საბადოთა შორის ჭიათურის მარგანეცის საბადო გამოირჩეოდა მადანში მეტალის პროცენტული შემცველობის უმაღლესი მაჩვენებლებით, ასევე მადნის დაუშრეტელი მარაგით, რამაც განაპირობა ჩვენში მარგანეცის მრეწველობის დიდი მომავალი. სპეციალური გამოკვლევით დადგინდა, რომ აქაური მადანი 56% მეტალურ მარგანეცს შეიცავდა⁵.

ჭიათურის აუზში მადნის უმდიდრესი ფენები, იმდროინდელი მი-ახლოებითი გაანგარიშებით, განლაგებულია 125 — 136 კვ. ვერსის ფართობზე⁶, ხოლო მადნის საერთო მარაგი, პროფ. კოცოვსკის გაანგარიშებით 6,6 მილიარდ ფუტს შეადგენდა⁷, ინჟინერ ცეიტლინისა — 14 მილიარდ ფუტს, გეოლოგების — ნიკიტინის და კოლოტოვის, ასევე სოლოვიოვის ვარაუდით კი 15 მილიარდ ფუტს⁸. მარაგის შეუდარებელ სიდიდესთან ერთად, ჭიათურის საბადო გამოირჩევა სამრეწველო ექსპლოატაციის იშვიათი, ხელსაყრელი პირობებით. საბადოები მდინარე ყვირილადან ამალლებულია 300-დან 350 მეტრამდე, საბადოთა აუზში

⁵ ЦГИАЛ, Ф. 1263, оп. 2, д. 4914, л. 517.

⁶ სსსა, ფონ. 12, ანაწ. 1, საქ. 1494, ფურც. 33.

⁷ Статистика марганцевого дела, К., 1902, გვ. 10: К. И. Богданович, марганец в СССР, Пд., 1920, გვ. 12.

⁸ А. П. Соловьев, Марганцевая промышленность Грузии, Тиф., 1922, გვ. 6.

ღრმადაა შექრილი მდინარე ყვირილა და მისი შენაკადი ღელეები, რომლებიც აქ 8 ზეგანს „ნახევარკუნძულების“ სახეს აძლევს. ეს ზეგნები (ყვირილას მარჯვენა სანაპიროზე: რგანი, ზედა რგანი, თაბაგრები, მღვიმევი და დარკვეთი, ხოლო მარცხენაზე: პერევისა, შექრუთი და ითხვისი) სამივე მხარეზე ფერდობითაა გარშემორტყმული და ღიაა. ასევე დიდ სივრცეზეა ღია მარგანეცის ჰორიზონტალურად განლაგებული სქელი ფენები. ეს ფენები 2—5 მეტრის, საშუალოდ კი 3 მეტრის სისქისა და 200 მეტრიდან 2—3 ვერსამდე სიგრძის შავ ზოლად ჰორიზონტალურად გასდევს საბადო ზეგნების — „ნახევარკუნძულების“ — ფერდობებს სამი მხრიდან. ამ, ერთმანეთის პარალელურად განლაგებული, ფენების რიცხვი სხვადასხვა ზეგნის ფერდობებზე ხუთიდან თერთმეტამდე მერყეობდა⁹. მადნის ფენების ღია განლაგება ხელსაყრელ პირობას ქმნიდა მისი სამრეწველო ექსპლოატაციისათვის. მადანი ჭიათურის აუზში მარცვლოვანი, „პლასტის“ (მკვრივი), ან ბელტის (რბილი და ნესტიანი) და სხვ. სახისაა¹⁰. მადნის სირბილე, ასაფეთქებელი მასალის გამოუყენებლად, მისი მოპოვების შესაძლებლობას იძლეოდა. საბადოს ფენების სიმშრალე აადვილებდა სამთო გამონამუშევრების გაყვანას. მადნის ჰორიზონტალური და კომპაქტური განლაგება მოპოვებასთან ერთად მადნის გამოზიდვასაც აიაფებდა. — ყოველივე ეს აადვილებდა და აიაფებდა ჭიათურის აუზის სამრეწველო ექსპლოატაციას ერთდროულად და დიდ სივრცეზე, ისიც უმარტივესი საწარმოო საშუალებით. ჭიათურის საბადო, სადაც კოლოსალური სიმდიდრე ასათვისებლად მოხერხებულად იყო განლაგებული. როგორც ქვემოთ დავინახავთ, მთელ მსოფლიოში გახდა სახელგანთქმული, მით უფრო, რომ იმდროინდელი სპეციალისტების აღიარებით სხვაგან არსად მოიპოვებოდა მარგანეცის მადნის ესოდენ მაღალხარისხოვანი და ექსპლოატაციისათვის ასე ადვილი და ხელსაყრელი საბადო. ჭიათურის საბადოს სამრეწველო ექსპლოატაციის პირობების დახასიათებისას ინჟ. გ. დეკანოზიშვილი გადაუჭარბებლად ამბობდა: „თვითონ ადამიანს რომ მოეწყო ეს მადნები თავისი სურვილისამებრ, მაშინაც არ იქნებოდა სამუშაო ასეთი ადვილი, როგორც ეხლა არის“¹¹. ამიტომ დასახელებული საბადო ექსპლოატაციაში შესვლისთანავე იქნა მიჩნეული მსოფლიოში სწორუბოვრად, ხოლო ჭიათურას ეწოდა „საქართველოს კალიფორნია, სადაც ბუნებას შეუკუმშავს 126 კვადრატულ ვერსზე უმდიდრესი შრეები საჭირო მადნისა“¹².

⁹ В. А. Адамчук, указ. соч., гв. 12.

¹⁰ დ. წერეთელი, დასახ. ნაშრ., გვ. 46.

¹¹ ციტ. დ. წერეთლის ნაშრომიდან „შავი ქვა“, გვ. 517.

¹² „კვალი“, 1900, № 39, გვ. 620.

ყოველივე ამის გამო ჭიათურის საბადოთი თავიდანვე დაინტერესდნენ თითქმის ყველა უძლიერესი კაპიტალისტური სახელმწიფოები და ეს დაინტერესებულობა დროთა მსვლელობაში არა თუ ცხრებოდა, არამედ ძლიერდებოდა.

§ 2. ჭიათურის საბადოს სამრეწველო ექსპლოატაციის პირველი ეტაპი (1879 — 1894 წწ.)

ა) პირველი მრეწველები. საბადოთა იჯარით გაცემა. ადგილობრივი და უცხოური კაპიტალის მეტოქეობის შედეგები

ჭიათურის მარგანეცის საბადოს სამრეწველო ექსპლოატაციის ფუძემდებელი აკაკი წერეთელი¹. ამასთან დაკავშირებით მგოსნის ერთი თანამედროვე 1893 წელს წერდა: „იყო დრო, როცა სიზმრადაც არავის ახსოვდა შავი ქვა. იყო დრო, როცა მხოლოდ ყორედ ავლებდნენ მას... რასაც გუშინ ყრიდნენ ღრეებში, მას დღეს დაეძებენ გამწარებული, ხვრეტენ კლდეებს, გლეჯენ მიწას, იღვრებიან ოფლში, ეზიდებიან მილიონ ფუთობით ევროპა-რუსეთში და ივსებენ ჯიბეს შავი ქვის ნაცვლად ყვითელი ოქროთი. აქ დღეს გაუყვანიათ გზები, აუშენებიათ სახლები, დაუდგავთ მადნის გორები და დაცქრიალობს პაწია მატარებელი, რომელიც მიეზიდება ყოველ წლობით ოცსა და ოცდაათ მილიონ ფუტს მარგანეცს“. ამ მნიშვნელოვან წამოწყებაში პრიორიტეტი ეკუთვნის აკაკი წერეთელს. „პოეტის ზენაარმა ოცნებამ იოცა შავი ქვის ბზინვარება, მას წარმოუდგა იგი სასარგებლო მადნებად, წარმოუდგა ნათლად მომავალი სიმდიდრე და ბედნიერება; დასდო დროებით ჩონგური მგოსანმა... წავიდა, აჩვენა მადნის ნიმუშები რუსებს და ევროპელთ, მოიწვია მცოდნე პირები და ამ მეცადინეობას მოჰყვა შედეგად ხელოვნური გვირაბები, მუდმივი მუშაობა, გორად დადგმული მადნები და მილიონები, მას მოჰყვა შედეგად რკინიგზები და ევროპაში ცნობილი ჭიათურა“². მართლაც, თვალსაჩინოა აკაკი წერეთლის დამსახურება ჭიათურის მარგანეცის მადნის მრეწველობის დაფუძნებაში. იგი „ათეული წლების განმავლობაში იღვწოდა“, რაც მაშინ ბევრს „ახირებული“, „სახუმრო“ და „სასაცილო“ საქმედ ეჩვენებოდა. 1879 წელს აკაკი წერეთელმა (ა. კაპანაძესთან ერთად) პირველმა წა-

¹ იხ. ა. კოკლავაშვილი, აკაკი წერეთელი და ჭიათურის მარგანეცი, გვ. 189.

² „კრებული აკაკისა“, 1893, № 10, განყოფილება I, გვ. 74 — 75.

მოიწყო ქიათურის საბადოს სამრეწველო ექსპლოატაცია³, რასაც იგი შეუდგა არა პირადი ინტერესებისათვის, არამედ „საზოგადო საქ-

³ აკად. გ. ზაქაპურიძემ თავის ნაშრომში „1905—1907 წლების რევოლუცია საქართველოში“ (1955, გვ. 7), გაუგებრობის ნიადაგზე, უზუსტობა დაუშვა, როცა წერდა, რომ თითქოსდა „1858 წელს ფოთში ააგეს დიდი ნავსადგური და დაიწყო მარგანეისი გაზიდვა...“, რომ „70-იან წლებში რკინიგზის გაყვანასთან დაკავშირებით მარგანეისი გაზიდვა გაიზარდა“. მკვლევარმა ვლ. კანიშვილმა თავის ერთელ გამოკვლევაში („მარგანეისი მადნის მრეწველობის განვითარება საქართველოში“, 1960, გვ. 125) გამოთქვა მოსაზრება, უფრო ზუსტად, ვარაუდი, რომლის თანახმად აქაი წერეთელმა „მარგანეისი მადნის დამუშავება დაიწყო 1876 ან 1877 წელს“. ეს ვარაუდი მხოლოდ ერთ, თითქოსდა ანგარიშგასაწევ, თუმცა მინც უდავოდ სათუო საბუთზეა დამყარებული. ეს საბუთი გახლავთ მთავრობის მიერ 1877—1878 წლებში ყვირილის გზის შესაკეთებლად თანხის გამოყოფა. ამ წლებში, როგორც ვლ. კანიშვილი მიუთითებს, მართლაც მიძინარეობდა დასახლებული გზის შეკეთება, კიდეც მეტი, ისეთი შედარებით უფრო სანდო წყარო, როგორიცაა «Сборник сведений о Кутаисской губернии» (вып. второй, 1885, გვ. 16—17). გეაუწყებს, რომ შორაპნის მაზრის უფროსს, მთავრობამ ჯერ კიდევ 1876 წელს დაავალა შორაპანსა და ქიათურას შორის გზის გაფართოება, ხოლო 1877—1878 წლებში ხაზინამ საამისოდ 7 856 მანეთი და 399 ფუთი ფეთქებადი მასალაც გამოყო. მაგრამ დასახლებული წყარო სავსებით გარკვევით მიუთითებს იმაზე, რომ შორაპნიდან ქიათურამდე გზის გაფართოებას მარგანეისი საბადოთა სამრეწველო ექსპლოატაციის დაწყებამდე შეუდგნენ, ხოლო 1879 წელს საბადოთა ექსპლოატაცია დაიწყო, რის შემდეგაც 1880 წელს, შორაპნი-ქიათურის გზის მშენებლობის გაგრძელება დაევალი ინჟ. პოლკოვნიკ ლენჩევსკის, კომერციულ საფუძველზე (იქვე, გვ. 17, 3.). მთავრობა, მხარის უკეთ ათვისების მიზნით, გზებისა და ხიდების გასაკეთებლად თუ გასაუმჯობესებლად გარკვეულ ხარჯებს იღებდა საქართველოშიც. ამიტომ შორაპნის მაზრის ცენტრიდან ქიათურამდე გზის გაფართოების 1876 წელს წამოწყება არ შეიძლება ჩაითვალოს ქიათურის აუზში საბადოთა ექსპლოატაციის დაწყების მაჩვენებელ საბუთად. ამავე დროს მსგავსი ვარაუდი მით უფრო ძნელი გასაზიარებელია, რომ მრავალრიცხოვანი წყაროები, ასევე სპეციალური სამეცნიერო ლიტერატურა არ შეიცავს მის დამადასტურებელ, რამდენადმე ხელშეასახებ ცნობებს, ხოლო საწინააღმდეგოს — მრავალ. წყაროები ქიათურის საბადოს სამრეწველო ექსპლოატაციის დაწყებას თითქმის ერთხმად ათარღლებენ 1879 წლით. წარმოუდგენელია ასეთი დიდმნიშვნელოვანი საქმის წამოწყების და მასში პოპულარული მწერლისა და მოღვაწის, ა. წერეთლის, მონაწილეობის ფაქტის დათარიღებაში რამდენიმე წლით შემეცდარიყო, მაგალითად, გაზეთი „დროება“, რომელიც დასახლებულ საბადოს დამუშავების დაწყებას 1879 წლით ათარიღებს (იხ. „დროება“ 1879 წ. № 248, 252) ასევე მხარის სამთო მრეწველობის საერთო განმგებელი — კავკასიის სამთო სამმართველო, რომელიც ხაზინის ფისკალური ინტერესებით ხელმძღვანელობდა და შედარებით უმნიშვნელო სამთო საწარმოებასაც, ვთქვათ, „ქვის სატყეხსაც“, დროულად აღრიცხავდა. ეს ორგანოც თავის მოხსენებაში ქიათურის საბადოს დამუშავების დაწყებას 1829 წლით ათარიღებს (იხ. Отчет о деятельности управления горной частью на Кавказе и за Кавказом, Тиф., 1887, გვ. 163). მართალია, გიორგი წერეთელი წერდა, რომ „ეს მდინეული პირველად გავიდა კავკასიიდან საზღვარგარეთ 1878 წელს“ (იხ. „ივე-

მისათვის“, „როგორც საერთო საქმეს... ჩვენი ქვეყნის გამობრუნებისათვის“⁴. ამასთან დაკავშირებით დიდი მგოსანი შემდეგში წერდა: „პირადი ანგარიში მე არ მქონდა, ოღონდ კი ის იმედები, რომლითაც მე ვხელმძღვანელობდი, განხორციელებულიყო და მზად ვიყავი, მთელი ჩემი სიცოცხლე სიღარიბეში გამეტარებინა, გინდ ხელგაშვერილი დღიური ლუკმის მოსაპოვებლად“.

ჭიათურაში: სამრეწველო საქმიანობის წამოწყებას აკაკიმ ბევრი დრო და ენერჯია მოახმარა, მნიშვნელოვანი ხარჯებიც გასწია. მან საქმე იმით დაიწყო, რომ რუს, ნაფიც მსაჯულ-ოსტრიაკოვთან დადო პირობა, რომლის ძალით უკანასკნელისათვის მას უნდა ჩაეხარებინა 2 მილიონი ფუთი მადანი. შემდეგ აკაკიმ იჯარით (500 თუმნად) აიღო სალომე წერეთლის (ანდრონიკაშვილის ქვრივის) მამულები. აკაკიმ 1879 წელს დაიწყო მადნის შოპოვება და ამაში ჩააბა ადგილობრივი გლეხები. იმავე წლის მეორე ნახევარში ჭიათურაში ჩამოვიდა კონტრაგენტი ოსტრიაკოვი, რომელსაც ყაზახთა რაზმთან ერთად თან ახლდა ცნობილი საქმოსანი ფურმანი. ადგილობრივი მცხოვრებნი მალე დარწმუნდნენ, რომ საბადოს მყიდველი გაუჩნდებოდა. მათ ს. წერეთელს დავა დაუწყეს იმ მიწების თაობაზე, რომელიც უკანასკნელმა იჯარით გადასცა აკაკის — ამ მიწების მფლობელად თავისი თავი გამოაცხადეს. ადგილობრივმა მესაკუთრეებმა გზები შეკრეს და აკაკის უარი უთხრეს შოპოვებული მადნის გასაზიდად გზის მიცემაზე. სალომე წერეთელმა უპირობა გამოიჩინა და აკაკის განუცხადა: „რადგანაც თქვენ მეოთხე იჯარის ვადა გაუშვით და დანიშნულ ღღეს ხვედრი ფული არ შემოიტანეთ, მეც ავიღე და მადნები ივანე მუხრანბატონს გადავეცი, რადგანაც ის მეტს მაძლევს“.

საქმე ჩაიშალა. ჭიათურის საბადოს საექსპლოატაციოდ აკაკის მიერ გაღებული ხარჯი — 10.000 თუმანზე მეტი, — საცხებით აუნაზღაურებელი დარჩა, მით უფრო, რომ მის მიერ იჯარით აღებულ საბადოში უკვე მოპოვებული მადანიც სხვამ ვაასალა. ამის გამო აკაკი 1893 წელს

რია“ 1899, № 8), მაგრამ, უნდა ვიფიქროთ, რომ არა კომერციული დანიშნულებით, არამედ ლაბორატორიულად შესასწავლ-შესამოწმებლად. ჭიათურის მარგანეცის მრეწველობის ერთ-ერთი პირველი მკვლევარი გ. ლასხიშვილი (განი) წერდა: „შორაპანში საბადოების ექსპლოატაციას და მადნის დასაველეთ ევროპაში გაგზავნას შეუდგნენ მხოლოდ 1879 წელს“ (იხ. „ივერია“, 1886, № 30). ამრიგად, ოფიციალური წყაროები, ჭიათურის მრეწველობასთან დაკავშირებული სამთო სპეციალისტები, მკვლევარები, ასევე მრეწველობის მოცემული დარგის ჩასახვა-განვითარების საქმეში კარგად გათვითცნობიერებული მოღვაწენი გვიდასტურებენ, რომ ჭიათურის საბადოს სამრეწველო ექსპლოატაცია 1879 წელს დაიწყო.

⁴ იხ. ა. იოვანის პუბლიკაცია, აკაკი წერეთელი, დოკუმენტები, „საისტორიო მოამბე“, 1953, № 7, გვ. 420.

წერდა: „დამრჩა ხელში მხოლოდ სულები და პროცესები, რომელსაც, რასაკვირველია, მე სიამოვნებითა და ხალისით ვერ მივეტანებოდი“⁵. „ცამეტი წელიწადი, — განაგრძობს მგოსანი, — საცინლად მიგდებდნენ, ხელს მიშლიდნენ, არ სჯეროდათ ჩემი... და, როდესაც ყველაფერი გამართლდა, მაშინ კი თითქოს არაფერი ამბავიაო, გადააფუჩქეხს“⁶. აღმოჩნდნენ ისეთებიც, აკაკის უმართებულოდ რომ კიცხავდნენ. მათ ის შოაგონებდა თავის ღვაწლს: „მე უტებს ტყეში შევედი, ახო ავიღე. დავხანი, დავთესე, მოვმკე, გავლექე, გავანიავე და როდესაც გამოცხვა, სხვებმა... ხელიდან გამომგლიჯეს, მაგრამ თვითონ კი ლამაზად შეექცნენ და მზამზარეულზე ლხინი გაჰმართეს“⁷. მართლაც, ჭიათურისაკენ მალე დაიძრნენ ადგილობრივი, რუსი და უცხოელი საქმოსნები და ფირმები, რომლებიც შეძლებისდაგვარად თავიდანვე ენერგიულად გულმოდგინეობდნენ ჭიათურის მარგანეცის მრეწველობაში დასამკვიდრებლად. ამის გამო გაზეთი „დროება“ 1879 წელს წერდა: „უნდა იცოდეთ, თუ რა ცხო ჩაუდგა შავმა ქვამ სტუმრებსაც და მასპინძლებსაც და რანაირი თრთოლვით ააძიგძიგა „მადნის ცხელებამ“ ყველა მრუდი და მართალი, პატრონი და საპატრონე. რომ შეხედოთ არის გადაბმული ცხენი ცხენზე, ფაიტონი ფაიტონზე. ინჟინრები, იჯარადრები, ვაჭრები და ჩარჩები, მოხუცი და ახალგაზრდა მიეშურებიან შავი ქვისაკენ ბრწყინვალე იმედებით აღფრთოვანებულები“⁸. ქართველებიდან, აკაკის შემდეგ, ჭიათურის მარგანეცის მრეწველობაში ერთ-ერთი პირველთაგანი ჩაება ცნობილი მსხვილი მემამულე — რაციონალიზატორი ივანე მუხრანბატონი, რომელსაც შეუყავშირდა რიშარის სავაჭრო სახლი თბილისში⁹. მან ფართო მასშტაბით წამოიწყო საექსპლოატაციო სამუშაოები, მოპოვებული მადნის რკინიგზის მაგისტრალამდე გადასაზიდად «Выписал 200 конных аров и осетин из Терской области»¹⁰

მარგანეცის მადნის საბადოთა იჯარით აღებასა და სამრეწველო ექსპლოატაციას იმთავითვე შეუდგნენ თავადაზნაურობისა და გლეხობის წრიდან გამოსული ქართველი, აგრეთვე სხვა ეროვნების ადგილობრივი საქმოსნები, მათ შორის ცნობილი ვაჭრები, სახელდობრ.

⁵ იხ. აკაკი წერეთელი, შავი ქვის ამბავი, „ივერია“, 1893, 8 დეკემბერი, № 265; „კვალი“, 1902, № 49, გვ. 793.

⁶ ა. წერეთელი, შავი ქვის ამბავი, „ივერია“, 1893, 9 დეკემბერი, № 266.

⁷ იქვე.

⁸ „დროება“, 1879, № 252.

⁹ ЦГИАЛ, ф. 1263, оп. 2, д. 4814, 1891—1892 гг. л. 518; Сборник сведений о Кутанской губернии. Выпуск второй, К., 1885 г., გვ. 9.

¹⁰ Сборник сведения о Кутанской губернии. Выпуск второй, 1885 г., გვ. 20.

მე-2 გილდის ვაჭრები: ყვირილელი გედევან ჩუბინიძე, ფოთელი პავლე მოსეშვილი, ოზურგეთელი (მერმე ქუთაისელი) იორდანე სიხარულიძე, წვეელი ყარამან გაჩეჩილაძე, საჩხერელი დავით გაფრინდაშვილი, თბილისელები — გ. კუზანოვი, ა. ალავერდოვი, ე. ტერსიმონოვი, ი. ათაბეგოვი, ქუთაისელები ძმები იაკობ და ზაქარია ოგანეზოვები, ახალციხელები — გ. აზნაუროვი და ო. ათაბეგოვი, ფოთელი ფ. ავგერინო, გუბელი ლევან მოსეშვილი¹¹ და სხვ.

თავად - აზნაურთა წრიდან მარგანეცის მრეწველობაში (ივ. მუხრანბატონის გარდა) თავიდანვე ჩაებნენ: დ. აბაშიძე, ი. წერეთელი, ნ. დადიანი, ა. მიქელაძე, ე. ერისთავი, ნ. ჩოლოყაშვილი, ე. წერეთელი, ი. აბდუშელიშვილი, კ. აბდუშელიშვილი, თ. ჭაფარიძე, ზ. ბარათაშვილი, ვ. წერეთელი, ნ. წერეთელი, ი. გამყრელიძე, ე. რატიანი, გ. ჭაფარიძე¹² და სხვ.

მარგანეცის მრეწველები გახდნენ აგრეთვე სასულიერო წოდების ზოგიერთი წარმომადგენლებიც, კერძოდ, მღვიმევის მონასტერი, რომელსაც ეკუთვნოდა 25 დესეტინა ფართობის მადნიანი ნაკვეთები მღვიმეში¹³, 7 დესეტინა ზედა რგანში და სხვაგან¹⁴. მონასტრის სამრეწველო საქმიანობას წარმართავდნენ წინამძღვარი მონაზონი ელენე ქუმბურაძე, კაცხის მონასტრის ილუმენი ნიკიფორე და დეკანოზი იოანე აბაშიძე. მრეწველები გახდნენ აგრეთვე ე. გაფრინდაშვილი, პერევისელი გერონტი¹⁵ და სხვ. მარგანეცის მრეწველობის გარიჟრაჟზე მეწარმეთა საერთო რიცხვის თითქმის 50% გლეხთა წრიდან იყო გამოსული. მათ შორის უმრავლესობა საბადო ნაკვეთების მფლობელებია, უმცირესობა კი მოიჭარადრენი. მარგანეცის მრეწველები გახდნენ სხვადასხვა კატეგორიის (მესაკუთრე, სახელმწიფო, აგრეთვე დროებითვალდებული) გლეხები: შუქრუთელი ო. ჩაჩანიძე, ქუთაისის მაზრის სოფ. გუბის მცხოვრები ე. მოსეშვილი, მღვიმეველი მ. ლულუნიშვილი, შუქრუთელი ი. გაფრინდაშვილი, რგანელი ს. ვაშაძე, წყალტუბოელი ლ. ჭიქია, მარტვილელი ყ. კვესელავა, ა. ხომაშურიძე

¹¹ Сборник сведений о Кутаисской губернии. Выпуск второй, 1885, гв. 6-9; „ივერია“, 1886, 7 თებერვალი, № 30; „ივერია“ 1889, 12 იანვარი, № 8; დ. წერეთელი, შავი ქვა, 1930, გვ. 64; სსსა, ფონ. 264, საქმეები: 967, 1093, 1276, 969, 1292, 1034, 943, 1258, 1260, 1261, 1099, 1234, 1165, 1166, 1231, 1236, 1262, 1225, 1241.

¹² სსსა, ფონ. 264, საქ. 1230, 1232, 1228, 1269, 1347, 1353, 1350, 1238, 1230, 1235, 1247, 1274, 1284, 1369.

¹³ ЦГИАЛ, Ф. 1290, оп. 6. Д. 48, л. 74.

¹⁴ სსსა, ფონ. 264, საქ. 1224, ფურც. 4. მღვიმის მონასტრის სულ გააჩნდა 820 ჰექტა (იხ. Отчет о деятельности Совета съезда марганецпромышленников за 1905 и 1906 гг., К., 1907, გვ. 210).

¹⁵ სსსა, ფონ. 264, საქ. 1654, 1367.

(რვივე ხაჟომია), სამტრედიელი ს. ჯანელიძე, ქუთაისელი ი. პატარიძე, დარკვეთელები კ. ბ. და პ. კაციტაძეები, შუქრუთელები ი. ბ. და მ. ჩაჩანიძეები, სარქველთუბნელი დ. და ი. სამყურაშვილები, ჭიათურელი მ. და ვ. ვაშაძეები, რგანელი გ. ი. და ა. ხვედელიძეები, ს. კუპატაძე. ჯ. ლერთოდანი, ჟ. და მ. ჩაჩანიძეები, ი. დ. და ვ. ვაშაძეები და სხვ.¹⁶.

ქართველი ინტელიგენციის წრეებიდან გამოსულ მრეწველთაგან ყველაზე ცნობილი მეწარმენი გახდნენ ნიკო ლოღობერიძე, პეტრე წულუკიძე, ს. წერეთელი, აგრეთვე ნ. დადიანი, გ. ჩიკვაიძე, ე. ჯაფარიძე. ტექნიკური ინტელიგენციიდან და მთავრობის მოხელეებიდან — თაღარიგის ინჟ. გენერალ-მაიორი ალოფ ფალკენგანგენი, ინჟ. ბორჯილი, ე. ნიჟარაძე, ი. მატევევი და სხვ.¹⁷.

ჭიათურაში სამრეწველო საქმიანობის წამოწყება თავიდანვე სცადეს აგრეთვე რუსეთიდან ჩამოსულმა კაპიტალისტებმაც. 1879 წლის ზაფხულში აქ არიან რუსი ვაჭრები და მეწარმენი: ლიპპარტი, კლიუგე, სკარიაგინები, ღურასოვეები, ივანტიევეები და სხვ.¹⁸. ამ დროს, როცა მსოფლიო მეტალურგიის განვითარება ფერომარგანეცის გამოყენების ბაზაზე მიმდინარეობდა, ხოლო საერთოდ, მსოფლიოში არსებული მარგანეცის ისედაც არც თუ მრავალი მდიდარი საბადოების დიდი ნაწილი მიუკვლეველი იყო, ჭიათურას მიაშურეს დასავლეთის მძლავრ კაპიტალისტურ სახელმწიფოთა სავაჭრო-სამრეწველო ფირმებმა და კაპიტალისტებმა, რომლებიც 1879 წლის დამლევიდან შეუდგნენ ჭიათურის აუზში საბადო ადგილების შეძენას თუ იჭარით აღეზას და მათ სამრეწველო ათვისებას.

თანამედროვე ქართულ საბჭოურ ისტორიოგრაფიაში გამოთქმულია დაუსაბუთებელი მოსაზრება, რომ თითქოსდა უცხოელებმა, აგრეთვე პეტერბურგის სავაჭრო სახლმა „ვახტერმა და კომპანიამ“ შედარებით გვიან, 1880 წლიდან, შეძლეს ჭიათურაში საქმიანობის ფაქტიურად წამოწყება. სიმანდვილეში, როგორც აღვნიშნეთ, აკაკი წერეთლის პრიორიტეტი ჭიათურის საბადოს სამრეწველო ექსპლოატაციის წამოწყებაში უეჭველია, ასევე უდავოა ივ. მუხრანბატონის მიერ 1879 წელს სამრეწველო საქმიანობის წამოწყება ჭიათურაში; არსებობს სხვა წყაროებიც. რომლებიც ჭიათურის საბადოს ექსპლოატაციის წამომწყებად თვლიან ვაჭრებს პ. მოსეშვილს, გ. ჩუბინიძეს და ი. სიხარულძეს. ასე მაგალი-

¹⁶ სსსა, ფონ. 264, საქმეები 1268, 1163, 1352, 1272, 1273, 1289, 1639, 1360—1361, 1362.

¹⁷ Сборник сведений о Кутаисской губернии, выпуск 1, К, 1882. გვ. 11—12, 19.

¹⁸ იხ. ალ. კოკლაეშვილი, საქართველოს სამთამადნო-მეტალურგიული მრეწველობის განვითარება XIX საუკუნეში, გვ. 275.

თად, რუსეთის მიწათმოქმედებისა და სახელმწიფო ქონებათა მინისტრს ერმოლოვს, რომელიც 1894 წელს სპეციალურად ეწვია ჰიათურას, დაბეჭითებით მოახსენებდა ჰიათურის მრეწველობის ამბებში თავიდანვე კარგად ინფორმირებული ინჟინერი სიმონოვიჩი, რომ ჰიათურის საბადოს დამუშავების დამწყებია „Три духанщика, которые и должны считаться основателями марганцевой промышленности“¹⁹. ამასთანავე, საარქივო წყაროებისა და იმჟამინდელი ოფიციალური გამოცემების ერთი წყება პირდაპირ ეწინააღმდეგება ზოგიერთი თანამედროვე მკვლევარის მტკიცებას უცხოელთა მიერ ჰიათურაში სამრეწველო საქმიანობის გვიან დაწყებაზე და იმას გვიდასტურებს, რომ საბადოთა შესაძენად და საექსპლოატაციოდ 1879 წლის შემოდგომაზე ჩამოვიდა: იმდროინდელი მსოფლიოში ცნობილი გერმანული ფირმის — კრუპის მეტალურგიული ქარხნის (ესსენი) პეტერბურგელი წარმომადგენელი გალბაუერი, სააქციო საზოგადოება „Gute Hoffnung“-ის (ვესტფალია) რკინის საბადოების დირექტორი ე. მაიერი და რუსეთისათვის ფერომარგანეცის მთავარი მიმწოდებლის — პეტერბურგის სავაჭრო სახლის — „კ. ვახტერისა და კომპანიის“ წარმომადგენელი ბარონი ო. ფონ მერცენფელდი, რომელსაც თან ახლდა სამთო ინჟინერი იოსსა²⁰. აქვე შევნიშნოთ, რომ ბარონი ო. ფონ მერცენფელდი ჰიათურაში საქმიანობის წამოწყებას თავდაპირველად ცდილობდა თავის რწმუნებულის ფურმანის მეშვეობითა²¹. მერცენფელდმა იმთავითვე შეიძინა და იჯარითაც აიღო რამდენიმე ქვევა მადნიანი მიწები, „გამოიწერა“ ინსტრუმენტები და მუშები, დაიწყო შტოლნების გაყვანა. ამ დროიდან, სახელდობრ 1879 წლის ნოემბრიდან დაიწყო მან ჰიათურის საბადოთა ექსპლოატაცია²². ამას მოწმობს ო. ფონ მერცენფელდსა და სვირელ თავად დავით ქაიხოსროს ძე აბაშიძეს შორის 1880 წლის 19 იანვარს დადებული საიჯარო ხელშეკრულება, რომლის მე-6 მუხლი გვაუწყებს, რომ მერცენფელდს ამ ხელშეკრულების დადებამდე საკუთრივ, აგრეთვე თავისი რწმუნებულის მეშვეობით აულია საბადო ნაკვეთები ვაშაძეებისაგან (რგან-

¹⁹ ЦГИАЛ, 37, оп. 66, д. 2305, 1895 г., л. 33.

²⁰ იხ. Сборник сведений о Кутаисской губернии. К., 1885, გვ. 6; სსსა. ფონ. 264, საქ. 1307, ფურც. 52—60, საქ. 970, ფურც. 3; ЦГИАЛ, ф. 1263, оп. 2, д. 4914, л. 517—518; ф. 1276, оп. 19, д. 87, л. 26. ф. 565 оп. 7, д. 26907, л. 9.

²¹ იხ. გ. ლასხივილი (განი), შავი ქვის წარმოება, „ივერია“, 1886, 7 თებერვალი, № 30; Аргутинский-Долгоруков, История сооружения, Тиф., 1896, გვ. 589.

²² Сборник сведений о Кутаисской губернии, К. 1885, გვ. 6.

ში)²⁸. უეჭველია, რომ მერცენაფელმა ჰიათურის აუზში საწარმოო საქმიანობას ხელი მიჰყო 1879 წლის დამლევადან.

მომდევნო წლის მიწურულს ჰიათურაში მუშაობას შეუდგა ფრანგული ფირმა „Terre neuve“²⁴, რომლის აგენტი იყო ფრანგი საქმოსანი პავლე პუჟე. მან იჯარით აიღო 5 ჰექტარი საბადო ნაკვეთები (რგანში) და სამრეწველო საქმიანობა გაშალა²⁵ უცხოეთიდან მოწვეული გამოცდილი მალაროელი მუშების მეშვეობით²⁶. 1881 წელს ფრანგმა ინჟინერმა ედმუნდ პიომ (ქ. მარსელი) ასევე იჯარით აიღო 20 ჰექტარის (18 დესეტინა) საერთო ფართობის საბადოები რგანში და წამოიწყო მათი სამრეწველო ექსპლოატაცია²⁷, ხოლო 1882 წელს ფრანგი სოლელიაკიც შეუდგა იჯარით აღებული ნაკვეთების (2 დესეტინა) სამრეწველო ათვისებას²⁸.

1883—1884 წლებში სამრეწველო საქმიანობას ხელი მიჰყო ფრანგმა ანტონ კომპანიონმა, რომელმაც საამისოდ იჯარით აიღო 2,5 დესეტინა ფართობის საბადო ნაკვეთები. 1884—1885 წლებში ჰიათურის აუზში 4 დესეტინა საბადო ადგილები იჯარით აიღო და მეწარმეობა დაიწყო იტალიის ქვეშევრდომმა გასტონ ბოლდეტმა.

მოიჯარადრე მრეწველი გახდა საბერძნეთის ქვეშევრდომი გ. ვაკულოპულა²⁹. ჰიათურაში სამრეწველო საქმიანობის წამოსაწყებად მოვიდნენ აგრეთვე კონსტანტინეპოლელი ვაჭრები ტომბაკო და ტირანდა-ფელიდი³⁰.

ამრიგად, ვხედავთ, რომ ჰიათურას მოაწყდნენ სხვადასხვა ქვეყნი-სა და ეროვნების, სხვადასხვა სოციალური წარმოშობის (ადგილობრივი და მოსული) საქმოსნები. ჰიათურის აუზში ქართველ მეწარმეთა მეტოქედ რომ 1879 წელსვე გამოჩნდნენ რუსი და უცხოელი საქმოსნები, ეს აშკარაა; ამასთან დაკავშირებით ნ. დადიანი 1879 წელსვე გამოქვეყნებულ წერილში „ქვაგუნდის გაწამაწია“ იუწყება: ჰიათუ-

²³ იხ. სსსა, ფონ. 264, საქ. 970, ფურც. 3.

²⁴ ი. გ. ლასხივილი, დასახ. სტატია, „ივერია“, 1886, 7 თებერვალი, № 30; გ. წერეთელი, შავი ქვის წარმოება დასავლეთ საქართველოში, „ივერია“, 1889, 12 იანვარი, № 8; ზოგიერთი წყაროს მოწმობით ეს ფირმა იტალიურადაა მიჩნეული, რაც სწორი არ არის, იხ. სსსა, ფონ. 264, საქ. 1049, ფურც. 1—12; ЦГИАЛ, ფ. 1263, оп. 2, д. 4914, л. 418—519; Сборник сведений от Кутанской губернии. К., 1885, გვ. 10—11.

²⁵ სსსა, ფონ. 264, საქ. 1049, ფურც. 9—10.

²⁶ იხ. „ივერია“ 1886, 17 თებერვალი, № 30.

²⁷ სსსა, ფონ. 264, საქ. 1049, ფურც. 10.

²⁸ ЦГИАЛ, ფ. 1263, оп. 2, д. 4914, л. 518—519.

²⁹ სსსა, ფონ. 264, საქ. 1123, ფურც. 2; საქ. 1164, ფურც. 1, საქ. 1299, 1348.

³⁰ Сборник сведений о Кутанской губернии, К., 1885, გვ. 9.

რის საბადაოს „შემოესიენ ყოველის მხრით... ისე, რომ არც ბარონი აკლია, არც გრაფი, არც ადვოკატი, არც ნოტარიუსი, არც მეწვრილმანე, არც მესხვილმანე ვაჭარი, არც ურია, არც სომეხი, არც მთას გადაღმელი, არც ზღვას გადაღმელი, არც ერთი თემი არაეინ“³¹. ქართველი, სომეხი, ებრაელი, ბერძენი, რუსი და უცხოელი (გერმანელი, ფრანგი, იტალიელი, ბერძენი, თურქი) საქმოსნები (ვაჭრები, მემამულეები, მრეწველები თუ სამრეწველო ფირმები) იმთავითვე ეცნენ საბადაოებს, რომელთა ხელში ჩასაგდებად თავიდანვე სასტიკი მეტოქეობა დაიწყო და გაიშალა³². ქიათურაში ადგილობრივი და უცხოური სამრეწველო კაპიტალის მეტოქეობას მკაფიოდ და არსებითად სწორად ახასიათებს გიორგი წერეთელი ნარკვევში „შავი ქვის წარმოება დასავლეთ საქართველოში“³³. „მე მსურს, — წერს გ. წერეთელი, — მკითხველს თვალწინ დაეუხატო კვალდაკვალ ასეთი სასტიკი ბრძოლა იმერლებსა და უცხოელებს შორის“ ქიათურის მრეწველობაში³⁴. ავტორი გადმოგვცემს, თუ როგორ გულმოდგინებას იჩენდნენ ზემოთ ჩამოთვლილი უცხოური სამრეწველო და სავაჭრო ფირმების წარმომადგენლები (კომისიონერები) ქიათურის საბადაოების ხელში ჩასაგდებად და როგორი ბრძოლა გაიმართა ადგილობრივ და უცხოელ საქმოსნებს შორის ქიათურის სამრეწველო რაიონში პირველობისათვის. ჩანს, რომ ქართველთა შორის, ივანე მუხრანბატონის გარდა, ქიათურის მარგანეცის მრეწველობაში თავდაპირველად საიმედოდ ჩაება მრავალი ადგილობრივი საქმოსანი. აქ განსაკუთრებით ღრმად გაიდგეს ფესვები შემდეგში ცნობილმა მრეწველებმა გედევან ჩუბინიძემ და პავლე მოსეშვილმა. ამ ორი პიროვნების როლი იმდენად თვალსაჩინო იყო, რომ გ. წერეთლის აზრით, მათ იხსნეს ქიათურა უცხოელთა გაბატონებისაგან: „თუ უცხო ქვეყნელებმა, — წერს იგი, — დღემდის შავი ქვის მადნებს ბრჭყალები ვერ ჩაასვეს, ვერც ერთი გოჯი მიწა აქამდე ვერ დაისაკუთრეს სულ ამ ორი კაცის მხნეობის და სიმარჯვის ბრალია“³⁵. ასეთი ფართო განზოგადებით გამოჩენილი მოღვაწე, ჩვენი დაკვირვებით, რამდენადმე გადაჭარბებულ შეფასებას აძლევს დასახელებულ საქმოსანთა როლს, მხედველობიდან უშვებს რა მოცემულ პერიოდში ქიათურაში უცხოური სამრეწველო კაპიტალის დამკვიდრების სხვა

³¹ იხ. „ღროება“, 1879, 5 ქრისტეშობის თვე, № 252.

³² იხ. გ. წერეთელი, შავი ქვის წარმოება დასავლეთ საქართველოში, „ივერია“ 1889, 12 იანვარი, № 8.

³³ გ. წერეთელი, შავი ქვის წარმოება დასავლეთ საქართველოში, იხ. „ივერია“. 1889, 12 იანვარი, № 8.

³⁴ იქვე.

³⁵ იქვე.

ხელშემშლელ სუბიექტურ და მეტადრე ობიექტურ ფაქტორებს, რომელთაც ქვემოთ შევეხებით.

ქართველი საქმოსნები არ შეუშინდნენ „დიდ ფულიანი კაცების, კომისიონერების, რაზმებს“. „შეიქმნა ბრძოლა ქიათურის გარშემო მადნეული ალაგების ყიდვის თაობაზე“. „უცხოელებს, — განაგრძობს გ. წერეთელი, — უნდოდათ ეყიდათ საბადოები და მერმე ეწარმოებინათ ქვის საქმე“. ქართველმა საქმოსნებმა „არ მოინდომეს, რომ უცხო ქვეყნელებს ჩაედგათ ფეხი შავი ქვის წარმოებაში და ამიტომ აგონებდნენ, უხსნიდნენ ადგილის მეპატრონეებს, რომ არასგზით არ გაეყიდნათ შავი ქვის მადნები. ამ სახით შეიქმნა სასტიკი ბრძოლა ორ მხარეს შორის. ცალ მხრით ადგილის მეპატრონენი პავლე მოსეშვილისა და გედევან ჩუბინიძის თაოსნობით იმაგრებდნენ თავიანთ ხელში ქვის წარმოებას; მეორეს მხრით, უცხო ქვეყნის აგენტები არა პზოგავდნენ თავიანთ მარწმუნებელთა ფულს, რომ ფულის დახმარებით გამოერთმიათ მადნები იქაურის მწარმოებლებისა და ადგილის მეპატრონეებისათვის“³⁶.

ამ დროს, როგორც მოსალოდნელი იყო, ხმა აღიმალღეს გამოჩენილმა ქართველმა მოღვაწეებმა. ეს ბუნებრივიც იყო, რადგან ისინი სასიცოცხლოდ იყვნენ დაინტერესებული ჩვენში ადგილობრივი ძალებისა და რესურსების გამოყენების ბაზაზე მრეწველობის განვითარებით. მათ იმთავითვე დაიწყეს ცდა ქიათურის მარგანეცის საბადოების უცხოელთა ხელში გადასვლის თავიდან ასაცილებლად. სერგეი მესხი გაზეთ „დროებაში“ 1879 წელსვე გამოეხმაურა საბადოების მფლობელთა მიერ მიწების უცხოელებზე გადაცემას და მათ მეპატრონეებს აფრთხილებდა: „ჩვენი რჩევა ეს არის, რომ ნუ აჩქარდებიან, ნუ ენდობიან ყველა უცნობ გამგელ-გამომგელს, ნუ დაერწმუნებიან იმათ დაპირებას, სიტყვას, ნურც იმათ ნოტარიალურ პირობას...“ შემდეგ ის მათ არწმუნებდა: „...თუ ამდენი ხანი მოგიტმენიათ, თუ ამდენი ხანი ეს შავი ქვა შავ ქვად ყრილა, ერთ-ორ წელიწადს, სანამ ყველაფერს დაწვრილებით და ბეჯითად გაიგვბდეთ, კიდევ ეყაროს. თქვენი მადანი ისეთი საგნისათვის არის საჭირო, რომ მას შემდეგში, თუ არ მოემატება, დაკლებით მაინც არასდროს დააკლდება ფასი“³⁷. ქიათურის საბადოების საექვეო პირთა და უცხოელთა ხელში გადასვლის წინააღმდეგ გამოვიდა აგრეთვე აკაკი წერეთელი. იგი შთააგონებდა საბადოთა მეპატრონეებს: „აი, რა შეიძლება მოხდეს: ზოგი სილარიბით, ზოგი სულწასულობით, ზოგი უმეცრებით სულ ტყუილა-

³⁶ „დროება“ 1879, 30 ნოემბერი, № 248.

³⁷ იქვე.

უბრალოდ დაკარგავენ ამ საშვილიშვილო საქმეს და ისეთის ხელში ჩააგდებენ, რომ თვითონვე საშვილიშვილოდ უღლად დააწვეთ კისერზედ და ბოლოს „არ ველოდითო“, და „არ გვეგონათ“ იწყონ თავის მართლება, მაგრამ ეს ველარაფერს მიეხმარებათ მათ მაშინ, როდესაც შავი-მიწის პატრონები თვითონ შავ მუშებად გადაიქცევიან და სხვის სამოწყალოდ დარჩებიან“³⁸.

ქართველი მოღვაწენი, რომლებიც თავის ქვეყნის სამრეწველო-ეკონომიური განვითარების აუცილებლობას ქადაგებდნენ, სწორად აფასებდნენ ჩვენში უცხოური კაპიტალის შემოჭრის შესაძლებელ შედეგებს და ამიტომ, ბუნებრივია, გადაჭრით ილაშქრებდნენ ჭიათურაში უცხოური კაპიტალის გაბატონების წინააღმდეგ.

სახელოვან მოღვაწეთა ხმა მთელი ერის მოწინავე ნაწილის გულის-თქმას გამოხატავდა და მან კეთილმყოფელი გავლენა იქონია იმდროინდელი საქართველოს სამთამადნო მრეწველობის პირველხარისხოვანი დარგის ჩასახვა-განვითარებაზე, ადგილობრივ შესაძლებლობათა მაქსიმალურად გამოყენების საფუძველზე. მართალია, ჩვენში იმ დროს სამრეწველო კაპიტალის ნაკლებობა მტკივნეულად იგრძნობოდა, მაგრამ, ამის მიუხედავად, ადგილობრივმა საქმოსნებმა მოახერხეს მეწარმეობა, უცხოური კაპიტალის მოძალების მოგერიება, ჭიათურის მრეწველობაში გადამწყვეტი პოზიციების კარგა ზნით შენარჩუნება, გარედან მოსულებმა, მაგალითად, მერცენაფელდმა, „არ დაზოგა არც ფული, არც შრომა და ენერჯია ამ საქმის ხელში ჩასაგდებად, მაგრამ „...დიდხანს ვერ შეძლო მუშაობა და იძულებული გახდა საქმისათვის თავი მიენებებია“³⁹. მერცენაფელდს მეტოქეობა გაუწიეს პ. მოსეშვილმა, ი. სიხარულიძემ, ფ. ავგერინომ და განსაკუთრებით გ. ჩუბინიძემ. მათ „შეისყიდეს ან იჯარით აიღეს მიწები და ბარონს ხელიდან გამოაცალეს საქმე“⁴⁰.

ჭიათურის აუზში მარგანეცის საბადოთა ხელში ჩასაგდებად ადგილობრივ და უცხოურ კაპიტალს შორის მეტოქეობას ამწვავებდა და ამ ბრძოლაში ადგილობრივ კაპიტალს ხელს უწყობდა სამრეწველო რაიონში შექმნილი ვითარება, კერძოდ, საბადო ზეგნების ფართობის მეტისმეტად დაქუცმაცებულობა (სხვადასხვა მესაკუთრეთა თუ მფლობელთა ხელში)⁴¹, ასევე მიწების გამიჯვნის დაუმთავრებლობა და

³⁸ „დროება“. 1880, 8 იანვარი, № 5.

³⁹ გ. წერეთელი, დსახ. ნარკვევი, „ივერია“, 1889, 12 იანვარი, № 8.

⁴⁰ გ. ლახიშვილი, შავი ქვის მრეწველობის მდგომარეობა, „ივერია“, 1896, 7 თებერვალი, № 30.

⁴¹ სსსა, ფონ. 264, საქ. 1307, ფურც. 60.

მფლობელთა შორის განუწყვეტელი დავა მიწების თაობაზე⁴². უცხო-
ელები არ იყვნენ გარკვეული ადგილობრივ პირობებში, თანაც მათ
უნდობლად ეკიდებოდნენ საბადოთა მეპატრონეები და სხვ.⁴³

საბადოთა აუზში ხაზინას არ გააჩნდა „თავისუფალი“ მიწები⁴⁴.
საბადოთა ფართობის თითქმის ნახევარი თავადაზნაურობას და სასუ-
ლიერო წოდებას ეკუთვნოდა⁴⁵. ასე მაგალითად, სოფ. პერევისაში
თავადაზნაურულ ოჯახებს, გვიანდელი ცნობით, სულ გააჩნდათ 50 დე-
სეტინა, თითოს კი 3—4 დესეტინა, სასულიერო პირებს—32 დესეტინა.
თითოს 2—4 დესეტინა, ხოლო გლეხებს — 121 დესეტინა, მათ შორის
ზოგიერთ გლეხურ კომლს 5 კვ საყენიდან 900 კვ საყენამდე, იშვია-
თადაც 1—2 დესეტინამდე⁴⁶. სხვა ოფიციალური ცნობით მარგანეცის
საბადოთა ფარგლებში დროებით ვალდებული გლეხების მფლობელო-
ბაში არსებული მიწის ნაკვეთების ფართობი კომლზე საშუალოდ
შეადგენდა⁴⁷:

სოფ. დარკვეთში	1 დესეტინასა და 54 კვ საყენს
მღვიმეში	1 — „ — 1250 — „ —
შუქრუთში	1 — „ — 1074 — „ —
იოხვისში	1 — „ — 1283 — „ —
ზედა რგანში	1 — „ — 2106 — „ —
პერევისაში	2 — „ — 1479 — „ —
„ რგანში	3 — „ — 358 — „ —

ჩვენ არ მოგვებოვება ზუსტი ცნობები საბადო ზეგნების ტერი-
ტორიაზე მცხოვრებ უმიწო და მცირე მიწიან გლეხთა აბსოლუტური
და შეფარდებითი რაოდენობის შესახებ. ამავე დროს ცნობილია,
რომ ქუთაისის გუბერნიაში მცხოვრებ კომლთა საერთო რაოდენო-
ბის 33% მიწით სრულიად არ იყო უზრუნველყოფილი⁴⁸. უნდა ვი-
ფიქროთ, რომ ასეთივე მდგომარეობა იქნებოდა ჭიათურის აუზშიც.
მესაკუთრე გლეხები მიწით შედარებით უკეთესად იყვნენ უზრუნველ-
ყოფილი⁴⁹. ასე, რომ საბადოები დაქუცმაცებული იყო მცირე ნაკვე-
თებად. სამრეწველო რაიონის 10—15 სოფლის დროებით ვალდებულ
გლეხთა შორის ბევრი უკვე გამოსყიდული ნადელის სრულყოფლე-
ბიანი მფლობელიც გახდა. მათ შორის ზოგიერთს გააჩნდა მემამულე-

⁴² ЦГИАЛ, ф. 1263. оп. д. 4914, 1891—1892 г. л. 518 об.

⁴³ იქვე, ფურტ. 518—519.

⁴⁴ ЦГИАЛ, ф. 37. оп. 66, д. 2305, 1895, л. 33.

⁴⁵ Сборник сведений о Кутаисской губернии, К., 1885, гл. 8.

⁴⁶ ЦГИАЛ, ф. 1290, оп. 6. д. 47. 779—782.

⁴⁷ ЦГИАЛ, ф. 37, оп. 55, д. 609, л. 27.

⁴⁸ ვ. ი. ლენინი, თხზ., ტ. 18, გვ. 100—102.

⁴⁹ იქვე.

ებისავან ნაყიდი მიწებიც. ირკვევა, რომ ქიათურის აუზში მიწის მესაკუთრე გლახთა რიცხვაც საგრძნობი იყო⁵⁰. როგორც აღენიშნეთ. საბადო ნაკვეთების მფლობელი გლეხებიდან მრავალი შეუდგა მასამრეწველო ათვისებას. ისინი მადნის მოპოვებას ეწეოდნენ თავის პატარ-პატარა ნაკვეთებში. საბადო მიწების მფლობელი ადგილობრივი თავადაზნაურობიდან ბევრმა სცადა მეწარმეობა და მას არაერთმა წარმატებითაც გაართვა თავი. ამის მიუხედავად, საბადოთა დიდ ნაწილი თანდათან გადადიოდა (უპირატესად იჯარით) მოსულ, შედარებით შეძლებულ ქართველ და უცხოელ საქმიანთა ხელში. საბადოთა გაცემის პირობები (ქიათურის მრეწველობის დაფუძნების ხანაში), იჯარის (რენტის) ფორმები აქ მეტად მრავალფეროვანი იყო. საბადოს მესაკუთრესა და მეწარმეს შორის საიჯარო ხელშეკრულება ფორმდებოდა სხვადასხვა პირობითა და ვადით. ხოლო საიჯარო ფასი დაპოკიდებული იყო იჯარით გასაცემ საბადოს ავკარგიანობაზე. ჩვენი მიახლოებითი აღრიცხვით 1879—1894 წლებში დაიდო 2390 საიჯარო ხელშეკრულება, რომელთა ძალით მოიჯარადრე მრეწველთა ხელში გადავიდა 4 300 დესეტინის საერთო ფართობის 7254 ნაკვეთი. საბადოთა მესაკუთრეებს მოიჯარადრენი ურიგდებოდნენ სხვადასხვა პირობით. ასე მაგალითად, გედევან ჩუბინიძემ 1879—1886 წლებში მღვიმეში იჯარით აიღო 8 დესეტინა საერთო ფართობის საბადოები და მეპატრონეებს ყოველ ფუტ მადანში უხდიდა 2 კაპიკს, რგანში აიღო 7 დესეტინა და ფუტში უხდიდა 1,5 კაპიკს. შუქრუთში — 2,5 დესეტინა და ფუტში აძლევდა 1 კაპიკს. პავლე მოსეშვილმა 32 საიჯარო ხელშეკრულებით 12 წლით აიღო 13 დესეტინა ფართობის 28 საბადო ნაკვეთი ზედა რგანში, შუქრუთში და მღვიმეში; 21 ხელშეკრულების ძალით მოიჯარადრე საბადო ნაკვეთების მფლობელებს თითოეულ ფუტ მადანში უხდიდა 1—2 კაპიკს, ხოლო 11 ხელშეკრულებით მან საბადო ნაკვეთები აიღო ქცევობით: ქცევაში ყოველწლიურად იხდიდა 32 მანეთიდან 42 მანეთამდე, იმ პირობით, რომ მოიპოვებდა მადანს მისი ოდენობის შეუზღუდველად. ჩუბინიძემ და პ. მოსეშვილმა იჯარით აღებულ საბადოთა წიაღით შეუზღუდველად სარგებლობის უფლება მოიპოვეს, ხოლო ზედაპირი, გზების, ფუჭი ქანების გადასაყრელი ფერდობებისა და სამრეწველო დანიშნულების ნაგებობათა ასაშენებლად აუცილებელი ზოგიერთი ადგილის გარდა, მთლიანად რჩებოდა იჯარით გაცემულ საბადოთა მფლობელების სარგებლობაში⁵¹.

⁵⁰ ЦГИАЛ, ф. 1290. оп. 6, Д. 47, л. 778—782.

⁵¹ Сборник сведений о Кутаисской губернии, вып. II, К., 1887. გვ. 42—43.

მოიჯარადრე-მეწარმე საბაღოს მესაკუთრეს ზმირად ურიგდებოდა კუბიკური საეენობითაც. ასე მაგალითად, მრეწველებმა დ. გაურინდა-შვილმა და ხ. აბაშიძემ გრიგოლ როსტომის ძე წერეთლისაგან (მღვიმევეში) იჯარათ აღეს 2.5 ღესეტინა საერთო ფართობის 4 ნაკვეთი, 3 წლით. მოიჯარადრენი ყოველ მოპოვებულ კუბ. საე. მადანში აძლევდნენ 25 მანეთს ვერცხლით. ხელშეკრულების მე-4 მუხლში ნათქვამი იყო: „თუკი მომავალში საბაღოს საიჯარო ფასი მოიმატებს, ასეთ შემთხვევაში დასახელებული მოიჯარადრეები ვალდებული არიან გადაიხადონ მომატების შესაბამისად, წინააღმდეგ შემთხვევაში მიწის მესაკუთრეს უფლება აქვს ის სხვას გადასცეს“⁵². აზნაურმა თ. ჯაფარიძემ და წირქვალელმა გლეხმა ი. გაფრინდაშვილმა 1885 წელს შესაკუთრე გლეხ დ. ლულუნიშვილისაგან 4 წლის ვადით იჯარით აღეს საბაღოს ნაკვეთები მღვიმევეში. დარკვეთში. მოიჯარადრენი მეპატრონეს მღვიმევეში მოპოვებულ ყოველ კუბ. საეენ მადანში უხდიდნენ 15 მანეთს, ხოლო დარკვეთში -- 10 მანეთს.

იორდანე სიხარულიძემ 1882 წელს ქიათურელი ვაშაძეებისაგან 10 წლით აიღო დაახლოებით 3 ღესეტინა საბაღო ნაკვეთები მღვიმევეში და ფუთში ისლიდა 2 კაპიკს. მანვე 10 წლით აიღო 3 ქცევა ზედარგანელი გლეხის ვ. თაბაგარისაგან და წელიწადში თითოეულ ქცევაში უხდიდა 10 მანეთს. გარდა ამისა იორდანე სიხარულიძემ (თავისი რწმუნებულის, ვ. ჩიკვაიძის მეშვეობით) 1885 წელს სალომე წერეთლისაგან 5 წლის ვადით ბითუმად აიღო დიდძალი მამულები მღვიმევეში, ზედა რგანში, დარკვეთში, შუქრუთში, თაბაგრებში. წირქვალში და სარეკში, რაშიც მოიჯარადრე მეპატრონეს ყოველწლიურად უხდიდა 3.700 მანეთს (ყოველ ნახევარ წელიწადში წინდაწინ)⁵³. საიჯარო პირობის დამრღვევი ჯარიმდებოდა 2000 მანეთით. ამასთანავე ჯარიმის გადახდის შემთხვევაშიც სალომე წერეთელი არ თავისუფლდებოდა ხელშეკრულებით ნაკისრი ვალდებულებისაგან. ხელშეკრულების მე-12 მუხლში ნათქვამი იყო: «В случае войны России с иностранными державами если только театром войны будут берега Черного моря, действие сего договора на все время войны приостанавливается»⁵⁴. გარიგების მიხედვით მოიჯარადრის სარგებლობაში მხოლოდ საბაღოს წიაღი გადადიოდა.

ზოგიერთი საბაღო ნაკვეთი სანახევროდ სარგებლობის უფლებით გაიცემოდა. ასე მაგალითად, შუქრუთელმა მესაკუთრე გლეხებმა ჩაჩანიძეებმა 1882 წელს 6 ქცევა საბაღოს ნაკვეთები იჯარით გადას-

⁵² სსსა, ფონ. 264, საქ. 1284, 1215, 1231, 1238.

⁵³ სსსა, ფონ. 264, საქ. 1099, 1258, 1261, 1099, 1260.

⁵⁴ სსსა, ფონ. 264, საქ. 1224.

ცეს მე-2 გილდის ვაჭარს ს. ხატისოვს, ხოლო 1884 წელს იგივე ნაკვეთი სანახევროდ სარგებლობის უფლებით გადასცეს მე-2 გილდის ვაჭარ ყარამან გაჩეჩილაძეს 9 წლით, 1000 მანეთად⁵⁵. ამ შემთხვევაშიც, ისევე როგორც სხვა ამგვარ საიჯარო ხელშეკრულებებში აღნიშნული იყო: «Владельцам предоставляется пользоваться поверхностью заарендованных участков по их усмотрению, но не стесняя при этом арендатора в разработке и эксплуатации руд».

იშვიათი არ იყო შემთხვევა, როცა მოიჯარადრე გარკვეული ვადით აღებულ საბადოს სრული ათვისების უფლებას პოულობდა. მაგალითად: 1884 წელს მე-2 გილდის ვაჭარმა სარდიონ გაჩეჩილაძემ, თავის ძმებთან და აგარელ გლეხ თ. ებანოიძესთან ერთად, აიღო საბადო ნაკვეთი მესაკუთრე გლეხების — გაფრინდაშვილებისაგან 9 წლით 440 მანეთად, მაგრამ იმ პირობით (მუხლი მე-3), რომ «Если по истечении арендного срока в заарендованном имении марганцевые руды не истощатся, то срок настоящего договора должен быть продолжен еще на 9 лет без всякого нас, владельцев, за то вознаграждения»⁵⁶.

საიჯარო ხელშეკრულებებზე დაკვირვება მოწმობს, რომ მოიჯარადრე მრეწველს, როგორც წესი, უფლება ენიჭებოდა მოპოვებული მადნის დასაწყობად ასევე ნაგებობათა გასამართავად გამოუყენებია საბადოს ზედაპირი, ესარგებლა მადნის გასაზიდი გზით, ხოლო გაცემული მიწის ზედაპირის თავისუფალი ნაწილი მესაკუთრის სარგებლობაში რჩებოდა, თუმცა იმ პირობით, რომ მოიჯარადრე მრეწველის საქმიანობას არ დააბრკოლებდა. თავის მხრივ მოიჯარადრეებს ხელშეკრულების ძალით ევალებოდათ «Не повреждать поверхности земли и имеющиеся на ней растения и насаждения за исключением под насыпи вывозимой из тоннелей во время добывания марганца земли, клад добытой руды и дорог»⁵⁷. საიჯარო ხელშეკრულებებში ზუსტად იყო მითითებული შეთანხმებული მხარეების უფლება-მოვალეობა. ამ მხრივ ტიპიურია, მაგალითად, ბარონ ოტტო ფონ მერცენფელდსა და თავად დ. აბაშიძეს შორის 12 წლის ვადით დადებული ხელშეკრულება. ხელშეკრულების ძალით მოიჯარადრეს უფლება მიენიჭა თავის ნება-სურვილისამებრ, შეუზღუდველად ეწარმოებინა

⁵⁵ ხელშეკრულებებში ვკითხულობთ, რომ მოიჯარადრეს უფლება ეძლევა «Разрабатывать и эксплуатировать марг. руды лишь в половинной части заарендованных участков», სსსა, ფონ. 264, საქ. 1165, ფურტ. 2.

⁵⁶ სსსა, ფონ. 264, საქ. 1165, ფურტ. 2—4.

⁵⁷ სსსა, ფონ. 264, საქ. 1299, ფურტ. 2—3, საქ. 1358, 1164, 1347, 1353—1355, 1262, 1122, 1236, 1350, 1241, 1269, 1240.

ნა ალებულ საბადოთა ექსპლოატაცია, გამოეყენებინა მადნის დასაწყობად აუცილებელი მიწის ზედაპირი. თავადი დ. აბაშიძე მოვალე იყო მოიჯარადრე დაეცვა იმ შემთხვევაში, თუკი ვინმე დაეას დაუწყებდა იჯარით ალებული მიწების თაობაზე, წინააღმდეგ შემთხვევაში პირველს მეორისათვის (ჯარიმის სახით) უნდა გადაეხადა 10 000 მანეთი. მოიჯარადრე მოვალე იყო წელიწადში მოეპოვებინა და გაეზიდა არა ნაკლებ 300 000 ფუთისა და ყოველ ფუთ მადანში გადაეხადა დაწესებული საჯარო ფასი. მერცენფელდი ვალდებული იყო წინდაწინვე გადაეხადა პირობითი საიჯარო ფასი (ანგარიშით 300 000 ფუთზე 3000 მანეთი), ხოლო თუ ის ამდენს არ მოიპოვებდა წლოურად, ეს თანხა მაინც უკლებლივ რჩებოდა დ. აბაშიძეს. მოპოვებული და გასაზიდი მადნის ოდენობის შესამოწმებლად მოიჯარადრეს ევალებოდა დაეშვა დ. აბაშიძე ან მისი რწმუნებული. მიწის მესაკუთრეს ეკრძალებოდა იჯარით გაცემული საბადოს სხვაზე გადაცემა, ხოლო მოიჯარადრეს საბადოების ალება სხვა მესაკუთრეებისაგან, გარდა იმ მიწებისა, რომლებიც მან ადრე აიღო. ხელშეკრულების ვადის გასვლამდე მერცენფელდს უფლება არ ჰქონდა უარი ეთქვა შეთანხმებაზე, გარდა იმ შემთხვევისა, თუ იჯარით ალებულ საბადოში მარგანეცის მადანი გამოილეოდა, ხოლო თუ ის სხვა მიზეზით იტყოდა უარს საბადოს ექსპლოატაციაზე, ვალდებული იყო დ. აბაშიძისათვის მაინც ყოველწლიურად გადაეხადა 3 ათასი მანეთი ხელშეკრულების ვადის დამთავრებამდე. თავის მხრივ დ. აბაშიძესაც არ ჰქონდა უფლება მოიჯარადრისათვის საბადოს ექსპლოატაციაზე უარის თქმისა, წინააღმდეგ შემთხვევაში პირველს მეორისათვის უნდა გადაეხადა 3 600 მანეთი. გარდა ამისა, მერცენფელდს ევალებოდა დ. აბაშიძისათვის (თუკი უკანასკნელი ამას თავისთვის მომგებიანად ჩათვლიდა) ნება მიეცა მონაწილეობა მიეღო მოიჯარადრის მიერ მოპოვებული მადნის განიდეაში საბადოებიდან რკინიგზის ყვირილას სადგურამდე, ხოლო გადაზიდვის ფასი ყოველწლიურად უნდა ყოფილიყო ისეთი, როგორიც საზოგადოდ იქნებოდა დაწესებული. ხელშეკრულებით შეთანხმებულ მხარეებს შეეძლოთ თავისი უფლება-მოვალეობის სხვაზე გადაცემა, მხოლოდ იმ პირობით, რომ თვითონ პასუხისმგებლობას შეინარჩუნებდნენ ხელშეკრულების პირობების შესრულებაზე⁵⁸.

ასეთი იყო საბადოთა იჯარის პირობების მრავალგვარობა, საიჯარო ფასი დამოკიდებული იყო იჯარით გაცემული საბადოს აკვარგიანობაზე, იქ მოპოვებული მადნის ხარისხზე, საბადოდან რკინიგზამდე მისი ტრანსპორტირების პირობებზე და სხვ. ამასთან დაკავშირებით საყურადღე-

⁵⁸ სსსა, ფონ. 264, საქ. 970, ფურც. 2—4.

ხო განმარტებებს შეიცავს საარქივო საბუთები, კერძოდ, 1895 წლი-
დათარიღებული დოკუმენტური აღწერები, სადაც ვკითხულობთ: უკა-
ნასკნელი სამი წლის მანძილზე საბადოთა საიჯარო ფასი მერყეობდა:
მოიჯარადრე ყოველ ფუთ მადანში იხდიდა 1,5-დან 2 კაპიკამდე, ე. ი.
საშუალოდ 1,75 კაპიკს. სოფლებში ზედა რგანში, მღვიმევში,
შუქრუთსა და პერევისაში, სადაც საბადოები მდიდარია და მისასვლელ
გზებთან. ასევე სადგურ ქიათურასთან შედარებით ახლოს მდებარეობს.
კუბიური საყენი მადნის საიჯარო ფასი 20--30 მანეთს შეადგენდა, ხო-
ლო ქიათურიდან უფრო დაშორებულ სოფლებში — რგანში, დარკვეთ-
სა და ითხვისში, სადაც საბადოები ნაკლებად მდიდარია და მადნის ფე-
ნებიც თხელია, კუბ. საყ. მადნის საიჯარო ფასი 10--15 მანეთს უდრე-
და, ზოგ შემთხვევაშიც 20 მანეთს⁵⁹.

მოიჯარადრენი იყვნენ ადგილობრივი, ასევე რუსეთიდან და უცხო-
ეთიდან მოსული საქმოსნები. ისინი რენტას მეტწილად ბოთუმად იხ-
დიდნენ, აღებული საბადოს ფართობის ოდენობის შესაბამისად, ან
მოპოვებული მადნის ოდენობისდა მიხედვით, კერძოდ, ფუთ მადანში
1-დან 2 კაპიკამდე, ხოლო კუბურ საყენში — 15—30 მანეთს. იჯარის
კადები 3 წლიდან 12 წლამდე აღწევდა, იშვიათად 18 წლამდეც. იჯა-
რით გაცემული საბადოს ზედაპირი, როგორც წესი, თითქმის მუდამ
შთლიანად მეპატრონის სარგებლობაში რჩებოდა (გამონაკლისს წარ-
მოადგენდა მადნის დასაწყობად, მის გასაზიდად, ფუჭი ქანების გადა-
საყრელად, აგრეთვე ნაგებობათა გასამართავად აუცილებელი მიწის
ზედაპირი), ხოლო წიაღი მოიჯარადრის ხელში გადადიოდა სხვადასხვა
პირობით (მოპოვება — შეუზღუდველად, ფუთობით, კუბ. საყენობით.
„მარაგის სრულ ამოწურვამდე და „სხვ.).

მრეწველთა პირად საქმეებზე დაკვირვება მოწმობს, რომ 1879—
1885 წლებში მოიჯარადრეთა დიდ უმრავლესობას ქართველი ვაჭრები,
თავადაზნაურობის, აგრეთვე გლეხთა წრიდან გამოსული საქმოსნები
შეადგენდნენ, ხოლო უმცირესობას — უცხოელნი. ადგილობრივმა საქ-
მოსნებმა დაისაკუთრეს უმნიშვნელოვანეს საბადოთა შედარებით დიდი
მასივები, რითაც მარგანეცის მრეწველობაში გადამწყვეტი პოზიცი-
ების დაკავების შესაძლებლობა მოიპოვეს.

ირკვევა, რომ 1879 წლიდანვე იშვიათი არ იყო საბადო ნაკვეთთა
გაყიდვა, რასაც უფრო ეწეოდნენ მიწის მცირე ნაკვეთების მფლობელ-
ნი, ე. ი. გლეხები. ამის გამო „დროების“ კორესპონდენტი („საჩხერელი“)
1879 წელს იტყობინებოდა: „მცირე ადგილის მეპატრონეები ჰყიდიან
და მსხვილი მემამულეები კი სხვა დროს ელიან“⁶⁰.

⁵⁹ ЦГИА.П., Ф. 37, оп. 65, л. 2766, т. 2 об.; Ф. 37, оп. 71, л. 43, т. 152.

⁶⁰ „დროება“, 1879, 30 ნოემბერი, № 248.

მრავლად გამოჩნდნენ საქართველოა სხვა კუთხეებიდან მოსული ისეთი საქმოსნები, რომლებიც თავის შეძლებისდაგვარად ამუშავებდნენ ცალკეულ კომლთა თუ სოფლის სარგებლობაში არსებულ მადნიან ნაკვეთებს, რომელთაც იღებდნენ მოკლე ან გრძელვადიანი იჯარით. ანღა განსაზღვრულ დროში მოპოვების უფლებით⁶¹.

მიწის იჯარით გაცემასა თუ მისი გაყიდვის ოპერაციებში ჩაებნენ უამრავი ჩარჩ-ვაჭრები, რომელთაც „ადვოკატებს“ უწოდებდნენ. ე. წ. „ადვოკატებმა“, — წერს „დროების“ კორესპონდენტი, — რამდენიმე ლარიბ კაცს, რომელთაც ჰქონდათ თითო-ოროლა ნაჭერი ამისთანა ადგილო, გამოართვეს პირობით, რომ რასაც აიღებდნენ ფასათ, ორივემ ისარგებლონ, რადგანაც ადგილია მეპატრონეები დააჭერეს, რომ სხვანაირად ისინი მოტყუვდებიან გაყიდვაში და პირობის შეეკრაში“. ამნაირად „ადვოკატებმა ადგილები ხელში ჩაიგდეს“⁶².

საბადოს აუზის მოსახლეობას. მართლაც, მრავლად მოველინა მძარცველად როგორც ადგილობრივი, ისე უცხოელი ვაჭრები და მეწარმეები, სხვადასხვა ჯურის აგენტები და სპეკულანტები, რომლებიც საბადოთა მფლობელი მშრომელი მოსახლეობის მოტყუების ხარჯზე სუქდებოდნენ. ისინი იძენდნენ ან იჯარით იღებდნენ მიწებს, ხოლო შემდეგ უფრო მაღალ ფასებში ასხეისებდნენ. ასეთი იყო სვირელი თავადი დავით აბაშიძე, რომელმაც დიდძალი მამულები აიღო რგანსა და დარკვეთში, რაც შემდეგ იჯარით გასცა მერცენფელდზე⁶³ და სხვებზე. ამავე შიზნით სვირელმა თავადმა ა. აბაშიძემ რამდენიმე დესეტინა საბადოს ნაკვეთები აიღო რგანში⁶⁴, ქუთაისში მცხოვრებმა მ. სტეპანოვამ — 40 დესეტინა რგანში, ხოლო სვირელმა ე. ნიჟარაძემ — 8 დესეტინა დარკვეთში და სხვ.

მარგანცის საბადოები სპეკულაციის საგნად იქცა, უცხოელთა ხელში მათი გადასვლის საფრთხეც შეიქმნა. მაგრამ, ამ ხანებში ადგილობრივი მოიჯარადრე მრეწველების გარდა მეწარმეობას ფართოდ მიყვეს ხელი საბადოთა მესაკუთრეებმაც. ამან კი ხელი შეუწყო უცხოელთა მეწარმეობის აღკვეთას ჭიათურაში. ამ მხრივ თვალსაჩინო როლი შეასრულა ცნობილმა ინტელიგენტმა ნიკო ლოლობერიძემ. ის ძმებთან ერთად რგანში ფლობდა 200 დესეტინა (საკარმიდამო, საზნავ-სათესი, ტყე) მიწას, რომლის ნაწილი დროებით ვალდებულ გლეხთა სარგებლობაში იყო⁶⁵, მაგრამ ამან ხელი არ შეუშალა ნ. ლოლობერიძეს მოცე-

⁶¹ ЦГИАЛ, Ф. 37, оп. 67, л. 954, л. 38.

⁶² „დროება“ 1879, 30 ნოემბერი, № 248.

⁶³ სსსა, ფონ. 264, საქ. 970, ფურც. 2 — 3.

⁶⁴ ЦГИАЛ, Ф. 1290, оп. 6, л. 48, л. 741.

⁶⁵ სსსა, ფონ. 264, საქ. 1267.

მულ სივრცეზე საბადოთა სამრეწველო ექსპლოატაციის ფართოდ გაშ-
ლაში. მეწარმეობას თავიდანვე წარმატებით შეუდგა საბადოთა მესა-
კუთრე აზნაური ვ. წერეთელი⁶⁶, თავადები ვ. აბაშიძე და ნ. ნიჟარაძე⁶⁷,
საუკრუთელი მესაკუთრე გლეხი ი. გაფრინდაშვილი და მრავალი სხვა⁶⁸.

* * *

ზემოთ ჩამოთვლილი ქართველი მოიჯარადრენი, ასევე საბადოთა
შეპატრონე მრეწველები ენერგიულად მოქმედებდნენ მარგანეცის მად-
ნის საბადოთა ხელში ჩასაგდებად თუ შესანარჩუნებლად, უცხოელთა
ხელში მათი გადასვლის თავიდან ასაცილებლად. ეს საქმოსნები, მეტად-
რე გ. ჩუბინიძე, პ. მოსეშვილი, ი. სიხარულიძე და სხვ., „უკეთ იცნობდ-
ნენ ადგილობრივ მოსახლეობას და მათ კვალდაკვალ სდიეს, ერთი
მხრივ, „ვახტერისა და კომპანიის“, ხოლო, მეორე მხრივ, კრუპის წარმო-
მადგენლებს, დაასწრეს მათ საუკეთესო საბადო ნაკვეთების ხელში ჩაგ-
დება არა მარტო ზედა რგანში, საიდანაც პირველ ხანებშივე გამოაძევეს
მერცენფელდი, და რგანში, სადაც გადაინაცვლეს ორივე ფირმის წარ-
მომადგენლებმა, არამედ ყვირილის ხეობის ორივე სანაპიროდან“⁶⁹.
«Чубинидзе, — вкритохлостом ქუთაისის გუბერნიის 1885 წლის აღწე-
რაში, — завладел всеми теми участками, где руда выходит в нару-
жу и доступна к выработке открытыми работами и штольнями;
таким образом для Мерценфельда остались только такие участ-
ки, которые окружены со всех сторон чужими, доступны только
при выработке глубокими шахтами. Так, что дело это стало для
Вахтера настолько убыточным, что проработав только около 2-х
лет и оставив 100 тысяч рублей, он бросил его окончательно и
отозвал своего поверенного в Петербург, где тот умер»⁷⁰.
ასე, რომ „ვ. ვახტერმა და კომპანიამ“, რომელმაც 1880 წელს 97 მუ-
შით აწარმოვა საექსპლოატაციო სამუშაოები და 170 000 ფუთი მადანი
მოიპოვა, ისევე როგორც კრუპის წარმომადგენელმა, ხელი აიღო წარ-
მოებაზე. ეს კომპანია თავის მარცხს ხსნიდა ზემოთ დასახელებულ ქარ-
თველ მეწარმეთა და მათი ე. წ. „იმერეთის ამხანაგობის“ მეტოქეობით.
ასევე განდევნეს სხვა მეწარმენი, როგორც იყო, მაგალითად, რიშარის

⁶⁶ სსსა, ფონ. 265, საქ. 1235.

⁶⁷ სსსა, ფონ. 264, საქ. 1232.

⁶⁸ სსსა, ფონ. 264, საქ. 1352.

⁶⁹ Сборник сведений о Кутаисской губернии, выпуск второй, 1885, гл. 8.

⁷⁰ იქვე, გვ. 8—9.

საეპრო სახლი თბილისში, მემამულე, გენერალ-მაიორი ივ. მუხრანბატონი, კონსტანტინეპოლელი ვაჭრები: „ტომბაკო, ტირანდა-ფელიდი და სხვები. წარმატება არ ხელა ფირმა „Tcere neuve“-საქ⁷¹. მისმა წარმომადგენელმა ინჟინერმა პიომაც იჯარით აიღო საბადოები; უცხოეთიდან დასელოვნებული მუშებიც მოიყვანა და დაიწყო მადნის მოპოვება, მაგრამ იმის გამო, რომ უგზობის პირობებში მადნის მოპოვებაზე უფრო ძნელი და ძვირი მისი რკინიგზის მაგისტრალამდე გაზიდვა იყო, მან ჭიათურის ეიწროლიანდაგიანი რკინიგზის გაყვანა განიზრახა და საამისო პროექტი მთავრობას დასამტკიცებლად წარუდგინა. ეს პროექტი მთავრობამ არ დაამტკიცა იმიტომ, რომ მისი ავტორი მოითხოვდა: „რადგან ამ გზებს ჩემი ფულით ვაკეთებ, ნება მომეცით მხოლოდ ჩემი ქვა ვზიდო“⁷². ვიდრე მთავრობიდან უარს მიიღებდა ინჟ. პიომ მოასწრო საბადოდან ყვირილის ხეობამდე მადნის გადასაზიდად 1½ კილომეტრის სიგრძის საბაგირო გზის გამართვა-გაყვება. მთავრობამ უარყო პიომს მოთხოვნა და უკანასკნელი იძულებული გახდა „მიეტოვებინა ასე კარგად დაწყებული საქმე“⁷³. უფრო მეტ ხანს შერჩნენ ჭიათურის მრეწველობას იტალიელი ბოლდეტი და ფრანგი პუჟე. „მაგრამ ვერც ერთმა მათგანმა ფეხი მაგრად ვერ მოიკიდა და მუშაობა ვერ გააგრძელა იმდენად, რომ ადგილობრივი ვაჭრებისათვის კონკურენცია გაეწია“⁷⁴. ჭიათურაში უცხოელთა დამკვიდრების ცდები ჩაიფუშა. გ. წერეთლის გადმოცემით, მერცენაფელმა ჭიათურაში 200 ათასი მანეთის ზარალი ნახა, პიომ — 120 ათასისა, საქართველოში მცხოვრებმა უცხოელმა ვაჭარმა რიშარმა (ივ. მუხრანბატონთან ერთად) — 80 ათასისა. საკონკურენციო ბრძოლას თავი გაართვეს ქართველმა საქმოსნებმა პ. მოსეშვილმა და გ. ჩუბინიძემ, რომელთაც 1884 წელს „წაგებული ჰქონდათ თითქმის 200 ათასი მანეთი თავისი და სხვისი ფული“⁷⁵. უცხოელებმა „ვერა გააწყვეს რა, იმიტომ კი არა, რომ ამისათვის საკმაო კაპიტალი არ მოეძებნებოდათ, ან მათ გამჭრიახობა აკლდათ, იმიტომ რომ ქართველთა შეგნებამ მათ დიდი წინააღმდეგობა გაუწია“⁷⁶. მართლაც, მოწინავე ქართველი საზოგადოებრიობის მხარდაჭერას, როგორც აღვნიშნავდით, უდავოდ დიდი მნიშვნელობა ჰქონდა ჭიათურაში უცხოური სამრეწველო კაპიტალის გაბატონების თავიდან ასაცილებლად. ქართველმა საქმოსნებმა შეძლეს საუკეთესო საბადოთა შენარჩუნ-

⁷¹ Сборник сведений о Кутаисской губернии, К. 1885, გვ. 9, 10—11.

⁷² „ივერია“, 1889, 12 იანვარი, № 8.

⁷³ იქვე.

⁷⁴ დ. წერეთელი, შავი ქვა, გვ. 68.

⁷⁵ „ივერია“, 1889, 12 იანვარი, № 8.

⁷⁶ დ. წერეთელი, შავი ქვა, გვ. 64.

ნება ან იჯარით აღება და დასაკუთრება. ისინი უგზოობის პირობებშიც აჩერებდნენ მოპოვებული მადნის გადაზიდვას რკინიგზის მაგისტრალამდე. ხოლო უცხოურმა სამრეწველო კაპიტალმა ამ დროს ქიათურაში ფეხი ვერ მოიკიდა. ამ ერთი შესვლით, პარადოქსალურ გარემოებას თავისი განმსაზღვრელი სუბიექტური და ობიექტური ფაქტორები გააჩნდა: ჯერ ერთი, სამრეწველო აუზში საბადო მიწის ნაკვეთები მეტიმეტად დაქუცმაცებული სახით ეკუთვნოდა მათ მრავალრიცხოვან მფლობელებს. ამავე დროს მიწის გამიჯვნის საქმე დაუმთავრებელი და მოუწესრიგებელი იყო, რის შედეგადაც მფლობელები თუ მოიჯარადრეები მიწების თაობაზე განუწყვეტლივ დაუობდნენ. ერთმანეთს ეცილებოდნენ. თანაც, როგორც წესი, თითქმის ყოველი ნაკვეთი გარშემორტყმული იყო სხვადასხვა მფლობელთა კუთვნილი მიწებით, რის შედეგადაც ამა თუ იმ საბადოდან მადნის გაზიდვა მეზობელ ნაკვეთთა მეატრონის თანხმობის გარეშე არ ხერხდებოდა. საქმეს ართულებდა სამრეწველო რაიონში სახელმწიფო ზედამხედველობის არარსებობაც.

ეხებოდა რა ამ გარემოებას და ქიათურის მარგანცის მადნის საბადოთა იჯარით აღებასთან დაკავშირებულ სიძნელებებს კავკასიის სამთო სამმართველო 1885 წელს აღნიშნავდა:

„პირველი სოლიდური მრეწველი კაპიტალისტები წააწყდნენ მთელ რიგ დაბრკოლებებს, როგორცაა: მიწის მცირე ნაკვეთების გაუმიჯნაობა, სწრაფი გამდიდრების სურვილით შეპყრობილ მოიჯარადრეებს შორის წარმოებული გაუთავებელი დავა, სამრეწველო რაიონში ტექნიკური და საპოლიციო ზედამხედველობის არარსებობა. ამ მრეწველებმა, მნიშვნელოვანი კაპიტალების დაბანდების მიუხედავად, თავი ვერ გაართვეს დაბრკოლებებს და მიატოვეს წარმოება“⁷⁷. ქუთაისის გუბერნატორი თავის 1891 წლის „უქვეშევრდომილეს“ მოხსენებაში წერდა: „სამიწათმოქმედო ურთიერთობის უსასოჯრო არეულობისა და წერალ მფლობელთა სიმრავლის წყალობით, ასევე სხვადასხვაგვარი ეშმაკობით, ადგილობრივი მრეწველებს იოლად შეეძლო ბრძოლა მოსულებთან: უკანასკნელნი, უკეთეს შემთხვევაში აღმოჩნდნენ რა ნაკვეთებზე, რომლებიც გარშემორტყმული იყო სხვისი მიწებით, იძულებული გახდნენ მიეტოვებიათ საქმე“⁷⁸. მეორე მხრივ, საბადოთა ექსპლუატაციის ფართო ნიადაგზე დაყენებას ართულებდა დაწყების სიძნელე: საბადოთა ხელში ჩაგდებას სირთულე, მიმოსვლისა და (მადნის) ხელსაყრელ სატრანსპორტო საშუალებათა არარსებობა. საბადო ზეგნებიდან ყვირილას ხეობამდე გზები სავსებით გაუმართავი იყო, ხოლო

⁷⁷ სსსა. ფონ. 264, საქ. 1307, ფურც. 60.

⁷⁸ ЦГИА.П. Ф. 1263, оп. 2, д. 4191, 1891 г. л. 518 сб.

სამრეწველო რაიონიდან რკინიგზის მაგისტრალამდე მდინის საკვანო და სასაბაღო ტრანსპორტით გადაზიდვაც დიდ სიძნელეებთან იყო დაკავშირებული. წარმოების რაციონალურად მოწყობა დიდძალი კაპიტალდაბანდების გარეშე შეუძლებელი ხდებოდა. უგზოოა. ადგილობრივი პირობების უცოდინარობა და ჩასახვის პროცესში მყოფი მრეწველობის დარგისადმი მთავრობის გულგრილობა და უზრუნველობა უცხოურ კაპიტალს წარმოებაზე ხელის აღებისკენ უბიძგებდა. ასეთ ვითარებაში უცხოელებს სარისკო საქმედ მიაჩნდათ დიდძალი კაპიტალების დაბანდება საბადოთა ხელში ჩასაგდებად. წარმოების, მიმოსვლისა და მდინის სატრანსპორტო საშუალებათა მოსაწყობად. ისინი ფრთხილად, ძუნწად ეწეოდნენ კაპიტალდაბანდებებს წარმოებაში და მოხერხებულად მოქმედებდნენ სხვის მიერ მოპოვებული მდინის ადგილობრივი ბაზრის დასაპყრობად. უცხოელებმა მალე, 1885 წლიდან რამდენიმე წლით ხელი აიღეს ქიათურის საბადოებზე და საქართველოს მარგანეციის მდინის სხვა, რკინიგზის მაგისტრალური ხაზის მახლობელ, საბადოებში (აჯამეთი, ჩხარი, ნახშირღელე და სხვ.) გადაინაცვლეს⁷⁹. ამასთანავე მათ გააჩაღეს ბრძოლა მარგანეციის მდინის ადგილობრივ ბაზარზე (უმთავრესად ზესტაფონში, გომში, ფოთში, ბათუმში. იშვიათად ქიათურაში) მომგებიანი სავაჭრო ოპერაციების პირობების გასაუმჯობესებლად. მათ, როგორც ქვემოთ დავინახავთ, მარგანეციის მდინის ადგილობრივ ბაზარზე გაბატონებული მდგომარეობა მოიპოვეს. ანუ რომ ამჯერად უცხოურმა კაპიტალმა ჩვენებური მდინის ექსპორტის აფეროში გადაინაცვლა.

ამრიგად, ქიათურის მრეწველობის ასპარეზზე ძირითადად მხოლოდ ადგილობრივი მრეწველები დარჩნენ და მათ „ძღვევამოსილება იღლე-სასწაულე“ უცხო ქვეყნელების წინააღმდეგ. ეს მოხდა 1885 წლის დამდეგს⁸⁰.

ქართველი თავადაზნაურობის, ასევე გლეხობისა და ვაჭართა წრიდან გამოსული მრეწველები თავიდანვე დაეწაფნენ საბადოების ექსპლოატაციას. ისინი ცალ-ცალკე და ზოგჯერ ერთმანეთთან კავშირშიც მოქმედებდნენ და მეტ-ნაკლები წარმატებით სარგებლობდნენ საამისო ხელსაყრელი პირობებით: მათ ეკუთვნოდათ ან იჯარით აიღეს საბადოები, კარგად გამოიყენეს მდინის მოპოვების ხელსაყრელი პირობები და ეფექტური საწარმოო-ტექნიკური აღჭურვილობის გარეშეც მოახერხეს საბადოთა ექსპლოატაცია და მოპოვებული მდინის გაზიდვა-გასაღება. იმდროინდელი ქიათურის მრეწველობაში კარგად გათვითცნო-

⁷⁹ სსს, ფონ. 264, საქ. 962.

⁸⁰ „იურია“, 1889, 12 იანვარი. № 8.

ბიერებული მრეწველის, სოლომონ წერეთლის სიტყვით, 1879 — 1896 წლები ქართლის მრეწველობის ისტორიაში „რანდული ზანაა“, „რადგან მრეწველები „ვაჟაკობას“ აღგენ და ბუღალტერისა და საანგარიშო ცხრილების მაგივრად ატრიალებდნენ ხმლებს, ხანჯლებს, კეტებს და ურმის ჭალებს. გარდა ამისა, ვისაც კი მოეპოვებოდა ერთი წერაჟი და ორი ნაჩაბი, იწყებდა შავი ქვის ტესას და ნეუბრალესლად ჰლუპავდა ბუნებისაგან მოცემულ სიმდიდრეს და ეს იმიტომ, რომ მადნეულობის დამზადებას არა ჰყავდა ყურისმგდებელი და მასწავლებელი“⁸¹.

ჭიათურიდან უცხოური სამრეწველო ფირმების განდევნის შემდეგ ქართველმა მრეწველებმა, იშვიათ გამონაკლისთა გარდა, სახსრების ნაკლებობის ან უქონლობის გამო, დამოუკიდებლად ვერ შეძლეს საქმის გაგრძელება. საბრუნავი კაპიტალის სიმცირე ან უქონლობა მათ აჩვენებდაც, ისევე როგორც ადრე, აიძულებდა თავისთვის წამგებიანი წინასწარი გარიგებით მიეღოთ კრედიტი („აენსი“, „ბეი“ ან „სესხი“) მადნის უცხოელი შემსყიდველებისაგან, რომლებისთვისაც უნდა დაემზადებინათ და წინასწარ დადგენილ ვადებში, დაბალ ფასებში ჩაებარებინათ მადანი. ამ ვითარებას ასე აღწერდა გ. ლასხიშვილი: „არც ერთ მრეწველს არ შეუძლიან იმუშაოს თუ წინდაწინვე ბეთი ფული არ მიიღო. მყიდველი ბეს არ მისცემს თუ ნასყიდობის პირობა არ შეკრეს; რადგან მომავალ წელში გამოსატანი ქვა ამ ზამთარშივე უნდა მომზადდეს და რადგანაც ამ ზამთარშივე საჭიროა ფული, ამიტომ მრეწველი იძულებული იქნება მომავალ წელიწადში გადმოსატანი ქვა ახლავე იაფად გაჰყიდოს, რომ ბეი მიიღოს და იმუშაოს“⁸².

ქართველ მეწარმეთა დიდი ნაწილის შედარებითი უსახსრობით მაქსიმალურად ისარგებლეს ჭიათურაში, ზესტაფონში, ფოთსა და ბათუმში მოკალათებულმა, მადნის უცხოელმა ექსპორტიორებმა და მათმა აგენტებმა. რომლებიც მეწარმეებთან წინასწარი გარიგებითა და კრედიტის გაღებით, შეღავათიან ფასებში იძენდნენ მადანს. ადგილობრივი მრეწველები იოლად ებმებოდნენ უცხოელ კრედიტორთა მიერ დაგებული მანქანი და კაბალაში ექცეოდნენ. ისინი იძულებული იყვნენ უშუალოდ ან შუამავალ-ვაჭართა მეშვეობით დაკავშირებოდნენ მადნის შემსყიდველ უცხოურ ფირმებს. მხარეებს შორის ხელშეკრულებები ფორმდებოდა, მრეწველები ამ ფირმებისაგან წინდაწინ, ბეის სახით, ფულს ღებულობდნენ და ვალდებულებას იღებდნენ, რომ კონტრ-

⁸¹ „საქართველო“, 1920, 29 იანვარი, № 20.

⁸² გ. ლასხიშვილი (განი), შავი ქვის მრეწველობის მდგომარეობა, „ივერა“, 1936, 16 ოქტომბერი, № 223.

აგენტს ჩააბარებდნენ მადნის წინასწარ გათვალისწინებული რაოდენობით. დებიტორი მრეწველები ხშირად მთელი დასამზადებელი მადნის სრულ ღირებულებას წინდაწინ ლებულობდნენ, ზოგჯერაც მხოლოდ მის ნაწილს. უცხოელი კრედიტორები ჭიათურელი მრეწველების მიპართ თანდათან უფრო უღმობელი გახდნენ. იგივე გ. ლასხიშვილი, რომელმაც მთელი 9 თვე დაპყო ჭიათურის სამრეწველო რაიონში მდგომარეობის შესასწავლად, 1887 წელს აღნიშნავდა: „წლებადლამდის უცხოელნი ჩვენ მრეწველთ ეხევეებოდნენ, წინდაწინ ფულს იძლეოდნენ, ოღონდ ამუშავეთ და ქვა ჩაგვაბარეთ, ახლა კი საქმემ პირი იბრუნა“⁸³. უცხოელთა მოქმედება ემყარებოდა შემდეგ მოსაზრებას: „მკვიდრთ არა აქვთ მატერიალური შეძლება თვითონ იმუშაონ. აქამდის თუ მუშაობდნენ, ჩვენგან წინად აღებულის ფულით; ახლა ნულარ გაეუპარათაეთ ხელსა; მყიდველები მარტო ჩვენა ვართ; ჩვენს იქით იმათ გზა არა აქვთ: ფულიც თუნდა იშოვონ კიდევ, მაინც ვერ გაკბედავენ მუშაობას, თუ წლის დამლევს ან მომავალი წლის დამდეგს არ შეგვეკვრიან პირობით. თუნდა გაბედონ მუშაობა, მყიდველი ვინ იქნება? თითონ ხომ ვერ გაიტანენ საზღვარგარეთ. მაშასადამე ბურთი და მოედანი ჩვენ დავერჩება“⁸⁴. მადნის უცხოელი ექსპორტორები ცდილობდნენ უფრო და უფრო დაექვემდებარებიათ ქართული მრეწველები, მოემზადებინათ პირობები მრეწველობის მოცემული დარგის დასაპყრობად.

უცხოური ფირმები მადნის ადგილობრივ ბაზარზე ხელოვნურად ქმნიდნენ ისეთ ვითარებას, როცა დამზადებული მადნის რაოდენობა აღემატებოდა მასზე მოთხოვნილებას. შესყიდული მადნის მარაგის აღვიღზევე შექმნით უცხოელები წარმატებით აბერხებდნენ მადნის ფასის ხელოვნურად დაცემას⁸⁵. ამრიგად, უცხოური კაპიტალი სესხის მეშვეობით აკაბალებდა მარგანეცის მრეწველებს. შესყიდული მადნის მარაგის აღვიღზევე შექმნით და მისი ფასის ხელოვნურად დაწვეის მეშვეობით სავაჭრო მოგების სახით იღებდა ზედმეტი ღირებულების, რამდენადაც შეიძლებოდა, მეტ ნაწილს.

როგორც დავინახეთ, საბადოთა ხელში ჩასაგდებად და ასათვისებლად ადგილობრივ და უცხოელ საქმოსნებს შორის თავიდანვე მწვავე მეტოქეობა გაიშალა. 1879 წლიდანვე დაწყებული საკონკურენციო ბრძოლა 1885 წლისათვის დამთავრდა ადგილობრივ მეწარმეთა გამარჯვებით.

აღებული ხანის ჭიათურის მრეწველობაზე და, კერძოდ, ადგილობ-

⁸³ „ივერია“, 1887, 28 ოქტომბერი, № 225

⁸⁴ იქვე.

⁸⁵ იქვე.

რევი მრეწველების ფინანსიურ მდგომარეობაზე. აგრეთვე უცხოურ კაპიტალს საკოედიტო ოპერაციებზე დაკვირვება მოწმობს, რომ ამ დროს ადგილობრივი მრეწველების უმეტესობა უცხოელთაგან სესხის ძილების გარეშე. ვერ ახერხებდა საწარმოო საქმიანობის ფართოდ გაშლას. საამისოდ როგორც ჩანს, ადგილობრივ აუცილებელი წინაპირობება ჯერ კიდევ ვერაა საკმაოდ მომწიფებული. სამრეწველო კაპიტალიზმი, როგორც ცნობილია, თავისი განვითარების წინამძღვრებას არსებობას ააპირებს. მისი ძირითადი წინამძღვარია პირველ რიგში განვითარებული სასაქონლო მეურნეობა. რომელიც აღმოცენდება ნატურალური მეურნეობის რღვევის ნიადაგზე, რაც წარმოადგენს „სასაქონლო მეურნეობისა და კაპიტალიზმის განვითარების მთელი პროცესის საფუძველს“. ჩვენ, ცხადია, მიზნად არ ვისახავთ საქართველოში ამ პროცესის თუნდაც ზოგად დახასიათებას. ამასთანავე, ვფიქრობთ, სასაქონლო-ფულადი ურთიერთობის განვითარების შედარებით დაბალი დონის ერთგვარი. არც თუ ისე შემთხვევითი მაგალითია კაპიტალის ის წევრე ნაკლებობა, რომელსაც ქართველ მეწარმეთა ძირითადი მასა ვანიცდიდა ჭიათურის მარგანეცის მრეწველობის გარიყრაჟზე. ამ გარეობაზე დაკვირვება მოწმობს, რომ ჩვენში, კერძოდ, დასავლეთ საქართველოში, ჯერ კიდევ არ არის საკმაოდ გაღრმავებული მსხვილი კაპიტალის დაგროვების პროცესი, რასაც სამრეწველო კაპიტალიზმი მოითხოვს და გულისხმობს, ეს დაგროვება, როგორც ცნობილია, მხოლოდ მეორე მხარეა მთელი პროცესისა—სასაქონლო მეურნეობის განვითარებისა და მწარმოებლის გამოცალკევებისა საწარმოო საშუალებებისაგან, რომლებიც ამავე პროცესში გარდაიქმნებიან კაპიტალად მათი ახალი ფუნქციონირების ხელში. ცნობილია, რომ საწარმოო საშუალებებისაგან მწარმოებლის გამოცალკევებისა და კაპიტალისტის ხელში იმ საშუალებათა კაპიტალად გადაქცევის პროცესში, კაპიტალისტური დაგროვების პროცესში, მიმდინარეობს სამრეწველო ბურჟუაზიის ჩამოყალიბება. ამ პროცესში კაპიტალი გარდაიქმნება კაპიტალისტური საწარმოს მატერიალურ სუბსტრატად, მის საწარმოო საშუალებად. ჭიათურის მაგალითზე ჩანს, რომ გასული საუკუნის 70-იანი წლების მიწურულისათვის ჩვენში კაპიტალისტური დაგროვების პროცესი ძლიერ გაღრმავებული არ არის. ამიტომ სამრეწველო ბურჟუაზიამ აქ გვიან აიღვა ფეხი და ძლიერ მომძლავრდა. საქართველოს ეროვნული სამრეწველო ბურჟუაზიის მოცემული ჯგუფი, თავისი შედარებითი სისუსტის გამო. ვერ აუდიოდა მრეწველობის კაპიტალით უზრუნველყოფას. საამისოდ ის შემდეგშიც ხშირად უხმობდა უცხოურ სავაზრო და სავაჭრო კაპიტალს; რომელიც ამით სარგებლობდა.

ბ) სამრეწველო ბურჟუაზია. მრეწველთა შემადგენლობა და კატეგორიები

სამრეწველო ბურჟუაზიის, როგორც კლასის, წარმოშობა კაპიტალისტური წარმოების ერთ-ერთი ძირითადი წანამძღვარი და ელემენტია. მისი ჩამოყალიბება საზოგადოდ კაპიტალიზმის ჩასახვა-განვითარების პროცესში იწყება. ჯერ კიდევ ფეოდალურ-ბატონყმური სამეურნეო სისტემის ფარგლებში, თუმცა, ამ კლასის ჩამოყალიბების მიმდინარეობა ყოველ კონკრეტულ შემთხვევაში და ყველა ქვეყანაში ერთნაირად არ ხორციელდება. ამ შემთხვევაში, როგორც ზემოთაც აღვნიშნეთ, განსაზღვრული მნიშვნელობა აქვს სამრეწველო კაპიტალიზმის ძირითადი წანამძღვრის—სასაქონლო წარმოებისა და შრომის საზოგადოებრივი დანაწილების — არსებობას, იმას, თუ რა დონეზე დგას სასაქონლო წარმოებისა და შრომის საზოგადოებრივი დანაწილების პროცესი; ამასთანავე იმას, თუ როგორ მიმდინარეობს კაპიტალისტური სამეურნეო სისტემის ფორმირება მრეწველობაში, როგორ გადის ის თავისი განვითარების სტადიებს (წვრილი სასაქონლო წარმოება, კაპიტალისტური მანუფაქტურა, ფაბრიკა). უნდა შევნიშნოთ, რომ სასაქონლო-ფულადი ურთიერთობის განვითარების დონის შეფასებისას გასათვალისწინებელია შემდეგი: „ფული და საქონელი, სწორედ ისევე, როგორც წარმოების საშუალებანი და საარსებო საშუალებანი, თავისთავად არ ურთიდაც არ წარმოადგენენ კაპიტალს. ისინი საჭიროებენ კაპიტალად გარდაქმნას. მაგრამ თვით ეს გარდაქმნა შეიძლება მოხდეს მხოლოდ განსაზღვრულ პირობებში. რომელნიც შემდეგ სახეს იღებენ: ერთმანეთს უნდა დაუპირდაპირდეს და კონტაქტში შევიდეს ორი მეტად განსხვავებული სახის საქონელმფლობელი, ერთი მხრივ, ფულის, წარმოების საშუალებათა და საარსებო საშუალებათა მესაკუთრენი. რომელთაც მათ მიერ მითვისებული ღირებულების ჯამის გააადიდებლად ესაჭიროებათ სხვისი საქუშაო ძალის ყიდვა; მეორე მხრივ, თავისუფალი მუშები, საკუთარი სამუშაო ძალის გამყიდველნი და, მაშასადამე, შრომის გამყიდველნი“. „საქონლის ბაზრის ამ პოლარიზაციით. — განაგრძობს კ. მარქსი. — მოცემულია კაპიტალისტური წარმოების ძირითადი პირობები. კაპიტალისტური ურთიერთობა გულისხმობს, რომ საკუთრება შრომის განხორციელების პირობებზე გათიშულია მუშისაგან. როგორც კი კაპიტალისტური წარმოება საკუთარ ფეხზე დგება, იგი არა თუ ინარჩუნებს ამ გათიშვას, არამედ აკვლავწარმოებს მას სულ უფრო და უფრო მზარდი მასშტაბით“¹. ჩვენში კაპიტალიზმისა და მისი ძირითადი ელემ-

¹ კ. მარქსი. კაპიტალი. ტ. 1. 1954. გვ. 897—898.

მენტების (კაპიტალის დაგროვება, ბურჟუაზიისა და სამრეწველო პროლეტარიატის ჩამოყალიბება, სამრეწველო გადატრიალება) ფორმირება კლასიკური ფორმით, როგორც ეს ინგლისში მოხდა, არ განხორციელებულა. აქ ისევე როგორც რუსეთში, სამრეწველო კაპიტალიზმის, მისი ძირითადი ელემენტების ჩამოყალიბების პროცესს თავისი ისტორიული თავისებურებანი ახასიათებს. თავდაპირველი დაგროვებისა და კაპიტალისტური ურთიერთობის ჩასახვის საწყისი ეტაპების კლასიკური (ინგლისური) ფორმისაგან განსხვავებით, ამავე პროცესის არსებითი თავისებურება ჩვენს ქვეყანაში ბატონყმური ურთიერთობის შედარებით ხანგრძლიობით და ამიტომ ფეოდალურ-ბატონყმური ექსპლოატაციის ფორმების კაპიტალისტური ექსპლოატაციის ფორმებით შედარებით ნელი შეცვლითაა გაპირობებული. ამიტომ ჩვენში „ფეოდალური საზოგადოების ეკონომიური სტრუქტურიდან“ „კაპიტალისტური საზოგადოების ეკონომიური სტრუქტურის წარმოშობა“, პირველის დაშლით მეორის „ელემენტების გათავისუფლება“ შედარებით ნელი ტემპით მიმდინარეობდა. აქაც თითქმის ისევე, როგორც რუსეთში, ჯერ კიდევ რეფორმამდელ ხანაში მკაფიოდ შეინიშნება თავდაპირველი დაგროვების ძირითადი ელემენტები და კაპიტალიზმის წანამძღვარები, მაგრამ ბატონყმობა და მისი გადმონაშთები თავის დაღს ასვამდა და ამუხრუქებდა სამრეწველო წარმოებაში კაპიტალისტური ურთიერთობის განვითარების პროცესს არა მარტო საგლეხო რეფორმის გატარებამდე, არამედ მის შემდეგაც. მართალია, რეფორმამ ჩვენში გაწმინდა ნიადაგი სამრეწველო-კაპიტალისტური განვითარების აუცილებელი პირობების საბოლოოდ დასამკვიდრებლად, გააუქმა „გარეეკონომიური იძულების“ იურიდიული ზედნაშენი — „ბატონყმური სამართალი“, მაგრამ, რეფორმის „მეზატონურმა“ ხასიათმა განსაზღვრა ძველი წყობილების გადმონაშთების მრავლად შენარჩუნება, რაც დიდად აბრკოლებდა საწარმოო ძალთა განვითარებას—კაპიტალისტური ურთიერთობის გამარჯვებას. ახასთანავე ჩვენში, როგორც კოლონიურ მდგომარეობაში მოქცეულ ქვეყანაში, დასახელებულ პროცესს გარკვეულ შემთხვევაში ამუხრუქებდა ცარიზმის ეკონომიური პოლიტიკაც. მსხვილი და გავლენიანი სამრეწველო ბურჟუაზია, როგორც ახალი სოციალური ძალა და ახალი საზოგადოებრივი კლასი, ისიც ეროვნული, ჩვენში, რუსეთისაგან განსხვავებით, გასული საუკუნის 60-იანი წლებისათვის არც არსებობდა. სამრეწველო ბურჟუაზიის, როგორც განსაკუთრებული კლასის, ფორმირება აქ მხოლოდ რეფორმის მომდევნო ხანას განეკუთვნება. მას თვალსაჩინო ეკონომიური და საზოგადოებრივ-პოლიტიკური გავლენა არ მოუპოვებია კაპიტალისტური ეპოქის დადგომის დროისათვის.

რეფორმის მომდევნო პერიოდში, გლეხობის დიფერენციაციისა და

ქისი კლასობრივი დაშლის სწრაფად მიმდინარეობის საფუძველზე საქართველოში ბურჟუაზიის რიგები ივსება საზოგადოების „ქვედა ფენებიდან“, სოფლის კულაკობის, სოფლის მეევანშეების, ვაჭრებისა და სხვათა ხარჯზე. მის რიგებს ავსებენ აგრეთვე სხვა ეროვნების (სომეხი, რუსი, ბერძენი, ებრაელი) საქმოსნები და მოხელეები, აგრეთვე უცხოური კაპიტალის წარმომადგენლები. ჩვენში სამრეწველო ბურჟუაზიისა და ეროვნული კაპიტალის ფორმირების პროცესი უფრო შესამჩნევი ხდება 70-იანი წლების მიწურულიდან, განსაკუთრებით კი 90-იანი წლების სამრეწველო აღმავლობის პერიოდში, როცა კაპიტალის დაგროვების და კონცენტრაციის წყაროები გამრავლდა და ბურჟუაზიამ მეწარმეობის კარგი სკოლაც გაიარა. ასეთია ჩვენში ბურჟუაზიის, როგორც ახალი სოციალური ძალის, ჩამოყალიბების ზოგადი სურათი. საკითხის არსებით მხარეს, სახელდობრ იმას, თუ რა პირობებში მიმდინარეობდა საქართველოში კაპიტალიზმის ჩასახვა-განვითარება და კაპიტალისტური საზოგადოების ძირითადი კლასების ბურჟუაზიისა და პროლეტარიატის ფორმირება, მრეწველობის დარგების დეტალური შესწავლა დაგვანახვებს. საქართველოს სამრეწველო ბურჟუაზიის შევსების, მისი ეროვნული შემადგენლობის, საზოგადოებრივ-პოლიტიკური მისწრაფებებისა და როლის რამდენადმე სერიოზულად გაშუქება და შეფასება წარმოუდგენელიცაა მრეწველობის დარგების გენეზისისა და განვითარების პროცესის საფუძველიანი შესწავლის გარეშე.

ამ შემთხვევაში მხოლოდ ჭიათურის სამრეწველო რაიონის ბურჟუაზიის ფორმირებაზე დაკვირვებით ვიფარგლებით.

კაპიტალისტური მრეწველობის ყოველი ცოტად თუ ბევრად მნიშვნელოვანი დარგის ჩასახვა და განვითარება ჩვენში ამ დროს სამრეწველო ბურჟუაზიის ჩამოყალიბებასთანაცაა დაკავშირებული და ამ მხრივ ჭიათურის მრეწველობა გამონაკლისს არ წარმოადგენს.

ჭიათურის მარგანეცის მრეწველთა შემადგენლობა და კატეგორიები აღებულ პერიოდში საფუძველიანად არ არის მიმოხილული ლიტერატურაში. ჩვენს ხელთ არსებული წყაროების ეპიზოდური მონაცემებითაც რამდენადმე ძნელი ან, რიგ შემთხვევაში, შეუძლებელიც ხდება ჭიათურის მრეწველობაში 1879—1894 წლებში ჩაბმულ მრეწველთა სოციალური შემადგენლობის მკაფიოდ დიფერენციაცია, ასევე სხვადასხვა კატეგორიის ანუ სხვადასხვა შესაძლებლობის მრეწველთა თანაფარდობის ზუსტად დადგენა. საქმეს ის ართულებს, რომ ჭიათურაში, მოცემულ პერიოდში, სამრეწველო სტატისტიკა არ არსებობდა, სამრეწველო აღწერები არ ხორციელდებოდა, მით უფრო რომ სამთო ზედამხედველობა სამრეწველო რაიონში 1893 წლამდე ფორმალურადაც არ ასრულებდა თავის ფუნქციებს. ჭიათურაში ამ მხრივ სურათი ძირ-

ფესვიანად არც შემდეგში შეცვლილა. აღნიშნულის მიუხედავად შესაქ-
ლებელი ხდება მარგანეცის მრეწველთა ეროვნული, აგრეთვე სოცია-
ლური შემადგენლობის დიფერენციაცია. შესასწავლი ხანის ზოგიერთი
წლის საამისო სტატისტიკური ცნობების კრიტიკული განხილვით
დგინდება მრეწველთა საერთო რიცხვის საგრძნობი ზრდის ტენდენ-
ცია: ასე მაგალითად, 1880 წელს მრეწველთა საერთო რიცხვია 123:
აქედან უცხოელია 8, რუსი — 4, ადგილობრივი სომეხი — 3, ბერძენი—
2, ებრაელი — 2, ხოლო ქართველი — 114. ქართველ მრეწველთა სიაზე
დაკვირვებას (მათი სოციალური წარმოშობის დასადგენად) იმ ვარაუ-
დამდე მივყავართ, რომ 114 ქართველი მრეწველიდან თავადაზნაურო-
ბის წრიდანაა დაახლოებით 58, სასულიერო წოდებიდან — 1, (მღვიმე-
ვის ქალთა მონასტერი), ხოლო 55 გლეხთა წრიდან უნდა იყოს გამო-
სული². 1886 წელს მრეწველია 190; აქედან უცხოელია 1 (ინჟინერი
პიო), რუსი — 5, სომეხი — 6, ბერძენი — 3, ებრაელი—3, ქართველი—
172, რომელთაგან დაახლოებით 83 თავადაზნაურობიდან უნდა იყოს.
ხოლო 89 გლეხობიდან³. 1890 და 1893 წლებში, როგორც ჩანს, მრეწ-
ველთა საერთო სიები არ შემდგარა და წყაროს ზოგადი განცხადებით
1890 წელს მრეწველთა რიცხვია 199, ხოლო 1893 წელს — 214⁴. 1894
წელს შედგენილი სიის მიხედვით მარგანეცის მრეწველთა საერთო
რიცხვია 239⁵. მათ შორის, ჩვენი დაკვირვებით, სომეხია — 12, ბერ-
ძენი — 9, რუსი — 1, გერმანელი — 1 (გ. გროტე), ხოლო ქართველი —
216, საიდანაც თავადაზნაურობის წრიდანაა დაახლოებით 82 (37,9%)
გლეხობიდან — 134 (62,1%).

ამრიგად, მ ე რ ე თ ი, 1880 წლიდან 1894 წლამდე მეწარმეთა რი-
ცხვი განუზრებლად მატულობდა და ის გაიზარდა თითქმის ორჯერ, ამას-
თანავე განსაკუთრებით თვალსაჩინო ზრდა 1893 წლიდან იგრძნობა. ეს
გასაგებიცაა, რადგან ქიათურის რკინიგზის გაყვანამდე (ამ გზაზე ტვირ-
თზიდვა 1893 წ. დაიწყო) „მარგანეცის მწარმოებელნი რიცხობრივად
ბევრად უფრო ცოტანი იყვნენ“⁶. მ ე რ ე, 1880 წელს ქიათურაში მო-
მუშავე 8 უცხოური ფირმიდან 1886 წელს მარტო ერთი შერჩენია
წარმოებას, ერთგვარად შემცირდა რუსი საქმოსნების რიცხვი და გაი-
ზარდა სომეხ და ბერძენ მეწარმეთა რიცხვი, მ ე ს ა მ ე, მეწარმეთა
ძირითად მასას ქართველები შეადგენდნენ და მრეწველთა რიცხვი მო-
ცემულ პერიოდში სწორედ მათ ხარჯზე იზრდებოდა. მ ე ო თ ე, 1880

² ЦГИАМ, ф. 3. 1157, оп. 1. д. 52, 1893 г.

³ იქვე, ფურც, 248—252.

⁴ იქვე, ფურც. 254. სხვა წყაროს მოწმობით 1890 წელს მრეწველთა რიცხვია—
193 (იხ. Отчет о деятельности Совета съезда марганцепромышленников за
1905 и 1906 гг., К., 1907, გვ. 210).

⁵ ЦГИАЛ, ф. 37, Оп. 67, д. 954, л. 12—26.

⁶ „კვალი“, 1898, № 16, გვ. 274.

და 1886 წლებში ქართველ მრეწველთა საერთო რიცხვის დაახლოებით 50%-ზე მეტს შეადგენდნენ თავადაზნაურობის წრიდან, ხოლო დანარჩენს გლეხობიდან გამოსულნი; 1894 წელს კი ვითარება რამდენადმე შეცვლილია, ქართველ მრეწველთა საერთო რიცხვის 62% გლეხთა წრიდანაა გამოსული. ამრიგად, დროის მსვლელობაში მარგანეცის მრეწველთა საერთო მასაში გლეხური წარმოშობის მეწარმეთა შეფარდებითი რაოდენობა იზრდებოდა, ხოლო თავადაზნაურთა წრიდან გამოსულთა — მცირდებოდა. ვაჭრებზე კი ქვემოთ გვექნება საუბარი.

სხვადასხვა სიდიდის სამთო საწარმოებში ჩაბმული დაქირავებული მუშახელის რიცხვის, მათ მიერ მოპოვებული მადნის ოდენობისა და ღირებულების გათვალისწინება ერთგვარ გასაღებს მოგვცემს ე. წ. სხვადასხვა „კატეგორიის“ (ანუ მასშტაბის) საწარმოთა კლასიფიკაციისათვის და, რაც მთავარია, მრეწველობის ბუნების დასახასიათებლად.

ქართულ საისტორიო და ეკონომიურ ლიტერატურაში გავრცელებულია მცდარი აზრი მთელი რევოლუციამდელი ხანის ჭიათურის მრეწველობაში ე. წ. „მსხვილ“ სამთო საწარმოთა რიცხვის უკიდურეს სიმცირეზე, მრეწველობის ამ დარგის „კუსტარულობაზე“. ამიტომ საჭიროა გზადაგზა გავაანალიზოთ შესაფერისი ცნობები, გადავსინჯოთ უსაფუძვლო მოსაზრებანი და, რამდენადაც შეიძლება, ცხადვყოთ, თუ როგორი იყო სხვადასხვა სამთო საწარმოთა და მთელი მრეწველობის ორგანიზაცია, როგორ გასცილდა ის თავის განვითარებაში კაპიტალისტური მრეწველობის პირველ სტადიას, როგორ გადაიზარდა მანუფაქტურულ და შემდეგ მანქანური ინდუსტრიის სტადიაზე. უნდა შევნიშნოთ, რომ ჩვენთვის ამჟერად საინტერესო პერიოდის (1879—1894 წწ.) რამდენადმე სისტემატურად და სრულად ამსახველი სტატისტიკური ცნობებო არ არსებობს, თუ მხედველობაში არ მივიღებთ დროის ამ მონაკვეთში მადნის წლიური მოპოვების მონაცემებს, რომელთაც ასევე ახასიათებს ნაკლებობა. სამაგიეროდ, როცა გასული საუკუნის 90-იანი წლების მეორე ნახევარში ჭიათურის მარგანეცის მრეწველობის სტატისტიკის მოწესრიგება და საამისო კრებულების გამოცემა დაიწყო, მათმა შემდგენლებმა სცადეს 1879—1894 წლების ვითარების გათვალისწინება, სახელდობრ, კრებულებში მოათავსეს დასახელებულ წლებში მადნის საერთო მოპოვების მაჩვენებლები. სტატისტიკურ კრებულებში, ასევე საკითხის ისტორიოგრაფიაში, არცაა ნაცადი აღებული ხანის ჭიათურის მრეწველობაში მოქმედ სამთო საწარმოთა რიცხვის დადგენა და მით უმეტეს წერილ, საშუალო და მსხვილ საწარმოთა ერთმანეთისაგან გამოყოფა. სამაგიეროდ სტატისტიკა 1895 წლიდან მარგანეცის მრეწველებს სამ ჯგუფად (სამ კატეგორიად) ყოფდა. პირველ კატეგორიაში მას შეჰყავდა წერილი მრეწველები — 100 000 ფუთამდე მადნის მოპო-

ვებით; მეორეში საშუალო სიდიდის მრეწველები — 100 001 ფუთიდან 500 000 ფუთამდე მოპოვებით; მესამე კატეგორიაში მსხვილი მრეწველები — 500 000 ფუთზე მეტის მოპოვებით. ამრიგად, მრეწველთა კატეგორიებად დაყოფისას ამოსავალი და ერთადერთი გასაღები იყო მადნის მოპოვების სიდიდე⁷.

ვფიქრობთ, მრეწველთა კატეგორიებად დაყოფისას მხოლოდ ამ ნიშნით სარგებლობა შეუძლებელია. წვრილ, საშუალო და მსხვილ მრეწველთა ცნების დასადგენად, ჩვენი აზრით, აუცილებელია დაყოფის საფუძველი განვსაზღვროთ ყველა იმ ცნობით, რასაც საწარმოთა აღწერა შეიცავს. ამასთანავე საჭიროა სხვადასხვა საწარმოს სხვადასხვანაირი საფუძველი გამოვუნახოთ, კერძოდ, ამ შემთხვევაში შეუძლებელია სხვადასხვა თანრიგის საწარმოებში ჩაბმულ მუშათა რიცხვის გაუთვალისწინებლობა. ზემოჩამოთვლილი კატეგორიების საწარმოთა ცნების დასადგენად ისევე, როგორც საზოგადოდ ფაბრიკის ან ქარხნის ცნების დასადგენად, ერთ-ერთ შედარებით საყოჩაღებო პირობით ნიშნად შეიძლება ჩაითვალოს შესაბამის საწარმოში დაბანდებული მუშათა რიცხვი, რასაც „მარგანეცის საქმის სტატისტიკა“ ანგარიშს არ უწევდა სამთო საწარმოთა კატეგორიებად (წვრილ, საშუალო და მსხვილ საწარმოებად) დაყოფისას. საამისოდ ეს ნიშანი, ჩვენი დაკვირვებით, უფრო უტყუარი იქნებოდა, ვიდრე, ამა თუ იმ საწარმოში მოპოვებული მადნის ოდენობა, რაც რევოლუციამდელი სტატისტიკისათვის სამთო საწარმოთა კატეგორიებად დიფერენცირების ერთადერთ ნიშანს წარმოადგენდა. ასეთი, ერთ-ერთი პირობითი ნიშანი წვრილ სამთო საწარმოსათვის შეიძლება იყოს დაახლოებით 1-დან 10 მუშამდე, საშუალოსათვის — 10-დან 25 მუშამდე, ხოლო მსხვილი საწარმოსათვის 25 მუშის ზევით. ასეთი ნიშნის შემოღება საფუძველს მოკლებულად არ მოგვეჩვენება, თუ გავითვალისწინებთ, რომ ფაბრიკის ცნების დასადგენად ვ.ი. ლენინმა ერთ-ერთ პირობით ნიშ-

⁷ ეს მაშინ, როცა მადნის მოპოვების ოდენობა ხშირად სრულებით არ ასახავდა წარმოების ნამდვილ მასშტაბს, მით უმეტეს, რომ საბადოთა საქსპლოატაციო სამუშაოების მომზადება, რასაც ადგილი ჰქონდა უფრო მეტად მსხვილ საწარმოებში, ზოგჯერ დიდ დროს მოითხოვდა და ამის შედეგად დროის ამ მონაკვეთში მადნის უშუალო მოპოვება არ წარმოებდა. ამითაც აიხსნება, მაგალითად, ის, რომ 1894 წელს ე. სპაძემ 20 მუშით მოიპოვა მხოლოდ 77200 ფუთი მადანი, ხოლო ი. ველიევამ 2 მუშით 45000 ფუთი, ასევე ნ. ლოდობერიძემ თავის ერთ საბადოში 30 მუშით მოიპოვა მხოლოდ 190500 ფუთი, ეს მაშინ, როცა პ. მოსე-შვილმა თავის ერთ-ერთ საბადოში 9 მუშით მოიპოვა 103550 ფუთი. ასეთი მაგალითები, რომლებიც მკაფიოდ მეტყველებენ იმაზე, რომ მადნის მოპოვება ყოველწლიურად ვერ ასახავდა წარმოების ნამდვილ მასშტაბს, მრავლადაა წარმოდგენილი კითურის მრეწველობის შესაფერის აღწერებებში (იხ. ЦГИАЛ, ф. 37, оп. 67, д. 954, л. 12—26).

ნად აიღო საწარმოში დაბანდებულ მუშათა რიცხვი — „არანაკლებ 16-სა“⁸. თუკი მუშათა ამ, შედარებით მცირე რიცხვს გავითვალისწინებთ, ჩვენი დაყოფა, ვფიქრობთ, ჭიათურაში სამთო საწარმოთა სიდიდეს სრულებით არ აზვიადებს. უნდა შევნიშნოთ, რომ მოცემული პირობითი ნიშნის მიხედვით სხვადასხვა სიდიდის საწარმოთა ერთმანეთისაგან გამიჯვნა მხოლოდ არქივებში დაცულ „მრეწველთა სიების“ მეშვეობით შეიძლება, რადგან მარტო ისინი შეიცავენ თითოეული მეწარმის მიერ დაჭირავებულ მუშათა რაოდენობის მონაცემებს, ამავე დროს ჩვენ მივყავლიეთ და ხელთა გვაქვს განსახილველი პერიოდის მხოლოდ 1880, 1886, 1894 წლების სიები და ისინიც არაერთნაირად სრულფასოვანი, სადაც ნაჩვენები იქნებოდა ყოველი მრეწველის საბადოთა და მალაროთა, ასევე მუშათა რიცხვი, მადნის მოპოვებისა და მისი ღირებულების ოდენობის მაჩვენებლები. ასე მაგალითად, მარგანეცის მრეწველთა პირველი ორი სია, რომლებიც 1880 და 1886 წლებს განეკუთვნება, არ შეიცავენ შესაფერის მონაცემებს მეწარმეთა ხელთ არსებული მოქმედი მალაროებისა და შტოლების, მათ მიერ დაჭირავებული მუშების, მოპოვებული მადნის ოდენობისა და მისი საერთო ღირებულების დასადგენად. მრეწველთა პირველი სია, სადაც ყველა ეს მონაცემია წარმოდგენილი, 1894 წელსაა შედგენილი. ამიტომ ეს დოკუმენტი იძლევა მრეწველთა სხვადასხვა კატეგორიაზე წარმოდგენის გამომუშავების შესაძლებლობას. მარგანეცის მრეწველთა 1894 წლის სიაში შეტანილია 239 სამთო საწარმო. ყველა საწარმოში აღრიცხულია 2183 მუშა⁹. ეს სია, სადაც მითითებულია თითოეულ სამთო საწარმოში ჩაბმულ მუშათა რიცხვი, შესაძლებლობას გვაძლევს საწარმოები დავაჯგუფოთ მუშათა რიცხვის გათვალისწინებით. სურათის სისრულისათვის ჯერ, ვფიქრობთ, საჭიროა მოვახდინოთ დეტალური დაჯგუფება. ასე მაგალითად, ჩვენი გამოთვლით, 1894 წელს მუშათა რიცხვის და მათი საერთო რაოდენობის მხრივ სხვადასხვა სამთო საწარმოებში ასე იყოფა:

68 საწარმოში მუშაობდა	1-დან 3-მდე მუშა, სულ კი	159 მუშა
104 — „ —	1-დან 10-მდე „ „	438 „
28 — „ —	10-დან 15-მდე „ „	342 „
7 — „ —	15-დან 20-მდე „ „	145 „
15 — „ —	20-დან 25-მდე „ „	335 „
3 — „ —	25-დან 30 მდე „ „	71 „
6 — „ —	30-დან 40-მდე „ „	228 „

⁸ ვ. ი. ლენინი, თხზ., ტ. 3, გვ. 552.

⁹ ЦГИАЛ, ფ. 37, оп. 67, д. 954, л. 12—26.

3	საწარმოში მუშაობდა	40-დან 50-მდე	მუშა, სულ კი	153	მუშა
4	— „ —	50-დან 60-მდე	„	242	„
1	— „ —	60-დან 70-მდე	„	70	„

თუ საწარმოებს ჩვენ მიერ შემოღებული პირობითი ნიშნის მიხედვით წარმოვადგენთ, შემდეგ სურათს მივიღებთ: 1-დან 10-მდე მუშაიან 172 წვრილ საწარმოში 597 მუშა იყო დასაქმებული, 10-დან 25-მდე მუშაიან 50 საშუალო სიდიდის საწარმოში — 822 მუშა, ხოლო 17 მსხვილ საწარმოში — 764 მუშა.

ამრიგად, ვხედავთ, რომ წვრილ საწარმოებში (მათი რიცხობრივი სიმრავლის მიუხედავად) თავმოყრილია მუშათა საერთო რიცხვის მხოლოდ 26,9%, საშუალო საწარმოებში — 37,4%, მსხვილ საწარმოებში კი — 35,7%. თუ მოცემული ნიშნის მიხედვით ვიმსჯელებთ, გამოდის, რომ თავისი ხვედრითი წონით პირველ ადგილზეა საშუალო სიდიდის საწარმოები, მეორეზე მსხვილი, ხოლო მესამეზე წვრილი საწარმოები.

თუკი სამივე კატეგორიის საწარმოებზე ვიმსჯელებთ სხვა პირობითი ნიშნების, კერძოდ, მათ მიერ მოპოვებული მადნის ოდენობისა და მისი ღირებულების გათვალისწინებით, მრეწველთა 1894 წლის სიის მონაცემების¹⁰ სათანადო დაჯამებით, მდგომარეობა ასე წარმოგვიდგება: მოცემულ წელს სულ მოპოვებულ იქნა 11 165 000 ფუთი, რომლის საერთო ღირებულებამ შეადგინა 501 282 მანეთი. აქედან 172 წვრილმა საწარმომ მოიპოვა დაახლოებით 3 314 500 ფუთი, რომლის ღირებულება შეადგენდა 157 698 მანეთს, 50-მა საშუალო სიდიდის საწარმომ — 4 მილიონამდე ფუთი, — 180 ათასი მანეთის ღირებულებისა, ხოლო 17-მა მსხვილმა საწარმომ — 3 450 500 ფუთი, რაც ღირდა 163 584 მანეთი.

ამრიგად, ნათელია, რომ წვრილ საწარმოებზე მოდის მთელი მოპოვების 29,7% და მისი საერთო ღირებულების 31,5%, საშუალო სიდიდის საწარმოებზე შესაბამისად 39,4% და 35,8%, ხოლო მსხვილ საწარმოებზე 30,9% და 32,7%. ამ პირობითი ნიშნების გათვალისწინებითაც პირველ ადგილზეა საშუალო საწარმოები, მეორეზე — მსხვილი, მესამეზე კი წვრილი. აქედან ჩანს, რომ კვათერაში 1894 წელს წვრილი საწარმოები, რიცხობრივი სიმრავლის მიუხედავად, მესამეხარისხოვან როლს ასრულებენ. თავისი განვითარების დონით და ხასიათით ისინი, ჩვენი გაგებით, არ სცილდებიან წვრილი სასაქონლო წარმოების ფარგლებს. მსხვილი სამთო საწარმოები მანუფაქტურებია. ამასთანავე ჩვენ შორს ვართ იმ მოსაზრებისაგან, რომ საშუალო სიდი-

¹⁰ ЦГИАЛ, ф. 37, оп. 67, д. 954, л. 12—26.

დის საწარმოები მიჩნეულ იქნენ მანუფაქტურებად, თუმცა, ჩვენი დაკვირვებით, მათ შორის ბევრია მანუფაქტურები, სადაც თავმოყრილია მუშათა საკმაო რიცხვი და წარმოების პროცესში ადგილი აქვს შრომის დანაწილებას, დამყარებულს ხელით შრომაზე. მთავარი კი ის არის, რომ ქიათურის მარგანეცის მრეწველობაში შედარებით სოლიდურ საწარმოთა რიცხვი და ხვედრითი წონა წარმოებაში უფრო თვალსაჩინოა, ვიდრე ეს ასახულია „მარგანეცის საქმის სტატისტიკაში“. დავახასიათოთ თუნდაც რამდენიმე შედარებით მსხვილი მრეწველი (მათი სოციალური წარმოშობის, ასევე საწარმოო საქმიანობის მასშტაბის გათვალისწინებით). ამ თვალსაზრისით ყურადღებას იმსახურებენ ცნობილი მრეწველები პავლე მოსეშვილი და გედევან ჩუბინიძე, რომლებიც ზემოთაც მოვიხსენიეთ. წარმოშობით გლეხი, პ. მოსეშვილი, ადრე, ოსმალეთთან ომის პერიოდში, ვაჭარი იყო, კომერციულ საქმიანობას ფართოდ ეწეოდა. გ. წერეთლის მოწმობით ეს გლეხი, მერმე ვაჭარი, გამუდმებით ეწეოდა აღებ-მიცემობას მთელ ამიერკავკასიაში. „დღეს ხედავთ ის აფხაზეთში ამოჰყოფს თავს, ხვალ ქიათურაშია, ზეგ რაჭის კლდე-ღრეებში დახეტილობს, მასზეგ ბაქოსა და ბათუმს მიჰქრის. მისთვის არ არის ძილი და მოსვენება... ეს კაცი ამ უკანასკნელს ათს წელიწადში სამჯერ მინახავს ისეთს მდგომარეობაში, რომ ასი ათას მანეთამდე ატრიალებდა“¹¹. პ. მოსეშვილი ერთ-ერთი უმდიდრესი ვაჭარი იყო ფოთში. მან 402 დესეტინა ტყეები შეიძინა რაჭაში¹², რის სამრეწველო ათვისებას შეუდგა 2 სახერხი ქარხნის მოწყობით, თუმცა 1879 წლიდან ის „ქიათურის მარგანეცს დაეწაფა“¹³. ეს გასაგებიცაა, რადგან გამოჩენილი მოღვაწის, გ. წერეთლის, გადმოცემით, პ. მოსეშვილს მიაჩნდა, რომ „მომავალი კავკასიისა და საქართველოს ერისა თვით კავკასიის გულშია ჩამარხული. საქართველოს ბედი და მასთან კავკასიისა მხოლოდ მადნეულის წარმოებაზეა დამოკიდებული... აი ჩვენ მხოლოდ ამას უნდა ჩაეჭიდოთ ხელი“¹⁴. პ. მოსეშვილი თავიდანვე წარმატებით ჩაება მარგანეცის მრეწველობაში. შედარებით მსხვილმა მრეწველმა პ. მოსეშვილმა

¹¹ „ივერია“, 1889, 12 იანვარი, № 8.

¹² Сборник сведений о Кутаисской губернии, К. 1881. გვ. 48.

¹³ იქვე, გვ. 49.

¹⁴ „ივერია“, 1889, 12 იანვარი, № 4. 1880—1886 წლებში პ. მოსეშვილი (ა. გურაბანიძესთან ერთად) მეცადინეობდა ქუთაისის მაზრის სოფ. ნზეურის მახლობლად ქვანახშირის საბადოს საექსპლოატაციოდ (სსსა, ფონ. 264, საქ. 1292, ფურც. 58). 1880 წელს პ. მოსეშვილმა სცადა ვერცხლისა და სპილენძის საბადოთა სამრეწველო ექსპლოატაცია ბათუმის ოლქში (სსსა, ფონ. 264, საქ. 10935, საქ. 943).

1885 წელს მოიპოვა და სადგურ ყვირილაში კომისიონერებს ჩააბარა 470 000 ფუთი მადანი¹⁵. 1894 წელს მას 5 მოქმედო საბადო გააჩნდა ზედა რგანში, პერევისასა და შუქრუთში. ამ წელს, ჩვენი გამოთვლით, მან 23 მუშით მოიპოვა 216000 ფუთი მადანი, რისი ღირებულებაც 7855 მანეთს შეადგენდა¹⁶. მომდევნო პერიოდში პ. მოსეშვილმა მნიშვნელოვნად გააფართოვა საბადოთა ექსპლოატაცია და ის თითქმის 20 წლის მანძილზე ერთ-ერთი შედარებით მსხვილი და გავლენიანი მრეწველი იყო ქიათურაში.

თავიდანვე ცნობილი მრეწველი იყო წარმოშობით გლეხი, მერმე ვაჭარი გ. ჩუბინიძე, რომლის შესახებ გ. წერეთელი მოგვითხრობს: „ჩუბინიძე ვაჭრობაში ყოველთვის მებანგარიშეა. არაფერს მოჰკიდებს ხელს, არც დაგელაპარაკებათ, თუ პირველად არ გამოიანგარიშა: ამა და ამ საქმეზე მანეთი რომ დაეხარჯო ავიღებ თუ არა ექვს აბაზსო“¹⁷. გ. ჩუბინიძემ 1879—1880 წლებში იჯარით აიღო 18 საბადო ნაკვეთი, მან პ. მოსეშვილთან ერთად, თვალსაჩინო როლი ითამაშა ქიათურის საბადოებიდან უცხოელთა, კერძოდ, მერკენფელდის განდევნაში¹⁸. გ. ჩუბინიძეს 1894 წელს, ჩვენი გამოთვლით, 10 ადგილას გააჩნდა საბადოები ზედა რგანში, მღვიმევსა და პერევისაში. იგი 60 მადაროსა და შტოლნი ეწეოდა მადნის მოპოვებას 119 მუშით. ამ წელს გ. ჩუბინიძემ მოიპოვა 786 000 ფუთი მადანი, რაც ღირდა 24 192 მანეთი¹⁹. ის ერთ-ერთი მსხვილი მრეწველთაგანი იყო რევოლუციამდელ ქიათურაში.

გ. წერეთლის მტკიცებით პ. მოსეშვილისა და გ. ჩუბინიძის მაგალითმა „ინტელიგენციის წარმომადგენლებიც გამოიწვია მრეწველობის ასპარეზზე“. მათ აფიქრებინეს ნიკოლოზ ღოღობერიძესა და პეტრე წულუკიძეს საკუთარი, აგრეთვე ახლობლების კუთვნილი საბადოების დამუშავების დაწყება²⁰.

თავადაზნაურული წრეებიდან გამოსულ მრეწველებს შორის გამოირჩეოდა გამოჩენილი ბურჟუაზიული მოღვაწე ნიკოლოზ ბესარიონის ძე ღოღობერიძე, რომელმაც თანამედროვეთა აღიარებით.

¹⁵ იხ. დ. წერეთელი, შავი ქვა, გვ. 68.

¹⁶ ЦГИАЛ, ф. 37, оп. 67, д. 954, л. 12—25.

¹⁷ „ივერია“, 1889, 12 იანვარი, № 8.

¹⁸ Сборник сведений о Кутаисской губернии, К., 1885, გვ. 8.

¹⁹ ЦГИАЛ, ф. 37, оп. 67, д. 954, л. 13—24. გ. ჩუბინიძემ 1882—1893 წლებში სძიებო სამუშაოები აწარმოვა შორაპნის მაზრის სოფ. შარილისის მახლობლად ვერცხლასა და სპილენძის საბადოთა აღმოსაჩენადაც, სსსა, ფონ. 264, საქ. 1093, ფურც. 1—3.

²⁰ გ. წერეთელი, შავი ქვის წარმოება დასავლეთ საქართველოში, „ივერია“, 1889, 12 იანვარი, № 8.

„შავი ქვის მრეწველობას ევროპული ხასიათი მისცა“²¹. აი, მისი საქმიანი ბიოგრაფია: თავის დროზე ის სწავლობდა პეტერბურგის უნივერსიტეტში, რაც წარჩინებით დაამთავრა. იმ დროს მისი კარგი მეგობრები იყვნენ ილია ჭავჭავაძე, დავით ყიფიანი, ნ. ჯაბადარი, ბესარიონ ლოლობერიძე, გამოჩენილი რუსი რევოლუციონერ-დემოკრატი დობროლიუბოვი, ლ. პანტელეევი. უნივერსიტეტის დამთავრების შემდეგ ნ. ლოლობერიძე ერთხანს მასწავლებლობდა.

ნ. ლოლობერიძემ, დიმიტრი ბაქრაძესთან, სტეფანე მელიქიშვილთან და ვახტანგ თულაშვილთან ერთად, დააარსა ქართული სტამბათბილისში, მონაწილეობდა გაზ. „დროების“ დაარსებაში. ამ მოღვაწეობას ის ეწეოდა 1868 წლამდე. შემდეგ მუშაობდა ქუთაისის მაზრის მომრიგებელ მოსამართლედ, ასევე ქუთაისის ოლქის სასამართლოში, ქუთაისის საადგილმამულო ბანკის მმართველად. მან ეს ადგილი მალე მიატოვა და რამდენიმე ხნის შემდეგ შეუდგა მარგანეცის შესყიდვას და ექსპორტს, — მადანს აგზავნიდა საზღვარგარეთ და რუსეთში. ბოლოს შეუდგა მადნის მოპოვებას საკუთარ მამულში — სოფ. რვანში. საქმე სულ სამი ათასი მანეთით დაიწყო, მაგრამ მალე გაძლიერდა და 11 წლის განმავლობაში ერთ-ერთი მსხვილი მრეწველთაგანი იყო ქიათურაში²². 1894 წელს მას უკვე 9 მოქმედი საბადო გააჩნდა ზედა რვანში, მღვიმეში, პერევისასა და შუქრუთში. მადნის მოპოვებას ეწეოდა 43 მადაროსა და შტოლნში. მან ამ წელს 185 მუშით მოიპოვა 1 228 500 ფუთი მადანი, 55 279 მანეთის ღირებულებისა²³. თანამედროვეთა აღიარებით ნ. ლოლობერიძის, როგორც მრეწველის „სიტყვას და საქმეს დიდი ფასი ჰქონდა“, მარგანეცის მრეწველობის „დიდ საქმეში არ ყოფილა არც ერთი პირი, რომელსაც ასეთი გავლენა ჰქონებოდეს, როგორც ნ. ლოლობერიძეს“²⁴. მან პირველმა დაიწყო ტექნიკური სიახლეების დანერგვა მრეწველობაში: 1886 წელს მას, პირველს ქიათურის მარგანეცის მრეწველობაში, თავის საბადოში 50 — 60 საყენის სიგრძის მიწისქვეშა ლიანდაგიანი გზა ჰქონდა გაყვანილი²⁵. ნ. ლოლობერიძე განაგრძობდა საზოგადოებრივ მოღვაწეობას პირადი მონაწილეობითა და საკუთარი კაპიტალით მან დიდი წვლილი შეიტანა იმდროინდელი ქართული ჟურნალ-გაზეთების

²¹ იხ. ძველი საქართველო. საქართველოს საისტორიო და საეთნოგრაფიო საზოგადოების კრებული, ტ. II, ე. თაყაიშვილის რედაქციით, 1912, გვ. 13.

²² იქვე, გვ. 12—18.

²³ ЦГИАЛ, ф. 37, оп. 67, д. 954, л. 14.—25.

²⁴ ძველი საქართველო... გვ. 13, 18.

²⁵ Отчет о деятельности Управления горной частью на Кавказе в 1887 году. Тиф., 1888, გვ. 104.

გამოცემაში. ნ. ლოლობერიძემ თავის ძმას სიმონს ათარგმნინა მარი ბროსეს საქართველოს ისტორია (რუსულიდან) და ის საკუთარ ხარჯზე ორ წიგნად გამოსცა. თერთმეტი წლის მუშაობის შემდეგ მან, ავადმყოფობის გამო, მარგანეცის საქმეს თავი მიანება, უცხოეთში გაემგზავრა, იქიდან დაბრუნების შემდეგ, 1911 წელს, გარდაიცვალა.

ნ. ლოლობერიძემ ილიას, იაკობ გოგებაშვილისა და სხვათა რჩევით, თავისი ქონების ნახევარი უანდერძა საზოგადო საქმეს — წერა-კითხვის გამავრცელებელ, ასევე საისტორიო და საეთნოგრაფიო საზოგადოებას.²⁶

მარგანეცის მრეწველობაში წარმატებით ჩაება თავის დროზე ცნობილი პუბლიცისტი სოლომონ წერეთელი. ადრე ცნობილ მემამულეს 1894 წელს 10 საბადო ნაკვეთი გააჩნდა ზედა რგანში, პერევისასა და შუქრუთში. ამ წელს მან, ჩვენი გაანგარიშებით, 14 მაღაროსა და შტოლნში 67 მუშით მოიპოვა 500 ათასამდე ფუთი მარგანეცი — 15.342 მანეთის საერთო ღირებულებისა²⁷.

გლეხთა წრიდან იყო გამოსული მარგანეცის მრეწველი ნ. კაკაბაძე, რომელსაც 1894 წელს საბადო ნაკვეთი გააჩნდა ზედა რგანში, მღვიმევსა და შუქრუთში. თავის 33 მაღაროსა და შტოლნში მან, 82 მუშით, მოიპოვა 448 500 ფუთი მადანი, რომლის საერთო ღირებულება 20 132 მანეთს შეადგენდა²⁸.

1879 წელსვე შეუდგა მეწარმეობას დასავლეთ საქართველოში ცნობილი ვაჭარი ი. სიხარულიძე. ადრე იგი ვაჭრობას ეწეოდა ქუთაისში, ზესტაფონსა და საჩხერეში. ი. სიხარულიძე შეუამხანაგდა ვინმე ხათისოვს და დიდი მამულები შეიძინა ჭიათურის საბადოთა აუზში. მან, გ. ჩუბინიძესთან და პ. მოსეშვილთან ერთად, ეფექტურად აწარმოვა ბრძოლა უცხოელ საქმოსნებთან ჭიათურაში²⁹. ი. სიხარულიძეს 1883 წელს ჭიათურაში პირველი ადგილი დაუკავებია მადნის მოპოვების ოდენობის, დაქირავებული მუშების რიცხვის, აგრეთვე მადნის ექსპორტის სიდიდის მიხედვით³⁰. 1885 წელს პ. მოსეშვილის, გ. ჩუბინიძისა და ი. სიხარულიძის ჯგუფს გაცილებით მეტი მადანი გაუგზავნია უცხოეთში, ვიდრე ცნობილ ფრანგულ ფირმას³¹. ამ წელს

²⁶ ძველი საქართველო..., გვ. 13, 18.

²⁷ ЦГИАЛ, ф. 36, оп. 67, д. 954, л. 14—24. მადნის ღირებულება ზშირად არ იყო მისი ოდენობის შესაბამისი: ერთი და იმავე ოდენობის სხვადასხვა ხარისხის მადანი სხვადასხვანაირად ფასობდა.

²⁸ იქვე.

²⁹ „ივერია“, 1886, № 30.

³⁰ ა. კოკლავაშვილი, საქართველოს სამთამადნომეტალურგიული მრეწველობის განვითარება XIX საუკუნეში, 1962, გვ. 287.

³¹ იქვე.

ი. სიხარულიძემ საკუთრივ მოიპოვა და გაასალა 360 ათასი ფუთი მადანი³².

თავადაზნაურული წრიდან გამოსულ მრეწველებს შორის აღსანიშნავია კ. და ი. აბდუშელიშვილები. მათ შორის პირველს 1880 წელს გააჩნდა 19 დესეტინა საბადო მიწა, ხოლო მეორეს — 23. 1893 წელს კ. აბდუშელიშვილი 103 მუშით ეწეოდა საბადოთა ექსპლოატაციას, ხოლო ი. აბდუშელიშვილი — 83 მუშით³³. 1893 წელს გავლენიანი მრეწველებია აგრეთვე ნ. ყიფიანი, ი. მაისურაძე, მ. საყვარელიძე. მათ შორის პირველს გააჩნდა 15 დესეტინა საბადო ადგილები, მეორეს — 11, ხოლო მესამეს — 8³⁴.

ასევე შეძლებული მრეწველები იყვნენ წარმოშობით გლეხები ს. გაჩეჩილაძე, ს. აბესაძე, ს. გაფრინდაშვილი, კ. ვაშაძე და ი. ცერცვაძე³⁵. 1894 წლის დამლევებიდან ჭიათურის მარგანეცის მრეწველობაში თვალსაჩინო როლს ასრულებდა ცნობილი საქმოსანი ალექსანდრე ჭაყელი, რომელსაც ამასთანავე იჯარით, 30 წლის ვადით, ჰქონდა აღებული ლიხეთის ტყეები (რაჭის მაზრაში)³⁶. ცნობილი საქმოსანი იყო მემამულე ი. მუხრანბატონი, 1879 წელს (რიშარის სავაჭრო სახლიან ერთად) ჩაება მარგანეცის მრეწველობაში, თუმცა მან ორი წლის შემდეგ საქმეს თავი მიანება და დაზარალდა.

როგორც ვხედავთ, მრავალი მემამულე, ვაჭარი თუ გლეხი გახდა შედარებით მსხვილი მრეწველი.

მარგანეცის მრეწველთა შორის იყვნენ ხელოსანთა წრიდან გამოსულნიც. ასეთი იყო პ. დათებავა, რომელიც 1883 წლამდე მჭედლად მუშაობდა ფოთში, ხოლო 1884 წლიდან ე. წ. „მეფუთე“ მრეწველია ჭიათურაში³⁷. მან 1894 წელს 5 მუშით მოიპოვა 24 500 ფუთი მადანი, 967 მანეთის ღირებულებისა³⁸. თბილისელი ზეინკალი დ. ბარნაძე 1891 წელს უკვე მარგანეცის მრეწველია³⁹, რომელმაც 1894 წელს 39 მუშით აწარმოვა მადნის მოპოვება და დაამზადა 36 000 ფუთი მადანი, 1 620 მანეთის ღირებულებისა⁴⁰. ადრე ხელოსნები იყვნენ, ხოლო 1891 — 1894 წლებში მარგანეცის მრეწველებია:

³² იხ. დ. წერეთელი, შავი ქვა, გვ. 68.

³³ ЦГИАМ, ф. 1157, оп. 1, д. 52, 1893, л. 256.

³⁴ იქვე.

³⁵ ЦГИАЛ, ф. 37, оп. 67, д. 954, л. 18—26.

³⁶ ЦГИАЛ, ф. 23, оп. 28, д. 508, л. 8.

³⁷ ЦГИАМ, ф. 1157, оп. 1, д. 52, 1893, л. 257.

³⁸ ЦГИАЛ, ф. 37, оп. 67, д. 954, л. 12.

³⁹ ЦГИАМ, ф. 1157, оп. 1, д. 52, л. 257.

⁴⁰ ЦГИАЛ, ф. 37, оп. 67, д. 954, л. 12.

ფ. დარჩია, ს. ვაშაძე, ს. ქაცარავა, გ. ცერცვაძე და სხვ.⁴¹ იმის დამახასიათებელ მაგალითად, თუ როგორ იქცეოდა ხელოსანი მსხვილ მრეწველად, შეგვიძლია მივიჩნიოთ ღარიბი რაჭველი მკედლის ა. ვაწაძისა და მისი შვილის ფარნაოზის საქმიანობის ისტორია. ი. ვაწაძე სოფ. ღვარდიიდან იყო და მექანიკურ სახელოსნოს ფლობდა ქუთაისში. აქედან იგი ჩასულა თბილისში და იქ მოწყობილა სამუშაოდ ინგლისელ მრეწველ რუქსთან. აქვე ჩამოუყვანია ერთ-ერთი ვაჟი-შვილი ფარნაოზი, რომელიც სემინარიაში მიუბარებია სასწავლებლად; სამი წლის შემდეგ კი რუქსთან მიუყვანია, სადაც სამი წელი დაუყვია და ხარატობა უსწავლია. მრეწველ რუქსის რჩევით, ხელობის უკეთ შესასწავლად, ფარნაოზი, მამის დაუკითხავად ინგლისში გამგზავრებულია (70-იან წლებში). აქ 5 წელი დაუყვია, ხარატის ხელობა და ინგლისური ენაც უსწავლია. სამშობლოში დაბრუნების შემდეგ ფარნაოზი ერთხელ კიდევ ყოფილა ინგლისში იარაღ-ხელსაწყოების შესაძენად. ამის მერე მამა-შვილს ქუთაისში გაუხსნიათ საკმაოდ დიდი მექანიკური სახელოსნო, სადაც თვითონ მუშაობდნენ, აგრეთვე 4 დაქირავებულ ოსტატსა და 15 შეგირდსაც ამუშავებდნენ. ამზადებდნენ რკინის ღობეებს, ხიდის ნაწილებს. მათ მონაწილეობა მიუღიათ ხიდების მშენებლობაში აღმოსავლეთ და დასავლეთ საქართველოში (მათ შორის მურის ხიდისა), აგრეთვე ნოვოროსიაშიც. სახელოსნო ჭიათურიდანაც იღებდა დაკვეთებს.

ფ. ვაწაძე მკიდროდ დაკავშირებია ჭიათურის მრეწველობას. იქ მრეწველებთან — ჩომახიძესთან და გველესიანთან-ერთად მან ააშენა მარგანეცის მადნის გამამდიდრებელი „ფაბრიკა“, სადაც ორთქლის ძრავი იდგა და მადნის სარეცხი ბარაბანი მოქმედებდა⁴². ამხანაგობაში უთანხმოება მომხდარა და ის დაშლილა. შემდეგში ვ. ბარათაშვილთან, გ. წერეთელთან და ი. სამხარაძესთან ერთად, ფ. ვაწაძემ ახალი ფაბრიკა გამართა, სადაც მუშაობდა 150 კაცი სამ ცვლად⁴³. ამგვარად, როგორც ვხედავთ, არაერთი ხელოსანი გადაიქცა მარგანეცის მრეწველად.

მარგანეცის მრეწველთა რიგები ივსებოდა აგრეთვე ინტელიგენ-

⁴¹ ЦГИАМ, ф. 1115. оп. 1, д. 52, л. 257—258, ЦГИАЛ, ф. 37, . он. 67. д. 954, л. 12—24.

⁴² იხ. პ. რატანი, საქართველოში კაპიტალიზმის განვითარების ისტორიისათვის, ივ. ჭავჭავაძის სახელობის ისტორიის ინსტიტუტის შრომები, ტ. VI, ნაკვ. 1, 1961, გვ. 170—171.

⁴³ იქვე, გვ. 171. ეს ფაბრიკა აღრიცხულია სამთო უწყების მიერ 1913 წელს შედგენილ სპეციალურ უწყისში, იხ. სსსა, ფონ. 415, საქ. 109, ფურც. 2.

ციის ხარჯზეც. ასეთები იყვნენ ჩვენთვის უკვე ცნობილი ნიკო ლოლო-ბერიძე, პეტრე წულუკიძე, ასევე ნიკო დადიანი და სხვ.

გლებური ინტელიგენციის წრიდან გამოსულ მრეწველთა შორის ყურადღებას იპყრობს სვანი გიორგი გუჭეჯიანი, რომელიც 90-იანი წლების დამდეგს შეუდგა სამრეწველო საქმიანობას და მალე ცნობილი მრეწველი გახდა. ქიათურაში მიწის ნაკვეთი შეიძინა. აქ მან გააშენა ვენახი, ააგო სამი სახლი. გიორგიმ 7 ათას მანეთად გამოისყიდა წერეთლების მიერ ბანკში დაგირავებული ტყე, საჩხერის იქით, — 12 კილომეტრზე, — კვერეთში და იქ მალე გააწყო გოგირდის აბანო, გააშენა ხეხილის ბაღი. იგი ფართო მასშტაბით ეწეოდა საბადოთა ექსპლოატაციას. 100-მდე მუშა ყოველთვის ჰყავდა, უმთავრესად სვანები. 1911 წელს საბადო ნაკვეთების ერთი ნაწილი გერმანული სააქციო საზოგადოება „კავკასიის საბადოთა ამხანაგობის“ რწმუნებულს, ინჟ. ბ. პაპავას მიჰყიდა⁴⁴. ამის მიუხედავად გ. გუჭეჯიანი მეწარმეობას შემდეგშიც განაგრძობდა. იგი კავშირს არ წყვეტდა სვანეთთანაც. სოფ. ჟაბეში თავის სახლის მახლობლად საუკეთესო სახნავე მიწები შეიძინა და დაამრგვალა, რაც დღემდეა ცნობილი, როგორც „გიორგის მიწები“. გ. გუჭეჯიანი ახლო ურთიერთობაში ყოფილა ქიათურის მრეწველობაში ჩაბმულ ცნობილ ქართველ მოღვაწეებთან⁴⁵. გ. გუჭეჯიანი ზოგ შემთხვევაში მუშებისადმი რამდენადმე ლმობიერ დამოკიდებულებასაც იჩენდა. ასე მაგალითად, 1908 წელს, როცა მარგანეცის მრეწველობის მძიმე კრიზისის შედეგად უმუშევრად დარჩენილი მრავალი ათასი მუშა მძიმე და აუტანელ გასაჭირს განიცდიდა, გ. გუჭეჯიანმა (მრეწველთა ყრილობაზე) მუშებისათვის დახმარების აღმოჩენა მოითხოვა, თუმცა, როგორც გაზ. „ჩვენი კვალი“ იუწყებოდა, ამოდ: „მრეწველთა ცივი გული ვერ მოალობ ვერც გუჭეჯიანის, ვერც ჭანიშვილის სიტყვებმა“⁴⁶.

მრეწველობაში, როგორც ზემოთ აღვნიშნავდით, თავიდანვე გამოჩნდნენ „ისეთი ქართველი მეწარმეებელნიც, რომელთაც თავისი თუმცა პატარა, მაგრამ მაინც ქართული კაპიტალით დაიწყეს წარმოება“. ქართველ მეწარმეთა ეს შედარებით შეძლებული ჯგუფი განუწყვეტლივ ცდილობდა თავი დაეღწია „იმ უმწეობისაგან, რომელსაც ქმნიდა ობიექტური პირობები მარგანეცის მრეწველობაში“⁴⁷. აქ მხედველო-

⁴⁴ ЦГИАЛ, ф. 23, оп. 28, д. 2912, л. 6—7.

⁴⁵ ამ შემთხვევაში ჩვენ ვემყარებით გიორგის შვილის, 62 წლის დეით (დათიკო) გუჭეჯიანის მოგონებას, რომელიც ხელნაწერის სახით გადმოგვცა და ჩვენს პირად არქივში ინახება.

⁴⁶ „ჩვენი კვალი“, 1908, 25 მაისი, № 1.

⁴⁷ იხ. ს. წერეთელი, დასახ. ნარკვევი, გაზ. „საქართველო“, 1920, 21 იანვარი, № 14.

ბაშია წარმოების დაფუძნების სიძნელე, საბრუნავი კაპიტალის სიმცირე, უცხოელ საქმოსანთა ძალმომრეობა და სხვ.

ამრიგად, დავინახეთ, რომ ჭიათურაში მარგანეცის მრეწველთა რიგები ივსებოდა ქართველ თავადაზნაურულ-მემამულურ, ვაჭართა, გლეხთა და ხელოსანთა წრიდან გამოსულ საქმოსანთა ხარჯზე. მემამულე, ვაჭარი, გლეხი, ხელოსანი მეწარმედ იქცეოდა.

მრეწველთა რიგები ივსებოდა აგრეთვე სხვა ეროვნების ადგილობრივ საქმოსანთა ხარჯზეც. მაგალითად, გასული საუკუნის 80-იანი წლებისათვის საქართველოში, კერძოდ, თბილისში, ბათუმსა და ქუთაისში ფართო სავაჭრო-კომერციულ საქმიანობას ეწეოდნენ ძმები ოგანეზოვები, რომლებმაც ამ გზით ჩვენში დიდძალ კაპიტალი დააგროვეს და მძლავრი „სავაჭრო სახლიც“ ჩამოაყალიბეს. ეს ფირმა 1883 წელს ჩაება და დამკვიდრდა ჭიათურის მარგანეცის მრეწველობაში. მას 1894 წელს ეკუთვნოდა 3 საბადო ნაკვეთი 9 მაღაროთი და შტოლნით. ფირმამ იმავე წელს 24 მუშით მოიპოვა 225 000 ფუთი მადანი 10 125 მანეთის ღირებულებით⁴⁸. მან შემდეგში გარკვეული როლი შეასრულა წარმოების ტექნიკურ აღჭურვაში, — მიმდინარე საუკუნის დამდეგისათვის მას უკვე გააჩნდა კარგად მოწყობილი მადნის გამამდიდრებელი ფაბრიკა, საპაერო-საბაგირო გზა. ფირმამ შეიძინა სპეციალური ფლოტილია, რითაც შავი და აზოვის ზღვით ეწეოდა მადნის გაზიდვას რუსეთში⁴⁹.

დასავლეთ ევროპული ფირმებიდან 1885 წლის შემდეგ ჭიათურაში ორიოდ ჩანს. მათ შორის იყო გერმან გროტე, რომელსაც 1894 წელს სამი მოქმედი მაღარო გააჩნდა დარკვეთში, მღვიმევსა და შუქრუთში. ამ წელს მან 28 მუშით მოიპოვა 80 000 ფუთამდე მადანი, რომლის ღირებულება 3 365 მანეთს შეადგენდა⁵⁰.

წყაროებზე დაკვირვება მოწმობს, რომ მსხვილ მრეწველებს შორის თავდაპირველად იყვნენ უცხოელებიც, რომლებმაც, როგორც ზემოთ დავინახეთ, მოცემულ პერიოდში მარცხი განიცადეს. ადგილობრივმა მსხვილმა მრეწველებმა შეძლეს წარმოების შენარჩუნება და თანდათან გაფართოება.

წერილი მრეწველები უპირატესად ღარიბი გლეხები იყვნენ. „მათ არც ფული აქვთ, არც კრედიტი“... „ამათ თვით მადნებში აქვთ პატარა-პატარა ადგილები და თვითონ ამუშავენ მადნებს, რასაკვირველია, მუშების დახმარებით. ის თვით მშრომელია“. მსხვილ მრეწველებს „აქვს პლატფორმები (მაღაროდან ამოღებული შავი ქვის საწყობი

⁴⁸ ЦГИАЛ, ф. 37, оп. 67, д. 954, л. 13—25

⁴⁹ ЦГИАЛ, ф. 23, оп. 14, д. 507, л. 49 об.

⁵⁰ ЦГИАЛ, ф. 37, оп. 67, д. 954, л. 13—25.

ადგილები შიგ კიათურაში), წვრილებს არა აქვს“. „პირველს შეუძლია შავი ქვა ფოთში გაიტანოს და იქ გაჰყიდოს, ან თვით პირდაპირ საზღვარგარეთ გააგზავნოს, მეორე კი იძულებულია... თავისი ნაწარმი პირველს მიჰყიდოს, რასაკვირველია, იმ ფასებში, რა ფასშიც პირველი მოისურვებს. ამისათვის, როდესაც პირველს შეუძლია მოიგოს ფუთზე 4 — 5 კაპიკი, მეორე ერთი კაპიკითაც კმაყოფილდება“⁵¹. წვილ მრეწველთა საერთო მასაში უმრავლესობას სეზონურად მომუშავე ადგილობრივი თუ მოსული „შემთხვევითი“ მრეწველები შეადგენდნენ. ამის გამო შესასწავლი ხანის საარქივო დოკუმენტი გვაუწყებს: — «Громадное большинство марганцепромышленников состоит из промышленников мелких, случайных; это скорее кустари, чем промышленники в строгом смысле этого слова. Сюда относятся как местные крестьяне, занимающиеся на принадлежащих им небольших участках марганцевых залежей добычей руды, в свободное от полевых работ время, так и всякого рода пришлый люд, который является на промысел на короткое время и занимается разработкой марганцевых рудников урывками, случайно»⁵².

ამრიგად, მრეწველობისათვის დამახასიათებელი იყო წვილ, შემთხვევით, სეზონურ მეწარმეთა რიცხოვრები სიჭარბე.

* * *

ასეთი იყო სამრეწველო ბურჟუაზიის ჩამოყალიბების პირველი ნაბიჯები კიათურაში. სამრეწველო ბურჟუაზია უმთავრესად ქართველი თავადაზნაურობისა და გლებთა წრიდან გამოსულ საქმოსანთა, ვაჭართა, აგრეთვე ხელოსანთა ხარჯზე იზრდებოდა. მრეწველთა ერთი ნაწილი საბადოთა მესაკუთრეებია, მეორე, უფრო დიდი ნაწილი კი მოიჭარადრენი. სავაჭრო ბურჟუაზია უპირატესად უცხოურია⁵³. ეროვნული სამრეწველო და სავაჭრო ბურჟუაზიის ჩამოყალიბების პროცესზე დაკვირვება მოწმობს, რომ მას სერიოზულად აბრკოლებდა სამრეწველო კაპიტალიზმის განვითარების ერთ-ერთი ძირითადი წანამძღვარისა და ელემენტის — კაპიტალის თავდაპირველი დაგროვების დაუშთავრებლობა. მრეწველთა საწარმო საქმიანობაზე დაკვირვება აშკარად ცხადყოფს, რომ მათი უმრავლესობა წვილი და საშუალო მეწარმეებია და საერთოდ მრეწველთა ერთი ნაწილის ხელში ფული კაპიტალად არ არის გადაქცეული. ამიტომაც, რომ ადგილობრივ

⁵¹ „კვალი“, 1900, № 30, გვ. 471.

⁵² ЦГИАЛ, ф. 350, оп. 14, л. 117, 1885, л. 10.

⁵³ სსსა, ფონ. 12, ანაწ. 1, საქ. 1494, ფურც. 33—34.

მრეწველთა უმრავლესობა მხოლოდ უცხოელთაგან მიღებული, რასაკვირველია, წამგებიანი კრედიტის მეშვეობით ახერხებს საბრუნავი კაპიტალის გამოჩახვას. ამასთანავე ზედმეტი ღირებულების მნიშვნელოვან ნაწილს ითვისებდნენ უცხოელები, რომელთაც საქართველოდან გაზიდული მადანი საერთაშორისო ბაზრებზე გაჰქონდათ. ასეთ ვითარებაში ქიათურაში თავიდანვე წამოიჭრა უცხოური კაპიტალის კონკურენციისა და მოძალების მოსაგერიებლად ქართველ მრეწველთა გაერთიანების იდეა.

გ) ქართველ მრეწველთა გაერთიანების პირველი ცდები

ქიათურის მარგანეცის მრეწველობის ჩასახვა-განვითარების პირველ წლებში ადგილობრივი მრეწველები, რომელთა დიდი ნაწილი საბრუნავი კაპიტალის ნაკლებობას ან უქონლობას განიცდიდა, უცხოური სამრეწველო კაპიტალის მოძალებას დაქსაქსულად ძნელად უმკლავდებოდნენ. ამასთანავე უცხოური სავაჭრო კაპიტალი თავიდანვე იმუქრებოდა მადნის ადგილობრივი ბაზრის დაპყრობითაც. ამიტომ ქართველმა მრეწველებმა წარმოებაში საკუთარი პოზიციების შესაქმნელად და განსამტკიცებლად, ასევე მოპოვებული მადნის მომგებიან პირობებში გასასაღებლად, მალე სცადეს გაერთიანებული ძალებით მოქმედება. ქიათურაში ქართველ მრეწველთა გაერთიანების იდეა პირველად წამოყენებულ იქნა არა 90-იან წლებში და არა გიორგი ზდანოვიჩის მიერ, როგორც ამას შეცდომით ამტკიცებს ზოგიერთი მკვლევარი, არამედ ჯერ კიდევ 1880 წელს აკაკი წერეთლის მიერ. თავის წერილში „ქვაგუნდის ამბავი“, რომელიც 1880 წლის იანვარში გამოქვეყნდა, ა. წერეთელი აღნიშნავდა, რომ მარგანეცის მადნის უმდიდრესი საბადო მოიზიდავდა უცხოელებს. ამიტომ ადგილობრივ მრეწველებს იმთავითვე გაერთიანებისაკენ მოუწოდებდა და ამტკიცებდა „ძალიან ადვილად შესაძლებელია, რომ ჩვენშიდაც შედგეს მისთანა კომპანია, რომელმაც ეგ მადნეულობა ხელიდან არ გაუშვას“¹. იგი მოითხოვდა ქართველ მრეწველთა „ძალიან შეძლებული კომპანიის“ დაარსებას, რომ მას „კონკურენტი ადვილად დაემარცხებინა“. „ამგვარი კომპანია,—წერდა ა. წერეთელი,—დიდი სარგებელია ჩვენთვის. უნდა მოიყვანოს რკინიგზა და აგრეთვე მუშებიც ჩვენშივე მონახოს“². რო-

¹ ა. წერეთელი, ქვაგუნდის ამბავი, „ღროება“, 1880, 8 იანვარი, № 5.

² იქვე.

გორც ვხედავთ, აჭაკი მძლავრი გაერთიანების დაარსებას და ამასთანავე ადგილობრივი ღარიბი მოსახლეობის დასაქმებასაც მოითხოვდა. უნდა შექმნილიყო მძლავრი კომპანია, რომელიც დაამარცხებდა შესაძლებელ კონკურენტს და ხელიდან არ გაუშვებდა მრეწველობის მნიშვნელოვან დარგს, გაიყვანდა რკინიგზას, უზრუნველყოფდა მსხვილ თუ წერილ მრეწველთა მიერ ცალ-ცალკე მოპოვებული მადნის მიღებას და ხელსაყრელ პირობებში ერთობლივ გასაღებას. მუშახელი და ზედამხედველებიც ადგილობრივნი უნდა ყოფილიყვნენ³.

მარგანეცის მადნის ადგილობრივ მრეწველთა გაერთიანების საკითხი იმ დროს დავის საგნად იქცა⁴. გამოჩნდნენ ისეთებიც, რომელთაც ქართველ მრეწველთა გაერთიანება, ისევე როგორც მათ მიერ მარგანეცის მრეწველობის შენარჩუნება, შეუძლებლად მიაჩნდათ. ასეთი იყო, მაგალითად, ერთი კორესპონდენციის ავტორი („Nemo“-ს ფსევდონიმით), რომელიც ირწმუნებოდა: „შეერთებულად შრომის რჩევა დღევანდელს ქვაგუნდის მრეწველობისათვის მგლის თავზე სახარების კითხვაა“. მისი აზრით, ჭიათურის მარგანეცის მრეწველობაში „გზა და მოედანი“ უცხოელებს უნდა „დარჩეთ“: „გარწმუნებთ, რომ ამდენს ხანს მთელი ჩვენი ქვა-გუნდის მრეწველობა ტყუილად ბავშვების რიკფაინობა იყო, რომელსაც საღამოს ჟამს ყოველთვის დიდთა ჭიდაობა და მობურთალობა მოსდევს“⁵.

ადგილობრივმა მრეწველებმა ჯერ კიდევ 1880 წელს შექმნეს პირველი გაერთიანება „მარგანეცის მადნის იმერეთის ამხანაგობა“, რომლის დამაარსებლები იყვნენ გ. ჩუბინიძე, პ. მოსეშვილი, მ. გამრეკლიძე და სხვ. მას ხაზინა მხარს არ უჭერდა. დასახელებულმა ამხანაგობამ, რომლის სარეწებში 1880 წელს უკვე 120 მუშა იყო ჩაბმული, შედარებით წარმატებით გააფართოვა სამრეწველო საქმიანობა⁶ და თავის დროზე გარკვეული როლიც შეასრულა ჭიათურიდან უცხოელ მეწარმეთა განდევნაში. მეწარმეობის ერთპიროვნული ფორმიდან კოლექტიურ, აქციონერულ ფორმაზე გადასვლას ქართველი საქმოსნები განსაკუთრებით ინტენსიურად ცდილობდნენ ჭიათურის რკინიგზის მონაკვეთზე ტვირთბიდვის დაწყებიდან (1893 წ.), როცა უცხოურმა სავაჭრო კაპიტალმა თვით სამრეწველო რაიონშიც დაიწყო თავისი მომგებიანი კომერციული ოპერაციებისა და სამრეწველო საქმიანობის გაფართოება. ამასთან დაკავშირებით „კვალი“ 1897 წელს წერდა: „1893 წელს ჩაისახა აზრი შავი ქვის მრეწველთა ამხანაგობის დაარ-

³ ა. წ. რ. თ. ე. ლ. ი., ქვაგუნდის ამბავი, „დროება“, 1880, 8 იანვარი, № 5.

⁴ „ივერია“, 1886, 16 ოქტომბერი, № 223.

⁵ ი. ქ. ვ. ე., 26 ოქტომბერი, № 233.

⁶ სსსა, ფონ. 264, საქ. 1030, ფურც. 23.

სების შესახებ. ამ საშუალებით ამხანაგობას ჰსურდა გამკლავებოდა ათასნაირ დაბრკოლებებს, რომელიც მოსალოდნელი იყო, რომ უნდა გაჩენილიყო კიათურა-შორაპანის რკინიგზის გაყვანის შემდეგ. გრძნობდნენ, რომ ეს უკანასკნელი გაუადვილებდა ევროპელებს კიათურიდან ქვის ადვილად გადატანას, რასაც დღემდე ურკინიგზოდ მოკლებული იყვნენ,—რაკი საურამე გზები არ ვარგოდნენ და საქონლის გადმოტანა ევროპელებისათვის ძნელი და მოუხერხებელი იყო, ამისათვის ისინი იძულებული გახდნენ პირდაპირ ჩვენ მწარმოებლებთან შეკავშირებულ იყვნენ ფასში, რომ ქვა პირდაპირ რკინის გზის სადგურზე მიეტანათ. აქ ფასი ქვისა მწარმოებელზე იყო დამოკიდებული და არა მყიდველებზე; ამის გამო ჩვენ მწარმოებელს მოგებაც კარგი რჩებოდა. რკინის გზამ დიდ მწარმოებლებს და ევროპიელ კომისიონერებს ფრთები შეასხა: წვრილი მწარმოებელი და მესაკუთრენი წყალში ჩაჰყარა. იმათ აღარ ეძნელებოდათ ქვის გადატანა, რადგან ადგილობრივ მადნებთან ქვას ბევრს ამზადებდნენ წვრილი მწარმოებლები, ამისათვის კომისიონერებმა გამართეს მათ შორის კონკურენცია და ვინც უფრო იაფად მისცემდა ქვას, მისგან ყიდულობდნენ.

ევროპის კომისიონერებს რაკი გზა გაეხსნათ ადვილ გასატანად, რაღას დაეძებენ წვრილ მწარმოებელს, რასაც როცა მას კონტრასტებით შეეკარან. ისინი ახლა თავისუფალია. ვინც იაფად მიჰყიდის ქვას, მისგან ყიდულობს. ის შეიქმნა თვითონ პატრონი მთელი წარმოებისა, ამას წინ დავუყენოთ ის გარემოება, რომ უფულობა პირდაპირ ახრჩობს ჩვენს წვრილ მწარმოებელს.

ამ გარემოებამ დაბადა ჩვენებური წვრილი მწარმოებლების თავში მოსაზრება შავი ქვის ამხანაგობის დაარსებაზე. ეს გარემოება იყო თავი და თავი მიზნები, რომ ერთმანეთში მტრად გადაკიდებულ მწარმოებლებს ქვლაში აგდებდა: მტრობის მაგიერ შეეერთდეთ⁷. აქ არსებითად სწორადაა წარმოდგენილი ქართველ მრეწველთა გაერთიანების მოტივები და მიზნები.

1893 წლის ოქტომბრიდან დაიწყო აქციონერული ფირმის ოთხი სხვადასხვა ამხანაგობის ჩამოყალიბება, მბარამ, მხოლოდ „შავი ქვის მწარმოებელთა ამხანაგობამ“ შეინარჩუნა არსებობა. უკანასკნელი 150-მდე წევრს აერთიანებდა. ეს ამხანაგობა, ერთი ცნობით, წელიწადში 5 მილიონ ფუთამდე მადანს აგზავნიდა უცხოეთში⁸.

⁷ „კვალი“, 1897, № 19, გვ. 376 (ხაზგასმა ჩვენია).

⁸ იქვე, № 37, გვ. 230.

ქართველმა მრეწველებმა და საბადოთა მფლობელებმა საკუთარ შესაძლებლობათა გასაერთიანებლად 1894 წელს შექმნეს „კავკასიის მარგანეცის სამრეწველო ამხანაგობა“⁹. ამხანაგობა დაარსდა 5 წლის ვადით. მისი წესდება ნოტარიალურად დამტკიცდა 1894 წლის მარტში. ეს ამხანაგობა, ისევე როგორც „შავი ქვის მწარმოებელთა ამხანაგობა“, ნოტარიალურად დამტკიცებული ხელშეკრულების საფუძველზე ჩამოყალიბდა და არა სააქციო საზოგადოების სტანდარტულად შემუშავებული, მთავრობის ორგანოებში განხილული და „უმაღლესად“ დამტკიცებული წესდების საფუძველზე, როგორც ეს საერთოდ ხდებოდა რუსეთის იმპერიაში. ამასთანავე, დასახელებული ამხანაგობა არსებითად წარმოადგენდა არა სამრეწველო, არამედ მხოლოდ სავაჭრო გაერთიანებას. ამას მოწმობს ხელშეკრულება, რომელიც ითვალისწინებდა ამხანაგობის ყველა წევრის მიერ მოპოვებული მადნის ჩაბარებას სადგურ კიათურაში. ამხანაგობის წევრს ეკრძალებოდა მოპოვებული მადნის კერძოდ გაყიდვა, ასევე ამხანაგობის თანხმობის გარეშე მადნის მოპოვების უფლების სხვაზე გადაცემა. თუკი ამხანაგობის რომელიმე წევრს არ შეეძლო მადნის დადგენილი ოდენობით ჩაბარება, შეიძლებოდა გარიცხულიყო. ამხანაგობის ხელმძღვანელობაში შედიოდნენ: გ. ჩუბინიძე, პ. მოსეშვილი, ზ. გაჩეჩილაძე, ე. რატიანი და ნ. ყიფშიძე. ხელმძღვანელობის მოვალეობა იყო იმის წინასწარ დადგენა, თუ რა ოდენობის მადანს ჩააბარებდა (საწარმოო წელს) ამხანაგობის თითოეული წევრი ცალ-ცალკე და ყველა ერთად, ამის შესაბამისად მადნის მყიდველის პოვნა და მასთან ხელშეკრულების დადება, მადნის ღირებულების სახით მიღებული თანხის გაცემა ამხანაგობის წევრებზე (გასაყიდად მათ მიერ ჩაბარებული მადნის ოდენობის შესაბამისად), ასევე ამხანაგობაში ახალი წევრების მიღება. საჭიროების შემთხვევაში სესხის აღება, ამხანაგობის წევრთა მიერ ხელშეკრულების შესრულებაზე მეთვალყურეობა და შეუსრულებლობის შემთხვევაში მათი დაჯარიმება, ამხანაგობის საერთო საქმეების დასაფინანსებლად ყოველი ფუთი გაყიდული მადნის ღირებულებიდან თითო კაპიკის დაქვითვა, ამხანაგობის ადმინისტრაციის ხარჯების დასაფარავად, საჭირო ნაგებობის შესაძენად ან დასაქირავებლად და სხვ.

ამხანაგობას არ გააჩნდა თავისი „ძირითადი კაპიტალი“ და აქციები. თითოეული მრეწველი განცალკევებულად ეწეოდა სამრეწველო საქმიანობას. ის წარმოადგენდა სავაჭრო გაერთიანებას, რომლის მიზა-

⁹ ნ. ნიკოლაძის არქივი, საქ. № 51/96, № 51/97 (საქართველოს საჯარო ბიბლიოთეკა); ვლ. კანიშვილი, დასახ. ნაშრ., გვ. 185.

ნი იყო მადნის ადგილობრივ ბაზარზე უცხოელ შემსყიდველ-ექსპორტიორთა ბატონობის აღკვეთა და ამხანაგობის წევრთა კუთვნილი მადნის მომგებიან პირობებში გასაღება.

დ. მუშები და მათი მდგომარეობა

კაპიტალისტური წარმოების ერთ-ერთ წანამძღვარსა და ელემენტს წარმოადგენს წარმოების საშუალებებს მოკლებული დაქირავებული მუშათა კლასის წარმოშობა. ამ კლასის ჩამოყალიბება, როგორც ცნობილია, ხდება სასაქონლო ურთიერთობის განვითარებისა და წარმოების საშუალებებისაგან მწარმოებლის მოწყვეტის, ანუ უშუალო მწარმოებლის ექსპროპრიაციის პროცესში. „მაშასადამე, პროცესი, რომელიც კაპიტალისტურ ურთიერთობას ქმნის, არ შეიძლება იყოს სხვა რამე, თუ არა პროცესი გათიშვისა მუშასა და მისი შრომის პირობების საკუთრებას შორის, პროცესი, რომელიც, ერთი მხრივ, საზოგადოებრივ საარსებო საშუალებებს და წარმოების საშუალებებს კაპიტალად აქცევს, ხოლო, მეორე მხრივ, უშუალო მწარმოებელს — დაქირავებულ მუშად“¹. ასე ხორციელდება ე. წ. თავდაპირველი დაგროვება, რომელიც, კ. მარქსის სიტყვით რომ ვთქვათ, „სხვა არაფერია, თუ არა ისტორიული პროცესი მწარმოებლისა და წარმოების საშუალებათა გათიშვისა“². ხოლო „თავდაპირველი დაგროვების ისტორიაში, — წერს კ. მარქსი, — ეპოქის შემქმნელია ყველა ის გადატრიალება, რომელიც კაპიტალისტების კლასისათვის მისი შექმნის პროცესში ბერკეტს წარმოადგენს; უწინარეს ყოვლისა ასეთი მნიშვნელობისაა ის მომენტები, როცა აღამიანთა დიდი მასები უეცრად და ძალდატანებით მოწყვეტილნი ხდებიან საარსებო საშუალებებს და გადატყორცნილნი შრომის ბაზარზე როგორც კანონგარეშე დაყენებული პროლეტარები. სოფლის მეურნეობის მწარმოებლის ექსპროპრიაცია, გლეხის გაბოგანობა, მთელი პროცესის საფუძველს შეადგენს. ამ ექსპროპრიაციის ისტორია, — უენიშნავს კ. მარქსი, — სხვადასხვა ქვეყანაში სხვადასხვა ელფერს იღებს, სხვადასხვა თანმიმდევრობით და სხვადასხვა ისტორიულ ხანაში სხვადასხვა ფაზებს გაივლის“³.

სამრეწველო პროლეტარიატის ჩამოყალიბება ჩვენში საზოგადოდ შედარებით ნელა მიმდინარეობდა, რადგან მას ხანგრძლივად ამუხრუჭებდა ბატონყმური ურთიერთობა. აქ ეს პროცესი, როგორც ცნობილია, ბატონყმობის გაუქმებამდე დაიწყო და გაძლიერდა რეფორმის

¹ კ. მარქსი, კაპიტალი, ტ. 1, გვ. 898.

² აქვე.

³ აქვე, გვ. 899—900.

მომდევნო ხანაში, ბატონყმობის გადმონაშთების არსებობის პირობებში; თუმცა, სწორი არ იქნებოდა გვეფიქრა, რომ თითქოს ბატონყმურმა მეურნეობამ ძირფესვიანად აღკვეთა სამრეწველო მუშათა კადრების მომზადებისა და ჩამოყალიბების შესაძლებლობა. ბატონყმურმა მეურნეობამ მხოლოდ შეაფერხა პროფესიულ სამრეწველო მუშათა კლასის ჩამოყალიბება. რეფორმამდელ ხანაში ბატონყმური სისტემა გამოხატულებას პოულობდა საზოგადოებრივ ურთიერთობაშიც, რომელიც მყარდებოდა, ერთი მხრივ, გლეხ-მუშასა და, მეორე მხრივ, მემამულე-ფაბრიკანტს შორის. გლეხი მუშად იქცეოდა, მეფაბრიკისაგან ექსპლოატაციას განიცდიდა და ამავე დროს ის ყმა გლეხადაც რჩებოდა. ყმის შრომა თავისუფალ დაქირავებულ შრომასთან შედარებით დაბალი ანაზღაურებითაც ხასიათდებოდა, რაც ყმა გლეხის საარსებო მინიმუმის დონის სიდაბლით, დაბალი კვალიფიკაციით, შრომის არამუდმივობით და სეზონურობითაც იყო გამოწვეული. მაგრამ, ამ გარემოების უკუფენას წარმოადგენდა ყმის შრომის დაბალი ნაყოფიერება, რაც მრეწველს არ აძლევდა დიდ მოგებას და შეუძლებელს ხდიდა წარმოების ჭეოვან პროგრესს. ჩვენში ჭერ კიდევ გასული საუკუნის 30-იანი წლებიდან ხდება საგრძნობი სამრეწველო განვითარების წამოწყებანი და თავისუფალი დაქირავებული მუშახელის გამოყენება, რაც წვრილ მწარმოებელთა ექსპროპრიაციის პროცესის გაღრმავების მარეწველიცაა. კაპიტალისტურმა წამოწყებებმა თავი იჩინა თვით ბატონყმური მეურნეობის სისტემაშიც. ამასთანავე, დაქირავებულ მუშათა ექსპლოატაციის ბატონყმური ფორმებიც თანდათან იცვლებოდა ექსპლოატაციის კაპიტალისტური ფორმებით. ქვეყნის ეკონომიური პროგრესი ვლინდებოდა სოფლის მეურნეობისაგან მრეწველობის თანდათან გამოყოფაში, რაც სასაქონლო მეურნეობის განვითარების ძირითადი წანამძღვარი და თანმხლებია. მართალია, ჩვენში XIX საუკუნის რეფორმამდელ ხანაში შეიმჩნევა თავდაპირველი დაგროვების ელემენტები და იქმნება კაპიტალიზმის წანამძღვრები, მაგრამ ბატონყმობა დიდხანს აბრკოლებდა კაპიტალიზმის განვითარებას სამრეწველო წარმოებაში.

საგლეხო რეფორმამ გლეხთა ექსპროპრიაციისა და მათი მიწების დატაცების პროცესი დააგვირგვინა მიწების „საერთო წმენდით“, „თავისუფლებულ“ გლეხთა „გამოყოფით“ მათი მიწების მნიშვნელოვანი ნაწილისაგან. გლეხობას ჩამოაჭრეს მიწები, შეუმციერეს ნაღლეუბი. რეფორმა რუსეთშიც ბატონყმური იყო და მემამულეთა ინტერესების შესაბამისად გატარდა. საქართველოში რეფორმის ეს ბატონყმური ხასიათი კიდევ უფრო მეტად იგრძნობოდა, რადგანაც აქ გაცილებით მეტი რაოდენობით რჩებოდა ბატონყმობის ნაშთები. რეფორ-

მა ქართველი გლეხობისათვის მეტისმეტად არახელსაყრელ პირობებში გატარდა, რის შედეგადაც გლეხობის საგრძნობი ნაწილი, მეტადრე დასავლეთ საქართველოში, სრულიად უმიწაწყლოდ დარჩა⁴. ამას მოჰყვა „თავისუფალი“ მიწის მწარმოებლის ექსპლოატაციის წმინდა კაპიტალისტური ფორმები. რეფორმამ საქმე მიიყვანა ჩაგვრის ფორმის ცვლილებამდე, ფეოდალური ექსპლოატაციის კაპიტალისტურით შეცვლამდე, სამრეწველო პროლეტარიატის და მისი სარეზერვო არმიის შექმნამდე, არმიისა, რომელიც უპირველეს ყოვლისა სოფლის წიაღში ყალიბდებოდა.

ყოველივე ამის გამო რეფორმამ ძლიერი ბიძგი მისცა „თავისუფალი“ სამრეწველო პროლეტარიატის კადრების ჩამოყალიბებას. გლეხთა დიდი მასის მოწყვეტით საარსებო საშუალებებისაგან და მისი „გადატყორცნით“ შრომის ბაზარზე, რეფორმამ გადაწყვიტა კაპიტალიზმისათვის ძირითადი საკითხი, — მისთვის საჭირო „თავისუფალი“ მუშახელისა.

რეფორმის შედეგად შეიქმნა უმიწაწყლო გლეხთა მრავალრიცხოვანი ფენა, რომელიც აერთიანებდა ყოფილ ყმა გლეხთა სხვადასხვა ჯგუფს, იმათაც ვინც უკიდურესად მცირე ნაძლეები მიიღეს და წარმოადგენდნენ „მუშებს ნაძლეებით“. რეფორმის მიერ შექმნილი უმიწაწყლო გლეხთა კადრები შეადგენდნენ იმ რეზერვს, რომელიც სამუშაო ძალით ასაზრდოებდა განვითარების პროცესში შესულ ქალაქსა და მრეწველობას. უმთავრესად ამ სარეზერვო არმიის ხარჯზე მიმდინარეობდა სამრეწველო პროლეტარიატის ფორმირება. ამრიგად, ჩვენში სამრეწველო პროლეტარიატის ჩამოყალიბების პროცესის ზოგადი დახასიათებიდანაც ჩანს, რომ მისი ფორმირების ძირითად წყაროს როგორც XIX საუკუნის ბატონყმური, ისე კაპიტალისტური ეპოქის საქართველოში გლეხობა წარმოადგენდა, თუმცა იმ განსხვავებით, რომ კაპიტალისტურ ეპოქაში სამრეწველო კადრების შევსება ხდებოდა უმიწაწყლო და მცირემიწიან გლეხთა ხარჯზე. ამ პროცესში შედარებით უმნიშვნელო იყო ქალაქის ხელოსნების მონაწილეობა თვით სოფლის ხელოსნებთან შედარებითაც.

სამრეწველო პროლეტარიატის ფორმირების ამ სპეციფიკამ ჩვენში დიდი გავლენა მოახდინა კაპიტალიზმის შინაგანი სტრუქტურის განვითარებაზე. ის დიდი პოლიტიკური და სოციალურ-ეკონომიური მნიშვნელობის ფაქტორიც გახდა, რადგან სამრეწველო პროლეტარიატის უშუალოდ გლეხობის ხარჯზე ჩამოყალიბების, ანუ მეორის დაშლის ხარჯზე პირველის ფორმირების შედეგია ის, რომ ჩვენში, ისე-

⁴ საქართველოს ისტორია, ტ. II, თბ., 1962, გვ. 33.

ვე როგორც რუსეთში, ამ ორი, თავისი გენეზისით ერთმანეთის მახლობელი კლასის სოციალურ-ეკონომიური და რევოლუციურ-პოლიტიკური მისწრაფებები, ერთმანეთს „ხშირად მთლიანად ემთხვეოდა“⁵. ასეთია, ზოგადად, ჩვენს მრეწველობაში მუშათა კლასის ფორმირების საერთო ტენდენცია.

1879—1894 წლებში ჰიათურაში სამრეწველო აღწერები არ ხორციელდებოდა. მუშათა სტატისტიკის მოუწესრიგებლობაზე გ. ლასნიშვილი 1887 წელს წერდა: „რამდენი ვეცადე გამეგო ზოგიერთი საკირო ცნობები მუშების შესახებ... მაგრამ, ჩემდა სამწუხაროდ, ეს თითქმის შეუძლებელი შეიქნა... იმის ანგარიშიც არა აქვთ, თუ წლის განმავლობაში რამდენი მუშა მუშაობდა; რამდენია ნამუშევარი; რას აძლევენ. ადგილობრივი მცხოვრებნი მუშაობდნენ, თუ მოსულნი; რამდენი იყვნენ ან ერთნი ან მეორენი და სხვ“⁶. სამრეწველო სტატისტიკის მოუწესრიგებლობის გამო ზუსტად ვერ დგინდება თუ რამდენი მუშაობდა და სეზონური მუშა იყო დასაქმებული მრეწველობის დასახელებულ დარგში — სამთო და დამხმარე სარეწავეებში, საიდან არიან ისინი მოსული, რამდენი იყო მათ შორის ბავშვი და ქალი, როგორი იყო სხვადასხვა კატეგორიის, სქესისა და ასაკის მუშათა ხელფასის ანაზღაურების პირობები და სხვ. წყაროები კიდევ უფრო ძუნწ ცნობებს შეიცავენ საბადოებიდან გასაღების ადგილამდე მადნის გადამზიდველი და წარმოების დამხმარე სარეწავეთა მუშახელის რაოდენობის საჩვენებლად. ეს მაშინ, როცა მარგანეცის მრეწველობაში ჩაბმული მუშახელის დიდ ნაწილს ანუ, როგორც ქვემოთ დავინახავთ, თითქმის ნახევარს, მარტო მადნის საქაპანო და სასაპალნე ტრანსპორტით გადამზიდველნი შეადგენდნენ⁷.

სამთო მუშათა შესახებ ცნობების შეგროვება 1893 წლიდან სამთო ზედამხედველობას ჰქონდა დაკისრებული, ხოლო უკანასკნელი მიახლოებით აღრიცხავდა, მრეწველთა მიერ მოწოდებული ცნობების საფუძველზე. ამასთან დაკავშირებით სტატისტიკურ კრებულში აღნიშნულია:

„ცნობების შეკრების ასეთ წესს, რა თქმა უნდა, არ შეუძლია მოგვეცეს მათი სრული სიზუსტის გარანტია. ამასთან ერთად, ამ ცნობებს ახლავს სხვა ნაკლიც: იქ ჩვენ ვერ ვპოულობთ მუშების დაყოფას ეროვნების, ქვეშევრდომობის, სქესისა და ასაკის მიხედვით და არც მათ ოჯა-

⁵ И. П. Лященко, История народного хозяйства СССР, т. 2, М. 1956, гл. 30.

⁶ გ. ლასნიშვილი (განი), შავი ქვის მრეწველობა, გაზ. „ივერია“, 1887, 28 ოქტომბერი, № 244.

⁷ Статистика марганцевого дела, К., 1902, гл. 1, 37.

ხურ მდგომარეობაზე მითითებას⁸. ამდენად, სტატისტიკისა და სხვა წყაროების მონაცემების კრიტიკული განხილვით მხოლოდ მიახლოებითი სურათის აღდგენა ხერხდება.

* * *

ჭიათურის მრეწველობის დაფუძნების პერიოდში პროფესიულ-სამრეწველო მუშათა ადგილობრივი კადრები სრულებით არ ჩანან. მრეწველობის მუდმივ და სეზონურ მუშახელს და სამრეწველო მუშათა შევსების მთავარ წყაროს შორაპნის მაზრის, ასევე საქართველოს სხვა კუთხეებიდან მოსული ღარიბი გლეხობა წარმოადგენდა. ჭიათურაში სწორედ ჩვენთვის საინტერესო პერიოდში დაიწყო მუშათა პირველი კადრების ჩამოყალიბება, რაც აქ, ისევე როგორც რუსეთში, დაკავშირებული იყო წარმოების სტადიების — წერილი სასაქონლო და მანუფაქტურული წარმოების ჩასახვესა და განვითარებასთან⁹.

კოლონიურ მდგომარეობაში მოქცეული საქართველო შედარებითი ეკონომიური ჩამორჩენილობით ხასიათდებოდა. ამიტომ რეფორმამდელ ხანაში კაპიტალისტურმა მანუფაქტურამ ვერ პოვა ისეთი განვითარება, რომ მას მოემზადებინა სამრეწველო მუშათა კვალიფიციური კადრები, კერძოდ, სამთო მუშათა კვალიფიციური კადრები. რეფორმის მომდევნო ხანის საქართველოს მრეწველობის დარგების განვითარებას, გასული საუკუნის 80-იან წლებამდე, ერთგვარად აბრკოლებდა მუშათა კვალიფიციური კადრების სიმცირეც. საქართველოს მრეწველობაში საერთოდ (და მით უმეტეს მარგანეცის მრეწველობაში, რომელიც მხოლოდ 80-იანი წლების დამდეგიდან წარმოიშვა) მუშათა კლასი რეფორმის მომდევნო ხანაში ჩამოყალიბდა. ამიტომ, გასაგებია, რომ ჭიათურის სამრეწველო რაიონში მუშათა რიგების შევსების მთავარ წყაროს ამავე რაიონის, მთელ დასავლეთ, აგრეთვე აღმოსავლეთ საქართველოს სოფლებიდან მოსული გლეხობა შეადგენდა. მაგრამ სოფლიდან წასულ გლეხთა დიდი ნაწილი თავდაპირველად წარმოებაში მხოლოდ დროებით, სეზონურად ებმებოდა, როგორც გარესამუშაოში, და ის კვლავ თავის ოჯახსა და მეურნეობას უბრუნდებოდა. საოკრუგო ინჟინრის 1891 წლის ანგარიშში აღნიშნულია, რომ ჭიათურაში ადგილობრივი გლეხები ეწვევიან სამთო სამუშაოებს, როგორც დამხმარე სარეწავს სასოფლო-სამეურნეო სამუშაოების დამთავრების შემდეგ, უბრაატესად ზამთარში¹⁰. ზოგიერთი წყაროს ჩვენებით ჭიათურელი სამთო მუშა არა თუ

⁸ Статистика марганцевого дела, К., 1902, გვ. 37.

⁹ ვ. ი. ლენინი, თხზ., ტ. 3, გვ. 732—339.

¹⁰ სსსა, ფონ. 264, საქ. 2006, ფურც. 28.

მრეწველობის მოცემული დარგის განვითარების გარიჟრაჟზე, არამედ უფრო გვიანდელ ხანაშიც არაყოველღიურად მუშაობდა¹¹. მრეწველობაში ჩაბმულ მუღმივ და, მით უმეტეს, დროებით მუშათა ცხოვრებაზე დაკვირვება მოწმობს, რომ 1879—1894 წლებში, როცა ქიათურის მრეწველობაში არსებითად არაფერი იყო გაკეთებული მუშახელის საზინაო და საყოფაცხოვრებო პირობების შესაქმნელად, მუშები სოფელთან მჭიდროდ არიან დაკავშირებული.

თავის წიგნში პროფ. ა. რობაქიძე ცალკეულ მუშათა გენეალოგიის დადგენით წარმოგვიდგენს ქიათურაში სამთო მუშათა კადრების ჩამოყალიბების სურათს, საიდანაც ჩანს, რომ სოფლიდან წარმოებაში მოსული მშრომელები კარგა ხანს თავისებურად ათავსებდნენ ერთმანეთს მიწათმოქმედებასა და წარმოებაში მუშაობას, რომ უკანასკნელს ისინი ეწეოდნენ, როგორც გარე სამუშაოს, ოჯახისაგან მოუწყვეტლივ, რითაც დამატებით სახსარს პოულობდნენ¹². მაგრამ, მრეწველობის განვითარების დაკვალად ეს ვითარება გარდაქმნას განიცდიდა.

«Все более широкое вовлечение местного населения в промышленность и все более глубокое проникновение промышленности в сельскую жизнь населения района марганцевых залежей в условиях сохранения значительной частью промысловых рабочих постепенно слабеющей, но все еще постоянной связи с сельским хозяйством, составили ту основу, на которой протекал процесс формирования кадра производственных рабочих Чиа-турской марганцевой промышленности почти до начала XX века»¹³. მკვლევარმა ა. რობაქიძემ მრავალი ოჯახის გენეალოგიის მაგალითზე გვიჩვენა მემკვიდრეობით სამთოელთა ოჯახების ჩამოყალიბების ხანგრძლივი პროცესი, რითაც ნათელყო სამრეწველო მუშათა კადრების ჩამოყალიბების თავისებურებანი ქიათურაში. ავტორი დაასკვნის: «Этот процесс зарождается в семьях исключительно сельскохозяйственного типа, проходит стадию преимущественно извозного промысла, характеризуемую непостоянной связью с производством и полным подчинением промысла интересам сельскохозяйственной семьи. В дальнейшем, этот процесс вступает в стадию главным образом промышленного характера, причем связь с производством становится постоянной, а сельское хозяйство начинает терять господствующее положение. На этой

¹¹ Труды III съезда марганцепромышленников, 1904, зб. 57.

¹² А. Р о б а к и д з е, Некоторые стороны быта рабочих Чиатурской марганцевой промышленности, Тб., 1953, зб. 25.

¹³ ი ჟ ვ ე, зб. 24.

стадნი ი ზაროჯდასა ოსოვნი მასა ჩიატურსკი გორი-პრო-
მუშლენნი რაბოჩნი ოპრედელენნი პროდუქციონნი პროფეს-
სიი»¹⁴.

ამრიგად, ვხედავთ, რომ გლეხური ოჯახიდან წარმოებაში მშრო-
მელები თავდაპირველად ებმებიან უპირატესად როგორც გარე სამუ-
შაოში. ამ ეტაპზე მათი კავშირი წარმოებასთან არამუდმივია: წარმოე-
ბაში დროებით ჩაბმული გლეხის ოჯახისათვის მთავარ საარსებო წყა-
როს კვლავ მიწათმოქმედება შეადგენს, ხოლო საწარმოდან მიღებული
შემოსავალი მხოლოდ დამხმარე სახსარს. დროის მსვლელობაში ვითარ-
ება იცვლება. მრეწველობის განვითარებისდაკვალად სოფლიდან წა-
სული გლეხი წარმოებასთან მუდმივ კავშირს ამყარებს, აქედან მიღე-
ბული შემოსავალი ხდება ოჯახის მთავარი საარსებო წყარო, ხოლო სოფ-
ლის მეურნეობა კარგავს ადრინდელ, უპირატეს მნიშვნელობას და ის
მისთვის მეორეხარისხოვან საარსებო საშუალებად იქცევა. ეს ცვლი-
ლება რამდენადმე გვიან, გასული საუკუნის 90-იან წლებში მოხდა და
ას დაკავშირებული იყო სამრეწველო რაიონის მუდმივ მუშათა კადრე-
ბის ჩამოყალიბებასთან. მაგრამ, კადრის მუშათა ძირითადი მასა სო-
ფელთან შესუსტებულ კავშირს კვლავ ინარჩუნებდა. ამ გაგებით ბინად-
რობა და კარჩაკეტილობა მოცემულ პერიოდში, როცა ჭიათურის მრე-
წველობა კაპიტალისტური განვითარების პირველი სტადიიდან მეორეზე
გადავიდა, დამახასიათებელია როგორც მუშებისათვის, ისე მრეწველ-
თათვის, რომელთა უმრავლესობას ადგილობრივი საქმოსნები შეად-
გენდნენ.

ინტენსიური მეურნეობის ქვეყანაში, არა თუ სოფლიდან მოსული
მუშა, არამედ წვრილი მრეწველიც ერთგვარ დასაყრდენს პოულობდა
გლეხურ მეურნეობაში. ეს გასაგებიცაა, რადგან საზოგადოდ „მრეწვე-
ლობის განვითარების პირველი ორი სტადია ხასიათდება მოსახლეობის
ბინადრობით. წვრილი მრეწველი, — წერს ვ. ი. ლენინი, — გლეხად
რომ რჩება, მიწის მეურნეობით თავის სოფელზეა მიმაგრებული. მანუ-
ფაქტურის ოსტატი ჩვეულებრივ მიჩაპვეული რჩება მრეწველობის იმ
პატარა, კარჩაკეტილ რაიონზე, რომელსაც მანუფაქტურა ჰქმნის. თვით
მრეწველობის წყობაში მისი განვითარების პირველ და მეორე სტადი-
აზე ისეთი არაფერია, რომ არღვევდეს მწარმოებლის ამ ბინადრობასა
და კარჩაკეტილობას“¹⁵. ამ დებულების სისწორეს მთელი დამაჯერებ-
ლობით გვიდასტურებს ჭიათურის მრეწველობის საწყის სტადიებზე
მუშათა კადრების ცხოვრებაზე დაკვირვება. ადგილობრივ მრეწველთა

¹⁴ А. Робакидзе. Некоторые стороны быта рабочих Чхатурской марган-
цевой промышленности, Тб., 1953, гв. 26.

¹⁵ ვ. ი. ლენინი, თხზ., ტ. 3, გვ. 649.

უმრავლესობა და, მით უმეტეს, ადგილობრივ გლეხთა წრიდან გამოსული მუშები, რამდენადაც შეიძლებოდა, ცდილობდნენ სოფელთან კავშირის შენარჩუნებას. ეს გარემოება ჭიათურისათვის კარგა ხანს იყო დამახასიათებელი, თუმცა სოფელთან ამ კავშირის შესუსტება წარმოების გაძლიერებისდაკვალად მიმდინარეობდა. წარმოების გარიჟრაჟზე კი, ჩვენი დაკვირვებით, საქართველოს სოფლიდან მოსულ მუშებს შორის მცირე უნდა ყოფილიყვნენ ისეთები, რომლებიც მთლიანად იქნებოდნენ მოწყვეტილნი წარმოების საშუალებებს და „გადატყორცნილნი შრომის ბაზარზე, როგორც კანონგარეშე დაყენებული პროლეტარები“. ჭიათურის მრეწველობაში ჩაბმული ადგილობრივი მშრომელების ცხოვრების პირობებზე დაკვირვება მოწმობს, რომ ჩვენში, შორაპნის მაზრაში, გასული საუკუნის 80-იან წლებში, გლეხობის დიდ უმრავლესობას არ განუცდია „განგლეხება“, ამასთანავე მხოლოდ წამოწყებულია გათიშვა მუშისა შრომის პირობებისაგან და ამ უკანასკნელთა საფუძვლისგან—მიწისაგან, მხოლოდ წამოწყებულია მრეწველობის გამოყოფა მიწათმოქმედებისაგან. ამ პროცესს აბრკოლებდა ბუნების სიმდიდრით უზღვად დაჯილდოებული ქვეყნის ინტენსიური სოფლის მეურნეობის შედარებით მაღალი პროდუქტიულობა, რის გამო მრეწველობაში დაქირავებულ მუშად ქცეული გლეხი ცდილობდა იმავდროულად შეენარჩუნებინა კავშირი მიწასთან. პროცესს ასევე აფერხებდა ცარიზმის კოლონიური ეკონომიური პოლიტიკა, რომელიც მიზნად ისახავდა ჩვენი ქვეყნის კოლონიურ ათვისება-დაპყრობას და არა მის საწარმოო ძალთა განვითარებას მრეწველობაში. ეს პოლიტიკა მოცემულ პერიოდში კვლავ ამუხრუჭებდა ჩვენი ქვეყნის საწარმოო ძალთა განვითარებას და, მაშასადამე, მიწათმოქმედებისაგან მრეწველობის გამოყოფას ამიტომაც, რომ გლეხობიდან გამოსულ სამრეწველო მუშათა გარკვეული ნაწილის, „ორმისამართიანი“ ცხოვრება მთელი საქართველოს მუშათა კლასისათვის იყო დამახასიათებელი¹⁶.

სამრეწველო მუშათა მნიშვნელოვანი ნაწილის მიერ სოფელთან კავშირის შენარჩუნება, სხვა ფაქტორებთან ერთად, გაპირობებული იყო აგრეთვე ჩვენი ქვეყნის შედარებითი ტერიტორიული სიმცირით, ანუ სამრეწველო ცენტრების სოფელთან სიახლოვით. ამ თავისებურებამ შემდეგში, მუშათა რევოლუციური მოძრაობის ეპოქაში, მხოლოდ ხელი შეუწყო თავისი გენეზისით ერთმანეთის ახლობელი ორი ჩაგრული კლასის — პროლეტარიატისა და გლეხობის მისწრაფებათა ურთიერთდაახლოებას.

¹⁶ ი. კ ა ჯ ა რ ა ვ ა, სოციალურ-პოლიტიკური ცხოვრების განსაკუთრებული პირობები და გლეხთა რევოლუციური მოძრაობის თავისებურებანი საქართველოში, 1959, გვ. 40.

უკვე აღვნიშნეთ, რომ კიათურაში სამრეწველო მუშათა ძირითად მასას საქართველოს სოფლიდან მოსული გლეხობა შეადგენდა. აქ იყვნენ აგრეთვე კავკასიის სხვადასხვა კუთხიდან, რუსეთის შიდა გუბერნიებიდან, ასევე უცხოეთიდან (თურქეთიდან და სპარსეთიდან) მოსული მუშები: რუსები, სომხები, ოსები, ბერძნები, სპარსელები¹⁷, ლეკები¹⁸, ჩეჩნები¹⁹, ერთ დროსაც იტალიიდან ჩამოყვანილი მუშები²⁰, ხოლო საქაპანო და სასაპალნე ტრანსპორტით მდინის გადაზიდვას ქართველ გლეხებთან ერთად ეწეოდა ირანიდან და თურქეთიდან, აგრეთვე სომხეთიდან და ოსეთიდან თავისი სატრანსპორტო საშუალებით მოსული მუშახელი²¹. სტატისტიკის მოუწესრიგებლობის გამო საიდუმლოებით მოცულია კიათურის მრეწველობასა და მის დამხმარე სარეწებში იმ დროს ასე თუ ისე ჩაბმულ მუდმივ და სეზონურ მუშათა რაოდენობის ცვალებადობის ზუსტი მაჩვენებლები, რადგან სამთო ზედამხედველობა მარტო სამთო მუშათა რიცხვს აღწერს და ისიც არაყოველწლიურად, თანაც დაუდევრად. ამიტომ, გასაგებია, შეუძლებელი ხდება მუდმივ და სეზონურ მუშათა დიფერენცირება, სამთო წარმოების დამხმარე სარეწებისა და საბადოებიდან რკინიგზამდე მდინის გადაზიდველი მუშახელის რამდენადმე ზუსტად გათვალისწინებაც. სამთო მუშების საერთო რიცხვის დადგენა ხერხდება სხვადასხვა წყაროთა მიხედვითი ცნობების გათვალისწინებით²². ეს მონაცემები ასეთ სურათს წარმოგვიდგენს:

წელი	სამთო მუშათა რიცხვი	წელი	სამთო მუშათა რიცხვი
1880	346	1889	1093
1881	451	1890	2706
1882	480	1891	1830
1883	290	1892	2205
1886	1008	1893	2740
1887	1156	1894	2183
1888	726		

სამთო მუშათა კონცენტრაციის ტენდენცია აღებული ხანის კიათურის მარგანეცის მრეწველობაში საგრძნობია; თუმცა, ისიც ფაქტია,

¹⁷ სსსა, ფონ. 13, ანაწ. 12, საქ. 335, ფურც. 6, მეორე გვერდი.

¹⁸ Статистика марганцевого дела, К., 1902, გვ. 38.

¹⁹ ЦГИАЛ, ფ. 1263, оп. 2., д. 4914, 1890—1892., л. 526.

²⁰ „იურიკა“, 1889, 12 იანვარი, № 8, ფ. 13, ანაწ. 12, საქ. 335, ფურც. 6—7.

²¹ Статистика марганцевого дела, К., 1902, გვ. 37—39; Богатства СССР, М.-Л., 1927, გვ. 67.

²² სურათის დასადგენად გამოვიყენეთ ЦГИАЛ, ფ. 23, оп. 67, д. 253, л. 13; ЦГИАЛ, ფ. 23, оп. 17, д. 738, л. 75; სსსა, ფონ. 264, საქ. 1030, ფურც. 17; სსსა, ფონ. 12, ანაწ. 1, საქ. 1005, ფურც. 66; ЦГИАЛ, ფ. 37, оп. 67, д. 954, л. 12—26.

რომ მუშათა რაოდენობაში მომხდარი ცვლილებები ყოველწლიურად ერთნაირი სიზუსტით არ შეესაბამება წარმოების მასშტაბს, რადგან მათ შორის დროებით მუშათა რიცხვი ცვალებადობდა წარმოებაში სეზონურობის მეტ-ნაკლებობისა და საქართველოს, მეტადრე დასაყვლეთ საქართველოს სოფელში სხვადასხვა წლებში შექმნილი ვითარებისდაკვალად (მოუსავლიანობა და სხვ.)²³. ეს არასრული ცნობები ვერ გამოდგება აღებული ხანის ჰიათურის მრეწველობაში მუშათა საერთო რიცხვის ზრდის დინამიკის ზუსტად საჩვენებლად, მით უფრო, რომ აქ გაუთვალისწინებელია სამთო მრეწველობის დამხმარე სარეწავთა და, რაც მთავარია, საბადოებიდან რკინიგზამდე მდინის გადამზიდველი, აგრეთვე მტვირთავი მუშახელის რაოდენობა. ამავე დროს, ურკინიგზობის პირობებში, როცა მდინის გაზიდვა ამიერკავკასიის რკინიგზის მაგისტრალამდე, უმთავრესად ურმებით, ცხენებით, აგრეთვე ჭორებით, სახედრებით და ერთ დროს აქლემებითაც ხდებოდა, ამ საქმეში დიდძალი მუშახელი იყო დასაქმებული. მდინის გადამზიდველთა რიცხვის მიახლოებით დადგენისას „სტატისტიკური კრებულის“ ავტორები, შენიშნავენ: „უნდა ვივარაუდოთ, რომ მათი რიცხვი სამრეწველო მუშათა რიცხვზე ნაკლები არ არის და ეს რიცხვი იცვლება სამთო მუშათა რაოდენობის შესაბამისად: სამთო მუშათა რიცხვის ზრდისა და მარგანეცის საბადოების ექსპლოატაციის გაძლიერების პარალელურად იზრდება მდინის გადამზიდველთა რიცხვი და პირუკუ“²⁴. ამ ცნობის გათვალისწინებით შეიძლება ვივარაუდოთ, რომ სამთო და გადამზიდველ მუშათა საერთო რაოდენობა (მრეწველობის დამხმარე სარეწავთა მუშახელის ჩათვლელად) ჰიათურის სამრეწველო რაიონში, ვთქვათ, 1893 წელს, 5 000-ს აღემატებოდა. მართალია, განსახილველ პერიოდში სამთო გამონამუშევრების გამაგრება ყველგან როდი ხდებოდა, მაგრამ შედარებით მსხვილ სარეწავებში ის წამოიწყო და საამისო ხის მასალის (ბოძების, ფიცრების და სხვ.) დამზადებას ასევე სჭირდებოდა მუშახელი. სამრეწველო რაიონში (ჰიათურაში, რგანში) თავიდანვე გაჩნდა და მომრავლდა სამუშაო იარაღების (ნიჩაბი, წერაქვი და სხვ.), ასევე

²³ ხშირი იყო შემთხვევები, როცა მუშახელი მეტად ჰარბი იყო ჰიათურაში გუბერნიის სოფლის მეურნეობის დაცემისა და გარე სამუშაოების არსებობის შედეგად (იხ. ЦГИАЛ, ფ. 37, оп. 65, д. 2766, л. 10 об). წარმოებაში სეზონურობა აველა წელში ერთნაირი მასშტაბით არ ხასიათდებოდა.

²⁴ Статистика марганцевого дела, 1902, გვ. 45. გადამზიდველთა შესახებ საარქივო დოკუმენტებიც ასევე მეტყველებენ: «Хотя статистических данных о паличности возчиков и нагрузчиков не имеется, но, во всяком случае, она представляется не меньше численности промысловых рабочих, увеличиваясь или уменьшаясь в соответствии с размерами добычи» ЦГИАЛ, ф. 1276, оп. 19, д. 87, л. 28).

სატრანსპორტო საშუალებათა (ურემების, ხელურემების და სხვ.) შემკეთებელი და მკეთებელი სამჭედლო სახელოსნოები (სოფ. მანდაეთში, ქიათურაში. კობრთულში), სადაც ასევე გარკვეული რაოდენობის მუშახელი იქნებოდა დასაქმებული. სამრეწველო რაიონში თანდათან მოეწყო სხვადასხვა სახელოსნოები. ამდენად, სამრეწველო რაიონში მუშა-
თა კონცენტრაცია, გასაგებია, უფრო საგრძნობი იყო, ვიდრე ამას გვიჩვენებს ჩვენ მიერ ზემოთ მოტანილი არასრული ცნობები.

ადგილობრივი და სამხრეთის ქვეყნებიდან მოსული მუშათა ძირითადი მასა თავისი სოციალური წარმოშობით გლეხებია. სამთო და მადნის გადამზიდველ მუშათა საერთო რაოდენობის დაახლოებით 80—85% ქართველებია. იმის გამო, რომ სამთო-მოპოვებითი მრეწველობა შედარებით ინტენსიურ ხასიათს ატარებდა, ხოლო მადნის გადამზიდვა უფრო სეზონურს, მუდმივ მუშათა კადრების ძირითად მასას სამთო მუშები შეადგენდნენ, ხოლო მადნის გადამზიდველნი — უფრო სეზონურს.

სამთო საწარმოებში, როგორც ჩანს, შედარებით ფართოდ იყენებდნენ ქალთა და ბავშვთა შრომას. ამის გამო საარქივო წყაროში ვკითხულობთ: „საწარმოებში მუშაობს საგრძნობი რიცხვი ქალებისა და 7-დან 12 წლამდე ასაკის ბავშვებისა²⁵. ასეთსავე ცნობას გვაწვდის ამ ფაქტის უვითმხილველი გ. დეკანოზიშვილი, რომელიც 1893 წელს წერდა: „თვითონ ჩვენ ხშირად გვინახავს მადნების პირს დედაკაცობა, შეუჩვე-
ველი მძიმე შრომას და ბავშვობაც, რომელნიც აგროვებდნენ გვირაბების ახლომახლო შავი ქვის ნატეხებს“²⁶.

სამთო მუშათა საშუალო წლიური მწარმოებლურობა ადებულ ხანაში ასე იზრდებოდა²⁷:

წელი	თითოეული მუშის წლიური გამოშვებება (ფუთობით)	წელი	თითოეული მუშის წლიური გამოშვებება (ფუთობით)
1880	2 300	1889	3 960
1881	1 600	1890	4 018
1882	2 580	1891	3 900
1883	3 360	1892	4 640
1886	2 900	1893	3 990
1887	2 780	1894	5 090
1888	2 500		

²⁵ ЦГИАЛ, ფ. 565, оп. 26907, л. 103.

²⁶ იხ. „ივერია“, 1893, № 256.

²⁷ ЦГИАЛ, ფ. 565, оп. 7, д. 26907, л. 101. 1881—1883 და 1883 წლების მონაცემები. შდრ., ა. კ. კ. ლ. ა. ვ. ე. ი. ლ. ი., საქართველოს სამთამადნომეტალურ-
გიული მრეწველობა XIX საუკუნეში, გვ. 297.

როგორც ვხედავთ, მუშის საშუალო წლიური მწარმოებლურობა დინამიურია, ხან მატულობდა, ხან კლებულობდა, რაც მუშათა საერთო მასაში სეზონურად მომუშავეთა ხვედრითი წონის მეტ-ნაკლებობითაც უნდა აიხსნას. მაგრამ, მუშის საშუალო წლიური წარმადობის ზრდა მაინც იოლი შესამჩნევია. „მუშის საშუალო მწარმოებლურობა თანდათან იზრდება, რაც, ჩანს, აიხსნება მათ მიერ გამოცდილების შექენითა და შრომის ჩვევების გამომუშავეებით“²⁸. მოცემულ პერიოდში, როცა მრეწველობის სათანადო მატერიალურ-ტექნიკური შეიარაღება არც კი იყო რამდენადმე საგრძობლად დაწყებული, მუშათა წლიური მწარმოებლურობის ზრდა აიხსნება მუშათა ექსპლოატაციის გაძლიერებით, შრომის ინტენსიფიკაციით, ასევე მრეწველობის ახალ, მანუფაქტურულ სტადიაზე გადასვლით, ანუ წარმოებაში მუშათა შრომის შრომის დანაწილების გაღრმავებით, რაც თავის მხრივ იწვევდა მუშათა მიერ საწარმოო ჩვევების გამომუშავებას, მათ დახელოვნება-დაოსტატებას. ყოველივე ეს აღიღებდა შრომის ნაყოფიერებას.

მრეწველობის ჩასახვა-განვითარების მოცემულ პერიოდში წარმოებას არ გააჩნდა შესაფერისი მატერიალურ-ტექნიკური აღჭურვილობა, ტექნიკური სიახლეების დანერგვა არ იყო დაწყებული. მრეწველთა უმრავლესობა წარმოების სრულყოფა-გაუმჯობესებისათვის აუცილებელი კაპიტალის ნაკლებობას მწვავედ განიცდიდა, რის გამო მადნის შემსუიდეველ-ექსპორტიორთა კაბალაში იყო მოქცეული. მრეწველთა უმეტესობა საქმიანობის გაფართოებასა და მოგების ნორმის გადიდებას დაქირავებულ მუშათა ექსპლოატაციის მაქსიმალურად გაძლიერებით, ასევე შრომის პროცესის ინტენსიფიკაციის მეშვეობით ცდილობდა და მთელ სიმდიდრეს და ზედმეტ ღირებულებასაც მუშის ხელით შრომა ქმნიდა. პრიმიტიულ ტექნიკაზე და ხელით შრომაზე დამყარებულ სარეწავთა მფლობელები; განსაკუთრებით წერილი მრეწველები, მსხვილ მრეწველებთან საკონკურენციო ბრძოლაში, მიმართავდნენ სამუშაო დღის გახანგრძლივებასაც.

როგორც ცნობილია, მუშათა კლასის მდგომარეობას განსაზღვრავს შემდეგი უმთავრესი ფაქტორები: შრომის პირობები, სამუშაო დღის ხანგრძლიობა, შრომის ინტენსიურობა, ხელფასის დონე, საყოფაცხოვრებო პირობები, ქალთა და ბავშვთა შრომის გამოყენება, უმუშევრობის მასშტაბი, მუშათა პოლიტიკური უფლებები. სწორედ ამ თვალსაზრისით შევეცდებით დავახასიათოთ სხვადასხვა კატეგორიისა თუ პროფესიის მუშათა მდგომარეობა ჭიათურის მრეწველობაში.

²⁸ ЦГИАЛ, ф. 1276, оп. 19, л. 87, л. 23.

სამრეწველო რაიონში მუშები, თავისი საქმიანობის ხასიათით, ძირითადად ორ ჯგუფად იყოფოდნენ: სამთო და საბადოდან რკინიგზის მაგისტრალამდე მდინის გადამზიდველ მუშებად, თუმცა მრეწველობაში თავიდანვე ჩაისახა დამხმარე ღარგები (სახელოსნოები, სამკვდლოები და სხვ.), სადაც დაქირავებული მუშახელი იყო გამოყენებული. რკინიგზის სადგურებზე მდინის დასატვირთად დიდძალი დაქირავებული მუშახელი იყო თავმოყრილი.

თავის მხრივ, სამთო მუშები, სამუშაოს ხასიათით, იყოფოდნენ: მნგრეველებად, მდინის გამომზიდველებად, დამხარისხებლებად, „მემტაბელებად“. პირველნი ეწეოდნენ მდინის გამონგრევა-მოპოვებას, მეორენი — მალაროში მოპოვებული მდინის ზედაპირზე გადმოზიდვას, მესამენი — მდინის გაცხრილვა-დახარისხებას საბადოს ზედაპირზე, მეოთხენი — მდინის დაწყობას (უმთავრესად კუბ. საყენებად), მაგრამ წარმოების ჩასახვა-განვითარების პირველ წლებში (ასევე ხშირ შემთხვევაში მომდევნო ხანაში) წვრილ სამთო საწარმოებში, სამთო მუშათა მცირერიცხოვნებისას, შეუძლებელი ხდებოდა შრომის პროცესის დანაწილება და ყველა ამ სამუშაოს ერთი და იგივე მუშები ასრულებდნენ: „წვრილ სარეწებში მუშების დაქირავებისა და საბადოების დამუშავების წესის თანახმად, მდინის ამოღება, მიწის ზედაპირზე გამოზიდვა, დახარისხება და საყენებად დაწყობა ხდებოდა ერთი და იგივე პირის მიერ, სანარდო გარიგების საფუძველზე“²⁹. აქ გამორიცხული იყო შრომის პროცესის სპეციალიზაცია. წვრილ (უმთავრესად გლეხურ) სამთო საწარმოებში მუშათა რიცხვი და, მაშასადამე, სამუშაოთა მასშტაბიც შედარებით უმნიშვნელო იყო. მათთვის დამახასიათებელი არ იყო შრომის პროცესის დანაწილება. ამ სარეწავებში წვრილი მეწარმენი ხშირად დაქირავებულ მუშებთან ერთად იყვნენ ჩაბმული შრომის პროცესში. როგორც მუშები. შრომის დანაწილებაზე დაკვირვებისას ყურადღებას იპყრობენ ე. წ. „მეფუთე“ მუშები, რომლებიც წინასწარი სანარდო გარიგებით საბადოში მოპოვებულ მადანს მეწარმეს დადგენილ ფასში აბარებდნენ. ირკვევა, რომ ამ „კატეგორიის“ თვითეული მუშა, მეტადრე წვრილ საწარმოში ჩაბმული, ხშირად ერთდროულად ასრულებდა მდინის მოპოვებასთან, ზედაპირზე მის გამოზიდვასთან და დახარისხებასთან დაკავშირებულ ყველა ოპერაციას, რის შემდეგ მას ენაცვლებოდა საბადოდან გასაღების ადგილამდე მად-

²⁹ ЦГИАЛ, ф. 37, оп. 65, д. 2766, л. 71.

ნის გადამზიდველი მუშახელი. მაგრამ, მალე, 80-იანი წლების მეორე ნახევრიდან, მეფუთეებს შორის შეინიშნება შრომის დანაწილების ტენდენცია. დაიწყო „მეფუთე“ მუშათა არტელების ჩამოყალიბება, რაც, ჩვენი აზრით, მანუფაქტურული ტიპის სამთო საწარმოების ჩამოყალიბებასთან უნდა იყოს დაკავშირებული, რადგან „შრომის მანუფაქტურული დანაწილება საქმეში გამოყენებულ მუშათა რიცხვის ზრდას ტექნიკურ აუცილებლობად ხდის“³⁰. საარქივო საბუთები მოწმობენ, რომ მუშათა არტელები აერთიანებდნენ სხვადასხვა კვალიფიკაციის სამთო მუშებს: მზგრეველებს, გამონამუშევრებიდან მადნის გამომზიდველებს, დამხარისხებლებს, „მეშტაბელებს“. მრეწველებსა და მეფუთეთა არტელებს შორის დადებული ხელშეკრულებებით უკანასკნელნი ხშირად ვალდებული იყვნენ საკუთარი იარაღებით ეწარმოებინათ მოპოვება, ზოგჯერაც მრეწველები აწვდიდნენ არტელს სამუშაო იარაღებს, გამონამუშევრების გასამაგრებელ მასალას და სხვ.³¹ სანარდო გარიგების ეს სისტემა, როგორც წესი, მომგებიანი იყო მეწარმისათვის, რომელიც დიდი კაპიტალდაბანდების გარეშე ეწეოდა სამრეწველო საქმიანობას და იოლად ახერხებდა შრომის პროცესის ინტენსიფიკაციის დონის ამაღლებას. მაგრამ, მთავარი ის არის, რომ მეფუთეთა არტელების ჩამოყალიბების შემდეგ, როცა შესაფერის საწარმოში თავს იყრიდა დიდძალი მუშახელი, დაქირავების სანარდო სისტემის ამ სახეობასაც ახასიათებს შრომის დანაწილება, რაც ნიშანდობლივია წარმოების მანუფაქტურული სტადიისათვის.

მსხვილ საწარმოებში შრომის პროცესზე დაკვირვება სულ სხვა სურათს გვაძლევს: ამ საწარმოებში თავიდანვე შეიმჩნევა შრომის პროცესის გარკვეული დანაწილება. აქ ერთნი ეწევიან საბადოს ფენების დამუშავებას და მადნის გამონგრევას, მეორენი გამონგრეულ მადანს ამზადებენ გასაზიდად, მესამენი მას ეზიდებიან ზედაპირზე, მეოთხენი არჩევენ და ამზადებენ ადგილზე გასასაღებლად, ან გასაღების ადგილზე გასაზიდად³². ამიტომ შემთხვევითი როდი იყო, რომ იმ დროის თანამედროვენი და საქმეში ჩახედული პირები სამთო მუშათა საერთო მასაში ერთმანეთისაგან გამოჰყოფდნენ სხვადასხვა ხელობის მუშებს და აღნიშნავდნენ, რომ ამ მასას შეადგენდნენ „მეკირკეები“, „მელაფათქეები“, „მეტაჰქეები“ და „ქვის მწმენდლეები“³³. ამრიგად, ვხედავთ, რომ მუშა (მზგრეველი, მენიჩბე, გამომზიდველი, დამხარისხებელი ანუ

³⁰ იხ. კ. მარქსი, კაპიტალი, ტ. 1, გვ. 457.

³¹ ЦГИАЛ, ф. 23, оп. 29, д. 88, л. 375; ЦГИАЛ, ф. 1276, оп. 19, д. 87, л. 27.

³² იხ. Статистика марганцевого дела, 1902, გვ. 37—40.

³³ იხ. „ივერია“, 1889, 12 იანვარი, № 8.

რაც იგივეა: მეწერაქვე, მენიხზე, მეურმე და ქვის მშენებელი) წარმოადგენს რგოლს წარმოების პროცესის საერთო ჯაჭვში. ამავე დროს, წარმოების პროცესი ხელით შრომას ემყარებოდა. ასეთ პირობებში, შრომის დანაწილების გაღრმავება, ჩვენი აზრით, შესაფერის სამთო საწარმოთა მანუფაქტურული ხასიათის ერთ-ერთი უტყუარი მაჩვენებელია.

მუშათა მდგომარეობა მეტად მძიმე იყო არა მარტო წვრილ გლეხურ სარეწავებში, არამედ მსხვილ მანუფაქტურული ტიპის საწარმოებშიც. სამთო ზედამხედველობა არ არსებობდა, რადგან კავკასიის სამთო სამართველომ მოცემულ პერიოდში ჭიათურის მარგანეცის მრეწველობა არ მიიჩნია მნიშვნელოვან საწარმოდ, სადაც სამთო წესდების თანახმად წარიმართებოდა მუშაობა. სამრეწველო რაიონს დიდძალი მუშახელი აწყდებოდა. ამით სარგებლობდნენ მრეწველები, რომლებიც მუშებს ქირაობდნენ საკუთრივ ან „მენარდეთა“ და „ზედამხედველთა“ მეშვეობით, ხშირად „არტელის“ სახითაც. მენარდენი და ზედამხედველნი თავის მხრივ ექსპლოატაციას უწევდნენ მუშებს და ამ გზით მდიდრდებოდნენ. მათი წრიდან არაერთი გახდა შემდეგში შეძლებული მრეწველი. ასეთ პირობებში მეწარმესთან ერთად მუშას სხვა ექსპლოატატორიც უჩნდებოდა³⁴.

მეწარმენი, მუშის სამუშაო დღის გასახანგრძლივებლად და შრომის ინტენსიურობის უზრუნველსაყოფად, მოხერხებულად იყენებდნენ მუშახელის დაქირავების სანარდო სისტემის სხვადასხვა ფორმას. ამ სისტემის ერთ-ერთი ფორმა ასეთი იყო: „მუშა ღებულობს მწარმოებლისაგან ქირას. სამუშაო იარაღს და განათებას, როცა სამუშაო იარაღი ჩლუნგდება, ან ტყდება მისი შესწორება-შეკეთება ან გამოცვლა მწარმოებლის ხარჯით უნდა მოხდეს. მალაროების კედლების გასამაგრებლად მასალას: ბოძებს, ფიცრებს და სხვ. ყიდულობს იგივე მწარმოებელი“³⁵.

არსებობდა სხვა ფორმაც: მრეწველნი, განსაკუთრებით საამისო საბრუნავ კაპიტალს მოკლებული წვრილი მეწარმენი, მუშას ნარდად ქირაობდნენ იმ პირობით, რომ უკანასკნელს საკუთარი იარაღებითა და სხვა საშუალებებით ეწარმოებინა მიჩენილი საბადოს ექსპლოატაცია. ასეთი გარიგების თანახმად, მუშისაგან მეწარმე საბადოშივე ან, იშვიათად, ჭიათურაში იბარებდა მადანს წონით (ფუთობით), ან მოცულობით (კუბ. არშინობითა და საყენობით — საყენი კი 1500—1800 ფუთად ითვლებოდა).

იშვიათად არ იყო შემთხვევები, განსაკუთრებით მრეწველობის გვიანდელ ხანაში, როცა ნარდად დაქირავებული მუშები ქირას ღებულობდ-

³⁴ იხ. „კვლი“, 1902, № 5, გვ. 81.

³⁵ ნ. წუწუნავა, შავი ქვა, თბ., 1812, გვ. 17.

ნენ საბადოში მათ მიერ „გამოჭრილ“ კუბური არშინობით, «Получая с каждого прорезанного ими аршина приблизительно, смотря крепости породы, от 2-х до 5-ти рублей, причем один рабочий в три дня может прорезать два аршина, а иногда два человека в два дня больше одного аршина не прорежут. Таким образом средний дневной заработок забойщиков колеблется между 1 р.—1 р. 50 коп.»³⁶ მაგრამ, მუშახელის დაჭირავების სანარდო სისტემის ყველა ფორმას შორის თანდათან უფრო მასობრივი ხასიათი მიიღო. ე. წ. ფუთობით გარიგებამ. ასეთი გარიგებისას მრეწველსაც და მუშასაც „მეფუთე“ ეწოდებოდა. პირველისაგან მეორე მოპოვების აღვილას ყოველ ფუთ მადანში ღებულობდა დაახლოებით 1—2 კაპიკს (იშვიათად 2—3¹/₂ კაპიკს), ხოლო ჭიათურაში ჩაბარებისას 5—8 კაპიკს. ამ შემთხვევაში ღირებულებას განსაზღვრავდა საბადოს აკარგიანობა, მოპოვების სირთულე და საბადოს სიშორე. დაჭირავების ფორმა მოხერხებული და მომგებიანი იყო მრეწველისათვის, რადგან მუშა წინასწარი გარიგებით, ხშირად საკუთარი საწარმოო საშუალებით ეწეოდა მადნის მოპოვებას და არაიშვიათად საბადოდან ჭიათურამდე მადნის გადაზიდვასაც. „მეფუთე“ მუშას საშუალოდ ღლეშაშეძლო გამოემუშავებინა 80 კაპიკიდან 1 მანეთამდე³⁷.

ამრიგად, მუშახელის დაჭირავების სანარდო სისტემამ, მეტადრე „მეფუთეობამ“, წარმოებაში გაბატონებული მდგომარეობა დაიმკვიდრა. ეს გასაგებიცაა, რადგან მეწარმე ამ გზით მუშის სამუშაო დღის გაზანგრიძილებას, შრომის ინტენსიფიკაციას მოხერხებულად აღწევდა, ასევე ყველა ზემოჩამოთვლილ შემთხვევაში (არშინობით, საყენობით, თუ ფუთობით გარიგებისას) მუშის ქირას ხელოვნურად ამცირებდა.

აუტანელ პირობებში მუშაობდნენ მადნის მნგრეველი და სამთო გამონამუშევრებიდან მისი გამომზიდველი მუშები. გამონამუშევრების სიგრძე წვრილ სარეწავებში სამიოდე საყენს არ აღემატებოდა, ხოლო შედარებით მსხვილ საწარმოებში 50—60 საყენს აღწევდა. შიგნით არ იყო ვენტილაცია³⁸. სამთო გამონამუშევრებს ანათებდნენ კრაქებით და პატრუქიანი პატარა (თუჯის) ჭურჭლით, ე. წ. „კანდალით“, რომელიც იტალიელებმა მოიტანეს. ასეთი განათება ვერ ქმნიდა მუშაობის შესაფერის პირობებს; შემდეგ თანდათან გადავიდნენ ზეთით განათებაზე და ბოლოს შემოიღეს ნავთის ლამპებით განათება³⁹. სამთო გამონამუშევრებში „ნამეტანი ნოტიო იყო და დახშული ჰაერი“, „კრაქების

³⁶ Статистика марганцевого дела, К., 1902, გვ. 39.

³⁷ იქვე, გვ. 40.

³⁸ ЦГИАЛ, ф. 37, оп. 55, д. 609, л., 44.

³⁹ ნ. წუწუნაეა, შავი, ქვა, გვ. 15—17.

სუნი და ბოლი სულს უხუთავდა მუშას მაღაროში⁴⁰. ქიათურის მაღაროების მუშათა პირობების აღმწერნი შეშფოთებით მიუთითებენ მუშათა შრომის აუტანელ პირობებზე. ერთ-ერთი მათგანი წერდა: „მაღაროში ჰაერი დახშულია და ადვილად ფუქდება: ამას ზედ დავუმატოთ საშინელი მტვერი ქვისა, რომელიც მუშას სულ ერთიან მურავს, თან ჰაერთან ერთად სასუნთქაე ორგანოებში ჩაუდის. თქვენ წარმოიდგინეთ რა ტანჯვა-წვალებას განიცდის საწყალი მუშა, მაგრამ ლუკმა-პურისათვის კაცი რას არ აიტანს“⁴¹. ამასთანავე სამთო გამონამუშევრების ქერის სიმალლე უფრო ხშირად 1,5 არშინს არ აღემატებოდა, ამიტომ „შიგ სიარული წელში მოღუნული შეიძლებოდა მხოლოდ“⁴². მიწათმოქმედების მინისტრი ერმოლოვი, რომელმაც 1894 წელს დაათვალიერა ქიათურის მაღაროები, თავის „მოხსენებაში“ წერდა: „მხოლოდ ღოღობერიძის მაღაროში არის გაყვანილი რელსებიანი გზა და მადანი გამოაქვთ ვაგონეტებით, მაგრამ შტოლნები ისე დაბალია, რომ იქ მხოლოდ წელში მოხრილი შეიძლება იარონ. სხვა მეწარმეების მაღაროებიდან მადანი ზურგით გამოაქვთ“⁴³.

ამოღებული მადანი თავდაპირველად ზურგითაც გამოჰქონდათ, მაგრამ მალე დაიწყეს მისი გამოზიდვა ხუთფუთიანი ურიკებით და ხელურმებით. სამთო გამონამუშევრების გამაგრება ან არ ხდებოდა, ან ხდებოდა არასაიმედოდ, რაც ქანების ხშირ ჩამონგრევას და უბედურ შემთხვევებს, — მუშათა მსხვერპლს, — იწვევდა⁴⁴. მრეწველობის განსახილველ პერიოდში სამთო ზედამხედველობის არარსებობის გამო, არ გაგვაჩნია უბედურ შემთხვევათა სისტემატური სტატისტიკა. მათი აღრიცხვა მხოლოდ იშვიათად, საგანგებო შემთხვევებში ხდებოდა. აღრიცხვის უწყისი, რომელსაც ჩვენ მივაკვლიეთ, მოწმობს, რომ უბედური შემთხვევები მაღაროებში ხშირი იყო და მათ იწვევდა უსაფრთხოების წესების დაუცველობა (სამთო გამონამუშევრების ცუდი გამაგრება ან გაუმაგრებლობა). მაგალითად, 1891 წელს, შუქრუთში მრეწველი ი. აბღუშელიშვილის მაღაროში, ფეხის ჩამონგრევის შედეგად მძიმედ დაშავდა მუშა ვ. ნეფარიძე. სამთო უწყების წარმომადგენელმა ადგილზევე გამოიკვლია უბედური შემთხვევის გამომწვევი მიზეზები და დამნაშავედ სცნო მრეწველი, რომელიც სამთო გამონამუშევრის გამაგრებას არ ახდენდა. 1891 წელს შუქრუთში, ო. ჩაჩანიძის მაღაროში, იმავე

⁴⁰ „კვალი“, 1900, № 31; ЦГИАЛ, ფ. 37, ოპ. 55, დ. 609, ლ. 9.

⁴¹ ნ. წუწუნავა, დასახ. ნაშრომი, გვ. 17.

⁴² „კვალი“, 1900, № 31, გვ. 495.

⁴³ ЦГИАЛ, ფ. 37, ოპ. 66, დ. 2305, 1895, გ., ლ. 33.

⁴⁴ ЦГИАЛ, ფ. 37, ოპ. 55, დ. 609, ლ. 9 ობ.

მიზეზით დაილუპა მუშა ნ. ნეფარიძე⁴⁵. 1892 წელს, პერევისკაში, გ. ჩუბინიძის მალაროში, მუშა გ. კურტანიძე მოპოვებულ მადანს საყენობით აბარებდა მეპატრონეს, ვერ ეყო ჩასაბარებლად, ის შევიდა მადნის გამოსახიდად, მალაროში ფენა ჩამოიშალა და დაილუპა. დამნაშავედ აღიარებულ იქნა მრეწველი, რომელსაც სამთო გამონამუშევარი არ ჰქონდა საიმედოდ გამაგრებული. 1893 წელს, შუქრუთში, გ. ვაფრინდაშვილის მალაროში ფენები ჩამოინგრა და დაილუპა მუშა ა. კუსიანი. სამთო გამონამუშევრების გაუმაგრებლობის გამო იმავე წელს, მღვიმეში, ფ. დარჩიას მალაროში, დაილუპა მუშა დ. მიროტაძე. 1893 წელსვე შუქრუთში, ა. ვაკოლოპულოს მალაროში, დამით მუშაობისას მთელი სხეულის ძლიერი დაშავება მიიღო მუშა ნ. ტაბატაძემ, რაშიც დამნაშავედ აღიარებულ იქნა მრეწველი. 1894 წელს ზედა რგანში ი. გამყრელიძის მალაროში ფენა ჩამოინგრა და დაილუპნენ მუშები ს. და გ. ფარქოსაძეები, დამნაშავე იყო მეწარმე, რომელიც საბადოს ექსპლოატაციას ეწეოდა უსაფრთხოების წესების დაუცველად. ამავე წელს მღვიმეში გ. ჩუბინიძის მალაროში მრწა ჩამოინგრა და დაილუპა მუშა ე. ხუციშვილი; სამთო უწყების წარმომადგენელმა დამნაშავედ მიიჩნია სამუშაოს გამგე ხარაძე, რომელსაც გ. ჩუბინიძისათვის ხელწერილი ჰქონდა მიცემული, რომ უსაფრთხოების წესებს დაიცავდა⁴⁶.

უბედური შემთხვევები ხშირი იყო მაშინაც, როცა სამთო მუშები უბინაობის გამო ღამეს სამთო გამონამუშევრებში ათევდნენ. ასეთ შემთხვევას ჰქონდა ადგილი, მაგალითად, ფრანგი მრეწველის პიოს მალაროში, რგანში 1881 წლის 26 ნოემბერს. ამასთან დაკავშირებით ქუთაისის გუბერნატორი 28 დეკემბერს აცნობებდა მეფისნაცვლის მთავარ სამმართველოს უფროსს:

„გასულ 26 ნოემბერს, 6 გლეხი, გვარად სარალიძეები, ღამის გასათევად ღარჩნენ ფრანგ მარგანეცის მრეწველ პიოს შტოლნში, სოფ. რგანში და იმ დროს, როცა მუშებს ეძინათ, ჩამოინგრა შტოლნის თალი და ქვეშ მოიქცია მძინარენი. მართალია, გლეხები მალე ამოიყვანეს მიწიდან ცოცხლები, მაგრამ ერთი მათგანი — არჩილ სარალიძე, 16 წლის ქაბუკი, იქვე გარდაიცვალა, სხვებმა კი მიიღეს მეტ-ნაკლები სიმძიმის კრილობები“⁴⁷. 1894 წელს მღვიმეში, ს. წერეთლის საბადოში, მუშები მალაროში იყვნენ ღამის გასათევად; გამონანუშევარი არ იყო საკმარისად გამაგრებული, რის შედეგადაც მისი ჰერი ოთხი საყენის სიგრძეზე ჩამოინგრა, ორი მუშა დაზიანდა, ხოლო მესამე, — ა. ისლამოვი, —

⁴⁵ ЦГИАЛ, ф. 37, оп. 75, д. 69, 1891—1900 гг., 1—57.

⁴⁶ ЦГИАЛ, ф. 37, оп. 75, д. 69 л. 24, 25, 29, 42, 49, 53.

⁴⁷ სსსა, ფონ. 264, საქ. 1049, ფურც. 1; საქ. 1100, ფურც. 37.

გაისრისა; დამნაშავედ იქნა ცნობილი საბადოს ექსპლოატატორი, ა. ვა-
კოლოპულო, რომელიც გამონამუშევრების გაუმაგრებლად, წესების
დაუცველად ეწეოდა მადნის მოპოვებას⁴⁸. სამრეწველო რაიონში უბე-
დური შემთხვევები და უწესრიგობა, განსახილველ ხანაში და შემდეგაც
ჩვეულებად იქცა „კვალის“ კორესპონდენტი („შავი ქვის მუშის“ ფსევ-
დონიმით) 1900 წელს სამართლიანად შენიშნავდა: „ისე შევაჩვიეთ ყუ-
რი უბედურ შემთხვევებს, რომ ჩვენთვის თითქოს ყურადღების ღირსი
არც კი არის: კაცი მოჰკლეს, კაცი დაჰრეს, ვიღაცას მადნებში გვირავი
ჩამონგრევია და შიგ მოჰყოლია, ცოცხლად დამარხულა... ვიღაცას ქვა
დაცემია და სხვა ათასი უსიამოვნო ამბავი გესმით, თუ ყოველ საათში
არა, ყოველ დღე მაინც და აჩვევთ ყურს. კაცი ჭოჭოხეთსაც შეჩვევიაო
ნათქვამია, სწორედ ეს ითქმის ჭიათურელებზე“⁴⁹. ეხებოდა რა ჭიათუ-
რის სამრეწველო რაიონში მომხდარ უბედურ შემთხვევებს, ქუთაისის
გუბერნატორი 1881 წელს მეფისნაცვლისადმი გაგზავნილ ბარათში შე-
ნიშნავდა: „მსგავსი შემთხვევების განმეორების თავიდან აცილების მიზ-
ნით, აუცილებლად მიმაჩნია სამთო სამმართველოს მხრივ შორაპნის
მაზრის მარგანეცის საბადოთა ექსპლოატაციაზე თუნდაც პერიოდული
მეთვალყურეობის დაწესება“⁵⁰. შუამდგომლობამ ნაყოფი არ გამოიღო.
ამიტომ 1891 წელს კავკასიის I სამთო ოკრუგის ინჟინერი სამთო ნაწი-
ლის უფროსს კვლავ აცნობებდა:

1) აუცილებელია პოლიციურ-ადმინისტრაციული ხელისუფლების
გაძლიერება მარგანეცის საბადოებში (აქ არის 1 ბოქაული და 3 „სტრა-
ჟნიკი“, თუმცა ისინიც ხშირად ადგილზე არ არიან); გაძლიერება შეიძ-
ლება იმითაც, რომ ბოქაულის სამოქმედო ასპარეზი შევზღუდოთ სამ-
რეწველო რაიონით. ეს მით უფრო საჭიროა, რომ დიდძალ მუშახელს,
მრეწველებსა და მადნის შემქნთ სულ მუდამ ბრძოლა აქვთ. 2) აუცი-
ლებელია სანიტარულ-სამედიცინო ზედამხედველობა; თვით სოფლის
აფთიაქიც არსადაა. ექიმი ყვირილაშია (36—50 ვერსზე). ასეთ ვითარე-
ბაში დასახიჩრებული მუშები „რჩებიან ბედის ანაბარა“, ყოველგვარი
სამედიცინო დახმარების გარეშე. 3) „აუცილებელია ვაიძულოთ მრეწ-
ველები მოაწყონ მუშათა საცხოვრებელი ბარაკები, ხოლო საპოლიციო
ზედამხედველობას უნდა დაევალოს არ დაუშვას მუშები ღამის სათევად
მალაროში“⁵¹. იმხანად ვითარება არ შეცვლილა: მუშათა დაზღვევა იმ
დროს არც იყო შემოღებული. სამრეწველო რაიონის ადმინისტრაცია და
სამთო უწყება არ მოქმედებდა. ყოველივე ამის გამო სამთო მუშათა

⁴⁸ ЦГИАЛ, ф. 37, оп. 75, д. 69. 1881—1900, л. 19.

⁴⁹ „კვალი“, 1900, № 19, გვ. 253.

⁵⁰ სსსა, ფონ. 264, საქ. 1049, ფურც. 2—3.

⁵¹ სსსა, ფონ. 264, საქ. 1307, ფურც. 144—145.

მდგომარეობა კიათურაში უფრო მძიმე და აუტანელი იყო. ვიდრე შიდა რუსეთში და, მით უმეტეს, დასავლეთ ევროპაში, სადაც სამთო წესდება, ასე თუ ისე, ძალაში იყო.

ამრიგად, ვხედავთ, რომ უბედურ შემთხვევებს და მუშათა მსხვერპლს იწვევდა უსაფრთხოების წესების დაუცველობა, სამთო გამონამუშევრების ცუდი გამაგრება, ან გაუმაგრებლობა; ამ შემთხვევების აღწერის საბუთებიდან ისიც ჩანს, რომ მათი მსხვერპლი ხდებოდნენ მნგრეველი და მალაროდან მადნის გამომზიდველი მუშები. უბედური შემთხვევები ხდებოდა მაშინაც, როცა მუშებს ღამის თევა მალაროში უხდებოდა⁵², აგრეთვე მაშინაც, როცა ღამე მუშაობდნენ⁵³.

წყაროები ერთხად მეტყველებენ, რომ სამუშაო დღის ხანგრძლიობას კიათურის მრეწველობაში იშვიათად თუ მოეპოვებოდა პრეცედენტი კავკასიისა და მთელი რუსეთის იმდროინდელ საქათმადნო მრეწველობაში. ამაზე საყურადღებო ცნობას გვაწვდის „კვალის“ კორესპონდენტი („S.П.“): მას დაუვლია საბადოები და გასაუბრებია სამთო მუშებს, რომელთაც შეკითხვაზე — თუ რამდენ ხანს მუშაობდნენ დღეში, — უპასუხიათ: „დილიდან-სალამოდის. ხანდახან ღამეც ვმუშაობთ... თორემ ისე არაფერი გვრჩება“⁵⁴. საარქივო საბუთები, რომლებიც კიათურელ სამთო, მუშათა შრომის პირობების აღწერას შეიცავს, მოგვი-თხრობენ, რომ სამთო მუშები მალაროებში გათენებიდან დაღამებამდე მუშაობდნენ⁵⁵. სამუშაო დღის ხანგრძლიობა საშუალოდ 12—16 საათს უდრიდა, ეს მაშინ, როცა შიდა რუსეთში რეფორმის შემდეგ 12-საათიანი სამუშაო დღე „ნორმად“ იქნა გამოცხადებული.

კიათურის მრეწველობაში სამუშაო ძალის ფასიც მეტისმეტად დაბალი იყო⁵⁶. ამ გარემოების განმსაზღვრელ პირობებს შორის პირველ რიგში აღსანიშნავია ის, რომ მარგანეცის მრეწველობაში ჩაბმული დაქირავებული მუშახელის რიგების შევსების ერთ-ერთ უმთავრეს წყაროს წარმოადგენდა სამრეწველო რაიონის, ასევე მისი მახლობელი სოფლების ღარიბი გლეხობა, რომელიც წარმოებაში მუშაობდა და მოწყვეტილი არ იყო საკუთარ სახლს და მიწას. ამ კონკრეტულ შემთხვევაში საქმე გვაქვს მიწათმოქმედებისა და მრეწველობის შეერთებასთან.

⁵² სსსა, ფონ. 264, საქ. 1307, ფურც. 19.

⁵³ იქვე, ფურც. 49.

⁵⁴ „კვალი“, 1900, № 41, გვ. 645.

⁵⁵ ЦГИАЛ, ф. 1276, оп. 19, 87, л. 27.

⁵⁶ ასე მაგალითად, თუ კიათურაში მნგრეველი-მალაროელის დღიური ხელფასი 1—1,5 მანეთს არ აღემატებოდა, დონბასში იმავე კვალიფიკაციის მუშის ხელფასი 1,5 მანეთს 2,5 მანეთამდე აღწევდა (Сборник статистических сведений по Екатеринославской губернии, 1898, გვ. 383).

რაც წარმოადგენდა მუშის კაპიტალისტური ექსპლოატაციის უძლიერეს საშუალებას. ეხებოდა რა 80-იანი წლების დამდევის გერმანიის მრეწველობაში ჩაბმული მუშახელის მდგომარეობას, ფ. ენგელსი 1884 წელს წერდა: „ვინაიდან შინამრეწველობაში მომუშავე მუშა უფრო მეტად თავის პაწია მიწის ნაკვეთს ამუშავენს, ამიტომ იზადება შესაძლებლობა, რომ აქ მისი ხელფასი უფრო მეტად შემცირდეს, ვიდრე სხვაგან, ის რაც უწინ პატარა კაცის ბედნიერებას შეადგენდა — მიწათმოქმედებისა და მრეწველობის შეერთება, ახლა კაპიტალისტური ექსპლოატაციის უძლიერეს საშუალებად იქცა. კარტოფილის კვალი, ძროხა, პაწია მიწის ნაკვეთი მას შესაძლებლობას აძლევს თავისი სამუშაო ძალა არსებულ ფასზე დაბლა გაჰყიდოს; ისინი მას აიძულებენ ამას, რადგან მუშას აბამს მიწაზე, რომელიც მას მხოლოდ ნაწილობრივ ჰკვებავს“⁵⁷.

ნაშრომში „ბინის საკითხისათვის“ ფ. ენგელსი (1887 წელს) კვლავ უბრუნდება ჩვენთვის საინტერესო საკითხს და შენიშნავს: „თუკი უფრო ადრინდელ ისტორიულ საფეხურზე მუშების შედარებითი კეთილდღეობის საფუძველს წარმოადგენდა მიწათმოქმედების კავშირი მრეწველობასთან, სახლის, ბოსტნის, მიწის ნაკვეთის მფლობელობა, უზრუნველყოფილი საცხოვრებელი ბინა, — დღეს, მსხვილი მრეწველობის პირობებში, ის მუშისათვის იქცევა არა მარტო უაღრესად მძიმე ბორკილებად, არამედ უდიდეს უბედურებად მთელი მუშათა კლასისათვის, იქცევა იმის საფუძვლად, რომ მოხდეს ხელფასის უმაგალითო შემცირება მის ნორმალურ დონესთან შედარებით, თანაც არა მარტო წარმოების ცალკეულ დარგებში, ცალკეულ რაიონებში, არამედ მთელ ქვეყანაში. გასაკვირი არაა, — განაგრძობს ფ. ენგელსი, რომ მსხვილი და წვრილი ბურჟუაზია, რომელიც ხელფასიდან ამ დიდი გამოკვეთვების ხარჯზე ცხოვრობს და მდიდრდება... საკუთარი სახლების მქონე მუშებზე ოცნებობს...“⁵⁸.

ადგილობრივი წარმოშობის, საკუთარი სახლისა და მიწის ნაკვეთის მფლობელი მუშის ხელფასი საზოგადოდ მუდამ მეტად მცირეა. ფ. ენგელსის სიტყვით რომ ვთქვათ, „სწორედ აქ ვლინდება სრული სიცხადით ის „მაღლი“, რომელსაც თანამედროვე მუშისათვის საკუთარი მიწის ნაკვეთი შეადგენს... მას, რასაც ოჯახი თავის ბოსტანსა და პატარა მიწის ნაკვეთზე გამოიმუშავენს, კაპიტალისტი, კონკურენციის წყალობით, სამუშაო ძალის ფასიდან ქვითავს; მუშები იძულებული არიან დათანხმდნენ ყოველგვარ სანარდო ხელფასს იმიტომ, რომ სხვანაირად

⁵⁷ კ. მარქსი, ფ. ენგელსი, რჩეული წერილები, 1949, გვ. 422.

⁵⁸ ფ. ენგელსი, ბინის საკითხისათვის, ოს. კ. მარქსი, ფ. ენგელსი, რჩეული ნაწერები, ტ. 1, 1963, გვ. 641.

ისინი სრულიად ვერაფერს მიიღებენ, ხოლო მარტო თავიანთი მიწათ-
მოქმედების პროდუქტებით ვერ იცხოვრებენ, დათანხმდნენ აგრეთვე
იმიტომაც, რომ მეორე მხრივ, ისინი მიჭაჭვეული არიან ერთ ადგილზე
სწორედ ამ მიწათმოქმედებისა და მიწის საკუთრების გამო, რაც მათ
ხელს უშლის სხვა სამუშაო ეძიონ⁵⁹. ამ დებულების სისწორე მთელი
დამაჯერებლობით დასტურდება ჭიათურის მრეწველობაში ჩაბმული
მუშების მდგომარეობისა და მათი ხელფასის მაგალითზე. ჩვენთვის
ამჯერად საინტერესო პერიოდში მუშის დღიური ხელფასი არ იყო და-
წესებული, მის ღონეს განსაზღვრავდა ე. წ. „ნარდად“ გარიგების პი-
რობა. ჭიათურის მრეწველობის მდგომარეობაში ზედმიწევნით გარკ-
ვეული ბუჩუყაზიული მოღვაწე გ. ზდანოვიჩი 1898 წელს წერდა:

„მარგანეცის საწარმოებში არაა დაწესებული დღიური სამუშაო ქი-
რა, ანაზღაურება ხდება მხოლოდ ნარდად. მუშა ან მუშათა არტელი
(3—4 კაცი) ვალდებულია მოიპოვოს მადანი, გაწმინდოს ის ფუქი შე-
ნარევეებისაგან და დააწყოს საყენებლად“⁶⁰. კუბურ საყენ მადანში, რო-
მელიც 1 500—1 800 ფუტს შეადგენდა, მუშები ღებულობდნენ⁶¹:

1886—1887 წლებში	— 45 მანეთიდან	50 მანეთამდე
1888—1889	„ — 42	„ 45 „
1890—1891	„ — 38	„ 40 „
1892	წელს — 40	„ 45 „
1893	„ — 35	„ 40 „
1894	„ — 32	„ 35 „
1895	„ — 28	„ 30 „
1896	„ — 22	„ 25 „
1897	„ — 15	„ 17 „

ამრიგად, 10 წელიწადში (1886 წლიდან 1896 წლამდე) ხელფასი
შემცირდა სანახევროდ, ანუ დაეცა 50%-ით, ხოლო მომდევნო (1897)
წელს ხელფასი შემცირდა და მუშა თავის შრომაში ღებულობდა უკვე
თითქმის მხოლოდ იმის ერთ მესამედს, რასაც მას 1886 წელს — 11
წლის წინ — აძლევდნენ. ასეთ ვითარებაში, 1890-იანი წლების დამდე-
გისათვის, მნგრეველი (მალაროელი) მუშის საშუალო დღიური გამომუ-
შავება 1 მანეთიდან 1,5 მანეთამდე აღწევდა, ხოლო სამთო გამონამუ-

⁵⁹ კ. მარქსი, ფ. ენგელსი, რჩეული ნაწერები, ტ. I, გვ. 640—641.

⁶⁰ ЦГИАЛ, ფ. 37, оп. 65, д. 2766, л. 10 об.

⁶¹ იქვე იხ. Отчет о деятельности Совета съезда, избранного на I съезде марганцепромышленников, К., 1898, გვ. 139—147. სხვა ცნობით სამთო მუშა-
კუბ. საყენის მოპოვებაში 1892 წელს ღებულობდა 40—45 მანეთს, ხოლო 1897
წელს — 15—17 მანეთს, ე. ი. დაუკლია 65%-მდე. (იხ. „კვალი“, 1900, № 40,
გვ. 639).

შევრებიდან საბადოს ზედაპირზე მადნის გადმომზიდველისა — 70 კაპიკიდან 1 მანეთამდე. გამომუშავების მხრივ უკანასკნელი ადგილი ეკავა საბადოს ზედაპირზე მადნის დამხარისხებელს, რაშიც ფართოდ იყენებდნენ ბავშვთა შრომასაც. ამ სამუშაოში ბავშვები ლეზულობდნენ დღიურად 10-დან 40 კაპიკამდე, მოზრდილები კი 60-დან 80 კაპიკამდე.

სამთო მუშათა ხელფასი განუზრეგლად, წლიდან წლამდე ეცემოდა. ასე მაგალითად, გ. ზდანოვიჩის გაანგარიშებით სამთო მუშათა საერთო წლიურმა ხელფასმა 1886—1887 წლებში შეადგინა დაახლოებით 293 750 მანეთი, 1888 წელს — 100 000 მანეთი, ხოლო 1894—1897 წლებში 629 250 მანეთი⁶². ეს ციფრები სრულებით ვერ ასახავენ სურათს, თუ არ გავითვალისწინებთ, რომ, ვთქვათ, 1894 წელს 1886 წელთან შედარებით მუშათა რიცხვი და მასთან ერთად მადნის მოპოვებაც გაიზარდა 3,5-ჯერ, ხოლო 1887 წელთან შედარებით თითქმის 4-ჯერ⁶³.

სამთო მუშათა ხელფასის დაცემის გამომწვევ მიზეზებს შორის აღსანიშნავია, ჯერ ერთი, სხვა ქვეყნებში მარგანეცის მოპოვების ზრდა 1893—1895 წლებში, რამაც გამოიწვია მადნის ფასის საგრძნობი დაცემა უცხოეთში: საფრანგეთში — 16%-ით, ინგლისში — 28,5%-ით, ხოლო გერმანიაში — 37%-ით. ამ გარემოებამ ხელი შეუწყო ჰიათურის მრეწველობაში მუშახელზე მოთხოვნილების და, რაც მთავარია, მუშის ხელფასის შემცირებას⁶⁴. მეორეც, საბადოებიდან მარტო სოფ. ჰიათურამდე ფუთი მადნის გადაზიდვა ჯდებოდა 2—1½ კაპიკი, ხოლო მისი ღირებულება აქ ზოგჯერ მხოლოდ 5-დან 6 კაპიკამდე აღწევდა. „საქმის ასეთი მდგომარეობისას მარგანეცის მრეწველს მხოლოდ სამუშაო ქირის შემცირების მეშვეობით შეუძლია მადნის მოპოვების გაგრძელება, რის გამო ხელფასი უკანასკნელ ხანებში საგრძნობლად ეცემა“⁶⁵. ჰიათურაში უფრო და უფრო იგრძნობოდა დიდძალი თავისუფალი მუშახელის მოზღვავება, რაც გამოწვეული იყო მთელი ქვეყნის და მეტადრე ქუთაისის გუბერნიის სოფლის მეურნეობის დაცემით და გლეხობის კლასობრივი დიფერენციაციის გაღრმავებით; ყოველივე ამით სარგებლობდნენ მეწარმენი, რომელნიც მუშახელის ბარბაროსულ ექსპლოატაციას ეწეოდნენ. განმარტავდა რა ჰიათურის მრეწველობაში მუშათა ხელფასის სისტემატური და განუწყვეტელი დაცემის მიზეზებს, გ. ზდანოვიჩი 1898 წელს თავის „მოხსენებით ბარათში“, რაც მან რუსეთის მთავრობას წარუდგინა, ამტკიცებდა: „საზღვარგარეთ მარგანეცის ფა-

⁶² Отчет о деятельности Совета съезда, К., 1898, გვ. 140—141; Статистика марганцевого дела, 1902, გვ. 40.

⁶³ ЦГИАЛ, ф. 37, оп. 65, д. 2766, л. 11.

⁶⁴ ЦГИАЛ, ф. 37, оп. 65, д. 2766, л. 1 об.

⁶⁵ ЦГИАЛ, ф. 37, оп. 65, д. 2766, л. 2 об.

სის თანდათან დაცემის წყალობით მოთხოვნილება მუშახელზე მცირდება, ხოლო სამუშაოს მსურველთა რიცხვი იზრდება, რაც გაპირობებულია ქუთაისის გუბერნიის სოფლის მეურნეობის დაცემით და ადგილზე სხვა რაიმე სამუშაოს არარსებობით. ამის შედეგად არაჩვეულებრივ და გამუდმებით მცირდება მუშის ხელფასი“⁶⁶. სამუშაო ძალის ფასს ერთგვარი მერყეობა ახასიათებდა წლის სხვადასხვა დროის შესაბამისად: სამთო მუშათა დიდი ნაწილი სოფელთან კავშირში იყო, ზაფხულობით, სასოფლო-სამეურნეო სამუშაოებთან დაკავშირებით, სახლს მიაშურებდა. ამიტომ „ზაფხულში მუშათა ხელფასი ჩვეულებრივ იზრდება, რადგან სამთო მუშათა ნაწილი სასოფლო-სამეურნეო სამუშაოზე მიდის“⁶⁷. სამთო მუშებს ხელფასი წესით, უმეტეს შემთხვევებში, ეძლეოდათ ყოველ კვირაში — კვირა დღეს (თუმცა ხშირი იყო მისი დროზე დაუბრუნებლობაც!) და მხოლოდ 1900 წელს იქნა აღძრული საკითხი იმაზე, რომ „მრეწველებმა მუშებს ანგარიში გაუსწორონ არა კვირა დღეს, როგორც ეს ამჟამადაა პრაქტიკაში, არამედ ერთ-ერთ სამუშაო დღეს“⁶⁸. ეს საკითხი აღძრა ჭიათურის მრეწველთა საბჭომ, რომლის საქმიანობას არსებითად ქვემოთ გავეცნობით, და განიხილა კავკასიის სამთო სამმართველომ, ასევე გუბერნიის საფაბრიკო-საქარხნო საქმეთა საგანგებო საკრებულომ; დადგენილებაც მიღებულ იქნა, თუმცა ის არ გატარებულა და ამიტომ ხელფასის მიღების დღის შეცვლას მუშები შემდეგშიც მუდამ მოითხოვდნენ. ამრიგად, ჭიათურის მრეწველობაში სამუშაო ძალის ფასი მეტისმეტად დაბალი იყო და გაცემაც არ იყო მოწესრიგებული. ცნობილია, რომ „სამუშაო ძალის ღირებულების უდაბლეს, ანუ მინიმალურ საზღვარს ქმნის იმ საქონელთა მასის ღირებულება, რომელთა ყოველდღე მიუწოდებლად სამუშაო ძალის მატარებელს, ადამიანს, არ შეუძლია განაახლოს თავისი სასიცოცხლო პროცესი, მაშასადამე, ამ მინიმალურ საზღვარს ქმნის ფიზიკურად აუცილებელ საარსებო საშუალებათა ღირებულება“⁶⁹. სამუშაო ძალის ყოველდღიურად კელავწარმოებისათვის, ამ ძალის მესაკუთრეს შრომის პორცესში დახარჯული ენერჯის აღდგენა, ძალღონისა და ჯანმრთელობის შენარჩუნება, ესაჭიროება. ამიტომ საარსებო საშუალებათა რაოდენობა უნდა საკმარისი იყოს იმისათვის, რომ შეინახოს მშრომელი ინდივიდი როგორც ასეთი, მისი ცხოვრების ნორმალურ მდგომარეობაში. ასეთ აუცილებელ საარსებო მოთხოვნილებას წარმოადგენს, მაგალითად, საზ-

⁶⁶ ЦГИАЛ, ф. 37, оп. 65, д. 2766, л. 10. об.

⁶⁷ ЦГИАЛ, ф. 76, оп. 19, д. 87, л. 27.

⁶⁸ Отчет о деятельности Совета съезда, избранного на III съезде марганцспромышленников, 1902, гл. 43.

⁶⁹ კ. შარქსი, კაპიტალი, ტ. 1, გვ. 221.

რდო, ტანსაცმელი, ბინა და სხვ. ამ მოთხოვნილებათა მოცულობა, ისევე როგორც მათი დაკმაყოფილების წესი, — წერს კ. მარქსი, — „თვით არის ისტორიული პროდუქტი და ამიტომ დამოკიდებულია მეტწილად ამა თუ იმ ქვეყნის კულტურულ დონეზე, სხვათაშორის, არსებითად იმაზეც, თუ რა პირობებში და, მანასადამე, რა ჩვეულებებით და სასიცოცხლო მოთხოვნილებებით ჩამოყალიბდა თავისუფალი მუშათა კლასი“⁷⁰. როგორი იყო ამ მხრივ მდგომარეობა ჩვენში, ჭიათურის მრეწველობის მუშათა მდგომარეობის მაგალითზე? ხელფასის სიმცირესთან ერთად მუშებს არ გააჩნდათ აუცილებელი საარსებო საშუალებანი.

მრეწველობის ჩასახვისა და განვითარების მოცემულ პერიოდში მუშას არც საბადოებში და არც თვით ჭიათურაში არ გააჩნდა მოხერხებული ბინა. სამთო მუშები ბევრგან წნელით შემოღობილ ფარდულებში ცხოვრობდნენ, ხოლო ზამთრობით ხშირად მალაროში იძინებდნენ. ამასთან დაკავშირებით „კვალის“ კორესპონდენტი წერდა: „ზამთარში მალაროშივე წვებიან მუშები“⁷¹. „ისეთი მაგალითები ვიცით ჩვენ, რომ მუშას, რომელსაც მალაროში ვძინა, დაეცა მძინარეს მალლიდან ჩამოსული ქვა და იქვე სული გაანთხევინა“⁷². არც ჭიათურაში იყო უკეთესი მდგომარეობა არა თუ 1894 წლამდე, არამედ 90-იანი წლების მიწურულსაც. ამ მდგომარეობის აღწერისას „კვალის“ კორესპონდენტი გვაუწყებს: ჭიათურაში „აგებულია ფიცრის კაზარმები, შიგ 2/3 თუ მეტი ადგილი ცხენებს და ვირებს უჭირავს, სხვა ადგილზე ადამიანები ცხოვრობენ. ამ კაზარმებში უფრო თათრები ბინადრობენ, ჩვენები კი უმთავრესად დუქნების ქვეშ, რასაკვირველია, პირუტყვთან ერთად. უმრავლესობა პირდაპირ მიწაზე, უკეთ რომა ვთქვათ, ერთ არშინზე დაყრილ ნაგავზე წვება. სადაა საგებ-საბანი! თივა, ტყავი, ქეჩა, დაფლეთილი მაზარა, საბნის ნახევი“. „ადამიანები, ცხენები, ვირები, ხარები, ერთმანეთში არიან არეულნი. ირგვლივ ტალახი, აქა-იქ დამდგარი დამპალი წყალი, ნაგავი“. „ძნელად თუ სადმე შეხვდება ადამიანი ასე უპატრონოდ მიგდებულ დაბას“. ამავე დროს აქ „20 ათასზე მეტ ადამიანს და რამდენიმე ათას პირუტყვს მოუყრია თავი ერთად“⁷³. ასეთ ვითარებაში ჰიგიენური პირობების დაცვაზე და სამედიცინო მომსახურებაზე ფიქრიც კი შეუძლებელი იყო, რის გამო სამრეწველო რაიონში ხშირი იყო სხვადასხვა ავადმყოფობათა მასობრივად გავრცელება. მეტისმეტად ძნელი იყო მუშათა კვების პირობები. საბადოებში არ იყო მუშათა სასადილოები და ფარდულები. მახლობელი სოფლებიდან მოსულ მუ-

⁷⁰ კ. მარქსი, კაპიტალი, ტ. 1, გვ. 219.

⁷¹ „კვალი“, 1900, № 31, გვ. 495.

⁷² „კვალი“, 1902, № 42, გვ. 672.

⁷³ „კვალი“, 1900, № 29, გვ. 477.

შებს ერთი კვირის სარჩო შინიდან მოჰქონდათ. „ჩვენებური მუშა, — წერდა „კვალი“, — პურსა და წყალს ჭერდება“. მას დღეში თავისთავზე ეხარჯებოდა 15—20 კაპიკი⁷⁴.



მიძმე და აუტანელი იყო მალაროებიდან რკინიგზამდე მადნის სასაპალნე და საქაპანო ტრანსპორტით გადამზიდველთა მდგომარეობა, რომლის თვითმხილველი, მიწათმოქმედების მინისტრი, ერმოლოვი 1895 წელს წერდა, რომ მადნის გადაზიდვის საშუალებანი პირველყოფილურია. ეს ხდებოდა სასაპალნე ცხენებით, ასევე იმერული ურმებით და 2—3 ვერსზე ფუთი მადნის გადაზიდვა 3,5 კაპიკი ჯდებოდა⁷⁵. ამ მხრივ ვითარება არც მომდევნო ხანაში გაუმჯობესებულა. აი, როგორ ახასიათებდა მადნის საქაპანო და სასაპალნე ტრანსპორტით გადაზიდვის პირობებს თვით ჭიათურის მრეწველთა ყრილობის სტატისტიკური ბიურო: „უნდა შეინიშნოს, რომ ეს საშუალება ყველაზე ბარბაროსულია; აქ არ ებრალებათ არც ადამიანი, არც პირუტყვი. დღემართებზე, ციცაბო და ვიწრო ბილიკებზე დატვირთულ ცხენსა და ხარ-ურემს ყოველ წუთს საფრთხე ელის. თუ კაცი ან ცხენი მოულოდნელად წაიბორჩიკებს და წაიქცევა, — მისი სიცოცხლე ბეწვზე ჰკიდია. და ასეთი შემთხვევები აქ ცოტა როდია“⁷⁶. გზები ცუდი იყო და უბედური შემთხვევები ხშირი. გზებს ხშირად აკეთებდნენ, ასწორებდნენ, მაგრამ დიდი მოძრაობის გამო მალე ფუჭდებოდა.

საქაპანო და სასაპალნე ტრანსპორტით მადნის გადაზიდვა რკინიგზის ჭიათურის შტომდე და მაგისტრალური რკინიგზის სადგურებამდე ასე ხდებოდა: ჩალვადარი ცხენს გადაჰკიდებდა „ორ კობტად დაწნულ და ფორმით ჩანთის მსგავს კალათს“, მადნით სავსეს⁷⁷. ცხენს, ერთი ცნობით, მიჰქონდა საშუალოდ 8—12 ფუთი⁷⁸, მეორე, სათუო, ცნობით კი 12—15 ფუთი⁷⁹. მეურმეებს გრძელი კალათები ჰქონდათ დაწნული და იმით მიჰქონდათ ერთ გზობაზე საშუალოდ 40—70 ფუთი მადანი. ერთსა და იმავე დროში ჩალვადარი გაცილებით უფრო მეტ მანძილს ფარავდა, ვიდრე მეურმე. მუშას ერთი ცხენით, ასევე ერთი უღელი ხა-

⁷⁴ „კვალი“, 1900, № 31, გვ. 495.

⁷⁵ ЦГИАЛ, ф. 37, оп. 66. л. 2305, 1895 г., л. 33.

⁷⁶ Статистика марганцевого дела, К., 1902, გვ. 46.

⁷⁷ ნ. წუწუნავა, დასახ. ნაშრომი, გვ. 18.

⁷⁸ ქს. კვანტრე, საქართველოს სამთამადნო მუშათა მოძრაობის ისტორია, ტფ., 1926, გვ. 36.

⁷⁹ Статистика марганцевого дела, 1902, გვ. 46.

რით, დღეში შეეძლო გამოემუშავებინა, ერთი ცნობით 1,5 მანეთი-დან 2 მანეთამდე⁸⁰, მეორეთი—2-დან 3 მანეთამდე⁸¹. ზოგიერთი ჩალვადარი 2—3 ცხენს უმკლავდებოდა. გადამზიდველ მუშებს შორის ყოფილან ბავშვებიც (12 წლის ასაკიდან)⁸². სამრეწველო რაიონის ფარგლებში გადაზიდვის მანძილი არ აღემატებოდა 6 ვერსს, უფრო ხშირად კი 2—5 ვერსს,⁸³ ხოლო ჭიათურა-ყვირილას (ზესტაფონი) შორის ეს მანძილი 38 ვერსს შეადგენდა. მოზიდული მადნის ჩასაბარებელ ადგილებში (სადგურებზე) საწყობები (ბაქნები) იყო გამართული. მადანს იბარებდნენ მწონავეები და მესაწყობეები. გადამზიდველი მუშა ქირას ღებულობდა დანიშნულების ადგილზე, გადაზიდული და ჩაბარებული მადნის ოდენობის შესაბამისად.

ზიდვის ფასის განსაზღვრისას მხედველობაში მიიღებოდა გზის აკვარგიანობა და მანძილი. სხვადასხვა წარმოშობისა და ხასიათის წყაროები მოწმობენ, რომ მადნის გადაზიდვის ფასები თანდათან ეცემოდა: ასე მაგალითად, საბადოდან ჭიათურამდე ფუთი მადნის გადაზიდვის ფასი, ადგილობრივი საოკრუგო ინჟინრის ოფიციალური ცნობით, 1886—1890 წლებში 4 — 3¹/₂ — 2¹/₂ კაპიკს შორის მერყეობდა, 1891 — 1893 წლებში — 3 — 2¹/₂ — 2 კაპიკს შორის, ხოლო 1894 — 1897 წლებში — 2—1¹/₂ კაპიკს შორის⁸⁴. კიდევ უფრო მცირდებოდა ჭიათურიდან ამიერკავკასიის რკინიგზის მაგისტრალურ სადგურებამდე მადნის გადაზიდვის ფასი. ჭიათურის რკინიგზის შტოს გაყვანამდე მოცემულ მანძილზე ფუთი მადნის გადაზიდვაში მუშა იღებდა 22 კაპიკამდე, ხოლო რკინიგზის ჭიათურის შტოს მწყობრში ჩადგომის შემდეგ (როცა ამ გზაზე მადნის გადაზიდვა ღირდა ჯერ 10 კაპიკი, მერე 7 კაპიკი, სასაპალნე და საჰაპანო ტრანსპორტით გადაზიდვა კვლავ გრძელდებოდა) მეურმე თუ ჩალვადარი ქირას ღებულობდა რკინიგზაზე დაწესებული ტარიფის ოდენობის შესაბამისად. ასე, რომ გადამზიდველი მუშის გამოემუშავება მცირდებოდა ტარიფის შემცირებისდაკვალად. ამრიგად, საბადოდან ჭიათურამდე, აგრეთვე ჭიათურიდან რკინიგზის მაგისტრალურ ხაზამდე მადნის გადამზიდველი მუშახელის ხელფასი განუხრელად ეცემოდა, შემცირდა დაახლოებით ერთი-ორად და შეტადაც. გ. ზდანოვიჩის მიახლოე-

⁸⁰ Статистика марганцевого дела, გვ. 47.

⁸¹ ქს. კვანტრე, დასახ. ნაშრომი, გვ. 36.

⁸² Статистика марганцевого дела, 1902, გვ. 46.

⁸³ იქვე.

⁸⁴ ЦГИАЛ, ф. 37, оп. 65, д. 2766, л. 11; სხვა ცნობით ეს ფასი 2 და 3¹/₂ კაპიკს შორის მერყეობდა (იხ. Статистика марганцевого дела, 1902, გვ. 46) 1886—1890 წლებში ის 2¹/₂—4 კაპიკი იყო (იხ. Отчет о деятельности Совета съезда... 1900, გვ. 139—144).

ბითი გაანგარიშებით მუშებმა ხელფასის დაკლების შედეგად 1886—1897 წლებში (ე. ი. 12 წელიწადში) საერთო ჯამში დააკარგეს 1 664 250 მანეთი⁸⁵.

გადაზიდვის ფასის შემცირებასთან ერთად, ამ საქმეში ჩაბმული მუშახელის მდგომარეობას ასევე აუარესებდა მადნის შემსყიდველ-ვაჭართა მიერ წონაში მოტყუების სისტემად გადაქცევა. რაც დამახასიათებელია მთელი რევოლუციამდელი სანის ჭიათურის მრეწველობისათვის. უცხოელ თუ ადგილობრივ ვაჭარ-შემსყიდველთა ანეთი თვალთმაქცობის და ძალმომრეობის წინააღმდეგ სისტემატურად გამოდიოდა და ხმას იმაღლებდა იმეამინდელი პროგრესული ქართული პრესა, რომელიც მწრომელ ხალხს თავისებურად ესარჩლებოდა. ასე მაგალითად, გაზეთი „ივერია“ 1886 წელს წერდა: „გლუხკაცობა, რომელიც შავ ქვეს ეზიდება ურმებით მადნებიდან, ძალიან შევიწროებულია სხვადასხვა უწყსობის გამო. მეტადრე იმით არიან შეწუხებული გლუხკაცნი, რომ წონაში ატყუებენ“⁸⁶. იგივე გაზეთი 1887 წელს აღწერდა მადნის გადამზიდველი მუშახელის მძიმე მდგომარეობას და დასძინდა: „მართლაცდა, არიან იმისთანა მწონავეები, რომ ყოვლად შეუძლებელია, თითოეულს ურემზედ ათი თხუთმეტი ფუთი ნაკლები არ აჩვენონ“⁸⁷. 1892 წელს გაზეთი სინანულით აღნიშნავდა: „ვერაფერ საქმეს სჩადიან შავი ქვის ვაჭარნი, რომ გლუხკაცობას ასე დაუნდობლად ექცევიან. ორმოცდაათი ფუთი რომ ჩამოიტანოს გლუხკა მადნებიდან, იმდენს იზამენ, რომ 15—20 ფუთი მაინც ნაკლები გამოიყვანონ წონაში და ქარის ფასი დაუქირონ. სამწუხარო ის არის, რომ... თითქმის ყველანი ასე იქცევიან და სრულიად არ ებრალებათ მოქირავე ღარიბი ხალხი“⁸⁸. ჩალვადარმეურმეთა ასევე სამთო მუშათა ექსპლოატაცია და ძარცვა-გლუჯა იმდენად ნიშანდობლივი იყო მთელი მრეწველობისათვის, რომ მისი არსებობის ამ ხანას, მრეწველ ს. წერეთლის აღიარებით, იმ დროს „სკიდკისა“ და „სირისტის“, ასევე „ყაჩაღობის ხანა“ ეწოდებოდა.

მადნის გადამზიდველ მუშათა აშკარა მოტყუება დაკანონდა, რაც სამთო მუშათა ხელფასის დაქვეითებაზეც ზემოქმედებდა. ამას სწორად აღნიშნავდა „ივერია“, როცა წერდა: „ყოველ მეურმეს ან ჩალვადარს, რომელსაც შავი ქვა მადარობებიდან ჩამოჰქონდა, აწონის დროს ექვითებოდა „სკიდკა“ ორ-ხუთ ფუთამდე და იმდენივე „სირისტისა“, მიუხედავად იმისა ჩამოტანილი ქვა დასველებული იყო თუ არა, ეს რაო-

⁸⁵ ЦГИАЛ, ф. 350. оп. 14, л. 117, л. 11.

⁸⁶ „ივერია“ 1886, 24 დეკემბერი, № 279.

⁸⁷ „ივერია“ 1887, 10 ივლისი, № 140.

⁸⁸ „ივერია“ 1892, 3 დეკემბერი, № 256.

დენობა ექვითებოდა არამც თუ მეურმეს და ჩალვადარს, ექვითებოდა აგრეთვე მაღაროელ მუშებს⁸⁹.

მადნის გადამზიდველი მუშახელის სამუშაო დღის ასეთი ხანგრძლიობა, დაბალი ხელფასი, აუტანელი საყოფაცხოვრებო პირობები, სრული უუფლებობა უპრეცედენტო იყო მთელი რუსეთის სამთამადნო მრეწველობაში.

• • •

გავეცანით მუშათა მდგომარეობას ჭიათურაში. დავინახეთ, რომ ის არა თუ უმჯობესდებოდა, არამედ წლიდან წლამდე უარესდებოდა. სამუშაო დღის უმაგალითო ხანგრძლიობა, დაბალი ხელფასი, არაადამიანური საყოფაცხოვრებო პირობები სამუშაო ძალას არ აძლევდა მოსვენებისა და დახარჯული ენერჯის აღდგენის საშუალებას, ფიზიკურად და მორალურად აუძლურებდა, აუარესებდა მის მდგომარეობას. მარგანეცის მრეწველობაში ჩაბმულ მუშათა ეს მრავალენოვანი და მრავალეროვანი არმია მოკლებული იყო შეკავშირების უფლებას⁹⁰ და, რაც მთავარია, შესაძლებლობას. ამას ხალისით აღწუსხავდა ხელისუფლების ადგილობრივი ადმინისტრაცია და მარგანეცის მრეწველთა წარმომადგენლობითი ორგანიზაცია, როცა წერდა: „ნაციონალური განსხვავებულობა იწვევს იმას. რომ ურთიერთ მეზობლად მდებარე საბადოთა მუშებსაც კი არ აქვთ ერთმანეთთან ურთიერთობა და ერთმანეთს ვერც კი უგებენ“⁹¹. აღებულ პერიოდში, ასევე მომდევნო 4 — 5 წლის მანძილზეც, სამრეწველო რაიონის მუშები თავისი ჩამორჩენილობის, — შრომისა და კაპიტალის ურთიერთობის მონური გაგების შედეგად „სრულუბით არ იყვნენ განწყობილი გასაძრევად, წინააღმდეგობის გასაწევად, თუნდაც თავისი ყოფის რამდენადმე გაუმჯობესებისათვის საბრძოლველად“⁹².

წყაროებზე დაკვირვება მოწმობს, რომ ჩვენთვის ამჯერად საინტერესო ხანაში ჭიათურელ მუშათა შორის რევოლუციური თვითშეგნების ჩასახვა ჯერ კიდევ არ იგრძნობოდა; ეს გასაგებიც იქნება თუ გავითვალისწინებთ, რომ საქართველოს მუშათა კლასის ამ რაზმის ჩამოყალიბების პროცესი ჩანასახ მდგომარეობაში იმყოფებოდა: „მუშათა მასის“

⁸⁹ „ივერია“, 1889, 12 იანვარი, № 8.

⁹⁰ ქს. კვანტრე, დასახ. ნაშრომი, გვ. 37.

⁹¹ Статистика марганцевого дела, 1902, გვ. 41.

⁹² С. Т. Аркомед, Рабочее движение и социал-демократия на Кавказе (с 80-х годов по 1903 г.). С предисловием к 1-му изданию Г. В. Плеханова, М. -Пд., 1923, გვ. 37.

რამოყალიბება „ქლასად თავისთავად“ ჯერ კიდევ არ არის დასრულებული.

ასლა გავეცნოთ მრეწველობის განვითარებას და მის ბუნებას.

ე. მრეწველობის განვითარება და ხასიათი

ქიათურის მარგანეცის მრეწველობის განვითარება 1879—1894 წლებში მადნის მოპოვების ზრდით აღინიშნა:¹

წელი	მადნის ამოღება (ათას ტუნთობით)	წელი	მადნის ამოღება (ათას ტუნთობით)
1879	57	1887	3 217
1880	520	1888	1 833
1881	690	1889	4 243
1882	760	1890	10 468
1883	933	1891	6 600
1884	1 276	1892	10 243
1885	3 640	1893	10 473
1886	4 216	1894	11 165

ეხედავთ, რომ მადნის მოპოვება, 1887—1898 და 1891 წლების გამოკლებით, შესამჩნევი ტემპით იზრდებოდა, ხოლო 1887—1888 წლებში ძლიერ შემცირდა, რასაც გიორგი წერეთელი მართებულად ხსნიდა ჩვენებური მადნის მთავარი შემსყიდველი ფირმების, მათ შორის ინგლისური ფირმის „მოტენჯაის“ მოქმედებით². „ამ ფირმას, — წერდა გ. წერეთელი, — დიდი ხმა აქვს ევროპის ბაზრებზე. შეუძლია შავი ქვის ფასები ასწი-დასწიოს, შეაჩეროს“³.

„ამას გარდა, — განაგრძობს გ. წერეთელი, — შავი ქვის ფასის დაკლებაზე კიდევ უფრო სხვა ორ დიდს გარემოებას ჰქონდა თავისი გავლენა. ერთის მხრივ, რომ ამერიკაში გამოიხდა მშვენიერი მარგანეცი და

¹ მონაცემების დასაზუსტებლად სტატისტიკური კრებულების გარდა გამოიყენეთ საარქივო წყაროების შესაფერისი ცნობები.

² გ. წერეთელი, შავი ქვის წარმოება დასავლეთ საქართველოში, „ივერია“ 1889, 12 იანვარი, № 8. ამ პერიოდში მადნის შემსყიდველ-ექსპორტიორთა შორის პირვენი ყველაზე ცნობილი იყვნენ ფრანგი საქმოსანი სოლელიაკი და ინგლისური ფირმის — „მოტენჯაის“ რწმუნებული ლიმბერჯი (იქვე).

³ იქვე.

იქიდან უფრო იაფად გადმოაქვთ ევროპაში, ვიდრე კავკასიიდან; მეორეს მხრივ, იმას, რომ რუსის ფულმა იმატა ფასი და უცხო ქვეყნის ფულმა რუსის ფულთან შედარებით დაიკლო ფასი. ამ ორი მიზეზის გამო ძლიერ დავარდა შავი ქვის წარმოება“⁴. ირკვევა, რომ ჩვენებური მადნის უცხოელ ექსპორტიორთა კომერციულმა აქციებმა, ბრაზილიაში მარგანეცის საბადოთა ექსპლოატაციის გაძლიერებამ და რუსეთში ფულის კურსში მომხდარმა ცვლილებამ, 1887—1888 წლებში. უარყოფითი გავლენა იქონია მარგანეცის მრეწველობაზე ჭიათურაში. მალე, 1889 წლიდან, მან კვლავ სწრაფად იწყო განვითარება, თუმცა 1891 წელს ჭიათურის მრეწველობამ ისევ განიცადა ხანმოკლე კრიზისი, დაკავშირებული სამრეწველო რაიონში მოპოვებული მადნის დიდი მარაგის შექმნასთან და ამის შედეგად მისი ფასის დაცემასთან. მადნის ამოღების ზემომოტანილი მონაცემები მკაფიოდ გვიჩვენებენ, რომ განსახილველ პერიოდში ჭიათურის მარგანეცის მრეწველობა თითქმის განუწყვეტლივ ვითარდებოდა. ასეთი ზრდა მოცემულ პერიოდში, როცა მრეწველობა მოკლებული იყო შესაფერის მატერიალურ-ტექნიკურ მოწყობილობას და მადნის გადაზიდვის სრულყოფილ საშუალებებს, არსებითად ძნელი ასახსნელი იქნებოდა თუკი, საბადოთა დამუშავების მასშტაბის გაფართოებასთან, მშრომელთა ექსპლოატაციის გაძლიერებასთან და შრომის პროცესის ინტენსიფიკაციასთან ერთად, არ გავითვალისწინებდით შრომის ორგანიზაციის შედარებით მაღალი ფორმების დანერგვას, შრომის დანაწილების გაღრმავების საფუძველზე, რაც, ჩვენი დაკვირვებით, ჭიათურაში შედარებით მკაფიოდ შეინიშნება გასული საუკუნის 80-იანი წლების შუა ხანიდან. ამ დროიდან ჭიათურის რკინიგზის ექსპლოატაციაში შესვლამდე, უცხოური სამრეწველო კაპიტალი, ის იყო, განიდევნა წარმოებიდან, ასპარეზი დაისაკუთრა ადგილობრივმა სამრეწველო კაპიტალმა, რომელმაც ვერ შეძლო წარმოების მატერიალურ-ტექნიკური ბაზის არსებითი გაუმჯობესება. ასეთ პირობებში მადნის მოპოვების შედარებით მძლავრი ზრდა აიხსნება საკუთრივ მრეწველობის ბუნებაში მომხდარი ცვლილებითაც, ანუ მრეწველობის თანდათან გადსავლით წვრილი სასაქონლო წარმოების სტადიიდან განვითარების უფრო მაღალ, მანუფაქტურულ სტადიაზე. ამიტომ, ჩვენი აზრით, შეუძლებელია გაზიარებულ იქნეს ოფიციალურ დოკუმენტებში, ასევე საკითხის რევოლუციამდელ და, სამწუხაროდ, საბჭოურ ისტორიოგრაფიაშიც გავრცელებული მოსაზრება, რომელიც მთელი რევოლუციამდელი ხანის ჭიათურის მრეწველობას აცხადებს „წვრილი, კუსტარული“, „პრიმიტიული და მტაცებლურ-პირველყოფილი“, ან კიდევ „შინამრეწ-

⁴ „ივერია“, 1889, 12 იანვარი, № 8.

ველური ფორმის“ წარმოებად. მრეწველობის მოცემული დარგის ხასიათის ამგვარ შეფასებას თავისი ხანგრძლივი ისტორია გააჩნია. ჯერ კიდევ გასული საუკუნის 90-იანი წლების ოფიციალური დოკუმენტები აფასებენ მას, როგორც „კუსტარული ხასიათის მრეწველობას“⁵. „მარგანეცის საქმის სტატისტიკოსთა 1902 წლის ცნობით „შორაპნის მაზრის მარგანეცის მრეწველობა საერთოდ დღემდე ატარებს წვრილი, კუსტარული მრეწველობის ხასიათს“⁶. მომდევნო ხანაში, კერძოდ, 1910 წელს, როცა ქიათურის მრეწველობა უკვე საქვეყნოდ განთქმულ, სოლიდურ სამრეწველო დარგადაა ქცეული, სამთო უწყების წარმომადგენლები ერთგვარ სიფრთხილეს იჩენენ ამ დარგის დახასიათებისას, როცა წერენ: „მარგანეცის მრეწველობა შორაპნის მაზრაში თავისი ხასიათით ახლოს დგას კუსტარულ მრეწველობასთან“⁷. ეს დახასიათება, როგორც დავიანახავთ, დღემდე არ არის საფუძვლიანად გადასინჯული სამეცნიერო ლიტერატურაში. ასე მაგალითად, ცნობილი მკვლევარი პაატა გუგუშვილი, თავის, 1941 წელს გამოცემულ კაპიტალურ ნაშრომში — „კაპიტალიზმის წარმოშობა და განვითარება საქართველოსა და ამიერკავკასიაში“ — განიხილავს რევოლუციამდელი ხანის ქიათურის მრეწველობას, მიუთითებს წარმოების მატერიალურ-ტექნიკური ბაზის გაუმჯობესების ფაქტებზე („საპაერო მავთულის გზები“, ბრემსბერგები, მილები, ელექტროგანათება. „მადნის სარეცხი ქარხნები“) გასული საუკუნის 90-იანი წლების მიწურულსა და მსოფლიო იმპერიალისტური ომისწინა წლებში⁸, მაგრამ, მისი აზრით, „მრეწველობის ბაზას აქ წარმოადგენდა მარგანეცის მოპოვებისა და გადაზიდვის ტექნიკურად ჩამორჩენილი, პრიმიტიული საშუალებანი“⁹. განსაზღვრავს რა რევოლუციამდელი ხანის ქიათურის მრეწველობის განვითარების დონეს, პ. გუგუშვილი დაასკვნის: „მარგანეცის მოპოვება კარგა ხნის განმავლობაში ატარებდა მეტად წვრილი სარეწავების ხასიათს, და ამგვარად, არ გასცილებია შინამრეწველობის ფორმას“¹⁰. ე. ი. ავტორს მიაჩნია, რომ ქიათურის მრეწველობა არ გასცილებია კაპიტალისტური მრეწველობის პირველ სტადიას, ანუ ე. ი. ლენინის სიტყვით რომ ვთქვათ, „წვრილი სასაქონლო წარმოების (წვრილი, უმთავრესად გლეხური) სარეწავების“ სტადიას. საქმე იმაშია, რომ.

⁵ ЦГИАЛ, ф. 37, оп. 55, д. 609, л. 10.

⁶ Статистика марганцевого дела. К., 1902, გვ. 26.

⁷ ЦГИАЛ, ф. 565, оп. 7., Д. 26907, 1910—1911 гг., л. 10; ЦГИАЛ, ф. 37. оп. 67, д. 954, 1905—1914, гг., л. 40. (ხაზგასმა ჩვენია).

⁸ პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, თბ., 1941, გვ. 261.

⁹ იქვე.

¹⁰ იქვე, გვ. 259.

პ. გუგუშვილის შეხედულებით, როგორც ცნობილია, ტერმინი „წერილი სასაქონლო წარმოება“ ზუსტად ვერ ასახავს სამრეწველო წარმოების შესაფერის საფეხურსა და ფორმას. პ. გუგუშვილის მიერ შემოთავაზებული სოციოლოგიური კლასიფიკაციით ამ საფეხურს ასახავს ტერმინი „შინამრეწველობა“¹¹. ამრიგად, პ. გუგუშვილის აზრით, ქიათურის მარგანეცის მრეწველობა რევოლუციამდელ ხანაში არ გასცილებია კაპიტალისტური მრეწველობის პირველ საფეხურს, ანუ სტადიას. ამას უეჭველს ხდის ის გარემოებაც, რომ საქართველოში კაპიტალისტური მრეწველობის განვითარების მანუფაქტურული სტადიის ცნობილი მკვლევარი, თავისი შრომის იმ ნაწილში, სადაც მარგანეცის მრეწველობას განიხილავს, არც მოიხსენიებს მანუფაქტურას.

უფრო დამაფიქრებელი და წინააღმდეგობრივია მკვლევარ ნ. ტყემელაშვილის მსჯელობა ჩვენთვის საინტერესო საკითხზე. ასე მაგალითად, თავის, 1958 წელს გამოქვეყნებულ ნაშრომში ის, „მონოპოლიზმამდელი კაპიტალიზმის პერიოდის“ საქართველოს მარგანეცის მრეწველობის მიმოხილვისას დაასკვნის: „ამრიგად, წერილი მრეწველები თანდათან უბრალო დანამატად იქცეოდნენ და თითქმის ემორჩილებოდნენ მსხვილი კაპიტალისტების თვითნებობასა და ძალას“¹². შემდეგ: „მარგანეცის მადნის ამოღებისა და ექსპორტის მონოპოლია თითქმის პოლიანად ჩაიგდეს ხელში მსხვილმა მრეწველებმა“¹³. და ბოლოს აცხადებს: „სასტიკი კონკურენციის ბაზაზე მარგანეცის მრეწველობაში მიმდინარეობდა წარმოებისა და კაპიტალის კონკურენციის გაძლიერებული პროცესი“¹⁴. თუ ამ მსჯელობას სწორი მეთოდოლოგიური პოზიციიდან შევავსებთ, გამოდის, რომ ავტორი „მონოპოლიზმამდელი კაპიტალიზმის პერიოდის“ (ანუ 1900 წლამდე) ქიათურის მარგანეცის მრეწველობის განვითარებას მაღალ შეფასებას აძლევს. მაგრამ, ეხება რა მომდევნო ხანის—„მონოპოლისტური კაპიტალიზმის პერიოდის“—ქიათურის მრეწველობას, მკვლევარი პრინციპულად განსხვავებულ მოსაზრებას აყალიბებს და ამტკიცებს, რომ ამ პერიოდში (ანუ როგორც თვითონაც ათარიღებს: 1900--1917 წლებში) „...საესებოთ ბუნებრივია, რომ საბადაოს დამუშავება (მხედველობაშია ქიათურის საბა-

¹¹ პ. გუგუშვილი, სოციოლოგთა IV მსოფლიო კონგრესზე (იტალიაში) წაკითხული მოხსენება — მრეწველობის ფორმათა სოციოლოგიური კლასიფიკაციის საკითხისათვის (პ. გუგუშვილი, საქართველოს და ამიერკავკასიის განვითარება XIX—XX საუკუნეებში, ტომი მესხეთე, 1962, გვ. 575).

¹² ნ. ტყემელაშვილი, ნარკვევები საქართველოს მრეწველობის ისტორიიდან, 1958, გვ. 23.

¹³ იქვე, გვ. 20.

¹⁴ იქვე, გვ. 23.

დოები — გ. შ.) წარმოებდა სტიქიურად, პრიმიტიულად და მტაცებლურ-პირველყოფილი წესით¹⁵. მრეწველობის დასახელებულ დარგს დაახლოებით ასე აფასებდა კავკასიის სამთო სამმართველო, როცა 1903 წლის მოხსენებაში ამტკიცებდა: „მარგანეცის მრეწველობა დღემდე განაგრძობს განვითარების პირველყოფილ სტადიაზე არსებობას“¹⁶. ამ დახასიათებას, რომელიც 1903 წლამდე არსებულ ვითარებას შეეხება, მკვლევარი ნ. ტყეშელაშვილი, როგორც ვხედავთ, თითქმის უცვლელად ავრცელებს მომდევნო ხანის (1900—1917 წლების) ქიათურის მრეწველობაზე. გამოდის, რომ ავტორი შეუსაბამოდ მაღალ შეფასებას აძლევს „მონოპოლიზმამდელი კაპიტალიზმის პერიოდის“ ქიათურის მრეწველობას (მსხვილი კაპიტალის მიერ წვრილი მრეწველობის დამორჩილება, მსხვილ მრეწველთა მიერ მადნის ამოღებისა და ექსპორტის მონოპოლიზება!), ხოლო „მონოპოლისტური კაპიტალიზმის პერიოდის“ ქიათურის მრეწველობის დონეს, პირიქით, შეუსაბამოდ დაბალ შეფასებას აძლევს (საბადოთა პრიმიტიული, მტაცებლურ-პირველყოფილი წესით დამუშავება).

ვერ დავეთანხმებით აგრეთვე მკვლევარ გ. ბაქრაძეს რომელიც თავის 1958 წელს გამოცემულ მონოგრაფიაში, წერს: «В Чхатарском промысле за весь период его капиталистического развития шахтерская кирка не была заменена машинами и высокопроизводительным оборудованием. Поэтому, — განაგრძობს ავტორი, — несмотря на рост добычи руды, в действительности Чхатарская марганцевая промышленность все же являлась отсталой отраслью грузинской промышленности»¹⁷. ვიდრე მკვლევარის შემდგომ მსჯელობას გავყევბოდეთ, შევნიშნავთ, რომ საქართველოს მრეწველობის მსოფლიო მნიშვნელობის დარგის განვითარების დონის ასეთი, ჩვენი აზრით, ცალმხრივი შეფასებისას მთელი ყურადღება გადატანილია მხოლოდ ააწარმოო პროცესის ერთ ოპერაციაზე, მადნის მონგრევაზე და მადნის ხელით, — წერაქვით მოპოვებაზე, მაგრამ, როგორც ცნობილია, ეს იარაღი მართლაც გამოყენებული იყო სამუშაოდ და „საბადოს ექსპლოატაციის დაწყებიდან 1931 წლამდე შეუცვლელად ემსახურებოდა მანგანუმის მრეწველობას საქართველოში“. მადნის მოსასწრევად სწორედ მხოლოდ 1931 წლიდან „დაიწვეს ბურღვა — აფეთქებითი სამუშაოების გამოყენება“. კიდევ

ტყეშელაშვილი, დასახ. ნაშ., გვ. 72 (ხაზგასმა ჩვენია).

¹⁶ ЦГИАЛ, ф. 37, оп. 55, д. 669, 1903, л. 19 об.

¹⁷ К. Бахрадзе, Возникновение и развитие капиталистической промышленности в Грузии XIX века, 1958, гл. 23б.

მეტი, „მადნის ხელით (ნიჩბით) ტვირთვა საბადოს ექსპლოატაციის პირველი დღიდან დაწყებული დღემდე გრძელდება, მხოლოდ იმ განსხვავებით, რომ მალაროების გენერალური რეკონსტრუქციისა და სოციალისტური ხუთწლეულების განხორციელების შედეგად, მისი ხვედრითი მონაწილეობა თანდათანობით შემცირდა“¹⁸... თუ ავტორის ლოგიკას გავყვებით ჭიათურის მარგანეის მრეწველობა საქარველოს მრეწველობის ჩამორჩენილ დარგად უნდა ჩავთვალოთ არა მარტო 1921, არამედ 1931 წლამდე მაინც. ამასთანავე მკვლევარი გ. ბაქრაძე, ერთი მხრივ, აცხადებს, რომ ჭიათურაში, მთელ პირველ მსოფლიო ომამდე პერიოდში «...Рост производительности труда и увеличение добычи происходили не в результате улучшения техники производства и изменения форм промышленности»¹⁹. მეორე მხრივ, ავტორი ამტკიცებს, რომ «В указанный период (с 1879 г. по 1921 г.) Чистурская марганцевая промышленность, в основном имела форму мелкотоварного и кустарного производства, однако, наряду с этим некоторые промыслы носили характер мануфактуры, а с конца 90-х годов встречались даже фабричные формы»²⁰.

ამ წინააღმდეგობრივ მსჯელობაში უტრადლებას იპყრობს, ერთი მხრივ, საქმის ნამდვილი ვითარების გაუთვალისწინებლობა და მთელი რევოლუციამდელი ჭიათურის მრეწველობის „ძირითადად წვრილი სასაქონლო და კუსტარული ფორმის წარმოებად“ გამოცხადება, ხოლო, მეორე მხრივ, ზოგიერთი მანუფაქტურული, აგრეთვე ფაბრიკული ფორმის საწარმოთა არსებობის აღიარება. გ. ბაქრაძე ცნობს მრეწველობის მოცემულ დარგში მანუფაქტურული და ფაბრიკული ფორმის საწარმოთა არსებობასაც, რაც, ჩვენი აზრით, წინ გადადგმული ნაბიჯია მრეწველობის ამ დარგის ხასიათის გაგებაში.

მაგრამ, არ შეიძლება არ აღინიშნოს, რომ ჯერ კიდევ რევოლუციამდელ ხანაში აღმოჩნდნენ ისეთი მოხელენი და მრეწველებიც, რომლებიც ერთმანეთისაგან განცალკევებით განიხილავდნენ რევოლუციამდელი ჭიათურის მრეწველობაში არსებულ მსხვილ და წვრილ საწარმოებს და არ ეთანხმებოდნენ მოცემული დარგის „კუსტარულ“ წარმოებად მიჩნევას. ასე მაგალითად, მეფისნაცვლის თანაშემწე, სენატორი ვატაცი, რომელიც 1909 წელს ადგილზევე გაეცნო ჭიათურის მრეწველობას, ერთმანეთისაგან განასხვავებდა კარგად მოწყობილ მსხვილ საწარმოებს და წვრილ, გლეხურ სარეწავებს²¹, ხოლო მარგანეის მრეწველი

¹⁸ ივ. ქ ა ნ ი შ ვ ი ლ ი, მანგანუმის მადნის მრეწველობის განვითარება საქართველოში, 1960, გვ. 541, 543.

¹⁹ გ. ბ ა ქ რ ა ძ ე, დასახ. ნაშრ., გვ. 235.

²⁰ ი ქ ვ ე, გვ. 236.

²¹ ახ. ЦГИАЛ, ф. 37, оп. 72, д. 138, 1910 г. л. 72 об.

და მადნის ექსპორტიორი ი. ს. პერსინაჟი, ვაკრობისა და მრეწველობის სამინისტროში მოწყობილ საუწყებათაშორისო თათბირზე 1910 წელს, ქიათურის მრეწველობის მდგომარეობის განხილვისას, არ დაეთანხმა იმათ, ვინც ამ დარგს „კუსტარული ხასიათის“ წარმოებად მიიჩნევდა. ამ პირებს ის პასუხობდა: «Что касается вопроса о том, кустарная эта промышленность или нет, то я должен сказать, что конечно, нельзя требовать, чтобы марганцепромышленники владели большими капиталами, но судя по количеству вывозимого за границу марганца, промышленность эту можно признать довольно солидной»²².

რა თქმა უნდა, სწორი არ იქნებოდა საქმოსან ი. პერსინაჟისთვის მოგვეთხოვა მრეწველობის მოცემული დარგის ხასიათის სწორი მეთოდოლოგიური პოზიციიდან შეფასება. ამავე დროს ის მართებული წანამძღვრიდან გამოდის, როცა ამტკიცებს, რომ ქიათურის მრეწველობა არ შეიძლება ჩაითვალოს კუსტარულ მრეწველობად, რადგან ეს სოლიდური დარგი მნიშვნელოვანწილად აქმაყოფილებს მსოფლიო ბაზრის მოთხოვნილებას მარგანეცის მადანზე. მართლაც, ვფიქრობთ, სადავო არ არის ის, რომ ე. წ. „კუსტარული მრეწველობის“ ანუ, როგორც მას ზოგიერთი მკვლევარი უწოდებს, „შინამრეწველობის“ ნაწარმს არსად და არასდროს მოუპოვებია თვალსაჩინო და მით უმეტეს გაბატონებული მდგომარეობა მსოფლიო ბაზარზე, როგორც ეს ქიათურის მარგანეცის მრეწველობამ მოიპოვა მადნის საერთაშორისო ბაზრებზე. წინააღმდეგ შემთხვევაში ის არ იქნებოდა „კუსტარული“ და „შინამრეწველური“ წარმოება. მრეწველობის მოცემული დარგის მდგომარეობაში ქვემოთ, მისი მატერიალურ-ტექნიკური შეიარაღების დეტალური დახასიათებისას გავერკვევით. ახლა კი დაუებრუნდეთ საკითხს იმის შესახებ, თუ რამ გამოიწვია მთელი რევოლუციამდელი ხანის ქიათურის მრეწველობის განვითარების დონის ერთგვარი შეუფასებლობა სპეციალურ სამეცნიერო ლიტერატურაში.

ქიათურის მრეწველობაში 1879—1894 წლებში ძნელი შესამჩნევია როდია წვრილ, გლეხურ სამთო სარეწავთა სიმრავლე, მაგრამ საზოგადოებრივი წარმოების პროცესი არ ხასიათდებოდა ერთფეროვნებით. ჯერ კიდევ გასული საუკუნის 60-იანი წლების შუა ხანიდან ქიათურის მრეწველობაში წვრილ (უმთავრესად გლეხურ) სარეწავთა გვერდით არსებობდა საშუალო და შედარებით მსხვილი სამთო საწარმოები²³. ზოგიერთი მკვლევარი სხვადასხვა კატეგორიის (წვრილ, საშუალო და

²² ЦГИАЛ, ф. 37, оп. 72, д. 138, л. 130 об.

²³ იხ. ქუთაისის სამხედრო გუბერნატორის 1894 წლის მიმოხილვა ფაბრიკა-ქარხნებისა და სარეწავთა მდგომარეობის შესახებ, სსსა, ფონ. 12, ანაწ. 1, საქ. 1494, ფურც. 33—34.

მსხვილ) სამთო საწარმოთა ხვედრითი თანაფარდობის დადგენისას ანგარიშს არ უწევს მათ მიერ დასაქმებულ მუშათა რიცხვს, ასევე მათ ხვედრით წილს მადნის საერთო მოპოვებაში და სხვადასხვა კატეგორიის საწარმოთა რიცხვის გათვალისწინებას ჯერდება. რთული საკითხისადმი ესოდენ მარტივი მიდგომით მართლაც იქმნება შთაბეჭდილება, რომ იითქოსდა წვრილი საწარმოები დომინირებენ მრეწველობაში. მაგრამ, თუ მართებული მეთოდოლოგიური წინამძღვარით ვიხელოვანდებით, მსხვილ საწარმოთა რაოდენობრივი სიმცირე, წვრილ სარეწავებთან შედარებით, ვერ გამოდგება მოცემულ პერიოდში ჭიათურის მრეწველობის მანუფაქტურულ სტადიაზე გადასვლის უარსაყოფად. რადგან, როგორც ცნობილია „...კაპიტალისტური მანუფაქტურისათვის ტიპიურია სწორედ შედარებით მსხვილ საწარმოთა მცირე რიცხვის არსებობა წვრილ საწარმოთა მნიშვნელოვანი რაოდენობის გვერდით“²⁴. წვრილ სარეწავთა რიცხობრივი სიმრავლე მსხვილ საწარმოებთან შედარებით იმიტომაც ვერ გამოდგება მრეწველობის მანუფაქტურული საფეხურის უარსაყოფად, რომ, როგორც ცნობილია, საზოგადოდ „...მანუფაქტურას არ შეეძლო საზოგადოებრივი წარმოების დაპყრობა მთელი მისი მოცულობით და არც მისი ძირფესვიანად გადატრიალება. იგი აღმართული იყო როგორც ეკონომიური ხელოვნების ქმნილება საქალაქო ხელოსნობისა და სასოფლო ზინაპირეწველობის ფართო საფუძველზე“²⁵. მანუფაქტურას არ ძალუძს მოიცვას საზოგადოებრივი წარმოება მთელი მოცულობით, რადგან ის ხელით წარმოებას ემყარება. ხოლო „ხელით წარმოების დროს მსხვილ საწარმოებს არა აქვთ გადამწყვეტი უპირატესობა წვრილ საწარმოთა წინაშე“²⁶. წყაროები მეტყველებენ, რომ ეს ასე იყო ჭიათურის მრეწველობაშიც: ზემოთ, როცა დაკვირვება ვაწარმოეთ სამთო მუშებზე, დავადგინეთ, რომ შედარებით მსხვილ, აგრეთვე მრავალი საშუალო სიდიდის საწარმოებში, შრომის დანაწილება ვალრმავებულა, სხვადასხვა ხელობის მუშები (მეწერაქვე, მენიხზე, „მეტაჟკე“, ქვის მწმენდელი) წარმოადგენენ რგოლებს წარმოების პროცესის საერთო ჯაჭვში. ამას კარგად ამჩნევდა „ივერიის“ ერთ-ერთი კორესპონდენტი, როცა ის, 1889 წელს გარკვევით აღნიშნავდა რომ სამთო მუშები ჭიათურაში იყოფიან „მეკირკეებად“, „მელაფათქეებად“. „მეტაჟკეებად“ და „ქვის მწმენდელებად“ (იხ. 1889 წლის 12 იანვრის № 3). ისეთ საწარმოებში, სადაც ერთდროულად მრავალი მუშა იყო ჩაბმული, შრომა დანაწილებული იყო: ერთნი მადნის გადაყვლასა და

²⁴ ვ. ი. ლენინი, თხზ., ტ. 3 გვ. 516.

²⁵ კ. მარქსი, კაპიტალი, ტომი 1, 1954, გვ. 468.

²⁶ ვ. ი. ლენინი, თხზ., ტ. 3, გვ. 516.

მონგრევას ეწეოდნენ, მეორენი მის თავმოყრასა და აწმენდა-დატვირთვას, მესამენი გადაზიდვას, ხოლო მეოთხენი საბადოს ზედაპირზე მის გარჩევა-გაცხრილვას. სტატისტიკოსები ასევე აჩვენებდნენ სხვადასხვა ხელობის სამთო მუშებს და მიუთითებდნენ: „ეს სახელწოდებანი ახასიათებენ მუშათა თითოეული ჯგუფის სპეციალურ საქმიანობას“²⁷. შედარებით მსხვილი სამთო საწარმოები, როგორც ამას ქვემოთ. წარმოების მატერიალურ-ტექნიკური ბაზის განხილვისას დავინახავთ. ხელით შრომას ემყარებოდნენ. ამიტომ ისინი მანუფაქტურული ხასიათის საწარმოებად მიგვაჩნია. ამასთანავე ზემოთ მრეწველთა შემადგენლობის დახასიათებისა და სხვადასხვა სიდიდის სამთო საწარმოთა ერთმანეთისაგან გამოყოფისას დავინახეთ, რომ, ვთქვათ, 1894 წელს მუშათა რაოდენობით, მოპოვებული მადნის, ასევე მისი ღირებულების განხილვისას მხრივ პირველ ადგილზე იყვნენ საშუალო სიდიდის საწარმოები, მეორეზე — მსხვილი, ხოლო მესამეზე — წვრილი საწარმოები. დაახლოებით ასეთ სურათს იძლევა წვრილ, უმთავრესად გლეხურ სარეწველთა და მანუფაქტურული ხასიათის საწარმოთა თანაარსებობა მოცემულ პერიოდში.

ახლა გავეცნოთ შრომის პროცესსა და საწარმოო საშუალებებს, რაც კიდევ უფრო გაგვიადვილებს მრეწველობის ბუნების მართებულად შეოქმედებას. მარგანეცის მადნის მოპოვება თითქმის ერთდროულად დაიწყო საბადოს აუზის მთელ სივრცეზე. აქ თითქმის არ დარჩენილა არც ერთი ისეთი უბანი, რომ „შავი ქვის ჩიჩქნა არ დაეწყოს და მადარობიდან გამოპქონდათ ქვა არა მთლად, არამედ მხოლოდ ის ნაწილი, რომელიც იმ მომენტში უფრო ხელსაყრელი და ადვილი დასამუშავებელი იყო“²⁸. მრეწველები, მეტადრე, წვრილი მრეწველები, უპირატესად მხოლოდ „ნატეხი მარგანეცის ფენებს“ ამუშავებდნენ, როგორც უფრო ღირებულს და გაწმენდის გარეშე გამოსადეგს, ხოლო მარცვლოვან მადანს, რაც ნატეხი მადნის დამუშავებისას რჩებოდა, ყრიდნენ ფუქქანებთან ერთად. სპეციალისტების გაანგარიშებით, ასეთი მუშაობის შედეგად კარგი ხარისხის მადნის დანაკარგი ერთ „ქცევა“ საბადო ფართობზე (ე. ი. 900 კვ. საყენზე) 36 000 ფუტს აღემატებოდა, ხოლო იუ მხედველობაში მივიღებთ ფუქქანებთან ერთად გადაყრილი მადნის მთელ ოდენობას, დანაკარგი ყოველ ქცევაზე შეადგენდა 100000 ფუტს, ანუ მთელი მოპოვების 30%²⁹. სხვა სარწმუნო წყაროებიდანაც ამკარაა, რომ მრეწველთა დიდი ნაწილი გაუბოდა მადნის შედარებით ღირბი

²⁷ Статистика марганцевого дела. К., 1907, გვ. 35.

²⁸ გ. წერეთელი, დასახ. ნაშრ., გვ. 69.

²⁹ ЦИИЛ, ф. 37, оп. 55, д. 609, 1903, л. 9, об.

ფენების დამუშავებას, ხოლო, როცა ამ ფენების დამუშავება აუცილებელი ხდებოდა, ღარიბი ფენის ნაშალს გარეთ ეზიდებოდა და ხეობებში ყრიდა, რის შედეგად დანაკარგმა მადანმა ალებულ ხანაში და მომდევნო წლებში, ზოგიერთი მკვლევარის მიახლოებითი გაანგარიშებით, შეადგინა არა ნაკლებ 200 მილიონი ფუთისა, ანუ 3,4 მილიონი ტონისა, საიდანაც შეიძლებოდა მიღებულიყო 1,7 მილიონი ტონა გარეცხილ-გამდიდრებული მადანი³⁰.

საბადოს ექსპლოატაციის ხელსაყრელი პირობებით სარგებლობას ცდილობდა საზოგადოების ყველა ან თითქმის ყველა კლასისა და ფენის წარმომადგენელი. გ. ლასხიშვილი ამასთან დაკავშირებით 1885 წელს წერდა: „შავი ქვის მადნებში მუშაობა ისე ძნელი არ არის როგორც ქვანახშირის, სპილენძის, ტყვია-ვერცხლის მადნებში მუშაობა. ეს უნდა იყოს მიზეზი, რომ ყველა გაკოტრებული მეღუქნე ან ხარაზი მუშაობს ამ მადნებში. ამგვარმა ხალხმა დაჰბადა ... ურიგობა და უწყესობა აჭაურის ვაჭრობისა და მრეწველობისა“³¹.

მადნის ამოღება ჯერ კარიერებით წარმოებდა, მაგრამ, როცა ეს შეუძლებელი გახდა, დაიწყეს ჰორიზონტალურ მიწისქვეშა სამთო გამონაჰუმეერების გაყვანა. საბადო ზეგნების ფერდობებზე გვერდიდან შეკყაედათ გვირაბები, რომლებიც მადნის ფენებს მიჰყვებოდნენ. წვრილი მეწარმენი მინიმალური დაბანდებით მეტი რაოდენობის მადნის მოსაპოვებლად სამთო სამუშაოებს ეწეოდნენ ერთდროულად, მრავალ, ერთპანეთის მახლობელ შტოლნებში, სადაც მადნის მოსაპოვებლად სამიოდუე საყენის სიღრმეში შეჭრის შემდეგ იწყებდნენ შტოლნის ორივე გვერდზე მადნის გამონგრევას („შტრეკების“ გაყვანას)³². საბადოს ექს-

³⁰ Ф. Бублейников и Н. Лесниг, Марганцевая промышленность СССР, М.-Л. 1925. გვ. 7.

³¹ „იერია“ 1886, 4 მაისი, № 97.

³² ЦГИАЛ. ф. 37. оп. 55. д. 609. л. 66. მადნის მოპოვების ტექნიკა განსხილულ პერიოდში ნელი ტემპით უმჯობესდებოდა. ამ მხრივ 1885 წელს არსებული ვითარება აღწერა სამთო ინჟინერმა ა. ცეიტლინმა. მან დაათვალიერა სამთო საწარმოები რჯანში, ზედა რჯანში, მღვიმევში, პერევისასა და შექრუთში. მისი დასკვნით «Добыча производится, за небольшими исключениями открытых работ, подземными работами... Искусственные укрепления выработок почти нигде не употребляются... Работы ведутся с дневной поверхности штольнями..., имеющими в основании приблизительно от 7 до 10—12 футов ширины; высота же штолен от 5 до 7 и более футов, соответствует толщине или мощности пластов марганцевой руды». ინე. ა. ცეიტლინი აღნაშნავს, რომ შტოლნები ერთიმეორისაგან დაცილებულია 14-დან 28 ფუტამდე. რომ მეწარმენი მოპოვებას ეწევიან თვითნებურად, სამთო გამონაჰუმეერების ჯეროვანი გამაარების გარეშე. რის გამოც «Личныча марганцевой руды становится небезопасной для рабочих», სსსა, ფონ. 264, საქ. 1251, ფურც. 1—12.

პლათაცია განისაზღვრებოდა გრძივი და განივი ამოლებით. მალაროც თანდათან ღრმავდებოდა და ფართოვდებოდა მიწის წიაღში. წმენდითი ამოლება თითქმის არ წარმოებდა. გამონამუშევრებს ამაგრებდნენ აუცილებელ შემთხვევაში, ზოგჯერ გამონამუშევრების შუაში მიწის „სვეტის“ ხელუხლებლად დატოვებითა³³. ისინი გაჰყავდათ, ფაქტიურად, უიარაღოდ, თვალდათვალ, რასაც მადნის დიდი რაოდენობით დაკარგვისთან და ხშირ უბედურ შემთხვევებთან ერთად, თან ახლდა სხვადასხვა მფლობელთა საბადოების საზღვრების ურთიერთგადალახვა მიწისქვეშა სამთო გამონამუშევრების გაყვანისას, რაც მათ შორის გამუდმი ლადავის საგნად იყო ქცეული. ამაში ინფორმირებული იყო მთავრობის შესაფერისი ორგანოებიც. კავკასიის სამთო სამმართველოს უფროსი კ. რუგაჩოვი თავის მოხსენებაში შენიშნავდა: საბადოთა სწორი გეგმების არარსებობა ხშირად იწვევს ერთმანეთის მეზობელ მეწარმოთა საზღვრების ურთიერთდარღვევას, მფლობელთა უფლებების შელახვას³⁴. მიწათმოქმედების მინისტრი ერმოლოვი თავის ერთ-ერთ მოხსენებაში აღნიშნავდა, რომ მას, სხვა პირებთან ერთად, საჩივრით მიმართა საბადოთა აუზში დიდი მამულების მფლობელმა, სალომე წერეთელმა. რომელიც აღნიშნავდა, რომ მისი მეზობელი მეწარმენი თავთავის მალაროებში დიდ სიღრმეში იჭრებიან და იქ გადადიან მის კუთვნილ საბადოთა წიაღში. საიდანაც გააქვთ მადანი³⁵.

მიწისქვეშა გამონამუშევრების გაყვანა წარმოებდა წინასწარი გაყვლით მაონის რბილ შრეში ან ფუჭ ქანში. გადაყვლილი მადნის პონგრევა წერაქვითა და სოლით ხდებოდა, ხოლო მისი აწმენდა-დატირთვა—ნიჟბით. მალაროში მადნის მოსანგრევედ, ჩანს. იშვიათად იყარებდნენ თეთქებად მასალასაც. ასე მაგალითად, მრეწველმა გ. ჩუბინიძემ 1881 წელს მოითხოვა ნებართვა მადნის მოსანარჩილო რაიონის საკუთობლად 12 თოთი ფეთქებადი მასალის გამოყენებაზე³⁶ და სხვ.

მიწისქვეშა სამთო გამონამუშევრების „ჭირის“ სიმალყო უფრო ხშირად არ აღემატებოდა 1.5 არშინს. მათი სიგრძე 3—4 საჩინოდან 50—60 საჩენამდე აღწევდა, ხოლო მაონის უფრო ღრმად განლაგებული თენები ხელუხლებელი რჩებოდა³⁷. საბადოს წიაღში სამთო გამონამუშევრების ღრმად შექრას. მის ჯეროვან ათვისებას სხვა გარემოებებთან ერთად აბრკოლებდა ვენტილაციის მოუწყობლობა და სუსტი განათება. საარქივო წყაროს მოწმობით «На длину штолен, а

³³ А. П. Соловьев. Марганцевая промышленность Грузии. Тиф., 1922. 63. 11.

³⁴ ЦГИАЛ. ф. оп. 55, д. 609, л. 19.

³⁵ ЦГИАЛ. ф. 37. оп. 69, л. 2305, л. 33.

³⁶ სსსა. ფონ. 264, საქ. 969, ფურც. 5.

³⁷ იქვე.

სწრაფად და მათი მოპოვების რთულ პროცესს, რომელიც ხდება მხოლოდ მაშინ, როდესაც მანქანის მძღველი სწორად მართავს მანქანას. ამიტომ, მანქანის მართვისას მძღველი უნდა იყოს ყოველთვის ყურადღებით და სწავლით. ამიტომ, მანქანის მართვისას მძღველი უნდა იყოს ყოველთვის ყურადღებით და სწავლით.

მიწისქვეშა სამთო გამონამუშევრებიდან მადანს თავდაპირველად ეწოდებოდნენ ზურგიით³⁹, შემდეგ ხელურებით, „ჩინებით“ ან ხუთფუთიანი „ურკებით“⁴⁰, თუმცა 180-იანი წლებიდან წამოიწყო მალარობში რელსებიანი გზების გამართვა და იქიდან საბადოს ზედაპირზე მადანის ვაგონებით ზიდვა, რაც იმ დროს წარმოებაში პროგრესს მოასწავებდა⁴¹.

მრეწველობის გარეუარაყსე ყველაზე უმდიდრეს საბადოთა დამუშავება მიმდინარეობდა და მადანიც მალახარისხოვანი იყო. შემდეგ საბადოებში სამთო გამონამუშევრების ღრმად შეჭრა განხორციელდა. აქ მადანში უფრო მეტად ერია ფუჭი ქანები. ამას დაემთხვა მადანის მსოფლიო ბაზარზე სხვა ქვეყნების მარგანეცის გამოჩენა. აუცილებელი გახდა მადანის გაწმენდა ქანებისაგან. მაინც მადანის გამაუფერებელ-გამადიდებელი ქარხნები არ არსებობდა და მისი გაწმენდა ხელით, მათუ-ლის საცრებით წარმოებდა, ზედაპირზე გამოზიდულ მადანს ბარით და ხელითაც აკლიდნენ თიხას და ქვებს, ზოგან მადანს რეცხავდნენ, აკლიდნენ ფუჭ შენარევებს და, რამდენადაც შესაძლებელი იყო, აუმჯობესებდნენ მის ხარისხს⁴².



გავეიანით მარგანეცის მადანის მოპოვების ოპერაციებს, საწარმოო პროცესის მიმდინარეობას, წრომის საშუალებებს. ირკვევა, რომ მოცემულ ეტაპზე კიათურის მარგანეცის მრეწველობისათვის დამახასიათებელია ხელით წარმოება და წრომის დანაწილების გაორმაგება. მართალია, ამ პროცესმა ვერ მოიცვა ყველა სამთო საწარმო, კერძოდ, წერილი (გლახური) სარეწავები, სადაც წარმოება მეტად შეზღუდულად. მხოლოდ ერთეულ მუშათა წრომით სულდგმულობდა. ამავდროულად, მათ გვერდით არსებულ შედარებით მსხვილ მანუფაქტურულ საწარმოებში, სადაც ერთდროულად მრავალი მუშა მუშაობდა, წრომის

³⁸ სსსა, ფონ. 264, საქ. 969, ფურც. 9, მეორე გვერდი.

³⁹ იხ. ЦГИА.П. ფ. 37, ით 66, პ. 2305, 1875, პ. 33.

⁴⁰ იხ. ა. გივაშელი, კიათურის მარგანეცი, უფრ. „მეცნიერება და ტექნიკა“, 1953, № 8, პ. 17; ელ. ჰანიშვილი, დასახ. ნაშრ. გვ. 546.

⁴¹ იხ. ЦГИА.П. ფ. 37, ით 66, პ. 2305, 1895, პ. 33.

⁴² ნ. წუნუნაძე, დასახ. ნაშრ., გვ. 15.

დანაწილება და მუშის სპეციალიზაცია (დახელოვნება), არ შეიძლებოდა არ ყოფილიყო შრომის ნაყოფიერებისა და მადნის მოპოვების მასშტაბის ზრდის წყარო და ფაქტორი, რადგან მანუფაქტურა საზოგადოდ იწვევს საზოგადოებრივი მწარმოებლური ძალის გადიდებას შრომის დანაწილების გამო⁴³. შრომის მანუფაქტურულმა დანაწილებამ ქიათულის მრეწველობაში საქმეში გამოყენებულ მუშათა რიცხვის ზრდა ტექნიკურ აუცილებლობაზე გახადა. მან გამოიწვია შრომის იარაღების ერთგვარი სპეციალიზაცია, ნაწილობრივი მუშების შექმნა, მათი დაჯგუფება და ერთ მთლიან მექანიზმად კომბინირება, საზოგადოებრივი წარმოებითი პროცესის თვისებრივი დაყოფა და რაოდენობრივი პროპორციულობა, მაშასადამე, საზოგადოებრივი შრომის განსაზღვრული ორგანიზაციის შექმნა, რითაც შრომის აბალ საზოგადოებრივ მწარმოებლურ ძალას ავითარებდა⁴⁴. უამპირობოდ, ვიქრობთ, შეუძლებელიც იქნებოდა ქიათურის მარგანეცის მრეწველობის ისეთი სწრაფი განვითარება, როგორც დამახასიათებელია განსაკუთრებით გასული საუკუნის 80-იანი წლების შუა ხანიდან. მრეწველობის მანუფაქტურულ სტადიასთანაა დაკავშირებული მეწარმეთა და მუშათა მკაცრი დაპირისპირებისა და სამრეწველო რაიონის პროლეტარიატის ფართო ფენების წარმოშობა. მართალია, კაპიტალისტური ურთიერთობა, საერთოდ, წვირდს სარეწებშიც მყარდება, „ოლონდ, — გეასწავლის ვ. ი. ლენინი, — აქ ის ჯერ კიდევ სუსტადაა განვითარებული და არ ღებულობს წარმოების მონაწილე ბირთა ჯგუფების მკაცრი დაპირისპირების ბასიას. აქ ჯერ კიდევ არ არის არც მსაგილი კაპიტალი. არ არიან არც პროლეტარიატის ფართო ფენები. მანუფაქტურაში უკვე ვხედავთ, რომ იქმნება ერთიც და მეორეც. წარმოების საშუალებათა მკაპტრონისა და მომუშავეს შორის უფსკრული უკვე საგრძნობ ფარგლებს აღწევს“⁴⁵.

ვიქრობთ უდავოა, რომ თუკი მე-19 საუკუნის 80—90-იანი წლების და მთელი რევოლუციამდელი ხანის ქიათურის მრეწველობას „წვირდ, კუსტარულ“, „მტაცებლურ-პირველყოფილ წესზე“ ან კიდევ „შინამრეწველობის“ სტადიაზე გაყინულ საწარმოდ მივიჩნევთ, როგორც ამას აკეთებენ ჩვენი წინამორბედი მკვლევარები, გაუგებარი იქნებოდა არა მარტო მრეწველობის ამ დარგის ესოდენ გაძლიერება, არამედ მუშათა კლასის ჩამოყალიბება ქიათურაში და მისი თვალსაჩინო როლი ეპოქის გამათავისუფლებელ რევოლუციურ მოძრაობაში მე-20 საუკუნის პირველი წლებიდანვე.

⁴³ ვ. მარქსი, კაპიტალი, ტ. I, გვ. 457.

⁴⁴ იქვე, გვ. 463.

⁴⁵ ვ. ი. ლენინი, თხზ., ტ. 3, გვ. 644.

ჭიათურის მარგანეცის მრეწველობაზე დაკვირვება, ვფიქრობთ, საფუძველს გვაძლევს დაბეჭდვით ვამტკიცოთ, რომ მრეწველობის ამ დარგის განვითარება 1879—1894 წლებში სხვა შინაგან ფაქტორებთან ერთად, დაკავშირებულია კაპიტალისტური მრეწველობის პირველი სტადიიდან, მეორე (მანუფაქტურულ) სტადიაზე გადასვლასთან.

* * *

თავისი ჩასახვა-განვითარების პირველი 15 წლის მანძილზე, ჭიათურის მარგანეცის მრეწველობა მსოფლიო მნიშვნელობის დარგად იქნა აღიარებული. ამ წარმატების განმსაზღვრელ ფაქტორთა შორის პირველ რიგში აღსანიშნავია მსოფლიო მეტალურგიის განვითარება ჯერომარგანეცის ფართოდ გამოყენების ბაზაზე, რის შედეგადაც მარგანეცის მადანზე მოთხოვნილება კოლოსალურად იზრდებოდა (ბოლო მისი მოპოვება სხვა ქვეყნებში მაშინ ძალზე უმნიშვნელო მასშტაბით წარმოებდა). აღსანიშნავია აგრეთვე ჭიათურის საბადოს სწორუბოვრობა (მადნის მოპოვების სიადვილე, მაღალხარისხოვნება), მისი შედარებითი სიახლოვე სარკინიგზო და საზღვაო გზებთან, ახალ სამრეწველო რაიონში თავისუფალი, იაფი სამუშაო ძალის მოზღვაება და სხვ. ჭიათურის მრეწველობის წინსვლას თავიდანვე ცნობელი ინტერესით შეეგებნენ მსოფლიო მეტალურგიაში ცნობილი ფირმები, მას მაღალ შეფასებას აძლევდა რუსეთის მთავრობის არაერთი თვალაჩინო წარმომადგენელი, მათ შორის მიწათმოქმედებისა და სახელმწიფო ქონებათა მინისტრი ა. ერმოლოვი, რომელიც ჭიათურის მარგანეცის მრეწველობის ადგილზე დათვალიერების შემდეგ 1894 წლის 21 სექტემბერს მარგანეცის მრეწველთა წინაშე წარმოთქმულ სიტყვაში დაასკენდა: „მრეწველობის ისტორიაში შეუძლებელია ვიპოვოთ ახლად აღმოცენებული მრეწველობის ისეთი სწრაფი განვითარების მაგალითი, როგორიც გვაქვს მარგანეცის მრეწველობაში. რაღაც 15 წელიწადში... მარგანეცის მრეწველებმა აამაღლეს ის მსოფლიო ბაზარზე გაბატონებულ მდგომარეობამდე“⁴⁶.

ჭიათურის მარგანეცის მრეწველობა მსოფლიო ბაზარს ემსახურებოდა და მკვიდროდ იყო დაკავშირებული მსოფლიო მეტალურგიასთან. ამიტომ, ბუნებრივია, ეს დარგი წარმოადგენდა ერთგვარ ბარონეტს, რომელშიც გამოხატულებას პოულობდა ყოველგვარი კარდინალური ძვრა მსოფლიო მეტალურგიაში, მარგანეცის მადნის მსოფ-

⁴⁶ ЦГИАЛ, Ф. 37, оп. 66, д. 2305, 1895, л. 34.

ლიო მოპოვებასა და მოხმარებაში, რაც ერთობ განსაზღვრავდა მოთხოვნილებას მადანზე, მისი გასაღების პირობებსა და სარეალიზაციო ფასს მსოფლიო ბაზარზე.

მსოფლიო მეურნეობის და ბაზრის კონიუნქტურასთან, აგრეთვე სხვა ქვეყნებში მარგანეცის მრეწველობის მდგომარეობასთან ერთად, ჩვენში მრეწველობის დასახელებული დარგის განვითარებაზე გავლენას ახდენენ ისეთი ფაქტორები, როგორცაა წარმოების მატერიალურ-ტექნიკური აღჭურვისა და მადნის სატრანსპორტო საშუალებათა მდგომარეობა, უცხოური კაპიტალის როლის გაძლიერება თუ შესუსტება, ასევე სხვა გარემოებანი, რომლებიც თავის მხრივ ზემოქმედებდნენ მადნის თვითღირებულების შემცირება-გადიდებაზე, და, მაშასადამე, მისი გასაღების პირობების გაუმჯობესება-გაუარესებაზე.

მრეწველობის მოცემული დარგის განვითარების დამაბრკოლებელ ფაქტორთა შორის ერთ-ერთი უმთავრესთაგანი იყო ურკინიგზობა.

§ 8. უ რ კ ი ნ ი გ ზ ო ბ ა

ჭიათურის¹ აუზში მიმოსვლისა და მადნის გადაზიდვის საშუალებათა მოწყობა და სამრეწველო რაიონში რკინიგზის ხაზის შეყვანა რაიონიდანვე გახდა ის ძნელად გადასაწყვეტი პრობლემა, რისგანაც მნიშვნელოვანწილად იყო დამოკიდებული ჭიათურის მარგანეცის მრეწველობის განვითარება. საბადო ზეგნებზე უმთავრესად მარტო საცალფეხო გზები იყო გამართული, მალარობიდან ჭიათურამდე საურმე გზებიც მხოლოდ ცალკეულ უბნებზე იყო გაყვანილი, ხოლო სამრეწველო რაიონი ამიერკავკასიის რკინიგზის მაგისტრალის სადგურებთან დაკავშირებული არ იყო მოხერხებული საურმე გზებითაც კი. ასეთ პირობებში საჭაპანო და სასაპალნე ტრანსპორტით მადნის დადი რაოდენობით გადაზიდვა არ ხერხდებოდა, და ძვირიც ჯდებოდა. ამასთანავე სატრანსპორტო პირუტყვის გამოკვება, სამრეწველო რაიონში საძოვრებისა და სათიბების უკიდურესი სიმცირის გამო, ძნელდებოდა. მიმოსვლისა და მადნის გადაზიდვის სრულყოფილ საშუალებათა მოსაწყობად ნაკლებად ზრუნავდნენ მეწარმენი, ასევე ხაზინა. უგზობის პირობებში ბრკოლდებოდა მრეწველობის მძლავრი განვითარება; გადაზიდვის სიძვირე მეტისმეტად ზრდიდა მადნის თვითღირებულებას, რის შედეგადაც მარგანეცის მრეწველობას საფრთხეს უქმნიდა საგარეო კონკურენცია.

სამრეწველო რაიონის შიდა გზების, ასევე ჰიათურასა და შორაპანს შორის გზების ვაუმჯობესების ცდებს ხანგრძლივი ისტორია გააჩნია. ჯერ კიდევ ჰიათურის საბადოთა ექსპლოატაციის დაწყებამდე, 1876 წელს, შორაპანის მაზრის უფროსს დაევალა შორაპანსა და ჰიათურას შორის გზის გაფართოება, რის შედეგადაც შორაპანიდან ბოსლევამდე, 12 ვერსზე, გზა გაფართოვდა 1½ საყენამდე და საურჩე გზად გადაკეთდა¹. 1877 — 1879 წლებში ამ გზის გასაუმჯობესებლად გათვალისწინებული იყო საჭირო რაოდენობის „საერთო მუშების“ გამოყვანა, ამასთანავე ხაზინამ გაიღო 7 856 მანეთი და 399 ფუთი ფეტქებადი მასალა. სამუშაოები დაიწყო, რის გაგრძელებაც მალე, ჰიათურაში მრეწველობის ჩასახვის შემდეგ, 1880 წელს, დაევალა ინჟ. პოლკოვნიკ ლენჩევსკის, კომერციულ საფუძველზე. მან მთელ ხაზზე, ძველი გზის საურჩე გზად გადაკეთებისას, რამდენიმე უბანზე სცადა მისი მიმართულების შეცვლა. საამისოდ თანხები არ იყო და წამოწყებაც მიატოვა. ამავე დროს მოხერხებული, თუშნადაც საურჩე გზის საჭიროება, მდნის გადაზიდვის ზრდისკვალად უფრო და უფრო მტკივნეულად იგრძნობოდა, მით უმეტეს, რომ ცუდ გზაზე სასაპალნე და საჭაპანო ტრანსპორტით ჰიათურიდან შორაპანამდე ფუთი მდნის გადაზიდვა 22 — 30, ზოგჯერ 40 კაპიკი ჯდებოდა². ადგილობრივი მოსახლეობაც ღარიბი იყო სატრანსპორტო საშუალების მხრივ: მაზრაში ყოველ კომლს არ გააჩნდა ერთი უღელი გასუვეი ძალა, ხოლო ცხენების 1887 წლის აღწერის ცნობით საშუალოდ მხოლოდ ყოველ 9 გლეხურ კომლს გააჩნდა 1 ცხენი. ასეთ ვითარებაში მდნის გადასაზიდი გზის გაუმჯობესებასა და მისი გამტარუნარიანობის გაზრდას სასიცოცხლო მნიშვნელობა ენიჭებოდა სრეწველობის ახლადჩასახული დარგისათვის. 1881 წელს ინჟ. პოლკოვნიკმა ვეისენგოფმა შეადგინა შორაპანი—ჰიათურის გზის მშენებლობის პროექტი და ანგარიში, რომლის თანახმად საქმე უნდა დაეჭლარიყო 175 ათასი მანეთი. ნაეარაუდვეი იყო, რომ შარაგზაზე გადაზიდი ყოველი ფუთი მდანი დაიბეგრებოდა 2-დან 4 კაპიკამდე, იმ პირობით, რომ სოცემულ მანძილზე მდნის გადაზიდვის ხარჯი შემცირდებოდა ფუთზე 15 კაპიკამდე. ეს წინადადება არ განხორციელდა, რადგან პეტერბურგელმა ვაჰარმა მეისნერმა თითქმის იმაღდროულად წამოაყენა ცხენის რკინიგზის პროექტი, რომლის თანახმად საქმოსანი თავის ხარჯზე კისრულობდა გზის მშენებლობას და მის შოვლა-პატრონობას მთელ საკონცესიო პერიოდში — 60

¹ Сборник сведений о Кутаисской губернии, Вып. второй, 1885, гл. 16—17. 19.

² ЦГИАЛ, ф. 1263, оп. 2, д. 4914, 1891—1892 г., л. 519 об.

წელს, მაგრამ იმ პირობით, რომ გზის სამუშაოები „საერობო მუშახელს“ ეწარმოებინა. სამაგიეროდ კონცესიონერი ამ მუშახელს ერთდროულად აძლევდა 30 ათას მანეთს ყვირილაში საგლეხო ბანკის დასაარსებლად, ამასთანავე ხაზინას უხდიდა 2000 მანეთს ყოველწლიურად მთელი საკონცესიო დროის მანძილზე და სხვ. მთავრობამ უარი უთხრა კონცესიონერს გზის მშენებლობაზე „საერობო მუშახელის“ გამოყენების მოუხერხებლობისა და მომავალ გზაზე მადნის გადაზიდვის მაღალი ფასის — ფუთზე 15 კაპიკის დაწესების გამო³. მეისნერის შემდეგ ფრანგმა პიომ საკუთარი საჭიროებისათვის მოითხოვა „ორთქლის რკინიგზის“ მშენებლობის ნებართვა. ამის საპირისპიროდ მეისნერმა მთავრობას შესთავაზა ასეთივე რკინიგზის მშენებლობის პროექტი და პირობას იძლეოდა, რომ გზას გაიყვანდა საერთო სარგებლობისათვის⁴. ყველა ეს პროექტი და წინადადება განიხილა და მიუღებლად ჩათვალა გზათა სამინისტრომ.

სამრეწველო რაიონიდან რკინიგზის მთავარ მაგისტრალურ ხაზამდე რელსებიანი გზის გაყვანის წინააღმდეგ იბრძოდა მაზრის მოსახლეობა, რომელიც, მეორე მხრივ, ცდილობდა სხვა კუთხეებიდან თუ სხვა ქვეყნებიდან მოსულ ჩალვადარ-მეურმეთა კიათურიდან გაძევებას. ამის გამო ქუთაისის სამხედრო გუბერნატორი თავის 1890 წლის „უქვეშევრდომილეს“ მოხსენებაში აღნიშნავდა, რომ ადგილობრივი გლეხები, რომლებიც მარგანეცის გადაზიდვას ეწევიან, „ებრძვიან გარედან მოსულ გადამზიდველებს“, რომ ისინი „ყველა საშუალებით იბრძვიან აგრეთვე გზის მშენებლობის (მხედველობაშია კიათურა-შორაპნის რკინიგზა — გ. მ.) წინააღმდეგ. რათა მათ არ დაკარგონ მადნის გადაზიდვის მონოპოლია“⁵. ასე მოხდა 1888 წელს, როცა გამოჩნდნენ უცხოელი საქმოსნები, რომლებიც აცხადებდნენ, რომ რკინიგზას თავის ხარჯზე გაიყვანდნენ საბადოებამდე. ისინი პირობას იძლეოდნენ, რომ საკუთარი საშუალებით გაყვანილ რკინიგზაზე გადაზიდულ ყოველ ფუთზე ხაზინას ჩაურიცხავდნენ თითო კაპიკს, ამასთანავე თავის ხარჯზე შეინახავდნენ სამრეწველო რაიონის ტექნიკურ და სამედიცინო ზედამხედველობასა და საფოსტო უწყებას, მაგრამ იმ პირობით, რომ თითოეული ფუთი მადნის გადაზიდვაში მიიღებდნენ 7 კაპიკს. ეს პროექტი მოიწონეს მთავრობის ორგანოებმა და დასკვნისათვის გადაეგზავნა კავკასიის აღმინისტრაციას. ამის საპასუხოდ შორაპნის მაზრის გლეხობამ თხოვნით მიმართა ხელმწიფეს, რათა მას არ დაეშვა უცხოელების მიერ კიათუ-

³ ЦГИАЛ, ф. 1263, оп. 2, д. 4914, 1891—1892, л. 520, 522.

⁴ იქვე, ფურც. 222, მეორე გვერდი.

⁵ იქვე, ფურც. 520, 521, 522.

რის რკინიგზის მშენებლობა⁶. უცხოური კომპანიის წინადადება არ იქნა მიღებული და მას შეენაცვლა სხვა კაპიტალისტების, — ციმერმანის, ფურმანისა და იალოვეცკის პროექტები, რომლებიც განიხილა ქ. ქუთაისში სპეციალურად შექმნილმა კომპეტენტურმა კომისიამ. მან მოიწონა ინჟ. იალოვეცკის პროექტი. მაგრამ, ზემოდასახელებული კაპიტალისტების მეტოქედ იმავდროულად გამოჩნდა გერმანული ანონიმური კომპანია, რომელსაც 1888 წლისათვის უკვე დაპროექტებული ჰქონდა სოფ. ტყიბულთან ახლოს ფერომარგანეცის ქარხნის მშენებლობა. ამ პროექტით ჭიათურის საბადოებიდან ტყიბულამდე მარგანეცის გადასაზიდად უნდა აგებულიყო საჰაერო რკინიგზა („Воздушная железная дорога“). კომპანია მზად იყო მის გასამართავად გაეღო საჭირო დიდძალი კაპიტალი. პროექტი განიხილეს მთავრობის ორგანოებში, მაგრამ მისი განხორციელება შეუძლებლად მიიჩნიეს იმ საბაბით, რომ საჰაერო რკინიგზის მთელ ხაზზე შესაფერისი სვეტების აღმართვისათვის საჭირო მიწების გასხვისება ძნელი იყო⁷. ამავე დროს, 1888 წელს, როგორც ზემოთ დაეინახეთ, ჭიათურის მრეწველობამ ძლიერი კრიზისი განიცადა, რაც გაღრმავდა მადნის საერთაშორისო ბაზრებზე სამხრეთ ამერიკული, იაფფასიანი მადნის გამოჩენის შედეგად. ამ გარემოებამ ერთი-ორი წლით შეანელა ადგილობრივ, რუს და უცხოელ კაპიტალისტთა ინტერესი ჭიათურის მარგანეცის მრეწველობისა და რკინიგზის შტოს მშენებლობისადმი, მაგრამ, მალე გაირკვა, რომ სამხრეთ ამერიკული მადანი უხარისხობის გამო არ ამართლებს იმედებს და 1890 წლიდან მსოფლიო ბაზრის მოთხოვნილება ჭიათურის მარგანეცზე კვლავ ძლიერ გაიზარდა. საბადოებიდან მაგისტრალურ რკინიგზამდე მადნის გადაზიდვას ველარ აუდიოდა მთელი ამიერკავკასიიდან მოსული მუშახელი. ხაზინა შედარებით მცირედი სახსრების ვალდებით განაგრძობდა შორაპანი — ჭიათურის გზის გაფართოება-გაუმჯობესებას და მალე საურმე გზად გადაკეთდა. ამ გზაზე 1880 წელს მხოლოდ 50 — 60 ათასი ფუტი მადანი გაიზიდა, ხოლო 1884 წელს უკვე 1 მილიონ ფუტამდე. გზის გაუმჯობესებით მოცემულ მანძილზე მადნის გადაზიდვის ღირებულება თანდათან მცირდებოდა: თუკი 1880 წელს ფუტის გადაზიდვა 40 კაპიკ ფასობდა, 1884 წლისათვის შემცირდა 25 კაპიკამდე⁸, 1892 წლისათვის კი — 22 კაპიკამდე⁹. მაგრამ, ვითარება ძირფესვიანად არ შეცვლილა: სამრეწველო რაიონში მადნის

⁶ ЦГИАЛ, ф. 1263, оп. 2, д. 4914, л. 523.

⁷ იქვე, ფურც. 524.

⁸ Сборник сведений о Кутанской губернии, К., 1885, გვ. 19.

⁹ ЦГИАЛ, 1263, оп. 2, д. 4914, 1890—1892, л. 527, об.

გადაზიდვის რამდენადმე სრულყოფილ საშუალებათა არარსებობა და, მით უმეტეს, სამრეწველო რაიონსა და რკინიგზის მთავარ მაგისტრალს შორის რელსებიანი გზის არარსებობა გასაქანს არ აძლევდა და ახშობდა ჭიათურის მარგანეის მრეწველობას, უსაშველოდ ზრდიდა აქაური მადნის თვითღირებულებას. ასეთ ვითარებაში სამრეწველო რაიონიდან რკინიგზის მთავარი მაგისტრალის სადგურებამდე მადანს საკაპანო და სასაპალნე ტრანსპორტით სამი გზით ეზიდებოდნენ: 1. ყვირილას (დიღწიფელას) გზით (რომლის სიგრძე 36 კილომეტრი იყო); 2. დილიკაურის გზით (43 კილომეტრზე) — გაქქონდათ იმ საბადოებიდან, საიდანაც, ჭიათურის გავლით, უფრო უდგებოდნენ ყვირილას; 3. ულევის უშორესი გზით (56 კილომეტრზე) კი მადანს პერევისიდან და შუქრუთიდან ეზიდებოდნენ.

ყველაზე დიდი მოძრაობა იყო დიღწიფელას ანუ ყვირილას გზაზე, ხოლო დილიკაურის გზა, რომელიც 12 — 14 კილომეტრით მოკლე იყო ულევის გზაზე, ნაკლებად იყო გამოყენებული, რადგან დილიკაურის პლატოზე წვიმიან ამინდში გაუვალი ტალახი დგებოდა, აღმართ-დაღმართებიც ბევრი იყო. დილიკაურის გზით მადნის გადაზიდვა მოხერხებული იყო ზაფხულის მშრალ ამინდში, მით უფრო, რომ ამ გზაზე საუკეთესო საძოვრები იყო და ეს კი სატრანსპორტო საქონლის საბალახოდ გამოდგებოდა.

მადნის გადაზიდვას უმეტესად მაინც ყვირილას გზით ეწეოდნენ, ხოლო უკან საძოვრებით მდიდარ დილიკაურის გზით ბრუნდებოდნენ¹⁰. შორაპნის მაზრის უფროსის 1885 წლის ცნობით მთელი აქამდე მოპოვებული მადნის საერთო ოდენობიდან ულევის გზით გაიზიდა არა უმეტეს $\frac{1}{6}$ ნაწილისა, დილიკაურის გზით — $\frac{1}{4}$; ხოლო დანარჩენი — ყვირილას გზით¹¹.

კიდევ უფრო ცუდ მდგომარეობაში იყო საბადო ზეგნებიდან მთავარ გზებამდე მომავალი „შუკები“, ისინი გაუმართავი, ბევრგან სახიფათო იყო ტვირთზიდვისათვის. ამავე დროს ექსპლოატაციაში შესული საბადოები ტერიტორიულად დიდ სივრცეზე იყო გადაჭიმული და აქ მრავალი სოფლები ერთმანეთთან, ასევე ჭიათურასთან მხოლოდ ვიწრო, იშვიათად საურმედ ძნელად გამოსადეგი გზებით იყო დაკავშირებული. ამ გზების გაუმჯობესება-გაფართოება-მოპირკეთებაზე არ ზრუნავდნენ მრეწველები, რადგან ამისათვის მნიშვნელოვანი კაპიტალდაბანდება იყო აუცილებელი, ამასთანავე ამ გზებით სარგებლობა უხდებოდათ უამრავ მეწარმეებს, რომლებიც ერთმანეთთან არ იყვნენ დაკავშირებული გზების გასამართავადაც. ისინი მთავრობის წინაშე ამაოდ შუამდგომლობდნენ შიდა გზების გაკეთე-

¹⁰ Сборник сведений о Кутаисской губернии, К₂ 1885, გვ. 13—14.

¹¹ იქვე, გვ. 14

ბაზე, ხოლო მთავრობა, პირიქით, მას მრეწველთა საქმედ მიიჩნევდა. ამ გზების გაუმჯობესებას, ცხადია, დიდი მნიშვნელობა ჰქონდა მრეწველობისათვის, მით უმეტეს, რომ მოუწყობელ, ნახევრად საცალფეხო გზებზე წვრილი — ნაშალი მადნის გაზიდვა არ ხერხდებოდა და ამიტომ მადნის დიდი ნაწილი იკარგებოდა. ეს გასაგები იყო ხაზინისათვისაც: როცა 1895 წელს მინისტრთა კომიტეტმა განიხილა მეწარმეთა შუამდგომლობა ქიათურის სამრეწველო რაიონის შიდა გზების გაყვანისა და გაუმჯობესების საჭიროების შესახებ „ეურნალში“ შეტანილ იქნა მოსაზრება, რომ „ამ ღონისძიებას უდიდესი მნიშვნელობა აქვს მარგანცის მრეწველობის განვითარებისათვის. რადგან დასახელებული ბილიკების გამტარუნარიანობის უკმარობით იზღუდება საბადოებიდან მადნის გაზიდვა და, გარდა ამისა, შეუძლებელი ხდება ნაშალი მადნის გასაღება, ხოლო ეს უკანასკნელი მთელი მოპოვებული მადნის ოდენობის ნახევარს შეადგენს და ის რჩება მოპოვების ადგილას გადაყრილ ფუჭ ქანებთან ერთად“. ამასთან დაკავშირებით მინისტრთა კომიტეტის გადაწყვეტილებაში ვკითხულობთ: სასაპალნე ბილიკების გაუმჯობესებისა და ახლის გაყვანის ასევე საურმე გზების მოწყობის აუცილებლობა მთავრობამ სცნო ჯერ კიდევ 80-იანი წლების დამდეგს, მაგრამ მაშინ ამ გზებს მხოლოდ ადგილობრივი მნიშვნელობა ჰქონდა, ამიტომ მთავრობამ არ იკისრა მათი გაყვანა¹².

სამრეწველო რაიონის შიდა გზების მშენებლობა სოლიდურ კაპიტალდაბანდებას მოითხოვდა, ხოლო ხაზინის შემოსავალი ქიათურიდან იმ დროს უმნიშვნელო იყო და ამიტომ ის საქმეს ხელს არ ჰკიდებდა.

ასეთ ვითარებაში მადნის გადაზიდვის სიძნელე და ხარჯების სიდიდე ზღაპრულად აღიძვებდა მადნის თვითღირებულებას. ქიათურის რკინიგზის ექსპლოატაციაში ოფიციალურად შესვლამდე (1892 — 1894 წლებში) ზესტაფონში გაზიდული ფუთი მადნის თვითღირებულება დაახლოებით ასე ღებოდა:¹³

ს ხ ე ა დ ა ს ხ ე ა ხ ა რ ჯ ი	1 ფ უ თ მ ა დ ა ნ ზ ე :
1. საბადოს საიჯარო გადასახადი	2 კაპიკი
2. მადნის მოპოვება	2
3. საბადოდან ქიათურამდე მადნის გადაზიდვა	3
4. ქიათურიდან ზესტაფონამდე მადნის გადაზიდვა	22
5. სხვადასხვა ხარჯები	2

სულ 32 კაპიკი

¹² ЦГИАЛ, ф. 1263, 6/оп. д. 5189, л. 208—210.

¹³ თვითღირებულების დასადგენად ვისარგებლეთ: ЦГИАЛ, ф. 1276, оп. 19, д. 87, л. 5; ЦГИАЛ, ф. 1263, оп. 2, д. 4914, 1891—1892 гг., л. 527 II об.; იხ. აგრეთვე ნ. ნიკოლაძე, ქიათურის შავი ქვა, „კვალი“ № 42, 1902, გვ. 679.

როგორც ვხედავთ, ზესტაფონში მიზიდული მადნის თვითღირებულების 78 — 79% -ს გადაზიდვის ხარჯები შეადგენდა. კიდევ უფრო ღირს, მანძილის შესაბამისი, იყო გადაზიდვის ხარჯების ხვედრითი წონა ულევის უშორესი გზით გატანილი მადნის თვითღირებულებაში. ამას ემატებოდა ამიერკავკასიის მაგისტრალური რკინიგზით ბათუმამდე და ფოთამდე, ასევე ამ ნავსადგურებიდან საზღვაო ტრანსპორტით უცხოეთში მადნის გადაზიდვის ფასები. ასე მაგალითად, ზესტაფონიდან ფოთამდე რკინიგზით ფუთი მადნის გადაზიდვა (ტარიფი) 1891 — 1892 წლებში ჯდებოდა 7 კაპიკი, ხოლო ზედნადები ხარჯები (მადნის ვაგონებში დატვირთვა-გადმოტვირთვა და სხვ.) შეადგენდა 2 კაპიკს¹⁴. ამდენად, ფოთში ფუთი მადნის თვითღირებულება 41 კაპიკს აღწევდა. ამას ემატებოდა ფოთიდან უცხოეთის ნავსადგურებში გეგმებით მადნის გადაზიდვის ხარჯები (ფრახტი). ასე მაგალითად, იმავე 1891—1892 წლებში ფოთიდან მარსელამდე, ამსტერდამამდე და ლივერპულამდე ფუთ მადანზე საშუალო ფრახტი შეადგენდა 12 კაპიკს, ხოლო ზედნადები ხარჯები 5 კაპიკს¹⁵. ამრიგად, უცხოეთის დასახელებულ ნავსადგურებში ჩვენებული მადნის თითოეული ფუთის თვითღირებულება 58 კაპიკს შეადგენდა; აქედან ქიათურის საბადოებიდან უცხოეთის ნავსადგურებამდე მადნის გადაზიდვაზე მოდიოდა 53 კაპიკი ანუ 92%. იმავე პერიოდში ფუთი ჩვენებული მადნის ფასი უცხოეთის ბაზრებზე შეადგენდა 63 — 65 კაპიკს¹⁶.

მადნის გადაზიდვის ხარჯების ესოდენი სიდიდე თავის გამოსატყულებას პოულობდა მისი თვითღირებულების ძლიერ ზრდაში. რითაც აფერხებდა და ამუხრუჭებდა ქიათურის მარგანეცის მრეწველობის განვითარებას, ასუსტებდა მის პოზიციებს მადნის საერთაშორისო ბაზრებზე. მით უფრო მწვავედ დგებოდა სამრეწველო რაიონის შიდა გზების და, რაც მთავარია, ამიერკავკასიის რკინიგზის მაგისტრალთან სამრეწველო რაიონის რკინიგზით დაკავშირების საჭიროება და აუცილებლობა. ქიათურის რკინიგზის მშენებლობისათვის ბრძოლა, როგორც ამას წინამდებარე ნაშრომის VI თავში დავინახავთ, 1882—1890 წლებში განუწყვეტლივ გრძელდებოდა. მაგრამ მკვდარი წერტილიდან არ იძვროდა. ბოლოს, 1891 წელს ეს საქმე ხაზინამ ითავა და ქიათურის ვიწროლიანდაგიანი რკინიგზის მშენებლობა მთლიანად დაამთავრა 1894 წლის 1 მაისისათვის¹⁷.

¹⁴ ЦГИАЛ, ф. 1263, по 2. д. 4914, 1891—1892 гг., 527 об.

¹⁵ იქვე.

¹⁶ იქვე.

¹⁷ ЦГИАЛ, ф. 1263, оп. 2, л. 5192, л. 256.

ამიერკავკასიის რკინიგზის მაგისტრალთან საიმედო სატრანსპორტო საშუალებით დაკავშირებამ მკვიდრი ნიადაგი და ფართო ასპარეზი შეუქმნა მარგანეცის წარმოებას სწორედ მაშინ, როცა ქართულ მარგანეცს ესოდენ ესაჭიროებოდა საერთაშორისო ბაზარზე პოზიციების განმტკიცება, უკვე გაჩაღებულ საკონკურენტო ბრძოლაში გასამარჯვებლად. „რკინიგზის გაყვანამდე, -- სწორად აღნიშნავდა „კვალი“, -- წარმოებას, რასაკვირველია, არ ექნებოდა ერთი გარკვეული კალაპოტი. დარ-ავდარს, ზამთარ-ზაფხულს დიდი მნიშვნელობა ჰქონდა მაშინ წარმოებისათვის. რკინის გზამ ჩამოაშორა წარმოებას ასეთი შემთხვევითი ხასიათი და მისცა მას უფრო მკვიდრი და მუდმივი მიმდინარეობა. წინათ თუ ერთი ფუთი ქვის ჩატანა ჭიათურიდან ზესტაფონამდის... 25 კაპიკად ჯდებოდა საშუალო რიცხვით, დღეს ამას 11 კაპიკის მეტი (10 კაპ. რკინის გზის ტარიფი და 1 კაპ. სხვა ხარჯები) არ უნდა“¹⁸.

ჭიათურის რკინიგზამ უფრო ინტენსიური ხასიათი მისცა მრეწველობის განვითარებას, გამოიწვია მადნის მოპოვებასა და მის გაზიდვა-გასაღებაში ჩაბმულ საქმოსანთა რიცხვის გაზრდა, „წარმოება, წინეთ „რჩეულთა ხედრი“, ყველასათვის ხელმისაწვდომი შეიქმნა“¹⁹.

სამრეწველო რაიონში რკინიგზის შესვლის შემდეგ წარმოება და აღებ-მიცემობა გაცხოველდა. ამას მოაწვდა სხვადასხვა ეროვნებისა და სხვადასხვა სოციალური წარმოშობის თუ ხელობის საქმოსანთა ახალი, მძლავრი ნაკადი. სამრეწველო ცხოვრების მაჯისცემა გაძლიერდა, ხელსაყრელი პირობები შეიქმნა მრეწველობის მატერიალურ-ტექნიკური ბაზის გასაუმჯობესებლად, მრეწველობის დამხმარე საწარმოთა შესაქმნელად.

რკინიგზის შტო გახდა მრეწველობის მოცემული დარგის სასიცოცხლო არტერია, რომლითაც ის უშუალოდ დაუკავშირდა მადნის საექსპორტო ნავსადგურებს (ფოთსა და ბათუმს). მაგრამ რკინიგზის შტოს მნიშვნელობას ძლიერ ზღუდავდა მისი ტექნიკური აღჭურვის ნაკლოვანება, მოძრავი შემადგენლობის მოუწყობლობა, გამტარუნარიანობის უკმარობა და, რაც ყველაზე მტკივნეული იყო, ტარიფის უმაგალითო სიდიდე. „ეს ტარიფი რომ დიდი და უხეში იყო, ეს იქიდანაც ჩანს, რომ რკინის გზას კონკურენტციას ურმები და ცხენები უწევენ, რაც კარიკატურას უფრო გვაგონებს, ვიდრე სინამდვილეს, თუმცა ეს ნამდვილი ფაქტი იყო ჭიათურის რაიონში“²⁰. ამასთანავე რკინიგზა ხში-

¹⁸ „კვალი“, 1897, № 11, გვ. 229.

¹⁹ „კვალი“, 1900, № 16, გვ. 274.

²⁰ იხ. სოლ. წერეთელი, დასახ. ნარკვევი, გაზ. „საქართველო“, 1920, 25 იანვარი, № 18.

რად ვერ აუდიოდა გადაზიდვის მოთხოვნას, რის შედეგადაც კიათურაში იქმნებოდა გასაზიდი მადნის დიდი მარაგი. „ეს მარაგი, — როგორც სულ მუდამ ჩიოდნენ მეწარმენი, — მძიმე ტვირთად აწევს მრეწველობას. რადგან მისი შენახვა დიდ ხარჯებთანაა დაკავშირებული“²¹.

ზემოაღნიშნულის მიუხედავად კიათურის რკინიგზას შედარებით დიდი მნიშვნელობა ჰქონდა მადნის გადაზიდვის ფასისა და მისი თვითღირებულების შესამცირებლად. საკმარისია ითქვას, რომ რკინიგზის გაყვანის წინანდელ ხანასთან შედარებით, როცა მაგისტრალურ რკინიგზამდე მადნის გადაზიდვა მხოლოდ საურმე გზებით მიმდინარეობდა, კიათურის შტოს ექსპლოატაციაში შესვლის შემდეგ შორაპნამდე ფუთი მადნის გადაზიდვის აღრინდელი ფასი იმთავითვე შემცირდა ჯერ სანახევროდ, ხოლო შემდეგ უფრო მეტად. ამის შესაბამისად მცირდებოდა ჩვენებური მარგანეცის თვითღირებულება, რითაც ხელი ეწყობოდა მისი საკონკურენციო ბრძოლისუნარიანობის ამაღლებას მადნის მსოფლიო ბაზრებზე. რკინიგზის კიათურის შტომ მთავრობის კოლონიური სატარიფო პოლიტიკის მიუხედავად, დადებითი გავლენა იქონია მარგანეცის მრეწველობის განვითარებაზე. მან მაინც ფრთები შეასხა აღრე სრულყოფილ სატრანსპორტო საშუალებას მოკლებულ კიათურის მრეწველობას, რომელმაც მალე შედარებით მძლავრი აღმავლობა განიცადა და მარგანეცის მადნის საერთაშორისო ბაზრებზე ჯეროვნად განიმტკიცა საკუთარი პოზიციები.

²¹ ЦГИАЛ, ф. 37, оп 72, д. 138, л. 48 об.

სამრეწველო აღმავლობა ჰიათურაში
(1895—1900 წწ.)

§ 1. უცხოური კაპიტალის შემოღობისა და აღვილობობის მრეწველოთა
გაერთიანებობის ჩამოყალიბებობის ახალი ცდებობი

XIX საუკუნის 90-იანი წლების მეორე ნახევარში ჰიათურის მარ-განეცის მრეწველობის ძლიერ დაწინაურებობის განმსაზღვრელ შინაგან თუ საგარეო ეკონომიურ ფაქტობრთა შობის საგანგებო მნიშვნელობა ჰქონდა ჰიათურის ვიწროლიანდაგიანი რკინიგზის მწყობრში ჩადგომას. ამიერიდან სამრეწველო რაიონი საიმედო სატრანსპობრტო საშუალებობით დაუკავშირდა ამიერკავკასიის რკინიგზის მაგისტრალურ ხაზს, საიდანაც ფობზე, აგრეთვე ბათუმზე გავლით, ჩვენებური მადანი დიდი რაოდენობობით გადიოდა მსოფლიო ბაზარზე, მცირე რაოდენობობით კი შიდა რუსეთში; მართალია, მთავრობამ ამ გზაზე უაღრესად მადალი ტარიფი დააწესა, რამაც შეზღუდა რკინიგზის შტოს მნიშვნელობა, მაგრამ რეგულარულმა სატრანსპობრტო საშუალებამ შედარებობით უფრო ხელსაყრელი პირობებობი შექმნა მრეწველობის მოცემული დარგის წინსვლისათვის. რკინიგზის შტოს გაყვანამ დასაბამი მისცა ახალ ეტაპსა და მძლავრ აღმავლობას ჰიათურის მარ-განეცის მრეწველობაში. მადნის გადაზიდვის შედარებობით ხელსაყრელი და საიმედო საშუალებობით უზრუნველყოფილი სამრეწველო დარგი ვითარდებობდა კაპიტალდაბანდებობათა თანდათანობი ზრდისა და წარმოების მატერიალურ-ტექნიკური ბაზის გაუმჯობესების საფუძველზე. ამ პროცესს მოცემულ პერიოდში, მეტადრე 90-იანი წლების დამლევს, ერთგვარად აჩქარებდა უცხოური სამრეწველო კაპიტალის მონაწილეობა წარმოებაში, რაც აქ უფრო შესამჩნევი გახდა ჰიათურაში რკინიგზის შესვლის დროიდან, რადგან „მას უცხოური კაპიტალიც მოჰყვება“¹.

¹ ს. წერეთელი. მარგანეცი და მისი მრეწველობა საქართველოში, გაზ „საქართველო“, 1920. 21 იანვარი, № 14.

ზემოთ დავინახეთ, რომ ადგილობრივ, აგრეთვე რუსულ კაპიტალთან ერთად, უცხოური კაპიტალი ჭიათურის მრეწველობაში ფეხის მოკიდებას ცდილობდა გასული საუკუნის 80-იან წლებშიც, როცა კაპიტალის ერთი დარგიდან მეორე დარგში, ერთი ქვეყნიდან მეორეში გადასროლა ეპოქის დამახასიათებელ თავისებურებად იქცა; მაგრამ, იმ დროს საქართველოს მარგანეცის მრეწველობაში უცხოური, ისევე როგორც რუსული კაპიტალი, ვერ დამკვიდრდა „...უქანასკნელ ხანს, — წერდა ვ. ი. ლენინი 1895—1896 წლებში, — უცხოელ კაპიტალისტებს განსაკუთრებული ხალისით გადმოაქვთ თავიანთი კაპიტალები რუსეთში, აშენებენ რუსეთში თავიანთი ქარხნებისა და ფაბრიკების განყოფილებებს და აარსებენ კომპანიებს რუსეთში ახალ საწარმოთა შესაქმნელად. ისინი ხარბად ეტანებიან ახალგაზრდა ქვეყანას, სადაც მთავრობა ისე კეთილმოწყალე და მასიამოვნებელია კაპიტალისა, როგორც არსად, სადაც ისინი ნაკლებ გაერთიანებულ და წინააღმდეგობის გაწევის ნაკლებუნარიან მუშებს ხვდებიან, ვიდრე დასავლეთში, სადაც მუშათა საარსებო დონე და, მაშასადამე, მათი ხელფასიც გაცილებით უფრო დაბალია და სადაც ამიტომ უცხოელ კაპიტალისტებს შეუძლიათ უდიდესი, თავიანთ სამშობლოში გაუგონარი მოგება მიიღონ“².

კოლონიურ მდგომარეობაში ჩაყენებულ საქართველოში უცხოური სამრეწველო კაპიტალის შემოჭრა განსაკუთრებით ძლიერ, როგორც ქვემოთ დავინახავთ, რამდენადმე მოგვიანებით მიმდინარეობდა, თუმცა ეს პროცესი 90-იან წლებშიც თვალსაჩინოა. უცხოური ფირმები: ფრანგული „დარკვეთი“, ინგლისური „გარდნერი“ და „კიტტელი და კომპანია“, გერმანული „შალკე“ და სხვ., უცხოელი კაპიტალისტები ბრალი, პანასიე, ემერიკი და სხვ., რომელთა უმრავლესობა ადრე უმთავრესად მადნის ექსპორტს ეწეოდა, თანდათან აფრათობენ თავის სამრეწველო საქმიანობას ჭიათურაში. ეს ფირმები და მრეწველები დიდ კაპიტალდაბანდებებს ეწეოდნენ მადნიანი ადგილების ხელში ჩასაგდებად და საბადოთა სამრეწველო ექსპლოატაციის მასშტაბის გასაფართოებლად. მათ შორის ფრანგულმა ფირმამ „დარკვეთმა“ ჭიათურაში 1 მილიონ მანეთზე მეტი კაპიტალი დააბანდა და მიადწია ყოველწლიურად 3 300 000 ფუთი გაუხვევებულ-გამდიდრებული მადნის დამზადებას; ინგლისურმა ფირმამ „კიტტელმა და კომპანიამ“ 200 000 მანეთამდე დააბანდა და მარგანეცის წარმოებაში თვალსაჩინო ადგილი დაიკავა; გერმანულმა ფირმამ „შალკე“ ასევე ფართო საწარმოო საქმიანობა წამოიწყო³, გუსტავ ემე-

² ვ. ი. ლენინი, თხზ., ტ. 2, გვ. 120.

³ ЦГИАЛ, ф. 37, оп. 55, д. 609, л. 48.

რიკმა იჯარით აიღო 9 საბადო ნაკვეთი პერევისაში, მღვიმევეში, შუქრუთსა და ზედა რგანში, სადაც მან 1899 წელს მოიპოვა 132 448 ფუთი, ხოლო 1900 წელს — 2 550 000 ფუთი მადანი. მანვე 1898 წლიდან 1902 წლის დამდეგამდე ჭიათურისაგან გაზიდა 9 200 000 ფუთი მადანი⁴. უცხოური კაპიტალის მოძალემა წარმოებაში ადგილობრივი კაპიტალის როლის შესუსტებას იწვევდა, ხოლო მადნის გასაღების სფეროში ხომ თავიდანვე უცხოური ფირმები ბატონობდნენ.

მოწინავე ქართველი საზოგადოებრიობა, ბუნებრივია, უარყოფითად ეკიდებოდა ჭიათურის მრეწველობაში უცხოელთა გაბატონების ცდებს და ხმას იმალლებდა წარმოებაში ადგილობრივ მრეწველთა ინტერესების დასაცავად. ამ მხრივ ნიშანდობლივია ერთი ქართველი ინტელიგენტის შეშფოთება მარგანეცის წარმოებაში შექმნილი ვითარების გამო. იგი წერდა: „სამწუხარო ისაა, რომ ამ ბუნების სიმდიდრეს ნაღებსა და კარაქს აცლიან უცხოელები, რკინიგზა და ფულიანები, მადნის პატრონებსა და მუშებს კი რჩებათ მხოლოდ უგემური წაქი“⁵.

უცხოური კაპიტალის მოძალემა წარმოებაში, რაც 1895 წლიდან გაძლიერდა, ქართველი მრეწველები, საამისო საბრუნავი კაპიტალის სიმცირის გამო, დაქსაქსულად ვერ უმკლავდებოდნენ. ამიტომ მათ, უფრო ორგანიზებულად, ვიდრე ადრე, დაიწყეს „ამხანაგობებში“ გაერთიანება, რითაც მიზნად ისახავდნენ სახსრებისა და შესაძლებლობის მობილიზაციასა და კონცენტრაციას მრეწველობაში გაბატონებული მდგომარეობის შესანარჩუნებლად, უცხოური კაპიტალის მოძალეების მოსაგერიებლად.

1895 წელს ჭიათურაში დაარსდა ადგილობრივ მრეწველთა ერთ-ერთი ასეთი გაერთიანება — „კავკასიის მარგანეცის ამხანაგობა“⁶.

მის შემადგენლობაში შევიდნენ 1894 წელს ჩამოყალიბებული „კავკასიის მარგანეცის სამრეწველო ამხანაგობის“ ზოგიერთი წევრებიც. ეს გასაგებია, მით უფრო, რომ „კავკასიის მარგანეცის სამრეწველო ამხანაგობა“, რომელიც თავის წევრთა მიერ, ერთმანეთისაგან დამოუკიდებლად მოპოვებული მადნის გასაღების საერთო ორგანიზაციით კმაყოფილდებოდა, არსებითად მხოლოდ სავაჭრო გაერთიანებას წარმოადგენდა, ხოლო „კავკასიის მარგანეცის ამხანაგობა“ უფრო სააქციო საზოგადოების ფორმის სამრეწველო-სავაჭრო გაერთიანება იყო. უკანასკნელი დაარსდა ექვსი წლით, ჭიათურის საბადოს „ექსპლოატაციისა და მოპოვებული მადნის გასაღებისათვის როგორც ქვეყნის

⁴ ЦГИАЛ, ф. 37, оп. 68, д. 152, л. 45.

⁵ კრებული აკაკისა, 1889, განყ. 1, № 10, გვ. 74.

⁶ ელ. ჭანიშვილი, დასახ. ნაშრომი, გვ. 187; ნ. ნიკოლაძის არქივი, საბუთი, 51/61.

„შიგნით, ისე უცხოეთში“. ამხანაგობის უმაღლესი ორგანო იყო წევრთა საერთო კრება, რომელიც ყოველწლიურად ერთხელ იწვეოდა.

ამხანაგობის რეგულარული განმგებელი იყო კრების მიერ არჩეული კომიტეტი, შემდგარი ხუთი წევრისა და ორი კანდიდატისაგან, ხოლო კომიტეტის მუშაობას ამოწმებდა ასევე კრების მიერ არჩეული კონტროლიორი. ამხანაგობის პირველმა კრებამ კომიტეტში აირჩია: ს. აბდუშელიშვილი, პ. მოსეშვილი, ე. რატიანი, ნ. ბეჟანიშვილი და ი. ქადაგიძე, ხოლო კონტროლიორად პ. წულუკიძე.

ამხანაგობის ძირითადი და საბრუნავი კაპიტალი თავდაპირველად მხოლოდ 5 ათას მანეთს უდრიდა, რაც შედგა ამხანაგობაში გაერთიანებულ მრეწველთა საწევრო გადასახადებისაგან. ეს თანხა ამხანაგობის ერთობლივი სამრეწველო საქმიანობის დასაფინანსებლად იყო განკუთვნილი. მაგრამ, მისი სიმცირის გამო ამხანაგობამ თვითუფლები უფლება დაუტოვა თავის საბადოში დამოუკიდებლად ეწარმოებინა მადნის მოპოვება. ამასთანავე ყოველ წევრს უფლება ჰქონდა და კიდევ ევალეზობდა ამხანაგობის საერთო საწყობებში ჩაებარებინა ყოველწლიურად 30 000-დან 300 000-მდე ფუთი მადანი, ხოლო თუ ის ჩაბარების მინიმუმს არ შეასრულებდა, ასეთ შემთხვევაში დანაკლისს, მისსავე მალაროში მოპოვებული მადნის ხარჯზე, ავსებდნენ ამხანაგობის სხვა წევრები. საწყობებში უხარისხო მადნის ჩაბარებისათვის ამხანაგობის წევრს ექვითებოდა მისი გაწმენდის ხარჯები. ამხანაგობის წევრი, რომელიც ხელშეკრულებას დაარღვევდა, შეიძლებოდა დაჯარიმებულიყო 1000 მანეთით.

ამრიგად, ჩანს, რომ ამხანაგობა უფრო სამრეწველო-სავაჭრო სააქციო საზოგადოების ტიპის გაერთიანების ცდაა. ამასთანავე ირკვევა, რომ საბრუნავი კაპიტალის სიმცირის გამო, მან ვერ შეძლო თავის წევრთა სამრეწველო საქმიანობის სრულად გაერთიანება და ამიტომ ისინი კოლექტიურადაც ეწეოდნენ მადნის მოპოვებას და ერთპიროვნულად, დაქსაქსულადაც განაგრძობდნენ თავთავის მალაროებში მუშაობას და მოპოვებული მადნის გარკვეულ რაოდენობას გასასაღებლად ამხანაგობას აბარებდნენ.

ასეთი გაერთიანებით ადგილობრივი მრეწველები მიზნად ისახავდნენ, ერთი მხრივ, ჭიათურაში უცხოური სამრეწველო კაპიტალის მოძალებისა და შემოკრის თავიდან აცილებას, ხოლო, მეორე მხრივ, მადნის უცხოელ შემსყიდველ-ექსპორტიორების მომგებიანი კომერციული საქმიანობის შეზღუდვას და ადგილობრივ ბაზარზე მათი ბატონობის აღაგმვას.

„კავკასიის მარგანეცის ამხანაგობა“ წარმოადგენდა სააქციო საზო-

გადოებისმაგვარ სამრეწველო-სავაჭრო გაერთიანებას, შემდგარს უმეტესად მხოლოდ ქართველ მრეწველთაგან.

იმდროინდელი რუსეთის მრეწველობის მრავალ დარგში მოქმედი ტიპური სამრეწველო-სავაჭრო სააქციო საზოგადოების ჩამოყალიბების ერთ-ერთ პირველ ცდას ქიათურაში ადგილი ჰქონდა 1898 წელს. ეს იყო „ფოთი-ქიათურის მარგანეცის — სამთოსამრეწველო და მეტალურგიული საზოგადოება“, რომლის დამაარსებლები იყვნენ: ი. საეტი, ი. გასფელდი, გ. რაფალოვიჩი, ლ. პერელმანი, ვალპერინი⁷.

სააქციო საზოგადოების წესდებიდან ჩანს, რომ ის ფართო მიზნებს ისახავდა. საზოგადოება არსდებოდა ქუთაისელ ვაჭარ ი. საეტის მიერ შორაპნის მაზრაში იჯარით აღებულ საბადოთა, ასევე სხვა პირთა კუთვნილი მადნიანი ადგილების საექსპლოატაციოდ. მარგანეცისა და რკინის მადნის მოსაპოვებლად, მადნეულობის გადასამუშავებლად, რკინის, ფერომარგანეცისა და სარკული თუჯის საწარმოებლად. საზოგადოება მიზნად ისახავდა სამთო და მეტალურგიული ქარხნების მშენებლობას, მოპოვებული და გადამუშავებული ნედლეულითა და პროდუქციით ვაჭრობას იმპერიაში და საზღვარგარეთ⁸.

ფინანსთა მინისტრმა ვიტემ 1899 წლის 19 მაისს დასახელებული სააქციო საზოგადოების დაარსების საკითხი წარადგინა მინისტრთა კომიტეტში განსახილველად და დასამტკიცებლად. მინისტრთა კომიტეტის მიერ მიღებული გადაწყვეტილება დასახელებული სააქციო საზოგადოების დაარსების თაობაზე ხელმწიფემ დაამტკიცა 1899 წლის 21 ივნისს, რის შემდეგაც სააქციო საზოგადოების დაარსებას დასტური მისცა მთავარმართებელმა სენატმა. ფინანსთა მინისტრმა მაშინვე აცნობა სააქციო საზოგადოების დამფუძნებელს მთავრობის მიერ მისი დამტკიცების შესახებ⁹. მაგრამ, ამ საზოგადოებამ ფართო საქმიანობა ვერ გაშალა და მისი წევრები ი. საეტი და ი. გასფელდი ერთპიროვნულად განაგრძობდნენ სამრეწველო საქმიანობას.

ასეთი იყო ქიათურაში სხვადასხვა სოციალური თუ ეროვნული წარმოშობის მეწარმეთა გაერთიანების, სააქციო საზოგადოებათა დაარსების ენერგიული, თუმცა არც თუ ისე წარმატებული ცდები მრეწველობის განვითარების განსახილველ პერიოდში, როცა ადგილობრივი მრეწველები უცხოური კაპიტალის მოძალების მოგერიებას მეწარმეობის ერთპიროვნული ფორმიდან კოლექტიურ ფორმაზე გადასვლით ესწრაფვოდნენ.

⁷ ЦГИАЛ, ф. 20, оп. 4, д. 4184. 1898—1902 гг., л. 40.

⁸ ЦГИАЛ, ф. 20, оп. 4, д. 4184. л. 43—64.

⁹ იქვე. ფურც. 64.

ჭიათურის რკინიგზის გაყვანის შემდეგ სამრეწველო რაიონში ადგილობრივი და უცხოური კაპიტალის მეტოქეობა და ურთიერთბო-ლა თანდათან მწვედებოდა. მარგანეცის მრეწველობაში ჩაბმულმა ეროვნულმა ბურჟუაზიამ უცხოური კაპიტალის მოძალების მოსაგე-რიებლად და საკუთარი პოზიციების განსამტკიცებლად გაერთიანება და თავისი წარმომადგენლობითი ორგანიზაციის დაარსება გადაწყვი-ტა. 1896 წლის 15 აპრილს, მთავრობის ნებართვით, ქ. ქუთაისში შედ-გა „შორაპნის მაზრის მარგანეცის მრეწველთა პირველი (დამფუძნე-ბელი) ყრილობა“, რომელმაც საფუძველი ჩაუყარა მრეწველთა წარ-მომადგენლობითი ორგანიზაციის დაარსებას. მისი დაარსება და ხან-გრძლივი საქმიანობა განხილული გვაქვს ქვემოთ (VII თავში). ქართ-ველ მრეწველთა წარმომადგენლობით ორგანიზაციაში შევიდნენ ჭია-თურის მარგანეცის მრეწველობასთან დაკავშირებული ზოგიერთი უც-ხოური სავაჭრო და სამრეწველო ფირმებიც, რომელთა მიზანს დაარ-სებული ორგანიზაციის დაქვემდებარება შეადგენდა. მრეწველთა ყრი-ლობა თავიდანვე ცდილობდა ადგილობრივ მეწარმეთათვის კრედი-ტის შოვნას, დაქსაქსულად მოქმედ ადგილობრივ მრეწველთა მტკიცე და ძლიერი სამრეწველო და სავაჭრო გაერთიანების შექმნას, მათ მიერ მოპოვებული მადნის მსოფლიო ბაზრებზე უშუალოდ, უცხოური სა-ვაჭრო კომპანიების უმეშვეოდ, გატანის ორგანიზებას; თუმცა, თავი-დანვე აშკარა გახდა, რომ ყრილობას არ ძალუძდა საბრუნავი კაპიტა-ლის სიმცირით ან კიდევ უქონლობით შევიწროებულ ადგილობრივ მეწარმეთათვის საიმედო მხარდაჭერა, მათი დაკრედიტება, ყრილო-ბისა და ხაზინისაგან კრედიტით ქმედით დახმარებას მოკლებული ად-გილობრივი, განსაკუთრებით წვრილი, აგრეთვე საშუალო მრეწველე-ბი კრედიტის მისაღებად კვლავაც ჭიათურის მრეწველობასთან დაკავ-შირებულ უცხოურ სავაჭრო-საექსპორტო ფირმებს მიმართავდნენ. ეს ფირმები მარგანეცის მადნის ადგილობრივ ბაზარზე თითქმის მონოპო-ლიურად ბატონობდნენ და სესხს თავისათვის მომგებიან პირობებში უხვად იძლეოდნენ. სესხებით დაკაბალებული ადგილობრივი მრეწვე-ლები დამკრედიტებელი უცხოური ფირმების ტყვეობაში ექცეოდნენ და იძულებული ხდებოდნენ მათთვის მეტისმეტად შეღავათიან ფასებში ჩაებარებინათ მადანი.

მეწარმეთა და მათი წარმომადგენლობითი ორგანიზაციის წინაშე წამოიჭრა უცხოელი კრედიტორების ტყვეობიდან გამოსვლისა და მად-

ნის უცხოელ შემსყიდველთა და ექსპორტიორთა შუამავლებისაგან ხსნის პრობლემა, რაც მხოლოდ იმ შემთხვევაში შეიძლებოდა გადაწყვეტილიყო თუკი ადგილობრივი მრეწველები „საიხედო“ კრედიტორს იპონენდნენ და საკუთარი ნაწარმით მსოფლიო ბაზარზეც უშუალოდ გავიდოდნენ და დამკვიდრდებოდნენ. ამ პრობლემის გადაწყვეტის და, მაშასადამე, თავისი მდგომარეობის გაუმჯობესების შესაძლებლობას მრეწველთა დიდი უმრავლესობა, ისევე როგორც მათი ყრილობა, კვლავ საკუთარ ძალთა და შესაძლებლობათა გაერთიანებაში და ერთ ან რამდენიმე ძლიერ უცხოურ ფირმასთან შედარებით მისაღები პირობებით შეკავშირებაში ხედავდა. მთავრობის ორგანოები, მათ შორის, ფინანსთა სამინისტრო, რომელიც ჭიათურის მრეწველობის წინსვლით მხოლოდ იმდენად იყო დაინტერესებული, რამდენადაც ის სახაზინო რკინიგზაზე ტვირთზიდვის ზრდას იწვევდა, მრეწველობის მოცემული დარგის პერსპექტივების დასახვისას მიუთითებდნენ „ყველა მრეწველის სინდიკატის ჩამოყალიბების აუცილებლობაზე“. გაერთიანებას უნდა აღმოეფხვრა ადგილობრივი კონკურენცია, უზრუნველყო მდინის ბაზარზე მტკიცე ფასების დაწესება¹. მრეწველთა ყრილობამ სცადა ერთპიროვნულად, დაქსაქსულად მოქმედ მეწარმეთა გაერთიანება.

ასე ჩაისახა „კავკასიის მარგანეცის მრეწველთა სინდიკატის“ დაარსების იდეა, რომლის თანახმად მრეწველები უნდა გაერთიანებულიყვნენ მადანზე მონოპოლიური ფასის დასაწესებლად, აგრეთვე რკინიგზის ტარიფის შესამცირებლად. ეს იდეა წამოაყენა მრეწველთა ყრილობის საბჭოს თავმჯდომარემ გ. ზდანოვიჩმა და საკითხი 1897 წლის მაისში განიხილა წარმომადგენლობითი ორგანიზაციის II საგანგებო ყრილობამ, რომელმაც სინდიკატის წესდების შესამუშავებლად გამოპყო კომისია (გ. ზდანოვიჩის თავმჯდომარეობით).

მარგანეცის მრეწველთა ამავე ყრილობამ, რომელმაც სინდიკატის დაარსების საკითხი წამოჭრა, მოითხოვა რკინიგზის ჭიათურის შტოზე ტარიფის შემცირება მხოლოდ სინდიკატის ტვირთისათვის. ამ მიზნით შედგენილ იქნა მრეწველთა ყრილობის საბჭოს შუამდგომლობა, რომელიც მოითხოვდა სინდიკატის ტვირთზე ტარიფის შემცირებას 3 კაპიკამდე და სხვა ტვირთზე ძველი ტარიფის დატოვებას. შუამდგომლობაში ამასთანავე ნათქვამია: „კარგი იქნება თუკი სამინისტრო ჭიათურის რკინიგზას გადასცემს სინდიკატს პირობითი იჯარით ან თვითონ აირჩევს რაიმე სხვა ფორმას სინდიკატის ტვირთზე ტარიფის შესამცირებლად“. შუამდგომლობის არსი ის არის, რომ ყრილობა მოითხოვს სინდიკატისათვის გარკვეული პრივილეგიის მინიჭებას. ყრილო-

¹ ЦГИАЛ, ф. 37, оп. 72, д. 138, л. 40.

ბის შუამდგომლობაში აღნიშნულია, რომ ის სინდიკატისათვის ამ პრივილეგიას მოითხოვს მხოლოდ „მარგანეცის მრეწველობის ინტერესებისათვის“²

II ყრილობის მიერ შედგენილმა კომისიამ შეიმუშავა მომავალი სინდიკატის წესდების პროექტი³, რომლის თანახმად სინდიკატში შესვლა შეეძლო ყველა მრეწველს ან მრეწველთა ჯგუფს, რომელიც ეწეოდა მარგანეცის მადნის მოპოვებას საკუთარ ან იჯარით აღებულ საბადოში (§ 2). სინდიკატიდან გაირიცხებოდა ყველა პირი, რომლებიც არ ფლობდნენ საკუთარ ან იჯარით აღებულ საბადოებს და მისდევდნენ მხოლოდ ვაჭრობას — მადნის შესყიდვა-გაყიდვას. სინდიკატში შესასვლელად მრეწველს რკინიგზის ბაქანზე თავდაპირველად უნდა ჰქონოდა 500 ათასი ფუთი მადანი, ხოლო შემდეგ ყოველწლიურად ბაქანზე უნდა ჩაებარებინა არა ნაკლებ 200 ათასი ფუთი მადნისა. წესდებით მადნის ყიდვა-გაყიდვა მარტო სინდიკატის წევრებს შორის დაიშვებოდა და ისიც მხოლოდ მადნის იმ ნაწილისა, რომელშიც ბეი აიღო სინდიკატის გამგეობამ და გათვალისწინებულია გასაზიდად (§ 3). სინდიკატის წევრებს ეკრძალებოდა თავისი ან სხვისი კუთვნილი მადნის ეკრძოდ გაყიდვა და ბეის აღება, ასევე გაყიდვის შესახებ გამგეობის უნებართვოდ განცხადების გაკეთება (§ 8). გამგეობა სინდიკატის სახელით ახორციელებდა ყველა ურთიერთობას მომხმარებელთან და აფორმებდა შეთანხმებებს.

სინდიკატის განკარგულებაში არსებული მადნის წლიური მარაგის წინასწარ გაყიდვისას გამგეობის მიერ მიღებული თანხა (ბეი) ნაწილდებოდა სინდიკატის წევრებს შორის.

სინდიკატის ყველა წევრის მიერ მოპოვებულ მადანზე წესდებოდა ერთიანი და ერთნაირი ფასები, რისთვისაც გამგეობა, ერთი მხრივ, ადგენდა წლის მანძილზე ჩაბარებული მადნის საერთო ფასს მისი მეტალურგიული შემცველობის გათვალისწინებით, ხოლო, მეორე მხრივ, ვნგარიშს ასწორებდა თავის წევრებთან არა მხოლოდ ჩაბარებული მადნის წონის მიხედვით, არამედ მასში მეტალის პროცენტული შემადგენლობის გათვალისწინებით.

პირველ წელს გამგეობას, საჭირო ოპერაციებისათვის, ბარდებოდა წევრთა მიერ ჩაბარებული მადნის 10%.

სინდიკატის გამგეობა უფლებამოსილი იყო შესაფერისი ხელშეკრულებები დაედო სხვა ქვეყნების მარგანეცის მრეწველებთან მადანზე საერთაშორისო ფასების დასაწესებლად⁴.

² «Новое обозрение», 1897. 5 декабря, № 4786; Отчет о деятельности Совета, избранного на II съезде марганецпромышленников. в. 133.

³ სსსა, ფონ. 417, ანაწ. 1, საქ. 361, ფურც. 200—210.

⁴ სსსა, ფონ. 417, ან. 1, საქ. 361, ფურც. 201.

სინდიკატი, როგორც ეს გარკვევით ჩანს წესდების პროექტიდან, აერთიანებდა მხოლოდ მრეწველებსა და მრეწველთა ჯგუფებს.

სინდიკატის წევრს ეკრძალებოდა ერთპიროვნულად, მის მუდმივ-მოქმედ ორგანოს — „გამგეობის“ — უნებართვოდ მადნის გასაღება. სინდიკატს ევალებოდა თავის წევრთა მიერ ჩაბარებულ მადანზე ერთიანი, ფაქტიურად მონოპოლიური, ფასის დაწესება და მისი გასაღების ცენტრალიზაცია და ორგანიზაცია.

სინდიკატი არ ერეოდა თავის წევრთა საწარმოო საქმიანობაში. ამდენად ის წარმოადგენდა სავაჭრო გაერთიანებას, რომელსაც მონოპოლიური მდგომარეობა უნდა მოეპოვებინა მადნის ადგილობრივ ბაზარზე და ასევე, თუკი ეს შესაძლებელი იქნებოდა, მონაწილეობა მიეღო საერთაშორისო ბაზრებზე მარგანეცის მადნის ფასის რეგულირებაშიც.

1897 წლის 3 ნოემბერს მრეწველთა ყრილობის საბჭომ სინდიკატის წესდების პროექტი და სინდიკატის ტვირთზე ტარიფის შემცირების შუამდგომლობა წარუდგინა ფინანსთა სამინისტროს, რომელმაც შუამდგომლობა განიხილა, ხოლო სინდიკატის წესდების პროექტი უყურადღებოდ დატოვა.

მარგანეცის მრეწველთა სინდიკატის დაარსების პირველი ცდა ამჯერად უშედეგოდ დამთავრდა. მრეწველთა ყრილობის საბჭო სინდიკატის ჩამოყალიბების ცდას შემდეგშიც განაგრძობდა. ეს გასაგებობაა, რადგან მოცემულ პერიოდში, როცა რუსეთში ობიექტური პირობები შეიქმნა „თავისუფალი კაპიტალიზმის“ მონოპოლისტურ კაპიტალიზმში გადაზრდისათვის, კოლონიურ მდგომარეობაში ჩაყენებული საქართველოს მრეწველობის მოცემულ დარგშიც შეინიშნებოდა მეტროპოლიაში მიმდინარე ღრმა ეკონომიური ძვრებისა და საერთაშორისო ეკონომიკის კონიუნქტურის გავლენა: ჩვენშიც შეიქმნა პირობები მსხვილ სავაჭრო-სამრეწველო გაერთიანებათა, სააქციო საზოგადოებათა და, კერძოდ, სინდიკატის ტიპის გაერთიანებათა ჩამოსაყალიბებლად. საქართველოს დამამუშავებელი და მოპოვებითი მრეწველობის წამყვან დარგებში სააქციო საზოგადოებანი უკვე შედარებით მრავლად არსებობდნენ. რუსეთისა და საქართველოს მრეწველობის 90-იანი წლების აღმავლობის ამ ერთ-ერთ დამახასიათებელ ნიშანთვისებას კარგად ამჩნევდნენ ეპოქის თანამედროვენი, როცა აღნიშნავდნენ:

„სინდიკატების საკითხი, როგორც ცნობილია, აინტერესებთ არა მარტო მარგანეცის მრეწველებს, არამედ სამამულო მრეწველობის სხვა დარგების წარმომადგენლებსაც“⁵.

⁵ «Новое обозрение», 1897, 20 декабря, № 4800.

მარგანეცის მრეწველობის აღმავლობა 1895—1900 წლებში მეწარმეთა რიცხვის თანდათან ზრდითაც ხასიათდება. ამ პროცესს ძლიერი ბიძგი მისცა ქიათურის რკინიგზის ექსპლოატაციაში შესვლამაც. ადრე, — წერდა 1900 წელს „კვალის“ ქიათურელი კორესპონდენტი გ. ბერიძე, — „როდესაც ჩვენი მამაპაპური ურემები ქიათურის რკინიგზის მაგივრობას ეწეოდა, შავი ქვის წარმოების დასაწყებად დიდძალი ფული იყო საჭირო, როგორც ადგილობრივ, ქიათურაში ქვის საყიდლად, ისე ზესტაფონს ჩატანილ ქვის დასახსნელად. უფულოდ მაშინ ძნელად თუ რაიმე საქმეს გააკეთებდით, ნდობით და ნისიობით კი შორ მანძილს ვერ გაივლიდით. ამიტომ, მაშინ შავი ქვის მწარმოებელნი, რაოდენობრივად, ბევრად ცოტანი იყვნენ, ვინემ დღეს არიან. ქიათურის რკინიგზის გაკეთებასთან ერთად არსებულმა გარემოებამაც იცვალა ფერი. უწინ ქვის დამზადება და მისი ზესტაფონში ურემებით გადატანა ბევრ ხარჯსა და შრომას ითხოვდა. რკინიგზამ... გააადვილა ქვის დამზადება-ჩამოტანა. წარმოება ...ყველასათვის ხელმისაწვდომი შეიქნა. ამისათვის დიდმა და პატარამ, ჩინიანმა და უჩინომ, ვაჭარმა და ხელოსანმა, ყველამ შავი ქვის წარმოება დაიწყო. ამრიგად, — დაასკენის გ. ბერიძე, — ქიათურელი მეწვრილმანე გინდა, თუ ხაბაზი, გაბმულია ობობას ქსელივით „საქმეში“ ...ამ რჯულის შავი ქვის მწარმოებელნი გამრავლდნენ უფრო მეტად ბოლო ხანებში, მას აქეთ, რაც ყვირილის ხეობაში იწყო ქშენა-წივილი ორთქლმავალმა“¹.

სხვადასხვა წარმოშობის წყაროები გვიდასტურებენ, რომ განსახილველ ხანაში „მწარმოებელთა რიცხვის გამრავლება“ ტენდენციად იქცა, თუმცა, მეტწილად კვლავ ნაკლებად შეძლებულ მეწარმეთა მომრავლების ხარჯზე. ეს იმიტომაც აიხსნება, რომ „წინეთ ცოტა ფულის პატრონს არ შეეძლო ზესტაფონის საწყობზე თავისი ხარჯით ქვის დაყრა და შემდეგ გაყიდვა; ქიათურაში კი ეს შესაძლებელი გახდა. ვინ გინდათ, რომ ქიათურაში თავისი საკუთარი საწყობი არ ჰქონდეს გამართული“². ადრე, ურკინიგზობისას, წვრილი მრეწველი თავისი ნაწარმით ქიათურას ვერ სცილდებოდა: რკინიგზის მთავარ მაგისტრალამდე მადნის გაზიდვა მას არ ძალუძდა, ხოლო ადგილზე გასაღება ძნელი და ნაკლებად მომგებიანიც იყო. რკინიგზის შტოს მწყობარში ჩადგომამ მოხსნა ეს სიძნელე და მრეწველს მადნის გასაღება უკვე შეეძლო ქიათურაში, სადაც რკინიგზას თან შეჰყვა მადნის მყიდველ-

¹ „კვალი“, 1900, №16, გვ. 274.
² „კვალი“, 1897, № 11, გვ. 229.

გადამყიდველები და უცხოელი შემსყიდველ-ექსპორტიორები. ამ გარემოებამ სტიმული მისცა წვრილ მეწარმეებს საქმიანობის გასაშლელად. ოკრუგის სამთო ინჟინერი ა. ცეიტლინი 1900 წელს აღნიშნავდა: „ჭიათურაში მუშაობას უდგებიან ყველა, როგორც შეძლების მქონენი, ისე ყოველგვარ შეძლებას მოკლებულნი“³. ნ. ნიკოლაძის მოწმობით, „თითქმის მთელ მოსახლეობას სურდა, რომ ყოფილიყო მარგანეცის მომპოვებელი“⁴. სამრეწველო რაიონში ვაჭრობასა და ალებ-მიცემობაში მრავალნაირად ჩაბმული გასფელდი მრეწველთა III ყრილობაზე (1900 წ.) წაკითხულ მოხსენებაში იუწყებოდა, რომ „საბადო მიწის მცირედი ნაკვეთის ყოველი მფლობელი თვითონ ოჯახით მუშაობს მადნის მოპოვებაზე და ნაწარმოებს საკუთარი ცხენით ეზიდება რკინიგზის ბაქნებამდე, სადაც ეძებს მის მყიდველს“⁵. კიტა აბაშიძე ასევე შენიშნავდა: „ჩვენთან მეწარმეთა უმრავლესობა წვრილი მრეწველებია, რომლებიც წარმოადგენენ უმაღლესი ტიპის მუშებს“⁶. მრეწველთა III ყრილობაზე გამოსულმა თითქმის ყველა მეწარმემ აღნიშნა წვრილ მეწარმეებელთა სიჭარბე მარგანეცის მრეწველობაში. ამ კატეგორიის საწარმოები, ყრილობის წევრთა შეფასებით, „უფრო კუსტარულ ხასიათს ატარებენ, ვიდრე კაპიტალისტურს“⁷. ჩვენ ვერ გავიზიარებთ წვრილ საწარმოთა რიცხობრივი სიჭარბისა და მათი ხასიათის ზემომოტანილ შეფასებას, ამავე დროს დასტურდება, რომ რკინიგზის ჭიათურის შტოს გაყვანის შემდეგ საბადოთა ათვისებას შეუდგა მრავალი წვრილი მრეწველი, მათ შორის საბადოთა მფლობელი გლეხები, რომლებიც ოჯახის წევრებთან, აგრეთვე დაქირავებულ მუშებთან ერთად მუშაობდნენ მალაროებში. წყაროები მეტყველებენ, რომ გასული საუკუნის დამლევს მარგანეცის მრეწველთა რიგები ახალი ნაკადით შეივსო.

სამრეწველო სტატისტიკის მანკიერების გამო შეუძლებელი ხდება მოცემულ ხანაში მეწარმეთა რიცხვის ყოველწლიური ზრდის ზუსტად დადგენა, რადგან მეწარმეთა სიები, როგორც ირკვევა, ყოველწლიურად არ დგებოდა, რის გამო გაუთვალისწინებელი რჩებოდა ამა თუ იმ წელს წარმოებაში მოსული ან წასული მეწარმეები. განსახილველ პერიოდში, ჩვენს ხელთ არსებული საბუთების მოწმობით, მარტო 1899 წელს შედგა ეს სიები, ხოლო დანარჩენი წლების შესაფერისი მონა-

³ Труды III съезда марганцепромышленников, К., 1901, гл. 38.

⁴ Н. Николадзе, Кавказское марганцевое самоуправление, СПб, 1910, с. 18.

⁵ Труды III съезда... гл. 124.

⁶ Труды VI съезда марганцепромышленников... К., 1904, гл. 39—40.

⁷ Труды III съезда марганцепромышленников... К., 1901, гл. 19—20.

ცემების წარმოსადგენად მხოლოდ ზოგადი სტატისტიკური ცნობები არსებობს, რასაც საკითხის ყველა მკვლევარი უკრიტიკოდ იყენებს. ზემოთ ვნახეთ, რომ 1894 წელს მარგანეცის მრეწველთა სიაში ირიცხებოდა 239 მრეწველი (თუმცა ზოგიერთი მეწარმე, რომელიც რამდენიმე ადგილას ეწეოდა მადნის მოპოვებას, რამდენჯერმეა მოხსენებული)⁸, სტატისტიკის ზოგადი ცნობით 1895 წელს მარგანეცის მრეწველთა რიცხვია მხოლოდ 78, 1896 წელს — 291, 1897 წელს — 380—400, 1898 წელს — 177—182⁹. 1899 წელს მარგანეცის მრეწველთა ორი, ერთმანეთისაგან განსხვავებული სია შედგა. მათ შორის ერთში (რაც სტატისტიკურ კრებულშია გამოქვეყნებული) 291 მეწარმე ირიცხება¹⁰, ხოლო მეორეში (რომელიც ნ. ნიკოლაძის არქივშია დაცული) — 313¹¹. სინამდვილეში სწორია პირველი ცნობა. 1900 წელს კი სტატისტიკური კრებულის ზოგადი ჩვენებით მარგანეცის მრეწველთა რიცხვია 377¹². თუ ამ მონაცემებს მთლიანობაში განვიხილავთ და, კიათურის რკინიგზის გაყვანის შედეგად, მარგანეცის მრეწველთა რიცხობრივი ზრდის დამადასტურებელ, ჩვენ მიერ ზემოთ მოტანილ მოსაზრებებსაც გავითვალისწინებთ, თვალში გვეცემა მეწარმეთა რიცხვის აშკარა სიმცირე 1895 წელს როგორც წინა (1894), ისე მომდევნო (1896) წელთან შედარებით (1894 წ. — 291, მომდევნო 1895 წ. — 78, ხოლო 1966 წ. — 291). ანგარიშს ვუწევთ იმასაც, რომ 1894, აგრეთვე 1896 წელთნ შედარებით, 1895 წელს მადნის მოპოვების მასშტაბი საგრძნობლად შემცირდა; ამის მიუხედავად, ყველა ჩვენს ხელთ არსებული მონაცემისა და მარგანეცის მრეწველობის საერთო მდგომარეობის გათვალისწინებას იმ ვარაუდამდე მივყავართ, რომ 1895 წელს მრეწველთა რიცხვი მხოლოდ 78 არ შეიძლებოდა ყოფილიყო. ამ ვარაუდს ერთგვარ დამაჭერებლობას მატებს ცნობა, რომელიც გვაუწყებს, რომ 1895 წელს, სამთო ოკრუგის ინჟინრის განკარგულებით,

⁸ ЦГИАЛ, ф. 37, оп. 67, д. 954, л. 12—26.

⁹ იხ. Статистика марганцевого дела, К., 1902, გვ. 26; ЦГИАМ, ф. 1157, оп. 1, д. 53, л. 19—20; ЦГИАЛ, ф. 37, оп. 67, д. 954, л. 1.

¹⁰ «Список лиц, занимавшихся добычей марганцевой руды в 1899 году» (იხ. Труды III съезда марганцепромышленников... К., 1901, Приложение II; ასევე: Статистика марганцевого дела, К., 1900; (Приложение № 2, გვ. 1—12).

¹¹ «Общий список лицам, занимавшимся добычей... марганцевых руд в 1899 году» (იხ. სსრ საჩარო ბიბლიოთეკა, ნ. ნიკოლაძის არქივი, საბუთი 51/93.

¹² იხ. Статистика марганцевого дела, К., 1907, стр. 21; ЦГИАЛ ф. 37, оп. 67, д. 954, л. 1. ზოგიერთი წყაროს მოწმობით 1900 წელს კიათურაში 400 მრეწველია, რაც ჩვენი დაკვირვებით, სტატისტიკის მიერ ზუსტი მონაცემის დამრგვალების შედეგია.

საბადოთა სამრეწველო ექსპლოატაციის უფლებას კარგავდა „ყველა მრეწველი, რომლებიც არ წარმოადგენენ სამთო სამმართველოს მიერ მოცემულ ნებართვას“¹³. ადვილი შესაძლებელია, რომ 1895 წელს მეწარმეებად მხოლოდ ისინი ჩაეთვალოთ, ვისაც საამისო ნებართვა გააჩნდა. გასათვალისწინებელია ისიც, რომ „მარგანეცის საქმის სტატისტიკაში“ უხეში შეცდომები და „Вранные данные“¹⁴, ისედაც მრავლადაა. ამ შენიშვნის გაკეთების შემდეგ ჩვენ თავს ნებას მივცემთ შედარებისათვის მაინც გამოვიყენოთ 1895 წლის შესახები ზემოთ მოტანილი სათუო მონაცემები.

შესასწავლი ხანის ზოგიერთი წლის უტყუარი მონაცემები გვიდასტურებენ ჭიათურაში მარგანეცის ადგილობრივ მრეწველთა, მათ ამხანაგობათა და უცხოურ ფირმათა რიცხვის გაზრდას.

მრეწველთა რიცხვის ზრდისა და წარმოებაში სხვადასხვა კატეგორიის მეწარმეთა ხვედრითი წონის საილუსტრაციო ზოგად სტატისტიკურ მონაცემებზე დაკვირვებისას უნდა გავიხსენოთ, რომ რევოლუციამდელი სტატისტიკა, ასევე საკითხის მთელი ამჟამინდელი სპეციალური სამეცნიერო ლიტერატურა, მარგანეცის მრეწველებს, მარტო-მარტო მათ მიერ მოპოვებული მადნის ოდენობის გათვალისწინებით, სამ კატეგორიად (წვრილ, საშუალო და მსხვილ მრეწველებად) ყოფს. მოცემული ნიშნის მიხედვით სამივე კატეგორიის მრეწველთა და მათ მიერ დაქირავებულ სამთო მუშათა რიცხვის, ასევე თითოეული კატეგორიის მრეწველთა მიერ მოპოვებული მადნის აბსოლუტური და შეფარდებითი ოდენობის თანაფარდობა ჭიათურის მარგანეცის მრეწველობაში, ჩვენთვის საინტერესო პერიოდში დაახლოებით ასეთია (იხ. ცხრილი 1, გვ. 149).

ცხრილის მონაცემები მოწმობენ, რომ განსახილველ პერიოდში წვრილ მეწარმეთა აბსოლუტური რიცხვი იზრდება, ხოლო მათი შეფარდებითი რაოდენობა მრეწველთა საერთო მასაში კლებულობს. წვრილ მეწარმეთა მიერ დაქირავებულ სამთო მუშათა რიცხვი შედარებით უმნიშვნელოა და მათი შეფარდებითი რაოდენობა კლებულობს. წვრილ მეწარმეთა ხვედრი მადნის საერთო მოპოვებაში ასევე უმნიშვნელოა.

საშუალო მრეწველთა აბსოლუტური რაოდენობა თვალსაჩინოდ იზრდება, შეფარდებითი კი ნაკლებად. იზრდება მოცემული კატეგორიის მეწარმეთა მიერ დასაქმებულ მუშათა აბსოლუტური და შეფარდებითი რაოდენობა. საშუალო მრეწველებზე მოდის მადნის საერთო მოპოვების 47—53%.

¹³ ЦГИАМ, ф. 1157, оп. 1, д. 53, л. 21.

¹⁴ Н. Николадзе, Кавказское марганцевое самоуправление, СПб, 1910, 23. 15.

საქართველოს მრეწველობის მდგომარეობა 1900 წელს

მრეწველობის სახეობა	1895			1899			1900											
	მრეწველთა და ფირმათა რიცხვი	დაქირავებულ სამთო მუშათა რიცხვი	მოქმედების მართვის რაოდენობა	მრეწველთა და ფირმათა რიცხვი	დაქირავებულ სამთო მუშათა რიცხვი	მოქმედების მართვის რაოდენობა	მრეწველთა და ფირმათა რიცხვი	დაქირავებულ სამთო მუშათა რიცხვი	მოქმედების მართვის რაოდენობა									
	საყიდველი	საყიდველი	საყიდველი	საყიდველი	საყიდველი	საყიდველი	საყიდველი	საყიდველი	საყიდველი									
I	78,21	536	19,8	1430,3	20,14	187	64,94	686	21	7866,012	23,10	248	65,6	640	17,3	6997,7	17,34	
II	15	19,23	1268	47,9	3407,0	47,9	92	31,62	1704	52	17347,474	50,95	118	31,3	1981	53,5	21578,94	53,46
III	2	2,56	883	32,3	2371,3	32,96	10	3,44	902	27	8836,474	25,95	11	3,1	1081	27,2	11786,4	27,20
სულ	78	100	2667	100	72086	100	291	100	3292	100	34,052	100	377	100	3702	100	40363,5	100

საქართველოს მრეწველობის განვითარების მდგომარეობის შესახებ მონაცემები: ფ. მაზარაძე, თბ., ტ. II, ტფ., 1925, გვ. 55-56; В. А. Тухолка, железные и марганцевые руды (см. Богатства СССР. Под ред. А. Ф. Арского, М.—Л., 1925); ჰ. გუგუშვილი, საქართველოს მრეწველობის განვითარება საქართველოს საკრებულოს საკრებულოში, 1941, გვ. 265; 6. ტყემულაშვილი, ნარკვევები საქართველოს მრეწველობის ისტორიიდან, 1958, გვ. 22; ვ. კანაშვილი, მანგანუმის მრეწველობის განვითარება საქართველოში... 1960, გვ. 177; წყაროები: Статистика марганцевого дела, К. 1902, გვ. 26; Статистика марганцевого дела. К. 1907, გვ. 21; Обзор Кутаанской губернии за 1896 год. К. 1897, Обзор Кутаанской губернии за 1908 г. К. 1399, Кавказский календарь на 1901 год, Тифл. 1900; Труды III съезда марганцеромышленников, К. 1901; ЦГИАМ, ф. 1157, оп. I. д. 53. л. 21; ЦГИАМ, ф. 37, оп. 67. д. 14-554, л. 1, 12-26.

როგორც ვხედავთ, საშუალო მრეწველებმა მოცემულ პერიოდში თავიდანვე თვალსაჩინო ადგილი დაიმკვიდრეს და ის წარმატებით შეინარჩუნეს.

სტატისტიკამ 1895 წელს ჰიათურაში მხოლოდ ორი მსხვილი მრეწველი აღრიცხა, მაშინ როცა მათი რიცხვი წინა (1894) წელს დაახლოებით 17 მაინც იყო. სტატისტიკა მსხვილ მრეწველთა კატეგორიაში მხოლოდ საქვეყნოდ ცნობილ ფირმებს აქცევდა. 1899 წელს სტატისტიკური ბიუროს ცნობით 10 მსხვილი მრეწველია, ხოლო 1900 წელს — 11. რკინიგზის ჰიათურის შტოს გაყვანის შემდეგ აქ მოვიდნენ მძლავრი უცხოური ფირმებიც (ფრანგული — „დარკვეთი“, ინგლისური — „კიტტელი და კომპანია“, გერმანული — „შალკე“ და სხვ). მსხვილ მრეწველთა აბსოლუტური და შეფარდებითი რაოდენობა მრეწველთა საერთო მასაში მაინც მცირეა; ამასთანავე შედარებით დიდია მათი ხვედრითი წონა მრეწველობაში. სტატისტიკის მონაცემების თანახმად მსხვილ მრეწველებზე მოდიოდა სამრეწველო რაიონის სამთო მუშათა საერთო რიცხვისა და მადნის საერთო მოპოვების მესამედი, ან თითქმის მესამედი.

თუ რაოდენ უმნიშვნელო იყო წვრილ მეწარმეთა მონაწილეობა მადნის მოპოვებაში, საშუალო და მსხვილ მეწარმეებთან შედარებით, ამას უფრო მკაფიოდ გვიჩვენებს სხვადასხვა შესაძლებლობის მრეწველთა მიერ მოპოვებული მადნის აბსოლუტური რაოდენობის უფრო დეტალური ურთიერთშედარება, რაც 1899 წელს ასეთ სურათს წარმოგიდგენს:

ცხრილი 2

მადნის მოპოვების ოდენობა (ფუთობით)	მრეწველთა რიცხვი	მოპოვებულ იქნა სულ (ფუთობით)
900—დან— 1 000—მდე	1	900
1 000 " — 10 000 "	29	148 225
10 000 " — 20 000 "	24	327 077
20 000 " — 30 000 "	21	501 508
30 000 " — 40 000 "	24	795 070
40 000 " — 50 000 "	14	605 650
50 000 " — 60 000 "	12	668 478
60 000 " — 70 000 "	22	1 21 918
70 000 " — 80 000 "	14	1 039 900
80 000 " — 90 000 "	17	1 427 820
90 000 " — 100 000 "	11	1 02 750
100 000 " — 200 000 "	62	8 30 962
200 000 " — 300 000 "	16	3 700 023
300 000 " — 400 000 "	10	3 329 00
400 000 " — 500 000 "	4	1 800 500
500 000 " — 1 მილიონამდე და მეტი	10	8 786 919
სულ	271	34 107 714

თუ ამ მონაცემებს რამდენადმე დავამრგვალებთ და ოფიციალური სტატისტიკის მიერ შემუშავებული პრინციპის მიხედვით სხვადასხვა კატეგორიის მეწარმეებზე გავანაწილებთ, მივიღებთ: 1) 1899 წელს 900 ფუთიდან 50 ათას ფუთამდე მადანი მოიპოვა 113 მრეწველმა. მათ დაამზადეს სულ 2 382 232 ფუთი. 50 ათასიდან 100 ათას ფუთამდე მადანი მოიპოვა 76 მრეწველმა, რომელთა საერთო მოპოვებამ შეადგინა 5 385 866 ფუთი. ამრიგად, 189 წერილმა მეწარმემ 8 მილიონ ფუთზე ნაკლები მოიპოვა, რაც საერთო მოპოვების მხოლოდ 23% შეადგენს.

2) იმავე წელს 100 ათასი ფუთიდან 200 ათას ფუთამდე მადანი მოიპოვა 62 მრეწველმა. მათ წილად მოვიდა სულ 8 575 926 ფუთი, ხოლო 30-მა მრეწველმა, რომელთაც თითოეულად 200 ათასიდან 500 ათასამდე ფუთი მოიპოვეს, დაამზადა 8 830 423. ამრიგად, 92 საშუალო მრეწველმა სულ მოიპოვა 17 მილიონ ფუთზე მეტი, ანუ მთელი საერთო მოპოვების 50%-ზე მეტი.

3) 10-მა მსხვილმა მრეწველმა, 500 ათას ფუთზე მეტის მოპოვებით, დაამზადა თითქმის 9 მილიონი ფუთი მადანი, ანუ საერთო მოპოვების 25%-ზე მეტი.

ზემომოტანილი მონაცემები სტატისტიკის მიერ შემოღებული, ჩვენი აზრით, მცდარი პრინციპის მიხედვითაა დაჯგუფებული, რის გამოც მარგანეცის მრეწველობაში სხვადასხვა კატეგორიის ანუ მასშტაბის საწარმოთა ხვედრითი წონის ზუსტად განსაზღვრის საშუალებას არ იძლევა. ეს მონაცემები რამდენადმე გაზვიადებულად წარმოგვიდგენენ წვირულ და საშუალო სამთო საწარმოთა საქმიანობის მასშტაბს, ხოლო მსხვილ საწარმოებს შემცირებული სახით გვიჩვენებენ. ასე მაგალითად, სტატისტიკოსთა შეფასებით 1899 წელს ჰიათურაში მხოლოდ 10 მრეწველს გააჩნია მსხვილი სამთო საწარმო. სინამდვილეში მათი რიცხვი ორჯერ მეტი მაინც იყო. ამ დროს, როგორც ეს კარგად ჩანს მარგანეცის მრეწველთა 1899 წლის სიიდან, სადაც თითოეული საწარმოს პროდუქციის ოდენობაა ნაჩვენები, ადგილობრივთაგან მსხვილი მრეწველებია: ი. აბდუშელიშვილი, პ. წულუკიძე, კ. გურული, ყ. და ბ. ჩაჩანიძეები, ფ. წერეთელი, დ. კაკაბაძე, ს. წერეთელი, ს. აბესაძე, ძმ. ოგანეზოვები, რომელთა შორის თითოეულმა მოიპოვა 500 ათას ფუთზე მეტი მადანი¹⁶. ასევე მსხვილი მეწარმეებია: ო. ჩაჩანიძე, ნ. ბეჟანიშვილი, დ. ბურჯანაძე (გ. თაბაგართან ერთად), ვ. წერეთელი, 1899 წელს თითოეულმა მათგანმა მოიპოვა 400 ათასიდან

¹⁶ იხ. მრეწველთა სია, Труды III съезда марганцепромышленников, К., 1901, Приложение II; Статистика марганцевого дела, К., 1900, приложение, XI, გვ. 1—12.

500 ათას ფუთამდე მადანი, ხოლო 300 ათასიდან 400 ათას ფუთამდე მოპოვეს გ. ჩუბინიძემ, ს. გამყრელიძემ (მ. კაციასთან ერთად), ო. ჩაჩანიძემ, დ. ბაქრაძემ (ა. ლლონტთან და ვ. ვაშაძესთან ერთად), ი. კაკაბაძემ (ნ. კაკაბაძესთან ერთად), ნ. ლოლობერიძემ, ა. ხამაშურიძემ. გ. ბრეგვაძემ, ჯ. იაშვილმა, ს. გუგუშვილმა (თ. მარგველაშვილთან ერთად) და პ. მოსეშვილმა. 1899 წელს უცხოელებიდან მსხვილი მრეწველია გ. ემერიკი, ხოლო 1900 წლიდან უკვე 7 უცხოური სამრეწველო ფირმაა ქიათურაში¹⁷. მათ შორის თავისი საქმიანობის მასშტაბით გამოირჩევა „დარკვეთი“, „იქტელი და კომპანია“, „შალკე“, პანასიე, ბრალი, ემერიკი.

წარმოებაში მსხვილი კაპიტალის შემოჭრის და მისი ზრდის მაჩვენებელია აგრეთვე თითოეული მრეწველის მიერ მადნის საშუალო წლიური მოპოვების ზრდა, რაც მოცემული ხანის ქიათურის მრეწველობაში არც თუ ისე ძნელი შესამჩნევია. ასე მაგალითად, საშუალოდ ყოველ მრეწველზე მოდიოდა მოპოვებული მადანი¹⁸:

წელი	ოდენობა (ფუთობით)
1895	91 026
1899	117 018
1900	100 908

მოტანილ მონაცემებზე დაკვირვებისას გასათვალისწინებელია ის, რომ 1899 და მეტადრე 1900 წელს წარმოებას წვრილ მეწარმეთა საკმაოდ მრავალრიცხოვანი მასა მოაწყდა და მათი მონაწილეობა მადნის საერთო მოპოვებაში უმნიშვნელო იყო. ამის მიუხედავად თითოეული მრეწველის საშუალო წლიური მოპოვების ზრდა მაინც შესამჩნევია..

წვრილ მეწარმეთა პოზიციები თანდათან სუსტდება. ისინი განაგრძობენ მადნის მოპოვებას, მაგრამ იძულებული არიან გაასაღონ ადგილზევე — ქიათურის რკინიგზის ბაქნებზე, სადაც მას იძენენ შედარებით შეძლებული მეწარმენი ან ექსპორტიორები. ამ მხრივ საყურადღებოა, რომ რამდენიმე ასეული მეწარმიდან და ათამდე ექსპორტიორიდან ქიათურის რკინიგზით მადანს 1895 წელს აგზავნის მხოლოდ 53 საქმოსანი, 1897 წელს — 53, 1898 წელს — 62, 1899 წელს — 39, ხოლო 1900 წელს — 53¹⁹. წვრილი სამთო სარეწავები მსხვილ საწარმოთა ერთგვარ დანამატად იქცევიან. მრეწველობის გამსხვილების

¹⁷ Труды III съезда... Приложение II, გვ. 25.

¹⁸ Статистика марганцевого дела, К. 1902, გვ. 26.

¹⁹ Труды III съезда... გვ. 12—19.

პროცესი, რაც გასული საუკუნის დამლევებიდან წამოიწყო და თანდათან გარბმავდა, ბიძგს აძლევდა და აჩქარებდა წარმოების მატერიალურ-ტექნიკურ აღჭურვას, შრომის ინტენსიფიკაციას, იწვევდა მუშათა ექსპლოატაციის გაძლიერებას, შრომის ნაყოფიერების ზრდას. ყოველივე ეს იყო წარმოებაში მსხვილი კაპიტალის დამკვიდრების შედეგი და წარმოების კონცენტრაციის შემდგომი გაძლიერების წინამძღვარიც.

მარგანეცის მრეწველობაში უცხოური სამრეწველო კაპიტალის თანდათან შემოჭრის მიუხედავად, ადგილობრივი კაპიტალი გასული საუკუნის დამლევს მაინც ინარჩუნებს გადამწყვეტ პოზიციებს. ამ დროს მარგანეცის მრეწველთა ეროვნული და სოციალური შემადგენლობა კვლავ სხვადასხვაობით ხასიათდება. მრეწველთა 1899 წლის სიაზე დაკვირვება მოწმობს, რომ ამ წელს 291 მრეწველიდან 270 ქართველია, ხოლო 21 სხვა ეროვნებისა (სომეხი — 11, ბერძენი — 3, გერმანელი — 3, ფრანგი — 2, ინგლისელი — 1 და ებრაელი — 1)²⁰, ე. ი. ქართველებია 93,5%, ხოლო სხვა ეროვნებისა — 6,5%. რაც შეეხება მრეწველთა სოციალურ შემადგენლობას, დაბეჭითებით შეიძლება ითქვას, რომ წვრილ მეწარმეთა დიდი უმრავლესობა გლეხებია, რომელთა ერთი ნაწილი საბადოთა მფლობელიცაა, ხოლო მეორე მოიჯარადრეა. საშუალო, აგრეთვე მსხვილ მეწარმეთა შორის არიან გლეხები, თუმცა მათი უმრავლესობა თავადაზნაურობისა და ვაჭართა წრიდან არიან გამოსული. ამასთანავე ვაჭართა წრიდან გამოსულებს შორის ზოგიერთი მრეწველი გლეხური წარმოშობისაა. მსხვილ მრეწველებს შორის, როგორც ითქვა, იყვნენ უცხოური (ფრანგული, ინგლისური, გერმანული) ფირმები. ჩვენი დაკვირვებით 270 ქართველი მრეწველიდან თავადაზნაურობიდანაა 110, ანუ 40,7%, ხოლო გლეხობიდან 160, ანუ 59,3%.



სამრეწველო ბურჟუაზიის რიგების შევსებასა და სხვადასხვა კატეგორიის მეწარმეთა თანაფარდობაში მომხდარ ცვლილებებზე დაკვირვებამ დაგვანახვა, რომ ქიათურის მარგანეცის მრეწველობის მოცემულ ეტაპზე მრეწველთა საერთო რიცხვი გაიზარდა. წვრილ მეწარმეებელთა რიცხვი იზრდებოდა, მაგრამ მათი ხვედრითი წონა და მნიშვნელობა წარმოებაში მცირდებოდა. საშუალო მრეწველთა აბსოლუტური რაოდენობა და, განსაკუთრებით, მათი ხვედრითი წონა და რო-

²⁰ იხ. მრეწველთა სია (Труды III съезда... Приложениѣ 2).

ლი იზრდებოდა. მსხვილ მრეწველთა რიცხვი ძლიერ არ გაზრდილა, ამის მიუხედავად მათ საწარმოებზე მოდიოდა სამთო მუშათა საერთო რიცხვის ასევე მოპოვებული მადნის საერთო ოდენობის მესამედამდე.

აღებული პერიოდის კიათურის მრეწველობაში დაქირავებულ სამთო მუშების რიცხვისა და მოპოვებული მადნის რაოდენობის სიდიდით პირველ ადგილზეა საშუალო მრეწველები, მეორეზე — მსხვილი, ხოლო მესამე ანუ უკანასკნელ ადგილზე — წვრილი მრეწველები. მსხვილ მრეწველთა რიგებს 1900 წლისათვის უკვე შედარებით მძლავრი უცხოური ფირმებიც შეემატა. სხვადასხვა კატეგორიის მეწარმეთა თანაფარდობაში მომხდარი ძვრები, წარმოების კონცენტრაციის ტენდენციის ერთგვარი გამოხატულება და მოწმობაა. ამ ტენდენციამ გარკვეული კანონზომიერი პროცესის სახე მიიღო და იმდენად შესამჩნევი გახდა, რომ იმდროინდელი ქართველი საზოგადოების ფართო წრეების მსჯელობის საგნად იქცა. მოცემულ პერიოდში საერთაშორისო ბაზრებზე მადნის ფასის დაქვეითებისდაკვალად ჩვენებური მადნის ექსპორტიორთა მიერ ადგილობრივ ბაზარზე ფასების დაწევის შესახებ, ასევე მსხვილ მრეწველთა მხრივ წვრილი მრეწველების შევიწროების თაობაზე „კვალი“ 1900 წელს სწორად აღნიშნავდა: „1896 — 1900 წლები არის ხანა შავი ქვის ფასების დაწევისა მსოფლიო ბაზარზე. რამდენადაც ფასი ეცემოდა, იმდენად... ექსპორტიორები (გამტანნი) მადნის ფასს უკლებდნენ, მაშასადამე მრეწველნი, განსაკუთრებით წვრილნი, იძულებული ხდებოდნენ... თავისი საქონელი თანდათან იათად გაეყიდათ... ამ სახით კიათურის წარმოება ხელში ჩაიგდეს შეძლებულმა მრეწველებმა და ტვირთად დააწვენ დანარჩენთ. წვრილი მწარმოებლებისათვის საქირო იყო კრედიტი, რომ შეძლებოდა მოცდა მანამდის, სანამ ის ხელსაყრელად დაინახავდა საქონლის გაყიდვას. საქირო იყო მარგანეცის მადნის საწყობი ადგილები (პლატფორმები) რკინიგზასთან ახლოს, რომ შესაძლებელი გამხდარიყო გასაყიდი მადნის გაჩერება იმდენ ხანს, რამდენ ხანსაც პატრონი მოისურვებდა; საქირო იყო უცხოეთის ბაზართან დაახლოება, რომ შუა-კაცები თავიდან მოეშორებია. მაგრამ წვრილ მწარმოებელს კრედიტი არ გააჩნდა, პლატფორმები ცოტა იყო, უცხოეთის ბაზრები გარეშეთა ხელში იყო. წვრილი მრეწველის მდგომარეობა ასეთ პირობებში გამოუვალი იყო“²¹.

გასული საუკუნის 90-იანი წლების მეორე ნახევრიდან კიათურაში გზას იკაფავს მრეწველობის შემდგომი განვითარების კანონზომიერი პროცესი, — წვრილ (გლებურ) სარეწავებს თანდათან ავიწროებს

²¹ „კვალი“, 1900, № 41, გვ. 645.

შედარებით მსხვილი სამრეწველო კაპიტალი, საფუძველი ეყრება მრეწველობის თანდათან გადასვლას მანუფაქტურული სტადიიდან განვითარების უმაღლეს — ქარხნულ — ინდუსტრიულ — სტადიაზე. მოცემული პროცესის გაღრმავების ბაზაზე მიმდინარეობდა სამრეწველო რაიონის მუშათა კლასის ჩამოყალიბება.

§ 4. მუშათა რიგების შექმნა და მდგომარეობა

1895 — 1900 წლების სამრეწველო აღმავლობა, როგორც დავინახეთ, არ იყო სწორხაზობრივი. მარგანეცის მრეწველობაში მომხდარი ცვლილებანი, ბუნებრივია, იმთავითვე აისახებოდა მუშათა რიცხვის შესაბამის ზრდა-შემცირებაშიც.

სამრეწველო სტატისტიკა, როგორც ვიცით, მხოლოდ სამთო მუშათა რიცხვის მიახლოებით ამსახველ ცნობებს შეიცავს. ეს ცნობები ასეთია¹:

წელი	სამთო მუშათა რიცხვი
1875	2 687
1896	2 081
1897	1 571
1898	1 245
1899	3 292
1900	3 702

როგორც ვხედავთ, განსახილველ პერიოდში, 1896 — 1897 წლების გამოკლებით, როცა წარმოებამ დროებით დაქვეითება განიცადა, სამთო მუშათა რიცხვი იზრდებოდა. ამავე დროს, როგორც ზემოთ, სხვადასხვა კატეგორიის სამთო საწარმოებში დაქირავებული მუშახელის აბსოლუტურ რაოდენობაზე და პროცენტულ თანაშეფარდებაზე დაკვირვებამ დაგვანახა, სამთო მუშათა ძირითადი მასა თანდათან უფრო იყრიდა თავს საშუალო და მსხვილ საწარმოებში. ეს გარემოება, სამრეწველო რაიონში სამთო მუშათა კონცენტრაციის ზრდასთან ერთად, მუშათა კონცენტრაციის მაჩვენებელია, რაც, თავის მხრივ, წარმოების კონცენტრაციის მოწმობაა, მით უმეტეს, რომ როგორც ვ. ი. ლენინი მიუთითებს, „...წარმოების კონცენტრაცია გაცილებით უფრო ძლიერია, ვიდრე მუშების კონცენტრაცია, რადგან მსხვილ წარმოებაში შრომა ბევრად უფრო ნაყოფიერია“². ამაზე მეტყველებს

¹ ცნობები იხ. Статистика марганцевого дела, К., 1907, გვ. 37; Обзор Кутаинской губернии за 1896 год, К., 1897, გვ. 30; Обзор Кутаинской губернии за 1897 год, К., 1898, გვ. 30; Кавказский календарь на 1901 год, Тиф., 1900, გვ. 81.

² ვ. ი. ლენინი, თხზ., ტ. 22, გვ. 242.

თითოეული მუშის საშუალო წლიური წარმადობის ზრდა მდინის მოპოვებაში:

წელი	ერთი მუშის საშუალო წლიური მოპოვება (ფუთობით)
1895	2 682
1896	5 696
1897	8 778
1898	13 059
1899	10 478
1900	10 903

სამთო მუშის საშუალო წლიური წარმადობა იზრდება ყოველწლიურად, გარდა 1899 წლისა, როცა ის წინა წელთან შედარებით 19,78%-ით შემცირდა. აღსანიშნავია, რომ ეს წარმადობა 1895 წელთან შედარებით 1898 წელს გაზრდილია თითქმის ხუთჯერ, ხოლო 1900 წელს — ოთხჯერ. შრომის ნაყოფიერების ზრდას, მუშათა, ასევე წარმოების კონცენტრაციასთან ერთად, ხელს უწყობდა მრეწველობის მატერიალურ-ტექნიკური ბაზის გარკვეული გაუმჯობესება, შრომის პროცესის ინტენსიფიკაცია, მუშის ექსპლოატაციის გაძლიერება, მუშის მიერ საწარმოო ჩვევებისა და გამოცდილების გამომუშავება. ყველა ეს ფაქტორი მეტ-ნაკლები ზომით ბიძგს აძლევდა შრომის მწარმოებლურობის ზრდას. ამიტომ ცდებიან სტატისტიკოსები, როცა ამტკიცებენ, რომ კიათურის მარგანეცის მრეწველობაში სამთო მუშის საშუალო წლიური წარმადობის ზრდა თითქოსდა «Должен быть объяснен исключительно приобретением ими большего навыка и умения ориентироваться при производстве горных работ»³.

ამ მოსაზრებას ისინი თვითონვე აბათილებენ, როცა აღიარებენ მსხვილ საწარმოებში მუშის შრომის ნაყოფიერების გაცილებით უფრო სწრაფ ზრდას, ვიდრე წვრილ საწარმოებში, როცა ისინი კონკრეტულად მიუთითებენ, რომ, მაგალითად, „დარკვეთის საზოგადოებამ“ ამას მიაღწია «...благодаря рациональной постановке вопроса».

³ Статистика марганцевого дела, К., 1902, გვ. 42; В. Л. Тухолка, Железные и марганцевые руды... გვ. 75. აქვე უნდა შევნიშნოთ, რომ სამხრეთ რუსეთის მარგანეცის მრეწველობაში (ეკატერინოსლავის გუბერნია — ნიკოპოლი) 1900 წელს ერთი მუშის საშუალო წლიურმა მოპოვებამ შეადგინა, 13 488 ფუთი (Статистика марганцевого дела, 1902, გვ. 43).

⁴ • ქ ვ ბ, გვ. 43.

სამრეწველო სტატისტიკა, სამწუხაროდ, გასული საუკუნის 90-იანი წლების მეორე ნახევარშიც არ აღრიცხავდა მრეწველობის დამხმარე დარგების (სამუშაო იარაღების მკეთებელი და შემკეთებელი სარეწები, სამთო გამონამუშევრების გასამაგრებელი ხე-ტყის დამამუშავებელი, ასევე სამშენებლო საწარმოები), აგრეთვე მალაროებიდან რკინიგზამდე მდნის გადაზიდველი (ჩალვადარი, მეურმე) და რკინიგზის შტოს სადგურებზე მტვირთავი მუშახელის რაოდენობას. ამ ხარვეზს 1900 წლისთვის ერთგვარად ავსებს ადგილობრივი პოლიციის ბოქაულის ცნობა, რომლის თანახმად, სამრეწველო რაიონში არსებობდა 70 სხვადასხვა სახელოსნო, სადაც მუშაობდა 500-მდე მუშა. იმავე ცნობით ქიათურის რკინიგზის შტოს სადგურებზე მტვირთავ მუშათა რიცხვი 280 კაცს შეადგენდა, ხოლო მალაროებიდან რკინიგზის სადგურზე მდნის საქაპანო და სასაპალნე ტრანსპორტით გადაზიდველთა რიცხვი 3 600 კაცს აღწევდა⁵. მართალია, მოტანილი მონაცემების სანდოობის შესამოწმებლად სხვა საამისო პირდაპირი წყარო არ გავაჩნია, მაგრამ მათს სისწორეს გარკვეულად ადასტურებს ქიათურის მრეწველთა საბჭოს თავმჯდომარე გ. ზდანოვიჩი, რომელიც 1900 წელს მრეწველთა III ყრილობაზე აღნიშნავდა, რომ მდნის გადაზიდველთა რიცხვი სამრეწველო რაიონში სამთო მუშათა რიცხვს უტოლდებაო⁶. ამგვარად, ყველა ცნობის გათვალისწინებით გამოდის, რომ 1900 წელს სამრეწველო რაიონში (სამთო მუშებია 3 702, სხვადასხვა სახელოსნოთა 500-მდე, რკინიგზის შტოს სადგურებზე მდნის მტვირთავები — 280, ხოლო მდნის საქაპანო და სასაპალნე ტრანსპორტით გადაზიდველნი — 3 600) სულ არის დაახლოებით 8082 მუშა.

სამრეწველო აღმავლობას ქიათურაში თან მოყვა მუშათა რიგების ახალი შეესება. მუშათა კონტინგენტის შეესების მთავარ წყაროს კვლავ საქართველოს, მეტადრე დასავლეთ საქართველოს და განსაკუთრებით ზემო იმერეთის ღარიბი გლეხობა შეადგენდა. ის ივსებოდა აგრეთვე სხვა ეროვნების (რუსები, სომხები, ოსები, ბერძნები, სპარსელები, თურქები) მშრომელთა ხარჯზეც. სამუშაო ძალის კონტინგენტის შეესების ერთ-ერთ წყაროსაც მუშათა ოჯახების წევრები შეადგენდნენ. ამ მხრივ საყურადღებოა ერთი ცნობა, რომელიც

⁵ Сборник сведений о Кутаисской губернии, К., 1901, гл. 23.

⁶ იხ. Труды III съезда... марганцепромышленников, К., 1901, гл. 10.

გვაუწყებს, რომ „სამთო მუშათა ოჯახის წევრები თითქმის მთლიანად ებმებიან სამრეწველო საქმიანობაში“⁷.

თავის ჩასახვა-განვითარების აღრინდელ პერიოდში ჭიათურის მარგანეცის მრეწველობა მნიშვნელოვანწილად სეზონური იყო და ამიტომ კადრის მუშათა კონტინგენტი შედარებით ნელი ტემპით იზრდებოდა, ხოლო განსახილველ პერიოდში მრეწველობამ ინტენსიური ხასიათი მიიღო და მუშათა რიგების შევსებაც არსებითად განუწყვეტლივ და უფრო სწრაფად მიმდინარეობდა. კადრის მუშათა ძირითად მასას ქართველები შეადგენდნენ, ხოლო სეზონურ მუშათა შორის შედარებით ბევრი იყო ოსები, სომხები, ანატოლიელი ბერძნები, სპარსელები და თურქები. ადგილობრივი მუდმივი სამთო მუშები, იშვიათ გამონაკლისთა გარდა, სოფელთან კვლავაც კავშირში იყვნენ. მათი ოჯახები სოფლად სახლობდნენ და თავთავის მეურნეობას ინარჩუნებდნენ. მუშის ოჯახის საარსებო წყაროს წარმოადგენდა წარმოებიდან მიღებული ქირა და მცირედი მეურნეობის შემოსავალი. სოფელთან კავშირის შენარჩუნება კიდევ მეტად იყო დამახასიათებელი მრეწველობის დამხმარე საწარმოთა და მადნის გადამზიდველი ადგილობრივი, აგრეთვე მოსული მუშების დიდი ნაწილისათვის, მით უმეტეს, რომ მაღაროებიდან რკინიგზის სადგურებამდე მადნის გადამზიდველნი, ამ სამუშაოს რამდენადმე სეზონურობის გამო, ასევე თვით (საქაპანო და სასაპალნე) სატრანსპორტო საშუალების შესანარჩუნებლად სოფელთან იყო მიჯაჭვული.

ჭიათურის რკინიგზის მწყობრში ჩადგომამ ბიძგი მისცა მრეწველობის წინსვლას, მისი მატერიალურ-ტექნიკური აღჭურვის გაუმჯობესებას, თუმცა, ტექნიკური სიახლეების დანერგვა გასული საუკუნის 90-იანი წლების მეორე ნახევარში ძლიერ ფართოდ ვერ წარიმართა. მრეწველობაში და მის დამხმარე დარგებში საწარმოო პროცესის ინდუსტრიულ ყაიდაზე გარდაქმნა შედარებით ნელი ტემპით მიმდინარეობდა და წარმოებაში მუშახელის განლაგებაში ცვლილება ასევე ნელა იჩენდა თავს. სამთო მუშები კვლავ იყოფოდნენ სამ ძირითად კატეგორიად: პირველს შეადგენდნენ მნგრეველნი — მიწისქვეშა სამთო გამონამუშევრების გამყვანნი და მადნის გამომნგრეველ-დამამზადებელნი; მეორეს — მადნის გამომზიდველნი — მაღაროში დამზადებული მადნის მცირე „ვაგონებში“ დამტვირთველნი და ზედაპირზე მათი გამომგორებელნი; მესამეს — ზედაპირზე გამოზიდული მადნის გამრჩევე-გადამხარისხებელნი. სამუშაო იარაღების, გამონამუშევრების გამაგრების, მათი განათებისა და ვენტილაციის გაუმჯობე-

⁷ Сборник сведений о Кутаисской губернии, К., 1901, гл. 24.

სებას ფართო ხასიათი არ მიუღია და წარმოებაში ძირფესვიანი გარდატეხა არ გამოუწვევია. მუშათა შრომის პირობები კვლავ ცუდი იყო, ხოლო ხელფასი დაბალი. ყველაზე მძიმე შრომას მადნის მგრეველი მუშა ეწეოდა და მისი დღიური ხელფასი 1 მანეთიდან 1,5 მანეთამდე აღწევდა, მაღაროდან მადნის გამომზიდველისა 70 კაპიკიდან 1 მანეთამდე, დამხარისხებლისა 60 კაპიკიდან 80 კაპიკამდე⁸. არასრულსაკოვანთა და ქალთა შრომა გამოყენებული იყო მხოლოდ საბადოს ზედაპირზე გამოზიდული მადნის გარჩევა-დახარისხებაში⁹. მცირეწლოვანთა დღიური ხელფასი 10 კაპიკიდან 40 კაპიკამდე აღწევდა, მოზარდთა—60-დან 80 კაპიკამდე, ქალთა — 40-დან 70 კაპიკამდე. სხვადასხვა კატეგორიის, ასაკისა და სქესის მუშათა ხელფასის შესახებ ჩვენ მიერ მოტანილი მონაცემები პირობითია. საქმე იმაშია, რომ ჭიათურის მრეწველობაში, ბაქოს ნავთობისა და სამხრეთ რუსეთის სამთო მრეწველობისაგან განსხვავებით, თითქმის არ არსებობდა მუშათა დღიური და თვიური დაქირავეების სისტემა¹⁰. აქ კვლავ მუშათა ნარდად დაქირაება იყო გავრცელებული. ამიტომ სამთო მუშათა დღიური ხელფასი წყაროებში გაანგარიშებულია იმისდა მიხედვით, თუ რა უწევდა საშუალოდ დღეში ნარდად დაქირაებულ მუშას.

ამასთანავე მუშის ხელფასი არ იყო და არც შეიძლებოდა ყოფილიყო სტაბილური. მეწარმეთა დიდი ნაწილი, რომელთაც წარმოებაში ტექნიკურ სიახლეთა დანერგვა არ ძალუძდათ, მოგების ნორმის გადიდებას მეტწილად მუშის ხელფასის შემცირებით აღწევდნენ. ისინი ამ შემთხვევაში თავს იმით „იმართლებდნენ“, რომ მაღაროდან რკინიგზამდე მადნის გადაზიდვა ძვირია და სარკინიგზო ტარიფიც მაღალიაო. ასეთ ვითარებაში, — ვკითხულობთ მრეწველთა II ყრილობის მიერ ტარიფის შემცირების თაობაზე აღძრულ შუამდგომლობაში, — „მარგანეცის მრეწველს მხოლოდ მუშათა ხელფასის შემცირების წყალობით შეუძლია საქმის გაგრძელება, ამიტომ ხელფასი უკანასკნელ ხანს საგრძნობლად მცირდება“¹¹. მუშების ხელფასის შემცირებას ჭიათურის მრეწველობაში აღიარებდა გ. ზდანოვიჩი, რომელიც რკინიგზის დეპარტამენტის დირექტორისადმი 1898 წელს გაგზავნილ ბარათში წერდა: «Благодаря... падению цен на марганец за границей, спрос на рабочие руки уменьшается сравни-

⁸ Статистика марганцевого дела. К., 1902, гл. 38—40.

⁹ ანონი, როგორც ცნობილია, კრძალავდა ქალის შრომას მაღაროში (იხ. Труды IX и X съездов... марганцепромышленников. გვ. 227).

¹⁰ Труды III съезда... марганцепромышленников, гл. 19.

¹¹ ЦГИАЛ, ф. 37, оп. 65, д. 2766, 1898—1899 гг., л. 17 об.

ტელნი ს გროადნიმ პრედლოჟენიემ, ობუსლოენნიმ უპადკომ სელსკოგო ხოზაჟსთვა ვ... გუბერნიი და ოტსუტსთვიემ კაკიხ-ლიბო ინიხ ზარბოტკოვ ნა მესთე. ვ რეზულთათე — ნეობიკნოენნიე და პოსთო-ჟიინიე იზ გოდა ვ გოდ პადენიე ცენ ნა რაბოჩიე რუკნი»¹² ამრიგად, ჩანს, მუშათა ხელფასი ჭიათურაში განუხრელად მცირდებოდა, რასაც თვით მრეწველებიც აღიარებდნენ.

სამთო მუშათა ნარდად დაჭირავების ორი ერთმანეთის მსგავსი ფორმა დამკვიდრდა. მრეწველსა და მუშას შორის წინასწარი მორიგება ხდებოდა. მის თანახმად მუშა ლებულობდა განსაზღვრულ თანხას ყოველ კვ. საყენ მადანში, ან ყოველ ფუთ მოპოვებულ მადანში. ასეთი გარიგება ჭიათურის მარგანეცის მრეწველობაში მუშახელის დაჭირავების სპეციფიკას წარმოადგენდა, რითაც ის განსჯევედებოდა რუსეთის სამთამადნო მრეწველობის ყველა სხვა დარგისაგან¹³.

მუშახელის დაჭირავების ასეთი სისტემის შედეგად, ჭიათურის მარგანეცის მრეწველთა ყრილობის აღიარებით, მუშები აქ ხელფასით „ნაკლებად“ იყვნენ „უზრუნველყოფილი, ვიდრე რუსეთის სხვა სამთო საწარმოებში“¹⁴.

ნარდად დაჭირავებულ მუშათა საერთო მასაში სჭარბობდნენ ე.წ. „მეფუთეები“, რომლებიც ყოველ ფუთ მოპოვებულ, გაწმენდილ და რკინიგზის შტოს ბაქნებზე ჩაბარებულ მადანში ლებულობდნენ (მოპოვებისა და გადაზიდვის პირობების, აგრეთვე მადნის ხარისხის გათვალისწინებით) 2 კაპიკიდან 3,5 კაპიკამდე. მეფუთე მუშის საშუალო დღიური ხელფასი 80 კაპიკიდან 1 მანეთამდე აღწევდა. მუშათა დაჭირავების ასეთი სისტემა ადრეც არსებობდა, თუმცა მან გასული საუკუნის 90-იანი წლებისათვის უპირატესი მნიშვნელობა და გავრცელება მოიპოვა¹⁵.

მოცემულ პერიოდში სამთო მუშათა უმრავლესობა „მეფუთეები“ა. ამ კატეგორიის მუშები ცალ-ცალკე და გაერთიანებული ძალებითაც ეწეოდნენ სამუშაოებს. საშუალო და მეტადრე მსხვილ საწარმოებში, სადაც შრომის დანაწილება თავიდანვე შორს იყო წასული, ისინი გაერთიანებული ძალებით (არტელები) მოქმედებდნენ, ხოლო წვირლ (გლუხურ) სამთო სარეწავებში — განცალკევებულად, ან რამდენიმე მუშა ერთად. 1895 წლიდან ჭიათურის სამრეწველო რაიონში თანდათან გაძლიერდა მუშათა გაერთიანების — „არტელეების“ — ჩამოყალიბება. ისინი აერთიანებდნენ 20-დან 100-მდე მუშას¹⁶.

¹² ЦГИАЛ, ф. 37, оп. 65, д. 2766, л. 20.

¹³ Труды III съезда марганцепромышленников, гв. 20.

¹⁴ იქვე.

¹⁵ В. Л. Тухолка, Железные и марганцевые руды.. гв. 67.

¹⁶ ЦГИАМ, ф. 1157, оп. 1, д. 79, л. 211.

შრომის სანარდო სისტემისათვის ჰიათურაში დამახასიათებელი იყო აგრეთვე მეწარმეთა უზრუნველობა მუშათა შრომისა და საყოფაცხოვრებო პირობების გაუმჯობესებაზე. ამ მიმართულებით სამრეწველო რაიონში 1900 წლამდე არსებითი არაფერი გაკეთებულა.

სამთო მუშათა შრომის პირობები არა თუ გაუმჯობესდა, არამედ უფრო მძიმე გახდა სამთო გამონამუშევრების უფრო დიდ სიღრმეში შუქრის შედეგად. მრეწველებიდან იშვიათად თუ ვინმე ზრუნავდა სამთო გამონამუშევრების საიმედოდ გამაგრებაზე, მუშაობის უსაფრთხოების წესების დაცვაზე. ყოველივე ამას გულგრილად უყურებდა სამთო უწყება, რომელსაც ზედამხედველობა ევალებოდა. ამის გამო „კვალი“ 1897 წელს წერდა: „მეტად ცუდი წარმოებაა მადნებში „...მთავრობამ დააყენა შტეიგერები და ინჟინრები, რომ ყურადღება მიექციათ მადნების უწყესრიგო მუშაობაზე, მაგრამ აღარც მერე დაეტყო გაუმჯობესება მუშაობას, ვინაიდან მათი მიზნობა (უნდა ვიფიქროთ, მათი მოსყიდვა! — გ. მ.) თითოეულმა ადვილად მოახერხა და მუშაობა მადნის ისევე და ისევე მიდის ჩვეულებრივად“¹⁷. ასეთ პირობებში მალაროებში ხშირი იყო უბედური შემთხვევები, რის მსხვერპლიც მეტწილად მალაროელი მუშები ხდებოდნენ. ჩვენ ხელთა გვაქვს ზოგიერთი უბედური შემთხვევის ადგილზევე გამოკვლევის შედეგების ამსახველი უწყისი, საიდანაც ჩანს, რომ 1895 — 1900 წლებში მომხდარი უბედური შემთხვევებიდან 34 აღუწერია სამთო ოკრუგის ინჟინერს¹⁸. უწყისი საგულისხმო ცნობებს შეიცავს სამთო მუშათა შრომის პირობების დასახასიათებლად. უწყისზე დაკვირვება მოწმობს, რომ 1895 — 1900 წლებში მომხდარი 34 უბედური შემთხვევიდან 33 მოხდა სამთო გამონამუშევრებში ზემოდან ფენების ჩამოშლა-ჩამონგრევით¹⁹. ყველა ამ შემთხვევისას დაილუპნენ ან დაშავდნენ მადნის გამომნგრეველი მუშები. უბედური შემთხვევები ხდებოდა არა მარტო წვრილ მეწარმეთა მალაროებში, სადაც სამთო გამონამუშევრების გამაგრება თითქმის არ ხდებოდა, არამედ შედარებით მსხვილ საწარმოებშიც, სადაც შრომის უსაფრთხოების წესების დაცვას მცირეოდენი ყურადღება მაინც ექცეოდა. ასე მაგალითად, 1899 წელს გუსტავ ემერიკის მალაროში, ზედა რგანში, ფენების ჩამონგრევის შედეგად ძლიერ დაშავდა მუშა მუსტაფა ახმედ-ოღლი, ხოლო 1900 წელს მისსავე მალაროში, შუქრუთში, ფენების ჩამონგრევის შედეგად ორივე ფეხი მძიმედ დაუშავდა მუშა ა. გაფრინდაშვილს. ორივე შემთხვევა ადგილზე შეამოწმა სამთო

¹⁷ „კვალი“, 1897, № 37, გვ. 671.

¹⁸ უწყისი იხ. ЦГИАЛ, ф. 37, оп. 75, д. 69, л. 1—57.

¹⁹ იქვე.

ოკრუგის ინჟინერმა ცეიტლინმა, რომლის დასკვნით პირველი შემთხვევისას არავინ იყო დამნაშავე²⁰, მეორე კი მოხდა მუშის გაუფრთხილებლობითა და მალაროს ადმინისტრაციის დაუდევრობით. მსხვილი მრეწველის ნ. ლოლობერიძის მალაროში, მღვიმეში, 1896 წელს ფენის ჩამონგრევის შედეგად დაშავდა მუშა ზ. გურული, ხოლო 1898 წელს მის მალაროში, ზედა რგანში, ჩამონგრეულმა ფენამ გაჰყლიტა მუშა ო. მოღებაძე. ინჟ. ცეიტლინის დასკვნით, პირველი შემთხვევა მოხდა სამთო გამონამუშევრის ძველი სამაგრის ახლით შეცვლისას²¹. მეორე შემთხვევაში დამნაშავე იყო მალაროს გამგე ს. ყიფშიძე, რომელიც არ ეწეოდა გამონამუშევრების გამაგრებას²². მსხვილი მეწარმის პ. წულუკიძის მალაროში, ზედა რგანში, 1897 წელს, მიწის ჩამონგრევის შედეგად დაიღუპა მუშა დ. ხეცუტია-ნი, ხოლო 1900 წელს მისსავე მალაროში, მღვიმეში, იმავე მიზეზით დაიღუპა მუშა გ. კურცაძე. ორივე შემთხვევაში დამნაშავედ მალაროს გამგე იქნა მიჩნეული²³. მსხვილი მრეწველის ს. წერეთლის მალაროში, მღვიმეში, კვირას მუშაობისას, ზემოდან ფენების ჩამონგრევამ ძლიერ დააშავა მუშა გ. კენჭოშვილი. სამთო ინჟინრის დასკვნით, ეს გამოიწვია გამონამუშევრების გაუმაგრებლობამ, რაშიც ბრალი მიუძღვოდა მრეწველს²⁴. ნ. და ი. კაკაბაძეების მალაროში, ზედა რგანში, ასეთივე მიზეზის გამო დაიღუპა მუშა ქ. არზიევი²⁵. იმავე ი. კაკაბაძის მალაროში მძიმედ დაშავდა მუშა ი. მაჭარაშვილი. ამასთან დაკავშირებით სამთო ინჟ. ცეიტლინი დაასკვნია: „დამნაშავეა მალაროს მფლობელი, რომელიც ზომებს არ იღებს მუშაობის სწორი და უსაფრთხო წარმოებისათვის“²⁶.

მრეწველ ო. ჩაჩანიძის მალაროში, შუქრუთში, 1895 წელს დასვენებისას მუშას ს. ოსმან-ოღლის ჩამონგრევა გამონამუშევრის „ჭერი“ და მძიმედ დაშავდა. ი. და ნ. კაკაბაძეების მალაროში, ზედა რგანში, 1897 წელს ფენების ჩამონგრევის შედეგად ძლიერ დაშავდა მუშა ზ. თუთისანი, რის გამო პასუხისმგებლობა დაეკისრა მალაროს მფლობელს²⁷. მეწარმე ფ. დარჩიას მალაროში, მღვიმეში, 1899 წელს, დაიღუპა მუშა დ. მიროტაძე, ხოლო 1900 წელს ასევე გამონამუშევარში ფე-

²⁰ ЦГИАЛ, ф. 37, оп. 75, д. 69, л. 15.

²¹ იქვე, ფურც. 13, 35, 7.

²² იქვე, ფურც. 34.

²³ იქვე, ფურც. 28, 53.

²⁴ იქვე, ფურც. 27.

²⁵ იქვე, ფურც. 2.

²⁶ იქვე, ფურც. 32.

²⁷ იქვე, ფურც. 50.

ნის ჩამონგრევის შედეგად ტვინის შერყევა მიიღო მუშამ ნ. რობაქი-
ძემ²⁸. ასევე შედარებით მსხვილი მეწარმის ნ. გაფრინდაშვილის
მალაროში, შუქრუთში, 1899 წელს დაიღუპა ს. ტყემალაძე. მისი
მიზეზის გამოკვლევამაც ცხადყო, რომ „შტოლნი, სადაც სამთო
გამონამუშევრების სიგანე 2,5 საეენს აღწევს, ხოლო სიმაღლე 1
საეენს, სრულებით არაა გამაგრებული“²⁹, რის გამო ბრალი დაედო
მრეწველს. საყურადღებოა ისიც, რომ წერილი მრეწველი მ. ბრეგვა-
ძე, რომელსაც საბადო ჰქონდა ზედა რვანში, თავის მალაროში
მუშაობისას ჩამონგრეულმა ფენამ გაჭყლიტა. ამის გამო სამთო ინჟ-
ციტლინი დაასკენიდა: რადგან დაღუპული თვითონ იყო საბადოს
მფლობელი, უბედური შემთხვევა მისსავე დანაშაულად უნდა ჩაით-
ვალოს³⁰. იყო შემთხვევები, როცა სამთო გამონამუშევრების გაუმაგ-
რებლობის შედეგად ერთდროულად ორი მუშა დაიღუპა ან დაშავ-
და³¹. უბედურ შემთხვევათა ზემოთ აღნიშნული მაგალითები იმაზე
მეტყველებს, რომ მუშათა დაღუპვასა და დაშავებას იწვევდა სამთო
გამონამუშევრების გაუმაგრებლობა ან კიდევ ცუდად გამაგრება,
შრომის უსაფრთხოების წესების დაუცველობა.

მუშათა შრომის პირობებთან ერთად, 1900 წლამდე მოუწყობელი
იყო მათი საბინაო პირობები. იშვიათად თუ სადმე აიგო მუშათა საც-
ხოვრებელი ბარაკები. საბადოებში არ იყო მუშათა სასადილოები და
ფარდულები. ასევე ცოტა რამ გაკეთდა მუშათა სანიტარულ-ჰიგიენუ-
რი პირობებისა და მათი კულტურული მომსახურების უზრუნველ-
საყოფად. სამრეწველო რაიონში თავმოყრილი დიდძალი დაქირავე-
ბული მუშახელის აუტანელი საყოფაცხოვრებო პირობები მკაფიო-
დაა დახასიათებული იმდროინდელ ქართულ პრესაში, განსაკუთრე-
ბით გაზეთ „კვალში“, რომელიც 1899 წელს წერდა: „უმრავლესობა
მუშებისა უსახლკარო და უბინაო არის, სადაც შემოალამდება იქ
იძინებს. შემადრწუნებელი სანახავია ზამთარ-ზაფხულ ერთ და იმავე
ძონძებში გახვეულნი, გამურულნი, გაყვითლებულნი და ზეზე ჩა-
მომხმარი მუშები. იმათ საზრდოს ერთადერთი მშრალი პური და ხმე-
ლი მარილიანი ოსური ყველი შეადგენს, ხშირად მარტო პურითაც
იოლად მიდიან; სადილისათვის ვერ მოუტლიათ, რომ მოსვენებით ჭა-
მონ; ხშირად შეხვდებით მუშას, რომელიც მუხლამდე ტალახში ან
მტვერში ცხენს მისდევს, ცალ ხელში სახრე უჭირავს, მეორე ხელში
კი პური და გზამივე მიიჭამს. პური ისეა გამურული შავი-ქვისგან.“

²⁸ ЦГИАЛ, ф. 37, оп. 75. д. 69. л. 30, 44.

²⁹ იქვე, ფურც. 51.

³⁰ იქვე, ფურც. 4.

³¹ იქვე, ფურც. 6, 20, 42, 43.

რომ პირველ შეხედვაზე მიწა გეგონებათ. ამ ყოფაში არიან ქვის გა-
დამტანი მუშები.

არა უკეთეს მდგომარეობაში არიან გვირაბში მომუშავენი, თუ არ
მივიღებთ მხედველობაში ორიოდ კარავს, რომელიც გვირაბებთან
არის გაშენებული. გვირაბში მომუშავენიც უბინაოთ არიან და გვირაბ-
შივე ცხოვრობენ დღითაც და ღამითაც სინათლეს და სუფთა ჰაერს
შოკლებულნი³². „კვალი“ 1900 წელსაც, ასევე სწორად ახასიათებდა
მუშათა არაადამიანურ საყოფაცხოვრებო პირობებს, როცა იუწყებო-
და: „... გვირაბში მომუშავეთა საცხოვრებელ სახლს შეადგენს ისევ
გვირაბი, ჩალვადრისათვის თავლა, მეურმისათვის მინდორი... ზოლო
თუ ასში ერთს არგუნა წილად ბედმა იმისთანა კაცთან მუშაობა, ვი-
საც სახლი სამუშაოს ახლოს უდგია, ეს მისთვის საუკეთესო ჯილდოს
შეადგენს. მარა რის სახლი. უბრალო „შილოპკისაგან“ არის გაკეთე-
ბული, იატაკი მიწის არის, კედლებშიც თავისუფლად ნავარდობს
ქარი“³³.

სამრეწველო რაიონში მუშათა შრომისა და ყოფა-ცხოვრების პი-
რობების სიმძიმეს აღიარებდნენ თვითონ მრეწველებიც. აი, როგორ
დაახასიათა ეს პირობები მრეწველთა წარმომადგენლობითი ორგანიზა-
ციის თავმჯდომარემ გ. ზდანოვიჩმა 1900 წელს მრეწველთა მესამე
კრილობაზე გაკეთებულ მოხსენებაში — „მარგანეცის საწარმოებში
მუშათა ყოფაცხოვრების გაუმჯობესების ზომების შესახებ“ — „სა-
თუთა გადაქარბება იყოს იმის თქმა, რომ შესაძლებელია რუსეთის
მრეწველობის არც ერთ დარგში ისეთი მცირე ყურადღება არ ექცეოდა
მუშათა მდგომარეობას, როგორც მარგანეცის მრეწველობაში. ეს სამ-
რეწველო დარგი, — განაგრძობს გ. ზდანოვიჩი, — უკვე 20 წელია
არსებობს და დღემდე თითქმის არაფერი გაკეთებულა საწარმოებში
სამთო მუშათა არსებობის მძიმე პირობების გასაუმჯობესებლად. ამ
გარემოებით, შესაძლებელია, უნდა აიხსნას ის უცნაური მოვლენა,
რომ მითითებულ დროში მარგანეცის მრეწველობაში არ ჩამოყალიბდა
მუდმივ მუშათა კონტინგენტი. საწარმოებში დღემდე არაა თვით საც-
ხოვრებელი შენობებიც მუშებისათვის და არაიშვიათად მუშები წვე-
ბიან ნოტიო, დახუთულ შტოლნებში, რაც იწვევს ხშირ და სახიფათო
დაავადებებს. ასეთ პირობებში მუშები უკიდურესი გაჭირვებისას და
ისიც მხოლოდ დროებით ჰკიდებენ ხელს საწარმოო საქმიანობას,
ჩადგან მეწარმეებს არ ძალუძთ მათ შეუქმნან რაიმე პირობები; მათი
ცხოვრება არაა უზრუნველყოფილი არც შრომის პირობებით, არც
სხვა ზომებით, რასაც მრეწველებმა უნდა მიმართონ ამ პირობების შე-

³² „კვალი“, 1899, № 47, გვ. 800.

³³ „კვალი“, 1900, № 23, 4 ივნისი.

საქმნელად“. და ბოლოს გ. ზდანოვიჩი დასძენს: „რაოდენ სამწუხაროა ამგვარი ფაქტის აღიარება, მაგრამ ჯობია პირდაპირ ვაღიაროთ ჩვენი უზრუნველობა და უყურადღებობა მუშათა მიმართ, ვიდრე მის წინაშე თვალები დავხუჭოთ და თავისთავს არ მივცეთ იმის საშუალება, რომ თუნდაც მომავალში უკეთესობისკენ წარემართოთ იმათი მდგომარეობა, ვინც თავისი შრომით ასულდგმულებს მარგანეცის მრეწველობის არსებობას“³⁴. ასეთ მდგომარეობაში იმყოფებოდა სამრეწველო რაიონის მუშათა მრავალათასიანი რაზმი. მუშები მოკლებული იყვნენ არსებობისათვის აუცილებელ, პირველი მოთხოვნილების საგნებს, კვების პირობებს და სხვ. მაღაროელი მუშები იძულებული იყვნენ შინიდან ან ჭიათურიდან მოეტანათ პურიც კი. არც სოფ. ჭიათურაში იყო შექმნილი მუშათა არსებობისათვის აუცილებელი მინიმალური პირობები. გასული საუკუნის დამლევს ის სავსებით უყურადღებოდ მიტოვებული და ყოველად მოუწყობელი სოფელია. ამასთან დაკავშირებით „კვალის“ კორესპონდენტი 1900 წელს აღნიშნავდა: ჭიათურაში „ბევრ ალაგას ფეხით გაველა შეუძლებელი ხდება, ზოგან ცხენებიც კი ეფლობა მუცლამდე. ამასთან წარმოიდგინეთ საშინელი სიბინძურე და სიბნელე (უფარნობა) და თქვენ დაგეხატებათ მკრთალი სურათი ჭიათურის სიმშვენიერისა...“³⁵. მრავალი ათასი მუშის წარმოუდგენელი საყოფაცხოვრებო და სანიტარულ-ჰიგიენური მდგომარეობა ჭიათურასა და მთელს სამრეწველო რაიონში ხშირად იწვევდა სხვადასხვა დაავადებათა აღმოცენებასა და გაერცყლებას. ასეთმა დაავადებამ იფეთქა ჭიათურაში 1900 წელს, როცა ის მთელს სამრეწველო აუზს მოედო. ამის გამო ქუთაისის სამხედრო გუბერნატორი 1900 წლის „უქვეშევრდომილეს“ მოხსენებაში წერდა: «Обращает на себя внимание лишь болезнь эпидемического характера с большим процентом смертности, до 70%, развивающаяся весною в районе Чиатурских марганцевых промыслов... Болезнь оказалась смешанной формой тифа с крупозным восполнением... Причины взрыва болезни надо объяснить... крайне неудовлетворительными санитарными условиями помещения, продовольствия и работ скученной в местечке Чиатуры 12 тысячной толпы пришлого рабочего люда... Скопление массы вынужденных животных до 15 тысяч, с своей стороны ухудшает санитарные условия»³⁶. ასეთი იყო ვითარება, ასეთ გამოუვალ მდგომარეობაში იმყოფებოდნენ სამრეწველო მუშები, რომლებიც ძლიერ ინარჩუნებდნენ თავის არსებობას.

³⁴ Труды III съезда... марганцепромышленников, К., 1901.. гл. 12—13.

³⁵ „კვალი“, 1900, № 50, გვ. 796.

³⁶ ЦГИАЛ, ф. 1263, оп. 90, д. 5501, 1901 г., л. 164.



ამრიგად, 1895—1900 წლებში სამრეწველო რაიონის მუშათა რიგები საგრძნობლად შეივსო. მათი შრომისა და საყოფაცხოვრებო პირობების გასაუმჯობესებლად და სამრეწველო აუზის ცენტრის — ქიათურის — კეთილმოსაწყობად თითქმის არაფერი გაკეთებულა. მართალია, მოცემულ პერიოდში წარმოებამ უფრო ინტენსიური ხასიათი მიიღო, შრომის ინტენსიფიკაციის დონე ამაღლდა, ხოლო შრომის დანაწილება წარმოებაში გაღრმავდა, მაგრამ კადრის მუშათა ჩამოყალიბების პროცესი შედარებით ნელი ტემპით მიმდინარეობდა. სამრეწველო რაიონის მუშათა ერთი ნაწილი უფრო სეზონურად მუშაობდა. ვიდრე მუდმივად.

§ 6. მრეწველობის განვითარება და ხასიათი

მრეწველობის აღმავლობის პერიოდში, 1895—1900 წლებში, საბადოთა ექსპლოატაცია ძლიერ გაფართოვდა ტერიტორიულადაც: გაიზარდა სამთო გამონამუშევრების — მაღაროთა და შტოლნთა — რიცხვი, ასევე მათი საშუალო წლიური წარმადობა, რასაც მე-3 ცხრილი გვიჩვენებს.

ც ხ რ ი ლ ი 31

წ ე ლ ი	მ ო ქ მ ე დ ი		შტოლნების საშუალო რიცხვი თითოეულ მაღაროში	მადნის საშუალო მოპოვება ფუტონით	
	მაღაროები	შტოლნები		ერთ მაღაროში	ერთ შტოლნში
1875	181	379	2,05	33 827	17 022
1876	233	571	2,45	41 658	17 000
1897	226	567	2,50	58 105	21 396
1898	227	472	2,06	71 001	36 142
1899	427	820	1,96	77 353	41 527
1900	348	715	2,05	116 000	56 425

როგორც ვხედავთ, მოქმედ მაღაროთა და შტოლნთა რიცხვი, ასევე მათი საშუალო წლიური წარმადობა, თითქმის ყოველწლიურად იზრდება და ამ ტენდენციიდან მნიშვნელოვანი გადახვევა თითქმის არ იგრ-

¹ იხ. Статистика марганцевого дела, К., 1902, გვ. 32; Статистика марганцевого дела, К., 1907 г, გვ. 24—39; Труды III съезда... марганцевопромышленников, К., 1902, часть 2, გვ. 7—8.

ძნობა. ეს იმით აიხსნება, რომ განსახილველ პერიოდში, როცა ჭიათურის მარგანეცის მრეწველობაში წვრილი (გლუხური) სამთო სარეწავეები და მანუფაქტურული ხასიათის საწარმოები თანაარსებობდა, ხოლო მრეწველობის ინდუსტრიულ ყაიდაზე გარდაქმნისათვის აუცილებელი მატერიალურ-ტექნიკური ბაზის შექმნა ის იყო იწყებოდა, წარმოების ზრდა-განვითარება სამთო გამონამუშევრების ქსელის გაფართოების გზითაც მიმდინარეობდა. ამიტომაც, რომ 1900 წელს, 1895 წელთან შედარებით, მათი რიცხვი გაზრდილია თითქმის ორჯერ, ხოლო საშუალო წლიური მწარმოებლურობა — სამჯერ. აქედან აშკარაა, რომ მოქმედი მაღაროებისა და შტოლნების რიცხობრივ ზრდას თავისი ტემპით რამდენადმე უსწრებდა მათი საშუალო წლიური ნაყოფიერების ზრდა, რაც აიხსნება წარმოებაში წვრილ საწარმოთა როლის დაქვეითებითა და საშუალო, აგრეთვე მსხვილ საწარმოთა ხვედრითი წონის გარკვეული ზრდით ანუ წარმოების გამსხვილებით. ეს ტენდენცია თან ახლდა სამრეწველო აღმავლობას. შემთხვევითი როდია, რომ მადნის მოპოვების, შეიძლება ითქვას, კოლოსალური ზრდა მოდის სწორედ 1899—1900 წლებზე, როცა წარმოებაში საშუალო და მსხვილ საწარმოთა მონაწილეობა და ხვედრითი წონა გაიზარდა.

მადნის მოპოვება მოცემულ პერიოდში ასე იზრდებოდა:²

წელი	მოპოვებულ იქნა მადანი (ათას ფუთობით)
1895	7 209
1896	9 706
1897	11 232
1898	16 289
1899	34 052
1900	40 363

აქედან ცხადია, რომ მადნის მოპოვებაში ნახტომისებური წინსვლა მხოლოდ 1899—1900 წლებში მოხდა. აღსანიშნავია, რომ 1898 წელს 1895 წელთან შედარებით, მადნის მოპოვება გაიზარდა ორჯერ და უფრო მეტად, ხოლო 1900 წელს 1898 წელთან შედარებით თითქმის სამჯერ. აქვე უნდა შევნიშნოთ, რომ მადნის მოპოვებაში 1900 წელს მიღწეული დონე (40 363 000 ფუთი!), შემდეგში პირველად მხოლოდ 1906 წელს იქნა მიღწეული და გადაჭარბებული (57 170 000 ფუთი!). გასული საუკუნის მიწურულს სამრეწველო აღმავლობის ძლიერმა ტალღამ ჭიათურის მარგანეცის მრეწველობა დიდად დააწი-

² იხ. В. А. Тухолка, железные и марганцевые руды (Богатства СССР. М.-Л. 1925, გვ. 66—67; პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, 1941, გვ. 262.

ნაურა. ამას მსოფლიო მეტალურგიის მხრივ მადანზე მოთხოვნილების ზრდასთან და სხვა ფაქტორებთან ერთად, ხელი შეუწყო წარმოებაში მსხვილი კაპიტალის შემოჭრამ, წარმოების გამსხვილებამ, რასაც მრეწველობის განვითარების მოცემულ ეტაპზე არ მოჰყოლია და არც შეიძლებოდა მოჰყოლოდა მისი მონოპოლიზაცია. სწორედ მსხვილი კაპიტალის მოქმედებით დაიწყო მრეწველობის ქარხნულ-ინდუსტრიულ საწყისებზე გარდაქმნა. გასული საუკუნის 90-იანი წლების მიწურულს მსხვილ სამთო საწარმოებში გაგრძელდა ტექნიკურ სიახლეთა დანერგვა, წარმოების მატერიალურ-ტექნიკური ბაზისა და საბადოთა სამრეწველო ექსპლოატაციის გაუმჯობესება, თუმცა ამ საქმეს ნელა ეყრებოდა საფუძველი. ამასთან, მრავალრიცხოვან წვრილ სამთო სარეწებში ტექნიკური პროგრესი არ იგრძნობოდა.

საშუალო და, მეტადრე, მსხვილ სამთო საწარმოებში, რომლებიც გადამწყვეტ როლს ასრულებდნენ მრეწველობაში, ჯერ კიდევ 80-იანი წლების შუა ხანებიდან შეუღდნენ საწარმოო პროცესების სრულყოფა-გაუმჯობესებას, თუმცა მადნის მონგრევა კვლავ ხელით წარმოებდა. საამისო სამუშაო იარაღებიც მხოლოდ მცირედ უმჯობესდებოდა. ტექნიკურ სიახლეთა დანერგვა ყველაზე ადრე დაიწყო სამთო გამონამუშევრებიდან მადნის გადმოზიდვის საქმეში. ფრანგულმა ანონიმურმა სააქციო საზოგადოებამ „დარკვეთმა“ თავის მალაროებში რელსებიანი გზები შეიყვანა და 1900 წელს მადანი ზედაპირზე უკვე ამ ხაზზე მოძრავი ვაგონეტებით გამოჰქონდა. მალაროს რელსებიანი გზების სიგანე 58 სანტიმეტრს აღწევდა, ხოლო მოძრავი ვაგონეტის ტევადობა 1 ტონას³. ამ სიახლეს უდავოდ ჰქონდა პროგრესული მნიშვნელობა: თუ წინათ მალაროდან მადანი ზურგით ან უბრალო ხელურმებითა და ურიკებით გამოჰქონდათ, ამიერიდან თანდათან გავრცელდა მალაროებში რელსებიანი გზების შეყვანა და დაინერგა მალაროებიდან მადნის ვაგონეტებით გამოზიდვა⁴. რელსებიან გზებზე მოქმედ მალაროს ვაგონეტებს ჯერ მუშები ამოძრავებდნენ, ხოლო შემდეგ ცხენებსაც იყენებდნენ. გასული საუკუნის 90-იანი წლების დამლევისათვის მიწისქვეშა რელსებიანი რკინიგზა მხოლოდ 18 საწარმოში იყო გაყვანილი, ამიტომ სამთო გამონამუშევრებიდან მადნის ზედაპირზე გამოზიდვაში ხელურემი და ურიკები კვლავ ინარჩუნებდნენ მნიშვნელობას.⁵ სამთო გამონამუშევრებში რელსებიანი გზის შეყვანამ გააადვილა, გააიაფა და გაადიდა მონგრეული მადნის გადმოზიდვა. ამან ხელი შეუწყო აგრეთვე

³ Отчет Кавказского горного управления за 1910 год. Тиф., 1911, გვ. 83.

⁴ ს. წერეთელი, მარგანეცი და მისი მრეწველობა საქართველოში, გაზ. „საქართველო“, 1920, 29 იანვარი, № 20.

⁵ Статистика марганцевого дела, К., 1902, გვ. 11.

საბადოს ფენების რაციონალურ დამუშავებას, შესაძლებელი გახადა დაბალი ხარისხის მადნის, ასევე გამონამუშევრებში დაგროვილი ფუჭი ქანებისა და ჩამოშლილი მიწის გამოზიდვაც. ყოველივე ეს ხელს უწყობდა საბადოთა რაციონალურ ექსპლოატაციას. რელსებიანი გზები ბევრგან გაიმართა, არა მარტო მალაროების სიღრმეში, არამედ საბადოთა ზედაპირზე, სადაც მადანს ლითონის, აგრეთვე ლითონისა და ხის (შერეული) მასალისგან დამზადებული ვაგონეტებით ეზიდებოდნენ.

გასული საუკუნის 90-იანი წლების მიწურულს დაიწყო საბადოებიდან მდ. ყვირილას, ასევე მისი შენაკადების ხეობებისაკენ მადნის ჩამოზიდვის საშუალებათა ტექნიკურად მოწყობა, — მადნის ორგვარი ჩამოსაშვების — „ბრემსბერგისა“ და საპაერო-საბაგირო გზების მშენებლობა. მსხვილმა მრეწველმა გ. ემერიკმა 1899 წელს მღვიმევეში პირველმა მოაწყო მადნის ჩამოსაშვები — „ბრემსბერგი“⁶, რომლის სიგრძე 350 მეტრს შეადგენდა. დარკვეთში ინჟინერმა ა. ბრალიმ პირველმა გაიყვანა 270 მეტრი სიგრძის მადნის ჩამოსაშვები — „ბრემსბერგი“. მისი მეშვეობით მადნის ჩაშვება ორი, თითო 40 ფუთის ტევადობის ვაგონეტით ხდებოდა. გზის გამტარუნარიანობა დიდი იყო: ყოველ 10 საათში 10—12 ათას ფუთ მადანს უშვებდა. ეს ჩამოსაშვები მალე შეიძინა და სრულყო ფრანგულმა სააქციო საზოგადოება „დარკვეთმა“. ამ ტექნიკურმა სიახლემ მოცემულ მანძილზე 1 ფუთი მადნის გადაზიდვა 2—2,5 კაბიკით გააიაფა. საპაერო-საბაგირო გზების მშენებლობაც პირველმა დაიწყო ინჟ. ბრალიმ, რაც შემდეგ შეიძინა და გამართა ფრანგულმა საზოგადოებამ „დარკვეთმა“. ასეთივე გზის მშენებლობა წამოიწყო ინგლისურმა ფირმამ „კიტტელმა და კომპანიამ“, რომელმაც 1900 წლისათვის ჩინებულად მოაწყო რკინის რელსებიანი გზები მალაროში და ზედაპირზეც (მადნის გასაზიდად). ამგვარი ტექნიკური სიახლის დანერგვით საბადოებიდან რკინიგზის ქიათურის შტოს სადგურებამდე მადნის გადაზიდვაში თანდათან იღვენებოდა სასაპალნე და საჭაპანო ტრანსპორტი. ამას საგანგებო მნიშვნელობას ანიჭებდა კავკასიის სამთო სამმართველო, რომელიც თავის 1900 წლის „ანგარიშში“ წერდა:

„საბადოებიდან ქიათურის რკინიგზის შტომდე მადნის გადაზიდვაში საჭაპანო და სასაპალნე ტრანსპორტს ცვლის მექანიკური საპაერო-საბაგირო დასაშვები და ბრემსბერგი“. ინჟინერ ბრალისა, კიტტელისა და კომპანიის მალაროებში შეყვანილია რელსებიანი გზები, მათ მოწყობილი აქვთ საპაერო-საბაგირო გზები, რომლებიც უშუალოდ

⁶ Статистика марганцевого дела, К., 1902, гл. 46.

უკავშირდება რკინიგზის შტოს სადგურებს⁷. აღსანიშნავია, რომ 1900 წლისათვის მრეწველობაში ტექნიკური სიახლეების დანერგვა ზემოაღნიშნულით არ ამოიწურება: ზედა რგანში, დარკვეთში, მღვიმევში და სხვა საბადო ზეგნებზე „ბრემსბერგების“ გვერდით მრავალ ადგილას განხორციელდა მადნის ჩამოსაშვები ღარების მშენებლობა. საურამე გზებამდე მადნის ჩასაშვებად ასეთი ვერტიკალური ღარები მოაწყვეს ინჟ. ლ. პანასიემ, გ. ემერიკმა და სხვ. „ბრემსბერგის“, საჰაერო-საბაგირო გზებისა და ვერტიკალური ღარების მშენებლობამ ინტენსიური ხასიათი მიიღო.

საერთაშორისო ბაზრებზე სხვადასხვა ქვეყნების მარგანცის მადნის მოზღვაებისა და საკონკურენციო ბრძოლის გაჩაღების გამო განსაკუთრებული მნიშვნელობა ენიჭებოდა მადნის ხარისხს. ამავე დროს მსოფლიო ბაზრისათვის მაღალხარისხოვანი მადნის მიწოდება ჩვენგან ძნელდებოდა, რადგან ყველა საბადოში ერთნაირად მაღალხარისხოვანი მადანი არ მოიპოვებოდა, თანაც მადნის გარჩევა-გამდიდრება 90-იანი წლების თითქმის მიწურულამდე მეტწილად პრიმიტიული საშუალებით (მავთულის საცრებით, სარეცხებით და სხვ.) ხორციელდებოდა. მთელი აუცილებლობით წამოიჭრა მადნის გაუხეხვა-გამდიდრების, ანუ მისი ხარისხის ამაღლების პრობლემა. ამ საქმეში ადრე დანერგილი საშუალება არც თვისობრივად და არც რაოდენობრივად პასუხობდა გაზრდილ მოთხოვნილებას. ასეთ ვითარებაში ჭიათურის სამრეწველო რაიონში, გასული საუკუნის დამლევს, წამოიწყო მადნის გამამდიდრებელი ფაბრიკების მშენებლობა. ეს საქმე პირველად 1899 წელს, წამოიწყო ჩვენთვის უკვე ცნობილმა ინჟ. ა. ბრალიმ, რომლისგანაც ის იმემკვიდრა საზოგადოება „დარკვეთმა“. უკანასკნელმა გამამდიდრებელი ფაბრიკა მალე შეიყვანა ექსპლოატაციაში. ეს ფაბრიკა, თანამედროვეთა შეფასებით ერთ-ერთი პირველთაგანი იყო, სადაც „მექანიკური ძალა ფართოდაა გამოყენებული როგორც მადნის გაწმენდა-დახარისხებაში, ასევე სხვა, ამ საქმესთან დაკავშირებულ ოპერაციებში“. ამ ფაბრიკის დანიშნულებასა და ტექნიკურ მოწყობილობას კავკასიის სამთო სამმართველო 1900 წელს ასე ახასიათებდა: საზოგადოება „დარკვეთმა“ მადნის ხარისხის გასაუმჯობესებლად მოაწყო გამამდიდრებელი ფაბრიკა, რომლის მთელ მოწყობილობასა და მექანიზმებს ორთქლის მანქანა ამოძრავებს. საამისოდ ფაბრიკაში დადგმულია კორნვალსის სისტემის 2 ორთქლის ქვაბი. ფაბრიკიდან რკინიგზის შტომდე გაყვანილია ვიწროლიანდაგიანი რკინიგზა. რკინიგზის

⁷ ЦГИАЛ, ф. 37, оп. 74, д. 348, л. 236—237.

შტოს სადგურზე მადანი მექანიკური საშუალებით იტვირთება ვაგონებში⁸. ამ ფაბრიკაში გამდიდრების შედეგად მიიღებოდა 52%-იანი მეტალური შემცველობის მარგანეცის მადანი. ასეთი და კიდევ უფრო კეთილმოწყობილი და მძლავრი ფაბრიკების მშენებლობა ქიათურის აუზში 1900-იან წლებში გაძლიერდა. ქიათურის მრეწველობაში, საერთოდ, და, კერძოდ, აქაური მადნის გაზიდვის საქმეში ტექნიკურ სიახლეთა შორის აღსანიშნავია აგრეთვე ქიათურის შტოზე მოძრავი ვაგონებიდან მაგისტრალური რკინიგზის ვაგონებში მადნის მექანიკურად გადატვირთვის მიზნით ხაზინის მიერ სად. შორაპანში (10 000 მანეთად) მოწყობილი ბუნკერები, რომლით სარგებლობისათვის მანყოველ 1000 ფუთ მადანზე დააწესა 2 მანეთი. სახაზინო რკინიგზამ ამ გადასახადის სახით 1900 წელს 61 000 მანეთის შემოსავალი მიიღო⁹. მრეწველობისათვის ასევე დიდი მნიშვნელობა ჰქონდა ქიათურ-დარკვეთის რკინიგზის მწყობრში ჩადგომას. ეს გზა გაიხსნა 1900 წლის 18 ივლისს, რის შემდეგაც ის განუწყვეტლივ მოქმედებდა. 1900 — 1901 წლების მიჯნაზე ქიათურის რკინიგზამ დამატებით ჩაიბარა 300 ბაქანი¹⁰.

ასე დაიწყო ქიათურის მარგანეცის მრეწველობის მატერიალურ-ტექნიკური ბაზის გაუმჯობესება. საგრძნობლად განვითარდა მადნის მოპოვების, ტრანსპორტირებისა და გამდიდრების ტექნიკა. სამთო გამონამუშევრებში და საბადოს ზედაპირზე მადნის გადაზიდვის გასაადვილებლად და გასაიაფებლად ბევრგან მოეწყო რელსებიანი გზები, მოეწყო „ბრემსბერგები“, საპაერო საბაგირო გზები, მადნის ჩამოსაშვები ღარები, აშენდა და ექსპლოატაციაში შევიდა მადნის გამამდიდრებელი ფაბრიკა და წამოიწყო სხვა ამგვარი ფაბრიკების მშენებლობა, რკინიგზამ მიაღწია დარკვეთამდე, სადგურ შორაპანში წამოიწყო ქიათურის შტოს ვაგონებიდან მაგისტრალური რკინიგზის ვაგონებში მადნის გადატვირთვის მექანიზაცია. დაწყებული სამრეწველო რევოლუცია მოასწავებდა წარმოების მანუფაქტურული სტადიიდან ქარხნულ-ინდუსტრიულ სტადიაზე გადასვლის მიმდინარეობას. ქიათურაში საამისოდ ნიადაგი მოამზადა მანუფაქტურამ, რომელმაც შექმნა პირობები წარმოების მატერიალურ-ტექნიკური ბაზის გასაუმჯობესებლად, მანქანურ წარმოებაზე გადასასვლელად.

⁸ А. П. Соловьев, Марганцевая промышленность Грузии, Тиф., 1922, гл. 13; Статистика марганцевого дела, К., 1902, гл. 12; ЦГИАЛ, ф. 37, оп. 74, д. 348, л. 276.

⁹ Кавказская марганцевая руда, К., 1901, гл. 7.

¹⁰ Труды VI съезда... марганцепромышленников... К., 1910, гл. 40.

ამ გადასვლას, რაც საზოგადოდ, მრეწველობის განვითარების განსაზღვრულ საფეხურზე მოასწავებს სრულ ტექნიკურ გადატრიალებას, რომელიც აქარწყლებს ხელით მუშაობის ოსტატობას, ჩვენშიც გააჩნდა ორი მხარე: ტექნიკური და სოციალური¹¹. ამ პროცესის განვითარებას ანუ, სახელდობრ, ტექნიკურ გადატრიალებას ჭიათურის მრეწველობაში ისევე, როგორც ეს საზოგადოდ ხდება მრეწველობის განვითარების შესაბამის საფეხურზე, მოჰყვა საზოგადოებრივი ურთიერთობის მძაფრი მსხვერველა, საბოლოო განხეთქილება წარმოების მონაწილე პირთა სხვადასხვა ჯგუფს შორის, „კაპიტალიზმის ყველა ბნელი მხარის გამწვავება და გაფართოება“¹². სამრეწველო რევოლუციამ, რომელიც ჭიათურის მრეწველობაში ხანგრძლივ პროცესად წარმოგვიდგება, მოცემულ დარგში შექმნა კაპიტალისტური წარმოების ადექვატური ტექნიკური ბაზა და განამტკიცა კაპიტალისტური წარმოებითი ურთიერთობანი.

სამრეწველო გადატრიალების დაწყების დაგვიანება და მისი განვითარების შედარებით ნელი ტემპი წარმოების მოცემულ დარგში, სხვა ფაქტორებთან ერთად, იმანაც განაპირობა, რომ აქ თავისუფალი კონკურენციის ბაზაზე წარმოების კონცენტრაციის პროცესი, ზემოდასახელებულ მიზეზთა გამო, სწრაფი ტემპით და ერთობ ფართო მასშტაბით არ მიმდინარეობდა: წერილი, საშუალო და მსხვილი აამთო საწარმოები ხანგრძლივი დროის მანძილზე თანაარსებობდნენ, ხოლო წარმოების მატერიალურ-ტექნიკური ბაზის თვალსაჩინო გაუმჯობესება და მანქანურ წარმოებაზე გადასვლა, რაც სამრეწველო გადატრიალების საფუძველს წარმოადგენს, მხოლოდ შედარებით მსხვილი კაპიტალების მქონე მრეწველებს შეეძლოთ. უკანასკნელთა რიცხვი და ხვედრითი წონა ჭიათურაში მხოლოდ გასული საუკუნის მიწურულიდან გახდა განსაკუთრებით თვალსაჩინო და სამრეწველო გადატრიალებაც სწორედ მხოლოდ ამ დროიდან გადრმავდა. ამიერიდან დაჩქარდა, ერთი მხრივ, წარმოების კონცენტრაცია, ხოლო, მეორე მხრივ, სამრეწველო რევოლუციის მიმდინარეობა.

* * *

წარმოების კონცენტრაცია და ტექნიკურ სიახლეთა დანერგვა შესაბამის სამთო საწარმოებში ზრდიდა შრომის ნაყოფიერებას, ამცირებდა მოპოვებულ მადნის თვითღირებულებას. მრავალრიცხო-

¹¹ ვ. ი. ლენინი, თხზ., ტ. 3, გვ. 535.

¹² იქვე, გვ. 535—536.

ვანი წერილი სამთო საწარმო კი სტატისტიკურ მდგომარეობაში რჩებოდა. მათი მეპატრონეები მოკლებული იყვნენ დიდძალ საბრუნავ კაპიტალს, ურომლისოდაც შეუძლებელი იყო საწარმოს წინსვლა. წერილ და საშუალო მეწარმეთა გაერთიანებების შექმნის მრავალმა ცდამ ნაყოფი არ გამოიღო. ინდივიდუალურად მოქმედი, შედარებით მცირე მასშტაბის სამთო საწარმოები ვერ ახერხებდნენ ტექნიკური სიახლეების დანერგვას, რაც სოლიდურ კაპიტალდაბანდებას მოითხოვდა. ამის მიუხედავად წარმოებაში ტექნიკური პროგრესი მაინც საგრძნობი იყო, მოპოვებული მადნის თვითღირებულებაც მცირდებოდა, უპირატესად მსხვილ საწარმოებში.

მაგრამ, ჩვენებური მარგანეცის მადნის თვითღირებულება, ზოგიერთი სხვა ქვეყნის მადანთან შედარებით, 1900 წელსაც უფრო მაღალია. ასე მაგალითად, 1900 წელს ჩვენებური და ბრაზილიური მადნის თვითღირებულება მის საექსპორტო, ადგილობრივ ნავსადგურებში ასეთია:

ცხრილი 413

თვითღირებულების შემდგენელი სტატიები	ბრაზილიური ფული—კაპიკებში	ქართული ფული—კაპიკებში	1 ფული ქართული მადანი ჯდება ბრაზილიურზე მეტი ან ნაკლები
საბადოს იჭარა	0,75	1,85	+1,07
მოპოვება და რკინიგზამდე გაზიდვა	5,5	4,05	-1,45
დატვირთვა, გადმოტვირთვა რკინიგზის სხვადასხვა სადგურში	0,85	0,90	+0,05
ნავსადგურამდე რკინიგზით მადნის გადანიღება და სადგურის ხარჯები	3,93	9,77	+5,84
ადმინისტრაციული და სხვა გამოსაღები	1,04	1,50	+0,46
საქომისიო და სხვ. წერილმანი ხარჯები	1,31	0,75	-0,56
ს უ ლ	14,45	21,57	

ვხედავთ, რომ შესაბამის ნავსადგურში ყოველი ფული ჩვენებური მადნის თვითღირებულება ბრაზილიურს აღემატება 7,12 კაპიკით. ამასთანავე მოტანილი მონაცემების ურთიერთშედარება გვიჩვენებს, რომ ქართული მადნის თვითღირებულების ზრდის მთავარ ფაქტორს კვლავ სარკინიგზო ტარიფის შეუსაბამო სიდიდე წარმოადგენს, ზო-

13 Отчет о деятельности Совета съезда избранного на III съезде марганцево-промышленников, К., 1902, стр. 128.

ლო ბრაზილიურისას — მადნის მოპოვების ხარჯები. თუ რაოდენ მძიმე ტვირთად აწვა მრეწველობას რკინიგზის ტარიფის სიდიდე, ამას მოწმობს თუნდაც ასეთი ფაქტი: 1894—1897 წლებში ჭიათურის სამრეწველო რაიონში სამთო მუშებმა ხელფასის სახით მიიღეს სულ დაახლოებით 629 250 მანეთი, მეურმეებმა და ჩალვადრებმა 700 000, ხოლო რკინიგზის ჭიათურის შტომ ტარიფის სახით 4 200 000 მანეთი¹⁴. ცხრილიდან ჩანს აგრეთვე ჩვენში საბადოს საიჯარო ქირის სიდიდე ბრაზილიასთან შედარებით.

მეორე მხრივ, თუ მხედველობაში მივიღებთ, იმას, რომ ჭიათურის რკინიგზის შტოს გაყვანამდე აქაური მარგანეცის მადნის თვითღირებულება, როგორც ზემოთ დავინახეთ, ზესტაფონში 32 კაპიკს აღწევდა, ხოლო 1900 წელს საქართველოს ნავსადგურებში 21,57 კაპიკს არ სცილდებოდა, გამოდის, რომ ჩვენებური მადნის თვითღირებულება შემცირებულა 10,43 კაპიკით. ეს გასაგებიცაა, თუ გავითვალისწინებთ, რომ რკინიგზის ჭიათურის შტოს გაყვანამდე ჭიათურიდან ზესტაფონამდე ფუთი მადნის საურმე გზით გადაზიდვამინიმალურად 22 კაპიკი მაინც ჯდებოდა. უნდა შევნიშნოთ, რომ გასული საუკუნის 90-იანი წლების მეორე ნახევრამდე ყოველი ფუთი მადნის მოპოვება ჯდებოდა საშუალოდ დაახლოებით 2 კაპიკი, ხოლო 1900 წელს 2 კაპიკს აღემატებოდა, რაც ასევე გასაგები იქნება თუ გავიხსენებთ, რომ საბადოების ექსპლოატაცია დასაწყისში რამდენადმე იაფი ჯდებოდა, ხოლო შემდეგ — ძვირი, რადგან მადნის მოპოვება უკვე საბადოს წიაღში ღრმად შეჭრასთან და სამთო გამონამუშევრების დიდ სიღრმეში შესვლასთანაა დაკავშირებული. ეს უკანასკნელი აძნელებდა და აძვირებდა საბადოთა ექსპლოატაციას და მადნის ზედაპირზე გადმოზიდვასაც.

განვიხილოთ რა ჭიათურის მარგანეცის მრეწველობის განვითარება 1895 — 1900 წლებში, დავინახეთ, რომ მან შედარებით მძლავრი აღმავლობა განიცადა. დასაბამი — მიეცა მრეწველობის მატერიალურ-ტექნიკური ბაზის შექმნას და სამრეწველო გადართიანებას. მაგრამ, როგორც ქვემოთ დავინახავთ, სამრეწველო აღმავლობა ჭიათურის მრეწველობაში, 1900 — 1903 წლის მსოფლიო ეკონომიური კრიზისის გავლენით, დაღმავლობით შეიცვალა.

¹⁴ Отчет о деятельности совета съезда, избранного на I съезде марганце-промышленников, К. 1900, гл. 148—149.

თავი III

ჭიათურის მარგანეცის მრეწველობა 1901 — 1903 წლების კრიზისისა და 1904 — 1905 წლების დაპრესიის პერიოდში

გასული საუკუნის დამლევადან დასავლეთ ევროპასა და რუსეთში ეკონომიური კრიზისი დაიწყო. მაგრამ კრიზისმა ყველა ქვეყანაში, ასევე ყოველი კაპიტალისტური ქვეყნის ყველა რაიონში და მრეწველობის ყველა დარგში ერთდროულად და თანმიმდევრულად როდი იფეთქა. 90-იანი წლების სამრეწველო აღმავლობა რუსეთში კრიზისით შეიცვალა. 1899 წლის დამლევს ცხადი გახდა, რომ რუსეთში სამრეწველო კრიზისია. „ის აქ გაჩაღდა უფრო ადრე, ვიდრე დასავლეთ ევროპაში“¹. შიდა რუსეთისგან განსხვავებით, სადაც სამრეწველო აღმავლობა 1900 წელს უკვე კრიზისით შეიცვალა, საქართველოს მრეწველობის ერთ-ერთ წამყვან დარგში, ჭიათურის მარგანეცის მრეწველობაში, კრიზისმა, რამდენადმე მოგვიანებით, 1901 წლიდან იჩინა თავი. 1900—1903 წლების ჭარბი წარმოების მსოფლიო ეკონომიურმა კრიზისმა ძლიერ შეარყია ჭიათურის მარგანეცის მადნის მომხმარებელი — მსოფლიო მეტალურგია. რუსეთში, დასავლეთ ევროპის უძლიერეს კაპიტალისტურ ქვეყნებში და ამერიკის შეერთებულ შტატებში შემცირდა თუჯისა და ფოლადის წარმოება. ასე მაგალითად, ინგლისში თუჯის წარმოება 1901 წელს 1899 წელთან შედარებით დაეცა 15,8 %-ით, გერმანიაში კი თუჯის წარმოება 1901 წელს 1900 წელთან შედარებით შემცირდა 7,5 %-ით. ხოლო ფოლადისა — 3,8 %-ით, საფრანგეთში თუჯის წარმოებამ იკლო 1900 წელთან შედარებით 1901 წელს 12 %ით, ფოლადისამ კი 9 %-ით. ამერიკის შეერთებული შტატების მეტალურგიაში კრიზისი მთელი სიმწვავეით უფრო გვიან, 1903 წლის ნახევრიდან დაიწყო და მის შედეგად იქ ფოლადის წარმოება იმავე წლის მეორე ნახევარში შემცირდა 51 %-ით, ხოლო 1904 წელს 1902 წელთან შედარებით

¹ П. И. Ляшенко. История народного хозяйства СССР, т. II, гл. 231.

დაეცა 7,3 %-ით, თუჯის წარმოება კი 1903 წლის უკანასკნელი შვიდი თვის მანძილზე შემცირდა 50,6 %-ით, ხოლო 1904 წელს 1903 წელთან შედარებით 8,4 %-ით². ამან გამოიწვია ჰიათურის მარგანეცის ფასის დაცემა საერთაშორისო ბაზრებზე. ასე მაგალითად, ინგლისში 1900 წელს ფუთი ჩვენებური მადანი ღირდა 13 — 12³/₄ პენსი³, იმავე წლის დამლევს — 12, ანუ საშუალოდ, 12¹/₂ პენსი, 1901 წლის დამდეგს, — 11¹/₂, ხოლო იმავე წლის დამლევს 8⁷/₈ პენსი, ანუ საშუალოდ 9⁵/₈ პენსი, 1902 წლის დამდეგს — 9, ხოლო მის დამლევს 8¹/₂ პენსი, ანუ საშუალოდ 8⁸/₉ პენსი⁴.

ფერომარგანეცის ფასი ინგლისის ბაზარზე ასევე მკვეთრ დაცემას განიცდიდა: ოფიციალური მონაცემებით 1900 წლის იანვარში 1 ტონა ფერომარგანეცი ფასობდა 17 გირვანქა სტერლინგი, ერთი წლის შემდეგ, 1902 წლის იანვარში, ის დაეცა 11 გ სტერლინგამდე და, განაგრძობდა რა დაქვეითებას, იმავე წლის ივნისში დავიდა 9 გ. სტერლინგამდე⁵. სხვა სიტყვებით, უკანასკნელი ერთნახევარი წლის მანძილზე ფასი დაეცა თითქმის 50%-ით. იგივე შეიმჩნეოდა ამერიკის ბაზრებზე, სადაც 1900 წლის იანვარში ტონა ფერომარგანეცი ფასობდა 125 დოლარი, ერთი წლის შემდეგ, 1901 წლის იანვარში, 62 დოლარი და 50 ცენტი, ხოლო აგვისტოში 54 დოლარი და 55 ცენტი⁶, ე. ი. შემცირდა 56%-ით და უფრო მეტადაც. ფერომარგანეცზე ფასის ასეთმა დაცემამ გამოიწვია მარგანეცის მადნის ფასის ასეთივე დაქვეითება. ეკონომიური კრიზისის შედეგად ჰიათურის მარგანეცის დაბალ ფასებში გასაღებაც კი მეტად გაძნელდა, რადგან მსოფლიო მეტალურგიის მოთხოვნილება მადანზე ძლიერ შემცირდა: თუკი 1900 წელს მასზე მოთხოვნილებამ 1 324 039 ტონას მიაღწია, 1901 წელს ის 1 158 107 ტონამდე დავიდა, ამან გავლენა იქონია ჰიათურის მარგანეცის მრეწველობაზე, რომელიც 1900 წელს მარგანეცის მადნის მსოფლიო მოხმარებას 45 %-ით. აკმაყოფილებდა⁶.

² იხ. Мировые экономические кризисы. 1848—1935, т. I, М., 1939, гл. 245—265.

³ პენსი — მეტალური ინგლისური მონეტა — დაახლოებით 4 კაპიკს უტოლდება. 12 პენსი შეადგენს შილინგს, 20 შილინგი — გირვანქა სტერლინგს ანუ ჩვენებური, ოდროინდელი კურსით 9 მანეთსა და 45 კაპიკს (იხ. Ф. Бублефиников и Н. Лесинг, Марганцевая промышленность СССР, М., 1925, гл. 18).

⁴ Отчет о деятельности Совета съезда, избранного на III съезде марганцепромышленников, К., 1902, гл. 112; Статистика марганцевого дела, К., 1902, гл. 144.

⁵ Отчет о деятельности Совета съезда, избран. на III съезде... гл. 112.

⁶ Статистика марганцевого дела, 1907, гл. 28.

⁷ ЦГИАЛ, ф. 37, оп. 55, д. 609, 1903, л. 43 об.

კრიზისის შედეგად შემცირდა ახალი, მათ შორის უცხოური, კაპიტალის დაბანდება წარმოებაში. როგორც ქვემო (მ 3) დავინახავთ, კრიზისის გამო ვერ გაშალეს ფართო სამრეწველო საქმიანობა ამ დროისათვის „უმაღლესად“ დამტკიცებულმა ინგლისურმა და ფრანგულმა სააქციო საზოგადოებებმა. მათ არ გარისკეს დიდი კაპიტალების დაბანდება.

კრიზისის პერიოდში ჭიათურის მარგანეცს საერთაშორისო ბაზრებზე ძლიერ საშიში კონკურენტები გამოუჩნდა ინდოეთისა და ბრაზილიის მარგანეცის სახით⁷. ეს ადრინდელი კონკურენტები კრიზისმა არ შეარყია.

1903—1904 წლებში კრიზისი თანდათან მინელდა რუსეთშიც, მაგრამ დასავლეთ ევროპისგან განსხვავებით, ის სრულიად ლიკვიდირებული არ იყო 1904 — 1905 წლებისათვის. ჩვენში, კერძოდ, მარგანეცის მრეწველობაში სიმყარისა და მით უმეტეს გაუმჯობესების ნიშნებიც კი არ ჩანდა. 1904 წელს 1903 წელთან შედარებით წარმოების მასშტაბი უმნიშვნელოდ, მაგრამ მაინც შემცირდა, ხოლო 1905 წელს წინა წლის დონეზე გაიყინა. ამდენად, კრიზისის ციკლი აქ მხოლოდ 1905 წელს დასრულდა. ასე, რომ ჭიათურის მარგანეცის მრეწველობაში კრიზისმა 1905 წლის დამლევამდე გასტანა, ხოლო მისი მომდევნო დებარესია, რაც რუსეთის მრეწველობამ ასე თუ ისე განიცადა, ჭიათურაში თითქმის არ შეიმჩნევა, რაც უკანასკნელის თავისებურებად წარმოვეილება.

§ 1. ააღწიოს აგაოგავის აკვეთრი უამცირება

როგორც აღვნიშნეთ, ჭიათურის მარგანეცის მრეწველობის კრიზისი მაღანზე მოთხოვნილების ძლიერ შემცირებამ, წარმოებაში კაპიტალის დენადობის შესუსტებამ გამოიწვია. ის გაამწვავა მეტოქე ქვეყნებში, ინდოეთსა და ბრაზილიაში 1901 — 1905 წლებში მარგანეცის მრეწველობის შეუწელებელმა აღმავლობამ. ამას დაერთო ჭიათურის სამრეწველო რაიონში მუშათა მასობრივი რევოლუციური მოძრაობის უმაგალითო გაქანება 1905 წელს, რევოლუციის აღმავლობის პერიოდში.

კრიზისმა აქ თავისი გამოხატულება პოვა პირველ რიგში სამთო საწარმოთა, ასევე მოქმედ მაღაროთა და შტოლნთა რიცხვის შემცირებაში. მან წარმოებიდან განდევნა მრავალი, უპირატესად წვრილი

⁷ იხ. Отчет о деятельности Совета съезда, избр. на III съезде... გვ. 112.

საწარმოები. შესამჩნევი გახდა წარმოების კონცენტრაციის პროცესის გაგრძელება, რის მიჩვენებელიცაა მალაროთა და შტოლნთა საშუალო წლიური წარმადობის გაზრდა, აღრინდელთან შედარებით. პროცესი უფრო გასაგებად წარმოვეიდგება თუკი ამ მხრივ კრიზისის წლებს შევადარებთ გასული საუკუნის მიწურულის სამრეწველო აღმავლობის ჯულმინაციურ (1900) წელს. ამ წელს მოქმედი მალაროებია 348, შტოლნები — 715, თითოეულ მალაროში შტოლნთა საშუალო რიცხვია — 2, მადნის საშუალო მოპოვება ერთ მალაროში 116 000 ფუთი, ერთ შტოლნში 56 425 ფუთი, ხოლო 1901 — 1905 წლებში მათი რიცხვი და წარმადობა ასეთია:

ცხრილი 1^ა

წლები	მოქმედი მალაროები და შტოლნები		შტოლნთა რიცხვი თითოეულ მალაროში (საშუალოდ)	მადნის საშუალო მოპოვება (ფუთობით)	
	მალაროები	შტოლნები		ერთ მალაროში	ერთ შტოლნში
1901	225	512	2,28	101 794	44 733
1902	277	470	1,69	93 592	55 168
1903	251	415	1,65	91 512	55 360
1904	211	302	1,43	96 001	67 073
1905	202	343	1,69	103 348	60 864

აქედან ჩანს, რომ 1901 წელს 1900 წელთან შედარებით მოქმედი მალაროების რიცხვი შემცირდა 35,3 %-ით, შტოლნებისა — 28,3 %-ით, ხოლო მადნის საშუალო წლიური მოპოვება თვითოეულ მალაროსა და შტოლნში შემცირდა შესაბამისად მხოლოდ 12,2 %-ით და 20,7 %-ით. ამავე დროს 1901 — 1905 წლებში, როგორც ცხრილი გვიჩვენებს, მოქმედ მალაროთა და შტოლნთა რიცხვი შემცირების ტენდენციას ამჟღავნებს, ხოლო მათი საშუალო წლიური წარმადობა ერთგვარი ზრდით ხასიათდება. ეს იმით აიხსნება, რომ მსოფლიო ეკონომიური კრიზისის ძლიერმა ტალღამ ძალუმაღ შეარყია ქიათურის მარგანეცის მრეწველობა. წვრილ (გლეხურ) სამთო სარეწავთა უმეტესობა დაიხურა, ხოლო საშუალო და, მეტადრე, მსხვილმა სამთო საწარმოებმა შეინარჩუნეს არსებობა. ამიტომ, მოცემულ პერიოდში სამრეწველო რაიონში მალაროთა და შტოლნთა რიცხვი განუხრელად მცირდებოდა, ხოლო მათი საშუალო წლიური მწარ-

^ა Статистика марганцевого дела. К., 1907. გვ. 23; ЦГИАЛ, ф. 23, оп. 67, л. 253, л. 13—14.

მოებლურობა იზრდებოდა. ამდენად, კრიზისმა ხელი შეუწყო წარმოების კონცენტრაციის ადრე დაწყებული პროცესის ერთგვარ გაღრმავებას.

კრიზისი მკვეთრად გამოიხატა მადნის მოპოვების მასშტაბის თითქმის სანახევროდ შემცირებაში. ასე მაგალითად, გასული საუკუნის დამლევის სამრეწველო აღმავლობის სარეკორდო (1900) წელს, როგორც ვიციტ, მოპოვებულ იქნა 40 363 ათასი ფუთი მადანი, ხოლო კრიზისის ხანაში მოპოვება ასე შემცირდა⁹:

წელი	მოპოვებული მადანი (ათას ფუთობით)
1901	22 905
1902	25 935
1903	22 974
1904	20 256
1905	20 876

ამგვარად, მადნის მოპოვება კიათურაში 1901 წელს 1900 წელთან შედარებით შემცირებულია 43,25%-ით, 1905 წელს კი 48,27%-ით. როგორც ვხედავთ, მოპოვების ოდენობა მკვეთრად შემცირდა 1901 წელს, ხოლო მომდევნო წლებში ამ მხრივ რამდენადმე სტაბილური მდგომარეობა იქმნება: 1901 წლიდან 1905 წლამდე ის მცირდება, თუმცა შედარებით უმნიშვნელოდ. კრიზისის წლებში 1900 წელთან შედარებით მადნის მოპოვება თითქმის სანახევროდაა შემცირებული, მაგრამ, თუ კრიზისის ხუთწლეულის საშუალო წლიურ მოპოვებას მრეწველობას წინა ხანის ხუთწლეულების ანალოგიურ მონაცემებს შევადარებთ, დავინახავთ, რომ საშუალო ხუთწლიური მოპოვება არ შემცირებულა. ასე მაგალითად, თუ მოპოვებას წარმოვადგენთ ხუთწლეულების მიხედვით, მივიღებთ:

ცხრილი 210

ხუთწლეულები	სულ მოპოვებული იქნა (ფუთობით)	საშუალო წლიური მოპოვება	საშუალო წლიური მოპოვების ზრდა წინა ხუთწლეულთან შედარებით	
			აბსოლუტურად	შეფარდებით
1886—1890	23 966 462	4 793 292	—	—
1891—1895	44 979 480	8 995 896	+ 4 202 604	+ 87,67%
1896—1900	112 513 223	22 502 644	+13 506 748	+150,03%
1901—1905	112 937 049	22 587 409	+84 765	+ 0,37%

აქედან ჩანს, რომ მადნის საშუალო მოპოვება წინანდელთან შედარებით ყოველ ხუთწლეულში იზრდება, სახელდობრ, კრიზისის ხუთ-

⁹ В. Л. Тухолка, Железные и марганцевые руды, М. Л., 1927. გვ. 66—67; ЦГИАЛ, ф. 23, оп. 67, д. 253, л. 13.

¹⁰ Статистика марганцевого дела, К., 1907, გვ. 8.

წლებში (1901 — 1905 წწ.), სამრეწველო აღმავლობის ხუთწლედთან (1896 — 1900 წწ.) შედარებითაც კი ის არ შემცირებულა. ეს გარემოება მითუმეტეს საყურადღებოა წარმოების კონცენტრაციაზე დაკვირვებისას, რადგან კრიზისის პერიოდში, გასული საუკუნის უკანასკნელ ხუთწლედთან შედარებით, მრეწველთა და, მაშასადამე, სამთო საწარმოთა რიცხვი, როგორც ნაშრომის მომდევნო ქვეთავში დავინახავთ, ძლიერ შემცირდა.

ფ. 2. სამრეწველო ბურჟუაზიის რიგების შემცირება. მრეწველთა კატეგორიები და მათ თანაფარდობაში მომხდარი ცვლილებანი

შრავალრიცხოვანი წერილი (გლახური) სამთო საწარმოები კრიზისამდეც მუდამ განიციდინენ საბრუნავი კაპიტალის ნაკლებობას ან უქონლობას. მაგრამ მაშინ ისინი ასე თუ ისე ახერხებდნენ მცირედენი კრედიტის მიღებას (უპირატესად მადნის შემსყიდველებისაგან), ან დამზადებულ ნაწარმს გზადაგზა ასალებდნენ და საქმიანობას მაინც განაგრძობდნენ. კრიზისის პერიოდში წერილი მეწარმენი კრედიტს ვერ შოულობდნენ, მადნის იმთავითვე გასაღებასაც ვერ ახერხებდნენ. მადანზე მოთხოვნილება შემცირდა, მისი გასაღება გაჭიანურდა. ადგილზე (მოპოვებულ) მადნის დიდი მარაგი შეიქმნა; საქმარისია ითქვას, რომ 1903 წლის აგვისტოსათვის ჰიათურის აუზში გასასაღებლად გამზადებული მადნის მარაგმა 42 მილიონი ფუთი შეადგინა¹. ამან კი ძლიერ დასცა მადნის ფასი: 1900 წელს ფუთი მადანი ჰიათურის სადგურზე 12 კაპიკამდე ფასობდა, ხოლო 1904 წელს მხოლოდ 3¹/₆². ყოველივე ამან გამოიწვია წერილ მეწარმეთა დიდი ნაწილის განდევნა წარმოებიდან, საბოლოო ჯამში კი მრეწველთა და სამთო საწარმოთა რიცხვი მნიშვნელოვნად შემცირდა. ამ პროცესის საილუსტრაციოდ იძულებული ვხდებით დავკერდეთ სამრეწველო სტატისტიკის ოფიციალურ მონაცემებს, რომლებიც სამთო საწარმოთა რიცხვის ცვალებადობას სწორად ასახვენ, მაგრამ, სამწუხაროდ, არ იძლევიან რამდენადმე ზუსტ ცნობებს სხვადასხვა კატეგორიის სამთო საწარმოთა თანაფარდობაში მომხდარი ცვლილებების სწორად დასადგენად, კერძოდ, ისინი, როგორც 1904 წელს შედგენილი „მრეწველთა სიის“ მონაცემების განხილვა გვიჩვენებს, მეტისმეტად შემცირებული სახით წარმოგვიდგენენ მსხვილ სამთო საწარმოთა რიცხვსა და ხვედრით წონას წარმოებაში.

¹ ЦГИАЛ, ф. 37, оп. 55, д. 609, 1903, л. 44.

² ЦГИАЛ, ф. 22, оп. 2, д. 1894, 1904, л. 198; Труды VI съезда... марганцепромышленников... К., 1910, гв. 340.

		წ ლ ბ ე																		
		1901		1902		1903		1904		1905										
პრეველ- თა და ფირმათა რიცხვი	მობოკებუ- ლი მადნის რაოდენობა	პრეველ- თა და ფირმათა რიცხვი		მობოკებუ- ლი მადნის რაოდენობა		პრეველ- თა და ფირმათა რიცხვი		მობოკებუ- ლი მადნის რაოდენობა		პრეველ- თა და ფირმათა რიცხვი										
		სფ.-% -სდენაყენს	სმ -სდენაყენს	სფ.-% -სდენაყენს	სმ -სდენაყენს	სფ.-% -სდენაყენს	სმ -სდენაყენს	სფ.-% -სდენაყენს	სმ -სდენაყენს	სფ.-% -სდენაყენს	სმ -სდენაყენს									
		სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს	სყნძ -საყენს									
I	85	48,14	3,037	13,23	92	50,27	3,815	14,72	100	55,55	4,022	17,51	83	53,21	3,606	17,22	112	62,93	5,681	27,21
II	88	49,37	15,048	65,70	89	48,64	17,628	67,99	77	42,78	14,989	65,24	70	44,87	13,985	69,04	64	35,95	12,619	60,45
III	4	2,49	4,818	21,07	2	1,09	4,481	17,29	3	1,67	3,962	17,25	3	1,92	2,663	13,15	2	1,12	2,575	12,34
სულ	177	100	3697	—	183	100	414,9	100	180	100	376,3	—	156	100	3318	100	178	100	341,9	100

აღნიშნული ციფრები აღნიშნულია

3 მოცემული ცხრილის შედგენისას ჩვენ მოკლებული ვიყავით რამდენიმე სანდო წყაროებით სარგებლობის შესაძლებლობას, რადგანც ის არ არსებობს. ამიტომ კრტიკულად განვიხილეთ და ერთმანეთს შევადარეთ სხვადასხვა ოპიკალურ წყაროთა შესაფერისი მონაცემები: იხ. ЦГИАЛ, Ф. 37, ოპ. 59, დ. 323, 1904—1905 გ. გ., ლ. 190—193; ЦГИАЛ, Ф. 1276, ოპ. 19, დ. 87, ლ. 38; Ф. 23, ოპ. 67, დ. 253, ლ. 13—14 ობ.; Статистика марганцевого дела, к., 1902, გვ. 37; Статистика марганцевого дела, К., 1907, გვ. 21—27.

ამის მიუხედავად, სხვა უფრო სანდო წყაროთა არარსებობის გამო, მივმართეთ სამრეწველო სტატისტიკის ოფიციალურ მონაცემებს. კრიზისის წლებში მრეწველთა საერთო რიცხვის შემცირებისა და წარმოებაში სხვადასხვა კატეგორიის მეწარმეთა თანაფარდობაში მომხდარი ცვლილებების ამსახველი ოფიციალური მონაცემების გათვალისწინების საფუძველზე ჩვენ მიერ შედგენილი მე-3 ცხრილი ასეთ სურათს წარმოგვიდგენს (იხ. გვ. 181).

ცხრილიდან ჩანს, რომ კრიზისის პირველ წელს 1900 წელთან შედარებით მრეწველთა საერთო რიცხვი შემცირდა უმთავრესად წარმოებიდან წვრილ მრეწველთა თითქმის ორი მესამედის განდევნით, ხოლო საშუალო მრეწველთა რიცხვი, მართალია, აბსოლუტურად შემცირდა, მაგრამ მრეწველთა საერთო მასაში მათი შეფარდებითი რაოდენობა გაიზარდა. სამრეწველო სტატისტიკა შემცირებულად წარმოგვიდგენს მსხვილ მრეწველთა აბსოლუტურ და შეფარდებით რაოდენობასაც, რომლის ცნობით, მადნის მოპოვებაში 1901 წელს გადამწყვეტ როლს ასრულებდნენ საშუალო მრეწველები, მეორე ადგილზე იყვნენ მსხვილი, ხოლო მესამეზე — წვრილი მრეწველები. 1901 — 1905 წლებში მრეწველთა რიცხვი შედარებით სტაბილურია. ამასთანავე, 1905 წელს 1904 წელთან შედარებით წვრილ მრეწველთა რიცხვი რამდენადმე გაიზარდა, ხოლო საშუალო და მსხვილ მრეწველთა რიცხვი შემცირდა. ეს იმით უნდა აიხსნებოდეს, რომ წვრილ სარეწავებს, სადაც ერთეული მუშები იყო თავმოყრილი, სამრეწველო რაიონში მიმდინარე რევოლუციური მოძრაობის ძლიერი გავლენა არ განუცდიათ. რევოლუციური მოძრაობა თავიდანვე ჩაისახა და მან გაქანებას მიაღწია სწორედ უმსხვილეს, მსხვილ, აგრეთვე საშუალო საწარმოებში⁴. სადაც სამთო მუშათა შედარებით დიდი მასა იყო თავმოყრილი. 1901 — 1905 წლებში წვრილ მრეწველთა მონაწილეობა მარგანეცის მადნის საერთო მოპოვებაში ძლიერ შემცირდა, ხოლო საშუალო, მსხვილ და უმსხვილეს საწარმოთა, პირიქით, გაიზარდა. ამ პროცესზე დაკვირვებისათვის სამრეწველო სტატისტიკა შეიცავს საგულისხმო მონაცემებს, რომელთა მიხედვით შეიძლება უფრო დეტალურად გავერკვეთ მადნის მოპოვებაში სხვადასხვა შესაძლებლობის საწარმოთა როლის ცვალებადობაში. აი, ეს მონაცემები:

⁴ ЦГИАЛ, ф. 1263, оп. 2, д. 5734, л. 47.

წლები	1 ათასამდე ფუთის მოპოვებით	1 ათასიდან 10 ათასამდე	10 ათასიდან 50 ათასამდე	50 ათასიდან 100 ათასამდე	100 ათასიდან 200 ათასამდე	200 ათასიდან 500 ათასამდე	500 ათასიდან 1 მილიონამდე	1 მილიონზე მეტის მოპოვებით	სულ
1901	—	13	45	27	53	38	1	2	177
1902	1	9	48	34	50	39	1	1	183
1903	—	16	40	44	51	26	2	1	180
1904	1	4	42	36	41	29	2	1	156
1905	—	5	51	56	38	26	—	2	178

ცხრილიდან ჩანს, რომ მრეწველები, რომლებიც 1 ათას ფუთზე ნაკლებს ამზადებდნენ, თითქმის მთლიანად განდევნილია წარმოებიდან, მნიშვნელოვნად შემცირდა 10 ათას ფუთზე ნაკლები მადნის მომპოვებელთა რიცხვი. ძალიან გაიზარდა იმ მრეწველთა რიცხვი, რომლებიც წელიწადში 10-დან 100 ათასამდე ფუთ მადანს ამზადებდნენ. მართალია, 100 ათას ფუთ მადანზე მეტის მომპოვებელთა რიცხვი აბსოლუტურად მცირდება, მაგრამ სინამდვილეში ისინი გადამწყვეტ როლს თამაშობენ მადნის საერთო მოპოვებაში. ამაზე მეტყველებს მადნის საერთო წლიურ მოპოვებაში მრეწველთა სხვადასხვა „ჯგუფის“ მონაწილეობის შედარებით ზუსტი მაჩვენებლები: ასე მაგალითად, 1905 წელს წარმოებაში ჩაბმულ 178 მრეწველის მიერ მოპოვებული 20 876 487 ფუთი მადნიდან 5 მრეწველმა (1 ათასიდან 10 ათას ფუთამდე მადნის მოპოვებით) დაამზადა 29 ათასი ფუთი, 51 მრეწველმა (10 ათასიდან 50 ათასამდე ფუთის მოპოვებით) — 1.559 ათასი ფუთი, 56 მრეწველმა (50 ათასიდან 100 ათას ფუთამდე მოპოვებით) — 4 093 963 ფუთი, 38 მრეწველმა (100 ათასიდან 200 ათასამდე ფუთის მოპოვებით) — 5 427 308 ფუთი, 26 მრეწველმა (200 ათასიდან 500 ათასამდე ფუთის მოპოვებით) — 7 192 216 ფუთი, ხოლო ორმა მრეწველმა (ერთ მილიონზე მეტის მოპოვებით) — 2 575 ათასი ფუთი მადანი⁶.

ამრიგად, ჩანს, რომ მადნის საერთო მოპოვებაში მრეწველთა სხვადასხვა ჯგუფის მონაწილეობა იზრდება ნაჩვენები თანმიმდევრობით, ანუ, სხვანაირად, წვირლ მრეწველთა მონაწილეობა უმნიშვნე-

⁵ იხ. Статистика марганцевого дела, К., 1907, გვ. 19.

⁶ იქვე.

ლოა, ხოლო საშუალო და აგრეთვე მსხვილ მრეწველთა ხვედრითი წონა მადნის საერთო მოპოვებაში იზრდება.

მოტანილი მონაცემები მეტყველებენ, რომ წარმოების გამსხვილება, ანუ, უფრო ზუსტად, წერილ მრეწველთა ხვედრითი წონის შემცირება და საშუალო, აგრეთვე მსხვილ მრეწველთა როლის ზრდა დამახასიათებელი იყო კრიზისის პერიოდისათვის. ამ ტენდენციის გამოვლინებაა საშუალოდ ყოველი მრეწველის მიერ მოპოვებული მადნის ოდენობის ყოველწლიური ზრდა: ასე, მაგალითად, 1900 წელს, როცა ქიათურაში მადნის მოპოვებამ მანამდე არნახულ დონეს მიაღწია, საშუალოდ ერთ მრეწველზე მოდიოდა 107 279 ფუთი მადანი, ხოლო

1901 წელს	127 958 ⁷ ფუთი
1902 "	141 667 "
1903 "	130 833 "
1904 "	129 842 "
1905 "	133 430 ⁸ "

ამრიგად, კრიზისის პერიოდში თითოეული მრეწველის საშუალო წლიური მოპოვება 1900 წელთან შედარებით გაიზარდა და ის შემდეგშიც მატულობდა, რაც გვანიშნებს სამთო საწარმოთა გამსხვილებაზე. მაგრამ, როგორც დავინახავთ, ზემომოტანილი მონაცემებიც არასრულად წარმოგვიდგენენ სამთო საწარმოთა გამსხვილების პროცესის მიმდინარეობას. ამას გვიჩვენებს ჩვენ მიერ მიკვლეული სააქტივო დოკუმენტი: „კავკასიის 1 ოკრუგის სამთო და „სამთოსაქარხნო საწარმოთა სია (1904 წ.)“⁹, სადაც წარმოდგენილია ქიათურის მარგანეცის მრეწველთა სიაც. აქ დასახელებულია ყოველი მრეწველი და მის საწარმოში დასაქმებულ მუშათა რიცხვი. ეს სია შესაძლებლობას გვაძლევს საწარმოები დავაჯგუფოთ მათ მიერ დასაქმებულ მუშათა რიცხვის გათვალისწინებით. აქვე შევნიშნოთ, რომ სიაში ირიცხება 175 მრეწველი, ნაცვლად სტატისტიკურ კრებულში დასახელებული რიცხვისა 156. სიაში აღრიცხულია 2 996 სამთო მუშა. სურათის სისრულისათვის ჯერ, ვფიქრობთ, მიზანშეწონილი იქნება მუშათა რიცხვის გათვალისწინების ნიშნის მიხედვით მოვახდინოთ სამთო საწარმოთა შედარებით დეტალური დაჯგუფება. ასე მაგალითად, ჩვენი გამოთვლით 1904 წელს სხვადასხვა სამთო საწარმო მუშათა რიცხვისა და მათი საერთო რაოდენობის მხრივ ასე აყოფოდა:

⁷ Статистика марганцевого дела, К., 1902, გვ. 42.

⁸ Статистика марганцевого дела, К., 1907, გვ. 33—40.

⁹ ЦГИАЛ, ф. 37, оп. 58, д. 328, 1905, л. 188—193.

15	სამთო	საწარმოში	ირიცხებოდა	1-დან	3-მდე	მუშა,	სულ	კი	38	მუშა
70	"	"	"	4-დან	10-მდე	"	"	"	465	"
22	"	"	"	10-დან	15-მდე	"	"	"	329	"
20	"	"	"	15-დან	20-მდე	"	"	"	348	"
15	"	"	"	20-დან	25-მდე	"	"	"	367	"
7	"	"	"	25-დან	30-მდე	"	"	"	194	"
15	"	"	"	30-დან	40-მდე	"	"	"	564	"
5	"	"	"	40-დან	50-მდე	"	"	"	230	"
3	"	"	"	50-დან	60-მდე	"	"	"	168	"
3	"	"	"	60	მუშაზე	მეტი	"	"	293	"

ამგვარად, 175 საწარმოს შორის 2996 სამთო მუშის განაწილების ზემომოტანილი მაჩვენებლები იმაზე მეტყველებს, რომ შედარებით წვრილ საწარმოებში მუშათა მცირე რიცხვია თავმოყრილი, ხოლო თუ წინამდებარე ნაშრომის წინა თავებში ჩვენ მიერ შემოღებული ნიშნის მიხედვით, საწარმოებს უფრო მსხვილ ჯგუფებად წარმოვადგენთ, მაშინ ასეთ სურათს მივიღებთ: 85 წვრილ საწარმოში, სადაც 1-დან 10 მუშამდეა დასაქმებული, 503 მუშაა, 57 საშუალო საწარმოში, სადაც 10-დან 25 მუშამდეა, სულ 1044 მუშაა, 33 მსხვილ საწარმოში (25-ზე მეტი მუშით) კი 1449 მუშაა. აქედან აშკარაა, რომ წარმოებაში ჩაბმულ სამთო მუშათა ძირითადი მასა შედარებით მსხვილ, აგრეთვე საშუალო საწარმოებშია თავმოყრილი, ხოლო წვრილ საწარმოებში მუშათა საერთო რიცხვის მხოლოდ ერთი მეექვსედი. მრეწველთა სიაზე დაკვირვება თვალნათლივ გვიჩვენებს, რომ 1904 წელს მსხვილ მეწარმეთა რიცხვი 30-ს აღემატება¹⁰. ყოველივე ეს კი იმის მაჩვენებელია, რომ კრიზისის წლებში წვრილი მეწარმეებიდან ბევრი ჩამოცილდა საქმეს, ხოლო საშუალო და მსხვილ მეწარმეთა ხვედრითი წონა წარმოებაში გაიზარდა და აქ აღვილი ჰქონდა მუშახელის კონცენტრაციას, რასაც გვიდასტურებს მრეწველთა 1904 წლის სიის მონაცემები¹¹. ეს სია უფრო სწორად ასურათებს სხვადასხვა კატეგორიის მრეწველთა თანათარღობას მარგანეცის წარმოებაში, ვიდრე ოფიციალური სტატისტიკა, რომელიც მრეწველთა კატეგორიებად დაჯგუფებისას მხოლოდ იმას ითვალისწინებს, თუ რამდენი მადანი მოიპოვა ამა თუ იმ მეწარმემ და სრულებით არ უწევს ანგარიშს მუშათა რიცხვს ამა თუ იმ სამთო საწარმოში. ჩვენ მოგვეპოვება სარწმუნო ცნობები, რომლებიც დაბეჭითებით მოწმობენ, რომ სამთო საწარმოთა მასშტაბის განსაზღვრისას ხშირად უტყუარ კრიტერიუმს წარმოადგენს სწორედ მასა

¹⁰ ЦГИАЛ, ф. 37, оп. 58, д. 328, л. 188—193.

¹¹ ЦГИАЛ, ф. 37, оп. 67, д. 1781, л. 19—24.

დასაქმებული მუშათა რიცხვი და არა მოპოვებული მადნის ოდენობა, რადგან მსხვილ სამთო საწარმოებში წლების მანძილზე მიმდინარეობდა საბადოთა საექსპლოატაციოდ მომზადებასთან დაკავშირებული სამუშაოები შედარებით დიდძალი მუშახელის გამოყენებით.

1904 წლის სია მრეწველთა ეროვნულ და სოციალურ შემადგენლობაზე დაკვირვების ერთგვარ საშუალებასაც იძლევა. სიიდან ჩანს, რომ მრეწველთა საერთო რიცხვიდან (175) სხვა ეროვნებისაა 14 (ბერძენი — 4, გერმანელი — 3, სომეხი — 2, ფრანგი — 2, რუსი — 1, ებრაელი — 1, ინგლისელი — 1), ხოლო ქართველები — 161, მათ შორის ირიცხება მღვიმევის ქალთა მონასტერი და საზოგადოება „შავი ქვა“. დანარჩენი 159 მეწარმიდან (6 მცირე ამხანაგობაა) თავდაზნაურობიდანაა დაახლოებით 73, ხოლო გლეხობიდან 80¹². როგორც ვხედავთ, კრიზისის წლებში მრეწველთა სოციალური შემადგენლობა ძლიერ შეცვლილა: თუკი ადრე მათ შორის რიცხობრივად გლეხთა წრიდან გამოსულნი შედარებით საგრძნობლად სჭარბობდნენ, ამჟერად პრივილეგიური წოდებიდან თითქმის იმდენივეა, რამდენიც გლეხობიდან. ამ ცვლილებას ადასტურებს ისეთი შედარებით სანდო წყაროც, როგორიცაა ქიათურის მოსახლეობის 1903 წლის 18—20 იანვრის აღწერა, სადაც ვკითხულობთ, რომ ქიათურაში მცხოვრებ 140 მარგანეცის მრეწველიდან (აქ უცხოელებიცაა ნაგულისხმევი) გლეხური წარმოშობისაა 64¹³.

მრეწველთა საერთო მასაში გლეხური წარმოშობის მეწარმეთა აბსოლუტური და შეფარდებითი რაოდენობის შემცირება კანონზომიერად წარმოგვიდგება, თუ გავიხსენებთ, რომ კრიზისის შედეგად ყველაზე მეტი რაოდენობით სწორედ წვრილი (გლეხური) სარეწავეები დაიხურა.

§ 8. ალგილოზრივი და უსსოური ააიიტალის მატოქოვოა.

უსსოური სააქიო საოოგალოზაანი, ალგილოზრივი მრეწველთა აზხანაოოზაანი და „სინდიკატის“ ტივის გაართიანება

ზემოთ ვნახეთ, რომ 1901 — 1905 წლების კრიზისი ქიათურაში აღინიშნა მარგანეცის მრეწველობის დაქვეითებით, მრეწველთა რიცხვის თითქმის სანახევროდ შემცირებით. კრიზისმა განსაკუთრებით შეარყია წვრილ მრეწველთა პოზიციები. წვრილ მრეწველთა მდგო-

¹² ЦГИАЛ, ф. 37, оп. 58, д. 328, л. 188—193.

¹³ Статистика Чинатурского населения по переписи, произведенной статистическим бюро Совета съезда Шорапанских марганцепромышленников 18—20 января 1903 года, К., 1905, გვ. 7.

მარეობა ისედაც მძიმე იყო, მით უმეტეს, რომ მადნის მოპოვება ამ დროისათვის დაკავშირებული იყო საბადოთა წიაღში ღრმად შეჭრასთან და სამთო გამონამუშევრების გაყენასთან, რაც გარკვეული ოდენობის საბრუნავი კაპიტალის გარეშე მათ არ შეეძლოთ. კრიზისის პერიოდში მადანზე მოთხოვნილება შემცირდა, მისი ფასი დაეცა, მადნის იმთავითვე რეალიზაცია, მისი წინასწარ გაყიდვა და მადნის ექსპორტიორთაგან ავანსისა და კრედიტის მიღება გაძნელდა. ასეთ ვითარებაში ერთმანეთს კიდევ უფრო მკვეთრად დაუპირისპირდნენ სხვადასხვა კატეგორიის მეწარმენი, ადგილობრივი და უცხოელნი. მრეწველები და ექსპორტიორები. გამწვავდა ადგილობრივი და უცხოური კაპიტალის მეტოქეობა მარგანეცის მრეწველობაში და მადნის საშინაო ბაზარზე. უცხოური კაპიტალი, რომელიც მარგანეცის მადნის ადგილობრივ ბაზარზე თითქმის განუყოფლად ბატონობდა, ახალი ძალით ლაშობდა მარგანეცის მრეწველობაში ფართოდ შეჭრას, ადგილობრივი კაპიტალი კი, პირიქით, მადნის ადგილობრივ ბაზარზე უცხოური კაპიტალის ბატონობის ალაგმვას და მრეწველობაში საკუთარი პოზიციების შენარჩუნებას ცდილობდა. ამ პროცესში თავისი გამოხატულება პოვა, ერთი მხრივ, ჭიათურაში სამოქმედოდ უცხოურ სააქციო საზოგადოებათა ჩამოყალიბებაში, ხოლო მეორე მხრივ, ადგილობრივ მრეწველთა სხვადასხვა ფორმის გაერთიანებათა ჩამოყალიბებაში.

ადგილობრივი, რუსული და უცხოური კაპიტალის მეტოქეობა ჭიათურაში, როგორც აღვნიშნეთ, მარგანეცის მადნის საბადოთა სამრეწველო ექსპლოატაციის დაწყებისთანავე ჩაისახა. ამ მეტოქეობის მთელ მანძილზე ადგილობრივი და რუსული სამრეწველო კაპიტალის შედარებითი სისუსტე ხელსაყრელ ობიექტურ პირობებს უქმნიდა უცხოურ კაპიტალს ჭიათურის მრეწველობაში. გასული საუკუნის 90-იანი წლებიდან უცხოური კაპიტალის შემოჭრას ჩვენში ხელს უწყობდა აგრეთვე კავკასიის ადმინისტრაცია. ამ მხრივ საყურადღებოა, რომ სამოქალაქო ნაწილის მთავარმმართველი კავკასიაში თავადი გოლიცინი თავისი საქმიანობის დაწყებისთანავე დაინტერესდა უცხოელთა მოზიდვით მხარის ეკონომიური ცხოვრების გასაძლიერებლად. 1898 წელს გოლიცინმა გუბერნატორებს დაავალა შეეგროვებინათ ცნობები ამიერკავკასიაში უცხოელთა მიწათმფლობელობის მასშტაბის დასადგენად¹. აღმოჩნდა, რომ ჭუთაისის გუბერნიაში უცხოელები თავმოყრილი იყვნენ უმთავრესად ნავსადგურებსა და ქალაქებში; მაზრებსა და ოკრუგებში კი ისინი ფლობდნენ დაახლოებით

¹ ИГИАЛ, ф. 1263, оп. 2, д. 5334. 1898 г., л. 699.

4000 დესეტინას. მათ ხელთ არსებული ნაკვეთების ფართობი 1-დან 800 დესეტინამდე აღწევდა². თბილისის გუბერნიის ხუთ მაზრაში უცხოელთა მფლობელობაში მიწების ფართობი ასევე არ აღემატებოდა 4000 დესეტინას³. ვითარების დეტალურად შესწავლის შემდეგ, გოლიცინმა დასაბუთებული შუამდგომლობით მიმართა მინისტრთა კომიტეტს. რათა მხარის ეკონომიური ათვისების მიზნით კავკასიაზე გავრცელებულიყო «Особые правила о приобретении иностранцами в собственность или в срочное владение и пользование недвижимых имуществ в некоторых губерниях западной полосе России»⁴. მთავარმმართველი მოითხოვდა გამონაკლისის დაშვებას — ხსენებული კანონის გავრცელებას კავკასიაში საფაბრიკო-საქარხნო მრეწველობის განვითარებისათვის ხელშეწყობის მიზნით. მის მიერ შეტანილი კანონპროექტის თანახმად მთავარმმართველს უფლება ენიჭებოდა ფაბრიკა-ქარხნების ასაშენებლად (ფინანსთა სამინისტროს თანხმობით) ასევე სამთო-საქარხნო მრეწველობის დასაფუძნებლად (მიწათმოქმედების სამინისტროს თანხმობით) ნება დაერთო უცხოელებისათვის შეეძინათ ნაკვეთები და დასახლებული მიწები⁵. თავის შუამდგომლობისა და კანონპროექტის დასაბუთებისას, გოლიცინი კავკასიას აღარებდა რუსეთის დასაუღეთის რაიონებს და ხაზგასმით აღნიშნავდა: „კავკასია თავისებურ მდგომარეობაშია და ჭერჭერობით უცხოური კაპიტალის გარეშე ძნელდება მრეწველობის განვითარება, განსაკუთრებით იმ სისუსტის გამო, რომელსაც რუსული კაპიტალი იჩენს. თავისუფალი კაპიტალების არარსებობა, საქარხნო და საფაბრიკო მრეწველობის ჩანასახოვანი მდგომარეობა, სოფლის მეურნეობის დაბალი დონე, ტექნიკური ცოდნის უკმარობა და ადგილობრივი მოსახლეობის სუსტი თაოსნობა მომავალშიც დიდხანს დააბრკოლებს მხარის ეკონომიურ განვითარებას. ასეთ პირობებში შეუძლებელია უარი ვთქვათ კავკასიის ეკონომიურ ცხოვრებაში უცხოელთა მონაწილეობაზე, ამავე დროს თუკი მათ ავუკრძალავთ უძრავი ქონების შექენას, უცხოური კაპიტალის დენადობა შეწყდება, რაც აშკარა ზიანს მიაყენებს მხარის ეკონომიურ ინტერესებს“⁶. მხარის ეკონომიური განვითარების დონის გოლიცინისეული შეფასება ზუსტი არ არის, მაგრამ აქ ჩვენთვის მთავარია კავკასიის ადმინისტრაციის მისწრაფება მხარის ეკონომიური დაწინაურებისადმი, თუნდაც

² ЦГИАЛ, ф. 1263, оп. 2, д. 5334, 1898, л. 699, 708.

³ იქვე, ფურც. 699, 708—709.

⁴ იქვე, ფურც. 669—700.

⁵ იქვე, ფურც. 700—701.

⁶ იქვე, ფურც. 699. მეორე გვერდი.

უცხოური კაპიტალის მონაწილეობით. გოლიცინის ზემოხსენებულ შუამდგომლობაში მთელი სიცხადითაა წარმოდგენილი კავკასიის ადმინისტრაციის კოლონიური ეკონომიური პოლიტიკა, რომლის დედააზრს და მიზანს გასული საუკუნის 90-იან წლებში წარმოადგენდა მხარის სრული ეკონომიური დაპყრობა. კავკასიის ადმინისტრაცია ამ მიზნის მიღწევას მხარის სამრეწველო-ეკონომიური განვითარებისათვის ხელშეწყობით ცდილობდა. კავკასიაში კოლონიური ეკონომიური პოლიტიკის ამგვარად წარმართვას მოცემულ, კონკრეტულ შემთხვევაში, ისე როგორც საზოგადოდ, ეწინააღმდეგებოდნენ საიმპერიო მთავრობის ზოგიერთი წარმომადგენელი, რომელთაც მიაჩნდათ, რომ კავკასიაში და, კერძოდ, საქართველოში რუსული კაპიტალის უმოქმედობისას უცხოური კაპიტალის შემოჭრა-დამკვიდრება საფრთხეს შეუქმნიდა რუსეთის ბატონობას, ხელს შეუშლიდა კავკასიის გარუსებასა და შერწყმას რუსეთის იმპერიასთან. ამ მხრივ ნიშანდობლივია შინაგან საქმეთა მინისტრის გამოვლენილი მინისტრთა კომიტეტში გოლიცინის მიერ წარმოდგენილი შუამდგომლობისა და კანონპროექტის წინააღმდეგ. „კავკასია, — განაცხადა მან, — თავისი მრავალტომობრივი მოსახლეობით, რუსეთის ხელში არსებობის მანძილზე ჯერ კიდევ არაა სრულად შერწყმული რუსეთთან და რუსული მოქალაქეობრიობის დამკვიდრება ამ მხარეში კვლავ შეადგენს მთავრობის ამოცანას, რომლის წარმატებით განსახორციელებლად აუცილებელია პირველ რიგში როგორც რუსული ელემენტის გაძლიერება ადგილობრივი მოსახლეობის შემადგენლობაში, ასევე მხარის საზოგადოებრივი ცხოვრებისა და ეკონომიური მოღვაწეობის ყველა სფეროში“. „ამავე დროს, — განაგრძობს შინაგან საქმეთა მინისტრი, — ბუნების სიმდიდრეებით უხვად დაჯილდოებული კავკასია, რომელიც ამ სიმდიდრეთა საექსპლოატაციოდ დიდძალ კაპიტალებს საჭიროებს, იზიდავს საქმოსანი კაპიტალისტების ყურადღებას, ისიც, სამწუხაროდ, არა იმდენად რუსებისა, რამდენადაც უცხოელებისა. უეჭველია, — პასუხობს მინისტრი მთავარმმართველ გოლიცინს, — რომ უცხოური კაპიტალის დაბანდება დადებით გავლენას ახდენს მხარის ეკონომიურ განვითარებაზე, ხელს უწყობს ხაზინის შემოსავლის გადიდებას. მაგრამ არ შეიძლება უარყოფილ იქნეს, რომ ეს მოვლენა ზოგჯერ იწვევს უცხოელთა გავლენის არასასურველ ზრდას განაპირა მხარის მოსახლეობაზე, რომელიც ჯერ კიდევ მოკლებულია რუსეთთან განუყრელი ერთიანობის მტკიცე გაგებას“⁷. როგორც ვხედავთ, აქ აღიარებულია უცხოური კაპიტალის შემოჭრის

⁷ ЦГИАЛ, ф. 1263, оп. 2, д. 5334, л. 705.

მნიშვნელობა კავკასიის ეკონომიური წინსვლისათვის, ამავე დროს ყურადღებაა გამახვილებული მისი მოქმედების შესაძლებელ, უარყოფით შედეგებზე, სახელდობრ, მხარის მოსახლეობაში უცხოელთა გავლენის მოსალოდნელ გაძლიერებაზე და რუსეთის გავლენის შესუსტებაზე. მართალია, კავკასიის ადმინისტრაციამ ვერ შეძლო მთავრობის მიმხრობა — უცხოური კაპიტალის შემოჭრისათვის ხელშეწყობის მიზნით წარდგენილი კანონპროექტის დასამტკიცებლად, მაგრამ რამდენადაც შეიძლო ხელს უწყობდა უცხოური კაპიტალის შემოჭრას კავკასიაში და, კერძოდ, საქართველოში. გასული საუკუნის 90-იანი წლებიდან უცხოური კაპიტალის შემოჭრას ჩვენში ობიექტურად ხელს უწყობდა აგრეთვე სააქციო საზოგადოებათა დაწესებისა და მათ საქმიანობაზე ზედამხედველობის ახლად შემუშავებული მთელი „სისტემა“, რაც ცარიზმის ტრადიციულ ბიუროკრატიულ აპარატს შესაძლებლობას აძლევდა კონტროლი გაეწია და, რამდენადაც შეიძლებოდა, წარემართა მოქმედ სააქციო საზოგადოებათა და ფირმათა საქმიანობა. ამ დროს, როგორც ცნობილია, რუსეთის მთავრობის წრეებში თანდათან ისახებოდა ქვეყნის კაპიტალისტური განვითარების გაგება. ამ განწყობილების ყველაზე თვალსაჩინო გამომხატველი, ფინანსთა მინისტრი ს. ი. ვიტე, რომელმაც თვითმპყრობელური რეჟიმის ძირეული ინტერესების გათვალისწინებით ბურჟუაზიულ გარდაქმნათა მთელი პროგრამა გაატარა, იმპერიის სამრეწველო-ეკონომიური ცხოვრების გასაძლიერებლად და ხაზინის ფისკალური ინტერესების უკეთ დასაკმაყოფილებლად. არ მოერიდა უცხოური კაპიტალის მოზღვავენას რუსეთში, აგრეთვე განაპირა მხარეებშიც.

ამგვარად, კოლონიურ მდგომარეობაში ჩაყენებულ ახალგაზრდა კაპიტალისტურ ქვეყანაში — საქართველოში — ადგილობრივი, ასევე პეტროპოლისის კაპიტალის შედარებითმა სიმცირემ და რუსეთის მთავრობის მიერ შემუშავებულმა, ზემოთ ხსენებულმა „სისტემამ“. გააადვილა ჩვენში უცხოური კაპიტალის შემოჭრა. უცხოელ კაპიტალისტებსაც ხალისით გადმოჰქონდათ თავიანთი კაპიტალები ჩვენში. არსებდნენ კომპანიებს ახალ საწარმოთა შესაქმნელად. „ისინი ხარბად ეტანებიან ახალგაზრდა ქვეყანას, სადაც მთავრობა ისე კეთილმოწყალებს და მასიამოვნებელია კაპიტალისა, როგორც არსად“³. გასული საუკუნის დამლევადან განსაკუთრებით ინტენსიური ხდება ფრანგული, ინგლისური და გერმანული კაპიტალის ექსპანსია ჭიათურის

³ ვ. ი. ლენინი, ს.-დ. პარტიის პროგრამის პროექტი და განმარტება. თსზ... ტ. 3, გვ. 120.

მარგანეცის მრეწველობაში. უცხოური კაპიტალი საზოგადოდ მარგანეცის მრეწველობას თავდაპირველად, როგორც წესი, მადნის შემსყიდველად ევლინებოდა, შემდეგ იწყებდა მარგანეცის მადნის საბადოთა იჯარით აღებასა და მათს სამრეწველო ექსპლოატაციას⁹.

უცხოური ფირმებიდან კიათურაში ერთ-ერთი პირველნი გაჩნდნენ ფრანგები, რომლებიც, სხვა უცხოურ ფირმებთან ერთად, თავისი კანცელარიებით ფოთიდან და შორაპნიდან თანდათან გადმობარგდნენ სამრეწველო აუზში და შეუდგნენ საბადოთა შექმენას. ფრანგული ფირმა „მარგანეცის საბადოების ანონიმური საზოგადოება“ „ლარკვეთი“ (კავკასია)“ და მეწარმე ლ. პანასიე თავიდანვე ფართო მასშტაბით ეწეოდნენ საბადოთა შექმენას, საბადოთა ექსპლოატაციისა და მადნის გამდიდრების რაციონალურად მოწყობას; ჯერ კიდევ გასული საუკუნის ბოლოს, 70 — 80 დეკეტინა საბადო ადგილების ზელში ჩაგდებისთანავე, დაიწყეს ფართო მასშტაბის საქსპლოატაციო და მოსამზადებელი სამუშაოები¹⁰. კიათურაში საქმიანობის ფაქტიურად დაწყების შემდეგ 1900 წელს პარიზში ოფიციალურად გაფორმდა ფრანგული ფირმის „მარგანეცის საბადოების ანონიმურა საზოგადოების — („Société des mines de Manganese de Darkveti (Caucasia)“ ჩამოყალიბება. ამ სააქციო საზოგადოების დამაარსებლები იყვნენ ფრანგი კაპიტალისტები: პ. ბაიარი, ე. დე ბილი, ა. დე ბუასე, გლასაკი, გ. შალმეტონი, პ. შაპიური, ა. დამური, მ. დიუშანუა, მ. პიერონი¹¹. წესდების თანახმად საზოგადოების მიზანი იყო „მარგანეცის საბადოთა ექსპლოატაცია შორაპნის შაზრაში“¹². საზოგადოების სართლადი კაპიტალი 1 600 000 ფრანკს შეადგენდა, რაც მთლიანად კიათურაში ოპერაციებისათვის იყო განკუთვნილი. აქციების რიცხვი 6 400-ს შეადგენდა, ხოლო ერთი აქციას ღირებულება 250 ფრანკს. ამას გარდა, დაწესდა 1600 საპაიო, მათი ღირებულების წინასწარ განუსაზღვრელად. დასახელებული სააქციო საზოგადოება 134 წევრს ითვლიდა. მისი უმაღლესი ორგანო იყო აქციონერთა კრება, რომელიც ყოველწლიურად იწვეოდა, ხოლო მუდმივმოქმედი ორგანო — გამგეობა, რომელიც 6 წლის ვადით ირჩეოდა. გამგეობის

⁹ ЦГИАЛ, ф. 23, оп. 28, д. 514, л. 5 об.

¹⁰ იქვე, ფურც. 5—6.

¹¹ Указатель действующих в империи акционерных предприятий и торговых домов. Сост. полным извлечением из материала отдела торговли, особенной канцелярии по кредитной части и департамента жел. дорог Министер. Финансов, Под общ. ред. В. А. Дмитриева-Мамонтова. СПб, 1905, т. 2. 33. 1960.

¹² იქვე.

პირველი თავმჯდომარე იყო პ. ბაიარი, ვიცე-თავმჯდომარე კი ე. დე ბილი. გამგეობაში 10 წევრი შედიოდა და მისი რეზიდენცია პარიზში იყო, ხოლო აგენტი გეიდემანი — თბილისში. სააქციო საზოგადოება დაარსდა 99 წლით. რუსეთში საქმიანობის გასაშლელად ის მთავრობამ დაუშვა 1901 წლის 24 თებერვალს, ხოლო ოფიციალურად ჰიათურაში საქმიანობას შეუდგა 1902 წლის 4 ოქტომბერს¹³. კრიზისის წლებში სააქციო საზოგადოებამ საბადოთა ექსპლოატაციისათვის სამზადისი და წარმოების მატერიალურ-ტექნიკური აღჭურვა გააგრძელა, ხოლო ფართო საექსპლოატაციო სამუშაოები ვერ გაშალა. ამიტომ 1903—1904 წლებში მან არ გამოაქვეყნა თავისი მუშაობის ანგარიში¹⁴. 1903 წელს რუსეთის მთავრობამ ჰიათურის სამრეწველო რაიონში ოპერაციების საწარმოებლად დაუშვა ფრანგული სააქციო კომპანია: „ანონიმური სამრეწველო და კომერციული საზოგადოება („Société minière Le-et commerciale“), რომლის მოქმედების ვადა განუსაზღვრელი იყო. დასახელებული საზოგადოების გამგეობა პარიზში იყო, ხოლო მისი აგენტი ნ. ი. ვოტრენი — ფოთში. საზოგადოების მიზანი იყო „მარგანეცის საბადოთა ექსპლოატაცია შორაპნის მაზრაში... ასევე მადნისა და ქვანახშირის საბადოთა ექსპლოატაცია ეკატერინოსლავის გუბერნიაში, აგრეთვე სამთამადნო მრეწველობის პროდუქციით ვაჭრობა“¹⁵. მან ფართოდ მიჰყო ხელი ჩვენებური მარგანეცის შესყიდვასა და ექსპორტს, ხოლო მეწარმეობას — უმნიშვნელო მასშტაბით.

ინგლისური სავაჭრო და სამრეწველო ფირმები „გარდნერი“, „კიტტელი და კომპანია“ „ფორჯული და კომპანია“, „ფორჯული“ გასული საუკუნის დამლევეს ჩვენებური მარგანეცის მადნის დიდი რაოდენობით შესყიდვით შეუდგნენ საქმიანობას, შემდეგ შეიჭრნენ ჰიათურის აუზში და დაიწყეს საბადო ადგილების იჯარით აღება და შექენა. ყველა ამ ფირმამ ხელთ იგდო დაახლოებით 60 დესეტინამდე საბადო ნაკვეთი¹⁶. 1900 წელს ინგლისში ჩამოყალიბდა მძლავრი სააქციო საზოგადოება სახელწოდებით: რუსეთის მარგანეცის საზოგადოება, შეზღუდული პასუხისმგებლობით („The Russian manganese Company Limited“). მისი დამფუძნებლები იყვნენ: ვაჭარი ტ. ბ. კიტტელი, რომელსაც ამ დროისათვის უკვე ფეხი მოეკიდა ჰიათურის მრეწველობაში, ფოლადის ქარხნის მებატრონე ბ. ა. ფერტი. ასევე საქმოსნები: ს. გ. ბრამლი, ფერტი, გ. სტერტი, ფ. ვეზეროლი,

¹³ Указатель... გვ. 1960.

¹⁴ იქვე.

¹⁵ იქვე.

¹⁶ ЦГИАЛ, ф. 23, оп. 28, д. 514, л. 6.

ვ. აპრონსი და ჩ. გ. მესონი. სააქციო საზოგადოების კაპიტალის ოდენობა არ იყო განსაზღვრული, ხოლო მისი აქციების რიცხვი იყო 30000, აქედან 4 500 პრივილეგირებული და 25 500 ჩვეულებრივი, — თითო გირვანქა სტერლინგის ღირებულებით. წესდების თანახმად საზოგადოების მიზანი იყო: ყოველგვარ საბადოთა შეძენა, იჯარით აღება ან გაცემა რუსეთის იმპერიაში... საბადოთა დამუშავება და ექსპლოატაცია... მარგანეცის საბადოთა აღება და ექსპლოატაცია შორაპნის მახრავში, მარგანეცის მადნის საწყობის მიღება და ექსპლოატაცია დარკვეთში და სხვ.¹⁷

საზოგადოების არსებობის ვადა განუსაზღვრელი იყო. მის გამგეობაში შედიოდნენ საზოგადოების დამფუძნებლები, ხოლო განმკარგულებელი დირექტორი იყო ტ. ბ. კიტტელი. გამგეობის რეზიდენცია იყო ლონდონში, ხოლო წარმომადგენელი — ჰიათურაში. საზოგადოება 1901 წლის 24 თებერვლიდან იქნა დამუშავებული ჩვენში ოპერაციების გასაშლელად¹⁸. ამ საზოგადოებას მიყიდა თავისი საბადოები ტ. ბ. კიტტელმა. ამასთანავე მან ს. და მ. ბარათაშვილებისაგან 190 000 ათას მანეთად აიღო საბადო ნაკვეთები დარკვეთში¹⁹. 1903 წელს ის შეუდგა საბადოთა საექსპლოატაციოდ მომზადებას და ადგილობრივ მრეწველთა მიერ მოპოვებული მადნის დიდი პარტიების შეძენას.

გერმანული სავაჭრო-სამრეწველო ფირმებიდან, რომლებიც გასული საუკუნის დამლევადან ჩაებნენ ჰიათურის მარგანეცის მრეწველობაში, აღსანიშნავია სააქციო საზოგადოება „სამთო მექარხნეთა და საბადოების მფლობელთა შალკეს კავშირი“, ასევე ო. გილლერტი და ჰიათურელ მრეწველთა გაერთიანება „შავი ქვის“ პარტნიორი ბერლინის „მანგანსინდიკატი“. „შალკემ“ იჯარით აიღო 29 დესეტინა საბადო ნაკვეთები რვანში, ხოლო გილლერტმა 13 დესეტინა მღვიმევსა და ითხვისში²⁰. ეს ფირმები „უმალესად“ დამტკიცების გარეშე, კავკასიის სამთო სამმართველოს ნებართვით, ეწეოდნენ სამრეწველო და კომერციულ (მადნის შესყიდვა-ექსპორტი) საქმიანობას და 1900-იანი წლების დამდეგს თავისი სამრეწველო საქმიანობით მხარს ვერ უსწორებდნენ ფრანგულ, აგრეთვე ინგლისურ ფირმებსაც. ამავე დროს გერმანიის მძლავრი და მზარდი მეტალურგიული მრეწველობა, რომელიც მილიტარისტული ქვეყნის სამხედრო მრეწველო-

¹⁷ იხ. ЦГИАЛ, ф. 22, оп. 2, д. 2674, л. 1—21; Указатель действующих в империи акционерных предприятий., СПб, 1905, т. 2, гж. 1896.

¹⁸ Указатель действующих в империи акционерных предприятий, т. 2, 23. 1896.

¹⁹ ЦГИАЛ, ф. 22, оп. 2, д. 2676, л. 59.

²⁰ ЦГИАЛ, ф. 23, оп. 14, д. 507, л. 46.

ბის გაძლიერების ერთ-ერთ მთავარ წყაროს წარმოადგენდა, დიდად საჭიროებდა მარგანეცის მადნის მარაგს, მდიდარ საბადოებს, მით უმეტეს, რომ მისი მეტოქე ინგლისი უკვე ეუფლებოდა მარგანეცის მდიდარ საბადოებს ინდოეთში, ხოლო აშშ — ბრაზილიასა და კუბაზე. ასეთ ვითარებაში გერმანული კაპიტალი ემზადებოდა ქიათურაში გადამწყვეტი პოზიციების მოსაპოვებლად და მიზნად ისახავდა მეტოქე ქვეყნების ფირმების გაძევებას ქიათურის მრეწველობისა და მისი პროდუქციის ექსპორტის სფეროდან. ამ იმედით ჩამოყალიბდა ე. წ. ბერლინის „მანგანინდიკატი“, რომლის შენიღბულ მოქმედებას საქართველოს მარგანეცის მრეწველობაში გასაბატონებლად ქვემოთ გავვეცნობით.



უცხოური კაპიტალის მოძალებისა და სამრეწველო კრიზისის მძიმე წლებში ქიათურელი მეწარმენი, იმდროინდელი ქართული საზოგადოების მოწინავე მოღვაწეთა რჩევით, თავის შესაძლებლობათა გაერთიანებით ცდილობდნენ მრეწველობაში საკუთარი პოზიციების შენარჩუნებასა და განმტკიცებას. მათ კვლავაც ჩამოაყალიბეს რამდენიმე ამხანაგობა, სახელდობრ, 1901 წელს „ქიათურის მარგანეცის მრეწველთა ამხანაგობა“, შემდეგ „შრომა“ და „იმედი“. მაგრამ, ეს არამყარი და არამძლავრი სამრეწველო ამხანაგობანი, კრიზისის სულშემხუთავ პირობებში, ვერ გამოვიდნენ საქმიანობის ფართო სარბიელზე. ქართველ მეწარმეთა დიდ ნაწილს ზღუდავდა საბრუნავი კაპიტალის სიმცირე, ხშირად მისი უქონლობაც. ამიტომ, მთავრობის მხარდაჭერასა და კრედიტს მოკლებულმა მეწარმეებმა 1901 წელსვე დააარსეს ურთიერთდამკრედიტებელი დაწესებულება „საურთიერთო ნდობის საზოგადოება“, ანუ ბანკი. 1903 წელს ის 243 წევრს ითვლიდა. აქედან მეწარმე იყო 138, ვაჭარი — 56, მემამულე — 15, მოქაშისახურე — 13 და სხვ. საზოგადოების გამგეობას თავმჯდომარეობდა კიტა აბაშიძე. ამ დაწესებულების ოპერაციების რამდენადმე საფუძვლიანად ამსახველი მასალები, თუკი ისინი საერთოდ არსებობენ, დღესაც მიუკვლეველია. ამიტომ იძულებული ვხდებით დავეკრდეთ ადრე ცნობილ, მაგრამ ჭეროვან დასაბუთებას-მოკლებულ მოსაზრებას, რომ „საურთიერთო ნდობის საზოგადოების“ ფინანსიური შესაძლებლობანი მეტად შეზღუდული იყო“, რომ „მრეწველებს ის მნიშვნელოვან დახმარებას ვერ უწევდა“²¹. ამასთა-

²¹ იხ. ე. ლ. კანიშვილი, დასახ. ნაშრ., გვ. 235—236.

ნავე, ერთი წყაროს მოწმობით, საზოგადოების სალარო 1903 წელს გაძარცულ იქნა და იქიდან წაიღეს 35 000 მანეთი²². 1906 წელს ეს დაწესებულება უკვე არც არის მოხსენებული მარგანეცის მრეწველობასთან დაკავშირებულ საკრედიტო ორგანიზაციების საქმიანობის ანგარიშში²³. მართალია, 1913 წელს ის კვლავ განაგრძობს არსებობას, თუმცა არ ჩანს, როგორი იყო მისი საკრედიტო ოპერაციების მასშტაბი²⁴. ჭიათურის სამრეწველო რაიონში და აქედან მდნის გაზიდვა-ექსპორტის საქმეში აქტიურად იყვნენ ჩაბმული საკრედიტო დაწესებულებანი, თუმცა ისინი, იშვიათი შემთხვევების გარდა, მხოლოდ შედარებით მსხვილ მრეწველებს აკრედიტებდნენ. ასე მაგალითად, თბილისის კომერციული ბანკი ყველაზე ფართოდ ჩაება მარგანეცის ოპერაციებში ჯერ კიდევ 1896 წლიდან, როცა მან „კომისიონერობა“ დააწესა ფოთში, ხოლო სააგენტოები ჭიათურისა და შორაპნის სადგურებზე, მაგრამ ის ჭიათურაში „ფოთის ურთიერთდამკრედიტებელი საზოგადოებისაგან“ მიღებულ ბაქნებზე მხოლოდ სამი ფირმისაგან იბარებდა მადანს და სესხის სახით აძლევდა ჩაბარებული მდნის ღირებულების $\frac{1}{5}$ -ს, ანუ ფუთში 5 კაპიკამდე²⁵. განსხვავებულად მოქმედებდა „ქუთაისის ურთიერთდამკრედიტებელი საზოგადოება“, რომელიც ზოგჯერ მაღალპროცენტთან ავანსს აძლევდა წვრილ მრეწველებსაც. მაგრამ, ეს მისთვის გარკვეულ რისკთან იყო დაკავშირებული, რადგან კლიენტებს ავანსის საგარანტიო მდნის მარაგი არ გააჩნდათ, თან მათ შორის ბევრს არ შეეძლო მდნის ჩაბარება რკინიგზის სადგურებზე, ხოლო საბაღოებში მის მიღებას საკრედიტო დაწესებულება თავს არიდებდა. 1901 — 1905 წლების კრიზისის პერიოდში ამ საზოგადოებამ ძლიერ შეზღუდა თავისი ოპერაციები. მის მიერ ავანსირებული თანხის საგარანტიოდ ჭიათურის სადგურზე ჩაბარებული მადანი მალე შეიძინა ბერლინის „მანგანინდიკატმა“ 250 ათას მანეთად²⁶. „ფოთის ურთიერთდამხმარე საზოგადოების საბრუნავი თანხები მცირე იყო. ის უპირატესად წვრილ ექსპორტიორებს აკრედიტებდა და მათგან, მაღალი პროცენტისა (12%) და საკომისიო ხარჯების (1%) გარდა, ლებულობდა დამატებით თანხებს თავის თანამშრომელთა ხელფასის დასაფარავად. სახელმწიფო ბანკის ბათუმის განყოფილებაც გაუბროდა მრეწველთათვის კრედიტის

²² ქუთაისის ისტორიულ-ეთნოგრაფიული მუზეუმი, გ. ზღანოვიჩის არქივი, 6416, საბუთი 69, ფურც. 4.

²³ ЦГИАЛ, ф. 616, оп. 1, д. 549, 1906 г. л. 2—16.

²⁴ სსსა, ფონ. 415, საქ. 109, ფურც. 10.

²⁵ იქვე, ფურც. 6—9.

²⁶ იქვე, ფურც. 9.

მიცემას²⁷. „სამხრეთ რუსეთის სამრეწველო ბანკი“ კიათურაში 1898 წლიდან 1901 წლამდე ეწეოდა მარგანეცის ოპერაციებს, თუმცა მრეწველებს სესხს არ აძლევდა და თან მან მთლიანად გადაინაცვლა ფოთსა და ბათუმში, საიდანაც აკრედიტებდა მადნის ექსპორტს²⁸. ჩამოთვლილი საკრედიტო დაწესებულებანი ქმედითად მხოლოდ მსხვილ საექსპორტო და სამრეწველო ფირმებს ემსახურებოდნენ. მსხვილ მრეწველ პ. წულუკიძესა და ამხანაგობა „კავშირს“ სესხს აძლევდა ქუთაისის ურთიერთდამკრედიტებელი საზოგადოება, ხოლო გ. ემერიკს, ძმებს ოგანეზოვებს, ავეგერინოს — თბილისის კომერციული ბანკი და სხვ.²⁹ 1903 წელს კიათურის სადგურზე 89 მრეწველს გააჩნდა 16 321 500 ფუთი მადანი. მათ შორის ქუთაისის ურთიერთდამკრედიტებელი საზოგადოებიდან სესხი ჰქონდა მიღებული 23 მრეწველს, კიათურის ურთიერთდამკრედიტებელი საზოგადოებიდან — 11-ს, ფოთის ურთიერთდამკრედიტებელი საზოგადოებიდან — 26-ს, ხოლო თბილისის კომერციული ბანკიდან — 29 მრეწველს³⁰.



კრედიტს საჭიროებდა და მოითხოვდა თითქმის ყოველი მრეწველი. მისი შოვნა კი ძნელი იყო. 1901 — 1904 წლებში მრეწველთა წარმომადგენლობითმა ორგანიზაციამ და მეწარმეთა ამხანაგობებმა მრავალი 'შუამდგომლობა აღძრეს მთავრობის წინაშე და ითხოვდნენ ხაზინის მიერ კიათურაში მრეწველთა დამკრედიტებელი დაწესებულების დაარსებას, მაგრამ ამაოდ. ეს შუამდგომლობები რუსეთის გარკვეული საქმიანი წრეების მსჯელობის საგანიც კი გამხდარა: 1904 წელს გაზ. „Новое время“-ს ფურცლებზე დისკუსია გამართულა და მისი მსვლელობით მთავრობაც დაინტერესებულა³¹. დისკუსიის მონაწილეთა ერთი მხარე თავგამოდებით გამოვიდა ხაზინის მიერ კიათურაში მრეწველთა დამკრედიტებელი დაწესებულების დაარსების წინააღმდეგ. ეს მხარე დაუხდობლად აკრიტიკებდა იმათაც, ვინც მთავრობის მიერ კიათურელ მეწარმეთა დაკრედიტებას მოითხოვდა და თან გამომწვევად ეკითხებოდა: „რუსეთის ხაზინა რატომ უნდა ეწეოდეს ქველმოქმედებას თქვენი „ნახევრადველურების“ მიმართ (მხედველობაშია კიათურელი მრეწველები — გ. შ.), განა ცენტრში

²⁷ სსსა, ფონ. №15, საქ. 109, ფურც. 10.

²⁸ იქვე, ფურც. 11—12.

²⁹ ЦГИАЛ, ფ. 22, ოპ. 2, დ. 1894, л. 163 — 166.

³⁰ იქვე.

³¹ დისკუსიის მასალები: ЦГИАЛ, ფ. 1284, ოპ. 190, დ. 369, 1904 გ.

ცოტაა მოთხოვნილება, რომ მან, ამ მრავალტანჯულმა ცენტრმა, ფული გაიღოს მარგანეცის მრეწველების დამკრედიტებელი ბანკის დასაარსებლად, რითაც მთელ მოგებას მხოლოდ „ნახევრადველურები“ მიიღებენ“³². კოლონიზატორული მისწრაფებებით გამსჭვალული მოხელენი და რუსული საქმიანი წრეები შემოფოთებას გამოთქვამდნენ ქიათურელ მრეწველთათვის ხაზინის მიერ საკრედიტო ბანკის დაარსების წინააღმდეგ³³ და ის, ბუნებრივია, არ გახსნილა. კრედიტის ნაკლებობისა და უქონლობის შედეგად მეწარმენი იძულებული ხდებოდნენ იაფ ფასებში გაეყიდათ მადანი. მადნის ფასების დაწევით მაქსიმალურად სარგებლობდნენ უცხოელი შემსყიდველ-ექსპორტიორები, რომლებმაც კრიზისის წლებში კიდევ უფრო განიმტკიცეს პოზიციები მადნის ადგილობრივ ბაზარზე.



შექმნილ ვითარებაში ერთპიროვნულად მოქმედი ადგილობრივი მრეწველების წინაშე მთელი აუცილებლობით წამოიჭრა შეთანხმებული მოქმედების საჭიროება. მათ გაერთიანებული ძალით უნდა ეზრუნათ საიმედო კრედიტორის საპოვნელად და მადნის უცხოელი შემსყიდველ-ექსპორტიორების ძალმომრეობის ასალაგმავად. ქიათურის მრეწველობაში ჩაბმულ ქართველ მეწარმეთა ძლიერი გაერთიანების ჩამოყალიბება დროისა და ვითარების მოთხოვნილებად იქცა. ასეთი, მრავალრიცხოვანი, ერთი შეხედვით, ეფექტური გაერთიანება გახდა 1902 წელს დაარსებული საზოგადოება „შავი ქვა“, დაკავშირებული მძლავრ კრედიტორთან, გერმანულ ფირმა — ბერლინის „მანგანსინდიკატთან“.

საზოგადოება „შავი ქვა“, როგორც ქვემოთ დაეინახავთ, მიზნად ისახავდა ქიათურის მარგანეცის მრეწველობისა და, ასევე მადნის გასაღების მონოპოლიზაციას, რაც მას არ ძალუძდა რომელიმე უცხოური ფირმის ფინანსური მხარდაჭერის გარეშე. თავის მხრივ ბერლინის მანგანსინდიკატი, რომლის წევრებიც იყვნენ უძლიერესი გერმანული ფირმები და ბანკები (ა. ჰირში, მენდელსონი, გერმანიის „საალრიცხო საზოგადოება“ და სხვ.), მიზნად ისახავდა მოხერხებულად, შენიღბულად განეხორციელებინა ეკონომიური ექსპანსია ქიათურის მარგანეცის მრეწველობაში და მადნის ადგილობრივ თუ საერთაშორისო ბაზრებზე გასაბატონებლად. უკანასკნელის ვარაუდი ასეთი იყო:

³² დისკუსიის მასალები, ფურც. 9; აგრეთვე „Новое время“, 1904, 29 ივლისი, № 9841.

³³ ЦГИАЛ, ф. 1284, оп. 190, д. 369, л. 9—10.

თუკი მომავალი საზოგადოება „შავი ქვა“ ადგილობრივ მეწარმეთა, ასევე მათ საკუთრებასა და მფლობელობაში არსებულ საბადოთა სრულ თავმოყრა-გაერთიანებას შეძლებდა და ამავე დროს რუსეთის მთავრობის მიერ დაშვებული და დამტკიცებული გაერთიანება იქნებოდა, ასეთ შემთხვევაში, მასთან შესაფერისი ხელშეკრულებით საიმედოდ შეკავშირებით, მანგანსინდიკატი, თავისი შედარებით სუსტი, კონტრაგენტის მიერ მოპოვებული უფლებებით შემოსილ-შენიღბული, რუსეთის მთავრობისათვის გვერდის ავლით, ფართო მასშტაბის ეკონომიურ ექსპანსიას განახორციელებდა ჭიათურის მარგანეცის მრეწველობაში. როგორც ცნობილია, „გერმანული კაპიტალი ყოველთვის როდი გამოდიოდა თავისი სახელმწიფოს აღმით“³⁴.

როგორც ვხედავთ, შეკავშირებით ერთნაირად დაინტერესებული და ერთმანეთის „მოიმედე“ მომავალი კონტრაგენტები ერთმანეთისაგან პრინციპულად განსხვავებულ და, რაც მთავარია, ურთიერთსაწინააღმდეგო მიზნებს ისახავდნენ. მანგანსინდიკატი ესწრაფოდა საზოგადოება „შავი ქვის“ დაკბალებას და მასთან ერთად უცხოური ფირმების განდევნას ჭიათურის მრეწველობიდან, ასევე ქართული მარგანეცის ექსპორტის მონოპოლიზებით ამერიკული „მანგანტრესტის“ დამარცხებას საერთაშორისო ასპარეზზე³⁵.

„შავი ქვის“ საზოგადოების დაარსების პერსონალურმა ინიციატორმა დ. ბაქრაძემ მომავალი მრეწველის, სტუდენტ ბ. პაპავას მეშვეობით, 1901 წლის მარტში ბერლინში მოლაპარაკება დაიწყო მანგანსინდიკატის კომისიონერ როზენბერგთან და კაპიტალისტ ა. ჰირშთან³⁶. მოლაპარაკების პროცესში მოიხზა ორ ფირმას შორის ურთიერთობის ძირითადი საფუძვლები და 1901 წლის 26 მარტს დ. ბაქრაძემ და ბ. როზენბერგმა ხელი მოაწერეს წინასწარ ხელშეკრულებას³⁷. ბერლინიდან დ. ბაქრაძის დაბრუნების შემდეგ, 1901 წლის მაისში, ქუთაისში მოწვეული ჭიათურელი მეწარმეები გაეცნენ ბერლინის მანგანსინდიკატის მიერ შემოთავაზებულ წინასწარ პირობებს. მრეწველთა კრებამ ეს პირობები მოიწონა და წამოწყებული საქმისათვის, ე. ი. საზოგადოება „შავი ქვის“ ჩამოსაყალიბებლად და ბერლინის მანგანსინდიკატთან შეკავშირების პირობების შესამუშავებელ-შესათანხმებლად, აირჩია საორგანიზაციო კომისია გ. ზდანოვიჩის (თავმჯდომარე), პ. თუმანიშვილის, დ. ბაქრაძის, ს. და ვ. წერეთლე-

³⁴ А. Ерусалимский, Германский империализм: история и современность. изд. Наука, М., 1964, გვ. 27.

³⁵ „ივერია“, 1901, 29 აგვისტო, № 186.

³⁶ ЦГИАЛ, ф. 22, оп. 2, д. 1894, 1902 г., л. 94—97.

³⁷ ი ქ ვ ე .

ბის, პ. წულუკიძის, კ. ბაქრაძის, ა. კრინიციის, ი. ნიჟარაძის, გ. ჩუბინიძის, ი. კაკაბაძის და ს. ქვარიანის (მდივანი) შემადგენლობით. კომისიამ ბერლინის მანგანსინდიკატთან წინასწარი მოლაპარაკების შედეგების გათვალისწინებით შეიმუშავა მრეწველთა გაერთიანების, ასევე ბერლინის მანგანსინდიკატთან ურთიერთობის პირობები, რაც ჯერ ქუთაისში, ხოლო შემდეგ ქიათურაში იქნა განხილული მრეწველთა კრებებზე. პროექტმა მეწარმეთა მოწონება დაიმსახურა. მრეწველთა კრებამ საზოგადოების დაარსების შემდგომი ორგანიზაციის უზრუნველსაყოფად კვლავ ახალი კომისია აირჩია გ. ზდანოვიჩის (თავმჯდომარე), პ. თუმანიშვილის, ს. ქვარიანის, დ. ბაქრაძის, ს. გაჩეჩილაძის, პ. აბაშიძის, ი. ნიჟარაძის, შ. დადიანის, ს. და ვ. წერეთლების და სხვ. შემადგენლობით. ამასთანავე კრებამ მანგანსინდიკატთან ხელშეკრულების გასაფორმებლად ბერლინში მიავლინა რამდენიმე პირი. გ. ზდანოვიჩის ხელმძღვანელობით. თავის მხრივ, ბერლინის მანგანსინდიკატი ჩქარობდა და ქართველ მრეწველთა ბერლინში გამგზავრებამდე ქუთაისში ჩამოვიდნენ გერმანული ფირმის რწმუნებულები როზენბერგი და გოლდმანი³⁸.

ხანგრძლივი მოლაპარაკების შემდეგ, 1901 წლის 2 აგვისტოს. მხარეები საბოლოოდ შეთანხმდნენ და ხელმოწერილ იქნა ხელშეკრულება (კონტრაქტი), რომელიც ბერლინის მანგანსინდიკატის მიერ დამტკიცებისთანავე ძალაში შედიოდა. ხელშეკრულების პირობები ასეთი იყო: 1. ხელშეკრულების ვადა — 10 წელიწადი, 2. მანგანსინდიკატი ყოველწლიურად ჩაიბარებს და გაზიდავს 20 მილიონ ფუთ მადანს, 3. მრეწველი ქიათურაში ჩაბარებულ ყოველ ფუთ მადანზე პირველ ექვს თვეში ავანსის სახით ღებულობს 6,5 კაპიკს. ექვსი თვის შემდეგ კი დანარჩენ თანხას მსოფლიო ბაზარზე მადნის ღირებულებისა და მიხედვით, 4. მადნის დროულად გაუსაღებლობისას, მრეწველთა საზოგადოებას ავანსად ეძლევა 200 000 მანეთი, რაც უნდა დაიფაროს წმინდა მოგებიდან გარკვეული თანხის გადარიცხვით, 5. წარმოებასა და მადნის ექსპორტს აკრედიტებს ბერლინის აინდიკატი, რომელიც თავის ფულში (ე. ი. სესხში — გ. მ.) იღებს წლიურად 6%, 7. საკომისიო, საბანკო და მრეწველთა გაერთიანების საერთო გამგეობის, ასევე აგენტების ხარჯების დასაფარავად ყოველ ფუთზე წესდება 1 კაპიკიანი გამოსაღები და ეს თანხა იყოფა შუაზე კონტრაგენტებს შორის... 10. მადნის მოპოვება ეკისრება მრეწველთა გაერთიანებას, ხოლო მისი გასაღება — მანგანსინდიკატს, „რომელსაც არ შეუძლია ფასები დააწესოს და მადანი გაყიდოს მრეწ-

³⁸ „ივერია“, 1901, 29 აგვისტო, № 186.

ველთა წარმომადგენლის დაუკითხავად და ნებადაურთველად“, 11. მადნის რეალიზაციის შედეგად მიღებულ წმინდა მოგებას პარტ-ნიორები შუახე იყოფენ³⁹.

ამავე პირობის თანახმად მთელი მოგება, რაც დაკავშირებული იქნებოდა მადნის მაღალკეთილხარისხოვნებასთან (50 %-ზე მეტი მეტალური შემცველობა), მოლიანად მრეწველებს ეკუთვნოდათ⁴⁰.

ამგვარად, ხელშეკრულების ძალით, ქართველ მრეწველთა გაერთიანებას აკრედიტებს მანგანსინდიკატი. მადნის მოპოვებასა და რკინიგზის შტოს ბაქნებამდე მიზიდვას ეწევა მრეწველთა გაერთიანება, ხოლო მადნის გადაზიდვასა და გასაღებას — მანგანსინდიკატი.

მრეწველთა საერთო კრებაზე არჩეული პირები მანგანსინდიკატის მიწვევით გ. ზდანოვიჩის ხელმძღვანელობით მალე გაემგზავრნენ ბერლინში, სადაც დამტკიცდა პარტნიორთა მიერ ადრე შემუშავებული ხელშეკრულება. ამასთანავე, მანგანსინდიკატმა ქართველ მრეწველთა გაერთიანებისათვის ავანსად გაიღო 200 000 მანეთი; ბერლინიდან ამ ცნობის მიღებისთანავე მრეწველთა ამხანაგობების გამაერთიანებელმა საორგანიზაციო კომისიამ მუშაობა გააჩაღა ცენტრალური გაერთიანების ანუ საზოგადოება „შავი ქვის“ დაარსების პირობების შესამუშავებლად. მრეწველთა ამხანაგობების წარმომადგენლები მიწვეულ იქნენ ქუთაისში, სადაც გაიმართა კრებები, პ. თუმანიშვილის თავმჯდომარეობით.

მალე გ. ზდანოვიჩიც დაბრუნდა ბერლინიდან. მანგანსინდიკატი-საგან მიღებული სესხი ჩაბარდა „საურთიერთო ნდობის სალაროს“. „სამნიშვნელოა ის ფაქტი, — წერდა „ცნობის ფურცელი“, — რომ როგორც კი სცენეს საქმის სრული დამთავრება და მეტადრე ფულის წამოსვლა ავანსად, იმისთანებმა მოისურვეს ამ საქმეში შემოსვლა. რომელნიც დღემდე სათოფეზე არ ეკარებოდნენ და თითქმის მტრობდნენ მას“⁴¹. საქმის უშუალო აქტიური მონაწილე, ზ. ქვარიანი წერდა „მოხდა კომისიისა და ვეჭილთა კრებანი, შეიქმნა დაუსრულებელი ბჭობა და კამათი ცენტრალური ამხანაგობის დაარსების და მისი პირობების შესახებ, ფულის განაწილების თაობაზე, ქვის ფუთობით განაწილებაზე. მადნების გადაცემის შესახებ და სხვ.“⁴².

მალე, 1902 წლის 9 თებერვალს, საბოლოოდ დამტკიცდა საზოგადოება „შავი ქვის“ დაარსება. საზოგადოება, რომლის შემადგენ-

³⁹ „ივერია“, 1901, 29 აგვისტო, № 186.

⁴⁰ იქვე.

⁴¹ „ივერია“, 1901, 26 ოქტომბერი, № 233; „ცნობის ფურცელი“, 4 იანვარი, № 1688.

⁴² „ცნობის ფურცელი“, 1902, 1 იანვარი, № 1739.

ლობაში მრეწველები წინასწარ დაარსებულ ამხანაგობათა სახით, ჯგუფ-ჯგუფად, აგრეთვე, ზოგნიც ინდივიდუალურად შევიდნენ, წევრთა საერთო კრების მიერ მოწონებული და დამტკიცებული ხელშეკრულების (და არა წესდების) საფუძველზე ჩამოყალიბდა. ხელშეკრულებაში ნათქვამია: „ჩვენ, ქვემოთ ხელის მომწერნი, მარგანეცის მრეწველთა სრული ამხანაგობანი, ფირმა „შრომა“, „იმედი“ და ქიათურის მარგანეცის მრეწველთა ამხანაგობანი... (თექვსმეტევე ჩამოთვლილია — გ. მ.) ვადგენთ ურთიერთშეთანხმებით შევკმნათ ერთი გაერთიანებული ამხანაგობა „შავი-ქვის“ სახელწოდებით და ვდებთ ამ ხელშეკრულებას...“⁴³.

ხელშეკრულებაში განსაზღვრულია საზოგადოების მიზანდასახულება და მოქმედების ფარგლები: „1. საზოგადოების მიზანია, — ვკითხულობთ ხელშეკრულებაში, — მარგანეცის საქმის სწორი ორგანიზაცია, მადნის ხარისხის გაუმჯობესება, საზოგადოების წევრთა კუთვნილი მარგანეცის მადნის ერთობლივი მიყიდვა რუსული და უცხოური ფირმებისათვის და ქარხნებისათვის და საერთოდ საზოგადოების წევრთა მადნის გასაღებისა და ექსპორტის ყველა ოპერაციების ერთობლივად წარმოება“⁴⁴.

საზოგადოება „შავი ქვის“ ხელშეკრულებით წევრთა შორის ხმები ნაწილდებოდა მრეწველობაში მათი მონაწილეობისდა მიხედვით: მხედველობაში მიიღებოდა წევრის მიერ საზოგადოებაზე გადაცემული საბადოების ფართობის ოდენობა, მის მიერ მოპოვებული და ჩაბარებული მადნის რაოდენობა. საზოგადოების შეძლებულ წევრებს შეიძლებოდა ჰქონოდათ რამდენიმე ხმა. წლიური ანგარიშების დამტკიცების შემდეგ წმინდა მოგების განაწილება და გადარიცხვა ასე ხდებოდა:

სათადარიგო კაპიტალის ფონდში მოდიოდა 10%, საზოგადოების ადმინისტრაციის მომსახურეთა ხელფასისა — 2%, ქართული პერიოდული პრესის დასახმარებლად — 3%, ხოლო 85% საზოგადოების წევრებს უნაწილდებოდათ მათი საოპერაციო ანგარიშების პროპორციულად. ხელშეკრულების 41-ე მუხლში ნათქვამია: „საზოგადოების არსებობის ვადა განუსაზღვრელია და ის მთლიანად დამოკიდებულია წევრთა თანხმობაზე, მაგრამ არ შეიძლება იყოს იმ ვადაზე ნაკლები, რომლითაც საზოგადოება ხელშეკრულებით დაკავშირებული იქნება მადნის მიყიდვებთან და თავის სხვა კონტრაგენტებთან“⁴⁵.

⁴³ Договор общества «Шави-Ква», К., 1902.

⁴⁴ იქვე.

⁴⁵ იქვე, მუხლი 41.

საზოგადოება „შავ ქვა“-ში გაერთიანებული 18 ამხანაგობის წევრთა (ე. ი. მეწარმეთა) საერთო რიცხვი 178 შეადგენდა. გარდა ამისა, საზოგადოებაში ინდივიდუალურად შევიდა 30-მდე მეწარმე*. ხელშეკრულების საბოლოოდ გაფორმების შემდეგ საზოგადოების საბჭომ, შემდგარმა მასში გაერთიანებულ ამხანაგობათა რწმუნებულებისაგან, გამგეობის დროებით წარმომადგენლად აირჩია გ. ზღანოვიჩი. ამასთანავე საბჭოს წევრებმა თავიანთი წრიდან აირჩიეს საზოგადოების დროებითი კომიტეტი, რომელშიც შევიდნენ: ფ. კიკნაძე, ს. გაჩეჩილაძე, ს. წერეთელი და ი. ნიჟარაძე. გამგეობა კი უნდა დაეწესებიათ მხოლოდ მაშინ, როცა საზოგადოება დაიწყებდა მარგანეცის მადნის უშუალო გასაღებას⁴⁶. საზოგადოება „შავი ქვის“ დროებითი ხელმძღვანელობის მუშაობა ბერლინის მანგანსინდიკატისაგან მიღებული სესხის განაწილებით დაიწყო. მანგანსინდიკატისათვის ჭიათურაში 1902 წელს 20 მილიონი ფუთი მადნის ჩაბარების პირობით მისგან მიღებული სესხიდან (200 000 მანეთი) მან კრიზისით შევიწროებულ მრეწველებს დაურიგა 100 000 მანეთი ანუ ათთოეული ფუთის დამზადებაზე ნახევარი კაპიკი, ხოლო 100 000 მანეთი რჩებოდა საზოგადოების სალაროში სხვადასხვა ხარჯის დასაფარავად.

ამრიგად, მარგანეცის მრეწველთა ყრილობის, ასევე ცალკეულ მეწარმეთა ხანგრძლივი მეცადინეობით და კრიზისის შედეგად ძლიერ შევიწროებულ ქართველ მეწარმეთა თითქმის მთელი მასის მხარდაჭერით, 1902 წლის თებერვალში საბოლოოდ ჩამოყალიბდა საზოგადოება „შავი ქვა“. მისმა ჩამოყალიბებამ სამი საფეხური გაიარა: 1. მიღწეულ იქნა კონტრაგენტთან — ბერლინის მანგანსინდიკატთან — წინასწარი და საბოლოო შეთანხმება, 2. დაარსდა ჭიათურის მარგანეცის მრეწველთა მრავალი ამხანაგობა, რომლებთან ერთად საზოგადოება „შავ ქვაში“ გაერთიანება ისურვეს ადრე არსებულმა ამხანაგობებმა „შრომამ“, „იმედმა“, აგრეთვე ცალკეულმა მეწარმეებმა, 3. ყველა ეს ამხანაგობანი და ერთპიროვნულად მოქმედი მეწარმენი გაერთიანდნენ საზოგადოება „შავ ქვაში“. ამის შემდეგ საზოგადოების მთელი საქმეები და მისი მართვა-გამგეობა გაერთიანების წევრ ამხანაგობათა რწმუნებულების ხელში გადავიდა. „ასე, რომ ამიერიდან მანგანსინდიკატი იცნობს მხოლოდ ცენტრალურ გამგეობას (ე. ი. საზოგადოება „შავი ქვის“ გამგეობას — გ. შ.),

* ჩანს, „შავი ქვის“ ჩამოყალიბებასთან დაკავშირებით 1902 წელს მეწარმეობას მიჰყვის ხელი საბადო ნაკეთების მფლობელებმა, რომლებიც აქამდე არ ეწეოდნენ მადნის შობოვებას.

⁴⁶ იხ. „ცნობის ფურცელი“, 1902, 1 მარტი, № 1739.

გამგეობას საქმე ექნება მხოლოდ წარმომადგენლებთან (ე. ი. ამხანაგობათა რწმუნებულებთან — გ. შ.), წარმომადგენელთ კი თვითონ ჯგუფების წევრებთან. მრეწველი პასუხს აგებს ჯგუფის (ე. ი. ამხანაგობის — გ. შ.) წინაშე, გამგეობა კი ბერლინის სინდიკატის წინაშე. აი, ის სისტემა, ის ნიადაგი, რომელზედაც არის აგებული ეს ახალი საქმე“⁴⁷.

ყოველივე აქედან ჩანს, რომ ეს მრავალსაფეხურიანი გაერთიანება, ანუ თავისებური კომბინაცია, მრავალი თავისებურებით ხასიათდება. საზოგადოება „შავი ქვა“ წარმოდგენდა არა იმდენად სამრეწველო, არამედ, რაც მთავარია, საეკონომიკური გაერთიანებას, შექმნილს, ერთი მხრივ, წარმოების ორგანიზაციის გაუმჯობესებისა და ხელშეწყობისათვის, ხოლო, მეორე მხრივ, მოპოვებული მადნის გასაღების ორგანიზაციის ცენტრალიზაციისათვის.

საზოგადოება თავის წევრთა სამრეწველო და მეტადრე საეკონომიკური საქმიანობისა და ოპერაციების საკუთარ ხელში კონცენტრირებითა და ცენტრალიზაციით ცდილობდა ეხსნა თავი უცხოელ მეწარმეთა და ვაჭარ-ექსპორტიორთა მოძალებისაგან, მოეპოვებინა მონოპოლიური მდგომარეობა მრეწველობაში და ნაწარმის გასაღებაში.

საზოგადოება თავიდანვე ვარაუდობდა, რომ მოპოვებულ მადანს მთლიანად ჩააბარებდა მანგანისინდიკატს რკინიგზის სადგურზე, საიდანაც უქანასკნელი მას გაიტანდა საერთაშორისო ბაზრებზე გასასაღებლად.

ეკონომიური, აგრეთვე პოლიტიკური კრიზისითა და უცხოური კაპიტალის მოძალებით ძლიერ შევიწროებულ მრავალრიცხოვან ქართველ მეწარმეთა გაერთიანება — „შავი ქვა“ ფორმით სინდიკატის ტიპის გაერთიანებას წარმოდგენდა, ხოლო საზოგადოება „შავი ქვისა“ და მანგანისინდიკატის კავშირი შერეულ სინდიკატს ემსგავსებოდა⁴⁸.

სწორი არაა მოსაზრება, რომ თითქოს „თავისი საქმიანობის

⁴⁷ იხ. საზოგადოება „შავი ქვის“ დაარსების ერთ-ერთი აქტიური ორგანიზატორის, — ს. ქვარიანის წერილი — „შავი ქვის მრეწველთა ჯგუფი“, „ივერია“, 1901, 26 ოქტომბერი, № 233.

⁴⁸ საზოგადოება „შავი ქვა“ და ის კავშირი, რომელიც მან შეკრა ბერლინის სინდიკატთან, არ წარმოდგენდა ტრესტის მსგავს გაერთიანებას, როგორც ეს ზოგიერთ მეკლევარს მიაჩნია. ჩვენი ქვეყნის სამეურნეო ცხოვრების იმდროინდელ პირობებში მონოპოლისტური ორგანიზაციების განვითარება მრეწველობაში საზოგადოდ არ ვასილებია სინდიკატებს, ხოლო უმალესი ტიპის მონოპოლისტური გაერთიანებანი, ტრესტები და კონცერნები მრავალ ქვეყანაში საიღუმლო ხასიათს რომ ატარებდნენ და შენიღბულად მოქმედებდნენ, ჩვენში, ყოველ შემთხვევაში, მარგანეის მრეწველობაში, არ აღმოცენებულა.

მიხედვით დიდი ხნის წინათ შექმნილი და იმ დროსაც მოქმედი მრეწველთა გაერთიანებები: „იმერეთის ამხანაგობა“, „კავკასიის ამხანაგობა“, „იმედი“ და „სოიუზი“ თითქმის ანალოგიური იყვნენ „შავი ქვის“ საზოგადოებისა“, რადგან ყველა ჩამოთვლილი გაერთიანების მიზანი მოპოვებული მადნის გასაღების საქმის მოგვარება იყო⁴⁹. აღსანიშნავია ისიც, რომ ზემოდასახელებული ამხანაგობანი ამ დროს უკვე არ მოქმედებენ. „შავი ქვის“ საზოგადოების დაარსების მთელი ისტორია, ისევე, როგორც ამ საზოგადოებასა და ბერლინის მანგანსინდიკატს შორის დადებულ ხელშეკრულებაზე დაკვირვება, აშკარად გვიდასტურებს, რომ მრეწველთა ამხანაგობების და ცალკეულ მრეწველთა მრავალრიცხოვანი გაერთიანება, შეკავშირებული ბერლინის მანგანსინდიკატთან, არსებითად განსხვავდებოდა ქართველ მეწარმეთა ყველა აღრინდელი ამხანაგობისაგან. ამას ამჩნევდნენ ქიათურის მრეწველობის საქმეში კარგად ორიენტირებული მოღვაწენი და მათ შორის, „შავი ქვის“ საზოგადოების ერთ-ერთი აქტიური ორგანიზატორი ს. ქვარიანი, რომელიც 1902 წელს წერდა: „წედვა „შავი ქვის“ ვრცელი საზოგადოება, რომლის მსგავსი არ ახსოვს ქიათურის მრეწველობის ისტორიას. მართალია, ჩაიყარა მაგარი და მტკიცე საძირკველი, მაგრამ არ ვიცით, როგორი იქნება კედლები და გუმბათი“⁵⁰.

ბერლინის მანგანსინდიკატმა „შავი ქვის“ საზოგადოებასთან მორიგებით (რუსეთის მთავრობისათვის გვერდის ავლით და პარტნიორის უფლებებით შენიღბვით) გაინაღდა ქიათურის მრეწველობის პროდუქციის ადგილზევე შესყიდვა და მარგანეცის მადნის ექსპორტში გაბატონებული მდგომარეობის მოპოვების გარკვეული შესაძლებლობაც. მაგრამ პარტნიორთა საქმეები, მათი ურთიერთობა, ინტერესთა ურთიერთდაჯახების გამო, წინასწარი შეთანხმების ზუსტად დაცვის საფუძველზე არ წარმართულა. საქმე რომ ხელშეკრულებას გაყოლოდა მანგანსინდიკატს შესაძლებლობა ეძლეოდა თავისთვის მომგებიანი სესხებისა და ავანსების გაცემით, აგრეთვე მადნის შესყიდვისა და გასაღების ოპერაციების მოხერხებულად წარმოებით, კაბალურ მდგომარეობაში ჩაეყენებინა თავისი შედარებით სუსტი პარტნიორი.

შეკავშირებით ანუ კომბინაციით ერთნაირად დაინტერესებული და ერთნაირეთის ხარჯზე გაძლიერების მოიმედე პარტნიორები არსებითად ურთიერთსაპირისპირო მიზნებს ისახავდნენ. ამიტომ, მათ შორის და-

⁴⁹ ელ. ჭანიშვილი, დასახ. ნაშრ., გვ. 240.

⁵⁰ რ.ბ. „ცნობის ფურცელი“, 1902 წლის 1 მარტი, № 1739.

დებული ხელშეკრულებით შემუშავებულ კურსს არ ეწერა რამდენადმე თანმიმდევრული და, მით უმეტეს, სრული განხორციელება. ამის მიუხედავად, 1905 წლის დამდეგამდე საქმე, ძირითადად, ხელშეკრულებას ემყარებოდა:

„მანგანსინდიკატი“ ავანსებსა და სესხებს იძლეოდა, „შავი ქვა“ კი მას მადანს აბარებდა ჭიათურისა და ქიქოურის სადგურებზე⁵¹, ხოლო 1905 წლის რევოლუციის პერიოდში ჭიათურაში მრეწველთა და მთელი მათი გაერთიანების პოზიციები ძლიერ შეირყა, რამაც ბერლინის მანგანსინდიკატსაც მაქსიმალური სიფრთხილისაკენ უბიძგა. ასეთ ვითარებაში უკანასკნელმა საზოგადოება „შავ ქვასთან“ კომერციული ურთიერთობა არსებითად თითქმის შეწყვიტა, თუმცა თავის მიზნებზე ხელი არ აუღია და მომავლის მოლოდინს მიეცა. საზოგადოება „შავი ქვის“ ხელმძღვანელობამ კი სწორედ ამ კრიტიკულ მომენტში წამოაყენა და მანგანსინდიკატს შესთავაზა „მრეწველობის მთელი საქმის ხელში აღება“, რითაც საფუძველი უნდა ჩაყროდა „მარგანეცის მონოპოლიას“; მაგრამ, ჩვენში რევოლუციური მოძრაობის მძლავრი აღმავლობის პირობებში, მან ეს ვერ გაბედა. ამის გამო საზოგადოება „შავი ქვის“ წარმომადგენელი, გ. ზდანოვიჩი, 1905 წლის 24 მარტს სწერდა ბერლინში: «Предложение, обращенное мной к вам из Кутаиса через г. Неймана*, взять в свои руки все марганцевое дело, пользуясь настоящим благоприятным моментом, и тем положить основание марганцевой монополии, было сделано мной в интересах не только промышленников, но и вас самих. Быть может, — განაგრძობს გ. ზდანოვიჩი, — даже ваши собственные интересы были затронуты здесь гораздо больше, чем какие либо другие. Но очевидно вы другого мнения на этот счет и почему вы легко пропустили первое самое удобное время для переговоров, пока еще продолжалась стачка рабочих»⁵². ორ ფირმას შორის მოლაპარაკება გახანგრძლივდა: საზოგადოება „შავი ქვა“ მოითხოვდა პარტნიორებს შორის ურთიერთობის აგებას 1902 წელს დადებული ხელშეკრულების (კონტრაქტის) საფუძველზე, ხოლო მანგანსინდიკატი კატეგორიულად, მბრძანებლური ტონით მოითხოვდა ამ ხელშეკრულების ზოგიერთი მუხლის „გაუმჯობესებას“, თავისი უფლებებისა და კონტრაგენტის მოვალეობის გაფართოებას, უამრავ გარანტიებს და მათ შორის გაცემულ სესხებზე და ავანსებზე გარანტიას აზოვ-დონის ბანკის მეშვეობით და სხვ.⁵⁶

პარტნიორის დაკარგვის შემდეგ საზოგადოებას „შავი ქვა“ მალე

⁵¹ იხ. ქიემა, გ. ზდანოვიჩის ფონდი, 6416/73.

* ფ. ნეიმანი — ბერლინის მანგანსინდიკატის რწმუნებული ქუთაისში.

⁵² იხ. ქიემა, ზდანოვიჩის ფონდი, 6416/104.

ჩამოსცილდა წევრთა უმრავლესობა. ის ფაქტიურად დაიშალა. როგორც მსხვილი გაერთიანება, თუმცა თორმეტი წევრით მაინც არსებობდა, ხოლო ბერლინის მანგანისინდიკატს, როგორც ქვემოთ (თავი IV) დავინახავთ, კიათურაში მალე შეენაცვლნენ სხვა უძლიერესი გერმანულივე ფირმები.

სინდიკატის ფორმის გაერთიანების დაარსება ჩვენში კაპიტალიზმის განვითარების გარკვეული დონის ნაყოფია: მისი დაარსება მოწმობს, რომ მრეწველობის მოცემულ დარგში XX საუკუნის დამდეგს თავს იჩენენ იმპერიალიზმის ეპოქისათვის დამახასიათებელი ცალკეული ნიშნები, რომელთა შორის სინდიკატური გაერთიანებების შექმნაცაა აღსანიშნავი. კრიზისმა მწვავე გარჩევა მოახდინა: გარიყა უფრო წერილი საწარმოები და გამოიწვია წარმოების შემდგომი კონცენტრაცია. ეს ტენდენცია და მონოპოლიის შექმნისადმი მისწრაფება კიათურაში კიდევ უფრო გაძლიერდა პირველი მსოფლიო ომის-წინანდელი სამრეწველო აღმავლობის პერიოდში.

§ 4. მუშათა მდგომარეობა და ბრძოლა სამრეწველო კრიზისისა. და 1905 წლის რევოლუციის აღმავლობის პერიოდში

1901 — 1905 წლების სამრეწველო კრიზისისას მარგანეცის მრეწველობის დაცემასთან ერთად, გაუარესდა მუშათა მდგომარეობა. კრიზისის პირველ წელს წინა წელთან შედარებით სამთო მუშათა რიცხვი 53,3%-ით შემცირდა. უმუშევართა რიცხვში მოექცა 1700-ზე მეტი სამთო მუშა¹. ასევე თითქმის სანახევროდ შემცირდა მადნის გადამზიდველ მუშათა რიცხვი. სამუშაოს გარეშე დარჩენილი თავისუფალი მუშახელის დიდი რაოდენობით არსებობამ შესაძლებლობა მისცა მეწარმეებს შეემციერებინათ მუშის ხელფასი, აემალლებინათ მშრომელთა ექსპლოატაციის დონე. მუშათა ხელფასის შემცირებისა და მათი ეკონომიური მდგომარეობის გაუარესების შედეგად თანდათან გამწვავდა და უკიდურესად დაიძაბა მრეწველთა და მუშათა ურთიერთობა, მუშათა ცალკეული გამოსვლები და გაფიცვები, რაც კრიზისის წლებში წამოიწყო და გაღრმავდა, 1905 წლის რევოლუციის დაწყებისთანავე გადაიზარდა მუშათა მასობრივ-პოლიტიკურ, რევოლუციურ მოძრაობაში, რომელსაც 1903 წლიდან ხელმძღვანელობას უწევდა რსდმ პარტიის იმერეთ-სამეგრელოს კომიტეტი. მალე

¹ შტრ: სამთო მუშათა რიცხვი 1900 და 1901 წლებში იხ. Статистика марганцевого дела, К., 1907, გვ. 37.

ჩამოყალიბდა და განმტკიცდა ქიათურის სოციალ-დემოკრატიული ორგანიზაცია — სამრეწველო რაიონის მუშათა ბრძოლის უშუალო ხელმძღვანელი.

• • •

სამრეწველო სტატისტიკა არ შეიცავს ქიათურის მარგანეცის მრეწველობაში და მასთან დაკავშირებულ, დამხმარე საწარმოებში ჩაბმულ მუშათა საერთო რაოდენობის, ასევე მუდმივ და სეზონურ მუშათა რაოდენობის თანაფარდობის რამდენადმე ზუსტად დასადგენად აუცილებელ მონაცემებს. ის მხოლოდ სამთო მუშათა რიცხვს აღწესნავდა. სამრეწველო სტატისტიკის ნაკლები მონაცემების თანხმად ქიათურის მარგანეცის მრეწველობაში სამთო მუშათა რიცხვი, განსახილველ პერიოდში ასე ცვალებადობდა:

წელი	მუშათა რიცხვი
1901	1 975
1902	2 212 ²
1903	3 193 ³
1904	2 995
1905	3 170 ⁴

მოტანილი მაჩვენებლებიდან ჩანს, რომ კრიზისის პირველ წელთან შედარებით, მომდევნო წლებში სამთო მუშათა რიცხვი, 1904 წლის გამოკლებით, იზრდებოდა. 1901 — 1905 წლებში, როგორც ზემოთ დავინახეთ, მადნის მოპოვების მასშტაბებში დიდი ცვლილებები არ მომხდარა: მადნის წლიური მოპოვება, 1902 წლის გამოკლებით, როცა მან 25 მილიონ ფუტს მიიღწია, 20—22 მილიონს შორის მერყეობდა. ამიტომ, ერთი შეხედვით, გაუგებარია სამთო მუშათა რიცხვის შედარებით დინამიურობა: მისი სიმცირე 1901 და 1904 წლებში და თვალსაჩინო სიდიდე 1902, 1903 და 1905 წლებში, რასაც ზემომოტანილი მონაცემები გვიჩვენებენ. ვფიქრობთ, საქმე იმაშია, რომ 1901 და 1904 წლებში სამრეწველო რაიონში „სიმშვიდე“ სუფევდა, სამთო სამუშაოები სტაბილურად მიმდინარეობდა და მუშებიც ინტენსიურად მუშაობდნენ, ხოლო 1902, 1903 და, მეტადრე, 1905 წლებში მუშათა გაფიცვებისა და რევოლუციური მოძრაობის გაძლიერების შედეგად მადნის მოპოვება თვეების მანძილზე

² Статистика марганцевого дела, 1907, გვ. 37.

³ Обзор Кутаисской губернии за 1903 год, К., 1905, გვ. 54.

⁴ Статистика марганцевого дела, 1907, გვ. 37.

შეჩერდა, მუშათა მძლავრი გამოსვლების დროებით შეწყვეტისას კი მწარმეები ცდილობდნენ, რამდენადაც შეიძლებოდა მეტი მუშახელი ჩაებათ საკუთარ საბადოთა ექსპლოატაციაში, რომ ამით აენაზღაურებინათ გაცდენილი თვეების დანაკარგი. სამრეწველო სტატისტიკაც, ვფიქრობთ, სამთო მუშათა რაოდენობას აღრიცხავდა სწორედ იმ თვეებში, როცა მადნის მოპოვება მიმდინარეობდა. ამაზე მეტყველებს ის. შეუსაბამობა, რაც მოცემულ პერიოდში არსებობს წლიური მოპოვების ოდენობასა და სამთო მუშათა რაოდენობას შორის. ამრიგად, თუ მადნის წლიური მოპოვების ოდენობის მაჩვენებლებს გავითვალისწინებთ, აშკარაა, რომ სამთო მუშათა რიცხვი 1901 — 1905 წლებში არ უნდა ხასიათდებოდეს დიდი მერყეობით, რადგან საწარმოო საქმიანობის მასშტაბში მსგავს ცვლილებას ადგილი არ ჰქონია.

ყურადღებას იმსახურებს სამრეწველო რაიონის სამთო მუშათა განლაგება სხვადასხვა საწარმოში, რასაც უკვე შევეხეთ სხვადასხვა სამთო საწარმოთა საქმიანობის მასშტაბის დახასიათებისას (იხ. § 2). ზემოთ გავეცანით მარგანეცის მრეწველთა 1904 წლის სიას, სადაც ჩამოთვლილია მარგანეცის მრეწველები და იქვე დიფერენცირებულადაა ნაჩვენები თითოეული მათგანის საწარმოში დასაქმებულ სამთო მუშათა რიცხვი. სიის მონაცემების ანალიზი მოწმობს მუშათა თანამოყრას შედარებით მსხვილ საწარმოებში⁵. თითოეულ მრეწველზე საშუალოდ მოდიოდა: 1901 წელს — 11, 1902 წელს — 12, 1903 წელს — 19, 1905 წელს — 18 მუშა. ეს მონაცემები გვიჩვენებენ, რომ კრიზისის პერიოდში ჭიათურის მარგანეცის მრეწველობაში საგრძნობია მუშათა კონცენტრაცია, რაც წარმოების კონცენტრაციის მაჩვენებელიცაა. სხვანაირად შეუძლებელიც იქნებოდა, რადგან, როგორც ვ. ი. ლენინი გვასწავლის, „ყოველგვარი კრიზისი — უფრო ხშირად ეკონომიური, მაგრამ არა მარტოდენ ეკონომიური — თავის მხრივ მეტისმეტად აძლიერებს ტენდენციას კონცენტრაციისა და მონოპოლიისადმი“⁶.

ზემოთ (§ 1) დავინახეთ, რომ 1901 — 1905 წლებში, ჭიათურის სამრეწველო რაიონში, მალაროთა და შტოლნთა საერთო რიცხვი მცირდებოდა, ხოლო მათი საშუალო სიდიდე ანუ წარმადობა იზრდებოდა, რაც ხელსაყრელ პირობას ქმნიდა შრომის ნაყოფიერების გასაზრდელად, რადგან, როგორც ვ. ი. ლენინი მიუთითებს, „შრომის

⁵ მრეწველთა სია იხ. ЦГИАЛ, ფ. 37, оп. 58, д. 328, 1904—1905 гг., л. 189—192.

⁶ ვ. ი. ლენინი, იმპერიალიზმი, როგორც კაპიტალიზმის უმაღლესი სტადია, თხზ., ტ. 22, გვ. 260.

ნაყოფიერება მატულობს მალაროთა სიდიდის ზრდასთან ერთად, მატულობს მანქანების გამოუყენებლადაც კი⁷. ამაზე მკაფიოდ მეტყველებს სამთო მუშათა საშუალო წლიური მწარმოებლურობის ზრდა განსახილველ პერიოდში, რაც 1901 — 1903 წლებში საგრძნობია სამრეწველო აღმავლობის წლებთან შედარებითაც კი. ასე მაგალითად, სტატისტიკის ცნობით, სამრეწველო აღმავლობის სარეკორდო (1900) წელს ერთი მუშის საშუალო წლიური მოპოვება შეადგენდა 10 903 ფუტს.

1901 წელს — 11 595 ფუტს

1902 წელს — 11 709 “

აქვე უნდა შევნიშნოთ, რომ სტატისტიკის ცნობით მუშის საშუალო წლიურმა წარმადობამ 1904 და 1905 წლებში იკლო და შეადგინა შესაბამისად 7 636 და 6 581 ფუთი⁸. 1905 წელს ეს დაკლება, ეფიქრობთ, სამრეწველო რაიონში მუშათა რევოლუციური მოძრაობის გაძლიერებითა და სამთო საწარმოთა ხანგრძლივად შეჩერებით უნდა აიხსნებოდეს, ხოლო 1904 წელს დაკლება ჩვენთვის გაუგებარია. სამრეწველო კრიზისის პირველ სამ წელს მუშის საშუალო წლიური გამომუშაების ზრდა წარმოების, ასევე მუშათა კონცენტრაციის ზრდითა და შრომის ნაყოფიერების ამალღებითაც აიხსნება.

სტატისტიკური კრებულები და სხვა წყაროები არ შეიცავენ ცნობებს სამრეწველო რაიონში მადნის გადაზიდვისა და მრეწველობის დამზარე დარგებში ჩაბმული დაქირავებული მუშახელის რაოდენობის საჩვენებლად. ამასთანავე, სტატისტიკოსთა ზეპირი განცხადებით მეურმე-ჩალვადართა რიცხვი მოცემულ პერიოდში სამთო მუშათა რიცხვს უტოლდებოდა, ხოლო ყველა დამზარე საწარმოთა და დაწესებულებათა რიცხვი, 1903 წელს ჰიათურაში ჩატარებული აღწერით, იყო 84⁹. ჰიათურის რკინიგზის შტოს სადგურებზე მადნის მტვირთავ მუშათა რიცხვიც საგრძნობი იყო. ყოველივე ამის გათვალისწინებით, ეფიქრობთ, საფუძველი გვაქვს ვერწმუნოთ ინჟ. ა. დ. მიხაილოვს, რომლის ცნობით, ჰიათურის სამრეწველო რაიონში 1905 წელს დაქირავებულ მუშათა რიცხვი 9 000-ს აღემატება¹⁰. კრიზისმა მუშახელზე მოთხოვნილება დასცა, თუმცა მუშათა დიდი

⁷ ვ. ი. ლენინი, კაპიტალიზმის განვითარება რუსეთში, თბ. ტ., 3. გვ. 583.

⁸ Статистика марганцевого дела, К., 1907, გვ. 24—39; სარწმუნო საარქივო საბუთის მოწმობით მუშის საშუალო დღიური გამომუშაება 40, ან 50 ფუტს არ აღემატებოდა (ЦГИАЛ, ფ. 37, оп. 55, д. 609, 1900—1903, л. 203).

⁹ Статистика Чиатурского населения по переписи производственной... 18—20 января 1903 года. К., 1905, გვ. 4.

¹⁰ А. Д. Михайлов, Кавказская марганцевая руда, СПб., 1906, გვ. 2.

ნაწილი სამრეწველო რაიონიდან არ წასულა. მუშახელის დენადობა უფრო საგრძნობი იყო მდინის გადამზიდველთა შორის, უფრო ზუსტად, ჩალვადარ-მეურმეთა გარდა, მოსული მუშახელი სამუდამოდ უკვე იშვიათად ეთხოვებოდა წარმოებას. კრიზისის წლებში გაძლიერდა სამთო მუშათა გადასვლა ერთი საბადოდან მეორეში, ერთი მრეწველიდან მეორის ხელში. საგრძნობი იყო მუშების გაცდენა. გ. ემერიკის მტკიცებით, სამთო მუშა წელიწადში მხოლოდ 150 დღეს მუშაობდა. განსახილველ პერიოდში, კრიზისის მიუხედავად, ფართოდ გაიშალა გამამდიდრებელი ფაბრიკების მშენებლობა. შეიდი ფაბრიკის მშენებლობამ დიდძალი მუშახელი მიიზიდა. მუშათა რიგების შევსების წყაროს, ახლაც, როგორც ადრე, სოფლიდან მოსული გაღარიბებული გლეხობა, აგრეთვე მუშათა ოჯახები შეადგენდა. კადრის მუშათა ჩამოყალიბების პროცესს ამჯერადაც ანელებდა სამრეწველო რაიონში შრომისა და ყოფის უკიდურესად მძიმე პირობების არსებობა. ამის გამო მუშები შორეული კუთხეებიდან მარტო, ოჯახების გარეშე, მოდიოდნენ, ხშირად დიდი ხნითაც, თუმცა, ისინი პირველი შესაძლებლობისთანავე ტოვებდნენ სამუშაოს. ჭიათურაში მეტად თავისებური, სპეციფიკური მდგომარეობა გვაქვს: ჯერ ერთი, სამთო საწარმოები დიდ სივრცეზეა გაბნეული და საბადო ზეგნების მრავალი სოფლის, ასევე მახლობელი სოფლების ღარიბი გლეხობა დაქირავებული მუშახელის რიგების შევსების წყაროს წარმოადგენს. ის სამუდამოდ ებმება წარმოებაში, იქმნება ისეთი ვითარება, რომ სამრეწველო რაიონში, ან მის მახლობელ კუთხეებში მცხოვრები ღარიბი გლეხური მოსახლეობა, რომელმაც თავისი ბედი სამუდამოდ დაუკავშირა წარმოებას, კადრის მუშების შევსების უმთავრესი წყარო ხდება. მუშის, მეტადრე სამთო მუშის, ხელობა მემკვიდრეობით პროფესიად იქცევა გლეხური ოჯახისათვის. ამასთანავე სამრეწველო რაიონში, ან მის მახლობლად ოდითგანვე მცხოვრები ასეთი ოჯახი წვერთა მთელი, მათ შორის ქალთა და არასრულსაკოვანთა, შემადგენლობით ცდილობს წარმოებაში ჩაბმას, რაზეც აშკარად მეტყველებს წყაროები, რომლებიც მრავლად შეიცავენ ცნობებს წარმოებაში ქალთა და ბავშვთა შრომის გამოყენებაზე. მეორეც, სამრეწველო რაიონის მკვიდრი გლეხური ოჯახიდან გამოსული მუშა უშუალო კავშირშია მიწასთან და ინტენსიური სოფლის მეურნეობის ქვეყანაში ეს კავშირი საზოგადოდ უფრო მტკიცე და მყარია, თუმცა მუშის ოჯახის ბიუჯეტში თანდათან უფრო თვალსაჩინო ხდება წარმოებიდან ქირის სახით მიღებული შემოსავლის უპირატესი მნიშვნელობა მიწათმოქმედებისაგან მიღებული შემოსავლისგან განსხვავებით. ჭიათურის სამრეწველო რაიონის გლეხური მოსახლეო-

ბის მნიშვნელოვანი ნაწილი წარმოებაში დაქირავებული მუშახელის სახით სამუდამოდ ჩაება. მართალია, ასეთ მუშათა უმრავლესობა მთლიანად და სამუდამოდ არ წყვეტდა კავშირს მიწასთან. ამის მიუხედავად, ისინი არ შეიძლება არ ჩაითვალოს კადრის. მუშებად, რადგან წარმოებაში სამუდამოდ არიან ჩაბმული, აქედან მიღებული შემოსავალი მათთვის არსებობის მთავარ წყაროს წარმოადგენს. ამასთანავე ასეთი გენეალოგიის მუშათა მთელი ოჯახები, მეტ-ნაკლებად, მთელი შემადგენლობით უკავშირდებიან წარმოებას. ამგვარად, ისინი, მართალია, მიწასთან კავშირს, თუნდაც ძლიერ შესუსტებულს მეტწილად მაინც ინარჩუნებდნენ, ამის მიუხედავად, სამუდამოდ წყვეტენ კავშირს ძველ ტრადიციებთან და წოდებრიობასთან.

ჭიათურის სამრეწველო რაიონის მუშათა, მათ შორის კადრის მუშათა, რიგები იზრდებოდა აგრეთვე შედარებით შორეული კუთხეებიდან მოსულ გლეხთა ხარჯზე. ამ პროცესის საილუსტრაციოდ წყაროები მხოლოდ დაბა ჭიათურის შესახებ ცნობებს შეიცავენ. ჭიათურაში 1897 წელს 907 მცხოვრები აღირიცხა, ხოლო 1903 წელს — 1847. აქედან იმავე 1903 წელს 1523 ანუ 82,45 % მამრობითი სქესის მოსახლეობაა. მამრობითი სქესის მოსახლეობის შედარებითი სიდიდე სამრეწველო მოსახლეობის საერთო რიცხვის სიჭარბით აიხსნება. ეს გარემოება იმასთანაც იყო დაკავშირებული, რომ სამრეწველო რაიონის ცენტრი ამ დროს არ იყო ისე მოწყობილი, რომ მას უზრუნველყო აქ თავმოყრილი დაქირავებული მუშახელის ოჯახურად დასახლება. საყურადღებოა აგრეთვე, რომ 1903 წელს ჭიათურის მოსახლეობის საერთო რიცხვიდან 1313 ანუ 71,09 % გლეხური წარმოშობისაა. ყოველ 100 სულ მოსახლეზე წარმოშობით გლეხია 71. გლეხური წარმოშობის მოსახლეობის სიჭარბე, ბუნებრივია, კიდევ უფრო თვალსაჩინო იქნებოდა სამთო საწარმოთა ფარგლებში, სადაც მარტო მუშური მოსახლეობა ცხოვრობდა. თუ ყველა არაპრივილეგიური წოდების წარმომადგენლებს გავაერთიანებთ, გამოვა, რომ ჭიათურაში 1903 წელს ასეთია 1476 სული ანუ მთელი მოსახლეობის 80 %¹¹. მეტად მრავალფეროვანი იყო ჭიათურის სამრეწველო რაიონის მოსახლეობის ეროვნული შემადგენლობა. 1903 წლის აღწერის თანახმად ჭიათურაში 15 ეროვნების მოსახლეობაა: მათ შორის ქართველები 1399 სული ანუ 75,74%, რუსები — 117 ანუ 6,33%¹²; ბერძნები — 112 ანუ 6,06%¹³; სომხები — 76 ანუ 4,11%¹⁴. არიან აგრეთვე: ებრაელები, ოსები, ინგუშები, ლეკები, ჩეჩ-

¹¹ Статистика Чхатарского населения по переписи произведенной... 18—20 января 1903 года. К., 1905, гл. IV—VI.

ნები. ასევე უცხოელები: ფრანგები, გერმანელები, ინგლისელები, სპარსელები, თურქები და სხვ.¹² მოტანილი ცნობები იმაზე გვანიშნებენ, რომ სამთო, მადნის გადამზიდველ, ასევე დამხმარე საწარმოთა და დაწესებულებათა მუშახელის კონტინგენტს უპირატესად კვლავ საქართველოს, მეტადრე დასავლეთ საქართველოს, სოფლიდან მოსული ღარიბი გლეხობა ავსებს, თუმცა მუშათა შორის არიან აგრეთვე რუსეთის შიდა გუბერნიებიდან და კავკასიის სხვადასხვა კუთხიდან მოსულნი: რუსები, სომხები, ოსები; გრძელდება სპარსეთიდან და თურქეთიდან მუშახელის მოსვლა. ამ ქვეყნებიდან წარმოებას მოაშურებენ არა მარტო სპარსელები და თათრები, არამედ სომხები და ბერძნებიც. სამთო მუშათა ძირითად მასას ამ პერიოდშიც ქართველები შეადგენენ, თუმცა ვხვდებით რუსებს, ოსებს, სომხებს. ამავე დროს, თუ გასული საუკუნის დამლევამდე სპარსელები და თურქები სამთო მუშათა შორის აქა-იქ გვხვდებოდნენ, ამჟერად ისინიც ებმებიან სამთო სამუშაოებში. მადნის საჭაპანო და სასაპალნე ტრანსპორტით გადამზიდველთა დიდი ნაწილი ქართველებია, ნაწილიც სპარსელები და თურქები, როგლებიც აქ საკუთარი სატრანსპორტო საშუალებით მოდიან. მრეწველობის დამხმარე საწარმოებში ქართველების გარდა არიან აგრეთვე რუსები, სომხები და ბერძნები, რომლებიც მისდევენ სამუშაო იარაღების კეთება-შეკეთებას, სამთო გამონამუშევრების გასამაგრებელი მასალის დამზადებას და სხვა.

1900-იანი წლებიდან გარკვეული ცვლილება შეინიშნება სამთო მუშათა პროფესიონალურ შემადგენლობაში. მართალია, ისინი, როგორც ადრე, ძირითადად კვლავ იყოფიან სამ კატეგორიად: მადნის მსგრეველებად, გამომზიდველებად და დამხარისხებლებად, მაგრამ ადრინდელისაგან განსხვავებით, სამთო მუშათა შორის აქა-იქ გამოჩნდნენ ე.წ. „დამმუხრუჭებლები“, „მწმენდაევი“, ხოლო დიდი რაოდენობით „შავი მუშები“¹³. ასე მაგალითად, მაღაროებში 1891 — 1900 წლებში მომხდარი უბედური შემთხვევების უწყისში არ ვხვდებით „დამმუხრუჭებლებს“, „მწმენდაეებს“ და „შავ მუშებს“¹⁴, ხოლო 1900-იანი წლების დამდეგიდან უბედური შემთხვევების აღრიცხვისას ისინი ცალ-ცალკეა წარმოდგენილი. საყურადღებოა, რომ 1901 — 1903 წლებში კიათურის მაღაროებში უბედური შემთხვევებისას დაშავებული 83 მუშიდან, გ. ზდანოვიჩის ცნობით, 39, ანუ 47 %,

¹² Статистика Чинатурского населения по переписи произведенной... 18—20 января 1903 года. К., 1905, გვ. 5—6.

¹³ Труды VI съезда... გვ. 27.

¹⁴ უწყისი იხ. ЦГИАЛ, ф. 37, оп. 75, д. 69, 1891—1900, л. 1—57.

„შავი მუშები“¹⁵. ამიერიდან წყაროებში შავი მუშები მოიხსენიებიან მზგრეველთა, მადნის გამოშვიდველთა და დამხარისხებელთა გვერდით. ჩვენი დაკვირვებით, ეს იმით აიხსნება, რომ წარმოების განვითარების დაკვალად გაღრმავდა შრომის დანაწილება და სხვადასხვა საქმეში დაოსტატებულ მუშას წარმოების პროცესში დასჭირდა და კიდევაც შეეზიარა შავი მუშა. ტექნიკური საახლეების დანერგვამ და, კერძოდ, სამთო გამონამუშევრებში რელსებიანი გზების შეყვანამ დააჩქარა მადნის გამოშიდვის ოპერაცია და მოითხოვა გამონამუშევრების წმენდითი სამუშაოების გაფართოება. საამისოდ მოწყობილი რელსებიანი გზით საბალოების სიღრმიდან მადნის გარდა გამოპქონდათ აგრეთვე ფუჭი ქანები. ამას მოითხოვდა საბადოთა რაციონალური ექსპლოატაცია. საწარმოო პროცესში მომხდარაჲ ძვრამ მოითხოვა საბადოთა ამწმენდ და მალაროში მადნის ვაგონებში დამტვირთველ შავ მუშათა მონაწილეობა. ამ კატეგორიის მუშათა რიცხვი თვალსაჩინოდ გაიზარდა მრეწველობის განვითარების მომდევნო ეტაპზე, როცა ტექნიკური საახლეების დანერგვით საბადოთა რაციონალური ექსპლოატაცია გაფართოვდა.

განსახილველ პერიოდში მუშათა რიგების შეესებაზე დაკვირვებისას შეიმჩნევა კრიზისის შედეგად წარმოებიდან განდევნილ წვრილ მეწარმეთა გადაქცევა დაქირავებულ მუშებად. მკაფიოდ შეინიშნება მრეწველთა მონაწილეობის ფორმის შეცვლა მარგანეცის წარმოებაში. ვ. ი. ლენინი გვასწავლის, რომ „კაპიტალის სიდიდე განსაზღვრავს საწარმოში მეპატრონის პირადი მონაწილეობის ფორმას: არის თუ არა ის თვითონაც მუშა, როცა მისი კაპიტალი ჯერ კიდევ ძალიან მცირეა, თუ უარს ამბობს პირად მუშაობაზე და სპეციალდება კომერციულ — სამეწარმო ფუნქციებში“¹⁶. ვ. ი. ლენინს ნოჰყავს შემდეგი დებულება და მაგალითი (მოსკოვის გუბერნიის საწარმოთა აღწერიდან: „შეიძლება... მეპატრონის მდგომარეობა დავუკავშიროთ, მისი მუშების რიცხვს...“ „2—3 მომუშავე იმდენად ცოტა ნაშეტს აძლევს მეპატრონეს, რომ ის თვითონ მათ გვერდით მუშაობს... 5 მომუშავე კი უკვე იმდენს აძლევს მეპატრონეს, რომ ის რამდენადმე ითავისუფლებს თავს ხელით მუშაობისაგან...“ „როგორც კი დაქირავებული მუშების რიცხვი აღწევს 10-ს ან გადაამეტებს ამ ციფრს მეპატრონე არა თუ სწყვეტს ხელით მუშაობას, არამედ თითქმის თავსაც კი ანებებს მუშებზე პირადად ზედამხედველობას. ის ნიშნავს მთავარ ოსტატს, რომელიც თვალყურს ადევნებს მომუშავეებს...

¹⁵ იხ. Труды VI съезда... марганцевопромышленников. К., 1906. გვ. 26.

¹⁶ ვ. ი. ლენინი, თხზ. ტ. 3, გვ. 415.

აქ ის უკვე იქცევა პატარა კაპიტალისტად, ნამდვილ მკვიდრ „მეპატრონედ“¹⁷. მართალია, აქ ვ. ი. ლენინი ეხება კაპიტალისტურ მარტივ კოოპერაციას, ამის მიუხედავად, საწარმოში მეპატრონის პირადი მონაწილეობის ფორმის ეს განსაზღვრა, ვფიქრობთ, შეგვიძლია გამოვიყენოთ როგორც გასაღები და ამოსავალი პუნქტი ჭიათურის სამთო საწარმოებში მეპატრონეთა პირადი მონაწილეობის ფორმის დასახასიათებლად. ზემოთ (I და II თავებში) გავეცანიტ სხვადასხვა მასშტაბის სამთო საწარმოთა მუშების რიცხვს და მოვიტანეთ საარქივო წყაროების ცნობები იმის შესახებ, რომ წვრილი მეწარმენი ხშირად თვითონ მუშების გვერდით მუშაობდნენ. ამავე დროს აღსანიშნავია, რომ წარმოების განვითარების ადრინდელ პერიოდებში მსხვილ მრეწველთა და აგრეთვე საშუალო მრეწველთა მცირე ნაწილის გარდა, საბადოთა მეპატრონეები, უკლებლივ, თვითონ განაგებდნენ საწარმოს და მუშებზე ზედამხედველობას. შედარებით შეძლებულმა მრეწველებმა კი თითქმის თავიდანვე დაიჭირავეს საბადოთა ექსპლოატაციის განმგებელ-ზედამხედველები. ასე, მაგალითად, 1891—1900 წლებში გ. ჩუბინიძის „მალაროს გამგეა“ ი. ხარაძე, ს. ჩაჩანიძის „საქმის მწარმოებელია“ ს. ასარტიანცი, ს. წერეთლის „საბადოთა ექსპლოატატორია“ ა. ვაკოლოპოლო, ნ. ლოლობერიძის „რწმუნებულა“ ს. ყიფშიძე, გ. ემერიკის „მალაროს გამგეა“ ი. ლისოვსკი, ი. გამყრელიძისა—მ. გუბკე და სხვ.¹⁸ 1903—1904 წლებში კი საბადოების ექსპლოატაციას „ზედამხედველის“ მეშვეობით 49 მრეწველი ეწევა¹⁹. ეს მით უფრო საყურადღებოა, რომ 1900 წლამდე მხოლოდ 20—30 მეწარმე ეწეოდა საბადოთა ექსპლოატაციას პირადი ზედამხედველობის გარეშე.

ადრე, 1893 წლის დამდეგამდე, მეწარმეთა საერთო რიცხვის 83 %. უშუალოდ ხელმძღვანელობდა თავის კუთვნილ საბადოს ექსპლოატაციას, ხოლო შემდეგ, როცა ჭიათურაზე სამთო ზედამხედველობა გავრცელდა, სამთო უწყებამ მარგანეცის მრეწველებს საბადოთა ექსპლოატაციის პასუხისმგებელი პირების დანიშვნა მოსთხოვა, თუმცა ნება მისცა რამდენიმე მრეწველს ერთი პასუხისმგებელი ჰყოლოდა²⁰. ამიტომ ხშირი იყო შემთხვევები, როცა 5 მალაროს ერთი გამგე ჰყავდა²¹. მაგრამ, ამ მხრივ მოცემულ პერიოდში მომხდარ ცვლილებათა შორის ყველაზე მთავარია, ერთი მხრივ, იმ

¹⁷ ვ. ი. ლენინი, თხზ. ტ. 3, გვ. 415—416.

¹⁸ ЦГИАЛ, ფ. 37, оп. 75, д. 69, 1891—1900 гг., л. 1—57.

¹⁹ ЦГИАЛ, ფ. 37, оп. 75, д. II-а, 1903 — 1904, л. 7—42.

²⁰ ЦГИАЛ, ფ. 37, оп. 55, д. 609, л. 21.

²¹ იქვე.

მეწარმეთა რიცხვის ზრდა, რომლებიც საბადოთა ექსპლოატაციას დაქირავებულ ზედამხედველ-განმგებელთა მეშვეობით ეწეოდნენ, ხოლო, მეორე მხრივ, იმ მეწარმეთა რიცხვის შემცირება, რომლებიც არა მარტო საკუთრივ განაგებდნენ თავის საბადოთა ექსპლოატაციას, არამედ ხშირად დაქირავებული მუშახელის გვერდით მუშის როლშიც გამოდიოდნენ.

• • •

1901 — 1905 წლების კრიზისმა ძლიერ დაამძიმა კიათურის სამრეწველო რაიონის მუშათა მდგომარეობა, გამოიწვია უმუშევრობა. მუშის მოწყობა სამუშაოზე მის მიერ „საამისო გასამრჩელოს“ გაღების გარეშე, რაც მას მეტწილად არ გააჩნდა, თითქმის შეუძლებელი იყო. ამავე დროს მას ყოველგვარი საბაბით აკარგვინებდნენ სამუშაოს. ეს გარემოება აღელვებდა „კვალის“ შორაპნელ კორესპონდენტს, როცა წერდა: „ძლიერ ცუდად ეპყრობიან მუშებს უფროსი ზედამხედველები, რომელთა ხელშია მუშების მიღება და დათხოვნა, რადგან სამუშაოში ჩარიცხვა გაძნელდა (მუშახელი იაფია — ბევრია, მოთხოვნილება — ნაკლები) „უფეშქეშოთ“, ამიტომ დაედვა მას ფასი, გაძლიერდა მისი მოთხოვნილება, დოქითა და ჩაფით ღვინის ზიდვა, ან ქათმის თუ სხვ... ფულის მიღების დროს საერთო დაპატყება და პატივისცემა. აი. „უფეშქეში“²².

მძიმე იყო მუშის შრომის პირობები. საბადოთა ექსპლოატაციის პროცესში სამთო გამონამუშევრები უფრო და უფრო დიდ 60 — 100 საუნენის სიღრმეში იჭრებოდა²³. საქმე მოითხოვდა მიწისქვეშა სამუშაოების უფრო რაციონალურად წარმოებას, ურომლისოდაც შეუძლებელი ხდებოდა საბადოთა ექსპლოატაციის რიგიანად დაყენება და გამონამუშევრებში რელსებიანი გზების შეყვანა. საამისოდ და შრომის უსაფრთხოების ტექნიკის დასაცავად ცოტა რამ კეთდებოდა, ისიც მხოლოდ მსხვილ სამთო საწარმოებში. გვირაბების ჰერის სიდაბლე და, რაც მთავარია, სუსტი გამაგრება ან გაუმაგრებლობა შრომას აძნელებდა და იწვევდა „ჰერის“ ჩამოშლა-ჩამონგრევას, უბედურ შემთხვევებს, რისი მსხვერპლიც მუშები ხდებოდნენ²⁴. მარგანეცის მრეწველთა აღიარებით, ჩვენთვის საინტერესო პერიოდში, მალაროებში უბედურ შემთხვევებს იწვევდა: ჭერ ერთი, სამთო გამონამუშევრების გაუმაგრებლობა ან კიდევ სუსტად გამაგრება,

²² „კვალი“, 1902, № 5, გვ. 81.

²³ ЦГИАЛ, ф. 37, оп. 72, д. 283, л. 7.

²⁴ იქვე, ფურც. 19.

მეორე, მუშაობის ტექნიკურად დაუშვებელი მეთოდები, მესამე, უსაფრთხოების წესების დაუცველობა და სამთო ზედამხედველობის უზრუნველობა და, ბოლოს, მეოთხე, მუშის გამოუცდელობა.²⁵ რუსეთის ფინანსთა სამინისტროში 1903 წლის ოქტომბერში „ჭიათურის მარგანეცის მრეწველობის მდგომარეობის“ განსახილველად მოწვეულ საუწყებათაშორისო თათბირზე „განსაკუთრებული ყურადღება მიექცა მარგანეცის მადნის უკიდურესად არასრულყოფილი საშუალებით მოპოვებას“²⁶. ეხებოდა რა თათბირზე გამოაშკარავებულ მდგომარეობას, ფინანსთა მინისტრი აცნობებდა მიწათმოქმედების მინისტრს: მაღაროთა გამაგრება ცუდად მიმდინარეობს. ეს ხშირად იწვევს ფენების ჩამონგრევას და მუშათა დასახიჩრებას. ამის გამო ჭიათურის საწარმოებში ამ უკანასკნელ ხანს უბედურ შემთხვევათა ზრდა შეიმჩნევა.²⁷ უბედურ შემთხვევათა აღრიცხვა მხოლოდ იშვიათ, საგანგებო შემთხვევებში ხდებოდა, რადგან მეწარმენი ცდილობდნენ მათ დამალვას. ამის მიუხედავად, ასეთი შემთხვევების აღრიცხვის მეტად ნაკლები მონაცემებიც კი გვიჩვენებენ უბედურ შემთხვევათა ზრდას. მაღაროებში უბედური შემთხვევები აღირიცხა:

1901 წელს	— 13	1904	— 34
1902 „	— 17	1905	— 40 ²⁸
1903 „	— 53 ²⁸		

მრეწველთა ყრილობის მასალების თანახმად 1901—1902 წლებში უბედურ შემთხვევათა საერთო რიცხვიდან სასიკვდილო იყო 2, 1903 წელს --- 7, 1904 წელს — 8. ასევე ხელოვნურად შემცირებული ჩანს უბედურ შემთხვევათა შედეგად დაშვებულ მუშათა რიცხვი გ. ზდანოვიჩის მიერ 1904 წელს მრეწველთა VI ყრილობისათვის მიცემულ ცნობაში, რომლის მიხედვით 1901—1903 წლებში მომხდარი 83 უბედური შემთხვევისას მხოლოდ 83 მუშა დაშავდა. ამ ცნობის მოწმობით, დაშავებული 83 მუშიდან დაიღუპა 9 ანუ 10,8%, დაინვალიდა 58 ანუ 63,2%, სულ განიკურნა 16 ანუ 26%²⁹; გ. ზდანოვიჩი ვითარების შესარბილებლად შედარებასაც მიმართავდა: 1901 წელს ჭიათურის მაღაროებში ყოველ 1000 მუშაზე უბედური შემთხვევის შედეგად დაშავდა მხოლოდ 6,5 ანუ 0,65%, ხოლო დონეცკის აუზის ქვანახშირის საწარმოებში — 10,4%. იგი აქ არ ითვალისწინებს

²⁵ Труды съезда... марганцепромышленников, К., 1906. გვ. 254.

²⁶ ЦГИАЛ. ф. 37. оп. 55, д. 609, л. 6.

²⁷ იქვე, მეორე გვერდი.

²⁸ Труды VI съезда... марганцепромышленников, К., 1904, часть II, გვ. 24.

²⁹ Труды VIII съезда... марганцепромышленников, К., 1906, გვ. 254.

უბედურ შემთხვევათა აღრიცხვის განსაკუთრებით საგანგაშო მდგომარეობას ჩვენში და იმასაც, რომ (დონეცკში) ქვანახშირის საბადოებში ბუნებრივიც იქნებოდა უბედურ შემთხვევათა განსაკუთრებული სიხშირე წარმოების მოცემული დარგის სპეციფიკის გამო. გ. ზდანოვიჩის მოწმობით, ქიათურის საბადოებში 83 უბედური შემთხვევიდან 53, ანუ 65 %, გამოიწვია მადნისა და ქანების ჩამონგრევამ³⁰. მრეწველობის წინარე პერიოდში, კერძოდ, 1891—1900 წლებში, აღრიცხული უბედური შემთხვევების უწყისიდან კი ჩანს, რომ 43 ასეთი შემთხვევიდან 41 ანუ 95% სამთო გამონამუშევრებში ზევიდან ფენების ჩამონგრევის შედეგი იყო, ხოლო 49 დაშავებული მუშიდან მადნის მნგრეველები იყვნენ 47 ანუ 96%³¹. გ. ზდანოვიჩის გაანგარიშებით 1901—1903 წლებში უბედურ შემთხვევათა შედეგად დაშავებული 83 მუშიდან „შავი მუშა“ იყო 39 ანუ 47 %. მადნის მნგრეველი — 28 ანუ 34 %, მადნის გამომზიდველი 12 ანუ 15 %, დამმუხრუჭებელი — 1, მწმენდავი — 1³².

საყურადღებოა აგრეთვე სამი გარემოება: ჯერ ერთი, რომ აღრიცხული უბედური შემთხვევებიდან 1902 წელს კვირა დღეს მოხდა — 4, ხოლო 1903 წელს — 2, რაც იმას გვიდასტურებს, რომ ამჟერადაც, როგორც ადრე, მუშების ნაწილს დასვენების დღეებშიც უხდებოდა მუშაობა³³. მეორე, უბედური შემთხვევები ხდებოდა მსხვილ სამთო საწარმოებშიც, სადაც მუშაობის უსაფრთხოება უკვე უნდა ყოფილიყო დაცული: მაგალითად, გ. ემერიკის საწარმოებში დარკვეთში 1901—1903 წლებში 4 უბედური შემთხვევა მოხდა³⁴. მესამე, სამთო მუშათა დაზღვევის საქმე, რასაც დეტალურად ნაშრომის VII თავში გავეცნობით, იმდენად მოუწესრიგებელი იყო, რომ 1901—1903 წლებში უბედური შემთხვევის შედეგად დაზარალებული 83 მუშიდან 1904 წლამდე „დაზმარება მიიღო მხოლოდ 37-მა, ხოლო 46 უყურადღებოდ იყო მიტოვებული“³⁵. გ. ზდანოვიჩი საინტერესო ცნობას გვაწვდის აგრეთვე დაშავებულ მუშათა ასაკობრივ

³⁰ Труды VI съезда... марганцевопромышленников. გვ. 26.

³¹ ჩვენს გამოთვლას შტრ: Сведения о несчастных случаях с рабочими на рудниках... Чпатура... 1891—1900 гг. (იხ. ЦГИАЛ. ფ. 37. оп. 75. д. 69. л. 1—57.

³² Труды VI съезда... გვ. 27.

³³ იქვე, გვ. 26.

³⁴ იქვე, გვ. 74—75.

³⁵ იქვე, გვ. 27.

შემადგენლობაზე: მისი მოწმობით, 83 მუშიდან 20-მდე წლის იყო 20 ანუ 24,1%.

21 — 25 წლის იყო	19 ანუ 23.7%	41 — 45 წლის იყო	—	—
26 — 30	18 21.7%	46 — 50 „ „	2 ანუ 2,4%	
31 — 35	8 9.6%	ასაკი უცნობია	9	10.8%
36 — 40	7 8.4%			

როგორც ვხედავთ, დაშავებულ სამთო მუშათა უმრავლესობა მხოლოდ 35 წელს მიღწეულია, ხოლო გ. ზდანოვიჩის პირდაპირი განცხადებით 50 წლის ზევით არ ყოფილა არც ერთი დაზარალებული მუშა, მათ შორის, როგორც ჩანს, ის 9, რომელთა ასაკი ზუსტად არ იყო ცნობილი³⁶. ეს ცნობა მით უფრო ძვირფასია ჩვენთვის, რომ მუშათა ასაკობრივ შემადგენლობაზე წყაროები შესაფერის ცნობებს არ შეიცავენ. მრეწველობის განვითარების მოცემულ ეტაპზე, როცა საბადოთა ექსპლოატაციამ მალაროთა სიღრმეში გადაინაცვლა, სამთო მუშათა ძირითად კონტინენტს უფრო ახალგაზრდები, აგრეთვე შუახნის მუშები შეადგენდნენ, ხოლო ძლიერ ხანდაზმულნი მათ შორის თითქმის არ გვხვდებიან.

რაც შეეხება უბედურ შემთხვევათა ზრდის ტენდენციას, ამას გვიჩვენებს თუნდაც იგივე გ. ზდანოვიჩი, რომლის გამოთვლით, 1901 — 1903 წლებში მომხდარი უბედური შემთხვევების საერთო რიცხვიდან 1901 წელზე მოდის 15,7 %, 1902 წელზე — 20,5 %, ხოლო 1903 წელზე — 53,8 %. ის ამასთანავე დაასკვნის: „უეჭველია, რომ თუ მალაროთა მოწყობა ისეთსავე სავალალო მდგომარეობაში დარჩება, როგორშიც ის ამჟამადაა, თუკი მრეწველების მიერ ზომები არ იქნება მიღებული საკუთარი წარმოების ტექნიკის გასაუმჯობესებლად, ასეთ პირობებში უბედურ შემთხვევათა რიცხვი მალაროებში მოპოვებითი სამუშაოების გაღრმავებისდაკვალად შესამჩნევად უნდა გაიზარდოს“³⁷. ამგვარად, ვხედავთ, რომ სამთო მუშათა შრომის პირობები, თვით მრეწველთა აღიარებითაც ძალიან ცუდი იყო, რაც უბედურ შემთხვევებს იწვევდა.

სამთო მუშათა შრომას აძნელებდა გამონამუშევრებში ვენტილაციის მოწყობილობა, სუსტი განათება და სხვ. შრომის მძიმე პირობებში მით უფრო აუტანელი იყო სამუშაო დროის მეტისმეტი ხანგრძლიობა. რუსეთში და, კერძოდ, პეტერბურგში გასული საუკუნის 90-იანი წლების შუა ხანებში მუშათა საგაფიცვო მოძრაობით „შე-

³⁶ Труды VI съезда... გვ. 27.

³⁷ იქვე, გვ. 26.

შინებული მეფის მთავრობა იძულებული იყო 1897 წლის კანონ-მდებლობით შეემციკრებინა სამუშაო დღე თერთმეტნახევარ საათამდე³⁸, ჭიათურის მარგანეცის საწარმოებში კი მუშა დღეში 13 — 14 საათს მუშაობდა, რასაც აპირობებდა დაქირავების სანარდო სისტემის ბატონობა. ჭიათურაში სამთო და მადნის გადაშვიდეულ მუშათა დღიურ და თვიურ დაქირავებას ადგილი არ ჰქონია. მრეწველი აიძულებდა მუშას გარიგებოდა მადნის მოპოვებაში საყენობით (მეტწილად მაშინ, როცა უკანასკნელს მადანი საბადოშივე უნდა ჩაებარებინა) და ფუთობით (საბადოში, აგრეთვე რკინიგზის შტოს ბაქნებზე მადნის ჩაბარებისას). საყენობით ჩაბარებისასაც ხშირად ფუთობით ხდებოდა გაანგარიშება (საყენი 1500 — 1800 ფუთად ითვლებოდა). სამრეწველო კრიზისის შედეგად მადნის ფასები ადგილზე, ისევე როგორც საერთაშორისო ბაზრებზე, დაეცა, მადნის შემსყიდველებმა თუ ექსპორტიორებმა მრეწველებისაგან ჭიათურის შტოს ბაქნებზე ნაწარმის ჩაბარებისას ძლიერ გაზარდეს ე. წ. „სკიდკის“ ოდენობა: მადნის სინოტივისა თუ დაბალხარისხოვნების საბაბით წონაში ჩვეულებრივ 25 — 30 %-ს უკლებდნენ. მადანზე მოთხოვნილება დიდი არ იყო და მეწარმენი იძულებული იყვნენ მთელი დღეები გაეტარებინათ მყიდველთა სასწორებთან, თვალყური ედევნებინათ მწონავთა „ფოკუსებისათვის“ და ასე გაესაღებინათ მადანი შემსყიდველის მიერ შემოთავაზებულ პირობებში³⁹. სამაგაეროდ მრეწველებმა გამოსავალი იპოვეს: ისინი მუშებს ანგარიშს უსწორებდნენ უკვე არა საბადოში ჩაბარებული მადნის ზომისა თუ წონის მიხედვით, არამედ ბაქნებზე მწონავთა მიერ ჩაბარებული წონის შესაბამისად. ამასთან დაკავშირებით ინჟ. ფიტინგოვი ჭიათურაში 1903 წლის ივლისის გაფიცვის აქტიურ მონაწილეთა სასამართლო პროცესზე აღნიშნავდა:... „როდესაც საზღვარგარეთ ფასები დაეცა, მადნის შემსყიდველებმა... აუწიეს ჩამოკლების (სკიდკის) პროცენტი და ნელ-ნელა აიყვანეს იგი 20 — 25 %-მდე. ამასთანავე ამბობდნენ, რომ მოხერხებული მოწინავე იღებს ზოგჯერ 40 %-მდე. ამგვარად, შემსყიდველები მრეწველებს უფასოდ ართმევდნენ დაახლოებით 25 — 30 %-ს. აშკარაა, — განაგრძობს ინჟ. ფიტინგოვი, — რომ მრეწველები, რომლებსაც არ უნდათ თავის ქონების დაკარგვა, ცდილობენ აინაზღაურონ ეს დანაკლისი იქ, სადაც ეს უფრო მოხერხებულია, ე.ი. მუშებიდან. უკანასკნელ დღემდე მრეწველებს და მუშებს შორის ანგარიშები წარმოებდა მუშების მიერ დადგმუ-

³⁸ სკკპ ისტორია, 1961, გვ. 73.

³⁹ ЦГИАЛ, ф. 95. оп. 18, д. 110, л. 42.

ლი მადნის გროვის აზომვის თანახმად, ასაზომად შემოღებული იყო არშინი. არშინი პირველად 16 ვერშოკს უდრიდა, ხოლო შემდეგ ჩამოკლების (სკიდკის) გადიდებისას „არშინიც გადიდდა და თანდათან ავიდა 18—20—22 ვერშოკამდე“, როდესაც ჩამოკლება ავიდა 25 — 30%-მდე, მრეწველებმა უფრო ხელსაყრელად სცნეს მუშებთან ანგარიში გაესწორებინათ ექსპორტიორთა ნოქრების მიერ წონით ჩაბარებული მადნის ოდენობის მიხედვით და არა მოცულობის მისხედვით, როგორც ეს ადრე ხდებოდა. როგორც არ უნდა ყოფილიყო ხელფასის გასწორების წესი, ბოლოს და ბოლოს მძიმე ტვირთი აწვებოდა მუშას“⁴⁰.

შრომის ნაყოფიერების ზრდის მიუხედავად მუშის ხელფასი ჩვეულებრივ არა თუ იზრდებოდა, არამედ მცირდებოდა.⁴¹ 1905 წლის მარტამდე მნგრეველი მუშის დღიური ხელფასი არ აღემატებოდა 1 მანეთს,⁴² მადნის გამომზიდველისა — 80 კაპიკს, მალაროში მომუშავე შავი მუშისა და საბადოს ზედაპირზე მადნის დამხარისხებლისა — 60—70 კაპიკს, ხოლო ბავშვისა და ქალისა — 10—40 კაპიკს.⁴³ ბავშვთა და ქალთა შრომა განსაკუთრებით ფართოდ გამოიყენებოდა წვრილ საწარმოებში⁴⁴, სადაც ხშირად ოჯახის მთელი შემადგენლობა (ბავშვიან-ქალიანად) საკუთრივ ეწეოდა თავის ან სხვის საბადოს ექსპლოატაციას. მაგალითად, 1899 წელს მთელი ოჯახის წევრთა შრომას ემყარებოდა 13 საწარმო, 1903 წელს კი ასეთ საწარმოდ 9 ითვლებოდა. მუშათა რევოლუციური მოძრაობის გაძლიერებამ მრეწველთა დიდი ნაწილი აიძულა მნიშვნელოვნად გაედიდებინათ მუშის ხელფასი, თუმცა სწორი არ იყვნენ მარგანეცის მრეწველები, როცა პეტერბურგში აცნობებდნენ, რომ თითქოსდა მუშებს ჭიათურაში ხელფასი ჯერ კიდევ 1903 წელს გაუდიდდათ „უფრო მეტად, ვიდრე 100%-ით (80 კაპიკიდან 2 მანეთამდე)“⁴⁵. სინამდვილეში 1903 წლისათვის ხელფასის მომატებას მხოლოდ რამდენიმე მსხვილ საწარმოში ჰქონდა ადგილი, ხოლო 1905 წლის მარტიდან მნგრეველი მუშის დღიური ხელფასი გახდა 1 მან და 60 კაპ., გამომზიდველისა — 1 მან. და 40 კაპ., მალაროში მომუშავე შავი მუშისა და

⁴⁰ ქს. კვანტრე. საქართველოს სამთამადნო მუშათა მოძრაობის ისტორია, 1926, გვ. 41.

⁴¹ ХФЦГИАУ, ფონ. 843, საქ. 90, ფურც. 7.

⁴² იქვე.

⁴³ ХФЦГИАУ, ფონ. 843, საქ. 90, ფურც. 10.

⁴⁴ Статистика марганцевого дела, К., 1902, გვ. 38.

⁴⁵ ЦГИАЛ, ф. 22. оп. 2, д. 1894, 1903 г., л. 203.

საბადოს ზედაპირზე მადნის დამხარისხებლისა — 1 მანეთი და 10 კაპ.⁴⁶

1905 წლის მარტიდან ხელფასი თითქმის ყველა სხვა კატეგორიის მუშებზე მეტად გაუდიდდათ ჭიათურის შტოს სადგურებზე მადნის მტვირთავ მუშებს: ისინი ადრე დღეში ღებულობდნენ მხოლოდ 60--90 კაპიკს, ხოლო მომატების შემდეგ! მან 10 კაპიკიდან 1 მან და 70 კაპიკამდე.⁴⁷ ჩალვადრები და მეურმეები საბადოებიდან რკინიგზის შტოს სადგურებამდე ფუთი მადნის გადაზიდვაში იღებდნენ 2,5 კაპიკიდან სამ კაპიკამდე, იშვიათად 3,5 კაპიკამდე. დღიური გამომუშავება აღწევდა 2 — 3 მანეთს. მაგრაპ, როგორც ინე. ჩერნეცკის მოხსენებაშია ნაჩვენები, საკაპანო და სასაბალნე პირუტყვის გამოკვება ძვირი ჯდებოდა. თივა შორიდან მიჰქონდათ. და ღირდა ფუთი 40 — 50 კაპ., ხოლო ქერი და სიმინდი 70 — 80 კაპიკი⁴⁸. კრიზისის პერიოდში მადანზე მოთხოვნილებამ და მისმა ფასმა იკლო, შემცირდა გადაზიდვის ჭირაც⁴⁹.

სამრეწველო რაიონის ყველა კატეგორიის მუშები გაუგონარ ექსპლოატაციას განიცდიდნენ. ეს აღიარებულ იქნა 1903 წელს პეტერბურგში ჭიათურის მრეწველობის მდგომარეობის გამო მოწვეულ საუწყებათაშორისო თათბირზე, რომლის ოქმში ვკითხულობთ: „მუშათა ექსპლოატაცია არსად არ აღწევს ისეთ უკიდურეს საზღვარს, როგორც მარგანეცის მრეწველებთან. კანონი (მუხლი — მუშათა წიგნაკებზე, მუშების საცხოვრებლით უზუნველყოფაზე და სხვ.) სრულებით არ ხორციელდება“⁵⁰, ცოტა რამ გაკეთდა მუშათა საბინაო პირობების გასაუმჯობესებლად და ისიც მხოლოდ მსხვილ საწარმოებში, სადაც დაიწყო საცხოვრებელი სახლების, ყაზარმებისა და ქოზმახების მშენებლობა. ამ მხრივ უკეთესი მდგომარეობა იყო სააქციო საზოგადოება „დარკვეთის“ მაღაროებში, რის გამო კავკასიის სამთო სამმართველო 1901 წლის ანგარიშში აღნიშნავდა: „დარკვეთის მარგანეცის საბადოებში აშენებულია ქვიტკირის ყაზარმები მუშებისა და მოსამსახურეებისათვის“⁵¹. ხის ყაზარმები აიგო გ. ემერიკის, პ. მოსევილის, გ. ჩუბინიძის, პ. წულუკიძის, ნ. ლოლობერიძის. ძმ. ოგანეზოეებისა და ზოგ სხვა საწარმოებში, ხოლო მუშათა საცხოვრებელი ქოზმახები — რამდენიმე ათეული მეწარმის საბადოებში. ამიტომ,

⁴⁶ ХФЦИЛУ, ფონ. 843, საქ. 17, ფურც. 11.

⁴⁷ იქვე, ფურც. 10.

⁴⁸ ЦГИАЛ, ფ. 95, ოპ. 18, დ. 1010, 1903 გ., л. 42.

⁴⁹ იქვე.

⁵⁰ ЦГИАЛ, ფ. 37, ოპ. 55, დ. 609, л. 40.

⁵¹ ЦГИАЛ, ფ. 37, ოპ. 75, დ. 348, л. 278.

არ ვიზიარებთ მტკიცებას, რომ თითქოს „XX საუკუნის პირველ ათწლეულში სამთამადნო მრეწველობის მუშათა საბინაო პირობებში რაიმე გაუმჯობესება არ მომხდარა“⁵². ერთგვარი გაუმჯობესების ცდების მიუხედავად, მუშათა საყოფაცხოვრებო და საარსებო პირობები ჭიათურის სამრეწველო რაიონში კვლავ ცუდი იყო. ამ მდგომარეობის გამო შეშფოთებული ფ. მახარაძე 1902 წელს წერდა: „როცა ხელაღვთ, ერთის მხრით, ასეთ უყურადღებობას და, მეორეს მხრით, მომუშავეთა აუტანელ მდგომარეობას, გული გიკვდება. შეიძლებოდა კი რომ ჩვენშიც, როგორც სხვაგან, არსებულიყო სხვადასხვა ორგანიზაცია ამათ სასარგებლოდ, როგორც, მაგალითად, სხვადასხვა დამხმარებელი საზოგადოებანი, სკოლები, კითხვები, იაფფასიანი სასადილოები და უმეტესად კი ბინები. რომ იცოდეთ, სად ატარებენ ღამეებს ჭიათურელი მუშები, ან როგორ იკვებებიან ისინი, რამდენ საათს მუშაობენ დღე და ღამეში, გაოცდებით. მაგრამ თქვენთვის წარმოდგენელია ის ბნელი, ნესტიანი, მიწური ქოხმახები, რომლებიც ყველაფერს გვანან გარდა ადამიანის სადგომისა. როცა უყურებ აქ ცხოვრებასა, ძალაუნებურად გაიფიქრებ, რომ ადამიანის პიროვნებას ასე მდაბლად არსად არ უნდა აფასებდნენ, როგორც ჭიათურაში. სკოლა რა ხილია აქ არ იციან, თუმცა მცირეწლოვან მომუშავეთა რიცხვი საკმარისად დიდია... წერა-კითხვის მცოდნეს აქ სანთლით ვერ მოძებნი. მაგრამ მადნებში მომუშავეთა კიდევ უფრო უარეს ყოფაში ჩაღანდრებია, ე.ი. ისინი, ვისაც ხარკამეჩით თუ ცხენით მადანი რკინიგზის ბაქანზე ჩამოაქვთ... ერთი სიტყვით საკვირველი არსებაა ეს შავი ქვის მუშა!“⁵³.

ჭიათურის სამრეწველო რაიონში მუშათა საყოფაცხოვრებო პირობების დახასიათებისას, არც თუ ისე აჭარბებდა „კვალის“ კორესპონდენტიც, როცა ის წერდა: „არა მგონია სადმე ასეთ არასასურველ მდგომარეობაში იმყოფებოდეს შრომის წარმომადგენელი, როგორც ჭიათურაში... მუშების მეტი ნაწილი ზაფხულში გარეთ, ცისქვეშ ათენებენ, ხოლო ზამთრობით — შიგ მალარობებში, რაც კანონით სასტიკად აკრძალულია და დიდათაც მავნებელია მათი ჯანმრთელობისათვის“⁵⁴.

სამრეწველო რაიონის მუშათა მძიმე მდგომარეობას აღიარებდნენ თვითონ მეწარმენი და სამთო საქმის სპეციალისტები. მარგანეცის

⁵² ვ. ჭიჭია, საქართველოს სამთამადნო მრეწველობის მუშათა მდგომარეობა..., „მაცნე“, 1965, № 4, გვ. 33.

⁵³ „კვალი“, № 50 — 1902. გვ. 800. იგივე სტატია, იხ. ფ. მახარაძე, თხზ. ტ. II, 1925, გვ. 5—6.

⁵⁴ „კვალი“, 1902, № 42, გვ. 410.

მრეწველი, ინე. ჩერნევესკი თავის ერთ მოხსენებაში (ფინანსთა სამინისტროსადმი) 1903 წელს მუშათა მდგომარეობის აღწერისას დასძინდა: „ამგვარად წვალბენ ყველა: მუშები მაღაროებში, რაც ცუდად ვენტილირებულ და მბოლავი ლაშქით მკრთალადაა განათებული; მადნის გამოძიდელები, რომლებიც მთელი დღე მოარბენინებენ წინა და უკან ტაქებსა და ვაგონეტებს... და ცვლაში მხოლოდ 400 ფუთის გაზიდვას ახერხებენ; ჩალვადრები, რომლებიც ჭუჭყსა და ტალახში უკან მიჰყევიან თავის დავარდნილ და დასახიჩრებულ ცხენებს და წყვილით ძლივს გადააქვთ ცვლაში 80 ფუთი მადანი“⁵⁵. მუშათა მდგომარეობა იმდენად სავალალო იყო, რომ ამაზე სპეციალურად შეჩერდა ქუთაისის სამხედრო გუბერნატორი, რომელიც გუბერნიის 1903 წლის „მიმოხილვაში“ წერდა: „საერთოდ. საწარმოებში მუშები ცუდ მდგომარეობაშია როგორც საცხოვრებლის, ისე კვების მხრივ. ეს არანორმალური მდგომარეობა რომ შეიცვალოს, აუცილებელია მარგანეცის ყველა საწარმო უკლებლივ დაუქვემდებაროთ სამრეწველო კანონმდებლობას. მაშინ შესაძლებელი გახდება ყველასათვის სავალდებულო დადგენილების გატარება, რაც აიძულებს მრეწველებს გააუმჯობესონ სამრეწველო მუშათა ყოფა-ცხოვრება და მდგომარეობა“.⁵⁶

კრიზისმა ძლიერი გამარეგოლუციონერებელი გავლენა მოახდინა მუშებზე. წარმოების შეკვეცასთან ერთად მრეწველები ამცირებდნენ მუშათა რიცხვს. გახშირდა უმუშევრობა. ხელფასის შემცირებამ, მასობრივმა დათხოვნებმა გააუარესა მუშათა მდგომარეობა. კრიზისს მოყვა რევოლუციური მოძრაობის ჩასახვა და მძლავრი განვითარება. მუშათა გამოსვლები თანდათან რევოლუციურ ხასიოს იღებდა. პოლიტიკური აგიტაცია გაძლიერდა და ის ნოყიერ ნიადაგს და ცოცხალ გამონახურებას პოულობდა მუშათა მასებში. ჭიათურაში მუშათა მოძრაობის ჩასახვა-განვითარებას ხელი შეუწყო ამ რაიონის უშუალო. სარკინიგზო კავშირმა და ეკონომიური ურთიერთობის გაფართოებამ იმჟამინდელ დასავლეთ საქართველოსა და მთელი კავკასიის ერთ-ერთ სამრეწველო ცენტრთან — ბათუმთან. ბათუმელი მუშების გავლენით „ჭიათურელ მუშებს შორის, 1901 წლიდან დაწყებული, თანდათან ფართოვდებოდა სააგიტაციო-პროპაგანდისტული მუშაობა“⁵⁷. 1903 წლის ზაფხულში რსდმპ კავკასიის კავშირის იმერეთ-სამეგრელოს კომიტეტის შექმნის შემდეგ ჭიათურაში მუშათა შორის სააგიტაციო — პოლიტიკური მუშაობა თანდათან

⁵⁵ ЦГИАЛ. ф. 95. оп. 18. д. 1010. 1903. л. 42.

⁵⁶ Обзор Кутаисской губернии за 1903 год. გვ. 56.

⁵⁷ ელ. კინიშვილი, დასახ. ნაშრ., გვ. 251.

გაცხოველდა. საქართველოში მუშათა მოძრაობის განვითარებაზე ძლიერი გავლენა იქონია რუსეთის მუშათა კლასის რევოლუციური ბრძოლის გაძლიერებამ. მუშათა მოძრაობა ჩვენში სულ უფრო შეგნებული კლასობრივი ბრძოლის ხასიათს იღებდა.⁵⁸

მართალია, ჭიათურის სამრეწველო რაიონი დიდ სივრცეზე იყო გადაჭიმული, სამთო საწარმოები და მათი მუშებიც ასევე დაცილებული იყვნენ ერთმანეთისაგან, ამასთანავე მუშათა ძირითადი მასა სოფელთან კავშირს ინარჩუნებდა და დასვენების დღეებში იძულებული ხდებოდა სახლისთვის მიეშურებია, რის შედეგადაც მუშათა შორის ცხოველი ურთიერთობისათვის შედარებით მოუხერხებელი პირობები იქმნებოდა, ამის მიუხედავად, აქ მალე ჩაეყარა საფუძველი მუშათა შეკავშირებას და რევოლუციურ მოძრაობას. ჭიათურაში მეწარმეთა წინააღმდეგ მუშათა პირველი სპორადული გამოსვლები, ჩვენს ხელთ არსებული ცნობებით, გასული საუკუნის მიწურულიდან დაიწყო. მრეწველი დავით ბაქრაძე, რომელიც გ. ემერიკს ედავება „მარგანეცის სინდიკატის“ დაარსების თაობაზე, 1901 წლის 18 ივლისს ვაზეთ „ნოვოე ობოზრენიეში“ აღნიშნავს, რომ ზოგიერთ მრეწველს არაერთგზის ქვებით ცემეს მუშებმა, რომლებიც თავის დროზე ვერ ღებულობდნენ გამომუშავებულ მცირედ ხელფასს⁵⁹. იმავე ვაზეთში 1901 წლის ნოემბერში გამოქვეყნებული სტატიიდან ვგებულობთ, რომ ბევრმა მრეწველმა დაკეტა მალაროები და დევნილნი არიან მუშებისა და ჩაღვადრებისაგან, რადგან მათთვის ხელფასი არ მიუციათ⁶⁰. მეწარმეთა წინააღმდეგ მუშათა ეკონომიური ხასიათის გამოსვლები უფრო ხელფასთან იყო დაკავშირებული. ამასთანავე მუშათა უკმაყოფილების ზრდას, მათ გამოსვლებს და ამ გამოსვლების მუშათა საგაფიცო მოძრაობაში გადაზრდას მრეწველთა მიერ მუშათა სასტიკ ექსპლოატაციასთან ერთად ერთგვარ ბიძგს აძლევდა სამრეწველო აუზში შექმნილი მძიმე ატმოსფერო და ცარხმის კოლონიური სატარიფო პოლიტიკა: ქუთაისის გუბერნატორი 1902 წლის მოხსენებაში აღნიშნავდა, რომ ჭიათურის შტოზე დაწესებული ტარიფით შევიწროებული მეწარმენი მუშებს ხელფასს უმცირებენ, რაც მუშათა მხრივ უკმაყოფილებას და მათ გამოსვლებს იწვევს. გუბერნატორი წერდა: «Исключительный тариф Чиатурской ветви, лишая марганцепромышленников обычной прибыли, вынуждает их уменьшать заработную плату рабочих, чем, очевидно, создает источник недовольства трудящегося люда, кото-

⁵⁸ საქართველოს კომუნისტური პარტიის ისტორიის ნაკვეთები, 1957, გვ. 75.

⁵⁹ «Новое обозрение», 1901, 18 июля, № 5764.

⁶⁰ «Новое обозрение», 1901, 5 ноября, № 5869.

ლოზუნგით: „გაუმარჯოს თავისუფლებას“. მასობრივი მიტინგი მოეწყო ქიათურაში, აგრეთვე ქიქოურში. აჯანყების დასაშორებლად და ჩასახშობად ქიათურაში ჯარით გამოცხადდა ქუთაისის გუბერნატორი. ამასთან დაკავშირებით 1903 წლის 18 ივლისს გამოცემულ და გაფიცულთა შორის გავრცელებულ პროკლამაციაში „შავი ქვის მუშათა მოთხოვნილება ქიათურაში“ ნათქვამი იყო: „ბაქოში, თბილისში, მიხაილოვში, შორაპანში და ყვირილაში მომხდარმა ამბებმა, ჩვენივე მოძმეების გმირულმა და ერთობლივმა მოქმედებამ 17 ივლისს ჩვენც ერთად შეგვყარა, შეგვაერთა, ერთი სული ჩაგვიდგა და ჩვენს მძარცველ-მგლეჯელებზე იერიში მიგვატანინა. ყველაზე უფრო ჩვენ გვალელებს და ზიზღს გვეგვრის მთავრობის ურცხვი ჩარევა ამ საქმეში. ფიცხლად ამობრძანდა გუბერნატორი სმიაგინი ჯარებით, ალბათ სურს დაგვაფრთხოს, შეგვაშინოს, ძველებურად მონურად ქედი მოგვახრევეინოს და ყოველივე ჩვენი მოთხოვნილება უკანვე წაგვალებინოს. არა!... ვერ შეგვაშინებს მხეცი მთავრობა თავისი ხიშტიანი თოფებით, რომლითაც დაღვარეს სისხლი ჩვენი მოძმეებისა მიხაილოვში, ვერ გვაშინებს ეს ურცხვი მთავრობა და ამიტომ ჩვენ, მუშებმა, გადავწყვიტეთ შევეუბრთღეთ ჩვენს შეგნებულ, დღეს გაფიცულ ამხანაგებს კავკასიაში, რათა საერთო ძალით დავსცეთ თავზარი ჩვენს მძარცველებს და მთავრობას“⁶⁵.

პროკლამაცია საგანგებო ყურადღებას იმსახურებს სამრეწველო რაიონში მუშათა კლასის ჩამოყალიბების პროცესისა და მუშათა თვითშეგნების დონის ამაღლების საილუსტრაციოდ. გაფიცულ მუშათა მიერ წამოყენებული 19 მოთხოვნა გარკვევით მოწმობს, რომ ქიათურა საქართველოში რევოლუციური ბრძოლის ერთ-ერთი კერა ხდება, რომ სამრეწველო რაიონის მუშები მხარს უსწორებენ ეპოქის გამათავისუფლებელ რევოლუციურ მოძრაობას. ამ მოთხოვნებიდან აღსანიშნავია: რვასაათიანი სამუშაო დღე, ნარდი მუშაობის და დაქვითვის მოსპობა, ხელფასის მომატება, საყოფაცხოვრებო პირობების გაუმჯობესება, ბავშვთა შრომის აკრძალვა და სხვ. პროკლამაცია მთავრდებოდა მოწოდებით: „ძირს ჩვენი სისხლის მსმელი კაპიტალისტები“, „ძირს თვითმპყრობელური მეფე!“, „გაუმარჯოს სოციალიზმს და მომავალ დემოკრატიულ რესპუბლიკას!“⁶⁶. ამ ლოზუნგით ქიათურელ მუშათა მძლავრ გამოსვლას მაღალი შეფასება მისცა ლენინურმა „ისკრამ“, რომელიც იტყობინებოდა: „დაახლოე-

⁶⁵ იხ. ზ. თ. გეგეშიძის დასახ. ნაშრ., გვ. 252 — 253; აგრეთვე სკკპ ცკ არსებული მარქსიზმ-ლენინიზმის ინსტიტუტის საქ. ფილიალის პარტიული არქივი, ფ. 33. საქ. 533.

⁶⁶ ზ. გეგეშიძე, დასახ. ნაშრ., გვ. 253;

ბით 18 ივლისს გაფიცვა დაიწყო ქიათურის სამთამადრო ოლქში. როგორც გვიამბობენ, მუშები დადიოდნენ იქ გამანადგურებელ ტალღად, ყველაფერს ანგრევდნენ, ცეცხლს უკიდებდნენ... ჩანს, რომ ქიათურელი მუშების გულში დიდი სიმწარე და სიძულვილი დაგროვებულა⁶⁷. მუშათა ამ მძლავრმა გაფიცვამ აიძულა მეწარმენი დროებით დათმობაზე წასულიყვნენ, ამას ურჩევდა მათ გუბერნიის ადმინისტრაციაც⁶⁸. ზოგიერთ საწარმოში ხელფასის მომატებამ გაფიცვის დამთავრებამდე გასტანა. აღსანიშნავია, რომ გაფიცვის დღეებში 72-მა მეწარმემ გასცა მუშებზე ის ხელფასი, რაც მათ წინა კვირების ანგარიშით ერგებოდათ⁶⁹. გაფიცვა 1903 წლის 29 ივლისამდე, ე. ი. 12 დღე, გაგრძელდა. დამარცხების მიუხედავად მას დიდი მნიშვნელობა ჰქონდა ქიათურელ მუშათა რევოლუციური თვითშეგნების ასამაღლებლად, მათი ინტერნაციონალური სოლიდარობის და ერთიანობის სულისკვეთების აღსაზრდელად.

გაფიცვის ჩაქრობისთანავე პასუხისგებაში მიცემული 34 მუშა გაასამართლა ქუთაისის საოლქო სასამართლომ⁷⁰. სამრეწველო რაიონში მუშათა საგაფიცვო მოძრაობის განვითარებას დიდი ყურადღებით ეკიდებოდა რსდმპ კავკასიის კავშირის კომიტეტი, რომელმაც საამისოდ ქიათურაში მუდმივად მიავლინა თავისი პროპაგანდისტი. აქ შეიქმნა მუშათა წრეები, სოციალ-დემოკრატიული ორგანიზაცია. ქიათურაში მოხსენებებით გამოდიოდნენ გამოჩენილი რევოლუციონერები ა. წულუკიძე, ა. ჭაფარიძე და სხვ.

1904 წლის 3 მაისს ქიათურაში მოეწყო 800 ჩალვადრის გაფიცვა. იმავე წელს ქიათურაში მუშათა შორის საქმიანობის გასაშლელად გაგზავნილ იქნენ რევოლუციონერი პროპაგანდისტები ვანო (სტეპკო) ინწყირველი, ვალიკო ბაქრაძე და ვანო ლომთათიძე, ხოლო იმავე წლის შემოდგომაზე ი. ბ. სტალინი⁷¹.

ქიათურის სამრეწველო რაიონში 1905 წლის რევოლუციის წინა წლებში მიმდინარე მუშათა საგაფიცვო მოძრაობაზე დაკვირვება მოწმობს, რომ მოცემულ პერიოდში აქ კადრის მუშათა ძირითადი ბირთვი უკვე ჩამოყალიბებულა „კლასად თავისათვის“, სოციალიზმი შეერთებულა მუშათა მოძრაობასთან.

⁶⁷ «Искра», 1903, 1 სექტემბერი, № 47.

⁶⁸ ХФЦГИАУ, ფონ. 835, საქ. 109, ფურც. 18.

⁶⁹ იქვე, ფურც. 19.

⁷⁰ 1903 წლის ივლისის გაფიცვა იხ. ქს. კვანტრე, დასახ. ნაშრ., გვ. 40 — 41, ვლ. ჰანიშვილი დასახ. ნაშრ., გვ. 251—253; მ. ჭიჭიშვილი, ქიათურის მუშათა რევ. მოძრაობა... („მაცნე“, 1965, № 5); ვ. ჭიჭია, საქართველოს სამთამადრო მრეწველობის მუშათა... საგაფიცვო მოძრაობა („მაცნე“, 1965, № 43); ზ. გეგეშიძე, 1905 წელი ქიათურაში, „1905 — 1917 წლების რევოლუცია საქართველოში“, 1955.

⁷¹ დაწვრ. იხ. ზ. გეგეშიძის დასახ. ნაშრ., გვ. 255.

ქიათურის სამრეწველო რაიონში 1905 — 1907 წლების რევოლუციის პერიოდში მუშათა რევოლუციურმა მოძრაობამ ბოლშევიკების ხელმძღვანელობით ფართო გაქანება პოვა⁷². 9 იანვრის „სისხლიანი კვირის“ ამბების საპასუხოდ ქიათურელი მუშები 26 იანვარს გაიფიცნენ. მოეწყო დემონსტრაცია. 2000 — 22 000-მა დემონსტრანტმა დროშებით, ლოზუნგებით და რევოლუციური სიმღერებით გაიარა ქიათურაში. გაიმართა მიტინგები, სადაც მგზნებარე სიტყვებით გამოდიოდნენ ორატორები, მათ შორის სტეპკო ინწკირველი. გავრცელდა პროკლამაციები. ჩამოყალიბდა საგაფიცვო კომიტეტი, რომელმაც შეიმუშავა მუშათა მოთხოვნები. მუშები მოითხოვდნენ ხელფასის მომატებას, ბინებით უზრუნველყოფას, სამთო გამონამუშევრების გამაგრებას, სამუშაო და საყოფაცხოვრებო პირობების გაუმჯობესებას. ასე, რომ რევოლუციური მოძრაობა თავიდანვე მძლავრად წამოიწყო. ეს ბუნებრივიც იყო, რადგანაც ქიათურა მთელ დასავლეთ საქართველოს უმსხვილეს სამრეწველო ცენტრს წარმოადგენდა. ამასთან დაკავშირებით 1905 წლის ივნისში მართებულად შენიშნავდა რსდმპ კავკასიის კავშირის იმერეთ-სამეგრელოს კომიტეტის კორესპონდენტი: „ჩვენი კომიტეტის მთელ რაიონში, — წერდა ის, — ქიათურა წარმოადგენს ყველაზე მსხვილ სამრეწველო ცენტრს... ადგილობრივი პროლეტარიატი უკვე ორი წლის წინათ დაადგა ეკონომიური ბრძოლის გზას, მაგრამ ეს ბრძოლა მოკლებული იყო ორგანიზებულ ხელმძღვანელობას... ახლა კი ქიათურის მუშები ჩაბმული არიან სოციალ-დემოკრატიულ წრეებში, გამოდიან როგორც შეკავშირებული, დარაზმული ერთიანი რევოლუციური ძალა, რომელიც მზად არის პირველი მოწოდებისთანავე ბარიკადებზე დადგეს“⁷³.

მთავრობამ ქიათურაში აჯანყებულთა მიმართ თავიდანვე ტერორს მიმართა. 24 თებერვალს, ჯალათმა მოკლა მოწინავე მებრძოლი მუშა შ. გიუნაშვილი. ამან უფრო გაამწვავა ვითარება. ჯალათზე მუშებმა შური იძიეს, საპოლიციო პუნქტებიც დაარბიეს. დალუპული მებრძოლის დაკრძალვა მძლავრ პოლიტიკურ დემონსტრაციად გადაიქცა.

⁷² იხ. ქს. კვანტრე, დასახ. ნაშრ.; ი. ზუციშვილი, 1905—1907 წლების რევოლუცია საქართველოში, 1955; ლ. ებანოიძე, საქართველოს ბოლშევიკური ორგანიზაციები 1905 — 1907 წლების რევოლუციის პერიოდში, 1958; ზ. გეგეშიძე, დასახ. ნაშრ.; თ. ჟღენტო, რევოლუციური მოძრაობა შორაპნის მაზრაში, 1927; ი. მელქაძე, რსდმპ იმერეთ-სამეგრელოს კომიტეტი და 1905—1907 წლების რევოლუცია დასავლეთ საქართველოში, 1960; მ. ჩიჭეიშვილი, ქიათურის მუშათა რევოლუციური მოძრაობის ისტორიიდან (იხ. „მაცნე“, 1965, № 1) და სხვ.

⁷³ გაზ. „პროლეტარი“, 1905, 13 ივნისი, № 5.

რევოლუციურ მოძრაობაში უფრო მასობრივი მასშტაბით ჩაება მთელი შორაპნის მაზრის მოსახლეობა — მუშები და გლეხები. საქართველოს ამ კუთხეში რევოლუციურ მოძრაობას განსაკუთრებული ძზრუნველობით ეკიდებოდნენ რსდმპ კავკასიის კავშირის კომიტეტი, ამ კავშირის იმერეთ-სამეგრელოს კომიტეტი, გამოჩენილი რევოლუციონერები და პროპაგანდისტები ხშირად მოდიოდნენ ქიათურაში რევოლუციის ბობოქარ დღეებში.

1905 წელს ქიათურელმა მუშებმა პირველად იდღესასწაულეს პირველი მაისი. სამრეწველო რაიონში ბევრგან მოეწყო მიტინგები. რევოლუციური მოძრაობა თანდათან ღრმავდებოდა. მასების დასარაზმავად დიდი მნიშვნელობა ჰქონდა ქიათურის სოციალ-დემოკრატიული ორგანიზაციის არალეგალური სტამბის საქმიანობას, რომელიც 1905 წლის ივნისში დაარსდა და მუშათა შორის გასავრცელებლად ბეჭდავდა პროკლამაციებს, მოწოდებებს, ინფორმაციებს, ბიულეტენებს და სხვ. ბოლშევიკური ორგანიზაციის მრავალფეროვანი მუშაობის შედეგად ქიათურის სამრეწველო რაიონის მუშებმა თავიდანვე ერთსულოვნად დაუჭირეს მხარი პარტიის III ყრილობის გადაწყვეტილებებს. ქიათურელ მუშათა რევოლუციური თვითშეგნება მაღლდებოდა. ამაზე მეტყველებს მთელი მათი მოთხოვნები და მოქმედება, კერძოდ, მათ მიერ ბათუმელ, ფოთელ და შორაპნელ მუშებთან კავშირუროთიერთობის დამყარება, სოლიდარობა, მხარდაჭერა. ასე მაგალითად, 1905 წლის ივნისის დამლევის, როცა შორაპნის სადგურის რკინიგზის მტვირთავი მუშები გაიფიცნენ და მათ პოლიცია დაემუქრა, ქიათურის ბოლშევიკურმა ორგანიზაციამ მუშათა კრება მოიწვია; გადაწყდა, რომ ქიათურელი მუშები მხარს დაუჭერდნენ შორაპნელებს, თვითონაც გაიფიცებოდნენ. „შორაპნელი ამხანაგები, — გვაუწყებს გაზ. „პროლეტარიატის ბრძოლა“, — სიხარულით მიეგებნენ ქიათურელების წინადადებას და გაფიცვა გააგრძელეს... მოვიდა ქიათურის ორგანიზაციის ფურცლები შორაპნელი მუშებისადმი, სადაც ის იწვევს მათ გააგრძელონ გაფიცვა... ამგვარად... გაფიცულებმა წელი მოიმარგეს. ქიათურამ მუშაობა შეაჩერა და მოითხოვა შორაპნელების დაკმაყოფილება“.⁷⁴ ეს ფაქტი საყურადღებოა პირველ რიგში მუშათა სოლიდარული ბრძოლის სულისკვეთებით აღზრდის თვალსაზრისით. ამ მხრივ მეტად დამახასიათებელია ქიათურელ მუშათა 1905 წლის 1 სექტემბრის გაფიცვა, რომელიც მოეწყო მთავრობის მიერ 29 აგვისტოს თბილისის საქალაქო თვითმმართველობის დარბაზში მშრომელთა მიტინგის დახვერტის

⁷⁴ გაზ. „პროლეტარიატის ბრძოლა“, 1905, 15 ივნისი, № 10.

საპასუხოდ. მუშებს შეუერთდნენ მახლობელი სოფლების გლეხები და ადგილობრივი ნოქრები. გაფიცული ხალხი წითელი დროშებით, რევოლუციური სიმღერებით გაემართა რკინიგზის სადგურისკენ. აქ გაიმართა მიტინგი. აჯანყებულმა ხალხმა აიძულა სადგურის ადმინისტრაცია შეეწყვიტა მუშაობა. ჭიათურელი მუშები საქართველოს მებრძოლი პროლეტარიატის წინა რიგებში იდგნენ. ისინი ბოლშევიკური კომიტეტის ხელმძღვანელობით პირველი მოწოდებისთანავე შეუდგნენ შეიარაღებული აჯანყებისათვის სამზადისს. კომიტეტმა გამოსცა პროკლამაცია, სადაც მოუწოდებდა მუშებს შეიარაღებული აჯანყების მოსამზადებლად. პროკლამაციაში ნათქვამი იყო: „როდესაც საკმაოდ შეიარაღდებით... სოციალ-დემოკრატიული აზრით თავში, რევოლუციონური ცეცხლით გულში და მჭეჭარე თოფით ხელში, ვეკვეთებით მეფის დამპალ ტახტს და გადავქელავთ თვითმპყრობელობას, დავამყარებთ რა რესპუბლიკას, ძლევამოსილნი გავემართებით სოციალიზმისაკენ! გაუმარჯოს შეიარაღებულ აჯანყებას!“⁷⁵. ბოლშევიკური პარტიის მოწოდების საპასუხოდ ჭიათურელი მუშები ემზადებოდნენ შეიარაღებული აჯანყებისათვის, ყალიბდებოდა მებრძოლი რაზმები ბურჟუაზიისა და თვითმპყრობელობის წინააღმდეგ საბრძოლველად.

1905 წლის ოქტომბერში სრულიად რუსეთის გაფიცვის გავლენით საქართველოს, და, კერძოდ, ჭიათურის, პროლეტარიატი გადამწყვეტი ბრძოლისათვის ემზადებოდა. 15 ოქტომბერს გაიფიცნენ სამთო მუშები, ჩადნის მტვირთავეები. რკინიგზის ჭიათურის შტოზე მოძრაობა შეწყდა. იმავე დღეს გაფიცვაში ჩაებნენ შორაბნელი და ფოთელი მტვირთავეი მუშებიც. საგაფიცვო ბრძოლის გაძლიერებას ხელი შეუწყო მეფის 17 ოქტომბრის მანიფესტის გამოცემის შესახებ ცნობის მიღებამ. ჭიათურის ბოლშევიკურმა ორგანიზაციამ 21 ოქტომბერს გამოსცა პროკლამაცია „ამხანაგებო! ჩვენც ზიზღი და დაცინვა შევეუთვალეთ ნიკოლოზს... და თვალყური მივაპყროთ მხოლოდ რუსეთის პროლეტარიატის ბრძოლაში გამწვევს ხმას. ვეცადოთ ჩვენც რაც შეიძლება ჩქარა ჩავერიოთ განმათავისუფლებელ ბრძოლაში. იარაღს ხელი, წინ!“... — ასე მოუწოდებდა მუშებს ჭიათურის ბოლშევიკური ორგანიზაცია. მუშათა შეიარაღებულმა რაზმებმა ბევრგან განაიარაღეს პოლიცია და ხელთ იგდეს იარაღი (ჭიათურაში, ჩხარში). იარაღის შესაკეთებლად გამოყენებული იყო ჭიათურის ელექტროსადგურის საზეინკლო სახელოსნო. შეიარაღებული ხალხი

⁷⁵ სკვპ ცვ არსებული მარქსიზმ-ლენინიზმის ინსტიტუტის საქ. ფილიალის პარტიული არქივი, ფონ. 33, საქ. 546.

თანდათან ხდებოდა სამრეწველო რაიონში მდგომარეობის დროებითი ბატონ-პატრონი.

9 დეკემბერს მოსკოვში შეიარაღებული აჯანყების დაწყების შემდეგ მუშათა და გლეხთა რევოლუციური ბრძოლა კვლავაც გაძლიერდა მთელ საქართველოში, მათ შორის შორაპნის მაზრასა და ჭიათურის სამრეწველო რაიონში. ჭიათურელთა მებრძოლმა რაზმებმა განაიარაღეს საპოლიციო დაწესებულებები, მონაწილეობა მიიღეს მაზრის სამმართველოსა და სხვა დაწესებულებათა დარბევაში. აგრეთვე მთავრობის ჯარის ნაწილებთან უშუალო შეჯახებებში. 1906 წლის იანვარში მოვიდა ცნობა რუსეთში შეიარაღებული აჯანყების დამარცხებაზე. ვითარება შეიცვალა. ამავე წლის იანვრის პირველ რიცხვებში შორაპნის მაზრას და, კერძოდ, ჭიათურის სამრეწველო რაიონს დამსჯელი ჯარის სახით ულმობელი და მრისხანე ძალა მოევლინა. ჯარმა დაუნდობლად ააოხრა და ააწიოჯა ყოველი „შემჩნეული“ ოჯახი, ყოველი სოფელი. კაზაკები ნადირობდნენ, როგორც თვითონ ამბობდნენ, „ცილინდრიანებზე“ (რევოლუციონერ-პროპაგანდისტებზე) და „ყაბალახიანებზე“ (რევოლუციონერ მუშებზე, რომლებმაც ტერორს ტერორითვე უპასუხეს). ისინი მუშებს ასე მიმართავდნენ: „შესდექ, ჩემო ლუკმაჟ!“ ჭიათურელ მუშებს ხელი არ აუღიათ ბრძოლაზე. 1906 წლის 1 მაისს გაიფიცნენ. იმავე წლის ივნისში ჭიათურელმა მუშებმა კვლავ მოაწყვეს მასობრივი მასშტაბის გაფიცვა. 8 ივნისს დაიწყო სამთო მუშათა გაფიცვა, მათ შეუერთდნენ მადნის მზიდაეები და მტვირთავეები. ჭიათურელ მუშებს მხარი დაუჭირეს და თანაგრძნობა გაუწიეს შორაპნელმა და ფოთელმა მტვირთავემა მუშებმა, რომლებიც 9 ივნისს გაიფიცნენ. მუშები მოითხოვდნენ: 8-საათიან სამუშაო დღეს, კვირაობით მუშაობის აკრძალვას, უქმე დღეების წინ 7-საათიანი სამუშაო დღის შემოღებას, მუშებისათვის დღიურ ქირად 2 მანეთისა და 50 კაპიკის დანიშვნას, იაფფასიანი სასაღილოების მოწყობას, ბავშვთა შრომის აღკვეთას, უფასო საექიმო მომსახურებას, მალაროების უკეთ განათებას, მათ უკეთ გამაგრებას და სხვ. ამ გაფიცვაში თვალსაჩინო როლი შეასრულა მუშათა პროფკავშირულმა ორგანიზაციამ, რომელიც რევოლუციის ქარიშხლიან დღეებში იშვა. მდგომარეობამ იმდენად სერიოზული ხასიათი მიიღო, რომ საქმეში ჩაირევა მოუხდა ქუთაისის გებერნატორს, რომელიც 9 ივნისს უკვე ჭიათურაში იყო. მან სამხედრო ძალის გამოყენებაზე ხელი აიღო და მრეწველებს ურჩია გაფიცულებთან მორიგება. მრეწველებისა და მუშათა წარმომადგენლობის ხანგრძლივი მოლაპარაკების შემდეგ 20 ივნისს ჭიათურელ, შორაპნელ და ფოთელ მუშებს მოთხოვნილების დაკმაყოფილება აღუთქვეს და აჯანყებაც შეწყდა.

ამრიგად, მუშებმა ნაწილობრივ გამარჯვებას მიაღწიეს, მეწარმენი დათანხმდნენ მუშებისათვის ხელფასის გადიდებაზე, თუმცა ეს წარმატება ხანმოკლე აღმოჩნდა.

* * *

რევოლუცია დამარცხდა. რეაქციამ გაიმარჯვა. რევოლუციური ძალები არალეგალურ მდგომარეობაში გადავიდნენ.

რევოლუციური მოძრაობა ჭიათურაში ეპოქის განმათავისუფლებელი მოძრაობისდაკვალად ვითარდებოდა. თუმცა მას თავისი შინაგანი ლოგიკა და სპეციფიკა გააჩნდა. როგორც ზემოთ აღვნიშნეთ, მუშათა სპორადული გამოსვლები ჭიათურაში მათ მიერ მეწარმეთა დევნით დაიწყო, სამრეწველო კრიზისის ვითარებაში კი ეს გამოსვლები ფართო ხასიათის მოძრაობაში გადაიზარდა. ცალკეული გამოსვლები თავდაპირველად მუშათა ხელფასის გაუსტუმრებლობასთან იყო დაკავშირებული, შემდეგში დაიწყო მუშათა ეკონომიური გაფიცვები, რაც 1905 წლის რევოლუციის წინა წლებში მასობრივ რევოლუციურ საგაფიცვო მოძრაობაში გადაიზარდა, ხოლო 1905 წლის რევოლუციის დაწყების შემდეგ (იანვრიდან) მუშათა კლასობრივი ბრძოლის უმაღლეს ფორმაში — შეიარაღებულ აჯანყებაში. ამდღა მუშათა თვითშეგნება, განპტიცდა მათი კავშირურთიერთობა და საბრძოლო სოლიდარობა მეზობელი სამრეწველო რაიონების მეზობელ მუშებთან, მაზრის მშრომელ გლეხობასთან და სხვ.

რევოლუციას, დამარცხების მიუხედავად, უდიდესი მნიშვნელობა ჰქონდა. რევოლუციის პერიოდში ჭიათურაში მძლავრად გაშლილი მუშათა მასობრივი პოლიტიკური მოძრაობა იყო ის დიდი სკოლა, რომელმაც შემდეგში ხელი შეუწყო საქართველოს მუშათა კლასის ერთ-ერთი მოწინავე რაზმის — ჭიათურელ მუშათა მრავალათასიანი და მრავალეროვანი რაზმის — თანდათან გადაქცევას მთელ დასავლეთ საქართველოს მეზობელი პროლეტარიატის ავანგარდად. თუ ადრე, 1905 წლის შემოდგომამდე, ჭიათურის სამრეწველო რაიონში მუშათა მოძრაობა პირველ რიგში ბათუმელ მუშათა რევოლუციური ბრძოლის გავლენით ვითარდებოდა, მომდევნო პერიოდში ჭიათურა, როგორც ამას გუბერნიის ადმინისტრაციის მოხელენიც აღიარებდნენ, ავანგარდულ როლს ასრულებდა და ტონს აძლევდა მუშათა მოძრაობას მთელ დასავლეთ საქართველოს სამრეწველო ცენტრებში, სახელდობრ, ბათუმში, ფოთში, ტყიბულში.

§ 5. წარმოების მატერიალურ-ტექნიკური ბაზის გაუმჯობესების
ახალი ცდები და მის ხასიათში მომხდარი ძვრები

მიუხედავად კრიზისისა, 1901 — 1905 წლები ჭიათურის მარგანეცის მრეწველობაში აღინიშნა სამრეწველო გადატრიალების პროცესის შემდგომი გაღრმავებით, თუმცა ის შედარებით ნელი ტემპით მიმდინარეობდა, ისიც უფრო მსხვილ საწარმოებში. განსაკუთრებით საგრძნობი მასშტაბით მიმდინარეობდა მალაროდან ზედაპირზე მადნის ზიდვის საშუალებათა გაუმჯობესება: 1901 — 1904 წლებში 42 მალაროში ხორციელდებოდა რელსებიანი გზების დაგება. მალაროს შიდა რელსებიან გზაზე ნახევარი და ერთი ტონის ტევადობის ვაგონეტებით მადნის ზიდვა დევნიდა ურიკებითა და ხელურმებით მადნის ზიდვას, (თუმცა ვაგონეტებს მეტწილად კვლავ მუშები ამოძრავებდნენ). ამ სიახლეს თან ახლდა სამთო გამონამუშევრების გაყვანისა და მადნის მოპოვების მეთოდების გაუმჯობესება. მალაროდან მადნის გამოზიდვის საშუალებათა სრულყოფა ხელს უწყობდა საბადოთა რაციონალურად ათვისებას, აადვილებდა შრომას, ზრდიდა შრომის ნაყოფიერებას, აიაფებდა მადნის ზედაპირზე გამოზიდვას. მარგანეცის მრეწველობაში ტექნიკურ სიახლეთა დანერგვის შესახებ ქუთაისის სამხედრო გუბერნატორი 1903 წელს საგანგებოდ შენიშნავდა: «В отношении улучшения способов разработки месторождений отчетный год можно отметить некоторым прогрессом... месторождения вырабатывались силой без остатков. Кроме того в некоторых даже крестьянских рудниках уложены рельсовые пути для откатки руды в вагонетках, вместо ручных тачек; эта замена помогло того, что облегчила труд рабочего, сделала его более производительным и вместе с тем удешевила доставку руды из рудников на поверхность»¹.

მადნის ნონგრევა კვლავ ხელით წარმოებდა, თუმცა რამდენაღმე სრულყოფილ იქნა წერაქვი და სოლი. ეს საშუალებები იმდენად კონსერვატიული აღმოჩნდა, რომ მათი შეცვლა ტექნიკურად სრულყოფილი საშუალებებით 1930-იანი წლების დამლევამდე არ განხორციელებულა². საბადოთა საექსპლოატაციო სამუშაოების სრულყოფა, რასაც სამთო გამონამუშევრების დიდ სიღრმეში შექრაც მოითხოვდა, გრძელდებოდა და მადნიანი ფენების დამუშავება ბევრგან უკეთესად ხორციელდებოდა. „მადნის სირბილისა და ფუჭი ქანების სიმაგრის წყალობით მოპოვება მეტწილად მიმდინარეობდა ფეთქებადი მასალის გამოუყენებლად და გამონამუშევრების სუსტად გამაგრებით“³.

¹ Обзор Кутаисской губернии за 1903 г., К., 1904, გვ. 54.

² ვლ. ქანიშვილი, დასახ. ნაშრ., გვ. 541.

³ ЦГИАЛ, 37, оп. 55, д. 609, 1903 г., л. 44. об.

გარკვეული ძვრები შეიმჩნეოდა მაღაროში მონგრეული მადნის დატვირთვაში, აგრეთვე გამოჩნდნენ შევრებში დაგროვილი ფუჭი ქანების გაზიდვაში. მადანს ტვირთავდნენ ხელით, ნიჩბით. ამ საქმეში გვიან 1920-იანი წლების მიწურულს დაიწყო ტექნიკური სიახლეების დანერგვა. მადნის ხელით დატვირთვა გარკვეული მასშტაბით „დღემდე გრძელდება“.⁴ მონგრეული მადნის დატვირთვისა და გამოჩნდნის აწმენდაში 1900-იანი წლების დამდეგიდან, როგორც ეთქვით, „შავი მუშა“ ჩაება. იგი გახდა შრომის პროცესის ჯაჭვის ერთ-ერთი რგოლი. ამ კატეგორიის მუშის გამოჩენა მაღაროში წმენდითი სამუშაოების გარკვეულ სრულყოფასა და საბადოს უკეთ ათვისებას მოასწავებდა.

მაღაროებიდან რკინიგზამდე მადნის გასაზიდად საჰაერო-საბაგირო გზების და სხვა ტიპის მექანიკური ჩამოსაშვებების მშენებლობა დაიწყო 7 ადგილას, ამავე დროს იზრდებოდა ადრინდელი საბაგირო გზების გამტარუნარიანობა, აღსანიშნავია ფრანგული სააქციო საზოგადოება „დარკვეთის“ საბაგირო გზისა და გ. მ. ემერიკის მექანიკური ჩამოსაშვების უკეთ მოწყობა. კრიზისის პერიოდში მწყობრში ვერ ჩადგა ვერც ერთი ახალი საჰაერო-საბაგირო გზა და სხვა ტიპის მექანიკური ჩამოსაშვები. ეხებოდა რა საბადოებიდან რკინიგზის შტოს სადგურებამდე მადნის გადაზიდვის საშუალებათა გაუმჯობესების ცდებს, ქუთაისის გუბერნატორი 1903 წელს შენიშნავდა: „განაგრძობს მოქმედებას ყველაზე არამწარმოებლური, არაეკონომიური საქაბანო და სასაპალნე ტრანსპორტი“⁵.

ერთგვარი წინსვლა შეიმჩნეოდა მოპოვებული მადნის გაუხვევა-გამდიდრებაში. ეს პროცესი მეტწილად „მშრალად“, ხელით გარჩევით, გაცხრილვით, აგრეთვე ღარების მეშვეობით გარეცხვით ხდებოდა. ტექნიკურად სრულყოფილი, ორთქლის ძალით მოქმედი გამამდიდრებელი ფაბრიკების რიცხვი და ხვედრითი მონაწილეობაც გაიზარდა. საზოგადოება „დარკვეთის“ გამამდიდრებელი ფაბრიკა 8 საათში 125 ტონა მადანს ამდიდრებდა. 1901—1903 წლებში მწყობრში ჩადგა ინჟ. ჩერნევსკის, საზოგადოება „კავკასიის შავი ქვის“ და ლუი პანასიეს გამამდიდრებელი ფაბრიკები, რომლებიც ორთქლის ძალით მოქმედებდნენ და 8—9 საათში 70-დან 150 ტონამდე მადანს ამდიდრებდნენ⁶. გამამდიდრებელი ფაბრიკების მშენებლობა წამოიწყო ჩო-

⁴ ელ. კანიშვილი, დასახ. ნაშრ., გვ. 543.

⁵ Обзор Кутаисской губернии за 1903, გვ. 54.

⁶ ЦГИАЛ, ф. 37, оп. 58, л. 328, 1905 г., л. 143.

მახიძის ამხანაგობამ და ო. გილერტმა. მოქმედი ფაბრიკები მხოლოდ მფლობელებს ემსახურებოდა, ხოლო სხვა მეწარმენი მადნის გაუხვევბას კვლავ „მწრალად“ ან ღარების მეშვეობით ეწეოდნენ. ასეთი იყო წარმოების მატერიალურ-ტექნიკური ბაზის გაუმჯობესების პრაქტიკული ცდები 1901—1905 წლებში. ამ მიმართულებით მრეწველობის პროგრესი კრიზისმა დააბრკოლა. ის, რაც გაკეთდა, ვერ აკმაყოფილებდა კრიზისის შედეგად შექცობულ მოთხოვნილებასაც. ამავე დროს, კონკურენტი ქვეყნების მარგანეცის მრეწველობის განვითარებამ ქიათურის მარგანეცის მრეწველობა საბადოთა სრულყოფილი, რაციონალური დამუშავების, საექსპლოატაციო სამუშაოების, მადნის რკინიგზამდე გადაზიდვის მექანიზაციისა და მადნის ფაბრიკულ-ჭარხნულად გამდიდრების აუცილებლობის წინაშე დააყენა. საქმე ახლებურად უნდა მოწყობილიყო. მეწარმეთა აზრით, „ქიათურის მრეწველობის ახლებურმა ორგანიზაციამ, მადნის გადაზიდვისა და გამდიდრების უფრო სრულყოფილ საშუალებათა გამოყენებამ უნდა გააიაფოს მადნის მოპოვება-გადაზიდვა, გააუმჯობესოს მადნის ზარისხი“⁷. მრეწველთა ყრილობამაც გადაწყვიტა საერთო სარგებლობის გამამდიდრებელი ფაბრიკის მშენებლობა. ასევე საერთო სარგებლობის მექანიკურ დასაშვებთა მოწყობა, რაც მოგვიანებით განხორციელდა. ის სწავლობდა სამრეწველო რაიონში შექმნილ ვითარებას და ცდილობდა თვითონ ან მთავრობის დახმარებით საქმის უკეთ მოწყობას. გამოირკვა განსხვავება მსხვილ, საშუალო და წვრილ სამთო საწარმოებს შორის. მსხვილ საწარმოებში სამთო გამონამუშევრების სიგრძე ბევრგან 180 საენს აღწევდა და საექსპლოატაციო სამუშაოებიც უკეთ მიმდინარეობდა, ზედაპირზე მადნის გამოსაზიდად რელსებიანი გზები გაიმართა, წამოიწყო საბადო ზეგნებიდან მადნის გაზიდვის მექანიზაცია, აიგო რამდენიმე გამამდიდრებელი ფაბრიკა: საშუალო საწარმოებში სამთო გამონამუშევრის სიგრძე 50—70 საენს არ აღემატებოდა. აქ ზოგან შეყვანილ იქნა რელსებიანი გზები და სხვ. სამთო გამონამუშევრების ხელოვნურად გამაგრება საშუალო და მსხვილ სამთო საწარმოებში ჯეროვნად არ ხდებოდა, რაც ხშირად იწვევდა უბედურ შემთხვევებს.

იმის გამო, რომ შედარებით მცირე მასშტაბით მადნის მოპოვება ღიდ სიძნელეებთან არ იყო დაკავშირებული, მას მისდევდნენ უამრავი წვრილი მრეწველებიც. ქიათურის მრეწველობის თაობაზე 1903 წლის სექტემბერში პეტერბურგში გამართული თათბირის ოქმში

⁷ ЦГИАЛ, ф. 95, оп. 18, д. 1010, 1903 г., л. 44 об.

გკითხულობთ: „წერილი მრეწველები მცირედი ხარჯის გაწევით მადნის დიდი რაოდენობით მოსაპოვებლად სამთო სამუშაოებს ეწვეიან უამრავ, ერთმანეთის მახლობელ შტოლნებში, სადაც სულ 3 საყენის სიღრმეში შეჭრის შემდეგ, შტოლნის ორივე გვერდზე აწარმოებენ მოპოვებას. სამუშაოს მეტწილად ეწვეიან გამონამუშევრების საიმედოდ გამაგრების გარეშე, რაც ზშირად საფრთხეს უქმნის მუშებს⁸. წერილი მეწარმე საბადოს ექსპლოატაციას განაგრძობდა მანამ, სანამ გამონამუშევრიდან მადნის გამოზიდვა იოლი იყო, ამავე დროს ის მიყვებოდა მდიდარ ფენას და „ნატეხ“ მადანს იღებდა, რაც გამდიდრებას არ მოითხოვდა, ხოლო „მარცვლოვანი“ მადანი ხელუხლებელი რჩებოდა⁹. მრეწველთა ყრილობის საბჭოს აზრით, „ერთ-ერთ უმთავრეს მიზეზს, რომელიც ხელს უშლიდა მარგანეცის საქმის სწორად განვითარებას, წარმოადგენდა საბადო ნაკვეთების მეტისმეტი დაქუცმაცებულობა¹⁰. ასეთ ნაკვეთზე შეუძლებელი ხდებოდა მოწინავე ტექნიკის დანერგვა. მრეწველთა ყრილობის საბჭო ჩიოდა, რომ წერილ ნაკვეთებზე მომუშავე მეწარმეებს არ გააჩნიათ თანხები გამონამუშევრების გასამაგრებლად, რელსებიანი გზების გასაკეთებლად, სწორი ზედამხედველობის მოსაწყობად, რის გამო მათ არ შეუძლიათ საბადოს რამდენადმე სრულად ათვისება და მადნის ნახევარი იკარგება მრეწველისა და ქვეყნის საერთო ეკონომიკისათვის უსარგებლოდ¹¹. ასეთი ექსპლოატაცია უფრო მტაცებლურ ხასიათს ატარებდა, როცა წერილი მეწარმე (ნაკვეთის მფლობელი თუ მოიჯარადრე) მას ხანმოკლე ვადით ეწეოდა¹².

კავკასიის სამთო სამმართველოს უფროსის რუგაჩოვის აღიარებით საბადოთა სწორი გეგმების არარსებობის გამო ხშირი იყო მეზობელი ნაკვეთების წიაღში ურთიერთგადასვლა, რითაც ირღვეოდა მესაკუთრისა თუ მფლობელის უფლებები¹³. ფინანსთა სამინისტროში 1903 წელს მოწყობილ თათბირზე გაიკრვა, რომ საბადოს ამგვარი, მძარცველური ექსპლოატაცია ყოველ ქცევაზე (900 კვ. საყ.) დაახლოებით 10 000 ფუთი მადნის (ანუ 30%) დანაკარგს იწვევს. თათბირმა დაადგინა: „ასეთი მდგომარეობა. რაც მხარის ერთ-ერთი უმნიშვნელოვანესი ბუნებრივი სიმდიდრის სწრაფ ამოწურვას იწვევს, აუცილებ-

⁸ ЦГИАЛ, ф. 37, оп. 55, д. 609, 1903 г., л. 9 об.

⁹ ЦГИАЛ, ф. 37, оп. 55, д. 609, 1903, л. 6.

¹⁰ იქვე, ფურც. 39.

¹¹ იქვე.

¹² იქვე.

¹³ იქვე, ფურც. 19.

ლად უნდა აღიკვეთოს განსაკუთრებული, ენერგიული ზომების მიღებით¹⁴. მრეწველთა ყრილობის საბჭოს მიერ ფინანსთა და მიწათმოქმედების სამინისტროებში წარდგენილ და თათბირზე განხილულ შუამდგომლობის თანახმად „საბადოთა მძარცველური ექსპლოატაციის“ ანუ, სხვანაირად, წვრილ სამთო საწარმოთა არსებობის აღკვეთა, შეიძლებოდა მეწარმეობისათვის საბადოს ფართობის მინიმუმის დაწესებით. მრეწველთა ყრილობის საბჭოს აზრით, მეწარმეობის უფლება უნდა მინიჭებოდა მხოლოდ იმ საქმოსნებს, რომელთაც გააჩნდათ 6 ქცევა საბადო ფართობი (2 დესეტინა და 600 კვ. საყ.), ფინანსთა სამინისტროს აზრით, 10 ქცევა (3 დესეტინა და 1800 კვ. საყ.). ხოლო კავკასიის სამთო სამმართველოსი — 5 დესეტინა¹⁵. ეს ერთნაირად უნდა შესებოდა მოიჯარადრე, ასევე საბადოს მესაკუთრე მრეწველებს. თათბირზე საკითხის განხილვაში მონაწილეობა მიიღო მრეწველმა პ. წულუკიძემ, რომელმაც მხარი დაუჭირა საბადოს მინიმუმად 10 ქცევის დაწესებას. თათბირზე ამ აზრს მიემხრნენ ჭიათურის მარგანეცის მრეწველთა ყრილობის საბჭოს სხვა წარმომადგენლები, რომლებმაც მოითხოვეს, რომ ნორმის დაკანონების შემდეგ, ის გავრცელებულიყო იმ მრეწველებზეც, ვისზედაც ადრე გაიყა საბადოს ექსპლოატაციის ნებართვა. მთავრობის ორგანოებმა იმის გამო, რომ კანონს უკუმოქმედების ძალა არ შეიძლებოდა ჰქონოდა, შეუძლებლად ჩათვალეს მრეწველთა ყრილობის საბჭოს ამგვარი მოთხოვნის დაკმაყოფილება¹⁶. საქმე ჩაიშალა.

1903—1904 წლებში ჭიათურის სამრეწველო რაიონში მწვავედ დაისვა მალაროთა გასამაგრებელი ხე-ტყით მომარაგების საკითხი, რაც გზების საკითხს უკავშირდებოდა. სამთო გამონამუშევრების გამაგრება ძვირი ჯდებოდა, რადგან ადგილობრივი ხე-ტყის მასივებისაკენ საამისო გზები არ იყო გაყვანილი და მასალა შორიდან მოდიოდა. საბადოთა მახლობლად იყო ტყეები, მაგრამ მალაროთა გასამაგრებლად გამოსაყენებელი მუხნარი საჩხერის ტყეების გარდა თითქმის არსად იყო. სამრეწველო რაიონში ტყეებისაკენ გზებიც არ იყო. ამიტომ მთელი ხე-ტყე მოდიოდა აჭაშეთის სადგურიდან, რაც შორაპნიდან 25 ვერსზე იყო, ხოლო ჭიათურიდან (რკინიგზით) 63 ვერსზე¹⁷. საბადოებიდან ყველაზე მახლობელ მეჩხეტურა-ბეთის ტყემდე მანძილი 18 ვერსი იყო. ხოლო საბადოები, რომ ყველა მახლობელ ტყეებთან დაეკავშირებინათ, საჭირო იყო 40 ვერსის სიგრძის გზის გაყ-

¹⁴ ЦГИАЛ, ф. 37. оп. 55. д. 609, 1903, ფურტ. 6.

¹⁵ ი ქვე, ფურტ. 27.

¹⁶ ი ქვე, ფურტ. 27—28, გვ. 77.

¹⁷ ი ქვე, ფურტ. 11, 29.

ვანა: წინასწარი გაანგარიშებით ვერსი გზის გაკეთება უნდა დამჭდარიყო 5 000 მანეთი, სულ კი — 200 000 მანეთი¹⁸. წამოწყება ჩაიშალა. ამას ხელი შეუწყო ერთმა გარემოებამაც: მრეწველმა გ. წერეთელმა ჯერ კიდევ 1898 წელს კონცესიით აიღო ქიათურის სამრეწველო რაიონის შიდა გზების მშენებლობა. მან ვერაფერი გააწყო და სხვასაც არ მისცა გასაქანი. შიდა გზების ჯეროვნად მოუწყობლობა ძლიერ ანუხრუჟებდა მრეწველობას. სადგურ ქიათურიდან მაღაროებამდე ხის ერთი სვეტის მიტანა 30—40 კაპ. ჯდებოდა.

საპაერო-საბავირო გზებისა და სხვა ტიპის მექანიკური ჩამოსაშეების მშენებლობა მხოლოდ აქა-იქ დამთავრდა. ისიც მხოლოდ თითო-ოროლა მსხვილი ფირმების სარგებლობაში იმყოფებოდა. მოპოვებული მადნის დიდი ნაწილი საბადოებიდან რკინიგზის შტოს ბაქნებამდე (დაქანებული კლდოვანი ბილიკებით) სასაპალნე ტრანსპორტით ჩამოჰქონდათ და ფუთის ზიდვა მანძილის შესაბამისად 1,5 კაპიკიდან 4 კაპიკამდე ჯდებოდა. ამ საშუალებით ფხვიერი მადნის ზიდვა შეუძლებელი ხდებოდა. ფინანსთა სამინისტროს 1903 წ. თათბირზე კვლავ განხილულ იქნა საბადოებიდან რკინიგზამდე მადნის გადასაზიდი გზების უკეთ მოწყობის საკითხი. შემუშავდა აზრი, რომ მადნის ზიდვის სწორი ორგანიზაცია 3 საშუალებით უნდა მოწყობილიყო: 1) საბადო ზეგნებზე უნდა გაყვანილიყო რელსებიანი გზები, 2) ზეგნებიდან ლელებების ხეობებამდე უნდა გაყვანილიყო მექანიკური დასაშეები, თვით იმ ადგილებამდე, სადაც აშენდა, შენდებოდა ან მომავალში აშენდებოდა მადნის გამაუხვეებელი ფაბრიკები, 3) ქვევით გამამდიდრებელი ფაბრიკებიდან რკინიგზის შტოს სადგურებამდე მადნის გასაშვებად უნდა მოწყობილიყო ე. წ. „საესტოკადო გზები“¹⁹. წინასწარი გაანგარიშებით მთელი ეს გზები (საბადო ზეგნებზე გასაყვანი „სათაბრიკო-საქარხნო ტიპის რელსებიანი გზების“, 10 მცირე დასაშეებისა და ქვევით შესაფერისი სიგრძის სხვა გზების ჩათვლით) არ უნდა დამჭდარიყო 1 370 000 მანეთზე მეტი, ხოლო ამ საშუალებებით თითო ფუთი მადნის რკინიგზამდე ზიდვის ღირებულება არა უმეტეს 0,78—1,5 კაპიკისა, მაშინ, როცა სასაპალნე ტრანსპორტით ფუთის გადაზიდვა ჯდება საშუალოდ 2,75 კაპ. ეს კი ხელს შეუწყობდა მრეწველობის შემდგომ განვითარებას და ქიათურის მარგანეცის საკონკურენციო ბრძოლისუნარიანობის განმტკიცებასაც²⁰.

თათბირზე და მთავრობის ორგანოებში შემდგომი განხილვისას

¹⁸ ЦГИАЛ, ф. 37. оп. 55, д. 609, 1903, ფურც. 30.

¹⁹ იქვე, ფურც. 11—12.

²⁰ იქვე.

გზების მშენებლობის საკითხზე აზრთა სხვადასხვაობამ იჩინა თავი: ერთნი ამტკიცებდნენ, რომ ეს გზები უნდა მოაწყონ თვით მრეწველებმა. მეორენი აცხადებდნენ, რომ ეს საქმე უნდა იტვირთოს გზათა სამინისტრომ, მესამენი მიიჩნევდნენ, რომ გზათა სამინისტროს მხოლოდ მასალების მიწოდება შეიძლება დაევალოს. მრეწველთა ყრილობის საბჭოს თავმჯდომარე გ. ზდანოვიჩი კი მოითხოვდა, რომ საქმე გადასცემოდა პეტერბურგში საამისოდ უკვე შექმნილ სააქციო გაერთიანებას — „მარგანეცის ელექტორებისა და მექანიკურ მოწყობილობათა საზოგადოებას“, ოღონდ იმ პირობით, რომ მარგანეცის მრეწველთა დამოუკიდებლობა არ შეზღუდულიყო დასახელებული გაერთიანებისათვის მონოპოლოური უფლების მინიჭებით²¹. პ. წულუკიძის მოსაზრებით, კი ქიათურაში უკვე მოქმედ მსხვილ ფირმებსა და საერთოდ ადგილობრივ მრეწველებს უნდა შეექმნათ სააქციო საზოგადოება, რომელიც მიზნად დაისახავდა გზების მოწყობას²². საქმის გადაწყვეტა შეაფერხა გ. წერეთლის უნაყოფო კონცესიამაც.

როგორც ვხედავთ, 1901—1905 წლებში წარმოების მატერიალურ-ტექნიკური შეიარაღების პრობლემები თითქმის განუწყვეტლივ იხილებოდა მარგანეცის მრეწველთა წარმომადგენლობით ორგანიზაციაში და მთავრობის ორგანოებში. თუმცა, მას იმავეთვე არ მოჰყვა ტექნიკურ მოწყობილობათა და სიახლეების ფართოდ დანერგვა, რაც მხოლოდ ერთპიროვნულად მოქმედ მრეწველთა მეცადინეობით ხორციელდებოდა.

მოცემულ ეტაპზე მადნის ღირებულება არ ხასიათდებოდა სტაბილურობით. ამასთანავე სხვადასხვა ხარისხის მადანი რკინიგზის შტოს სხვადასხვა სადგურზე ერთნაირად არ ფასობდა. ფასის სხვადასხვაობა ასეთი იყო:

ცხრილი 5

მადნის ხარისხი	1 ფუთი მადნის ფასი პაქანზე (კაპიკობით)	
	ქიათურაში	კიკოურში
„ბ ე ლ ტ ი“	7—7,5	6—6,5
საცხრილი	5,5—6	4,5—5
წერილი ჩვეულებრივი	9—10	8—9
წერილი მაღალხარისხიანი	10—11	9—10
„პ ლ ა ს ტ ი“	18—20	17—19
მარცლოვანი	7—7,5	6—6,5
„წ ი თ ე ლ ი“	8,5—9,9	7,5—8,5

²¹ ЦГИАЛ. ф. 37. оп. 55. д. 609. 1903. ფურც. 12. 31.

²² იქვე, ფურც. 31.

მადნის ფასი ძლიერ მერყეობდა ზარისხისა და ჩაბარების ადგილასდა მისედვით. მრეწველობის განვითარების მოცემულ ეტაპზე, კერძოდ, 1903 წელს ქიათურის სადგურზე (სასწორზე) 1 ფუთი მარგანეცის მადნის საშუალო ფასი, ასე დგებოდა:²³

საიჯარო გადასახადი	— 1,00 კაპ.
მოპოვება და გადმოზიდვა	— 2,25
გაწმენდა და დახარისხება	— 0,75
ქიათურამდე გადაზიდვა	— 2,75 „
„მრეწველის სარგებელი“	— 0,25 „

სულ — 7 კაპ.

როგორც ვხედავთ, მრეწველობის მატერიალურ-ტექნიკური ბაზისა და მადნის ადგილობრივ სატრანსპორტო საშუალებათა მოუწყობლობა აღიდებდა მადნის თვითღირებულებას. როგორც ცნობილია, მრეწველობისათვის (სრულყოფილი, მანქანური საწარმოო ტექნიკის გარდა) დიდი მნიშვნელობა ენიჭება ტრანსპორტის სრულყოფილ ტექნიკას — ორთქლის რკინიგზას. რკინიგზის შტომ გააადვილა ქიათურის მარგანეცის მრეწველობის ინდუსტრიულად გარდაქმნა. ამიტომ რკინიგზის შტოს საჩხერემდე გაყვანა, რკინიგზის სადგურებზე ახალი ბაქნებისა და შტოსკენ მისასვლელი რელსებიანი გზების მშენებლობა, რაც 1901—1905 წლებში განხორციელდა²⁴, მნიშვნელოვანი ხელშემწყობი მოვლენა იყო მრეწველობის მოცემული დარგის ინდუსტრიულად გარდაქმნისათვის.

მანქანურ ინდუსტრიაზე გადასვლა, რაც სრულ ტექნიკურ გადატრიალებას მოასწავებს, მომდევნო პერიოდში, 1906 — 1914 წლებში კიდევ უფრო გაძლიერდა. მას თან მოყვა სამრეწველო ბურჟუაზიისა და სამრეწველო პროლეტარიატის საბოლოო ჩამოყალიბება, კლასობრივი ბრძოლის შემდგომი გამწვავება და ქიათურის რაიონის სამრეწველო პროლეტარიატის გადაქცევა დასავლეთ საქართველოს პროლეტარიატის ყველაზე მრავალრიცხოვან და მოწინავე მებრძოლ რაზმად.

²³ ЦГИАЛ, ф. 95, оп. 18, д. 1010, л. 42 об.

²⁴ ЦГИАЛ, ф. 23, оп. 12, д. 262. л. 10.

თ ა ვ ი ი V

ჭიათურის მარგანეცის მრეწველობა 1906—1914 წლებში
§ 1. მარგანეცის მადნის მოპოვება

1901 — 1905 წლების კრიზისის შემდეგ ჭიათურის მრეწველობამ ჯერ ხანმოკლე აღმავლობა განიცადა, მერე, კვლავ კრიზისი, ხოლო I მსოფლიო ომის წინა წლებში მძლავრი აღმავლობა. ამ პროცესმა თავისი გამოხატულება პოვა მალაროთა და შტოლნთა რიცხვის. აგრეთვე მათი საშუალო წლიური წარმადობის მკვეთრ ცვალებადობაში, რაც თვალში გვეცემა, თუ გავიხსენებთ, რომ 1905 წელს მალაროთა რიცხვია მხოლოდ 202, შტოლნთა კი 349, ხოლო მათი წლიური წარმადობა შესაბამისად 103 348 და 60 864 ფუთი, ეს მაშინ, როცა 1906—1914 წლებში მალაროთა და შტოლნთა რიცხვი, აგრეთვე მათი საშუალო წლიური წარმადობა ასე იცვლებოდა:

ც ხ რ ი ლ ი 1¹

წლები	მოკმედი მალაროები და შტოლნები		შტოლნთა რიცხვი თითოეულ მალაროში (საშუალოდ)	მადნის საშუალო მოპოვება (ფუთი ო.)	
	მალაროები	შტოლნები		ერთ მალაროში	ერთ შტოლნში
1906	443	688	1,58	113 215	72 921
1907	395	551	1,39	103 374	74 107
1908	114	160	1,40	61 008	43 468
1909	268	332	1,24	135 216	109 957
1910	191	230	1,20	176 989	146 978
1911	150	174	1,16	190 900	164 500
1912	206	281	1,36	171 480	125 711
1913	303	437	1,44	159 339	135 797
1914	192	226	1,77	210 656	178 964

¹ ЦГИАЛ, ф. 23, оп. 67, д. 253, л. 13—14, Статистика марганцевого дела, К., 1914, таблица № 12; Статистика марганцевого дела за 1914—1917 гг, К., 1918, табл. № 13.

ასევე მერყეობს მადნის მოპოვების მასშტაბი, თუ 1901—1905 წლებში მადნის წლიური მოპოვება 20, 22, 25 მილიონ ფუტს არ აღემატებოდა, მომდევნო პერიოდში ის ასე ცვალებადობდა²:

წელი	მადნის მოპოვება (ათას ფუტობით)	წელი	მადნის მოპოვება (ათას ფუტობით)
1906	50 170	1911	28 635
1907	40 833	1912	35 325
1908	6 955	1913	59 188
1909	36 505	1914	40 446
1910	33 805		

ამგვარად, განსახილველ პერიოდში მადნის მოპოვების მასშტაბი დიდი მერყეობით ხასიათდება. ერთი მხრივ, ის კოლოსალურად იზრდება 1906 და 1913 წლებში, მეორე მხრივ, განსაკუთრებით მკვეთრად მცირდება 1908 წელს.

ყოველივე ამას გააჩნია თავისი განმსაზღვრელი ობიექტური მიზეზები. 1906 წელს ჭიათურის მარგანეცის მრეწველობას ფრთები შეასხა კრიზისიდან გამოსული მსოფლიო მეტალურგიის ახალმა მძლავრმა აღმავლობამ, რამაც, თავის მხრივ, გამოიწვია მარგანეცის მადანზე მოთხოვნილების გაზრდა. მაგრამ, ეს აღმავლობა ხანმოკლე აღმოჩინდა და 1907 წლის მეორე ნახევრიდან 1908 წლის დამლევამდე მკვეთრი დაღმავლობით შეიცვალა³.

მარგანეცის მრეწველობაში კრიზისი, როგორც წესი, თავდაპირველად მადანზე ფასის დაცემით იწყებოდა, შემდეგ მცირდებოდა მისი გასაღების მასშტაბი, რაც იმთავითვე იწვევდა მადნის მოპოვების ოდენობის შესაბამის შემცირებას. 1907 წლის დამლევისათვის მარგანეცის მადნის ფასი მკვეთრად დაეცა, ხოლო მასზე მოთხოვნილება თითქმის არ არსებობდა. კრიზისამდე, როცა მარგანეცის მადნის ფასი შედარებით მაღალი იყო, ჭიათურის მარგანეცი გადამწყვეტ პოზიციებს ფლობდა გერმანიის ბაზარზე, გარკვეულ მნიშვნელობას ინარჩუნებდა დიდ ბრიტანეთში, ხოლო მისი ექსპორტი აშშ-ში 1907 წელს შეწყდა⁴. 1908 წლის 1 იანვრისათვის ჭიათურის სამრეწველო

² В. Л. Тухолка, Железные и марганцевые руды (Богатства СССР... М. Л., 1925, გვ. 67); პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, 1941, გვ. 262.

³ Статистика марганцевого дела, К., 1908, გვ. IX.

⁴ ЦГИАЛ, ф. 37, оп. 72, д. 138, 1909, л. 30, об.

რაიონში მოპოვებული მადნის მარაგი (94 591 000 ფუთი) სარეკორდო იყო აღრიხნდელ, ასევე მერმინდელ წლებთან შედარებით⁵.

ჭიათურის მრეწველობის თაობაზე 1908 წელს პეტერბურგში მოწყობილ საუწყებათაშორისო თათბირზე აღინიშნა, რომ „აღრე კრიზისი გამოიხატებოდა ფასის დაცემით, ამჟამად შეინიშნება მადანზე მოთხოვნილების სრული შეწყვეტა. 1907 წლის დამლევისათვის მარგანეცის მადნის ფასი დაეცა 45,57% და ეს არცაა გასაკვირი, რადგან ყველა სახელმწიფოში (ამერიკაში, ინგლისში, გერმანიაში, ბელგიაში, საფრანგეთში) ბრძმედების მოქმედება 50%-ით შემცირდა⁶. ჭიათურიდან მადნის ექსპორტის შეწყვეტასთან დაკავშირებით ამიერკავკასიის რკინიგზის სამმართველომ, რომელიც ამით შემოსავლის წყაროს კარგავდა, 1908 წელს მიმართა რუსეთის საკონსულოებს უცხოეთში, რათა მათ ეცნობებიათ „კავკასიიდან მადნის გაზიდვის შემცირების ნამდვილი მიზეზები“. პასუხი მოსულა 8 საკონსულოდან. აქედან 6 (როტერდამის, ტრიესტის, ჰამბურგის, შტეტინის, ფლიტვედის, ფილადელფიის) მადნის ექსპორტის შემცირებას ხსნიდა „საერთო ფულადი და მეტალურგიული კრიზისით...“⁷. 1909 წლიდან მსოფლიო მეტალურგიაში კრიზისს თანდათან დააღწია თავი, ხოლო 1912 — 1913 წლებში მისი განვითარება მანამდე არნახული ტემპით წარიმართა — მსოფლიო ომისათვის მძლავრი იმპერიალისტური ქვეყნების გამალებულ სამზადისთან დაკავშირებით, რამაც მარგანეცის მადანზე მოთხოვნილების განუხრელი ზრდა გამოიწვია. 1914 წლის მეორე ნახევრიდან, მსოფლიო ომის დაწყების შედეგად, ჭიათურის მრეწველობის მდგომარეობა გაუარესდა. ამასთან დაკავშირებით კავკასიის სამთო სამმართველო 1914 წლის დამლევს აცნობებდა პეტერბურგში: „კავკასიის მარგანეცის მრეწველობა უპირატესად საგარეო ბაზარს ემსახურება, ამიტომ მრეწველობის წარმატება მჭიდროდაა დაკავშირებული საგარეო ბაზრის საერთო კონიუნქტურაზე. თავისთავად იგულისხმება, რომ კავკასიის მარგანეცის მრეწველობის ასეთმა დამოკიდებულებამ უცხოური ბაზრებისაგან უკიდურესად მძიმე მდგომარეობაში ჩააყენა ეს დარგი 1914 წლის მეორე ნახევრიდან, როცა ომის დაწყებისა და სრუტეების დაკეტვის შედეგად მარგანეცის ექსპორტი შეწყდა“⁸.

ომის დაწყების დროიდან, როცა მსოფლიო ბაზარზე ჭიათურის მარგანეცის ექსპორტი სავსებით, ისიც დიდი ხნით, შეწყდა, ის მხო-

⁵ Статистика марганцевого дела за 1913 год, К., 1914, გვ. 33.

⁶ ЦГИАЛ, ф. 37, оп. 72, д. 138, л. 37.

⁷ იქვე. ფურც. 37, მეორე გვერდი.

⁸ ЦГИАЛ, ф. 37, оп. 67, д. 954, л. 40.

ლოდ შინაგანი (რუსეთის) ბაზრის ანაბარა დარჩა. ამავე დროს რუსეთის მეტალურგიის მოთხოვნილება მარგანეცზე შედარებით მცირე იყო და იმასაც მეტწილად ნიკოპოლი და ურალი აკმაყოფილებდა.

* * *

მართალია, I მსოფლიოომამდელ ხუთწლედში ჭიათურის მრეწველობის განვითარება სწორხაზობრივად არ წარიშართა, მაგრამ მადნის საშუალო მოპოვება, წინანდელ ხუთწლედთან შედარებით მაინც გაიზარდა.

უნდა შევნიშნოთ, რომ განსახილველ პერიოდში, ისევე როგორც ადრე, ერთგვარ ცვლილებას განიცდიდა სხვადასხვა საბადო ზეგნის ზვედრითი წილი მადნის საერთო მოპოვებაში. მაგალითად, 1912 წელს მადნის მოპოვების სიდიდით დარკვეთის ზეგანი მეორე ადგილზე იყო, ხოლო მომდევნო წელს უკვე მეხუთე ადგილზეა. 1913 წელს მღვიმევეზე მოდის საერთო მოპოვების 39,07%, მეორე ადგილზეა ზედა რგანი (16,45%), მესამეზე პერევისა (14,03%), მეოთხეზე შუქრუთი (10,24%), მეექვსეზე რგანი, რომელსაც მოსდევს თაბაგრები, სარქველეთუბანი და ითხვისი. დასახელებული ზეგნების მონაწილეობა ძირითადად ასეთივე თანაფარდობით ჩასიათდება პირველი მსოფლიო ომის დაწყების შემდეგაც, როცა ჭიათურის მრეწველობამ სწრაფი დაცემა განიცადა. ეს პირველ რიგში გამოიხატა მადნის მოპოვების მასშტაბის ძლიერ შემცირებაში, რაც ასეთ სურათს იძლევა⁹:

წელი	მადნის მოპოვება (ათას ფუთობით) *
1915	15 738
1916	14 678
1917	12 488
1918	7 583
1919	3 442
1920	5 610

უნდა გავიხსენოთ, რომ 1915 წელს 1914 წელთან შედარებით მადნის მოპოვება შემცირებულია 24 709 ათასი ფუთით, ანუ 61,09%-ით, ხოლო მომდევნო პერიოდში, მსოფლიო ომის, რევოლუციისა და საქართველოში მენშევიკების ხანმოკლე ბატონობის წლებში, მადნის

⁹ ვ. ტუხოლა, დასახ. ნაშრომი, გვ. 67

მოპოვება (და საერთოდ სამრეწველო საქმიანობა) კიათურაში მანამდე თითქმის არნახული ტემპით ეცემა, ხოლო 1921 წელს მთლიანად წყდება.

§ 2. სამრეწველო ბურჟუაზიის უმადგენლობაში მოხდარი ცვლილება

განსახილველ პერიოდში დაჩქარდა კიათურის მარგანეცის მრეწველობის მატერიალურ-ტექნიკური შეიარაღება. როგორც ქიქოთ (§ 5) დავინახავთ, სამრეწველო გადართილების გაღრმავების შედეგად მრეწველობის მოცემული დარგი განვითარების ინდუსტრიულ (ქარხნულ) სტადიებზე გადავიდა. ცვლილებამ თავი იჩინა სამრეწველო ბურჟუაზიის შემადგენლობასა და განლაგებაში. სამრეწველო გადართილების პროცესში და მის შედეგად მსხვილი ბურჟუაზია წარმოებაში გადამწყვეტ პოზიციებს დაეუფლა. სამრეწველო რაიონში მრავალი მსხვილი ტექნიკურად კარგად აღჭურვილი სამთო-წარმოების გვერდით ტექნიკურად შეუიარაღებელი, შედარებით წვრილი (გლესური) თუ საშუალო სიდიდის (მანუფაქტურული) საწარმოებიც მრავლად არსებობდა, თუმცა მათი ხვედრითი წონა მრეწველობაში წლიდან-წლამდე განუხრელად მცირდებოდა. ასე, რომ განვითარების ინდუსტრიულ სტადიაზე კიათურაში კაპიტალისტური მრეწველობის სამივე ფორმა თანაარსებობდა. წვრილი და მანუფაქტურული ფორმის საწარმოთა ამგვარი გამძლეობა, მარგანეცის მადნის საბადო ნაკვეთების მფლობელთა დიდი სიმრავლით, საქმოსანთა მიერ ამ ნაკვეთთა იჯარით აღებისა და, რაც მთავარია, საბადოთა სამრეწველო ექსპლოატაციის სიძლიერითაც აიხსნებოდა.

სამრეწველო სტატისტიკა არ შეიცავს საკმარის ზუსტ მონაცემებს სხვადასხვა სიდიდის სამთო საწარმოთა და, მაშასადამე, სხვადასხვა კატეგორიის მრეწველთა თანაფარდობის დასადგენად. საწარმოთა აღწერები კიათურაში აღებულ პერიოდში მხოლოდ 1913, 1914, 1915 წლებში ჩატარდა.

სამრეწველო სტატისტიკა ასე წარმოგვიდგენს სხვადასხვა კატეგორიის მრეწველთა რიცხობრივი თანაფარდობისა და მადნის საერთო მოპოვებაში მათი ხვედრითი მონაწილეობის ცვალებადობას განსახილველ პერიოდში:

წლები	მარგანეცის მრეწველთა საერთო რიცხვი	I. წერილი მრეწველები (100 ათას ფუთამდე მადნის მოპოვებით)			II. საშუალო მრეწველები (100-დან 500 ათას ფუთამდე მადნის მოპოვებით)			III. მსხვილი მრეწველები (500 ათას ფუთზე მეტი მადნის მოპოვებით)		
		მრეწველთა რიცხვი	% საერთო რიცხვის მიმართ	% მადნის საერთო მოცულობაში	მრეწველთა რიცხვი	% საერთო რიცხვის მიმართ	% მადნის საერთო მოცულობაში	მრეწველთა რიცხვი	% საერთო რიცხვის მიმართ	% მადნის საერთო მოცულობაში
1	2	3	4	5	6	7	8	9	10	11
1906	376	221	49,75	28,65	148	39,36	57,03	7	1,86	14,32
1907	348	225	64,65	36,35	117	33,62	45,74	6	1,73	17,91
1908	96	90	93,76	25,34	3	3,12	7,76	3	3,12	66,90
1909	222	73	32,88	8,87	142	63,97	64,67	7	3,15	26,46
1910	165	77	46,67	15,02	77	46,67	44,13	11	6,66	40,85
1911	140	73	52,14	14,09	57	40,71	46,21	10	7,14	39,68
1912	164	68	41,48	9,43	87	53,04	55,38	9	5,48	35,19
1913	260	113	43,46	10,30	126	48,46	47,09	21	8,08	42,61
1914	183	96	54,86	15,86	69	39,92	38,92	10	5,72	45,78

აქ თვალში გვეცემა მრეწველთა რიცხვის მკვეთრი ცვალებადობა და შემცირების ტენდენცია. თუკაცა ის 1913 წელს 1912 წელთან შედარებით გაიზარდა 96-ით, ანუ 58,53%-ით. ამავე დროს 1906 წელს 1913 წელთან შედარებით მრეწველთა რიცხვი მეტია 114-ით, ანუ 30,48%-ით. მეორე მხრივ, 1914 წელს 1913 წელთან შედარებით მრეწველთა რიცხვი შემცირდა 85-ით, ანუ 32,69%-ით. ეს დაკლება ომთან არ იყო დაკავშირებული, რადგან ცხრილში მოტანილი მონაცემი 1914 წლის პირველ ნახევარს განეკუთვნება². განსახილველ პერიოდში ფირმათა საშუალო წლიური რიცხვია 213, ხოლო უკანასკნელი ათწლეულის პირველ ხუთ წელიწადში მათი საშუალო რიცხვია 230, მეორე ხუთ წელიწადში კი მხოლოდ 190, ამგვარად, მრეწველთა საერთო რიცხვი მცირდება, ხოლო მადნის საშუალო წლიური მოპოვება, როგორც ზემოთ დავინახეთ, იზრდება.

მრეწველთა რიცხვის შემცირების სტატისტიკოსები კანონზომიერ მოვლენად მიიჩნევენ, რადგან, მათი განმარტებით, «С усложнением работ по добыче, с увеличением ответственности за рабочих и т. п. условия промышленной жизни, требующих от про-

¹ Статистика марганцевого дела за 1914 — 1917 гг., К., 1918, табл. II.

² Статистика марганцевого дела за 1914—1917 гг., К., 1918, гл. XI.

мышленника, чтобы он был во всяком случае более состоятельным, менее состоятельный промышленник выбывает из ряда производителей»³.

ზემომოყვანილი ცხრილი ერთგვარ წარმოდგენას იძლევა სხვადასხვა კატეგორიის მეწარმეთა აბსოლუტური და შეფარდებითი რაოდენობის, ასევე მადნის მოპოვებაში მათი ხვედრითი წონის ცვალებადობაზე. ჯერ ერთი, ჩანს, რომ წვრილ მრეწველთა აბსოლუტური და შეფარდებითი რაოდენობა არ იყო სტაბილური. ის შემცირების ტენდენციას ამჟღავნებდა. მთავარი კი ისაა, რომ მათი მონაწილეობა მადნის საერთო მოპოვებაში თითქმის განუხრელად მცირდებოდა. მეორე, მცირდებოდა ე. წ. საშუალო მრეწველთა აბსოლუტური და შეფარდებითი რაოდენობა, ასევე მათი ხვედრითი მონაწილეობა მადნის საერთო მოპოვებაში. მესამე, სტატისტიკოსები, რომლებიც მხოლოდ უმსხვილეს ფირმებს თვლიდნენ მსხვილ მრეწველებად, გვიჩვენებენ, რომ ამ კატეგორიის მრეწველთა რიცხვი და ხვედრითი წილი ჭიათურის მარგანცის მრეწველობაში იზრდება. ამავე დროს სტატისტიკოსები, მრეწველთა კატეგორიებად დაყოფის საკუთარი პრინციპის მიხედვით, მსხვილ მრეწველთა რიცხვს არასრულად წარმოგვიდგენენ. ცხრილის მიხედვით 1912 წელს მსხვილი მრეწველი არის მხოლოდ 10, ხოლო სამთო უწყების ცნობით — 12⁴. 1914 წელს კი პირველის ცნობით ასეთია 10, ხოლო მეორისა — 23⁵. მთავარი ისაა, რომ სამრეწველო სტატისტიკა სანახევროდაც ვერ ასახავს მრეწველობის კონცენტრაციის პროცესს ჭიათურაში. ეს პროცესი მძლავრად მიმდინარეობდა, რაც ყველაზე წვრილ (გლეხურ) საარეწავთა თანდათან, ადრინდელთან შედარებით, მკვეთრი შემცირებით ხასიათდებოდა. ამაზე ერთგვარ წარმოდგენას იძლევა თვით სტატისტიკოსთა მიერ შედგენილი ცხრილი. იხ. მე-3 ცხრილი, გვ. 248.

ცხრილიდან ჩანს, რომ განსახილველ პერიოდში, ადრინდელი ხანისაგან განსხვავებით, არ გვხვდება ისეთი წვრილი მრეწველი, რომელიც მხოლოდ 1 ათას ფუთამდე მადანს პოულობს წელიწადში. ამასთანავე მრეწველთა დიდი ნაწილი თანდათან უფრო მეტი ოდენობით ეწევა მადნის მოპოვებას. ამასვე გვიდასტურებს ჩვენთვის საინტერესო ხანის სამრეწველო სტატისტიკის ცნობა საშუალოდ თითოეული მრეწველის მიერ დაქირავებულ მუშათა რიცხვისა და მოპოვებული მადნის ოდენობის ერთგვარი ზრდის შესახებ. (იხ. მე-4 ცხრილი, გვ. 248).

³ Статистика марганцевого дела за 1914—1917 гг., К. 1918, გვ. XII.

⁴ ЦГИАЛ, ф. 37, оп. 67, д. 954, л. 45, д. 974, л. 7.

⁵ იქვე.

წელი	მრეწველები, რომ: ე მაც მოიპოვე, მადანი								
	1 ათას ფუთამდე	1-დან 10 ათას ფუთამდე	10-დან 50 ათას ფუთამდე	50-დან 100 ათას ფუთამდე	100-დან 200 ათას ფუთამდე	200-დან 500 ათას ფუთამდე	500 ათასიდან 1 მილიონამდე	1 მილიონ ფუთზე მეტი	სულ
1906	—	4	71	146	104	44	4	3	376
1907	—	1	85	128	8	19	4	2	348
1908	—	41	44	5	3	—	1	2	6
1909	—	—	37	36	105	37	5	2	222
1910	—	—	18	37	65	34	5	6	165
1911	—	4	30	19	38	37	9	3	140
1912	—	5	34	15	47	52	6	5	164
1913	—	12	54	47	71	55	14	7	260
1914	—	1	42	53	40	29	5	5	175

ცხრილი 4⁷

წელი	საშუალოდ თითოეულ მრეწველზე მოდიოდა	
	დაქირავებული მუშეი	მოპოვებული მადანი (ფუთობი)
1906	13,57	133,430
1907	11,50	117,336
1908	6,98	72,447
1909	14,06	164,441
1910	19,12	204,878
1911	14,00	204,535
1912	14,51	215,396
1913	13,37	227,646
1914	17,63	231,120

როგორც ვხედავთ, საშუალოდ თითოეული მრეწველის მიერ დაქირავებულ მუშათა რიცხვი, ასევე სამრეწველო საქმიანობის მასშტაბი მოცემულ პერიოდში თითქმის განუწყვეტელი ზრდა-შემცირე-

⁶ Статистика марганцевого дела за 1914 — 1917 гг., К., табл. № 10. აქვე უნდა შევნიშნოთ, რომ ცხრილში 1914 წელს მხოლოდ 175 მრეწველია ნაჩვენები, რაც შეცდომაა, იხ. კრებული, გვ. 95. ცხრილი № 11, სადაც 183-ია ნაჩვენები.

⁷ Статистика марганцевого дела, К., 1914, табл. № 19; Статистика марганцевого дела за 1914—1917 гг., К., 1918 г., табл № 9,18.

ბით ხასიათდება. ზრდის ერთგვარი ტენდენცია მაინც შეინიშნება. გაცილებით უფრო სისტემატური და თანმიმდევრულია საშუალოდ თითოეული მრეწველის მიერ მოპოვებული მადნის ოდენობის ზრდა, რაც განსახილველ პერიოდში მსხვილ საწარმოთა ხვედრითი მონაწილეობის ზრდითაც აიხსნება.

სხვადასხვა კატეგორიის მრეწველთა თანაფარდობაში მომხდარი ცვლილებების დასადგენად ზემომოტანილი სტატისტიკური ცნობები არაზუსტია. ისინი, სამწუხაროდ, საშუალებას არ იძლევიან რამდენადმე სრულად წარმოვადგინოთ წარმოებისა და მუშათა კონცენტრაციის პროცესის მიმდინარეობა. სინამდვილეში ეს პროცესი უფრო მძლავრი იყო, ვიდრე ამას სამრეწველო სტატისტიკა გვიჩვენებს, ეს ჩანს შემდეგიდან: ჯერ ერთი, სამრეწველო დაწესებულებათა 1913 და 1915 წლების აღწერები გვიჩვენებს, რომ ქიათურის სამრეწველო რაიონში I მსოფლიო ომის დაწყების დროისათვის უამრავ რელსებიან გზებთან, ტექნიკურად მოწყობილ მექანიკურ ჩამოსაშვებებთან (ბრემსბერგები და საპაერო-საბაგირო გზები) ერთად უკვე მადნის 25—31 გამამდიდრებელი ფაბრიკაა⁸. მათი მფლობელებია ადგილობრივი მრეწველები ან მრეწველთა გაერთიანებები, აგრეთვე უცხოური ფირმები. ამასთანავე არ არის არც ერთი შემთხვევა, რომ ერთ მრეწველს თუ ფირმას ერთდროულად ორი ფაბრიკა ეკუთვნოდეს. ფაბრიკები ტექნიკურად მოწყობილია და მექანიკური ძალის გამოყენებას ემყარებიან. ამასთანავე ჩვეულებრივ მეტ-ნაკლები სიდიდის თითოეულ ფაბრიკაში დასაქმებულია 22-დან 244 მუშამდე⁹. ყველა ფაბრიკის მეპატრონე მარგანეის მრეწველია, ზოგიერთი მათგანი კი მადნის ექსპორტიორიც. ამდენად ყოველგვარ ეჭვს გარეშეა, რომ ფაბრიკების 25—31 მეპატრონე მსხვილი მრეწველია, ეს მაშინ, როცა, სამრეწველო სტატისტიკის ცნობით, 1914 წელს მსხვილი მრეწველია მხოლოდ 10, ხოლო სამთო უწყების ცნობით, მარტო 23. მეორეც, თუ მსხვილ მრეწველთა რიცხვის განსაზღვრისას პირობით ნიშნად ავიღებთ მათ მიერ დასაქმებულ სამთო მუშათა რიცხვს (25 მუშის ზევით), მივიღებთ, რომ 1913 წელს ასეთები იყო 44. ამ წელს ჩატარებული აღწერის თანახმად შედარებით მსხვილ მრეწველთა საწარმოებში სამთო მუშათა რიცხვი ასეთი იყო¹⁰.

⁸ ЦГИАЛ, ф. 37, оп. 75, д. 691, л. 28—29, 165—201; სსსა, ფონ. 415, საქ. 109, ფურც. 67; Отчет Кавказского горного управления за 1913 год. 1914, გვ. 95.

⁹ სსსა, ფონ. 415, საქ. 109, ფურც. 67; ЦГИАЛ, ф. 37, оп. 75, д. 691, л. 165—201.

¹⁰ სსსა, ფონ. 415, საქ. 109, ფურც. 67.

ფირმები	
1. ფორველი და სელაარი	371
2. კაეკასიის საბადოთა ამხანაგობა	280
3. ძმ. ოგანუხოვები	165
4. ვ. კაპანაძე	135
5. მღვიმევის ქალთა მონასტერი	109
6. ვ. ჩხეიძე	86
7. ს. გაფრინდაშვილი	86
8. ლ. პანასიე	88
9. ა. მიულსი	81
10. ა. ჭაყელი	83
11. რ. ანჭაფარიძე და კომპ.	96
12. ძმ. ჩილინგარიანები	82
13. ბ. სამყურაშვილი	90
14. ი. წერეთელი და კომპ.	57
15. ტ. ჩომახიძე და გ. სამხარაძე	63
16. ე. ლულუნიშვილი	63
17. დ. აბაშიძე	61
18. ი. რატიანი და კომპ.	56
19. დ. ლულუნიშვილი	65
20. ა. გევენაეა და ი. ჭიქია	50
21. ს. გეიდეშანი	62
22. გულზენკირხენის სააქტ. საზ.	26
23. ა. შადატოვა	56
24. ო. ვილერტი	42
25. ო. ჩაჩანიძის მემკე-ნი	48
26. გ. ფარულაეა	42
27. გ. ზდანოვიჩი	43
28. ი. ბარათაშვილი	40
29. ი. მემქარიაშვილი	53
30. ი. ბერიძე	50
31. დ. უორჯოლიანი და კომპ.	52
32. კ. გამყრელიძე	29
33. ზ. უორჯოლიანი	26
34. ჭიმშელიშვილი-მემქარიშვილი	29
35. ა. კეკელიძე	30
36. ფ. კაკაბაძე	28
37. გ. კერნერი	47
38. ე. კორნოზილოსი	37
39. ძმ. არუსიები	34
40. ხ. მანულოპულო	44
41. გ. არუსია	40
42. ი. სულაბერიძე	25
43. ა. ამალობელი	30
44. ი. ქაჭია	51

უნდა შევნიშნოთ, რომ სამთო საწარმოებში მუშათა აღრიცხვა, როგორც წესი, ყოველთვის არასრული იყო, რადგან მეწარმენი შეგნებულად ნაკლებს უჩვენებდნენ სამთო უწყებას¹¹.

სავარაუდოა, რომ აღწერისას გამოტოვებულია ზოგიერთი მსხვილი მრეწველი. მაგალითად, ჩვენთვის ადრე ცნობილი და 1915 წლის აღწერაში დასახელებული¹² შედარებით მსხვილი მრეწველები რ. ჯა-ვახიშვილი, ნ. წერეთელი, ს. წერეთელი, ა. სარჯველაძე, ნ. კაკაბაძე, ნ. და ა. ავეგერინოები, ს. თაბაგარი და სხვები მრეწველთა 1913 წლის სიაში გამოტოვებულია. ამის მიუხედავად, მოტანილ სიაში 44 მსხვილი ფირმა თუ მეწარმეა დასახელებული. აქედან ქართველებია 30, სომხები (ადგილობრივი კაპიტალის წარმომადგენლებია) — 3, ბერძნები — 3, გერმანელები — 5, ფრანგი — 1, ინგლისელი — 1. რა თქმა უნდა, შორს ვართ იმ აზრისაგან, რომ ეს მონაცემები დაედვას საფუძვლად ქიათურაში ეროვნული და უცხოური კაპიტალის თანაფარდობის დადგენას, რადგან, როგორც დავინახავთ, ზოგიერთი უცხოური, კერძოდ, გერმანული ფირმები, თავისი ძლიერებით სამრეწველო რაიონში სწორ-უპოვრად წარმოგვიდგებიან. მოტანილი მონაცემები მხოლოდ იმას გვიდასტურებს, რომ შედარებით მსხვილ მეწარმეთა საერთო რიცხვი საგრძნობია, რაც წარმოებისა და მუშათა კონცენტრაციაზე მეტყველებს და რომ მათი უმრავლესობა ქართველებია. თუ მოცემული ნიშნის მიხედვით, ე. ი. მუშათა რაოდენობის გათვალისწინებით განვსაზღვრავთ მსხვილ საწარმოთა რიცხვს, მივიღებთ, რომ 1914 წლის მაისისათვის ქიათურაში უკვე 51 მსხვილი სამთო საწარმოა, სადაც 25-დან 472-მდე მუშაა დასაქმებული¹³.

ყოველივე ამის შემდეგ ცხადი ხდება, რომ სამრეწველო სტატისტიკა წარმოებისა და მუშათა კონცენტრაციის რეალურ სურათს არ იძლევა.

მარგანეცის მრეწველთა 1913 წლის სიაში მხოლოდ შედარებით მსხვილი საწარმოებია შეტანილი, რის გამო ის არ იძლევა მეწარმეთა ეროვნული შემადგენლობის დადგენის საშუალებას, სამაგიეროდ 1914 წლის მაისში შედგენილი სრული სიიდან, ჩანს, რომ მოცემულ წელს 183 მრეწველიდან ქართველია 161, გერმანელია 7, ბერძენი — 5, ადგილობრივი სომეხი — 4, ებრაელი — 3, რუსი — 1, ფრანგი — 1,

¹¹ ЦГИАЛ, ф. 37, оп. 75, д. 691, л. 164.

¹² ЦГИАЛ, ф. 37, оп. 75, д. 691, л. 161—201.

¹³ ХФЦГИАУ, ф. 834, оп. 1, д. 90, л. 28—37.

ბელგიელი—1¹⁴. ქართველ მეწარმეთა სოციალური წარმოშობა, ჩვენნი დაკვირვებით, დაახლოებით ასეთია: 161 მეწარმიდან წარმოშობით გლეხია 81, თავადი — 18, აზნაური — 61, სასულიერო წოდებიდან კი—1¹⁵.

* * *

ამრიგად, მოცემულ პერიოდში მარგანეცის მრეწველთა შემადგენლობაში თვალსაჩინო რიცხობრივი და თვისობრივი ცვლილებები მოხდა: წინანდელ, ე. ი. კრიზისის წლებთან შედარებით, 1906 წელს მეწარმეთა რიცხვი ძლიერ გაიზარდა, მარგამ შემდეგში, განსაკუთრებით 1908 წელს, შემცირდა. I მსოფლიო ოპის წინა წლებში, 1913 წლამდე მეწარმეთა შემადგენლობა კვლავ იზრდებოდა, ხოლო 1914 წლის პირველ ნახევარში მკვეთრად შემცირდა. მეწარმეთა რიცხვის ზრდა მრეწველობის აღმავლობის წლებშიც კი უმნიშვნელო იყო წარმოების მასშტაბის გაფართოებასთან შედარებით. მრეწველთა ერთი ნაწილი ჩამოსცილდა წარმოებას, სამაგიეროდ მათი ადგილი დაიკავა ზოგიერთმა ახლადმოსულმა საქმოსანმა. მაგრამ, ნიშანდობლივი ის არის, რომ ჭიათურის მარგანეცის მრეწველობაში წვირილ (გლეხურ) სამთო სარეწავეთა რიცხვი და ზვედრითი წონა ძლიერ მცირდებოდა¹⁶, საშუალო მრეწველთა რიცხვი და ზვედრითი მონაწილეობაც კლებულობდა. ხოლო მსხვილი სამრეწველო კაპიტალი აფართოებდა თავისი მოქმედების ასპარეზს. ეს ბუნებრივიც იყო.

¹⁴ იქვე. ბელგიურ ფირმად იწოდება „რუსეთ-ბელგიის მეტალურგიული საზოგადოება“, რომელიც ჭიათურის მრეწველობაში 1906 წლიდან ჩაება ფერომარგანეცის წარმოების დაფუძნების განზრახვით (იხ. Н. Николадзе, Кавказское марганцевое самоуправление. СПб. 1910 г. 36).

¹⁵ ХФЦГИАУ. ф. 834. оп. 90. л. 28—37

¹⁶ ამ ფაქტის აღნიშვნისას ისიც უნდა შეინიშნოს, რომ წარმოებაში ამ პერიოდში კვლავ გავხდებთან წვირილი მეწარმენი (თუმცა ნაკლებად, ვიდრე ადრე!). 1911 წლის ერთი საბუთი ვრცლად ახასიათებს ჭიათურაში მოქმედ წვირილ „არაპროფესიონალურ სამთო მრეწველთა“ საქმიანობას, მიუთითებს, რომ ისინი არ არიან საბადოთა ფაქტიური მფლობელები, ან კიდევ მოიჭარადრეები, არამედ უფრო მუშებია, „მადნის შემთხვევითი მოპოვებლებია“. ესენია «лишь, не несущие, по свойству деятельности, какой-либо ответственности за последствия своих действий, вознаграемый законом на оттоловладельцев» ისინი ისეთივე მეწარმეებია, როგორცაა «золотопромышленники» на золотых промыслах». მათ შორის ერთ და იმავე ნაკვეთზე რამდენიმე ეწევა მადნის მოპოვებას უნებართვოდ (ЦГИАЛ, ф. 37. оп. 72, д. 138, л. 53).

მრეწველობა განვითარების ინდუსტრიულ სტადიაზე გადავიდა. სამ-
თო გამოწვევების დიდ სიღრმეში შექრამ გაართულა საბადოთა
სამრეწველო ექსპლოატაცია, რაც მეწარმისაგან უკვე შედარებით
დიდ კაპიტალდაბანდებას მოითხოვდა და სხვ. მრეწველობის მოცე-
მულ დარგში მომხდარ ძირფესვიან გარდატეხას კარგად ამჩნევდნენ
თანამედროვენი, — შემთხვევითი როდია 1906—1909 წლების აღიარება
„ახალ ხანად ჭიათურის მარგანეცის მრეწველობაში“¹⁷. ახასიათებდა რა
„ახალ ხანას“ მარგანეცის მრეწველი ი. ვარაზაშვილი წერდა: „1905
წლიდან გაუქმდა მუშაობის ძველი წესი და დამყარდა დღიური ხელ-
ფასი და 8 საათის სამუშაო დღე. ამას გარდა გამოიცა ახალი კანო-
ნები მუშების დაზღვევის შესახებ. მოითხოვეს საპაღნოების გაფარ-
თობა და გამაგრება. თვით მალარობებიც ძალიან დიდ მანძილზეა და
მუშაობა უფრო გაძნელდა. ყველა ამის მიხედვით მრეწველობის დაწ-
ყება აუცილებლად კაპიტალს, თანხას თხოულობს, რომელიც ცალკე
მრეწველს ბევრს არ გააჩნია... რაც დღე მიდის, მით უფრო თვალსა-
ჩინო ხდება, რომ მალე მოეღება ბოლო ძველს წესებს და ეხლანდე-
ლი წვრილი მრეწველებიც გაჰქრებიან“¹⁸. ეს დახასიათება ანგარიშ-
გასაწვეია, რადგან ის არსებითად სწორად მიუთითებს მრეწველობაში
მომხდარ კარდინალურ გარდატეხაზე და, კერძოდ, წარმოებიდან
წვირლ მრეწველთა თანდათან განდევნაზე.

ჭიათურის მრეწველობის განვითარების მოცემულ ეტაპზე უცხო-
ური, კერძოდ, გერმანული კაპიტალი ენერგიულად მოქმედებს სამ-
რეწველო რაიონში მონოპოლიური მდგომარეობის მოსაპოვებლად,
ხოლო ადგილობრივი კაპიტალი თავისი პოზიციების შესანარჩუნებ-
ლად კვლავ ცდილობს გაერთიანებების ჩამოყალიბებას, წარმოების
ერთპიროვნული ფორმიდან კოლექტიურზე გადასვლას.

§ 2. ალგილოზრივი ხამრეწველო გურჯაანის ხამრეწველის ცდავი

ქართველ მეწარმეთა აღრინდელი გაერთიანებანი ჭიათურაში
უდღეური აღმოჩნდა. მათ შორის ყველაზე მსხვილი გაერთიანება „შა-
ვი ქვა“, რომელსაც გ. ზდანოვიჩი თაოსნობდა, კრიზისს განიცდიდა:
მან დაკარგა პარტნიორი (ბერლინის მანგანისინდიკატი), მეწარმეთა
დიდი უმრავლესობა გავიდა საზოგადოებიდან, რომელიც თავის წევ-

¹⁷ გაზ. „დროება“, 1909, 21 იანვარი, №15.

¹⁸ იქვე.

რთა მიერ ერთპიროვნულად მოპოვებული მადნის ადგილობრივ ბაზარზე კოლექტიურად გასაღებასაც ძლივს ახერხებდა, ხოლო უცხოურ ბაზრებზე გასვლას მხოლოდ ამოდ ესწრაფოდა. წარმოებაში უცხოური კაპიტალის ექსპანსიისა და მადნის უცხოური საექსპორტო ფირმების მოძალების გაძლიერების შედეგად ადგილობრივი მეწარმენი 1906—1914 წლებშიც ცდილობდნენ თავის შესაძლებლობათა გაერთიანებას—მსხვილ სავაჭრო-სამრეწველო საზოგადოებათა ჩამოყალიბებას. მოცემულ პერიოდში რამდენიმე გაერთიანება შეიქმნა. მათ შორის აღსანიშნავია თ. ჩაჩანიძის, ფ. დარჩიას, ჯ. აბაშიძისა და ბ. დუდუჩიას მიერ 1906 წელს ჩამოყალიბებული „მარგანეცის მრეწველთა ჰიათურის ასოციაცია“¹. მისი მიზანია „ადგილობრივ მარგანეცის მრეწველობის განვითარებისა და გაუმჯობესებისათვის ხელშეწყობა, ასევე კავკასიის მარგანეცის ადგილობრივ ბაზარზე და, რამდენადაც შესაძლებელია, საერთაშორისო ბაზრებზე მტკიცე და მომგებიანი ფასების დაწესება და შენარჩუნება“². წესდებით ასოციაციაში მიიღებოდა ყველა მრეწველი, რომლებიც სამთო უწყების ნებართვით ეწეოდნენ მადნის მოპოვებას. მის უმაღლეს ორგანოს წარმოადგენდა წევრთა საერთო კრება, ხოლო აღმასრულებელს—ბიურო, შემდგარი საერთო კრების მიერ არჩეული დირექტორის, 6 წევრისა და 4 კანდიდატისაგან. ასოციაციის ძირითადი კაპიტალი დგებოდა მის მონაწილეთა საწევრო გადასახადისაგან. გაერთიანების წევრები მოპოვებულ მადანს ასოციაციას ჰიათურის რკინიგზის შტოს სადგურებზე აბარებენ გასასაღებლად. ისინი ასოციაციას საწევრო გადასახადს უხდიდნენ მისთვის ჩაბარებული მადნის ოდენობის შესაბამისად: ყოველ 1000 ფუტში—25 კაპიკს. 1907 წელს ასოციაცია 26 წევრს ითვლიდა³. მათ უმრავლესობას შედარებით წვრილი მეწარმენი შეადგენდნენ. ასოციაცია ცდილობდა თავის წევრთა სამრეწველო საქმიანობისათვის ხელშეწყობას და მადნის ერთობლივი გასაღების ორგანიზაციას. ის მეცადინეობდა კრედიტორის საპოვნელად. ამ მიზნით მან რამდენიმე საკრედიტო დაწესებულებას მიმართა⁴ და საამისოდ ნ. ნიკოლაძესაც სთხოვდა მხარდაჭერას⁵. ასოციაციამ ვერ იპოვა საიმე-

¹ იხ. Устав Члнатурской ассоциацин марганцепромышленников, К., 1906.

² იქვე. გვ. 2.

³ ХФЦГИАУ, ф. 83, д. 91, л. 7.

⁴ იქვე. ფურც. 9.

⁵ იხ. ელ. ჰანიშვილი. დასახ. ნაშრ., გვ. 268; „საქ. საჯარო ბიბლიოთეკა, ნ. ნიკოლაძის არქივი. საბ. 51/21, 51/22.

დო კრედიტორი. ამის მიუხედავად, ის განაგრძობდა არსებობას და წევრთა მიერ ჩაბარებული მადნის გასაღებას ჭიათურის შტოს სადგურებზე, ზოგჯერაც ფოთში.

1909 წელს ჩამოყალიბდა ქართველ მრეწველთა გაერთიანება „მარგანეცის სამრეწველო სრული ამხანაგობა „ჭიათურა“. მისი დამაარსებლები იყვნენ: ი. ვარაზაშვილი, ი. ჯაფარიძე, ი. ჩაჩანიძე, ყ. ჩაჩანიძე, ა. მოსეშვილი, ი. კაკაბაძე. წესდებით „ამხანაგობა“ მიზნად ისახავდა: „წევრთა მტკიცედ შეკავშირებას მარგანეცის ოპერაციებისათვის... მადნის ხარისხის გასაუმჯობესებლად და ამხანაგობის საბაღოებში მადნის მოპოვების საშუალებათა სრულყოფისათვის, ასევე მადნის გასაღებისა და ექსპორტის საქმის უფრო გონივრულად ორგანიზებისათვის“⁶.

ამხანაგობა აერთიანებდა თავის წევრთა მთელ სამრეწველო საშუალებებს, ეწეოდა მოპოვებული მადნის ადგილზე გაყიდვას, აგრეთვე ის ექსპორტის საქმის მოგვარებასაც ცდილობდა. ამგვარად, ამხანაგობა სამრეწველო და იმავდროულად სავაჭრო გაერთიანებაა. მისი უმაღლესი ორგანოა წევრთა საერთო კრება, ხოლო ყოველდღიური ხელმძღვანელი — კრების მიერ არჩეული რწმუნებული, რომელიც აკომპლექტებს ამხანაგობის კანტორისა და განყოფილების შემადგენლობას. კანტორა ჭიათურაში მოეწყო, ხოლო განყოფილება — ფოთში.

ამხანაგობა არ იყო მსხვილი სამრეწველო გაერთიანება. მას თბილისის კომერციული ბანკი აკრედიტებდა⁷. ეს გაერთიანება, როგორც ჩანს, 1914 წელს ან არ არსებობდა ან უმნიშვნელო მასშტაბით ეწეოდა საქმიანობას. ამის მაჩვენებელი უნდა იყოს დასახელებული ფირმის შეუტანლობა მეწარმეთა 1914 წლის სიაში.

განსახილველი ხანის ჭიათურის მრეწველობაში ჩამოყალიბებულ გაერთიანებებს შორის თავისი მიზანდასახულობით ყველაზე სოლიდური იყო ჩვენთვის უკვე ცნობილი მრეწველის გედევან ჩუბინიძის მიერ დაარსებული სააქციო გაერთიანება „ჭიათურის საბაღოების მფლობელთა საზოგადოება“⁸. წესდების თანახმად საზოგადოება ყალიბდებოდა „გ. ზ. ჩუბინიძის კუთვნილი და მის მიერ იჯარით აღებული მარგანეცის მადნის საბაღოების საექსპლოატაციოდ, ასევე მარგანეცის მადნის შესაძენად, გადასამუშავებლად და გასააღებლად“⁹.

⁶ სსსა, ფ. 5. 417. ანწ. 1. საქ. 25, ფურც. 62.

⁷ ЦГИАЛ, ф. 23, оп. 13, д. 140, л. 3.

⁸ ЦГИАЛ, ф. 1276, оп. 17, д. 120, 1910 г., л. 142.

⁹ Устав общества Чнатурских залежейладельцев, К., 1910, § 1.

დასახელებული საზოგადოების დაარსების თაობაზე ვაქრობისა და მრეწველობის მინისტრის მიერ მინისტრთა საბჭოში წარდგენილ შემდგომლობაში კვითხულობთ, რომ გ. ჩუბინიძე თავის „დაწესებულებას, მთელი მისი უძრავ-მოძრავი ქონებით, ასევე კონტრაქტებით, პირობებითა და უფლება-მოვალეობებით გადასცემს სააქციო საზოგადოების მფლობელებს“¹⁰. საწარმოსთან ერთად გ. ზ. ჩუბინიძეს საკუთრების ან საიჯარო უფლებით ეკუთვნოდა სულ დაახლოებით 164 დესეტინა საბადო ფართობი¹¹. საზოგადოებას უფლება ენიჭებოდა შეეძინა ან იჯარით აეღო მარგანეცის მადნის საბადოები, ასევე მოეწყო, შეეძინა ან იჯარით აეღო (საზოგადოების მიზანდასახულობის „ესაბამისად“) სამრეწველო და სავაჭრო დაწესებულებები, საწყობები, ბაქნები და სხვა ნაგებობანი. აუცილებელი უძრავ-მოძრავი ქონების შექმენასთან ერთად, საზოგადოებას მთავრობის ნებართვით შეეძლო მოეწყო კერძო მოხმარების რელსებიანი გზები. ამასთანავე „საზოგადოებას თავისი ტვირთის გადასაზიდად შეიძლება გააჩნდეს საკუთარი ფლოტილია და ბარკები, ასევე სხვა სატრანსპორტო საშუალებანი, მათ შორის რკინიგზის ვაგონები“¹². ამრიგად, ვხედავთ, რომ „ქიათურის საბადოების მფლობელთა სააქციო საზოგადოება“ წარმოადგენდა ფართო დანიშნულების სამრეწველო და სავაჭრო გაერთიანებას, რომელსაც მიზნად ჰქონდა დასაბჭოებული საბადოთა სამრეწველო ექსპლოატაცია, მისი ტექნიკურად აღჭურვა, საკუთარი, ასევე სხვისგან შექმნილი მადნის უცხოეთის ბაზრებზე გასაზიდად რკინიგზის ვაგონების, აგრეთვე ფლოტილიის შექმენა და სხვ.

საზოგადოების ძირითადი კაპიტალი 500 000 მანეთს შეადგენდა. ის იყოფოდა 2000 (თითო 250 მანეთის ღირებულების) სახელობით აქციად. ყოველ აქციონერს წესდების გამოქვეყნების დღიდან პირველ 6 თვეში უნდა შეეტანა 125 მანეთი, ხოლო 125 არა უგვიანეს ორი წლისა საზოგადოების მიერ მუშაობის დაწყებიდან¹³. წესდების ძალით „საზოგადოების და მისი ადმინისტრაციის შემადგენლობაში დაიშვებიან მხოლოდ რუსეთის ქვეშევრდომნი, არაებრაული წარმოშობისა“¹⁴.

ამგვარად, გ. ჩუბინიძის მიერ დაარსებული სააქციო საზოგადოე-

¹⁰ ЦГИАЛ, ф. 1276, оп. 17, д. 120, л. 142.

¹¹ იქვე.

¹² იქვე, ფურც. 142, მეორე გვერდი.

¹³ იქვე, იხ. აგრეთვე устав общества ч. — залсжевладельцев, § 3.

¹⁴ იქვე.

ბა ადგილობრივ მრეწველთა გაერთიანებას წარმოადგენდა. მისი დაარსება „უმალესად“ დამტკიცდა 1910 წლის 8 აპრილს¹⁵.

დასახელებულმა სააქციო საზოგადოებამ, რომელიც ამგვარ გაერთიანებათა სტანდარტული პროექტის საფუძველზე იყო ორგანიზებული (კრება, გამგეობა, სამი დირექტორი და სხვ.), მართალია, წამოიწყო საქმიანობა, მაგრამ მალე შეწყვიტა არსებობა, რადგან ადგილობრივ მრეწველთა შორის ცოტა აღმოჩნდა საზოგადოებაში შესვლის მსურველი და ამასთანავე გერმანულმა მსხვილმა სამრეწველო ფირმებმა, რომლებმაც ამ დროისათვის კიათურაში მტკიცედ მოიკიდეს ფეხი, მთელი თავისი შესაძლებლობის გამოყენებით გააჩაღეს ბრძოლა მისი მომძლავრების თავიდან ასაცილებლად.

1913 წელს შეიქმნა მრეწველთა ახალი ამხანაგობა „კავშირი“, რომლის ორგანიზატორები იყვნენ ი. ვარაზაშვილი, ი. კაკაბაძე და სხვ.¹⁶, რომელმაც ჩვენთვის საინტერესო პერიოდში მხოლოდ წამოიწყო საქმიანობა, ისიც მცირე მასშტაბით.

ასეთი წარუმატებელი აღმოჩნდა ადგილობრივ მრეწველთა გაერთიანების ცდები კიათურაში 1906—1914 წლებში. მოცემულ პერიოდში რუსული სამრეწველო კაპიტალი, მეტროპოლიის კოლონიური ეკონომიური პოლიტიკის გააქტიურებისდაკვალად, დიდ ინტერესს ამჟღავნებდა საქართველოს ბუნებრივი სიმდიდრეების, მათ შორის მარგანეცის საბადოთა. ათვისებისადმი.

§ 4. მატროპოლიის უოვინიტარ-კოლონიური ეკონომიური პოლიტიკის დახასიათებისათვის

XX ს. დამდეგიდან, მეტადრე 1905—1907 წლების რევოლუციის შემდეგ, ცარიზმი და რუსეთის საქმიანი წრეები ახალი ძალით ცდილობენ ეპოქის განმათავისუფლებელ მოძრაობაში აქტიურად ჩაბმული განაპირა მხარეების, მათ შორის საქართველოსა და კავკასიის „სრულ ეკონომიურ დაპყრობასა“ და მოსახლეობის ასიმილაციას. რუსეთის მმართველი წრეების ეკონომიური შოვინიზმი, რაც ჯერ კიდევ XIX ს. 80-იანი წლების პოლიტიკური რეაქციის ხანიდან გაძლიერდა, რუსეთის პირველი რევოლუციის შემდეგ კიდევ უფრო მახინჯ ფორმებში გამოვლინდა. რუსი კაპიტალისტები, ერთი მხრივ, მეტი ენერგიუ-

¹⁵ იხ. Устав общества... გვ. 1.

¹⁶ იხ. ელ. კანიშვილი, დასახ. ნაშრ., გვ. 290.

ლობით, თუმცა ხშირად წარუმატებლად, ესწრაფვოდნენ საქართველოს ბუნებრივ სიმდიდრეთა ეკონომიურ ათვისებას, ხოლო, მეორე მხრივ, მთავრობისგან მოითხოვდნენ საგანგებო ზრუნვასა და უფრო ეფექტურ მოქმედებას მეტროპოლიის მიერ ამ სიმდიდრეთა საქსპლოატაციოდ. რუსეთის საქმიანი წრეების გავლენიანმა წარმომადგენლებმა XIX ს. მიწურულსა და XX ს. დამდეგს უამრავი მოხსენება-შუამდგომლობით მიმართეს მთავრობას, რომლისგანაც მოითხოვდნენ საქართველოსა და კავკასიის სრული ეკონომიური დაპყრობის დაჩქარებას — კოლონიის სიმდიდრეთა სამრეწველო ათვისების საქმეში მეტროპოლიის კაპიტალისათვის აქტიური მხარდაჭერის მეშვეობით. ამგვარი მოთხოვნების დასახასიათებლად საგანგებო ყურადღებას იმსახურებს ცნობილი საქმოსნისა და სპეციალისტის ნ. კოშნიცკის მიერ 1897 წელს მთავრობაში წარდგენილი მოხსენება, სადაც ვკითხულობთ: მთავრობამ ქმედითი ღონისძიებანი უნდა გაატაროს კავკასიის ასათვისებლად. „მართალია, კავკასია რუსეთის ერთ-ერთი უშორესი განაპირა მხარეა, მაგრამ იქ მრეწველობის განვითარება დიდად სასარგებლო იქნება არა მარტო წმინდა ეკონომიური, არამედ საერთო სახელმწიფოებრივი თვალსაზრისით. კავკასიაში, რომელიც ჩვენი ავანპოსტია ცენტრალურ აზიაში, მრეწველობის მშვიდობიანი განვითარებისა და აყვავებისათვის ხელშეწყობა უეჭველია უდიდეს სარგებელს მოუტანს ჩვენს ქვეყანას“¹. ასეთი მისწრაფება რუსეთის საქმიან წრეებში კიდევ უფრო გაძლიერდა იმპერიაში მშრომელთა რევოლუციური მოძრაობის გაფართოებასთან დაკავშირებით. ამაზე გარკვევით მეტყველებს პეტერბურგელი მრეწველებისა და ფინანსისტების მრავალრიცხოვანი ჯგუფის მიერ 1908 წელს მინისტრთა საბჭოში წარდგენილი და მოწონებული მოხსენება, სადაც ხაზგასმულია კავკასიაში მთავადნეულის დაუშრეტელი წყაროების არსებობა, ასევე მხარის სიახლოვე საზღვაო გზებთან და გამოთქმულია სინანული და შეშფოთება იმის გამო, რომ ეს სიმდიდრე რუსი კაპიტალისტების უმოქმედობის გამო ხელუხლებელია.

მოხსენებაში ნათქვამია: «Все эти сокровища лежат нетронутыми в вековом Status quo ante, охраняемые козностью и непробудной спячкой русских капиталистов и предпринимателей»².

რუსეთის საქმიანი წრეების გავლენიანი წარმომადგენლები კოლო-

¹ ЦГИАЛ, ф. 23, оп. 24, д. 265, 1895—1906, л. 222.

² იხ. Доклад о необходимости учреждения акционерного общества для горных разведок на Кавказе, СПб, 1908, გვ. 1.

ნიის სამრეწველო აუთვისებლობითა და გაღარიბებული მოსახლეობის დაუსაქმებლობით ხსნიდნენ 1905—1907 წლების რევოლუციის სიმძლავრეს კავკასიაში და მომავალში მსგავსი ამბების განმეორებას თავიდან აცილების საშუალებად მხარის სამრეწველო ათვისებასა და ასიმილაციას მიიჩნევდნენ. მათი შეხედულებით „უკანასკნელი წლების სამწუხარო ამბები მოწმობენ, რომ კავკასია ძველებურად უცხოა და შორს დგას რუსეთისაგან, ეს მხარე არაა რუსეთთან შერწყმული და ისევე მტრულად ეკიდება ყოველგვარ რუსულს, როგორც 50 წლის წინ... გონივრული მოქმედებით შეიძლებოდა კავკასიის მოსახლეობისათვის შთაგვეწერა არა ანარქიული იდეები, არამედ სულ სხვა პრინციპები, სასურველი მიმართულება მიგვეცა მხარის ცხოვრებისათვის. რა უნდა გაკეთდეს იმისათვის, რომ სიმშვიდე დამკვიდრდეს ამ უმდიდრეს განაპირა მხარეში, ათვისებულ იქნეს ეს სიმდიდრე, შეწყდეს ყაჩაღობა და ძარცვა-გლეჯა, ნახევრადველურები გადაიქცნენ მშვიდობიან მოქალაქეებად? პასუხი მარტივია: მიეცით მთიელებს ნიჩაბი და ძალაყინი, ამით განაიარაღებთ მათ“³. ამასთანავე მეტროპოლიის საქმიანი წრეების წარმომადგენელთა თვალსაზრისით საქართველოსა და კავკასიის ყველაზე უმდიდრეს საბადოთა ექსპლოატაცია უნდა განხორციელებულიყო სამთო საწარმოთა ინდუსტრიულად მოწყობისა და მინერალების ქარხნული დამუშავების გარეშე. პეტერბურგელი მრეწველები და ფინანსისტები შთააგონებდნენ მთავრობას, რომ აუცილებელია „მხოლოდ უმდიდრეს საბადოთა ექსპლოატაცია, ისიც მარტო უმარტივესი საწარმოო საშუალებებით, იაფად. სრულებით არაა მიზანშეწონილი მინერალების ქარხნული დამუშავება, საჭიროა ნედლეულით ვაჭრობა, მისი ექსპორტი ან რუსეთში გასაღება“⁴. მეტროპოლიის საქმიანი წრეების წარმომადგენლები, დაჟინებით მოითხოვდნენ რა ძალთა დარაზმვას კოლონიური განაპირა მხარის გასარუსებლად, მთავრობას მოაგონებდნენ 1905—1907 წლების ბობოქარ დღეებს კავკასიაში და საგანგებოდ აფრთხილებდნენ, რომ: «Завоевать какую-угодно страну силой оружия—можно, но удержать ее можно только путем ассимиляции ея с метрополией, с меньшей, чем на войне энергией, побеждая население превосходством культуры и скрывая прочнейшие из

³ ЦГИАЛ, ф. 23, оп. 24, д. 265, л. 320.

⁴ Доклад о необходимости учреждения а-го о-на для горных разведок на Кавказе, СПб, 1908, гл. 2.

цепей-золотой, т. е. полной экономической связанностью с господствующей народностью»⁵.

ცარიზმმა და რუსეთის ბურჟუაზიამ ხანგრძლივი და ინტენსიური მეცადინეობის მიუხედავად, ვერ მიაღწია ამ, ე. წ. „ოქროს ჯაჭვის“ ბოლომდე გამოჭედვას, მხარის სრულ ეკონომიურ დაპყრობასა და ასიმილაციას. ისინი მხოლოდ ვიწროდ გაგებული კოლონიური პოლიტიკის თვალსაზრისით უდგებოდნენ საქართველოს მრეწველობას, კერძოდ, ჭიათურის მარგანეცის მრეწველობას, რომლის ინდუსტრიულ ყაიდაზე მოწყობას მთავრობა რიგ შემთხვევებში შეგნებულად აბრკოლებდა, ჭიათურიდან მადნის დაუმუშავებლად ექსპორტირების შედარებით წამგებიანობას ანგარიშს არ უწევდა, საქართველოში ფერომარგანეცის წარმოების დაფუძნებით დაინტერესებულ ფირმებს გასაქანს არ აძლევდა მაშინ, როცა მარგანეცის მადნის მსოფლიოში ცნობილი ექსპორტიორი, რუსეთი, ფეროშენადნობთა იმპორტს განუწყვეტლივ ეწეოდა.

ცარიზმი ტრადიციული, ბარბაროსული კოლონიური მეთოდებით განაგრძობდა ჩვენი ქვეყნის ძარცვასა და ხალხის ჩაგვრას. ამაში ვლინდებოდა მეტროპოლიის შედარებითი ეკონომიური ჩამორჩენილობა, მისი ბურჟუაზიის სისუსტე. ამგვარი ვითარებით სარგებლობდა უცხოური კაპიტალი, კერძოდ, გერმანული კაპიტალი, რომელმაც წარმატებით გაართვა თავი ბრძოლას ჭიათურაში მონოპოლიური მდგომარეობის მოსაპოვებლად.

§ 6. გერმანული კაპიტალის უპირობო ჭიათურის მარგანეცის მრეწველობაში

ა. პირველი ნაბიჯები ჭიათურაში დასამკვიდრებლად.

გერმანული კაპიტალი ჭიათურაში, როგორც ზემოთ აღინიშნა, მარგანეცის მრეწველობის გარიჟრაჟზევე გამოჩნდა, მაგრამ აქ მოქმედ ფრანგულ, აგრეთვე ინგლისურ ფირმებს მხარს ვერ უსწორებდა. ამავე დროს გერმანიის მძლავრი და მზარდი მეტალურგიული მრეწველობა, რომელიც მილიტარისტული სახელმწიფოს სამხედრო მრეწველობის გაძლიერების ერთ-ერთ მთავარ ფაქტორს წარმოადგენდა, დიდად საჭიროებდა მაღალხარისხოვანი მარგანეცის მდიდარ საბადოებს (რაც მას არ გააჩნდა). ასეთ ვითარებაში გერმანულმა კაპი-

⁵ Доклад о необходимости учреждения а-го о-ва для горных разведок на Кавказе, гл. 3, СПб, 1908, гл. 2.

ტალმა მიზნად დაისახა მეტოქე ქვეყნების (ინგლისი, საფრანგეთი) გაძევება ჰიათურის მრეწველობისა და მისი პროდუქციის ექსპორტის სფეროდან. მან სცადა მოხერხებულად გამოეყენებინა 1900—1903 წლების მსოფლიო ეკონომიური კრიზისის დროს აქ ინგლისური და ფრანგული ფირმების პოზიციების შესუსტება, აგრეთვე ქართველ მეწარმეთა კრიტიკული მდგომარეობა ჰიათურაში. კრიზისით შევიწროებულ ქართველ მრეწველთა გაერთიანებას „შავი ქვა“ მკიდროდ, და თითქოს საიმედოდაც, დაუკავშირდა, ბერლინის „მანგანსინდიკატი“. უკანასკნელმა, როგორც დაინახეთ, ვერ შეძლო თავისი პარტნიორის დაკაბალევა-შეპყრობა. მანგანსინდიკატის ერთ-ერთმა წარმომადგენელმა — „ბერლინის ბანკმა“—დამოუკიდებლად დაიწყო მოქმედება ჰიათურის მარგანეცის მრეწველობაში საკუთარი პოზიციების მოსაპოვებლად. სამთო უწყების შესვეურთა შეფასებით ბერლინის ბანკის ანუ „საალრიცხვო საზოგადოების“ მოქმედებას ამ შემთხვევაში საფუძვლად ედო იმის გათვალისწინება და შიში, რომ „ინგლისთან ურთიერთობის გართულება მძიმე მდგომარეობაში ჩააყენებდა გერმანიის მეტალურგიას მარგანეცის მადნით მომარაგების მხრივ“¹.

ბერლინის „საალრიცხვო საზოგადოების დირექცია“ („Direction der Disconto Gesellschaft“) და რუსეთში უკვე დაშვებული სააქციო საზოგადოება „არტურ კოპელი“ ჰიათურაში დასაფუძნებლად ერთობლივ მეცადინეობას 1905 წელს შეუდგნენ. ისინი მოქმედებდნენ აზნაურ პ. კ. ნარიშკინის მეშვეობით. უკანასკნელმა მთავრობას სათანადო საბუთები წარუდგინა და სთხოვა „ჰიათურის მარგანეცის სავაჭრო-სამრეწველო საზოგადოების“ დაარსების ნებართვა. დასამტკიცებლად წარდგენილი საზოგადოების წესდების პროექტით მისი ძირითადი კაპიტალი 500 ათას მანეთს შეადგენდა². 1906 წლის დამდეგს პ. ნარიშკინმა მეორედ მიმართა მთავრობას და ითხოვა მისთვის ნება დაერთოთ არა აღრიხდელი, არამედ ახალი სახელწოდების — „ჰიათურის მარგანეცის ადგილობრივი სატრანსპორტო გზების საზოგადოების“ დაარსებაზე, რომლის ძირითადი კაპიტალი იქნებოდა 2 499 337 მანეთი³. დაბოლოს, იმავე 1906 წელს, ის მესამედ მიმართავს მთავრობას უფრო ფართო დანიშნულების საზოგადოების, — „მარგანეცის ელექტრორებისა და მექანიკურ ნაგებობათა ჰიათურის სავაჭრო-სამრეწველო საზოგადოების“ — დამტკიცების თაობაზე. სა-

¹ ЦГИАЛ, ф. 37, оп. 72, д. 138, л. 47.

² ЦГИАЛ, ф. 23, оп. 12, д. 9, 1905—1911, л. 4.

³ იქვე, ფურც. 19—20; ЦГИАЛ, ф. 22, оп. 5, д. 249, 1905, л. 3, 73.

ზოგადოების წესდების პროექტში, რომელიც მის ძირითად კაპიტალს 3 მილიონი მანეთით განსაზღვრავს, ეკითხულობთ, რომ ფირმა არსდება: „საბადოს რელსებიანი, საესტოკადო და საჰაერო-საბაგირო გზების გასამართავად, ელევატორების, მარგანეცის მადნის გასაზიდ. საწმენდ, სარეცხ, დასახარისხებელ, საბრიკეტო და სხვ. მექანიკურ საშუალებათა მოსაწყობად“⁴. დასახელებული საზოგადოების დაარსება, „უმადლესად“ დამტკიცდა 1906 წლის 18 ოქტომბერს⁵. ამის შემდეგ პ. ნარიშკინს სურს, რომ მთავრობამ საზოგადოების მეორე დამფუძნებლად სცნოს ინჟ. ს. ი. მაკარევიჩი⁶, ხოლო 1907 წლის 30 ოქტომბერს სააქციო საზოგადოების ორივე დამფუძნებელი მიმართავს მთავრობას, რომ საზოგადოების დამფუძნებლად დამტკიცებინა ბერლინის „სააღრიცხვო საზოგადოების ღირეკციის“ წარმომადგენელი, დოქტორი პ. რ. ფუსი, ხოლო პ. ნარიშკინი ეცნო საზოგადოების დამფუძნებელთა შემადგენლობიდან გასულად⁷. მთავრობამ ეს თხოვნა დააკმაყოფილა. 1908 წელს შედგა დასახელებული საზოგადოების პირველი საერთო კრება, რომელსაც დაესწრნენ აქციონერები: „ბერლინის სააღრიცხვო საზოგადოების“ წარმომადგენელი რ. ფუსი, სააქციო საზოგადოება „არტურ კოპელის“ წარმომადგენელი ბარონი გ. ვაგნერი, დოქტორი ა. სოლომონსონი, ლ. ბოტასი და სხვ., სულ 14 აქციონერი, რომელთა შორის ბერლინის „სააღრიცხვო საზოგადოებას“ ეკუთვნოდა 2 238 750 მანეთის ღირებულების 11940 აქცია, ხოლო „არტურ კოპელს“ — 722 812 მანეთის 3 855 აქცია⁸. აქვე უნდა შევნიშნოთ, რომ საზოგადოების ყველა წევრი, გარდა ერთისა (გოლუბკოვი 6 აქციით), გერმანელები იყვნენ. კრებამ მიიღო გადაწყვეტილება „არტურ კოპელისა“ და ს. მაკარევიჩის მიერ ჭიათურაში ნაგებობათა გასამართავად სხვადასხვა პირისაგან იჯარით აღებული მიწების, შექმნილი საბადოების მიღების, აგრეთვე აღრიხნდელ მფლობელთა უფლება-მოვალეობის თავის-თავზე აღების შესახებ. ყოველივე ამისათვის საზოგადოებას უნდა გადაეხადა 238 ათასი მანეთი. საზოგადოების კრების გადაწყვეტილებით შექმნილ იქნა გზების, ელევატორებისა და მექანიკურ მოწყობილობათა და საჰაერო-საბაგირო გზების გამართვის პროექტები—165 000 მანეთად, ხოლო მოცემული გეგმის მიხედვით ნაგებობისა და გზების მშენებლობა დაეკისრა საზოგადოება „არტურ კოპელს“—2 915 ათას მანეთად. კრებამ განიხილა, ერ-

⁴ ЦГИАЛ, ф. 37, оп. 65, д. 1369, 1906 г., л. 1—11.

⁵ ЦГИАЛ, ф. 23, оп. 12, д. 9, 1905—1911 гг., л. 94.

⁶ იქვე, ფურც. 93.

⁷ იქვე, ფურც. 122.

⁸ იქვე, ფურც. 134.

თი მხრივ, „საადრიცხო-საზოგადოების“ დირექციასა და „არტურ კოპელს“, ხოლო, მეორე მხრივ, „ფრანკფურტის რკინის მადნის საზოგადოებას“ შორის დადებული წინასწარი შეთანხმება, რომლის მიხედვით უკანასკნელმა თავს იღო კიათურიდან გაზიდული მადნის რეალიზაცია. კრებამ კონტრაგენტთან დამატებითი შეთანხმებების გაფორმება დააკისრა საზოგადოების მომავალ გამგეობას. მან აირჩია გამგეობა, რომლის მუშაობა უნდა წარემართა ხუთ განმკარგულელებელ დირექტორს⁹.

დასახელებულმა საზოგადოებამ 1908 წლის ოქტომბერში მთავრობას წარუდგინა მოწმობა სახელმწიფო ბანკის პეტერბურგის კანტორაში პირველი შესატანის 1 მილიონ 200 ათასი მანეთის ჩარიცხვის შესახებ. თითქოს ყველაფერი რიგზე იყო. საზოგადოება ჯერ კიდევ 1907 წელს შეუდგა სამზადისს კიათურაში საქმიანობის გასაშლელად. მას იმთავითვე დაუპირისპირა კიათურის მარგანეცის მრეწველთა ყრილობა. ყრილობა წუხდა, რომ საზოგადოება, რომელიც საერთო სარგებლობის ადგილობრივ სატრანსპორტო გზებს აკეთებდა და მართავდა, საბადოდან რკინიგზის შტომდე ფუთი მადნის გადაზიდვაზე 4-კაპიკიან ტარიფს აწესებდა. ეს მაშინ, როცა საურმე გზით მადნის გადაზიდვა ნაკლები ჯდება. ყრილობა ამასთანავე ამტკიცებდა: «Общество, будучи монополистом дела и пользуясь назначить плату... до указанного предела, несомненно, будет держать промышленников в полной зависимости и на долю последних останется столь же малые барыши»¹⁰. გერმანული სააქციო საზოგადოების დაშვების წინააღმდეგ მთავრობის წინაშე საჩივარი აღძრა აგრეთვე გ. დ. წერეთელმა. მან ჯერ კიდევ 1898 წელს აიღო ნება სამრეწველო რაიონში ვიწროლიანდაგია-

⁹ ЦГИАЛ, ф. 23, оп. 12, д. 9, 1905—1911 гг., л. 137.

¹⁰ იქვე, ЦГИАЛ, ф. 1157, оп. 1, д. 1, л. 1—8.; ამგვარ შიშს იზიარებდა მიწათმოქმედების მინისტრი, რომლის აზრით, სააქციო საზოგადოება გზების გამართვის შემთხვევაში უფროდ შეაფრთხილებდა მარგანეცის მრეწველებს «...в пользовании существующими промысловыми и грунтовыми путями и явилось бы таким образом, монопольным перевозчиком марганцевой руды, склонным по возможности повысить тариф» (ЦГИАЛ, ф. 22, оп. 5, д. 242, 1905. г. л. 10). სახელმწიფო კონტროლიორი ასევე დაასკვნია. «В силу тех прав, которые предоставляются названному обществу, последнее окажется монопольным хозяином марганцевой промышленности... Общество,—ганаგრძობს ის,—обладая усовершенствованными средствами промывки, сортировки, брикетирования, хранения и доставки руды на Чинатурскую ветвь Закавказской магистрали, очевидно, сосредоточит в своих руках все дело по добыче и сбыту Шорапанского марганца (ЦГИАЛ, ф. 95, оп. 18, д. 1010, л. 30, об.).

ნი გზების გაყვანისა. კონცესიის თანახმად მას ეს გზები თავის ხარჯზე, მთავრობის მხრივ სესხისა და შეღავათების მიცემის გარეშე უნდა გაეყვანა. მთავრობა კონცენსიონერს უნდა დახმარებოდა მხოლოდ გზების გასაყვანად აუცილებელი კერძო მიწების იძულებით გასხვისებაში¹¹. კონცესიის ვადად 81 წელი დაწესდა. ამ ვადის გასვლის შემდეგ გ. წერეთლის ვიწროლიანდაგიანი რკინიგზები, მოძრავ შემადგენლობასა და სხვა მოწყობილობასთან ერთად, უსასყიდლოდ გადაეცემოდა ხაზინას. გზების მშენებლობის პროექტის შემუშავების შემდეგ კონცესიონერი მოვალე იყო სამ წელიწადში გაეყვანა 1) ვიწროლიანდაგიანი გზა წირქვალიდან სადგ. ქიათურამდე (27 ვერსზე). 2) პერევისიდან (შუქრუთისა და ითხვისის გავლით) სადგ. ქიათურამდე (15 ვერსზე), ხოლო 3) პერევისიდან (ადგ. ჭალას გავლით) საჩხერის სადგურამდე (18 ვერსზე) ხაზინის მიერ ქიათურიდან საჩხერამდე რკინიგზის გაყვანის დამთავრების დროისათვის, ანუ 1904 წლის 1 იანვრისათვის¹².

გ. წერეთელმა მოცემულ ვადებში მშენებლობა ვერ განახორციელა, თუმცა მასზე ზრუნვას განაგრძობდა. ამიტომ თუ „მარგანეცის ელექტორებისა და ნაგებობათა ქიათურის სავაჭრო-სამრეწველო საზოგადოება“ თავის განზრახვას განახორციელებდა და საბადოებიდან რკინიგზის ქიათურის შტოს სადგურებამდე ტექნიკურად სრულყოფილ სატრანსპორტო საშუალებებს (საჰაერო-საბაგირო, ვიწროლიანდაგიანი გზები და ბრემსბერგი) გამართავდა, გ. წერეთლის წამოწყება ყოველგვარ მნიშვნელობას დაკარგავდა. ასეთ ვითარებაში გ. წერეთელმა, ასევე მრეწველთა ყრილობის საბჭომ მთავრობას სთხოვა დასახელებული გერმანული ფირმა არ დაეშვა ქიათურის სამრეწველო რაიონში¹³. თავის მხრივ გერმანულმა სააქციო საზოგადოებამაც აღძრა საქმე გ. წერეთლისათვის ადრე მიცემული კონცესიის გაუქმების შესახებ. საზოგადოება მთავრობის ორგანოებში წარდგენილ შუამდგომლობაში აღნიშნავდა: 1. მის მიერ წამოწყებული საქმე უკვე განხორციელების პროცესშია და საამისოდ მნიშვნელოვანი კაპიტალი უკვე დაბანდებულია; 2. დასახული მიზნისათვის მას არ სჭირდება მთავრობის უშუალო დახმარება (სუფსილია, მთავრობის გარანტია, მიწების იძულებითი გასხვისების უფლების მინიჭება და სხვ.); 3. მის მიერ დაგეგმილი ღონისძიების განხორციელების შემთხვევაში თავად გ. წერეთლის მიერ აღებული კონცესია, რასაც ის ისედაც ვერ განახორ-

¹¹ ЦГИАЛ, ф. 18, д. 1276, оп. 19, д. 87, л. 63.

¹² ЦГИАЛ, ф. 23, оп. 12, д. 9, л. 162, 262.

¹³ ЦГИАЛ, ф. 1276, оп. 19, д. 87, л. 63—73; ЦГИАЛ, оп. 65, д. 1369, л.

ციელებს, ზედმეტია. დაბოლოს საზოგადოება სთხოვდა მთავრობას ქალაში დაეტოვებინა მისთვის უკვე „უმალღესად“ მინიჭებული უფლება, ხოლო გ. წერეთლის შუამდგომლობა არ დაექმაცოფილებინა¹⁴. კიათურის სამრეწველო რაიონის ფარგლებში მადნის სატრანსპორტო საშუალებათა გამართვის პრეტენდენტთა შუამდგომლობის განხილვა მთავრობის ორგანოებში (ვაჭრობისა და მრეწველობისა, ფინანსთა, გზათა სამინისტროებში, მინისტრთა საბჭოში) გახანგრძლივდა (1907—1909 წწ.).¹⁵ დაბოლოს, მთავრობამ გაითვალისწინა ის, რომ გ. წერეთელს „ჩრდილოეთის ბანკი“ პირდებოდა კრედიტს და თან მას მხარს უჭერდა მარგანეცის მრეწველთა ყრილობა. ამიტომ მან სამრეწველო რაიონში საერთო მოხმარების სატრანსპორტო საშუალებათა მოწყობისა და ექსპლოატაციის უფლება კვლავაც გ. წერეთელს მიანიჭა¹⁶, ხოლო გერმანულ სააქციო საზოგადოებას — მარტო საკუთარ სარგებლობის სატრანსპორტო გზების მშენებლობის უფლება. უკანასკნელმა გამოსავალი იპოვა: გადაწყვიტა სიმძიმის ცენტრის გადატანა უშუალოდ საბადოთა აღება-ექსპლოატაციაზე და ამასთანავე მიზნად დაისახა საპაერო-საბაგერო გზის გაყვანა (თავისი საბადოებიდან) წირქვალთან სად. ყვირილამდე (ზესტაფონამდე), სადაც სურდა გამართა მარგანეცის მადნის საწმენდი, დამხარისხებელი და სარეცხი ქარხანა¹⁷. გერმანულმა სააქციო საზოგადოებამ იმთავითვე დაიწყო საამისოდ სამზადისი, მაგრამ აქაც ორგვარმა სიძნელემ იჩინა თავი: ჯერ ერთი, საზოგადოების „უმალღესად დამტკიცებულ“ წესდებაში წირქვალთან ყვირილამდე საპაერო-საბაგერო გზის მშენებლობა არ იყო გათვალისწინებული, მეორეც, მას კვლავ წინ აღუდგა კონცესიონერი გ. წერეთელი, რომელსაც მიაჩნდა, რომ დასახელებული გზის გაყვანის შემთხვევაში სააქციო საზოგადოება მას კონკურენციას გაუწევდა და სხვადასხვა მრეწველთა ტვირთის მალულად გადაზიდვასაც დაიწყებდა, რითაც წლიურად საშუალოდ 15 მილიონ ფუთ გადასაზიდ მადანს ჩამოაშორებდა კონცესიით გამართულ ვიწროლი-

¹⁴ ЦГИАЛ, ф. 23, оп. 12, д. 9, л. 135.

¹⁵ ЦГИАЛ, ф. 1276, оп. 19, д. 87, л. 63—73; ЦГИАЛ, ф. 23, оп. 12, д. 9, л. 100—150.

¹⁶ ЦГИАЛ, ф. 23, оп. 12, д. 9, л. 156; ф. 95, оп. 18, д. 1010, л. 5—39; ф. 37, оп. 65, д. 1363, л. 13.

¹⁷ იქვე, ფურტ. 193—195.

ანდაგიან რკინიგზას¹⁸. მეფისნაცვალ კავკასიაში თავდაპირველად მხარს უჭერდა გერმანულ ფირმას, რადგან მიიჩნდა, რომ უკანასკნელი ტექნიკურად სრულყოფილი გზებისა და ქარხნების მშენებლობით ხელს შეუწყობდა მრეწველობის მოცემული დარგის დაწინაურებას¹⁹.

მაგრამ, პეტერბურგში, კერძოდ, გზათა სამინისტროში მალე მიხვდნენ, რომ გერმანული ფირმა, წირქვალიდან ყვირილამდე საპაერო-საბაგერო გზის გამართვისა და ექსპლოატაციისას 15 მილიონ ფუტ ტვირთს ჩამოაშორებდა არა მარტო კონცესიონერ გ. წერეთლის და მრეწველთა ყრილობის მიერ დაპროექტებულ ადგილობრივ სატრანსპორტო გზებს, არამედ ჭიათურის სახაზინო რკინიგზასაც²⁰. ამიტომ, მთავრობამ გერმანულ ფირმას უარი უთხრა წირქვალი-ყვირილას საპაერო-საბაგერო გზის მშენებლობაზე და ნება მისცა ასეთი გზა გაეკეთებინა წირქვალიდან ჭიათურის რკინიგზის შტოს სადგურამდე. ამაზე გერმანულმა ფირმამ უპასუხა, რომ მისთვის სადგური ყვირილა უფრო მოხერხებულია, ვიდრე სადგური ჭიათურა, რადგან იქ შედარებით იოლია და იაფი ჯდება დამხმარე მასალების (ქვანახშირი, ნავთი, ინსტრუმენტები და სხვ.) და მანქანების მიზიდვა, რომ წირქვალსა და ყვირილას შორის დასახელებული გზის გასაყვანად საჭირო მიწის ნაკვეთები უკვე შეიძინა და მას განზრახული აქვს სადგური ყვირილას მახლობლად სხვადასხვა მოწყობილობისა და ქარხნის გამართვა-აგება და ამიტომ არ შეუძლია საბადოებში მოპოვებული მადანი მიზიდოს: 1. ჯერ ჭიათურის შტომდე; 2. შემდეგ იქვე მადანი დატვირთოს და გადაზიდოს ჭიათურის შტოზე სადგურ შორაპნამდე; 3. აქ მადანი გადმოტვირთოს და გადაზიდოს სადგ. ყვირილამდე; 4. სადგურზე გადმოტვირთოს და ასაშენებლად გათვალისწინებულ ქარხნებში მიიტანოს, რომ აქედან მადანი კვლავ მიიტანოს სადგურში დანიშნულები-სამებრ გასაგზავნად.

ფირმის ხელმძღვანელები წერდნენ: „ყველა ამ რთული ოპერაციების ნაცვლად საზოგადოებას განზრახული აქვს ჭიათურაში მოპოვებული მადანი გაზიდოს კერძო მონმარების საპაერო-საბაგერო გზით უშუალოდ თავის ქარხნებში. ამ გზის გამართვას წინ ვერა ვერ ალუდგება, რადგან საზოგადოებას ვერავინ აუტკობალავდა მადნის ურმებით გადაზიდვას, რომ მას ეს მოესურვებია“²¹.

¹⁸ ЦГИАЛ, ф. 23, оп. 12, д. 9, л. 143.

¹⁹ იქვე, ფურც. 193—195.

²⁰ იქვე, ფურც. 200.

²¹ იქვე, ფურც. 160, მეორე გვერდი.

მთავრობამ გაითვალისწინა, რომ წირქვალ-ყვირილას საბაგირო გზის სახით ჭიათურის სახაზინო რკინიგზას სერიოზული კონკურენტი უჩნდებოდა და ამიტომ მისი მშენებლობის ნებართვაზე უარი უთხრა გერმანულ სააქციო საზოგადოებას, რომელმაც უამპირობოდ მუშაობის გაგრძელება არ ისურვა და 1911 წლის 15 ნოემბერს შეწყვიტა არსებობა²². დასახელებული სააქციო საზოგადოების ფაქტიური ბატონ-პატრონი, ერთი შეხედვით, იოლად წავიდა საზოგადოების ლიკვიდაციაზე, თუმცა, როგორც ქვემოთ დავინახავთ, არა იმიტომ, რომ მან ხელი აიღო ამ საქმეზე, არამედ იმიტომ, რომ 1909 წელს (და იქნებ უფრო ადრეც) ის გახდა ჭიათურაში ოპერაციების საწარმოებლად დაშვებული მძლავრი გერმანული ფირმის „გელზენკირხენის სამთო-სამრეწველო სააქციო საზოგადოების“ ერთ-ერთი მთავარი აქციონერი²³.

ბ. „გელზენკირხენის სამთო-სამრეწველო სააქციო საზოგადოების“ („Celsencirchener Bergwerks Aktion-Gesellschaft“)

საქმიანობა ჭიათურაში

ბერლინის ერთ-ერთი უძლიერესი ბანკის (Disconto -- Gesellschaft) თაოსნობით ჩამოყალიბებული და „უმაღლესად“ დამტკიცებული სააქციო გაერთიანების „მარგანეცის ელექტორებისა და მექანიკურ ნაგებობათა ჭიათურის საეაქრო-სამრეწველო საზოგადოების“ ლიკვიდაცია, როგორც აღვნიშნეთ, არ მოასწავებდა გერმანული კაპიტალის ექსპანსიის შესუსტებას ჭიათურის სამრეწველო რაიონში. პირიქით, ჭიათურაში გერმანული კაპიტალის პოზიციებს ქმნიდნენ, აფართოებდნენ და განამტკიცებდნენ მძლავრი ფირმები: „გელზენკირხენის სამთო-სამრეწველო სააქციო საზოგადოება“. „სამთომრეწველთა საზოგადოება დოიჩერ კაიზერი“ და „კავკასიის საბადოთა ამხანაგობა, შეზღუდული პასუხისმგებლობით“. თვალი გავადევნოთ მათ მოქმედებას ჭიათურის მარგანეცის მრეწველობაში მონოპოლიური მდგომარეობის მოსაპოვებლად.

ჩვენ მიერ გამოვლინებული საარქივო საბუთები მკაფიოდ მეტყველებს, რომ „გელზენკირხენის სამთო-სამრეწველო სააქციო საზოგა-

²² ЦГИАЛ, ф. 23, оп. 12, д. 9, л. 200.

²³ ЦГИАЛ, ф. 23, оп. 14, д. 507, 1914—1915, л. 7.

ლოებამ“ (ქვემოთ დავასახელებთ შემოკლებით „გელზენკირხენი“) რუსეთის მთავრობის მიერ ჰიათურაში ოპერაციების საწარმოებლად დაშვებამდე კარგა ხნით ადრე დაიწყო შენიღბულად და ეფექტურად მოქმედება: მან, 1903—1909 წლებში, ჰიათურის მრეწველობაში ჩამოშენებული გერმანელი საქმოსნის ო. გილერტის მეშვეობით შეიძინა 76 დესტინანზე მეტი საბადო ადგილები ითხვისსა და მღვიმევში, რაშიც გადაიხადა 596 000 მარკა, ანუ მაშინდელი კურსით 229 648 მანეთი¹. ამის შემდეგ „გელზენკირხენმა“ მიმართა რუსეთის მთავრობას, რომელმაც ის „უმალღესი“ ნებართვით, 1909 წლის 23 იანვარს. დაუშვა ჰიათურაში სავაჭრო-სამრეწველო საქმიანობის გასაშლელად. ამასთან დაკავშირებით რუსეთის მინისტრთა საბჭოს დადგენილებაში ვკითხულობთ: სააქციო საზოგადოება „გელზენკირხენი“ „დაშვებულაია სამთო მექარხნეთა და საბადოთა მფლობელთა შალკეს კავშირის“ გერმანული სააქციო საზოგადოების კუთვნილი საწარმოების შესაძენად და ექსპლოატაციის გასაგრძელებლად. შორაპნის მაზრაში... მარგანეცის მადნის და სხვა მეტალების (გარდა ოქროს, პლატინისა და ვერცხლისა) საბადოების საექსპლოატაციოდ სხვა ადგილებში“².

„გელზენკირხენი“ რუსეთში ოპერაციების საწარმოებლად ნებართვის აღებისას ჩვეულებრივი სიმძლავრის ფირმად წარუდგა რუსეთის მთავრობას, სინამდვილეში კი თავისი პოტენციური შესაძლებლობითა და ჰიათურაში გაშლილი საქმიანობის მასშტაბით უძლიერესი იყო რევოლუციამდელ ხანაში აქ მოქმედ ყველა, ადგილობრივ და უცხოურ ფირმებს შორის. ამაზე წარმოდგენას იძლევა დასახელებული ფირმის აქციონერთა სიაზე დაკვირვება. სააქციო საზოგადოება „გელზენკირხენის“ 68 აქციონერიდან დავასახელებთ მხოლოდ რამდენიმეს, მათ შორის გერმანიის ფინანსური და სამრეწველო კაპიტალის მაგნატებს, რომელთა შორის აქციები და ხმები ასე იყო განაწილებული:

¹ ЦГИАЛ, ф. 23, оп. 28, д. 514, 1914—1917, л. 282.

² ЦГИАЛ, ф. 23, оп. 14, д. 507, 1914—1915, л. 46; ф. 23, оп. 28, д. 514, л. 259 об.

აქციონერი	აქციონერის ადგილსამუ- ფელი	შეძენილი აქციების ღირებუ- (მარკებში)	ხმების რაოდენობა
ადოლფ კირდოფი	აახენი	6 037 800	60 378
გერმანული ბანკი	ბერლინი	25 48 600	254 826
საალრიცხეო ბანკის დირექტორი	"	18 799 800	187 998
დრეზდენის ბანკი	"	9 216 000	92 160
საეპრო-სამრეწველო ბანკი	"	4 645 000	46 458
ემეაილერის ბანკი	ემეაილერი	386 400	3 864
გერმანიის ეროვნული ბანკი	ბერლინი	690 000	6 900
შაფჰაუზენის საბანკო კავშირი		4 526 400	45 264
საერთაშორისო ბანკი	ლუქსემბურგი	623 400	6 234
ბარონი ალფრედ ანციონი	ლიუტიჰი	1 222 800	12 228
ფაბრიკის მენეჯტორი კ. გრინბერგი	ბოპოში	3 079 800	30 798
მორიც მაგერი	ნამური	1 299 000	12 990
ა. შოლერი	დიურენი	1 623 600	16 236
გუგო სტინენი	მიულჰაიმი-რური	98 400	984
ჰაულ პიდბეფი	დიუსელდორფი	2 060 400	20 604
ერნესტ კრამერი	ლიუტიჰი	1 000 200	10 032
გრაფი ჟიულ ანციონი	ლიუტიჰი	142 800	1 428
დოქტორი გ. გოეში	დიურენი	1 055 400	10 554
ქ-ნი დორზე	ბრიუსელი	12 000	120
ემილ კირდორფი	მიულჰაიმი-რური	150 000	1 500
ე. გენროი	სიმბაგერ გერტი	295 000	2 952
ფ. შულენბერგი	ვისბადენი	44 400	444
ჩ. სიმონსი	ლუქსემბურგი	39 600	396
ს. ოპენგეიმი, უმცრ. და კომპ.	კელნი	2 264 400	22 644
ბ. სიმონსი და კომპ.	დიუსელდორფი	1 000 800	10 008
ვ. ერდმანი	გელზენკირხენი	39 600	396
დეიხმანი და კომპ.	კელნი	546 000	5 460
ვინერი, ლევი და კომპ.	ბერლინი	1 206 600	12 066
კ. ენგელსი	დიუსელდორფი	62 400	624

„გელზენკირხენის“ სააქციო გაერთიანების წევრებიდან აქ ჩამოთვლილია მხოლოდ ის საბანკო, აგრეთვე საეპრო-სამრეწველო ფირმები და პერსონები, რომელთა დიდმა ნაწილმა საზოგადოების ერთი თაობის სიცოცხლეში ორჯერ არსებითად გადამწყვეტი როლი შეასრულა (ჯერ კაიზერული, მერე ჰიტლერული) გერმანიის შეიარაღებასა და საერთო მომზადებაში პირველი და მეორე მსოფლიო ომებისათვის; ხოლო ზოგიერთი მათგანი ამჟამადაც მონაწილეობს გერმა-

^ა აქციონერთა სრული სია, ასევე საზოგადოების გამგეობისა და გენერალურ, აგრეთვე, რიგით დირექტორთა სია იხ. ЦГИАЛ, ф. 23, оп. 14, д. 507, л. 7—12.

ნიის ფედერაციული რესპუბლიკის რემილიტარიზაციასა და რევან-
შისტული ომისათვის მომზადებაში. საგულისხმოა ისიც, რომ არაერთი
შედარებით ანგარიშგასაწევი წყაროს მოწმობით „გელზენკირხენის“
აქციონერი იყო თვითონ გერმანიის კაიზერი ვილჰელმი⁴. ამის გამო რუ-
სეთის იმპერიის ფინანსთა სამინისტრო, 1914 წლის 24 ოქტომბერს, აც-
ნობებდა ი. ლ. გორემიკინს: „გელზენკირხენის ერთ-ერთი უმსხვილესი
აქციონერია გერმანიის იმპერატორი ვილჰელმი“⁵. ხოლო რუსეთის
ვაჭრობისა და მრეწველობის სამინისტრო იმავე წლის 27 ოქტომბერს
ირწმუნებოდა, რომ „ცნობები გელზენკირხენის ოპერაციებში გერმა-
ნიის იმპერატორის მონაწილეობის შესახებ სამთო დეპარტამენტს
გააჩნდა საომარი მოქმედების დაწყებამდე კარგა ხნით ადრე“⁶. გრა-
ფი ვორონცოვ-დაშკოვი 1915 წლის 2 ივნისს თბილისიდან დეპეშით
ასევე ატყობინებდა ფინანსთა მინისტრს: „ირსებული კერძო ცნობე-
ბით გელზენკირხენის მთავარი აქციონერია გერმანიის იმპერატორი.
რომლის აქციები შეტანილია საზოგადოების ყოფილი ღირებულების
ტისსენის სახელზე“⁷.

კაიზერთან დაახლოებული მსხვილი მაგნატი ტისსენი 1912 წლი-
დან იყო, „გელზენკირხენის“ ერთ-ერთი განმკარგულბელი ღირებუ-
ტორი, თუმცა ჩვენ არ მოგვეპოვება რაიმე ცნობა მის მიერ შესყი-
დულ აქციათა და, მაშასადამე, მის სახელზე კაიზერის მიერ მიღე-
ბულ აქციათა ოდენობაზე.

საზოგადოების აქციონერები იყვნენ: ბანკები და ბანკირები, ქარ-
ხნები და მექარხნეები, რანტიენი, მრეწველები და ვაჭრები, სახელ-
მწიფო აპარატის უმაღლესი რანგის მოხელენი და გენერლები, გერმა-
ნიის თითქმის ყველა მსხვილი სამრეწველო რაიონისა და ქალაქის
უზღიდრესი საქმოსნები, აგრეთვე ბელგიელი და ლუქსემბურგელი
მაგნატები⁸. საზოგადოების აქციების წარდგენა შეიძლებოდა მის მთა-
ვარ სალაროში („რაინ ელბა“), ბერლინის, ბრემენის, კელნის, დიუ-
სელდორფის, ესენის-რურის, მაინის-ფრანკფურტის, ჰამბურგის,
ჰანოვერის, ლაიპციგის, მიულჰაიმის, ბრიუსელის, ლუტიჰის და ლუქ-
სემბურგის ბანკებში.

„გელზენკირხენის“ მიერ 1909 წელს გაცემულ აქციათა საერთო

⁴ ЦГИАЛ, ф. 23, оп. 14, д. 507, л. 20; ф. 1276, оп. 19 д. 1221, л. 18;
ф. 23, оп. 28, д. 514, л. 38.

⁵ ЦГИАЛ, 23, оп. 14, д. 507, л. 20.

⁶ იქვე, ფურც. 22.

⁷ ЦГИАЛ, ф. 23, оп. 28, д. 514, л. 38.

⁸ ЦГИАЛ, ф. 23, оп. 14, д. 507, л. 7, об. 10.

ღირებულება შეადგენდა 94 077 000 მარკას,⁹ ანუ 54 108 400 მანეთს¹⁰, ხოლო აქციონერთა ხმების საერთო რაოდენობა 940 770. ფირმას 1909 წელს გააჩნდა გამგეობა (28 წევრით), ჰყავდა ორი გენერალური დირექტორი (ე. კირდორფი და პ. რანდერბრიკი) და ექვსი დირექტორი (ფ. ფუნკე, ე. კლეინე, რ. ზეიდელი, ლ. რაშე, გ. გელინგი, გ. რუსელი).

„გელზენკირხენის“ მთელი კაპიტალი. რომელიც მარტო რუსეთისათვის არ უნდა ყოფილიყო განკუთვნილი, იზრდებოდა და 1914 წელს 117 627 000 მარკა შეადგინა¹¹. კიათურის მარგანეცის პრეფექტობაში თავისი ექსპანსიის რამდენადმე შესანიღბავად და ამით რუსეთის მთავრობის შესაფერისი ორგანოების სიფრთხილის მოსაღუნებლად, გერმანულმა სააქციო საზოგადოებამ თავისი წესდებით კიათურაში ოპერაციებისათვის განკუთვნილი ძირითადი კაპიტალი განსაზღვრა მხოლოდ 255 000 მარკის, ანუ დაახლოებით 118 065 მანეთის რაოდენობით¹². პირველი მსოფლიო ომის დაწყების შემდეგ, როცა „ანტანტისა“ და „ცენტრალური სახელმწიფოების“ ბლოკებს შორის სამკედრო-სასიცოცხლო ბრძოლა მიმდინარეობდა, მეფის მთავრობამ ბუნებრივია, გადაწყვიტა რუსეთის წინააღმდეგ მეომარი ქვეყნების ფირმების საქმიანობის აღკვეთა იმპერიაში. რუსეთის საგარეო საქმეთა სამინისტრომ ლონდონიდან ჯერ კიდევ 1914 წლის 3 დეკემბერს მიიღო დასმენა, სადაც ნათქვამია: „ჩვენ მიგვაჩნია, რომ ამ ცნობის მონაცემები, თუკი ისინი უცნობია თქვენი აღმატებულებისათვის, სასარგებლო იქნებოდა, რადგან რუსეთში მოქმედი გერმანული ფირმების კუთვნილი კაპიტალის ბედის განსაზღვრისას გაითვალისწინებთ, რომ გელზენკირხენის კომპანია არის ძალზე მსხვილი სამრეწველო დაწესებულება და ამ მხრივ ის საგანგებო ინტერესს იმსახურებს. ფირმას ყავს მსხვილი კონტრაგენტები, რომლებთანაც 10—12 წლითაა დაკავშირებული. კონტრაგენტთა ურთიერთობა დროებით შეწყვეტილია საომარი ოპერაციების მიმდინარეობის პერიოდში“¹³. კიათურაში მოქმედი გერმანული ფირმების სალიკვიდაციოდაც შეიქმნა საგანგებო კომისია ანუ „განსაკუთრებული სალიკვიდაციო სამმართველო“ („Особое управление для ликвидации «Гельзенкирхенского горнопромышленного общества» и «Кавказского руд-

⁹ ЦГИАЛ, ф. 23, оп. 14, д. 507, л. 12, об. 13. 10.

¹⁰ ЦГИАЛ, ф. 23, оп. 28, д. 514, л. 75.

¹¹ ЦГИАЛ, ф. 23, оп. 28, д. 507, л. 7 10. 11—12. 46.

¹² ЦГИАЛ, ф. 23, оп. 28, д. 514, л. 260.

¹³ ЦГИАЛ, ф. 23, оп. 28, д. 510, л. 3. об.

ნიჩნოგო товарищества») ¹⁴. მან ადგილზევე საფუძვლიანად შეისწავლა კიათურაში მოქმედი გერმანული ფირმების მთელი საქმიანობა, რამაც ცხადყო, რომ აქ „გელზენკირხენს“, როგორც ქვემოთ დავინახავთ, სულ მცირე 25—30-ჯერ მეტი კაპიტალი ჰქონდა დაბანდებული, ვიდრე ამას მის მიერ წარდგენილი და „უმაღლესად“ დამტკიცებული წესდება ითვალისწინებდა. ეს 1914 წელს უკვე იცოდა რუსეთის ვაჭრობისა და მრეწველობის სამინისტრომ, რომელსაც აცნობეს: «Хотя для операции в России из общего капитала достигающего 117 600 000 марок отделено лишь 255 000 марок, однако, общество работало, очевидно, и за счет иностранных средств» ¹⁵.

¹⁴ ეს „სამმართველო“ შეიქმნა რუსეთის მინისტრთა საბჭოს 1916 წლის 15 მარტის გადაწყვეტილებით და მის შემადგენლობაში შეყვანილ იქნა კავკასიის სამეფისნაცლოსა და რუსეთის იმპერიის შესაფერის სამინისტროთა წარმომადგენლები. „სამმართველოში“ შედიოდნენ: მეფისნაცლის საბჭოს წევრი ი. ნ. პროტასიევი (თავმჯდომარე), კავკასიის სამეფისნაცლოდან — ბ. დ. კოვალენსკი, ვაჭრობისა და მრეწველობის სამინისტროსაგან, კავკასიის სამთო სამმართველოს უფროსი ი. ვაიკი, ფინანსთა სამინისტროსაგან — ქუთაისის სახაზინო პალატის მმართველი ა. ს. სობორიევსკი, იუსტიციის სამინისტროსაგან — ქუთაისის საოკრუგო სასამართლოს წევრი, თავადი ს. გ. მიქელაძე. მიწათმოქმედების სამინისტროსაგან — მიწათმოქმედებისა და სახელმწიფო ქონებათა ქუთაისის სამმართველოს უფროსი ი. კ. მულინი, სახელმწიფო კონტროლიდან — თბილისის სახაზინო პალატის უფროსი რევიზორი ი. ა. გრიგორიანცი (ЦГИАЛ, Ф. 23, оп. 28, д. 514, л. 60). მინისტრთა საბჭომ დაამტკიცა გერმანული ფირმების ლიკვიდაციის „წესები“ (правила), რაც გადაეცა „სამმართველოს“ სახელმძღვანელოდ (იქვე, ფ. 20—21). პრესაში გამოქვეყნდა განცხადება, სადაც ვკითხულობთ «Согласно упомянутым правилам, на особое управление возлагается хозяйственное заведывание последними впредь до их продажи, составление описи и оценки, публикация о продаже, собиране сведений о желающих приобрести их, а равно приращение в исполнение решения Совета Министров о продаже предприятия, каковое впоследствии по рассмотрению Советом Министров всех данных, собранных особым управлением по ликвидации и заключения Наместника по сему делу» (იქვე, ფურც. 71). აქვე უნდა შევნიშნოთ, რომ შემუშავებული „წესების“ მიხედვით სალიკვიდაციო ფირმების უძრავ-მოძრავი ქონების შეფასება უნდა მომხდარიყო ამ ქონების თვითღირებულების მიხედვით: «Не по действительной цене, а по себестоимости» (იხ. ЦГИАЛ, ф. 23, оп. 28, д. 514, л. 279 об—291), რომ ამით თავიდან უოფილიყო აცილებული „გაზვიადებული შეფასება“ (ЦГИАЛ, ф. 23, оп. 14, д. 507, л. 43, об). სალიკვიდაციო სამმართველო კიათურაში მუშაობას შეუდგა 1916 წლის 7 ივნისს, 1917 წლის 2 თებერვალს მან დაამთავრა ორივე გერმანული ფირმის უძრავ-მოძრავი ქონების აღწერა-შეფასება და მთელი ამ ქონების მიღება საკუთარ გამგებლობაში (ЦГИАЛ, ф. 23, оп. 28, д. 514, л. 201—202), ხოლო 1917 წლის 26 მარტს პრესაში გამოქვეყნდა „სამმართველოს“ განცხადება ფირმების ქონების გაყიდვის თაობაზე (იქვე, ფურც. 228).

¹⁵ ЦГИАЛ, ф. 23, оп. 14, д. 507, л. 46.

იმავე 1914 წლის 3 დეკემბერს რუსეთის საგარეო საქმეთა სამინისტრომ ლონდონიდან მიიღო დამატებითი დასმენა იმის შესახებ, რომ „გელზენციხენს“ კავკასიაში ოპერაციებისათვის დიდძალი კაპიტალი აქვს ასიგნებული, რომ ამ კომპანიის კაპიტალი 9 000 000 შეადგენს და კრუპის ფირმის კაპიტალს უტოლდება. კომპანია ნელნელა ამარაგებს კრუპის ფირმას“. მართლაც, საარქივო საბუთებიდან აშკარაა, რომ „გელზენციხენი“ ჩვენებურ მადანს ეხილებოდა არა საერთაშორისო ბაზრებზე, არამედ უშუალოდ გერმანიაში. რუსეთის მთავრობის ხელთ არსებული სხვადასხვა ცნობითაც ირკვევა, რომ „გელზენციხენს“ „მარგანეცის მადანი მიჰქონდა გერმანიაში კრუპის ქარხნებისათვის“¹⁶. 1914 წლის დეკემბერში რუსეთის მთავრობამ კიათურიდანაც მიიღო შედარებით სარწმუნო ცნობა, რომ გერმანული ფირმები ეზიდებიან მადანს გერმანიის სამხედრო ქარხნებისათვის, მათ 'ორის კრუპის ქარხნებისათვის, რომლებიც ამზადებენ ფოლადს, ქვემეხებს, ტყვიამფრქვევებს, ჯავშანს და სხვა სამხედრო შეიარაღებას¹⁷. ძრავალი სხვა ცნობაც მეტყველებს, რომ „გელზენციხენი“ ამ მხრივ იყო გერმანიის მეტალურგიული მრეწველობის მთავარი მომმარაგებელი¹⁸. ახასიათებდა რა ჩვენთვის უკვე ცნობილი ორი გერმანული ფირმის მიერ კიათურაში გაჩაღებულ საქმიანობასა და მის შედეგებს, მეფისნაცვალმა (კავკასიაში) აღნიშნავდა, რომ თუ ჩვენებური მადნის ექსპორტი გერმანიაში 1905 წელს შეადგენდა 5,8%, საშაგიეროდ გერმანულმა ფირმებმა ის 1914 წელს გაზარდეს 35,4%-მდე. მეფისნაცვალმა პეტერბურგში გაგზავნილ მოხსენებაში დასძინდა: „გერმანული ფირმები ერთდროულად ეწეოდნენ მარგანეცის მოპოვებას და გაზიდვას. ისინი იყვნენ გერმანიის უმსხვილესი რკინისმკეთებელი ქარხნების წარმომადგენლები და მიზნად ისახავდნენ იაფად შეძენილი მადნის ექსპორტს არა მხოლოდ ბაზარზე, არამედ თავისი ქარხნებისათვის“¹⁹.

გერმანულ ფირმას ჩვენში საქმე ასე ჰქონდა ორგანიზებული: მისი პასუხისმგებელი აგენტი და მთავარი ადმინისტრაცია კიათურაში იყო მოკალათებული, ფირმას ადმინისტრაცია გააჩნდა ფოთშიც, იანტორები ჰქონდა გახსნილი რგანში, მღვიმეში, ითხვისში, პერევისაში; კიათურაშივე იყო თავმოყრილი საზოგადოების მიერ რუსეთში წარმოებული ოპერაციების ანგარიშსწორება, ხოლო ფოთში — გერმანიაში

¹⁶ ЦГИАЛ, ф. 23, оп. 14, д. 507, л. 46.

¹⁷ ЦГИАЛ, ф. 23, оп. 28, д. 514, л. 30 об.

¹⁸ ЦГИАЛ, ф. 23, оп. 14, д. 507, л. 46.

¹⁹ ЦГИАЛ, ф. 1276, оп. 19, д. 1221, л. 26.

გასაზიდი მადნის გემებზე დატვირთვისა და აღრიცხვის ორგანიზაცია წარმოების მთელი ტექნიკური აპარატი ქიათურაში მხოლოდ გერმანელი სპეციალისტებით იყო დაკომპლექტებული, რის შესახებაც მეფისნაცვალმა 1916 წელს აცნობებდა რუსეთის მინისტრთა საბჭოს: „გერმანული ფირმების მოღვაწეობის უარყოფით მხარედ უნდა ჩაითვალოს რუსული ტექნიკური ძალების იგნორირებაც. მათ მთელი მომსახურე პერსონალი გერმანიიდან მოიყვანეს“²⁰.

ასეთი ორგანიზაციით გერმანული ფირმა იმთავითვე შემოიჭრა ქიათურის მრეწველობაში და მრავალი ოპერაცია ფართო მასშტაბით წამოიწყო. ჯერ ერთი, ის იმთავითვე შეუდგა ადგილობრივ მეწარმეთა დაკაბალება-დაქვემდებარებას მათზე სესხებისა და ავანსების გაცემით (მათგან მადნის დიდი რაოდენობით შესყიდვას და ექსპორტს); მეორე, მარგანეცის მადნის საუკეთესო საბადოთა აღებას ხანგრძლივი იჯარით და მათ შესყიდვას; მესამე, მალაროთა ექსპლოატაციის რაციონალურად, ტექნიკურად მოწყობას, საბადოებიდან რკინიგზო ქიათურის შტომდე მადნის ტრანსპორტირების მექანიზაციას, რგანში მადნის გამამდიდრებელი ფაბრიკის მშენებლობას; მეოთხე, ფირმა ზრუნავდა სავაჭრო-სამრეწველო ოპერაციების გასაფართოებლად და ქობულეთში საკუთარი ნავსადგურის მოსაწყობად და ბოლოს, ფირმა რამდენადმე მოგვიანებით შეუდგა საბადოთა სამრეწველო ექსპლოატაციას.

გავეცნოთ „გელზენკირხენის“ ოპერაციებს ჩამოთვლილი თანხმდევრობით.

ადგილობრივ მრეწველთა დაკაბალება და მათგან მადნის შესყიდვა. „გელზენკირხენმა“, რომლის სახელთანა დაკავშირებული გერმანული კაპიტალის მძლავრი პოზიციების შექმნა ქიათურაში, მარგანეცის მადნის საუკეთესო საბადოთა ხელში ჩაგდებასთან ერთად, გასსაკუთრებული გულმოდგინებით გაშალა ოპერაციები ადგილობრივ მრეწველთაგან მადნის დიდი რაოდენობით შესაძენად¹. ამან თავისი ნაყოფიც გამოიღო: „გელზენკირხენმა“ ხუთნახევარ წელიწადში (1909 წლიდან 1914 წლის ივნისამდე) ქიათურიდან გერმანიაში გაზიდა 60 მილიონამდე ფუთი მადანი, აქედან მხოლოდ 1914 წლის პირველ ნახევარში 12 მილიონ ფუთზე მეტი,² რაც ამ ნახევარი წლის მანძილზე ქიათურიდან საერთოდ გაზიდული მად-

²⁰ ЦГИАЛ, ф. 23, оп. 28, д. 514, л. 6, об.

¹ ЦГИАЛ, ф. 23, оп. 28, д. 514, л. 6.

² ЦГИАЛ, ф. 23, оп. 28, д. 504, л. 17—18.

ნის (38,5 მილიონი ფუთი) თითქმის მესამედს შეადგენდა³. დასახელებული გერმანული ფირმა, რომელიც ჰიათურაში საკუთარ საბადოთა სამრეწველო ექსპლოატაციას შეგნებულად აყოვნებდა, ხოლო შესყიდული მადნის ექსპორტს პროგრესულად აძლიერებდა, საამისოდ მოხერხებულად და მაქსიმალურად სარგებლობდა ქარაიველ მრეწველთა ერთი ნაწილის უსახსრობით, მათ სესხს ან ავანსს აძლევდა — აკაბალებდა, მათგან დაბალ ფასებში შეძენილი მადნის გაზიდვას ძლივს აუდიოდა. „გელზენკირხენისა“ და ადგილობრივ მრეწველთა ურთიერთობა კონკრეტულად ასეთი იყო: გერმანული ფირმა დიდძალი კაპიტალით შემოვიდა და დამკვიდრდა ჰიათურაში, მან განიზრახა მთელი, ადგილობრივ მრეწველთა მიერ მოპოვებული მადნის შექენა, ცხადია, რამდენადაც შესაძლებელი იქნებოდა, შეღავათიან ფასებში. მაგრამ, მადნის ადგილზევე შესყიდვას ეწეოდნენ მრავალი სხვა უცხოური, საკმაოდ ძლიერი საექსპორტო ფირმებიც, რომელთა მეტოქეობის აღკვეთას გერმანული ფირმა ვერ შეძლებდა, თუ რაივე ქმედით ზომებს არ მიმართავდა. უკანასკნელმა სწორედ ასეთ ზომად ჩათვალა ადგილობრივ მრეწველებზე გრძელვადიანი, უპროცენტო სესხებისა და ავანსების სახით, მნიშვნელოვანი ოდენობის თანხების გაცემა, რასაც სხვა საექსპორტო ფირმები მხოლოდ იშვიათად და შედარებით უმნიშვნელო მასშტაბით ეწეოდნენ. აქვე უნდა შევნიშნოთ, რომ „გელზენკირხენი“ საკუთრივ თავისი კონტრაგენტების — გერმანიის მეტალურგიული ქარხნებისაგან ასეთივე სესხებისა და ავანსების სახით, „მიმდინარე ანგარიშებით“ (თბილისის კომერციული ბანკის მეშვეობით), დიდძალ კაპიტალს ღებულობდა⁴. ჰიათურელი მრეწველები, რომელთა დიდი ნაწილი საბრუნავი კაპიტალის ნაკლებობას განიცდიდა და მულამ კრედიტორს ეძებდა, დაეწაფნენ გერმანული ფირმისაგან სესხებისა და ავანსების მიღებას. კრედიტორსა და დებიტორებს შორის ურთიერთობის პირობები ასეთი იყო: გერმანული ფირმა უზვად იძლეოდა თანხებს, მაგრამ, როგორც წესი, მის მიმღებ მრეწველს სესხისა თუ ავანსის დაბრუნების საგარანტიოდ, კრედიტორისათვის უნდა მიეცა ნოტარიალურად შემოწმებული, ხელწერილი, მისთვისვე ჩაებარებინა შესაფერისი თამასუქეზი, ყველა ის საბუთი, რომელთა ძალით დებიტორს (საკუთრებისა თუ დროებით სარგებლობის უფლებით) გააჩნდა საბადოები; ამასთანავე უკანასკნელი ვალდებული იღებდა კრედიტორთან დაგირავებულ სა-

³ ЦГИАЛ, ф. 23, оп. 28, д. 514, л. 260 об.

⁴ ЦГИАЛ, ф. 23, оп. 28, д. 514, л. 260.

ბაღოში მოპოვებული მადანი, ან მისი (შეთანხმებით წინასწარ განსაზღვრული) ნაწილი ყოველწლიურად ჩაებარებინა გერმანული ფირმისათვის. აქვე უნდა აღენიშნოთ, რომ დებიტორი მრეწველები მეტწილად მოიჯარადრეები იყვნენ და მათ საიჯარო ხელშეკრულებებით (რომლებიც კრედიტორს ბარდებოდა) საბადოები აღებული ჰქონდათ 3, 4, 9, 10, 12, 15, 18 წლის და იშვიათად 24 და 30 წლის ვადითა⁵. მოიჯარადრე მრეწველ-დებიტორებს მთელი ამ ვადის განმავლობაში უნდა ჩაებარებინათ მოპოვებული მადანი კრედიტორისათვის, არსებულ საბაზრო ფასებში. გარდა ამისა, დებიტორი მოვალე იყო კრედიტორისათვის გზა მიეცა საკუთრივ მოპოვებული თუ სხვისგან შეძენილი მადნის გასაზიდად, ხშირად ევალებოდა პირველს უსასყიდლოდ, დროებით სარგებლობის უფლებით, დაეთმო მეორისთვის მადნის საწყობი ადგილები, მათ წორის ბაქნები. კრედიტორს უფლება ჰქონდა უარი ეთქვა დებიტორისაგან მადნის ჩაებარებაზე და ასეთ შემთხვევაში უკანასკნელს შეეძლო მადანი სხვისთვის მიეყიდა. დებიტორი კრედიტორს ანგარიშს მადნის საბაზრო ფასებში ჩაებარებით უსწორებდა. ამგვარად, პირველს მეორე აკაბალებდა და ართმევდა ზემოთ დასახელებულ საბუთებს „в качестве эквивалента за исполнение обязательств“⁶. ვალის დაფარვისას კრედიტორი დებიტორს უბრუნებდა ყველა ჩაებარებულ საბუთს, ხოლო თუ უკანასკნელი დადგენილ ვადებში მადნის ჩაებარებით, ვალებს არ დაფარავდა, კრედიტორი ხდებოდა ჩაებარებული საბუთების სრულუფლებიანი მფლობელი. მთელი ამ, გარკვეული გაგებით, საიდუმლოებით მოცული ოპერაციების ხასიათი გამოაშქარავდა პირველი მსოფლიო ომის დაწყების შემდეგ, როცა ქიათურაში გერმანული ფირმების სალიკვიდაციოდ მთავრობის მიერ შექმნილმა განსაკუთრებულმა სამმართველომ ადგილზევე შეისწავლა საქმის ვითარება.

სააქციო საზოგადოებასა და საბადოთა მფლობელ-მეწარმეებს შორის ამგვარი ოპერაციების დოკუმენტაციის შესწავლის შემდეგ სალიკვიდაციო სამმართველო აღნიშნავდა: „ამ ოპერაციების წყალობით, რომლითაც ძლიერ გართულდა საზოგადოებისა და მარგანეცის საბადო ნაკვეთების მფლობელთა ურთიერთობა, ფირმამ გაინაღდა გერმანიის ქარხნებისათვის საჭირო რაოდენობის მადნის მიღება“⁷. ამ ოპერაციების გამორკვევის მასალებს შორის, რომელთაც ლენინგრადის საისტორიო არქივში მივაკვლიეთ, განსაკუთრებით საყუ-

⁵ ЦГИАЛ, ф. 23, оп. 28, д. 515, л. 129—139.

⁶ იქვე, ფურც. 42.

⁷ იქვე.

რადღებოა: «Ведомость договоров, переданных по надписям Гельзенкирхенскому горнопромышленному обществу разными лицами в обеспечение исполнения сделок по поставке марганцевой руды»⁸. სწორედ ამ უწყისშია ჩამოთვლილი ის ხელშეკრულებები, რომლებიც „გელზენკირხენმა“ ჩაიბარა დავალიანებული ადგილობრივი მრეწველებისაგან, მათზე გაცემული სესხების დაბრუნების (გირაოს სახით), ასევე მათგან მადნის ჩაბარების საგარანტიოდ. სალიკვიდაციო სამმართველომ შეისწავლა ეს უწყისი და დაადგინა, რომ გელზენკირხენის ხელშია 36 ხელშეკრულება, რაც მას გადასცეს სხვადასხვა პირებმა მადნის ჩაბარების პირობის შესრულების საგარანტიოდ. ფირმის სალიკვიდაციო სამმართველოს დასკვნით ხელშეკრულებათა წარმოშობა ასეთია: „იმისათვის, რომ უზრუნველყო თავისი მოთხოვნილება საჭირო რაოდენობისა და ხარისხის მარგანეცის მადანზე „გელზენკირხენის საზოგადოება“ სესხს აძლევდა ადგილობრივ მრეწველებს, რომელთაც ეს თანხები სჭირდებოდათ საბაღო ნაკვეთების შესაძენად, საწარმოთა ტექნიკური შეიარაღებისა და გაფართოებისათვის. ამავე დროს მეწარმენი, რომლებიც „საზოგადოებისაგან“ სესხს ღებულობდნენ, ვალდებული იყვნენ მთელი მოპოვებული მადანი ჩაებარებინათ (მიეყიდათ) კრედიტორისათვის. დაწესებული იყო ჩასაბარებელი მადნის მინიმალური ოდენობა მისი მოპოვების მოკლ მანძილზე. ამ პირობის შესრულების საგარანტიოდ „გელზენკირხენი“ დებიტორ მრეწველებს ართმევდა საბუთებსა და ხელწერილებს“⁹. როგორც ვხედავთ, გერმანული ფირმა თავისთვის მეტად ხელსაყრელ პირობებში აძლევდა ავანსს და სესხს ადგილობრივ მრეწველებს. საბადოთა იჭარით ასაღებად, სამრეწველო საქმიანობის გასაგრძელებლად და სხვ. მაგრამ, სააქციო საზოგადოება არ სჭერდებოდა ზემოჩამოთვლილ პირობებს; „საზოგადოებას უფლება ენიჭებოდა არა მარტო დებიტორებისაგან მადნის ჩაბარებისა, არამედ მის მიღებაზე უარის თქმისა, თუკი კრედიტორს არ სურდა მადნის მიღება დებიტორს უფლება ეძლეოდა ის სხვისთვის მიეყიდა. დებიტორი მრეწველები კრედიტორის წინაშე სხვა ვალდებულებებსაც კისრულობდნენ, კერძოდ, უსასყიდლოდ უთმობდნენ მადნის დასაწყობ ადგილებს, ნებას აძლევდნენ მადნის გასაზიდად გამოყენებისა მათი კუთვნილი ნაკვეთები და სხვ.“¹⁰.

⁸ ЦГИАЛ, ф. 23, оп. 28, д. 515, л. 129—139; აგრეთვე უწყისი «Ведомость договоров, переданных греческо-подданному И. С. Персиаки в обеспечение сделок по поставке марганцевой руды», სადაც ჩამოთვლილია 36 ასეთი ხელშეკრულება (ЦГИАЛ, ф. 23, оп. 28, д. 508, л. 3—4).

⁹ ЦГИАЛ, ф. 23, оп. 28, д. 514, л. 269 об; ф. 23, оп. 28, д. 515, л. 141.

¹⁰ იქვე, ფურც. 270.

სესხისა და ავანსის მიღების პირობებზე ასევე ნათელ წარმოდგენას იძლევა დავალიანებულ მრეწველთა მრავალრიცხოვანი განცხადება და საჩივრები, რომლითაც მათ გერმანული ფირმის ლიკვიდაციის შესახებ ცნობის მიღებისთანავე მიმართეს მეფისნაცვალს კავკასიაში და რუსეთის შინაგან საქმეთა მინისტრს. ასე მაგალითად, მრეწველების ს. გაფრინდაშვილისა და პ. თოფურიას მიერ 1914 წლის 14 ნოემბერს ზემომოხსენიებულ ინსტანციებში წარდგენილ განცხადებაში ვკითხულობთ: „ჩვენ ვსაჭიროებდით ფულს და მივმართეთ გელზენკირხენის საქმეთა მმართველს ჭიათურაში... რომ მას ჩვენთვის ესესხებინა საჭირო თანხა, იმ პირობით, რომ სესხის საგარანტიოდ ჩვენ, გირაოს სახით, ჩავაბარებდით საბადო ნაკვეთებს... პერსინაკი* დაგვთანხმდა იმ პირობით, რომ ამ ნაკვეთების იჯარით აღების საბუთებს ჩვენ მას ჩავაბარებდით სესხის გადახდის საგარანტიოდ. შევთანხმდით და შვილეთ სესხი 20 ათასი მანეთი, რაც ჩვენ დაეფარეთ ამავე ნაკვეთებში მოპოვებული მადნის ჩაბარებით. პერსინაკთანაა ჩვენი სამი საიჯარო ხელშეკრულება, აგრეთვე ნასყიდობის ორი საბუთი... გთხოვთ დაგვეზმაროთ ამ საბუთების მიღებაში“¹¹.

1914 წლის 18 ნოემბერს იმავე ორგანოების წინაშე ასეთივე საჩივარი აღძრეს „გელზენკირხენის“ მიერ დაკაბალეებულმა მრეწველებმა: კ. ყიფიანმა, ი. ბერიძემ, პ. თოფურიამ, კ. მასხარაშვილმა, კ. მეძმარიაშვილმა. ისინი წერდნენ:

„საზოგადოება „შავი ქვა“-ს თავმჯდომარე გ. ზდანოვიჩისგან შევიძინეთ მარგანეცის მადნის საბადო ნაკვეთი—14 ქცევა (მღვიმევში), 27 ათას მანეთად... ეს თანხა ვისესხეთ ჭიათურაში მოქმედი გერმანული ფირმისგან („გელზენკირხენისგან“). უკანასკნელის საქმეთა მმართველ პერსინაკს გადავეცით თამასუქები... პირობის თანახმად ვალდებულება ვიკისრეთ მთელი მოპოვებული მადანი ჩაგვებარებია კრედიტორისათვის (არსებულ ფასებში). პერსინაკი არ დასჯერდა თამასუქების მიღებას, გაცემული სესხის გადახდის საგარანტიოდ ჩვენგან მრითხოვა, რომ მისთვის ჩაგვებარებია საბადო ნაკვეთის შეძენასთან დაკავშირებული საბუთები“¹².

ამრიგად, ადგილობრივი მრეწველები სესხებისა და ავანსების მიღებისას საბადოებს აგირავენდნენ, მოპოვებულ მადანს კრედიტორს აბარებდნენ ზანგრძლივი დროის მანძილზე, მასვე აძლევდნენ გზას მადნის გასაზიდად, ასევე მადნის საწყობ ადგილებსა და ბაქნებსაც უფასო სარგებლობაში.

* ი. პერსინაკი — გელზენკირხენის რწმუნებული ჭიათურაში.

11 ЦГИАЛ, ф. 23, оп. 14, д. 507, 1914—1915 гг., л. 26.

12 იქვე, ფურც. 25.

ასე დაკაბალა და დაიქვემდებარა გელზენკირხენმა მრავალი ადგილობრივი მრეწველი. დაკაბალებულ ადგილობრივ მრეწველებს, როგორც ქვემოთ დავინახავთ, დამკრედიტებელი ფირმის ლიკვიდაციის დროისათვის არ შეეძლოთ ვალებიდან ამოსვლა. უამისოდ კი მთელი მათი საბუთები სალიკვიდაციო ფირმის ხელში რჩებოდა. ასეთ ვითარებაში მათ, პირველი მსოფლიო ომის დაწყების შემდეგ, როცა ჩვენში გერმანული ფირმების, მათ შორის „გელზენკირხენის“, საქმიანობა შეწყდა, ადგილობრივმა დაკაბალებულმა მრეწველებმა მთელი თავისი იმედები რუსეთის მთავრობაზე დაამყარეს. მათ მთავრობას მიმართეს და განუცხადეს, რომ სურთ ვალების დაფარვა უკვე დამზადებული მადნის ჩაბარებით და მოითხოვეს, რომ ფირმის ქონების კონფისკაციის ან სხვაზე გადაცემისას მთავრობა არ შეხებოდა მათ საკუთრებასა თუ დროებით სარგებლობაში არსებულ საბადოებს, რომლებიც დაგირავებული ჰქონდათ გერმანული ფირმისაგან მიღებული თანხების გადახდის საგარანტიოდ¹³. ბევრი მათგანი მოითხოვდა აგრეთვე კრედიტორისათვის გადაცემული საბუთების დაბრუნებას. მთავრობის ორგანოებმა ეს განცხადებები გადასცეს სალიკვიდაციო სამმართველოს. სალიკვიდაციო სამმართველო ამასთან დაკავშირებით აღნიშნავდა, რომ დაკაბალებული ადგილობრივი მეწარმენი „ძლიერ არიან დაინტერესებული დაიბრუნონ საიჯარო ხელშეკრულებები, თამასუქები და სხვ. სამმართველოს არ შეუძლია არ სცნოს ამ მოთხოვნის სამართლიანობა...“¹⁴.

სამმართველო საფუძვლიანად გაეცნო საქმის რეალურ ვითარებას. აღმოჩნდა, რომ სალიკვიდაციო ფირმის მიერ დაკაბალებულ მრეწველებს არ შეუძლიათ ვალების დაფარვა. გარდა ამისა, ნოტარიალურად გაფორმებული პირობების თანახმად, დებიტორ-მრეწველებს, რომელთაც კრედიტორებისათვის ჩაებარებიათ საჭირო ხელშეკრულებები, ვალების დაფარვასთან ერთად ევალეზოდ მთავრებული მადნის კრედიტორისთვის ჩაბარება იჯარით აღებულ საბადოთა ექსპლოატაციის მთელ მანძილზე. ამის გამო გერმანული ფირმის სალიკვიდაციო სამმართველო შენიშნავდა: «Необходимо обратить внимание на то, что помимо погашения денежных обязательств, на них лежит обязанность поставлять обществу, если оно пожелает, руду из заарендованных участков, впредь до их полного истощения; контрагенты обязаны также предоставить обществу право прохода и проезда по поверхности участков и штольням. Кроме того, надо иметь в виду, что на принадлежа-

¹³ ЦГИАЛ, ф. 23, оп. 14, д. 507, 1914—1915 гг., л. 26.

¹⁴ იქვე, ანწ. 28, საქ. 514, ფურც. 270, მეორე გვერდი.

щих указанным марганцеипромышленникам платформам сложена руда, составляющая собственность общества»¹⁵. ყოველივე ამის გამო სალიკვიდაციო სამმართველომ მრეწველთა მოთხოვნა არ დააკმაყოფილა და 36 ხელშეკრულება სალიკვიდაციო ფირმას დაუტოვა. გელზენკირხენის ოპერაციების შესწავლისას სალიკვიდაციო სამმართველომ განიხილა აგრეთვე ფირმის მიერ დებიტორი მრეწველებისაგან სესხის დაბრუნების საგარანტიოდ მიღებული სხვა ხელშეკრულებები. ზემოხსენებულ ხელშეკრულებათა გარდა „გელზენკირხენს“ მრავალი სხვა მრეწველისაგან ჩაუბარებია საბუთები, მათ შორის 5 ხელშეკრულება ჩაუბარებია მრეწველთა ჯგუფისაგან, რომელმაც მისგან მიიღო სესხი—14000 მანეთი და სხვ.¹⁶ მრეწველთა ამ ჯგუფის ზრუნვამ დასახელებულ ხელშეკრულებათა მისაღებად უშედეგოდ ჩაიარა, რადგან, როგორც სალიკვიდაციო სამმართველომ დაადგინა, მათ დიდი ვალები ემართათ, ხოლო დაფარვა არ ძალუძდათ. დებიტორთა „უწყისების“ შესწავლისას სალიკვიდაციო სამმართველომ დაადგინა აგრეთვე, რომ გერმანულ ფირმას მრეწველთა ერთი ჯგუფისათვის ავანსად მიუცია 14000 მანეთი¹⁷. ავანსის, ასევე მის გაცემასთან დაკავშირებული სხვა პირობების შესრულების საგარანტიოდ გერმანულ ფირმას მრეწველთა ჯგუფისაგან (ამხანაგობა „შავი ქვა“) ჩაუბარებია საიჯარო ხელშეკრულება, რომლის ძალით ამ ჯგუფს, 1909 წელს იჯარით (24 წლით) აუღია საბადო ნაკვეთები მლვიმევში. მრეწველთა მეორე ჯგუფს „გელზენკირხენისათვის“ ჩაუბარებია საიჯარო ხელშეკრულებები, რომელთა ძალით ამ ჯგუფს, 1902 წელს (30 წლით) აუღია საბადოები მლვიმევში. მრეწველთა მესამე ჯგუფს კი ჩაუბარებია 1903 წელს (9 წლით) დადებული საიჯარო ხელშეკრულება. „გელზენკირხენს“ მრეწველთა მეოთხე ჯგუფისაგან მიუღია 1904 წელს (30 წლით) დადებული საიჯარო ხელშეკრულება, რომლის ძალით ამ ჯგუფს აუღია საბადოები არმისაში, ხოლო მეხუთე ჯგუფისაგან ასევე 1904 წელს (23 წლით) დადებული ხელშეკრულება, რომლითაც გაფრინდაშვილებს არმისაში იჯარით აუღიათ არა საბადო, არამედ ზედაპირი. „გელზენკირხენის“ მიერ დებიტორებისგან ჩაბარებული საიჯარო ხელშეკრულებებით მოიჯარადრე მრეწველებს სხვადასხვა ვადით აღებული ჰქონდათ სულ დაახლოებით 99 დესეტინა¹⁸. მრეწველთა დასახელებული ჯგუფები, ისევე როგორც მრავალი ათეული სხვა დებიტორები, ფირმის სალიკ-

¹⁵ ЦГИАЛ, ф. 23, оп. 28, д. 514, л. 270, об.

¹⁶ იქვე.

¹⁷ იქვე.

¹⁸ იქვე, საქ. №98, ფურც. 4.

ვიდაციო სამმართველოს განუწყვეტლივ მიმართავდნენ განცხადებებით. ისინი აცხადებდნენ, რომ ვალების დასაფარავად მათ უკვე დაამზადეს მადანი და მოითხოვდნენ ანგარიშის გასწორებას და საგარანტიოდ გადაცემული საბუთების (ხელშეკრულებები, ხელწერილები, თამასუქები) დაბრუნებას¹⁹. სალიკვიდაციო სამმართველო სწავლობდა საქმის ვითარებას. ირკვეოდა, რომ დებიტორებს კრედიტორის წინაშე ნაკისრი ვალდებულებანი (ვალის გასტუმრება, მადნის მიწოდება იჯარით აღებულ საბაღოს მარაგის სრულ ამოწურვამდე და სხვ.) არ ჰქონდათ შესრულებული. აღმოჩნდა, რომ დებიტორებს არ შეეძლოთ ვალის გადახდა თუნდაც მადნის ჩაბარებით, რადგან მათ საამისოდ საკმაო მარაგი არ გააჩნდათ. სალიკვიდაციო სამმართველო უარს ეუბნებოდა დებიტორებს საბუთების დაბრუნებაზე, რადგან მან დაადგინა, რომ „გელზენკირხენის“ დებიტორ მრეწველთა ერთ ჯგუფს ემართა 4 969 მანეთი, ამ ჯგუფის წევრებს ცალ-ცალკეც ემართათ საზოგადოების ვალები, სახელდობრ, ბერიძეს — 653 მან., რატიანს — 247 მან., ნიქარაძეს — 673 მან., ქაცარავასა და ყიფიანს ერთად — 1 296 მანეთი²⁰.

მრეწველთა მეორე ჯგუფი (ს. გაფრინდაშვილი, ა. თოფურია, ა. ჯაყელი და კ. სერგანიდისი) მადნის ჩაბარების ხარჯზე ვალის დაფარვასთან ერთად ვალდებული იყო იჯარით (სამი წლის ვადით), აღებული საბაღოების საიჯარო ვადა (თუ ამას გერმანული ფირმა მოისურვებდა) 9 წლით გაეგრძელებინა და კრედიტორისათვის უფლება მიეცა ეს ნაკვეთები (წიალი — შტოლნები და ზედაპირი) მადნის გასაზიდ გზად გამოეყენებინა²¹. გარდა ამისა, პ. თოფურიას ხელშეკრულებით გერმანული ფირმისათვის უნდა გადაეცა ამიერკავკასიის რკინიგზის სამმართველოსგან (კიქოურში) იჯარით აღებული ბაქანი (ზაროკილის ჩიხი). გერმანულ ფირმას ეს ბაქანი თოფურიასთვის უნდა დაებრუნებინა მაშინ, როცა ის და დებიტორ მრეწველთა მოცემული ჯგუფი კრედიტორის წინაშე ნაკისრ ვალდებულებებს შეასრულებდნენ. გერმანულმა ფირმამ სალიკვიდაციო სამმართველოს წარუდგინა საბუთები, რომლებიც შეტყვევებდნენ, რომ თოფურიას „გელზენკირხენისათვის“ არ გადაუცია ბაქანი და ხელშეკრულების (პირობის) დარღვევისათვის უნდა გადაეხადა ჯარიმა 20 000 მანეთი. ასეთსავე მდგომარეობაში იყო ჩაყენებული მეწარმე გაფრინდაშვილი, რომელსაც ხელშეკრულების შეუსრულებლობისა-

¹⁹ ЦГИАЛ, ф. 23, оп. 28, д. 515, л. 141.

²⁰ იქვე.

²¹ იქვე, ფურც. 142.

თვის უნდა გადაეხადა 25 000 მანეთი. ამას გარდა პ. თოფურიასა და ს. გაფრინდაშვილს „გელზენკირხენისა“ ემართათ 890 მანეთი, ა. ჯაყელსა და კ. სერგანიდისს—6 550 მანეთი, ხოლო ა. ჯაყელს ცალკე — 2 583 მანეთი. გერმანული ფირმის რწმუნებული სალიკვიდაციო სამმართველოს მოახსენებდა, რომ მზადაა დებიტორებს დაუბრუნოს სესხის საგარანტიოდ ჩაბარებული საბუთები თუკი ისინი ვალებს დაფარავდნენ. ეს კი დებიტორებმა ვერ შეძლეს²².

მრეწველთა მესამე ჯგუფს (ა. ჯაყელი, ფ. ღარჩია, ს. კილაძე) კრედიტორისათვის ჩაუბარებია ოთხი წლის ვადით დადებული საიჯარო ხელშეკრულება. მას, მადნის ჩაბარების ხარჯზე ვალის გასტუმრების გარდა, ოთხი წლის შემდეგ იჯარის ვადა კიდევ ოთხი წლით უნდა გაეგრძელებია, რომ ეს, იჯარით აღებული ნაკვეთები (ზედაპირი და წიაღი), კრედიტორს გამოეყენებინა საკუთრივ მოპოვებული თუ სხვისგან შეძენილი მადნის გასაზიდ გზად, ასევე მადნის დასაწუობად. ამასთანავე მრეწველთა დასახელებულ ჯგუფს კრედიტორისა ემართა 1845 მანეთი²³. მრეწველთა მეოთხე ჯგუფს (გ. ღუმბაძე, ა. გამრეკელი და მ. ჭანიშვილი) გერმანულ ფირმასთან დაუდგია ხელშეკრულება, რომლის ძალით უკანასკნელმა ვალდებულება აიღო მიეცა პირველისათვის 25 000 მანეთი ბრემსბერგის, მადნის გამამდიდრებელი ფაბრიკის მშენებლობისა და საბადოთა ექსპლოატაციისათვის. სამაგიეროდ მრეწველთა ჯგუფმა მადნის ჩაბარებით ვალის დაფარვის საგარანტიოდ გადასცა 8 საიჯარო ხელშეკრულება. გერმანული ფირმის სალიკვიდაციო სამმართველომ გამოარკვია, რომ დასახელებულ მრეწველებს კრედიტორისა მართებთ 8164 მანეთი.

მრეწველ მ. მებუჯეს (1913 წელს) გერმანული ფირმისაგან სესხი მიუღია და ვალდებულება უკისრია — მთელი მოპოვებული მადანი ჩაებარებია და ამასთანავე კრედიტორისათვის გადაეცა საკუთარი ბაქნები. ფირმის ლიკვიდაციის დროისათვის დებიტორს ემართა 7 411 მანეთი. ანალოგიურ პირობებში აუღია სესხი მრეწველ კ. მასზარაშვილს, რომელსაც ფირმის ლიკვიდაციის დროს ემართა 3 304 მანეთი. ასეთსავე მდგომარეობაში აღმოჩნდნენ მრეწველები ს. ბრეგვაძე, ი. მემმარიაშვილი და ო. ჟორჯოლიანი, რომელთაც (ერთად) ემართათ 1 735 მანეთი, ხოლო ა. ხაბულიანს — 4 306 მანეთი, ა. აშალობელს — 363, ს. კვებულაძეს — 1048 მანეთი და სხვ²⁴. ადგილობრივ (დებიტორ) მრეწველებს 1914 წლის ივლისისათვის „გელ-

²² ЦГИАЛ, ф. 23, оп. 28, д. 515, л. 42—43.

²³ იქვე, ფურც. 143, მეორე გვერდი.

²⁴ იქვე, ფურც. 144—145.

„ზენკირხენისა“ ემართათ სულ 104 787 მანეთი, რომელიც მათ 1916 წელსაც ვერ დაფარეს²⁵. ამიტომ, დებიტორ მეწარმეთა ბანკრძლივი მეცადინეობა „გელზენკირხენისათვის“ გადაცემული საბუთების დასაბრუნებლად, უშედეგოდ დამთავრდა. სალიკვიდაციო სამმართველომ მათი მოთხოვნა-შუამდგომლობები არ დააკმაყოფილა²⁶.

„გელზენკირხენის“ მიერ ადგილობრივ მრეწველებზე სესხებისა და ავანსების გაცემის ერთ-ერთ მთავარ მიზანს ჩვენ მართებულ შეფასებას ვერ მივიცემთ, თუ არ გავითვალისწინებთ იმ გარემოებას, რომ ფირმა სესხებისა და ავანსების გაცემით ცდილობდა სამრეწველო რაიონში გასასაღებლად განკუთვნილი მადნის შესყიდვაში მონაპოლიური მდგომარეობის მოპოვებას, რითაც მას სურდა შედარებით იოლად გაეკაფა გზა მრეწველობის მოცემული დარგის მონოპოლიზირებისაკენ. მართლაც, ფირმამ სოლიდური კაპიტალები დააბანოა, დებიტორები დააკაბალა და მათგან საბაზრო ფასებში მადნის შეძენა გაინაღდა. ასეთ პირობებში გერმანული ფირმის წინაშე დაისვა მადნის საბაზრო ფასების, რამდენადაც შეიძლება, შემცირების ამოცანა. მართლაც, ის მალე გახდა ადგილობრივ ბაზარზე მადნის ფასის დამწესებელ-განმკარგულბელი. ფირმამ მადნის დიდი რაოდენობით შესყიდვის წყალობით, მისი ექსპორტის გაზრდასთან ერთად, შეძლო ქიათურის აუზშივე შეექმნა შეძენილი მადნის კოლოსალური მარაგი, რომ ამით ზემოქმედება მოეხდინა და ხელოვნურად დაეწია მისი ფასები ადგილობრივ ბაზარზე. „გელზენკირხენმა“ მადნის შესასყიდად „კანტორები“ გამართა, საწყობები, ასევე ბაქნები გაიჩინა და მადნის დიდი მარაგი შექმნა ქიათურაში, მღვიმევში, რგანში, პერევისაში, შუქრუთში, საბადოთა აუზის სხვა უბნებსა და რკინიგზის ქიათურის შტოს თითქმის ყველა სადგურის ბაქნებზე, აგრეთვე ფოთში. მადნის შესყიდვის, მარაგის შექმნისა და გაზიდვის მთავარ ოპერაციებს ქიათურისა და ფოთის კანტორები აწარმოებდნენ²⁷. ფირმამ ჩვენში მადნის დიდი მარაგი გაიჩინა, ბევრიც გაზიდა გერმანიაში. ასე მაგალითად, 1914 წლის პირველ ნახევარში მან 12 მილიონი ფუთი გაზიდა²⁸, ამის მიუხედავად იმავე წლის დამლევს მას ქიათურაში გააჩნდა 2 040 498 ფუთი ჩვეულებრივი და 122 000 ფუთზე მეტი გაუხვებული მადანი, მღვიმევში 882 000 ფუთზე მეტი, მეჩხერაში—319 000 ფუთი, რგანში—871 000, ქიათურიდან ერთ ვერსზე — 675 000, 2 ვერსზე — 3,489 493 ფუთი, ხოლო 4 ვერსზე — 1 124 170

²⁵ ЦГИАЛ, ф. 23, оп. 28; д. 514; л. 228.

²⁶ იქვე, საქ. 508, ფურც. 4.

²⁷ იქვე.

²⁸ იქვე, ფურც. 278.

ფუთი და სხვ., სულ სამრეწველო რაიონში 9 524 950 ფუთი²⁹, ხოლო ფოთში 853 151 ფუთი ჩვეულებრივი და 253 890 ფუთი გაუხეხებული მადანი ანუ სულ აქ გააჩნდა 1 107 041 ფუთი³⁰. ამრიგად, სამრეწველო რაიონსა და ფოთში 1914 წლის დამლევს ეს მარაგი 10 731 991 ფუთს შეადგენდა. მარაგის დიდ ნაწილს შეადგენდა არა ფირმის მიერ საკუთრივ მოპოვებული, არამედ სხვისგან შეძენილი მადანი. ასე მაგალითად, 1914 წელს ქიათურაში შექმნილი მარაგის საერთო ოდენობიდან ნაყიდი იყო 6 100 000 ფუთი, ხოლო ფირმის მიერ მოპოვებული მხოლოდ 1 642 746 ფუთი³¹. სამრეწველო აუზში, აგრეთვე ფოთში ესოდენ დიდი მარაგის შექმნით ფირმამ შეძლო მადნის ფასების საგრძნობი დაქვეითება: თუ 1909 წელს (სარკინიგზო ტარიფის შემცირების შემდეგ) ფუთი მადანი საბადოებში საშუალოდ საღებობდა 4,5 კაპიკად, ქიათურაში—8, ხოლო ფოთში — 19,6 კაპიკად³², 1913—1914 წლებში, როცა მადანზე მოთხოვნილება გაზრდილი იყო, მისი ფასი დაეცა საბადოებში 2.27 კაპიკამდე, ქიათურაში — 6 რ. ხოლო ფოთში — 15,34 კაპიკამდე³³. ამასთან დაკავშირებით მეფისნაცვალთ 1916 წლის იანვარში აცნობებდა მინისტრთა საბჭოს: „უკანასკნელი რამდენიმე წლის მანძილზე მარგანეცის მადნის ფასები აბალია, ამ საქმეში ბრალი მიუძღვით გერმასულ ფირმას, რომელთაც სამრეწველო რაიონში გამზადებული მადნის დიდი მარაგი შექმნეს. ამით ისინი ძალდატანებით ზემოქმედებენ ადგილობრივ ბაზარზე“³⁴. ქიათურის მრეწველობაში უცხოური ფირმებისა და, კერძოდ, „გელზენკირხენის“ როლის გაზრდის შედეგების დახასიათებისას კავკასიის სამთო უწყება 1915 წელს წერდა: „მათ დააკაბალეს ქიათურის მრეწველობა, შეძლეს მადნის ფასების ძლიერ შეპყობა, მადნის მოპოვებისა და გასაღების თავისებური რეგულირება“³⁵. და ბოლოს, კავკასიის აღმინისტრაცია არსებითად რეალისტურად აღწერდა ქიათურაში გერმანული ფირმების, და, კერძოდ, „გელზენკირხენის“ მოქმედების შედეგებს, როცა წერდა: «Широко скупая марганцевые залежи и вместе с тем откладывая... их разработку, немецкие фирмы лишь накапливали запасы руды для будущего, пока же, держа в своих руках значительную часть вывоза, диктовали цены мелким промышленникам... планомерно преследуя цель истощения

²⁹ ЦГИАЛ, ф. 23, оп. 28, д. 511, л. 16—36.

³⁰ იქვე, ფურც. 40.

³¹ იქვე, ფურც. 42. დანარჩენ მარაგზე ცნობა არ მოგვეპოვება.

³² იქვე, ფონ. 37, ანაწ. 72, საქ. 138, ფურც. 74.

³³ იქვე, ფონ. 23, ანაწ. 28, საქ. 511, ფურც. 43.

³⁴ იქვე, ფონ. 23, ანაწ. 28, საქ. 514, ფურც. 6.

³⁵ იქვე, ფონ. 1276, ანაწ. 19, საქ. 1221, ფურც. 25.

„მужих залежей и повышения тем в будущем цены своих рудных запасов»³⁶. ადგილობრივ მრეწველთა დაკაბალებით, მანის ადგილობრივ ბაზარზე თითქმის გაბატონებული მდგომარეობის მოპოვებით, მ. ღნის ფასის ხელოვნურად დაქვეითებით „გელზენკირხენი“ ძლიერ ვიწროვებდა ადგილობრივ მრეწველთა უმრავლესობას. მძლავრ გერმანულ ფირმას ადგილობრივნი ვერ უწევდნენ კონკურენციას. გერმანული ფირმები ქმნიდნენ ამინდს ჭიათურაში, რის გამო ადგილობრივი მსხვილი სამრეწველო და სავაჭრო ფირმა „მ. ღანეზოვები“ 1914 წლის დამლევს ვაჭრობისა და მრეწველობის სამინისტროში გაგზავნილ განცხადებაში წერდა: „გერმანულ ფირმებს იმდენად მსხვილი საბრუნავი თანხები გააჩნიათ, რომ ჩვენ, ადგილობრივ მრეწველებს, სრულებით არ ძალგვიძს მათ კონკურენცია გავუწიოთ და ამის გამო ისინი არიან მდგომარეობის სრული ბატონპატრონი, გვეკარნახობენ ფასებს მაღანზე, მარგანეცის საბადოებზე, ამცირებენ მას მიწი-მუშაჲდ. არც გასაღების ბაზრებზე მადნის ფასების გაზრდა, არც საზღვაო ფრახტის შემცირება, არც თვით საკინიგზო ტარიფის შემცირება, არასდროს გამოხატულა ჭიათურაში მადნის ფასის ამალღებაში, რადგან ყველა ამ შეღავათებით მხოლოდ უცხოელები სარგებლობდნენ»³⁷. მ. ღანეზოვები ამასთანავე ჩიოდნენ: «Соблозняясь ссудами и авансами, выдаваемыми иностранцами, местные промышленники и залежевлладельцы продают им руду за бесценно, равным образом за бесценно отдают в долгосрочную аренду и продают свои рудные залежи»³⁸.

ყოველივე ამას სიცხადით გვიჩვენებს „გელზენკირხენის“ მთელ საქმიანობაზე და, კერძოდ, მის მიერ ჭიათურის მარგანეცის საბადოთა ხელში ჩასაგდებად წარმოებულ ოპერაციებზე დაკვირვებატ.

„გელზენკირხენის“ მოქმედება ჭიათურის საბადოთა ხელში ჩასაგდებად. ჭიათურის მრეწველობაში გასაბატონებლად მებრძოლი ფირმა დასახული მიზნის მიღწევის ყველაზე ეფექტურ საშუალებად მარგანეცის მადნის უმდიდრეს საბადოთა მთლიანად და დიდი ხნით ხელში ჩაგდებას მიიჩნევდა. ამ მიმართულებით მოქმედებას ის ჯერ კიდევ ჭიათურაში ოპერაციების ოფიციალურად დაწყებამდე შეუდგა, სოლიდური კაპიტალი დააბანდა. 1903—1909 წლებში „გელზენკირხენმა“ გერმანელი მრეწველის ო. გილერტისაგან ჩაიბარა 76 ლეს. მეტი ფართობის იჯარით აღებუ-

³⁶ ЦГИАЛ, ф. 1276, оп. 19, д. 1221, л. 26.

³⁷ იქვე, ფონ. 23, ანაწ. 14, საქ. 507, ფურტ. 48.

³⁸ იქვე.

ლი საბადოები მღვიმეცა და ითხვისში, „უმაღლესად“ დამტკიცების-თანავე გერმანულმა ფირმამ „შალკე“-საგან 83 800 მანეთად იმემკვიდრა 27 დესეტინა იჯარით აღებული საბადოები რგანში. „გელზენკირხენი“ 1909—1914 წლებში ინტენსიურად განაგრძობდა საბადოებისა და „უმაღლო“ მიწების, მათ შორის ყანების, ტყეების, ასევე ბაქნების იჯარით აღებას და შესყიდვას რგანში, მღვიმეცში, პერევისაში, ითხვისში, აგრეთვე ჭიათურის სახაზინო რკინიგზის შტოს სადგურების მახლობლად. ამ ოპერაციების „უწყისი“ დატულია ლენინგრადის სახელმწიფო საისტორიო არქივში. ამ ვრცელ საბუთში აღბეჭდილია შესაფერის საიჯარო ხელშეკრულებათა და ნასყიდობის მოწმობათა ნომრები, დასახელებულია იჯარით გაცემული მიწების მფლობელები, ნაკვეთების სახელწოდება და ფართობი, საიჯარო ხელშეკრულებათა დადების დრო და ვადები, მოიჯარადრის მიერ გადასახდელი თანხის ოდენობა, მის მიერ უკვე გასტუმრებული და მომავალში გადასახდელი თანხის ოდენობა¹. არქივში ინახება აგრეთვე საიჯარო ხელშეკრულებათა და ნასყიდობის მოწმობათა ასლები, რომლებიც მთელი სისავსით წარმოგვიდგენენ საბადოთა მფლობელებისა და მოიჯარადრე გერმანული ფირმის ურთიერთობას, იჯარის პირობებს და სხვ. განსაკუთრებით საყურადღებოა დოკუმენტი: «Ведомость земельных участков, приобретенных Гельзенкирхенским горнопромышленным акционерным обществом»².

უწყისი გვიჩვენებს, რომ ო. გილერტისა და „შალკე“-საგან მიღებულ საიჯარო ხელშეკრულებათა ჩაუთვლელად „გელზენკირხენმა“ 1909 წელს ჭიათურის სამრეწველო რაიონში მიწის მფლობელებთან დადო 35 საიჯარო ხელშეკრულება, 1910 წელს—27, 1911 წელს—40, 1912 წელს—72, 1913 წელს—70, ხოლო 1914 წლის პირველ ნახევარში—71³. როგორც ვხედავთ, „გელზენკირხენი“ უფრო და უფრო აქტიურად მოქმედებდა მარგანეცის საბადოთა ხელში ჩასაგდებად. ამ ოპერაციებზე მან ხელი აიღო მხოლოდ 1914 წლის იენისიდან, როცა მისთვის ცნობილი გახდა მსოფლიო ომის მოახლოება. აქვე აღსანიშნავია, რომ ფირმა მიწების იჯარით აღებას დაეწაფა მადნის ყველაზე უმდიდრეს საბადო ზეგნებზე—მღვიმეცში, რგანში, ითხვისში, პერევისაში, შუქრუთში და უნდა ვიფიქროთ, რომ მას შეეძლო რამდენიმე წელიწადში ხელთ ეგდო საბადოთა მთელი აუზი, პირველი მსოფლიო ომი რომ არ დაწყებულიყო. ამაზე მეტყველებს მთელი

¹ ЦГИАЛ, ф. 23, оп. 28, д. 515, л. 1—126; ф. 23, оп. 28, д. 514, л. 265 об.

² ЦГИАЛ, ф. 23, оп. 28, д. 515, л. 1—121.

³ * ქვე, ურტ. 1—121.

მისი მოქმედება 1909—1914 წლებში. საკმარისია აღინიშნოს, რომ 1914 წლის ივლისში „გელზენკირხენის“ პორთფელში აღმოჩნდა სულ 411 საიჯარო ხელშეკრულება და ნასყიდობის მოწმობა⁴, რომელთა ძალით მან, უპირატესად იჯარით აიღო მიწები 625 პირისაგან⁵.

«Все договоры совершены домашним, нотариальным, явочным и крепостным порядком, имеются два запродажные записи...»⁶

ეს ხელშეკრულებები ერთმანეთისაგან განსხვავდება გაფორმებით, მოქმედების ვადით. დიდი ნაწილი შეეხებოდა საბადოთა წიაღს და არა ზედაპირს, ნაწილიც თვით „მიწის ზედაპირს“, ცალკეულ შემთხვევაში „ტყეს“⁷, ანუ სხვანაირად მადნიან ან უმადნო მიწებს.

411 ხელშეკრულებიდან 295 ხელშეკრულებით „გელზენკირხენს“ აუღია მადნიანი, ანუ საბადო ნაკვეთები. აქედან მას რგანში საბადოები აუღია 98 საიჯარო ხელშეკრულებით, პერევისაში—127, ითხვისში—42, ხოლო მღვიმევეში—28 ხელშეკრულებით.

დასახლებულ ფირმას 116 ხელშეკრულებით აუღია უმადნო მიწები (გზების, ნაგებობების, მადნის გამამდიდრებელი ფაბრიკის გასამართავად), აქედან პერევისაში—33, შუქრუთში—9, მღვიმევეში—10, ხოლო რგანში—64 ხელშეკრულებით⁸.

ამ ხელშეკრულებებით „გელზენკირხენმა“ მიიღო საბადოები პერევისაში — 182 დესეტინა 398 836 მანეთად და 1914 წლისთვის უკვე გადახდილი ჰქონდა 382 750 მანეთი, ითხვისში — 76 დესეტინა 144 155 მანეთად და უკვე გადაიხადა 144 304 მანეთი, მღვიმევეში— 62,5 დესეტინა 229 103 მანეთად, გადახდილი კი იყო 266 601 მანეთი, ხოლო რგანში—68,3 დესეტინა 162 184 მანეთად, გადახდილი კი ჰქონდა 190 210 მანეთი. „გელზენკირხენმა“ მოხერხებულად და მასივულად გამოიყენა მარგანეცის საბადოთა მფლობელი ღარიბი მოსახლეობის სიდუხჭირე და დიდძალი კაპიტალდაბანდებით ზემოთ დასახლებული ოთხი საბადო ზეგნის ტერიტორიაზე 295 ხელშეკრულებით ხელთ იგდო 388 დესეტინა საერთო ფართობის 852 ნაკვეთი — 988 515 მანეთად.

გარდა ამისა, 116 ხელშეკრულებით „გელზენკირხენმა“ ხელთ იგდო „უმადნო“ მიწები: პერევისაში—25,5 დესეტინა, რაშიც ყოველწლიურად იხდიდა 3 012 მანეთს, შუქრუთში—2 დესეტინა, რაშიც წლი-

⁴ ЦГИАЛ, ф. 23, оп. 28, д. 514, л. 264.

⁵ იქვე, ფონ. 1276, ანაწ. 19, საქ. 1221, ფურც. 29.

⁶ იქვე, ფონ. 23, ანაწ. 28, საქ. 514, ფურც. 567, მეორე გვერდი.

⁷ იქვე, საქ. 508, ფურც. 7, ანაწ. 17, ფონ. 23, ანაწ. 28, საქ. 515, ფურც. 3 — 3.

⁸ იქვე, საქ. 515, ფურც. 1—121.

ურად იხდიდა 450 მანეთს, მღვიმევეში — 7 დესეტინა, წლიურად იხდიდა — 917 მანეთს, ხოლო რგანში — 28 დესეტინა, წლიურად იხდიდა 3 139 მანეთს. ამრიგად, ფირმამ, ჩამოთვლილ ზეგნებზე 116 ხელშეკრულებით მიიღო 63 დესეტინა საერთო ფართობის 190 ნაიკეთი, რაშიც წლიურად იხდიდა 7472 მანეთს, ფაქტიურად 1916 წლამდე გადაიხადა 46 768 მანეთი, რაშიც შედიოდა ფირმის მიერ საიჯარო გადასახადის სახით წინასწარ გასტუმრებული თანხა — 17 697 მანეთი⁹. მას ხაზინისაგან იჯარით ჰქონდა აღებული ჭიათურის რ.ინიგ¹⁰ის სადგურების ბაქნები და საწყობები, რაშიც 1916 წლამდე გადაუხდია 7 148 მანეთი¹¹, ხოლო ინგლისური ფირმისაგან „ძმ. ფორველდები და სელაარი“ გერმანულ ფირმას 1912 წელს შეუძენა „რკინიგზის ჩიხი“ დიდ ჭიქოურში¹². მთელი უმადნო მიწები და რკინიგზის სადგურებზე აღებული ადგილები ფირმას დაუჯდა 60 515 მანეთი.

როგორც ვხედავთ, „გელზენკირხენის“ საბადოები და უმადნო მიწები, ხელშეკრულებათა ძალით სულ დაჯდა (988 515 + 60 515) 1 048 030 მანეთი. აქედან გადახდილი ჰქონდა 982 956 მანეთი, ხოლო მომავალში უნდა გაესტუმრებინა 65 991 მანეთი¹². ფაქტიურად (საორგანიზაციო ხარჯებისა და სხვადასხვა გამოსაღებთა ჩაჯვლით) მთელი ეს ოპერაციები ფირმას დაუჯდა სულ 1 339 425 მანეთი³.

ამგვარად, „გელზენკირხენის“ (ისევე როგორც მეორე გერმანული ფირმის — „კავკასიის საბადოთა ამხანაგობის“) სრებლობაში მოექცა ჭიათურის მარგანეცის მადნის უმდიდრესი საბადოების წინშე ვნელოვანი ნაწილი. ეს გარემოება შეუმჩნეველი არ დარჩენა კავკასიის ადმინისტრაციას, რომლის მესვეური, რამდენადმე მოგვიანებით (1916 წელს) აცნობებდა იმპერიის მინისტრთა საბჭოს: „დაიწყეს რა საქმიანობა დამზადებული მადნის შესყიდვით, გერმანული ფირმები გადავიდნენ მარგანეცის მადნის საბადოთა ს-სტრუქტურ შესყიდვაზე. კონკურენტის უყოლობის გამო ორმა გერმანულმა საიჯარო ფირმამ უქანასკნელ ათ წელიწადში შეძლო შეეძინა, უმთავრესად საიჯარო უფლებით, 700 დესეტინაზე მეტი, საიდანაც 500 დესეტინაზე მეტი საუკეთესო საბადოებია ჭიათურის რაიონში“¹⁴. ამავე დროს გერმანული ფირმა ცდილობდა მიწების აღება ისე ეწარმოე-

⁹ ЦГИАЛ, ф. 23, оп. 28, д. 515, л. 35, 55, 61, 90, 122.

¹⁰ იქვე, საქ. 514, ფურც. 262.

¹¹ იქვე, ფურც. 449, მეორე გვერდი.

¹² იხ. ცხრილი, რომლის მონაცემებს ამ შემთხვევაში ვეყარებით (ЦГИАЛ, ფ. 23, оп. 28, д. 514, л. 280—281).

¹³ იქვე, ფურც. 281, მეორე გვერდი.

¹⁴ იქვე, ფურც. 1276, ანაწ. 19, საქ. 1221, 1916 წ. ფურც. 26; ფონ. 23, ანაწ. 28, საქ. 514, ფურც. 6.

ბინა. რომ საუკეთესო საბადოების ხელში ჩაგდებასთან ერთად უზრუნველყო ადგილობრივი მოსახლეობისა და სხვადასხვა უცხოური ფირმების საკუთრებასა თუ სარგებლობაში დარჩენილი მიწის ნაკვეთების გარემორტყმა. ამ ნაკვეთების ირგვლივ „გელზენკირხენი“ ხშირად ისეთ უმადნო მიწებსაც იღებდა, რომლებიც მას უმთავრესად მხოლოდ სხვა, ადგილობრივ თუ უცხოელ მეწარმეთა საბადოებიდან მადნის გასაზიდი გზების ჩასაკეტად გამოადგებოდა. ამგვარ „აღყაში“ მოაქცია მან ინგლისური და ფრანგული ფირმების საბადოები რგანსა და მღვიმევეში. ამასთანავე საბადოების აღებისას ის გაურბოდა განაპირა ნაკვეთების აღებას, იმ ვარაუდით, რომ სხვა მეწარმე მათ ხელს არ მოკიდებდა და მომავალში თვითონვე დაისაკუთრებდა. გერმანული ფირმების, მათ შორის, უპირველეს ყოვლისა „გელზენკირხენის“ ამგვარი მოქმედების დახასიათებისას მეფისნაცვალმა 1916 წელს ასევე აღნიშნავდა: „თუ მხედველობაში მივიღებთ, რომ საუკეთესო საბადოების ფართობი არც თუ ისე დიდია და მათი მნიშვნელოვანი ნაწილი, ადრე უსისტემო მუშაობის შედეგად, გამოუსადეგარია სწორი ექსპლოატაციისათვის, იმ დასკვნაზე მივალთ, რომ გერმანულმა ფირმებმა დაიპყრეს ყველაზე საუკეთესო საბადოები დიდი ნაკვეთების სახით. დარჩენილი მიწები მცირე, უცხოელთა მიერ შექმნილი საბადოების განაპირა ნაკვეთებია, ან შეიცავენ მადნის მეტისმეტად ღარიბ და უხარისხო ფენებს, რომელთა ექსპლოატაცია არცაა მომგებიანი“¹⁵.

„გელზენკირხენი“ სოლიდური კაპიტალის დაბანდებით საუკეთესო საბადოთა მნიშვნელოვან ნაწილს დაეპატრონა. მან მტკიცედ გაიღვა ფესვები ყველაზე საუკეთესო საბადო ზეგნებზე და იმთავითვე შეუდგა საბადოთა სამრეწველო ექსპლოატაციის რაციონალურად მოწყობას. წარმოების აღჭურვას მოწინავე ტექნიკის ფართოდ დანერგვისა და გამოყენების საფუძველზე.

„გელზენკირხენის“ საწარმოთა მატერიალურ ტექნიკური ბაზის შექმნა (ტექნიკური მოწყობილობა, ნაგებობანი, ინვენტარი). გერმანიის საფინანსო და სამრეწველო კაპიტალის წარმომადგენელთა სააქციო გაერთიანებას, ბუნებრივია, არ გაუჭირდა თავის საწარმოთა მატერიალურ-ტექნიკური აღჭურვა და აუცილებელ ნაგებობათა გამართვა ჭიათურის სამრეწველო რაიონში, რომელიც 1909—1914 წლებში „გელზენკირხენის“ საწარმოთა და ნაგებობათა ფართო ქსელით დაიფარა. ფირმამ

¹⁵ ЦГИАЛ, ф. 23, оп. 28, д. 514, л. 6.

სარგებლობისა თუ საკუთრების უფლებით შექმნილ მიწებზე გამართა საგებობანი და ტექნიკური მოწყობილობა: კი ა თ უ რ ა შ ი ა ა გ ო ო რ ი ო რ ს ა რ თ უ ლ ი ა ხ ი კ ვ ი ტ კ ი რ ი ს ს ა ხ ლ ი ა დ მ ი ნ ი ს ტ რ ა ც ი ა ს და კ ა ნ ტ ო რ ი ს ა თ ე ს, ერთი 'შერეული ტიპის სახლი, შეიძინა ბეგთაბეგოვის ორსართულიანი კვიტკირის სახლი, გაძართა დამხმარე ხაგეიოიახი, გაიჩინა იაქხები და შადნის საწყობები; რ გ ა ნ შ ი ა ა გ ო შ ძ ლ ა ვ რ ი გ ა მ ა მ დ ი დ რ ე ბ ე ლ ი ფ ა ბ რ ი კ ა, რომელიც საპაერო-საბაგირო გზით, ბრემსბერგით და რელსებიანი გზით დაუკავშირა რგანი-სავე საბადოებს, აქვე გაძართა შან ორსართულიანი სახლი მოსამსახუროებისათვის, სახლი -- სახელოსნო-სამჭედლო, რკინის ძასალისა და ინვესტარის, ასევე დენთის საწყობები, კვიტკირისა და ხის საცხოვრებელი სახლები, ხ ა ვ ა რ ძ ე თ შ ი — ო რ ი სა ხ ლ ი და ა უ შ ი; შ ღ ვ ი ძ ე ვ შ ი, პ ე რ ე ვ ი ს ა შ ი და ი თ ხ ე ი ს შ ი — კ ა ხ ტ ო რ ი ს, მოსამსახურეთა. ქუშათა, აგოეთვე სახელოსნო-სამჭედლოებისა და შადნის დასაწყობად გახუთენილი კვიტკირისა და ხის სახლები. ფირმამ მოაწყო ლაბორატორია, ტექნიკური განყოფილება, ტექნიკურად მოწყობილი გზები გაძართა რგაასა და ითხვისთი, 17 ადგილას დადგა სასწორები, მოზიდა სხვადასხვა სახისა და დანიშნულების აურაცხელი ძასალა (რელსები, რკინის ვაგონეტები, საბაგირო გზისა და ბრემსბერგის მოწყობილობა და სხვ.), სამუშაო იარაღები და ინვენტარი, საცხოვრებელი სახლების მოწყობილობა (ავეჯი) და სხვ. ფიოფას ფოთშიც აკოდა რაშდენიმე სახლი, დამხმარე ხაგებობა, ბაქხები და საწყობები. მთელი ეს უძოავ-მოდრავი ქონება კიათურასა და ფოთში დეტალურად აღწერა და თ ვ ი თ ღ ი რ ე ბ უ ლ ე ბ ი ს მ ი ხ ე დ ვ ი თ 'შეაფასა მთავრობის მიერ გერმანული ფირმების სალიკვიდაციოდ შექმნილმა სამმართველომ. აღწერა-შეფასების უწყისები ორ ტომს 'შეადგენს'. ჩვენთვის ცხადი ხდება, რომ ფირმას 3 ორსართულიანი სახლი და დამხმარე ნაგებობანი კიათურაში დაუჯდა 104 309 მანეთი, ხოლო სალიკვიდაციო სამმართველომ შეაფასა 94 833 მანეთად², ბეგთაბეგოვის ყოფილი სახლი კი 5763 მანეთად³.

კიათურის მარგანეცის მრეწველობის ინდუსტრიულად გარდაქმნის საილუსტრაციოდ საგანგებო ყურადღებას იმსახურებს „ველზენკირხენის“ შადნის გამამდიდრებელი ფაბრიკა, რომელიც, სპეცი-

¹ პირველი: «Сводная ведомость по оценке построек и сооружений Гельзенкирхенского горнопромышленного предприятия» (იხ. ЦГИАЛ, ფ. 23, ოპ. 82, დ. 509, ლ. 2—62 ობ.); მეორე: «Гельзенкирхенское общество. Опись и оценка инвентаря и материалов» (იხ. ЦГИАЛ, ფ. 23, ოპ. 28, დ. 512, ლ. 1—73).

² ЦГИАЛ, ფ. 23, ოპ. 28, დ. 509, ლ. 4—8.

³ იქვე. ფურც. 10.

აღისტების აღიარებით, ტექნიკის უკანასკნელი სიტყვის მიხედვით აშენდა და 1913 წელს შევიდა ექსპლოატაციაში⁴. კვიტკირის ხუთ-სართულიან, რკინით გადახურულ სახლში მოთავსებულ ფაბრიკაში, როგორც ამას მოწმობს მისი მატერიალურ-ტექნიკური აღჭურვილობის დეტალური აღწერის აქტი, მთელი საწარმოო პროცესი (საბადოდან მადნის მიღება, დანაყვა-დამსხვრევა, დახარისხება, გარეცხვა, გაშრობა და რკინიგზის შტოს სადგურზე გადაზიდვა) მექანიზებული იყო. ფაბრიკის მანქანების სისტემა „საერთო ძრავას“ („მთავარ მოტორს“) მოჰყავდა მოქმედებაში⁵. მას ამოძრავებდა: 1. ასცხენისძალიანი ნავთობის ძრავა (პორიზონტალური, კერტინგისა, მთელი თავისი მოწყობილობით, მქნევართი, რომელიც წუთში 180 ბრუნს აკეთებდა); 2. დინამომანქანა (მუდმივი დენისა 230 ვოლტ., 143 ამპერისა, წუთში 1400 ბრუნით), რომელსაც გააჩნდა გამანაწილებელი დაფა მთელი თავისი მოწყობილობით; 3. ელექტროძრავა (220 ვოლტ-98 ამპ., რეოსტატით, წუთში 2300—2600 ბრუნით)⁶. ფაბრიკას გააჩნდა: 1. ორი ერთნაირი ხის აუზი, გარსშემოკრული მოთუთიებული რკინით, რომელიც განკუთვნილი იყო გამამდიდრებელი ფაბრიკის მექანიზმების მუშაობასთან დაკავშირებით საჭირო წყლისათვის; 2. გასამდიდრებელი მადნის მიმღები, 800 ფუთის ტევადობის ბელელი. რომელიც შიგნით ამოპერანგებული იყო რკინის სქელი ფურცლებით; 3. ცილინდრული დოლი რკინისა (4 მეტრის სიგრძისა და 1,5 მეტრის დიამეტრისა), რომელთანაც იყო მიმაგრებული კონუსური დოლი (1,5 მეტრის სიგრძისა და 1,25 მეტრის დიამეტრისა, 30 მილ. მეტრიანი ნახვრეტებით). დოლი მოძრაობაში მოდიოდა მთავარი ძრავასაგან კბილანა გადაცემის სისტემით, 4. კონუსური გამყოფი დოლი რკინისა (4,25 მეტრის სიგრძისა, 1,75 მეტრისა და 1,25 მეტრის დიამეტრისა, 30-მილიმეტრიანი დიამეტრის ნახვრეტებით). გარე დოლი (2,5 მეტრის სიგრძისა, 3,5 მილიმეტრის დიამეტრის ნახვრეტებით), რაც მოძრაობაში მოდის მთავარი ძრავას ძალით; 5. ორი ერთნაირი კონუსური დამყოფი დოლი რკინისა (სიგრძით თითო 3 მეტრისა, დიამეტრით 1,25 და 1 მეტრისა, 6 და 1,8 მილიმეტრიანი ნახვრეტებით, სადგარის სიგრძე იყო 1,5 მეტრი, სიგანე 1,9 მეტრი, წონა 223 ფუთი...) 7. რკინის მოძრავი საკვალთი, ეკოცენტრით, რკინის გორგოლაჰზე, რომელიც მისაღები ბელლიდან მადანს აწვდიდა დიდ დოლს და მოძ-

⁴ ЦГИАЛ, ფ. 23, ოპ. 28, დ. 509, л. 11—14; სსსა. ფონ. 13, ანაწ. 12, საქ. 325, ფურც. 69.

⁵ ЦГИАЛ, ფ. 23, ოპ. 28, დ. 509, л. 14.

⁶ იქვე.

რაობაში მოდიოდა (განსაკუთრებული მოწყობილობით) ფაბრიკის მთავარი ძრავას ძალით; 8. სალექი ცხრილი სამი განყოფილებით, დგუშით და საცერით, მთელი თავისი მოწყობილობით... 9. რკინის ძაბრები; 10. რკინის ამწე (ელევატორი) შიდა პირდაპირი ნიჩბებით, — გაუხვებული მადნის ასაღებად საერთო წყალსაგროვიდან და წყლისაგან მადნის გასათავისუფლებლად (მადნის გაშრობა). ეს მექანიზმიც საერთო ძრავას ძალით მოქმედებდა. 11. ხის ბეღელი ფუჭი ქანების დასაჰერად 15. ცენტრიდანული ტუმბო... 17. დგუშისანი ტუმბო... 18 ტრანსმისიანი რკინის ლილვი და მისი საკისარები... 20. გასაერთიანებელი ქურო... 21. ხახუნა ქურო გადასაბმელი მოწყობილობით, მთავარი ტრანსმისიის ასამოძრავებლად... 23. მანოძრავებელი ღვედები ერთი ჩვეულებრივი ტყავისა, მეორე აქლემისა, მესამე „დიკა-ბალასტისა“... 25. მილები, ერთი თუჯისა, მეორე რკინისა და სხვ.⁷ ქარხანა უზრუნველყოფილი იყო ელექტროგანათებითა და ცენტრალური გათბობით, აუზებითა და სხვადასხვა რეზერვუარით, წყლის საქაჩავი ტუმბოებითა და სხვ.

ფაბრიკის შენობისა და დამხმარე ნაგებობების მშენებლობა გერმანულ ფირმას 72 651 მანეთი დაუჯდა; ხოლო ფაბრიკის მოწყობილობა, მანქანები და მექანიზმები — 73 403 მანეთი⁸. სალიკვიდაციო სამმართველომ ის შეათასა 146 055 მანეთად⁹. როგორც აღვნიშნავდით, გამამდიდრებელი ფაბრიკა მადნის მექანიკური გადასაზიდი ხაზებით ერთი მხრივ დაკავშირებული იყო საბადოსთან, ხოლო მეორე მხრივ რკინიგზის შტოსთან. ფირმის მალაროებიდან მადნის მიწისქვეშა ზიღვა ვიწროლიანდაგიანი რკინიგზით იღებოდა. ეს გზა უშუალოდ უკავშირდებოდა როგორც საპაერო-საბაგრო, ისე ბრემსბერგის ზედა სადგურის ბაქნებს, საიდანაც დასახელებული გზებით მადანი მიემართებოდა გამამდიდრებელი ფაბრიკისაკენ, კერძოდ, საპაერო-საბაგრო გზით მადანი მიემართებოდა ფაბრიკის „ძაბრში“. რომლის ქვეშ მოთავსებული რეგულატორი მადანს თანაბარი ზომით აწვდიდა სარეცხ დოლს, სადაც მადანი წყლის უძლიერესი ნაკადის მეშვეობით თავისუფლდებოდა ფუჭი ქანისა და ლამისაგან. ლამი გადადიოდა საცერში, ხოლო მადანი გადმოდებოდა დოლიდან. რეცხვის დროს ლამთან ერთად გაყოლილი მადანი კვლავ ირეცხებოდა — ირჩეოდა, დანაკარგი გამორიცხული იყო¹⁰.

ფირმის მიერ რგანის საბადოებიდან ფაბრიკამდე გაყვანილი ტექ-

⁷ ЦГИАЛ, ф. 23, оп. 28, д. 509, ფურც. 11—14.

⁸ იქვე, ფურც. 14—17.

⁹ იქვე, ფურც. 17.

¹⁰ Отчет Кавказского горного управления за 1913 год, 1914, გვ. 91.

ნიკურად მოწყობილი უსასრულო ტიპის საპაერო-საბაგირო გზის სიგრძე 620 საყენს შეადგენდა და მასზე მოძრაობდა თითო 26 ფუთის ტევადობის რკინის 28 დაკიდული ვაგონები¹¹. გზას გააჩნდა ყოველგვარი მოწყობილობა და ორი სადგური. მისი მშენებლობა ფირმას 74 404 მანეთი დაუჯდა¹². „გელზენკირხენჰა“ მოაწყო ტექნიკურად საუცხოოდ გამართული ბრემსბერგი 57 საყ. სიგრძის, 90 ფუთის ტევადობის ორი ვაგონებითა და სატვირთო ბაქნით¹³. ბრემსბერგის ზედა სადგური უშუალოდ, რელსებიანი გზით, იყო დაკავშირებული მალაროსთან. რელსებიანი გზის სიგრძე 194 საყენს შეადგენდა და მასზე მოძრაობდა 35—40 ფუთის ტევადობის რკინის 14 ვაგონები. მთელი ამ გზების გამართვა ფირმას დაუჯდა 5 499 მანეთი.

რგანში გაჰამდიდრებელი ფაბრიკიდან საბადოებამდე გამართული საპაერო-საბაგირო გზის ზედა ბაქნიდან უშუალოდ მალაროში იყო შეყვანილი ვიწროლიანდაგიანი რკინიგზა, რკინის 31 ვაგონებით. მისი მოწყობილობა ფირმას დაუჯდა 8 044 მანეთი. ფირმამ მღვიმევეშიც გამართა ასეთი გზა, 564 საყ. სიგრძისა, 7 ვაგონებით. რაც დაუჯდა 3 538 მანეთი, ხოლო ჭიათურაში 162 საყ. სიგრძის რკინიგზის ჩიხი—5 760 მანეთი.

გაჰამდიდრებელი ფაბრიკის ირგვლივ აშენებული ქვიტკირისა და ხის საცხოვრებელი და სამეურნეო ნაგებობების, სახელოსნო-სამკედლოს და საწყობების მშენებლობა ფირმას 19 326 მანეთი დაუჯდა¹⁴. ფაბრიკის მახლობლად, მდ. ყვირილას მარჯვენა მხარეზე, ფირმამ ააგო ქვიტკირისა და ხის (თუნუქითა და ყავრით გადახურული) დამხმარე ნაგებობები, რაც დაუჯდა 4 187 მანეთი. რგანში აგებული

¹¹ დოკუმენტში ვკითხულობთ, რომ ამ გზაზე «Подвесные вагонетки движатся (с автоматическими, патентованными) захватами (Блейхарта) подвижным автоматическим смазывающим прибором (патентованным) и телеграфною сигнализацией. На грузочной при рудниках станции установлены на бетонном фундаменте тормозное и натяжное устройства, каменные на цемент. фундаменте на протяжении 56 пог. саж. для 23 железных рам. склепаных из углового и железчатого железа. Здесь же имеются весы для взвешивания груженых вагонов на приемной станции каменной на цементе и бетонный фундамент и тяжелые противовесы для выравнивания провесов канатов. Длина станции 25,40 метра; станция крыта железом. Канаты стальные: ведущий грузовой 32 мм, ведущий порожный 23 мм, тянувший 18 мм» (ЦГИАЛ. ф. 23. оп. 28. д. 509, л. 18—19).

¹² ЦГИАЛ. ф. 23. оп. 28. л. 509, л. 19.)

¹³ იქვე, ფურც. 46. საბუთში ვკითხულობთ, რომ «При бремсберге грузочная платформа с площадью протяжением 15 саж». (იქვე, ფურც. 46—47).

¹⁴ ЦГИАЛ, ф. 23, оп. 28, д. 509, л. 47, 51, 57, 58, 22—23.

ნაცხოვრებელი სახლებისა და მუშათა ყაზარმების, სახელოსნოსა და ინვენტარ-მოწყობილობის საწყობების მშენებლობაზე დაიხარჯა 25 258 მანეთი. ამგვარივე ნაგებობის მშენებლობა მღვიმევეში ფირმას დაუჯდა 1 046 მან. მეჩხერაში—325 მან, ითხვისში—4 215 მანეთი და სხვ. „გელზენკირხენის“ მთელი ეს ტექნიკური მოწყობილობა და ნაგებობანი ფირმის სალიკვიდაციო სამმართველომ შეაფასა (რამდენადმე შემცირებული თვითღირებულების მიხედვით) 388 220 მანეთად¹⁵. ხოლო მისი კუთვნილი სამრეწველო-სამეურნეო ინვენტარი, მოწყობილობა-მასალები და ავეჯი, რაც ფირმას 71 645 მანეთი დაუჯდა, შეფასდა 52 925 მანეთად.

სალიკვიდაციო სამმართველომ ერთგვარი გაოცებაც კი გამოთქვა ფირმის საწყობებში შენახული რეღსების, საბაგრო გზების სამშენებლო, ასევე სხვა ტექნიკურ მოწყობილობათა და მასალების მარაგის სიდიდის გამო. ფირმის საწყობებში არსებული უზარმაზარი მარაგი, უამრავი „გეგმები და ნახაზები“ თვალნათლივ გვიჩვენებენ, თუ რაოდენ ფართო მასშტაბის სამუშაოები ჰქონდა განზრახული „გელზენკირხენს“ თავის საწარმოთა მატერიალურ-ტექნიკური შეიარაღებ-ს გასაძლიერებლად¹⁶. ამრიგად, დავინახეთ. რომ „გელზენკირხენმა“ რამდენიმე წელიწადში შეძლო ჭიათურის აუზში დასაყუთრებულ საბადოთა სამრეწველო ექსპლოატაციის ინდუსტრიულად მოწყობა და ის ამ მიმართულებით (1914 წლის ივლისამდე) განაგრძობდა და აძლიერებდა საქმიანობას იმდროინდელი ტექნიკის უკანასკნელი მიღწევების გამოყენების ბაზაზე.

„გელზენკირხენის“ ზრუნვა ოპერაციების გასაფართოებლად და ქობულეთში საკუთარი ნავსადგურის მოსაწყობად. ფირმის ოპერაციები თავი იმასშტაბითა და ხასიათით ვერ თავსდებოდა „უმალესად“ დამტკიცებული წესდების ფარგლებში. ამიტომ მან განიზრახა უფრო ფართო ოპერაციების წარმოების უფლების მოპოვება. ამ მიზნით „საზოგადოებამ“ 1912 წლის 30 მარტს ბერლინში მოიწვია აქციონერთა საერთო კრება, რომელმაც მიიღო გადაწყვეტილება, „იშუამდგომლოს რუსეთის უმაღლესი მთავრობის წინაშე, რათა მან უფლება მისცეს საქციო საზოგადოებას გააფართოოს თავისი საქმიანობა შემდეგი ოპერაციებით: 1. ნედლი და დამუშავებული მადნის, რკინის, ფოლადის, ქვანახშირის, კოქსის, ყოველგვარი სასუქების, ცემენტის, მარცვლეულის, პურის და სხვა პროდუქტების გაზიდვა-შემოზიდვით და ამ

¹⁵ ЦГИАЛ, ф. 23, оп. 28, д. 509, л. 26—27, 20, 34, 38, 39.

¹⁶ ЦГИАЛ, ф. 23, оп. 28, д. 512, л. 73, 60.

პროდუქტებით ვაჭრობით, როგორც თავისთვის, ისე სხვისი დავალებით და 2. ელევატორების და სატრანსპორტო საქონლის დატვირთვა-გადატვირთვის სხვადასხვა საშუალებათა მშენებლობით როგორც საკუთარ, ისე იჯარით აღებულ მიწებზე...“. ყველა ამ ოპერაციისათვის განკუთვნილი იყო 600 000 მარკა. ზემოთ დასახელებული შუამდგომლობა პეტერბურგში და თბილისში განხილვის სტადიაში იყო, როცა „გელზენკირხენმა“ 1912 წლის აგვისტოში რუსეთის მთავრობას და კავკასიის ადმინისტრაციას მიმართა მეორე შუამდგომლობით, რომლითაც თხოულობდა ნება დაერთოთ აეშენებინა მარგანეცის მადნისა და სხვადასხვა საქონლის დასატვირთი საექსპორტო ნავსადგური ქობულეთის მახლობლად (შავი ზღვის სანაპიროზე)¹. მეფისნაცვალის კავკასიაში, ისევე როგორც რუსეთის ვაჭრობისა და მრეწველობის სამინისტრო, გერმანული ფირმის შუამდგომლობას თავდაპირველად თანაგრძნობით მოეკიდა, მაგრამ მალე საქმეში ჩაერია, ერთი მხრივ, რუსეთის სამხედრო სამინისტრო, ხოლო, მეორე მხრივ, მეფისნაცვლის თანაშემწე სამხედრო ნაწილში. უკანასკნელმა აცნობა პეტერბურგში, რომ „გელზენკირხენის“ შუამდგომლობა სამხედრო უწყების ინტერესების თვალსაზრისით განიხილა „კავკასიის სამხედრო ოკრუგის შტაბმა“, რომელიც იმ დასკვნამდე მივიდა, რომ «В случае войны Кавказским войскам предстоит серьезная задача оборонить беззащитный Потийский порт от опасности высадки осадных орудий, направленных против Батумской крепости, а потому тем более не следовало бы осложнять эту задачу другую, еще более трудную, а именно — необходимостью оборонять от такой же опасности Кобулетский порт, еще более близкий к Батумской крепости, сооруженный и эксплуатируемый германской фирмой и представляющий для Батума такую же опасность, какую угрожал Порт-Артуру порт Дальний». მეფისნაცვლის თანაშემწემ სამხედრო ნაწილში, გენერალმა შტილოვმა, 1913 წლის მარტში აცნობა სამხედრო სამინისტროს, რომ „მობილიზების მოტივითა და ოპერატიული მოსაზრებებით ასეთი ნავსადგურის მოწყობა ცინე-სიმაგრესთან ესოდენ ახლო-მეზობლად უდავოდ დაუშვებელია“. გერმანული ფირმის მიერ ნავსადგურის მოწყობის წინააღმდეგ ხმა აიმაღლა სამხედრო სამინისტრომაც, ხოლო ფირმის შუამდგომლობას სხვა ოპერაციების გაფართოების უფლების მოსაპოვებლად მთავრობის ორგანოები თანაგრძნობით მოეკიდნენ. რუსეთის ვაჭრობისა და მრეწველობის სამინისტრო, რომელიც მხა-

¹ ЦГИАЛ, ф. 23, оп. 14, Д. 507, л. 14—15, 2—2, об.

რის ეკონომიური გაძლიერების მოტივით თავიდანვე მისაღებად თვლიდა ქობულეთში ნავსადგურის მშენებლობასაც კი, მხარს უჭერდა „გელზენკირხენის“ შუამდგომლობას². უკანასკნელს მაინც უარი ეთქვა ნავსადგურის მშენებლობაზე, ხოლო სხვა ოპერაციებზე ნებართვის მიცემამდე მსოფლიო ომი დაიწყო.

რუსეთის მთავრობამ ომის დაწყებისთანავე გაამახვილა ყურადღება „გელზენკირხენის“ ცდებზე ქობულეთში ნავსადგურის ასაგებად. ამასთან დაკავშირებით ფინანსთა მინისტრი, 1914 წლის 26 ოქტომბერს აცნობებდა ი. გორემიკინს: «Одно время Вильгельмовское предприятие задалось целью создания специальной гавани в широком масштабе в м. Кобулетах, в 20 верстах от Батума. Какие коммерческие цели преследовали чуждые нам немецкие предприниматели в создании плана оборудования широкого порта многомиллионной стоимости при громадных естественных и технических трудностях рядом с прекрасно устроенным Батумским портом — не трудно догадаться. Устроители, безусловно имели в виду открытие морских дверей и легкого доступа к Батумской крепости»³. ადვილი შესაძლებელია, რომ ამ მოსაზრებასა და გერმანული ფირმის ნამდვილ განზრახვას შორის კავშირი არსებულებო. უნდა შევნიშნოთ; რომ „გელზენკირხენს“, რომელიც მჭიდროდ იყო დაკავშირებული გერმანულ სავაჭრო-სამრეწველო-სატრანსპორტო ფირმა დეიჩერ კაიზერთან⁴ და ინგლისურ „სატრანსპორტო კომპანია — ვოტანთან“, შავი ზღვის აუზში საკუთარი ნავსადგურის შესაქმნელად ზრუნვა, როგორც ჩანს, მხოლოდ 1912 წელს არ დაუწყია. სავარაუდოა, რომ 1914 წელს, ომის დაწყების შემდეგ, რუსეთის საგარეო საქმეთა სამინისტროს მიერ ინგლისიდან მიღებული ცნობა „გელზენკირხენის“ კომპანიის მიერ (დეიჩერ კაიზერთან ერთად) ნიკოლაევში ფართო დანიშნულების ელევატორის აშენების შესახებ⁴, არ იყოს საფუძველს მოკლებული.

ს ა ბ ა დ ო თ ა ს ა მ რ ე წ ვ ე ლ ო ე ქ ს პ ლ ო ა ტ ა ც ი ი ს და წყ ე ბ ა. ზემოთ გავეცანით იმის მიზეზებს, თუ რატომ არ ჩქარობდა და შეგნებულად აყოვნებდა „გელზენკირხენი“ თავის საბადოთა სამრეწველო ექსპლოატაციის ჭიათურის აუზში. მან პირველად 1910

² ЦГИАЛ, ф. 23, оп. 28, д. 507, л., 4, 11, 16—39.

³ ЦГИАЛ, ф. 23, оп. 14, д. 507, л. 21.

⁴ ЦГИАЛ, ф. 23, оп. 28, д. 510, л. 3.

წელს წამოიწყო მადნის მოპოვება რგანში, მომავალი გამამდიდრებელი ფაბრიკის მახლობლად.

ჩვენ არ გავვაჩნია ზუსტი ცნობა ფირმის მიერ მოპოვებული მადნის რაოდენობაზე. სამაგიეროდ ვიცით, რომ რგანში ყველა შტოლნის საერთო სიგრძე 1002 საეენს უდრიდა, მათი საშუალო სიგანე 1 საეენს. ხოლო საბადოს წიაღში მადნის უკვე დამუშავებული ფენების ფართობი 1 002 კვ. საეენს, გაწეული წმენდითი სამუშაოებისა — 1245 კვ. საეენს, სამთო გამონამუშევრების მთელი ფართობი კი სულ 2 247 კვ. საეენს შეადგენდა.

1910 წლის მიწურულს გერმანულმა ფირმამ დაზვერვითი და მოსამზადებელი სამუშაოები აწარმოვა მღვიმევეში დასაკუთრებულ საბადოთა საექსპლოატაციოდ. სააქციო საზოგადოების ლიკვიდაციის დროისათვის აქ სამთო გამონამუშევრების საერთო სიღრმე 875 საეენს არ აღემატებოდა, მათი სიგანე კი ერთ საეენს. წმენდით სამუშაოს აქ ადგილი არ ჰქონია. მადანი გამოღებული იყო 875 კვ. საე. ფართობზე. ფირმამ ითხვისში უმთავრესად დაზვერვითი სამთო სამუშაოები აწარმოვა¹. სალიკვიდაციო სამმართველომ ფირმის საბადოთა საერთო ფართობი მღვიმევეში, რგანსა და ითხვისში, — უკვე დამუშავებული ფენების საერთო ფართობის შესაბამისად, — შემცირებულად ჩათვალა². მოტანილი, არაპირდაპირი ცნობები გვიჩვენებენ, რომ ფირმა უკვე ფართოდ შეუდგა საბადოთა სამრეწველო ათვისებას, ცნობები მიგვითითებენ იმაზე, რომ 1914 წელს, სამრეწველო რაიონიდან 12 მილიონი ფუთის გაზიდვის მიუხედავად, მას მარაგის სახით მარტო ჭიათურაში გააჩნდა 1 642 746 ფუთი საკუთრივ მოპოვებული მადანი³.

* * *

გავეცანით მძლავრი გერმანული ფირმის „გელზენკირხენის“ მიერ ჩვენში გაჩაღებულ კომერციულ და სამრეწველო საქმიანობას, დაეინახეთ, რომ ის ენერგიულად განახორციელებდა ფართო ეკონომიურ ექსპანსიას, წარმატებით იკაფავდა გზას ჭიათურის მარგანეის მრეწველობაში მონოპოლიური ბატონობისაკენ. მაგრამ ამ გზაზე ის შეაჩერა პირველმა მსოფლიო ომმა, რომლის დაწყების შემდეგ რუსეთის მთავრობამ გააუქმა ჭიათურაში მოქმედი გერმანული ფირმები.

¹ ЦГИАЛ, ф. 23, оп. 28, д. 509, л. 50—51, 56—57, 58.

² იქვე, ფურც. 51, 57, 58.

³ ЦГИАЛ, 23, оп. 28, д. 511, л. 42, об.

საამისოდ შექმნილმა სალიკვიდაციო სამმართველომ „გელზენკირხენის“ მთელი უძრავ-მოძრავი ქონება ქიათურაში (თვითღირებულების მიხედვით, სალიკვიდაციოდ ხარჯების გამოკლებითა და თვითღირებულების რამდენადმე შემცირებითაც) ასე შეაფასა¹: ფირმის საკუთრებასა და დროებით სარგებლობაში არსებული მიწები და ბაქნები — 1 354 760 მანეთად, ნაგებობანი და მოწყობილობა — 388 320 მან., მადნის მარაგი — 777 564 მან., ინვენტარი — 52 926 მან., სალარო — 501 მან., დებიტორებზე ირიცხებოდა — 104 787 მან, სულ -- 2 678 858 მანეთი.

ახლა გავეცნოთ სხვა გერმანული ფირმის მოქმედებას ქიათურის მრეწველობასა და მისი ნაწარმის შესყიდვა-ექსპორტის სფეროში.

გ. „კავკასიის საბადოთა ამხანაგობა, შეზღუდული პასუხისმგებლობით“

(„Caucasischen Crubenverein, Gesellschaft mit beschränkter Haftung“)

გერმანული კაპიტალის პოზიციებს ქიათურის მარგანეცის მრეწველობაში, პირველი მსოფლიო ომის წინა წლებში („გელზენკირხენის“ პარალელურად) განამტკიცებდა მეორე მსხვილი ფირმა „კავკასიის საბადოთა ამხანაგობა“, რომელიც რუსეთში ოპერაციებისათვის დაშვებულ იქნა 1911 წლის სექტემბერში, „უმალესად“ დამტკიცებული წესდების საფუძველზე¹. წესდების თანახმად სააქციო საზოგადოებას ნება დაერთო ეწარმოებინა მარგანეცის. ასევე სხვა (ოქროს, ვერცხლისა და პლატინის გარდა) მეტალების საბადოთა შეძენა, იჯარით აღება და ექსპლოატაცია კავკასიასა და იმპერიის სხვა მხარეებში, აგრეთვე მადნეულობის ყიდვა-გაყიდვასთან დაკავშირებული ოპერაციები.

ოირომის დამაარსებლები და განმკარგულებელი დირექტორები იყენენ: ჰამბურგელი ვაჭრები: ზ. ბერენდტი, ი. ბოდენგაიმერი და მ. როზენბაუმი, აგრეთვე ქართველი სამთო ინჟინერი ბარნაბ პაპავა, რომელიც პარტნიორთა შუამდგომლობითა და „უმალესად“ დამტკიცებული „პირობების“ ძალით, გახდა ფირმის პასუხისმგებელი გამგე ქიათურაში².

¹ ЦГИАЛ. ф. 23, оп. 28, д. 514, л. 228, 285.

² ЦГИАЛ. ф. 23, оп. 14, д. 507, 1914—1915 гг., л. 40, об.

³ ЦГИАЛ. ф. 23, оп. 28, д. 514, 1914—1916 гг., л. 262, об.

სააქციო საზოგადოების დამფუძნებლებს შორის 1910 წლის 27 აპრილს ჰამბურგში დადებული ხელშეკრულების მე-5 მუხლიდან ჩანს, რომ „ძირითადი კაპიტალის“ შესადგენად ზ. ბერენდტმა და ი. ბოდენგეიმერმა გაიღო თითო 28 200 მარკა, მ. როზენბაუმმა — 18 600, ხოლო ბ. პაპავამ 25 000 მარკა³. აქედან პირველმა სამმა ფული გაიღო, ხოლო უკანასკნელმა ფულთან ერთად ჭიათურაში უკვე აღებული საბადო ნაკვეთებიც. ასე რომ ფირმის ძირითადი კაპიტალი 100 000 მარკას, ანუ 46 300 მანეთს შეადგენდა⁴. აქციონერთა მონაწილეობა ფირმის ძირითადი კაპიტალის შედგენაში და, მაშასადამე, წარმოებაში პროცენტულად ასეთია ზ. ბერენდტისა და ი. ბოდენგეიმერისა თითო 28,2%, მ. როზენბაუმისა — 18,6%, ხოლო ბ. პაპავასი — 25%. პარტნიორებს შორის დადებული ხელშეკრულების მე-7 მუხლის ძალით „წმინდა მოგება“ წევრებს შორის ასე ნაწილდებოდა: პაპავას 1/3, ხოლო 2/3-ს სხვები ასე ინაწილებდნენ: ზ. ბერენდტსა და ი. ბოდენგეიმერს ეძლეოდა თითოს 37,5%, ხოლო მ. როზენბაუმს კი 25%, სხვანაირად წმინდა მოგებიდან პაპავას ეძლეოდა 53,5%, ზ. ბერენდტსა და ი. ბოდენგეიმერს თითოს 25%, ხოლო მ. როზენბაუმს 16,5%.

იჩვენება, რომ ფირმას ამოფარებოდა და ამძლავრებდა გერმანიის სამრეწველო და ფინანსიური კაპიტალის უგვირგვინო მეფე კრუპი. ამაზე ერთმანეთს აცნობეს მთავრობის ორგანოებმა. ასე მაგალითად, კავკასიის აღმინისტრაცია 1914 წლის დამლევს აცნობებდა იმპერიის ფინანსთა სამინისტროს: „პერიოდული პრესის ცნობით „კავკასიის საბადოთა ამხანაგობის“ აქციონერია გერმანელი მექარხნე კრუპი. თავის მხრივ ფინანსთა სამინისტრო ატყობინებდა მინისტრთა კომიტეტს: სარწმუნო წყაროდან შევითყვეთ, რომ ამხანაგობა გერმანიის სამხედრო ქარხნების მთავარი მომმარაგებელია, კრუპის ქარხნებისათვის მარგანეცის მადნის მთავარი მიწოდებელია“⁵.

„კავკასიის საბადოთა ამხანაგობის“ ერთ-ერთმა წევრმა, ბ. პაპავამ, ჯერ კიდევ 1909 წელს იჯარით აიღო 9 ღესეტინა ფართობის საბადო ნაკვეთები ჭიათურაში. 1911 წლის დამლევს ფირმამ დაიწყო და გააგრძელა საბადოთა შეძენა და იჯარით აღება, მადნის შესყიდვა და ექსპორტი. ის იმთავითვე შეუდგა სამუშაოებს წარმოებისათვის აუცილებელ ნაგებობათა, ტექნიკურ მოწყობილობათა და, კერძოდ, მადნის გამამდიდრებელი ფაბრიკის ასაშენებლად.

³ ЦГИАЛ, ф. 23, оп. 28, д. 514, 1914 — 1916 гг., л. 262, об.

⁴ ЦГИАЛ, ф. 23, оп. 14, д. 507, л. 46.

⁵ ЦГИАЛ, ф. 23 оп. 14, д. 507, л. 47, 50, 49.

ფირმამ დიდძალი კაპიტალი დააბანდა ქიათურის მარგანეცის საბადოთა აუზის სხვადასხვა ზეგანზე საუკეთესო მადნიანი ნაკვეთების ხელში ჩასაგდებად, რომ ამით დიდი ხნით უზრუნველყო საკუთარი სამრეწველო წარმოება, თავისი მომავალი გამამდიდრებელი ფაბრიკის, ასევე სხვა საწარმოო და სატრანსპორტო-ტექნიკურ მოწყობილობათა სრული დატვირთვა.



საბადო ნაკვეთებს ბ. პაპავა იძენდა და იჯარით იღებდა (ნოტარიალურად შემოწმებული ხელშეკრულებების გაფორმებით), ხოლო შემდეგ თავის უფლება-მოვალეობას (სათანადო აქტით) გადასცემდა ფირმას ზ. ბერენდტის სახელზე. უკანასკნელი ამ შემთხვევაში იურიდიულად მთელი სააქციო საზოგადოების (მათ შორის ბ. პაპავას) უფლებებსაც განასახიერებდა.

საბადოთა მფლობელებსა და ბ. პაპავას შორის დადებულ საიჯარო ხელშეკრულებათა და ნასყიდობის აქტები შედარებით სრულადაა დაცული ლენინგრადის საისტორიო არქივში. ამ საბუთებზე დაკვირვება გვიჩვენებს, რომ ფირმა საბადოთა მებატრონეებს მეტწილად ხელშეკრულებებისა და აქტების გაფორმებისთანავე უსწორდებოდა, იშვიათადაც გარკვეული ვადები წესდებოდა საიჯარო ქირის დასაფარავად⁶. საბუთები საინტერესო ცნობებს შეიცავს ქიათურაში საბადოთა გაყიდვისა და იჯარით გაცემის პირობების დასახასიათებლად. საიჯარო ხელშეკრულებები იღებოდა 30 წლით და ამ ვადის გასვლის შემდეგ კვლავ ამდენივე ხნით გაგრძელების პირობით ან იჯარით გაცემულ „საბადოს მარაგის სრულ ამოწურვამდე“⁷. საიჯარო გადასახადის განსაზღვრისას, საბადოს კეთილხარისხოვნებასთან ერთად, ანგარიში ეწეოდა იჯარის ვადასაც. თუმცა, ჩანს, მდნის მარაგის სრული ამოწურვის უფლებით გაცემულ საუკეთესო საბადოს საიჯარო ფასი ბევრად არ აღემატებოდა 30-წლის ვადით გაცემული იმ-ვე ფართობის ნაკვეთისას. ბ. პაპავა, „გელზენკირხენისგან“ განსხვავებით, მეტწილად უმდიდრეს საბადოებს იღებდა, რაც უფრო ძვირიც უჯდებოდა. თუ იშვიათ შემთხვევებს მხედველობაში არ მივიღებთ, 1

⁶ ЦГИАЛ, ф. 23, оп. 14, д. 507, ფურც. 263.

⁷ იხ. «Копии договоров на земельные участки, приобретенные инженером Палава на свое имя» (ЦГИАЛ, ф. 23, оп. 28, д. 2912, л. 6—17).

დესეტინა საუკეთესო საბადო ნაკვეთი, მადნის სრული ამოწურვის უფლებით, მას დაახლოებით 2800—3000 მანეთი უჯდებოდა. ასე მაგალითად, ბ. პაპავამ 1911 წელს გლეხების—ფხალაძეების 5 ოჯახისაგან ასეთი უფლებით აიღო 11 დესეტინამდე საბადო ნაკვეთები პერევისაში 27 277 მანეთად და მან (საორგანიზაციო ხარჯების ჩათვლით) გადაიხადა 28 951 მანეთი. ასეთივე პირობით პაპავამ იმავე წელს ბ. და გ. ჩაჩანიძეებისაგან აიღო 2,3 დესეტინა ფართობის 7 ნაკვეთი 5 058 მანეთად და ამ თანხიდან იმთავითვე გადაიხადა 3 529 მანეთი. მოიჯარადრემ ანა კურცოვასაგან ასევე „მადნის მარაგის სრული ამოწურვის უფლებით“ აიღო 5 დესეტინა 15 ათას მანეთად, რაშიც ფაქტიურად გადაიხადა 16 185 მანეთი. იშვიათი არ იყო შემთხვევები, როცა იჯარით გაცემულ საბადოს ექსპლოატაციის უფლებას იტოვებდა მისი მესაკუთრე. ასე მაგალითად, 1911 წელს ბ. პაპავამ გლეხებისაგან—ფხალაძეებისაგან (10 ოჯახი) და შაქარაძეებისაგან (2 ოჯახი) იჯარით აიღო 16 დესეტინა ფართობის ნაკვეთები პერევისაში. ხელშეკრულების ძალით ამ ნაკვეთების ექსპლოატაციას პაპავასთან ერთად მათი მეპატრონეებიც აგრძელებდნენ მადნის მარაგის სრულ ამოწურვამდე⁸. პაპავას გზებითა და წყლებით უსასყიდლო სარგებლობის უფლება მიენიჭა. მასვე შეეძლო შეუზღუდვლად ესარგებლა მალაროთა ქვემოთ მდებარე ადგილებით ფუჭი ქანების გადასაყრელად, მადნის დასახარისხებლად, დასაწყობად, გასასვლელად. ტვირთის გადასაზიდად, მუშათა საცხოვრებლებისა და სხვა ნაგებობათა ასაშენებლად. ასევე ტექნიკურ მოწყობილობათა გასამართავად. მხოლოდ იმ პირობით, რომ აღნიშნული მიზნით არ დაეკავებია მიწის ზედაპირი, რომელიც მალაროდან 15 საეწიზე უფრო მეტ მანძილით იქნება მოცილებული. მოიჯარადრე მრეწველს შეუძლია მალაროთა ქვემოთ მდებარე ადგილების გამოყენება, მაგრამ ვალდებულია საბადო ნაკვეთის მეპატრონეს ყოველ კვადრატულ საეწიში ერთდროულად გადაუხადოს თითო მანეთი ან იხადოს ყოველწლიურად. იჯარით აღებული მიწის დანარჩენი ზედაპირით მოიჯარადრე მხოლოდ მესაკუთრის თანხმობით სარგებლობს⁹. თუ მოიჯარადრის მიერ წარმოებული მიწისქვეშა სამუშაოები გამოიწვევდა მიწის „დასხდომას“ და სასმელი წყლის გაქრობას, მოიჯარადრეს ევალდებოდა თავის ხარჯზე გაეყვანა წყალსადენი არხი მოსახლეობის წყლით მოსამარაგებლად, ხოლო მიწის მესაკუთრეებს—თავის მიწებზე წყალსადენი არხის უსასყიდლოდ გატარება. საბადოთა მეპატრონეებს პაპავამ ხელშეკრულების დადებისთანავე გადაუხადა 27 700 მანეთი⁹.

⁸ ЦГИАЛ, ф. 23, оп. 28, д. 2912, л. 6, 7, 35.

⁹ ЦГИАЛ, ф. 23, оп. 28, д. 2912, л. 36, 37.

გერმანულმა ფირმამ იჯარით აღებული ზოგიერთი ნაკვეთის ზედაპირით სარგებლობის უფლებაც მოიპოვა, რაც ხშირად მაშინ ხდებოდა, როცა ეს ნაკვეთი სახნავ-სათესს ან ვენახს არ წარმოადგენდა. ასეთი უფლებით გლეხებმა ფ. ა. და ს. თაბაგრებმა პაპავას იჯარით მისცეს 820 კვ. საჟ. ფართობი ზედა რგანში. მოიჯარადრე 30 წლის მანძილზე ყოველწლიურად იხდიდა 21 მანეთს, სულ კი 630 მანეთს. რაც ნაკვეთის მეპატრონეებმა იმთავითვე მიიღეს. ნაკვეთის ზედაპირით მოიჯარადრე შეუზღუდველად სარგებლობდა. ასეთი პირობით გაცემული მიწის საიჯარო ქირა ყოველთვის უფრო მაღალი იყო. ასე პაგალითად, სასულიერო პირებმა ი. და ბ. ვაშაძეებმა 1914 წელს 30 წლის ვადით მისცეს პაპავას 1 დესეტინა და 210 კვ. საჟ. მიწის ნაკვეთი. წლიური საიჯარო გადასახადი შეადგენდა 240 მანეთს ანუ 30 წლის მანძილზე სულ 7200 მანეთს. 30 წლის შემდეგ მოიჯარადრე, თუ მოისურვებდა, უფლებამოსილი იყო კვლავაც ამდენივე ხნით გაეგრძელებინა ვადა, იმავე პირობით, ყოველწლიური საიჯარო ფასის ყოველგვარი მომატების გარეშე¹⁰. ერთ დესეტინაზე უმნიშვნელოდ მეტ ფართობში ესოდენ მაღალი საიჯარო ფასის გადახდა იმით აიხსნება, რომ მოიჯარადრის სარგებლობაში მოექცა არა მარტო წიაღისეული სიმდიდრე, არამედ აღებული ნაკვეთის ზედაპირიც, რის შესახებაც ხელშეკრულებაში ვკითხულობთ: „მოიჯარადრე ბ. პაპავას უფლება ენიჭება საიჯარო ვადის მთელ მანძილზე იჯარით აღებულ ნაკვეთებზე თავისი სურვილისამებრ გაიყვანოს გზატკეცილი, რკინიგზა, ბრემსბერგი, საპაერო-საბაგერო გზა, ააშენოს სხვადასხვა ნაგებობა, მათ შორის ფაბრიკა-ქარხნები, მოიპოვოს სამშენებლო მასალა. ერთი სიტყვით, მოიჯარადრეს უფლება აქვს თავისი ნებასურვილისამებრ, მეპატრონის მხრივ ყოველგვარი შეზღუდვის გარეშე, გამოიყენოს იჯარით აღებული მიწის ზედაპირი“¹¹.

მაგრამ, მოიჯარადრის მიერ საბადოს ზედაპირი ესოდენ შეუზღუდველი სარგებლობის უფლების მოპოვება, ასევე ესოდენ მაღალი საიჯარო ქირის გადახდა, არც თუ ისე ხშირი იყო კიათურის აუზში. მოიჯარადრენი უპირატესად მხოლოდ წიაღისეული სიმდიდრით სარგებლობის უფლებას ღებულობდნენ, ხოლო საბადოს ზედაპირით იშვიათად სარგებლობდნენ.

დასახელებული გერმანული ფირმის მიერ დაღებულ საიჯარო ხელშეკრულებები ხასიათდება საერთო და ერთმანეთისაგან განსხვა-

¹⁰ ЦГИАЛ, ф. 23, оп. 28, д. 2912, ფურც. 19—20.

¹¹ იქვე, ფურც. 20. ანალოგიური ხელშეკრულებები იხ. იქვე, ფურც. 29—27.

ვებულის ნიშნებით. მათი უმრავლესობა 30 წლით და ამდენივე ხნით გაგრძელების უფლებით ფორმდებოდა. ნაკვეთების მეპატრონენი ვალდებული იყვნენ მოიჭარადრე დაეცვათ მოდავისაგან, წინააღმდეგ შემთხვევაში მათ ხელშეკრულების ძალით ევალებოდათ დავასთან დაკავშირებული ზარალის ანაზღაურება და ჯარიმის გადახდა მოიჭარადრის სასარგებლოდ. ნაკვეთის მეპატრონეს ევალებოდა მიწის-მფლობელობასთან დაკავშირებული გადასახადის გადახდა, ხოლო მოიჭარადრეს მეწარმეობასთან დაკავშირებულისა.

გერმანულ ფირმას ყოველი ნაყიდი დესეტინა საბადო ნაკვეთი, რაოდენ დაბალხარისხოვანიც არ უნდა ყოფილიყო, თითქმის ყოველთვის უჭდებოდა 4 ათას მანეთზე მეტი, ზოგჯერ 7 ათასამდეც.

გერმანულმა ფირმამ, ბ. პაპავას მუშეობით, სხვადასხვა ხელშეკრულებით და აქტების ძალით სხვადასხვა ვადით (30+30 წ., „საბადოს მარაგის სრულ ამოწურვამდე“, „სამუდამო საკუთრების უფლებით“) ხელთ იგდო დიდძალი ფართობი ქიათურის მარგანეცის საბადოთა აუზის ზეგნებზე: პერევისაში, შუქრუთში, რგანში (თაბაგრები). მის სარგებლობაში გადავიდა სულ 503 ნაკვეთი¹².

ფირმას ლიკვიდაციისას აღმოაჩნდა 106 საიჯარო ხელშეკრულება. მას 74 ხელშეკრულებით საბადოები აუღია, ხოლო 6-ით „უმაღლო“ ადგილები (პერევისაში), 24 ხელშეკრულებით საბადო ნაკვეთები აუღია თაბაგრებში, ხოლო 2-ით — „უმაღლო“ ადგილები შუქრუთში. ფირმას რგანში (სოფ. თაბაგრებში) 24 საიჯარო ხელშეკრულებით აუღია სულ 181 ნაკვეთი, ხოლო 25 ნაკვეთი — საკუთოების უფლებით¹³. გარდა ამისა ფირმას აღმოაჩნდა 13 საიჯარო ხელშეკრულება, რომელთა ძალით პაპავამ ასევე საბადო ნაკვეთები აიღო, თუმცა მათი გადაცემა ფირმისათვის (საღანადო აქტით) ვერ მოესწრო.

ყველა სახის ხელშეკრულებებითა და აქტებით ფირმის სარგებლობასა თუ სამუდამო საკუთრებაში გადავიდა სულ 180 დესეტინა მადნიანი და 10 დესეტინა უმაღლო მიწის ნაკვეთები. ამაში არ შედიოდა 3 დესეტინა ფართობის 6 ნაკვეთი, რომელთა საიჯარო ქირას ფირმა იხდიდა იქ მოპოვებული მადნის რაოდენობის (ფუთი გარეცხილი მადანი ნახევარი კაბიკი) მიხედვით. იჯარით აღებული საბადო ნაკვეთები ფირმას, ხელშეკრულებების ძალით უჭდებოდა 381 091 მანეთი, ფაქტიურად (გაფორმებისა და საორგანიზაციო ხარჯების ჩათვლით) 1914 წლის ივლისამდე გადაუხდია 487137 მანეთი, უმაღლო ადგილებისათვის გაცემული ჰქონდა 661 მანეთი. მომავალში

¹² ЦГИАЛ, ф. 23, оп. 28. л. 514, л. 271 აბ.

¹³ იქვე. ფურც. 273.

კი წლიურად უნდა ეხადა 574 მანეთი¹⁴. ამრიგად, მადნიანი და უმად-
ნო მიწების იჯარით აღება და შექმნა ფირმას 1914 წლის ივლისისათ-
ვის სულ დაუჯდა 487 798 მანეთი.

• • •

„კავკასიის საბადოთა ამხანაგობის“ ბალანსის აქტივში, საბადო-
თა შემდეგ პირველი ადგილი ეკავა მის მიერ ითხვისის ხეობაში აგე-
ბული მადნის გამამდიდრებელი ფაბრიკისა და დამხმარე ნაგებობათა,
აგრეთვე მუშათა საცხოვრებელი სახლის მშენებლობის ხარჯებს¹⁵.
ფირმამ 1911 წლის დამლევს დაიწყო¹⁶ და 1913 წელს დაამთავრა
ტექნიკურად საუცხოოდ მოწყობილი მქლავრი გამამდიდრებელი ფაბ-
რიკის მშენებლობა, კავკასიის სამთო სამპარტველო თავის 1911 წლის
ანგარიშში აღნიშნავდა, რომ „კავკასიის საბადოთა ამხანაგობის გა-
მამდიდრებელი ფაბრიკის მთელი მოწყობილობა, მანქანები და მექა-
ნიზმები გერმანიიდანაა მოტანილი“¹⁷. დასახელებული ფირმის ფაბ-
რიკის ტექნიკური აღჭურვილობა და მისი ღირებულება ასეთი იყო:
ფაბრიკა-სამანქანე განყოფილებით ორსართულიან ქვიტკირის სახ-
ლში იყო მოთავსებული. ამ სახლის აგება დაჯდა 38000 მანეთი,
ცალკე აგებული ქვიტკირის სახლისა 150-ძალიანი „დეტალ-მოტო-
რისათვის“ — 10 000 მანეთი, 500 კუბ. საყ. ტევადობის რკინაბეტო-
ნის აუზი — 20 000 მანეთი, ფაბრიკის წყალსადენი მილი და
არხი — 7 200 მანეთი, სხვა დამხმარე ნაგებობანი — 2 800 მა-
ნეთი. ფაბრიკის აღჭურვილობა: 27 სარეცხი დაზგა გადამ-
ცემი ცხრილებით, მადნის დასაშლელად განკუთვნილი ფო-
ლადის 3 დიდი ბარაბანი და მოცულობის მიხედვით მადნის დამხა-
რისხებელი 9 ბარაბანი, გამრჩევი მბრუნავი დაზგები, ტუმბო, ელე-
ვატორი, სამსხვრეველა და სხვა მოწყობილობა, — საბაჟო გადასა-
ხადისა და უცხოეთიდან შემოზიდვის ხარჯების ჩათვლით დაჯდა

¹⁴ ЦГИАЛ, ф. 23, оп. 28, д. 514, л. 265. სხვა ცნობით, რაც ჩვენ სათუ-
რდ მივაჩნია, ფირმას მადნიან ადგილებში ფაქტიურად გადახდილი ჰქონდა 478.225
მანეთი (იქვე, ფურც. 283). ასევე არასწორია ცნობა, რომლის თანახმად ფირმას 1915
წლისათვის გააჩნდა 225 დესეტინა, მათ შორის 75 დესეტინა საკუთრივ პაპავას (იხ.
ЦГИАЛ, ф. 23, оп. 14, д. 507, л. 44).

¹⁵ ЦГИАЛ, ф. 23, оп. 28, д. 514, л. 263--264.

¹⁶ Отчет Кавказского горного управления за 1911 г. тиф., 1912, გვ. 118.
სხვა წყაროს არაზუსტი ჩვენებით ამ ფაბრიკის მშენებლობა 1912 წელს დაიწყო
(ЦГИАЛ, ф. 23, оп. 28, д. 514, л. 263).

¹⁷ Отчет Кавказского горного управления за 1911 год, 1912, გვ. 118

150 000 მანეთი, მანქანების მონტაჟი და გაწყობა — 15 000 მანეთი, გამამდიდრებელი ფაბრიკის ცენტრალური გათბობა—10 000 მანეთი. ძრავები: სამი, — თითო 150-ძალიანი — „მოტორი“ დაყენებით დაჯდა 70 000 მანეთი, ელექტროგანათებისათვის განკუთვნილი ორი დინამო, — ერთი 25-ძალიანი, ხოლო მეორე 150-იანი, თავისი სათადარიგო ნაწილებით — 10 000 მანეთი, ოთხი ელექტრომოტორი, რომელთა შორის ერთი განკუთვნილი იყო ყვირილადან ფაბრიკამდე (ცენტრიდანული ტუმბოთი) წყლის საქაჩავად, ხოლო სამი მადნის მექანიკურ დასაშვებთა ასამოქმედებლად, ასევე დგუშიანი ტუმბო, რომელიც ქარხნის აუზიდან ყოველ წუთში 500 ლიტრ წყალს აწოდებდა საბადოს ცენტრალურ სადგურს, დაჯდა 20 000 მანეთი. ასე, რომ ყველა სახის ძრავები სულ დაჯდა 82 200 მანეთი, მუშათა და მოსამსახურეთა საცხოვრებელი სახლები კი 12 000 მანეთი. ფაბრიკა მთელი თავისი აღჭურვილობით, სათადარიგო ნაწილებითა და დამხმარე ნაგებობებით ფირმას სულ დაუჯდა 472 646 მანეთი¹⁸. ამ ფაბრიკის მწყობრში ჩადგომასთან დაკავშირებით კავკასიის სამთო სამმართველო თავის 1913 წლის ანგარიშში წერდა: «В отчетном году окончена сооружением обширная и образцово оборудованная обогатительная фабрика».

საბადოდან მადანი მექანიკური დასაშვებით მიემართებოდა უშუალოდ ფაბრიკის „ძაბრში“. ფაბრიკა შიდაწვის ძრავთა ძალით მუშაობდა. მთელი საწარმოო პროცესი, აგრეთვე გამამდიდრებელი მადნის გადატანა ფაბრიკიდან რკინიგზის ჩიხამდე მთლიანად მექანიზებული იყო. ფაბრიკის გამომუშავება დღე-ღამეში უდრიდა 20 000 ფუთ „სუფთა მადანს“, ეს მაშინ, როცა, ჩვენთვის უკვე ცნობილი, „გელზენკირხენის“ ფაბრიკის წარმადობა დღე-ღამეში მხოლოდ 12 000 ფუთს შეადგენდა¹⁹. გერმანული ფირმების მიერ გამართული, ტექნიკურად სრულყოფილი გამამდიდრებელი ფაბრიკების სამრეწველო საქმიანობის მასშტაბის წარმოსადგენად საყურადღებოა ისიც, რომ, მაგალითად, 1913 წელს „კავკასიის საბადოთა ამხანაგობის“ ფაბრიკაში 244 მუშა მუშაობდა, ხოლო „გელზენკირხენისა“ — მხოლოდ 170²⁰.

„კავკასიის საბადოთა ამხანაგობის“ გამამდიდრებელი ფაბრიკის

¹⁸ ЦГИАЛ, ф. 37, оп. 77, д. 1489, л. 5—11.

¹⁹ Отчет Кавказского горного управления за 1913 год. Тиф. 1914.

გვ. 69—70.

²⁰ სსსა, ფონ. 415, საქ. 109, ფურც. 6—7.

ღირებულება ფირმის მიერ 1916 წლისათვის შედგენილი ბალანსით მისი მთელი აქტივის $\frac{1}{6}$ შეადგენდა, ხოლო სალიკვიდაციო სამმართველომ ის (თვითღირებულებით) შეაფასა 438 546 მანეთად²¹. სამაგალითოდ მოწყობილი გამამდიდრებელი ფაბრიკა ბრემსბერგით, საჰაერო-საბაგირო გზითა და მადნის დასაშვები არხით დაკავშირებული იყო უშუალოდ ფირმის კუთვნილ საბადოებთან, მეორე მხრივ, ასევე ტექნიკურად მოწყობილი სატრანსპორტო (რელსებიანი) გზით იყო შეერთებული რკინიგზის ჭიათურა-დარკვეთის ხაზზე ფირმის მიერ მოწყობილ ჩიხთან და მადნის დასატვირთ ბაქნებთან, სადაც მადნის აწონვა და რკინიგზის ვაგონებში დატვირთვა მექანიზებული იყო²². ფირმას გააჩნდა თავისი ელსადგური, სხვადასხვა ტიპის ძრავები და ელექტრომოტორები, „მცირე“ ორთქლმავლები. მან ჭიათურაში პირველში გამოიყენა ავტომანქანები მაღაროდან საბადოს ზედაპირზე მადნის გადმოსაზიდად და სხვ. ახასიათებდა რა ჭიათურის მარჯანეცის მრეწველობის მატერიალურ-ტექნიკური შეიარაღების გაუმჯობესების მდგომარეობას, კავკასიის სამთო სამმართველო, თავის 1913 წლის ანგარიშში მიუთითებდა: „საგანგებოდ აღსანიშნავია, რომ საწარმოებში პირველად დაიწყეს“ ავტომანქანების გამოყენება მაღაროდან საბადოს ზედაპირზე მადნის გამოსაზიდად. სახელდობრ, კავკასიის საბადოთა ამხანაგობას ამ საქმისათვის გააჩნია 2 ავტომანქანა“²³. დასახელებულ ფირმას ჩვენ მიერ ზემოთ აღწერილ მატერიალურ-ტექნიკური აღჭურვილობის, მანქანა-იარაღებისა და ნაგებობების გარდა გააჩნდა ორი სახლი მუშათა საცხოვრებლად, კანტონის სახლი, მატერიალურ-ტექნიკური მოწყობილობისა და სათადარიგო ნაწილების საწყობი, „ორთქლმავლების დეპო“, ცენტრალური და სატვირთი სადგური რკინაბეტონის საძირკველითა და თუნუქის სახურავით, სადგურისკენ გასასვლელი (თუთით გადახურული) და სხვ. ჩამოთვლილ ნაგებობათა ღირებულება 21 ათას მანეთს შეადგენდა: ფირმის საწარმოები სანიმუშოდ იყო მოწყობილი. მათ გააჩნდათ საუცხოოდ გამართული ბრემსბერგი და საჰაერო-საბაგირო გზა. მოწყობილობა და მისი ღირებულება ასეთი იყო²⁴:

²¹ ЦГИАЛ, ф. 23, оп. 28, д. 514, л. 264.

²² ЦГИАЛ, ф. 37, оп. 77, д. 1489, л. 5—9; Отчет Кавказского горного управления за 1911 г., 1912, гл. 118.

²³ Отчет Кавказского горного управления за 1913 г., 1914, гл. 98.

²⁴ ЦГИАЛ, ф. 37, оп. 77, д. 1489, л. 8—11.

1. რელსები	37 000 მან.
2. რკინის 480 ვაკონეტი	52 800 "
3. ორი „მოტოროვოზი“ მიწიქვეშა რელსებანი გზის მთავარი ხაზის მოწყობი- ლობა, 12-ძალიანი ნავთო-მოტორით	10 000 " 12 000 "
4. საბადოს ცენტრალური ელსადგური	3 000 "
5. საბადოს ზედაპირზე გაყვანილი ერთვერსიანი რელსებიანი გზა	25 000 "
6. საბადოდან გამამდიდრებელ ფაბრიკამდე გაყვანილი ბრემს- ბარგი:	
ა) ზედა სადგური	2 000 "
ბ) ბრემსბერგის ხაზი	12 000 "
გ) რელსები სამაგვრებით	2 500 "
დ) მუხის შპალები	600 "

უნდა შეენიშნოთ, რომ ბრემსბერგის სრული ღირებულება (მისი გამართვის ხარჯების ჩათვლით) 22 600 მანეთს შეადგენდა. მიწისქვეშა რელსებიანი გზები, ასევე სამთო გამონამუშევრებში გაყვანილი სხვა გზები (1500 საყენი სიგრძისა) ფირმას 60 000 მანეთი დაუჯდა. ზოლო გამაუხვებელი ფაბრიკიდან რკინიგზამდე გაყვანილი 165 საყ. რელსებიანი გზა — 29 700 მანეთი, საბადოებიდან ფაბრიკამდე გადაჭიმული საჰაერო-საბაგირო გზა კი — 8000 მანეთი და სხვ.²⁵ მადნის დასატვირთი ჩიხი და ბაქნები, საწყობებით, სასწორებით, მადნის მექანიკური დასატვირთით, ფირმას დაუჯდა 27 456 მანეთი. ამას გარდა ფირმას გააჩნდა სხვა ნაგებობანი და მოწყობილობა: წყალსაცავი ყვირილაში, რომელიც მილით იყო დაკავშირებული ფაბრიკასთან, მადნის (წყალთან ერთად) ჩამოსაშვები არხი მალაროს ცენტრალური სადგურიდან გამამდიდრებელ ფაბრიკამდე. ფაბრიკასთან არსებული დამატებითი აუზი და სხვ. სულ 15 000 მანეთის ღირებულებისა. მასვე გააჩნდა საწარმოო დანიშნულების ინსტრუმენტებისა და იარაღების დიდი მარაგი, მათ შორის ლომები (414), ძალაყინები (2500), ნიჩბები (620), ელექტროფარნების სათაღარიგო ნაწილები (35 000) და სხვ. სულ 20 000 მანეთი ღირებულებისა²⁶.

გერმანულმა ფირმამ 1916 წელს სალიკვიდაციო სამმართველოს წარუდგინა ბალანსი, რომლის „აქტივის“ მუხლები და ჯამი ასეთი იყო: ნაგებობანი და ტექნიკური მოწყობილობა 695 771 მანეთი, ინვენტარი — 57 158 მან.

საბადოებისა და სხვა მიწების აღება-შეძენა — 478 225 მან. წარმოების საორგანიზაციო ხარჯები (მისი შენახვის ხარჯების ჩათვლით) —

²⁵ ЦГИАЛ, ф. 37, оп. 77, д. 1489, л. 11.

²⁶ იქვე, ფურც. 9, 10, 11.

321 228 მან, უცხოეთიდან მიღებული სესხების პროცენტის დარიცხვა და საკომისიო ხარჯები—472 657 მან. ფირმის დებიტორები (ადგილობრივ მრეწველებზე გაცემული სესხები და ავანსები) — 52 157 მან. სალარო — 1 150 მან. ფირმის მთელი უძრავი ქონება შეფასდა, 1 272 112 მანეთად, ხოლო მთელი აქტივის ჯამი 2 226 211 მანეთს შეადგენდა. ამასთანავე ლიკვიდაციის დროისათვის ფირმას, იმის მიუხედავად, რომ მან 1914 წელს 4 800 ათასი ფუთი მადნის გაზიდვა მოასწრო, საბადოებში, ჭარბელის (ფაბრიკის) ბაქნებზე და ბათუმში აღმოაჩნდა მოპოვებული მადნის დიდი მარაგი—2 806 325 ფუთი, რაც სალიკვიდაციო სამმართველომ 133 080 მანეთად შეაფასა²⁷. დასახელებულმა სამმართველომ სალიკვიდაციო ფირმის მთელი უძრავ-მოდრავი ქონება შეაფასა (თვითღირებულების მიხედვით). შეფასებისას გაითვალისწინა ის, რომ ფირმა რამდენიმე წლის მანძილზე ფართოდ ეწეოდა თავის საბადოთა სამრეწველო ექსპლოატაციას. საკმარისია ითქვას, რომ, მაგალითად, 1913 წელს ფირმა 280 სამთო მუშით ეწეოდა მადნის მოპოვებას²⁸. სამმართველომ დაადგინა, რომ სალიკვიდაციო ფირმას უკვე მოპოვებული ჰქონდა მადანი დაახლოებით 7 193 კუბ. საყენის ოდენობით, რაც ფულად 8 632 მანეთს შეადგენდა. მან ეს თანხა გამოაკლო ფირმის საბადოთა თვითღირებულების ჯამს.

სალიკვიდაციო სამმართველომ დეტალურად აღწერა და შეაფასა წარმოების უძრავ-მოდრავი ქონება, განიხილა მის მიერ წარმოდგენილი ბალანსის ყოველი მუხლი. მან გერმანული ფირმის მთელი ნაგებობანი და ტექნიკური მოწყობილობა შეაფასა 659 417 მანეთად, ინვენტარი 71 585 მანეთად, მიწების (მათ შორის ბაქნების) იჯარით აღებასა და შეძენასთან, ასევე წარმოების დაფუძნებასთან დაკავშირებული ხარჯები — 1 263 480 მანეთად, ხოლო მთელი უძრავ-მოდრავი ქონება—2 181 281 მანეთად²⁹.

• • •

ამრიგად, გერმანიის ფოლადჩამომსხმელმა მრეწველობამ თავიდანვე განსაკუთრებული ყურადღება მიაპყრო მაღალხარისხოვანი მარგანეცის უმდიდრეს საბადოებს ჭიათურაში. მართალია, მარგანეცის მომხმარებელ სახელმწიფოებს შორის გერმანია მადნის საკუთა-

²⁷ ЦГИАЛ, ф. 23, оп. 28, д. 514, л. 263—283, 279, 286.

²⁸ იქვე.

²⁹ ЦГИАЛ, ф. 23, оп. 28, д. 514, л. 283—286.

რი მოპოვების მხრივ (რუსეთისა და აშშ-ს შემდეგ) მესამე ადგილზე იდგა³⁰, მაგრამ, ის მთელი საკუთარი მოპოვების თითქმის მესამედს (მადნის დაბალხარისხოვნების გამო) უცხოეთში, უმთავრესად ავსტრია-უნგრეთში ასაღებდა. ასეთ ვითარებაში გერმანული კაპიტალი ცდილობდა დაუფლებოდა მარგანეცის მადნის უმდიდრეს საბადოებს სხვა ქვეყნებში. მან დიდი გულმოდგინება და ენერგიულობა გამოიჩინა საქართველოს მარგანეცის მრეწველობაში გასაბატონებლად. გერმანულმა ფირმებმა „გელზენკირხენმა“ და „კაევასიის საბადოთა ამხანაგობამ“ ინტენსიურად გაშალეს ოპერაციები მარგანეცის მადნის საუკეთესო საბადოთა ხელში ჩასაგდებად, რის შედეგადაც ისინი, ჭიათურის აუზში, დაეპატრონენ 567 დესეტინა ფართობის საბადოებს და 71 დესეტინა უმადნო მიწებს. მათი საქმიანობა შეაფერხა I მსოფლიო ომის დაწყებამ. ამ დროისათვის უცხოელთა ხელში იყო 2488 ქცევა (აქედან გერმანელთა სარგებლობაში იყო დაახლოებით 1850 ქცევა), ადგილობრივ მრეწველთა ხელში კი 2500 ქცევა, ხოლო 1463 ქცევა საბადო ფართობი არ იყო შესული ექსპლოატაციაში³¹. გერმანულმა ფირმებმა მილიონები დააბანდეს და უახლესი ტექნიკით აღჭურვეს თავისი საწარმოები. ამასთანავე მათ სხვადასხვაგვარი სესხებითა და ავანსებით დააკაბალეს ადგილობრივ მრეწველთა უმრავლესობა და მათგან მადნის შედგენითიან ფასებში დიდი რაოდენობით შეძენაც გაინაღდეს. ყოველივე ამის შედეგად I მსოფლიო ომის წინა პერიოდში ჭიათურაში მოპოვებული მადნის დიდი ნაწილი გერმანიაში მიემართებოდა. ის ჩვენებური მადნის ერთ-ერთი მთავარი მომხმარებელი გახდა. საქართველოდან გაზიდულ მადანს გერმანია მთლიანად საკუთრივ ამუშავებდა. ამით მთელ თავის მოთხოვნილებას 60%-ით აკმაყოფილებდა და ფეროშენადნობებს ხშირად რუსეთშიც ასაღებდა. ასე რომ მას რუსეთის იმპერიიდან გაჰქონდა ნედლი მადანი, ხოლო რუსეთშივე შემოჰქონდა ფეროშენადნობები. მართალია, ფერომარგანეცის წარმოება ურალში (ნიჟნი ტაგილი) ჯერ კიდევ 1876 წელს დაიწყო, მაგრამ ის მხოლოდ ადგილობრივ მოთხოვნილებას აკმაყოფილებდა და რუსეთის ყველა სხვა მხარის მეტალურგიული მრეწველობა სარგებლობდა უცხოეთიდან შემოზიდული ფეროშენადნობებით. მიმდინარე საუკუნის დამდეგს, 1902 წელს, დონეც-

³⁰ ЦГИАЛ, ф. 23, оп. 28, д. 514, л. 283—286.

³¹ ეს მონაცემები 1917 წლისაა, თუმცა 1914—1917 წლებში საბადოთა მფლობელობაში ცვლილება არ მომხდარა (იხ. ს. წერეთელი, „მარგანეცი და მისი მრეწველობის განვითარების ისტორია საქართველოში“, ვაზ. „საქართველო“, 1920, 12 თებერვალი, № 31).

ოურივეის ქარხანამ შედარებით ფართო მასშტაბით დაიწყო ფერო-შენადნობის დამზადება, მაგრამ ის რაოდენობრივად და ხარისხობრივად ვერ პასუხობდა მოთხოვნილებას³². რუსეთს ომის წინა პერიოდში (წლიურად) 1 მილიონამდე ფუთი ფეროშენადნობები შემოჰქონდა სხვა ქვეყნებიდან³³ (უპირატესად გერმანიიდან). საქმემ იმდენად კურობული ხასიათი მიიღო, რომ პირველი მსოფლიო ომის წლებში, როცა ქიათურის მარგანეცი მხოლოდ რუსეთში იგზავნებოდა, მის მთავარ მიწოდებელს, მრეწველსა და ვაჭარს, რ. ს. ჭავახიშვილს, სამხრეთ რუსეთის მექარხნეები გაოცებით ეკითხებოდნენ:

„საიდან მოიტანეთ გერმანული პიროლიუზიტი: ჩვენ მას ყოველთვის გერმანიიდან ვღებულობდით“³⁴.

ქიათურის მარგანეცის მრეწველობაში უცხოური, კერძოდ, გერმანული კაპიტალის ექსპანსიის შედეგების შეფასებისას მეფისნაცვალ კავკასიაში 1916 წელს არც თუ უსაფუძვლოდ ამტკიცებდა, რომ «Отрицательное, и даже опасное, с точки зрения русской государственности, влияние иностранной предприимчивости особенно резко сказалось в выработке и массовом экспорте тех необходимых для мирового рынка продуктов, которые, вообще, имеются в ограниченном количестве. Для организации добычи таких продуктов в России и для вывоза их за границу иностранные предприниматели-экспортеры не останавливались перед затратами громадных капиталов и широко организуют свои предприятия нередко при содействии своих правительств»³⁵.

ვფიქრობთ, ჩვენ მიერ დახასიათებული ფირმები კაიზერული გერმანიის მმართველი წრეების მხარდაჭერით ისარგებლებდნენ და ქიათურის მარგანეცის მიწოდებით დიდად შეუწყობდნენ ხელს გერმანიის მეტალურგიული მრეწველობის მომზადებას პირველი მსოფლიო ომისათვის.

**§ 6. მრეწველობის მატერიალურ-ტექნიკური ბაზის გარდაქმნა —
სამრეწველო გადამრიცხვების გარდაქმნა**

ქიათურის მარგანეცის მრეწველობა XIX საუკუნის მიწურულიდან მტკიცედ „დაადგა პროგრესის გზას“. მრეწველები ცდილობდნენ თავიანთ საწარმოთა მატერიალურ-ტექნიკური ბაზის განახლებას, მეც-

³² ЦГИАЛ, ф. 23, оп. 28, д. 514, л. 7.

³³ სსსა, ფონ. 13, ანაწ. 12, საქ. 335, ფურც. 9.

³⁴ П. Соловьев, Марганцевая промышленность Грузии, 1922, გვ. 3.

³⁵ ЦГИАЛ, ф. 23, оп. 28, д. 514, л. 2.

ნიერების, ტექნიკისა და პრაქტიკის უახლეს მიღწევათა გამოყენებას¹. ამ დროიდან, მეტადრე 1909—1914 წლებში ქიათურის მარგანეცის მრეწველობაში სწრაფი ტემპით მიმდინარეობდა ტექნიკური გადატრიალება, რამაც ყველაზე მკაფიო გამოხატულება პოვა საბადოთა რაციონალურ ექსპლოატაციასა და მოპოვებული მადნის რკინიგზამდე გადაზიდვის მექანიზაციაში, ასევე მადნის გაუხვება-გამდიდრების სრულყოფილი ტექნიკის გამოყენებაში. ყოველივე ეს ხორციელდებოდა გიდრავლური, ორთქლისა და ნავთის ძრავთა, ასევე ელექტროენერჯის უფრო და უფრო ფართო მასშტაბით გამოყენებით. მიმდინარეობდა რელსებიანი გზების მშენებლობა მაღაროთა სიღრმეში და საბადოთა ზედაპირზე, ასევე „ბრემსბერგის“ ტიპის მექანიკურ ჩამოსაშვებთა და საპერო-საბაგრო გზების მშენებლობა. ეს გზები გაიმართა საბადოებიდან მდ. ყვირილას ხეობაში აშენებულ გამამდიდრებელ ფაბრიკებამდე, ან რკინიგზის შტოს სადგურებამდე. სამრეწველო რაიონში მძლავრად გაიშალა გამამდიდრებელი ფაბრიკების მშენებლობა, მტკიცედ ინერგებოდა გამდიდრებული მადნის რკინიგზამდე გადაზიდვის მექანიზაცია და სხვ.². ახასიათებდა რა საბადოთა ექსპლოატაციისა და მაღაროებიდან მადნის გადაზიდვის სრულყოფილი საშუალებების დანერგვის განმსაზღვრელ ფაქტორებს, კავკასიის სამთო სამმართველო თავის 1911 წლის ანგარიშში მიუთითებდა: ქიათურის მარგანეცი დაბალ ფასებში სალდება. მრეწველები ცდილობენ მადნის თვითღირებულების შემცირებას. საამისოდ სრულყოფენ საბადოთა საექსპლოატაციო სამუშაოებს, ასევე მაღაროდან და საბადოს ზედაპირზე მადნის გადაზიდვის საშუალებებს, ეს უკანასკნელი „განსაკუთრებით მნიშვნელოვანია, რადგან საბადოდან რკინიგზამდე მადნის გადაზიდვა წარმოადგენს გასასაღებელი მადნის ზედნადები ხარჯებისა და თვითღირებულების ზრდის ერთ-ერთ უმნიშვნელოვანეს ფაქტორს“³.

მართლაც, წარმოებაში ტექნიკური სიახლეების დანერგვა, მისი ინდუსტრიულ ყაიდაზე მოწყობა ნაკარნახევი იყო მადნის თვითღირებულების შემცირების ინტერესებითაც, თუმცა ამას მოითხოვდა მარგანეცის მრეწველობის გაფართოებისა და საერთაშორისო ბაზრებზე გაჩაღებულ საკონკურენციო ბრძოლაში ქიათურის მარგანეცის პოზიციების შენარჩუნება-განმტკიცებისადმი მისწრაფება. საბადოთა ექსპლოატაციის გაძლიერებისა და სრულყოფის, მოპოვებული მადნის

¹ ЦГИАЛ, ф. 37, оп. 75, л. 954, л. 45, об.

² ЦГИАЛ, ф. 37, оп. 75, д. 691, л. 4—10: Отчет Кавказского горного управления за 1911 год, 1912, гл. 118.

³ Отчет Кавказского горного управления за 1911 год, 1912, гл. 120.

დიდი რაოდენობით გაზიდვის, აგრეთვე გადაზიდვის ხარჯების შესამ-
ცილებლად საგანგებო მნიშვნელობა ენიჭებოდა სამთო გამონამუშევ-
რებიდან, ასევე საბადოს ზედპირზე მადნის გაზიდვის მექანიზაციას.
ამიტომ მრეწველებმა გააჩაღეს სამუშაოები მალაროებში რელსებიანი
გზების გასაყვანად. მიწისქვეშა და საბადოს ზედპირზე დაგებული
რელსებიანი გზების საერთო სიგრძე ქიათურის საბადოებში 1915
წლის დამლევისათვის ასეთი იყო:

ცხრილი 64

ზეგანი, სადაც რელსებიანი გზაა	რელსებიანი გზის სიგრძე (საყენობით)		მთა შორის აიგო 1915 წ. (საყენობით)		ლიან- დაგის სიგრძე	ვაგონ- ტების რაოდენ- ობა		ტვირთობის უნარიანობა	ტვირთის გადაადგო- ლების სა- შუალება		
	მალაროში მიწის ქვეშ	საბადოში ზედაპირზე	მალაროში მიწის ქვეშ	საბადოში ზედაპირზე	ლიუმობით	ხისა	ლითონისა		ტონით	ტონით ან მექანიკ. ძა- ლით	
	მალაროთა რიცხვი										
რგანი	5	1292	1480	82	80	16—24	34	60	33—70	2	3
ზედა რგანი	23	3795	1087	445	188	19—20	—	68	45—60	13	5
სარკვევლეფ- უბანი	4	1510	760	155	35	18—22	—	32	50—70	2	2
მღვიმევი	52	135	1941	260	220	17—24	1	391	25—60	17	25
თაბაგურები	3	150	210	150	210	22	—	12	40	2	1
ღარკეეთი	9	1797	795	65	30	24	—	61	50	6	3
პერევისა	16	3955	955	70	15	19—25	—	416	45—50	3	2
შუქრული	28	2855	654	130	10	10—24	16	60	20—80	24	2
იოხვისი	1	30	—	—	—	—	—	—	40	1	—
ს უ ლ	140	24519	8722	1667	788	16—25	52	1100	20—80	69	43

ცხრილზე დაკვირვებისას უნდა გავიხსენოთ, რომ 1914 წელს სამ-
რეწველო რაიონში 192 მოქმედი მალაროა, რომელთა შორის 126
უზრუნველყოფილია რელსებიანი გზებით, ხოლო 1915 წელს რელ-
სებიანი გზები გააჩნდა 140 მალაროს, რომელთა შორის მხოლოდ
95 არის ექსპლოატაციაში. 1915 წელს რელსებიანი გზა გაიმართა 14
მალაროში და ასეთი გზის საერთო სიგრძე სამთო გამონამუშევრებში
1914 წელთან შედარებით გაიზარდა 1667 საყენით, ხოლო საბადოს

4 ЦГИАЛ, ф. 37, оп. 75, д. 691, 1915, л. 20, об. (Отчет о состоянии и
производительности горных заводов, рудников и промыслов I-го Кавказского
горного округа за 1915 г.). ცხრილის დასაზუსტებლად გამოიყენეთ: «Отчет Кав-
казского горного управления за 1913 год», Тб. 1914, გვ. 97. იოხვისი მხოლოდ
უკანასკნელშია ვათეალისწინებული.

ზედაპირზე 788 საეენით, ანუ სულ 2 455 საეენით. ცხრილიდან ჩანს აგრეთვე ხის ვაგონეტების ძლიერ შემცირება და ლითონის ვაგონეტების რიცხვის ზრდა. სამთო უწყება ვაგონეტების გადაადგილებაში „მექანიკური საშუალების“ გამოყენებას სისტემატურად მხოლოდ 1914—1915 წლებში აღნუსხავს⁵, სინამდვილეში ის უფრო ადრეც გამოიყენებოდა, მაგალითად, გერმანული ფირმის „კავკასიის საბადოთა ამხანაგობის“ საწარმოებში. ამ ფირმას 1913 წლისათვის მალაროებში გააჩნდა „მცირე ორთქლმავლების დეპო“.

ამრიგად, ქიათურის აუზში მალაროებიდან საბადოს ზედაპირზე მადნის გამოსაზიდად რელსებიანი გზების მშენებლობა 1910—1914 წლებში ფართო მასშტაბით მიმდინარეობდა, ასეთი გზების ქსელით დაიფარა გამონამუშევრები და საბადო ზეგნების ზედაპირი, მალაროდან ზედაპირზე მადნის გადმოზიდვაში ხელურების ადგილი ჯერ ხის ვაგონეტებმა დაიკავა, ხოლო უკანასკნელი თანდათან შეცვალა ლითონის ვაგონებმა. მათი მოძრაობა რელსებზე ჯერ მუშის ძალით ხდებოდა, შემდეგ ცხენის ძალის, ხოლო ბოლოს მექანიკური ძალის გამოყენებით. ასეთივე დიდი ცვლილებები მოხდა საბადოებიდან გამამდიდრებელ ფაბრიკებამდე და რკინიგზის ქიათურის შტოს სატვირთო ბაქნებამდე მადნის მექანიკურ ზიდვაში, რის მოწყობასაც თითქმის ყოველი მრეწველი ცდილობდა. კავკასიის სამთო სამმართველო არსებითად სწორად აფასებდა მარგანეცის მრეწველთა საქმიანობას წარმოებაში ტექნიკური სიახლეების დასაწერად, როცა 1913 წელს წერდა: «Не только крупные марганцепромышленники, но и мелкие постоянно, в борьбе за свое существование, стремятся к замене дорогого человеческого труда животною силою, а последнюю вытесняют механическую; на многих промыслах тачечная откатка руды из рудников на поверхность заменена рельсовыми путями, по которым руды вывозятся лошадьми; равным образом традиционные «арбы-волокушки» и «плетенные карзаны» для вьючной перевозки руды с рудников к складам-платформам жел. дор. начинают вытесняться механическими спусками, бремсбергами; местами же применяется живая сила воды, специально нагнетаемой снизу вверх, на рудники, для спуска руды по желобам и трубам»⁶.

გაძლიერდა საბადო ზეგნებიდან ყვირილას ხეობაში მადნის მექანიკური ჩამოსაშვებების, „ბრემსბერგებისა“ და საპაერო-საბაგრო

⁵ ЦГИАЛ, ф. 37, оп. 75, д. 691, л. 20, об (таблица).

⁶ Отчет Кавказского горного управления за 1913 год, 1914, гл. 96.

გზების მშენებლობა; საერთო თუ კერძო სარგებლობის ბრემსბერგის ტიპის მექანიკური ჩამოსაშეებები 1914 წელს მოქმედებდნენ:

ცხრილი 7⁷

ზევანი, სადაც მექანიკური ჩამოსაშეებია	მდარათა რიცხვი		დახრილობის კუთხე	საბარო მართლის დიამეტრი (ლივში)	ვაგონტები		"ტიპი" (სიტემა)		
	სიგრძე (საფე ნობით)	სიგანე (ლივ ნობით)			რიცხვი	ტვირთვით-გია უნარი-ბოკა	უსაბრულო საბეჭო	ბოლოვანი ბეჭით	
რგანი	1	57	27,5	34°	7/8	2	120	1	—
მლიმევი	1	360	27,5	90°—30°	1/2—3/4	4	35	1	—
ზედა რგანი	2	187	27,5	15—36°	3/8—5/8	9	50—60	2	—
პერეისა	1	130	27,5	32°	3/4	—	—	1	—
მექანიკური გაზიდვა მა-ღაროში პე-რევი აში	1	200	24	—	1/2	20	35	—	1
ადგ. ქარბელა	1	175	24	—	1/2	20	35	—	1
	7	1109	24—27		1/2—3/4	55	35—50 120	5	2

აქედან ჩანს, რომ მთავარი საბალო ზეგნები ბრემსბერგით უკავ-შირდება მდ. ყვირილას ხეობას, სადაც გამამდიდრებელი ფაბრიკე-ბია განლაგებული და რკინიგზის შტოა გაყვანილი. დასახლებული მე-ქანიკური ჩამოსაშეებებიდან 1909 წლამდე მოეწყო 4, ხოლო 1911—1914 წლებში — 3. საუცხოოდ იყო მოწყობილი ფრანგული ფირმის „დარკვეთის“ ბრემსბერგი, რომელიც წელიწადში 2 მილიონ ფუტ მადანს ატარებდა, ხოლო ინგლისური ფირმის „ფორველისა“, ასევე „მ. ოგანეზოვებისა“ თითო 3 მილიონ ფუტს და სხვ. რკინიგზამდე მადნის ბრემსბერგით ჩამოშეება მხოლოდ 0,5 ან 0,6 კაპიკი ჯდებო-და. ბრემსბერგი, ერთი მხრივ, საბალოს რელსებიან გზებს უკავშირ-დებოდა, ხოლო, მეორე მხრივ, გამამდიდრებელ ფაბრიკებს ან რკინიგ-ზას. ბრემსბერგის ხაზზე მოძრაობდა 90—120 ფუტის ტევადობის რკი-

⁷ ЦГИАЛ, ф. 37, оп. 75, д. 691, л. 21.

ნის ორი ვაგონეტი. ზედა ბაქანზე ჩატვირთული მადანი ხეობისკენ მიემართებოდა⁸.

საბაღო ზეგნების სხვადასხვა უბნიდან ყვირილას ხეობამდე გაუ-
ვანილ იქნა აგრეთვე 9 ე. წ. „მცირე ბრემსბერგი“, რომელთა სიგ-
რძე 40-დან 75 საყენამდე აღწევდა. მათ შორის 3 გაყვანილ იქნა
1909 წლამდე, ხოლო 6—1910—1914 წლებში. ეს გზები არ იყო და-
კავშირებული საბაღოს რელსებიან გზებთან, და არც აღწევდა რკი-
ნიგზის შტომდე. ამიტომ „მცირე ბრემსბერგის“ ზედა ბაქანამდე, ასე-
ვე მის ქვედა ბაქნებიდან რკინიგზამდე მადანს საჭაპანო ან სასაპალ-
ნე ტრანსპორტით ეზიდებოდნენ. ამგვარი მექანიკური ჩამოსაშვების
საერთო წლიური გამტარუნარიანობა 4—6 მილიონ ფუთს არ აღემა-
ტებოდა, თანაც საბაღოებიდან რკინიგზამდე ზემოთ აღწერილი საშუ-
ალებით ფუთი მადნის გადაზიდვა 1,7-დან 2 კაბიკამდე ჯდებოდა.

ბრემსბერგით მადნის ზიდვა თანდათან გაძლიერდა, მაგალითად:
1909 წელს საბაღოებიდან რკინიგზის შტომდე 12 მილიონი ფუთი
მადანი ბრემსბერგით იქნა მიწოდებული, ხოლო 25 მილიონი სხვა
საშუალებით (საპაერო-საბაგირო გზით, ასევე საჭაპანო და სასაპალნე
ტრანსპორტით)⁹. 1913 წელს 18 მილიონი ფუთი ბრემსბერგით იქნა
მიწოდებული, ხოლო 29 მილიონი ფუთი — სხვა საშუალებით¹⁰, 1914
წელს კი ბრემსბერგით 19 მილიონი ფუთი იქნა დაშვებული¹¹.

ჭიათურის მარგანეცის მრეწველობაში დიდი მნიშვნელობა ჰქონდა
საპაერო-საბაგირო გზებს, რომელთა მოწყობილობა, ისევე როგორც
ბრემსბერგისა, უცხოეთიდან მოდიოდა. ისინი ელექტროენერჯის ძა-
ლით მოქმედი ტექნიკურად სრულყოფილი გზები იყო. ამ გზების
ზედა, ასევე ქვედა სადგურებზე მადნის ვაგონეტებში დატვირთვა-
გადმოტვირთვა მექანიზებული იყო. საპაერო-საბაგირო გზები, გარ-
და სამისა, კერძო მფლობელთა სარგებლობაში იყო; საერთო სარ-
გებლობაში კი იყო მარგანეცის მრეწველთა ყრილობის ორი საპაერო-

⁸ ჩვენ ხელთა გვაქვს რამდენიმე ბრემსბერგის აღწერილობა, მათ შორის
გერმანული ფირმის „გელზენკირხენისა“ აქ ვკითხულობთ: «Двухдействующий-
—трехрельсовый бремсберг длиною 57 саж. двумя постоянными железными
вагонетками, емкостью 90 пудов подвешенными на гибком (мягком) сталь-
ном канате, диам. $\frac{3}{4}$, длиною 110 саж. с чугунным барабаном на стальной оси.
с ленточным тормозом... При бремсберге погрузочная платформа с площадкою
протяжением 15 саж.» ЦГИАЛ, ф. 23, оп. 28, д. 509, л. 46—47.

⁹ ЦГИАЛ, ф. 37, оп. 72, Д. 43, 1910, л. 154.

¹⁰ ЦГИАЛ, ф. 37, оп. 73, д. 1001, 1914, л. 73.

¹¹ ЦГИАЛ, ф. 23, оп. 28, д. 509, л. 51.

საბაგირო გზა, რომელიც მღვიმევის მონასტრის ახლო უბნიდან რკინიგზის შტოს სადგურ კიქოურამდე იყო გადაკეტილი, ასევე

ცხრილი №2

ზეგნები და ფირმები, რომელთაც გააჩნდათ საჰაერო-საბაგირო გზები	გზის სისტემა		ბაგირის დიამეტრი		გზის სიგრძე	წარმადობა საათში
	ბოლოანი ბაგირი	უასრულო ბაგირი	წამყვანი ბაგირი	გამწვევი ბაგირი	საქმობით	ფუთობით
რ გ ა ნ ი						
გელზენკირჩენის სამთო სამრეწველო საზოგადო- ება	—	1	32	14	657	1.500
ლ. პ. პანასიე	1	—	22	12	90	1000
ზ ე დ ა რ გ ა ნ ი						
ლ. პ. პანასიე	—	1	28	14	500	1200
იგივე	1	—	32	13	110	1000
მ ღ ვ ი მ ე ვ ე ი						
მრეწველთა საბჭო იგივე დასატვირთ ბაქ- ნებთან	—	1	28	18	160	} 4.000
ნ. ზ. წერათელი და მისი თანამონაწილენი	—	1	33	14	52	
ძმ. ჩილინგარიანები	1	—	32	16	300	2000
			30	11	160	1.500
დ ა რ კ ვ ე თ ი						
ე. თ. მიულსი	1	—	35	13	175	2000
შ უ ქ რ უ თ ი						
ე. კ. ზაროკალი	1	—	22	12	88	1200
ი. და ზ. ოგანეზოვები	1	—	38	19	260	2000
ს უ ლ	6	5	22—38	11—19	3—820	1000—4000

ს. გვიდემანის მიერ დარკვეთის ხეობაში გაწყობილი ანალოგიური გზა, რომელიც 1907 წლიდან ძმ. ჩილინგარიანებს ეკუთვნოდა.

საჰაერო-საბაგირო გზების მშენებლობა განსაკუთრებით ფართოდ 1906—1914 წლებში გაიშალა. მათი ქსელით დაითარა სამრეწველო რაიონის უმთავრესი უბნები.

¹² ცხრილის შედგენისას ვისარგებლეთ: ЦГИАЛ, Ф. 37, оп. 75, д. 691, 1915, л. 21, 26.; Ф. 23, оп. 28, д. 509, л. 50—52.

მაგალითად, 1914 წელს ექსპლოატაციაში იყო შემდეგი საჰაერო-საბაგირო გზები (იხ. ცხრილი 8, გვ. 316).

მოქმედი საჰაერო-საბაგირო გზები უმსხვილეს სამრეწველო ფირმებს ეკუთვნოდა. ამ გზების საერთო სიგრძე და გამტარუნარიანობაც დიდი იყო. აღსანიშნავია, რომ ამ გზებით 1913 წელს საბადოებიდან გაიზიდა 21 მილიონი ფუთი მადანი და თითო ფუთის გადაზიდვა (საბადოდან გამამდიდრებელ ფაბრიკამდე, ან რკინიგზის შტოს ბაქნებამდე) 0,11-დან 1 კაპიკამდე ჯდებოდა¹³.

1904 — 1914 წლებში მოეწყო მადნის 7 ჩამოსაშვები — „ღარი“ საამისოდ მსხვილმა ფირმებმა (მდ. ყვირილადან საბადოებამდე) გამართეს წყლის საქაჩაეები.

ყოველივე ზემოთქმული გვიჩვენებს, რომ 1913—1914 წლები-სათვის მალაროებიდან გამამდიდრებელ ფაბრიკებამდე და რკინიგზის შტოს სადგურებამდე მადნის გადაზიდვაში გადამწყვეტი მნიშვნელობა ბრემსბერგმა და საჰაერო-საბაგირო გზამ დაიკავა, ხოლო საქაპანო და სასაპალნე ტრანსპორტის როლი ამ საქმეში უკვე უმნიშვნელოა. მადნის ზიდვის მექანიზაციასა და ინდუსტრიულ ყაიდაზე მოწყობაში ყველაზე მკაფიოდ გამოვლინდა სამრეწველო გადატრიალების გარმავება ჭიათურის მარგანეცის მრეწველობაში. საბადო ზეგნებიდან მდ. ყვირილსა და მისი შენაკადების ხეობებისაკენ მადანი მიემართებოდა მექანიკური დასაშვებებით, ზოგანაც საამისოდ მოწყობილი ღარებით, ხეობაში მადნის მისაღებ უბნებში მოეწყო გამაუხვებელი ფაბრიკები. მათი მშენებლობა 1909—1914 წლებში სწრაფი ტემპით მიმდინარეობდა. 1908 წლამდე სამრეწველო რაიონში მხოლოდ 8 ფაბრიკა ამუშავდა, ხოლო 3 მშენებლობაში შევიდა, 1909 წელს უკვე 11 ფაბრიკა მოქმედებდა. 1912 წელს — 17, 1913 წელს — 25, 1914 წელს 29 ფაბრიკა მუშაობდა, ხოლო 2 მშენებლობის პროცესში იყო.

გავეცნოთ სამრეწველო რაიონში არსებული ფაბრიკების განლაგებას, ასევე მათ მფლობელებს¹⁴:

¹³ ЦГИАЛ ф. 37, оп. 72, д. 1910—1913 гг., л. 200.

¹⁴ მეფაბრიკეებისა და საკუთრივ ფაბრიკების სიის შედგენა-დაზუსტებისას დავეყარეთ: ЦГИАЛ, ф. 37, оп. 75, д. 691, л. 28—29, 165. შესავსებად ზოგიერთი ცნობა მოვიტანეთ: სსსა, ფონ. 415, საქ. 109, ფურც. 67; დ. წერეთელი, შავი ქვა, თბ., 1930 გვ. 130. ზოგიერთი სხვა წყაროები კი შედარებით უზუსტო და წინააღმდეგობრივ მონაცემებს შეიცავენ. ასე მაგალითად, ერთი ცნობით 1913 წელს სამრეწველო რაიონში 26 გამაუხვებელი ფაბრიკაა.

ფაბრიკის მფლობელი

ხეობა, სადაც ფაბრიკა:

ფაბრიკის მფლობელი	ხეობა, სადაც ფაბრიკა:
1. ლ. პ. პანასიე	რგანის ხეობა
2. გ. გ. ჩომახიძე და გ. ს. სამხარაძე	" "
3. ი. ზ. სვანიშვილი, შ. ა. შაპარაძე, ე. პ. ხედელოძე	" "
4. გ. გ. ჩომახიძე (მოაჩარადრეა ფ. დ. ტაბუარიო)	" "
5. ა. ზ. შადათოვი	" "
6. ი. მ. ბარათაშვილი	" "
7. დ. თ. აბულაძე	" "
8. გ. და ა. ქვეთარაძეები	" "
9. ძმ. ოგანეზოეები	" "
10. გ. ლ. რადოვიჩი	წირკველის ხეობაში (ლელის მარცხენა მხარეზე)
11. თ. დ. ბერიძე, ა. ა. ჩაყელი, მ. ა. ბუაძე, ნ. ნ. ქალაგიძე	" "
12. ნ. ზ. წერეთელი და კომპ.	" "
13. ზ. შერბეკა და ძმ. ქაცარაძეები	" "
14. ი. ს. მელია	" "
15. სეაქრო სახლი რ. ე. ჭავჭავაძის და ამხანაგობა	" "
16. გ. ნ. მანოლოპული	" "
17. მარგანეცისა და რკინის მადნის ამხანაგობა	" "
18. ე. პ. აეგერიხო	" "
19. ა. ა. ჩაყელი და ი. ვარაზაშვილი	" "
20. ი. ხ. აბაშიძე, ი. დ. ბრეგაძე, ა. ა. ჩაყელი, კ. პ. სარგინიდი კ. გ. შასხაშვილი, ი. პ. გავრილიდი	" "
21. მ. ს. მანუილ-დოსი	თბაგრების ხეობაში
22. ხ. გ. მანოლოპული	" "
23. მ. და დ. ბუაძეები	" "
24. გ. გ. ლუღუნიშვილი ე. ვ. ლუღუნიშვილი ა. ა. ლუღუნიშვილი ე. კ. ბაქრაძე	დარკვეთის ხეობაში
25. ო. თ. გილერტი	" "
26. ძმ. მიულსები	" "
27. ნასათაბევა (ლუღუნიშვილისეული)	" "
28. ა. ა. სარჯველაძე ნ. ა. ათაბაგი	ითხვის ხეობაში
29. კავკასიის საბადოთა ამხანაგობა	შუქრუთის ხეობაში
30. გელზენკირხენის სამთოსამრეწველო საზოგადოება	მდ. ყვირილას მარჯვენა მხარეზე (რგანის ხეობაში)
31. ძმ. ჩილინგარიანები	" "

ქართველ მეწარმეებს ეკუთვნოდათ 16 ფაბრიკა (აქედან 5 მეწარმე ერთპიროვნულად ფლობდა, ხოლო 28 მეწარმისგან შემდგარი ამხანაგობანი 11 ფაბრიკის მეპატრონეა), გერმანელებს — 4, ბერძნებს — 4, სომხებს — 3, ფრანგებს — 2, რუსებს — 1, ბელგიელებს — 1.

მეპატრონეთა მიერ ფაბრიკის გაყიდვისა თუ იჯარით გაცემის

ოთხი შემთხვევაა ჩვენთვის ცნობილი. ფაბრიკები თავისი აღჭურვილობით და საწარმოო სიმძლავრით განსხვავდებოდნენ ერთმანეთისაგან. სხვადასხვა სიმძლავრის ფაბრიკები დღე-ღამეში უშვებდნენ დაახლოებით 2 ათასიდან 20 ათას ფუთამდე „სუფთა მადანს“¹⁵. სხვა, ჩვენი დაკვირვებით, სათუო ცნობით კი ისინი ყოველ 8 საათში უშვებდნენ 2 ათასიდან 18 ათას ფუთამდე გაწმენდილ მადანს¹⁶.

ტექნიკურად მებრ-ნაკლებად სრულყოფილი გამამდიდრებელი ფაბრიკების მშენებლობა და საერთოდ ქიათურის მარგანეცის მრეწველობის მატერიალურ-ტექნიკური აღჭურვა ფართო მასშტაბით პირველი მსოფლიო ომის წინა წლებში განხორციელდა. ამასთან დაკავშირებით კავკასიის სამთო სამმართველო თავის 1913 წლის ანგარიშში აღნიშნავდა: „მრეწველები განწყობილნი არიან ფაბრიკების მშენებლობისათვის, რითაც მათ სურთ დააკმაყოფილონ ბაზრის მოთხოვნა მარგანეცის მადანზე. შორაპნის საწარმოებში ახალი ფაბრიკების მშენებლობასთან ერთად, შეინიშნება ახალი, უფრო სრულყოფილი მექანიზმებისა და მოწყობილობის დანერგვის შეუნელებელი პისწრაფება, რაც მიზნად ისახავს მადნის ხარისხის გაუმჯობესებას, მადნის გაიაფებას“¹⁷. მაგალითად, მმ. ოგანეზოვების ფაბრიკასთან მოეწყოა ახალი დიდი სამსხვრეველა და 8 დიუმისანი ცენტრიდანული ტუმბო¹⁸. კეთილმოწყობილი იყო ფრანგული „ანონიმური სამთო-სამრეწველო სააქციო საზოგადოების“ გამამდიდრებელი ფაბრიკა. ის მოქმედებაში მოჰყავდა ნავთძრავა „ატლანტს“, განსაკუთრებული კონსტრუქციის მექანიზმი იყო გამოყენებული მარცვლოვანი მადნის დასანაყად და ფუქი შენარეებისაგან გასაწმენდად. ფაბრიკა 1200-მეტრიანი საპეროსაბაგირო გზებით უშუალოდ უკავშირდებოდა მალარობს¹⁹. ტექნიკურად კარგად იყო აღჭურვილი სხვა გამაუხვებელი ფაბრიკებიც. მაგალითად, გ. მანუილიდისის ფაბრიკა ქვიტკირის ორსართულიან შენობაში იყო მოთავსებული. მას ამოქმედებდა ჰორიზონტალური სისტემის ნავთძრავა „პეტრორი“, 45 ცხ. ძალისა; ფაბრიკას ყველა სხვა მექანიკურ მოწყობილობასთან ერთად, გააჩნდა მექანიზებული სამსხვრეველა, საზეინკლო სახელოსნო. აქ გაყვანილი იყო 20 საე. სიგრძის რკინიგზა, სადაც 60 ფუთის ტევადობის ვაგონები მოძრაობდნენ. ფაბრიკა 8 საათში 3 000 ფუთ გაუხვებულ მადანს უშვებდა. ასევე იყო მოწყ-

¹⁵ ЦГИАЛ, ф. 23, оп. д. 514, л. 264; Отчет Кавказского горного управления за 1913 год, Тиф., 1914, გვ. 60—70.

¹⁶ დ. წერეთელი, შავი ქვა, გვ. 130.

¹⁷ Отчет Кавказского горного управления за 1913 год, 1914 გვ. 95.

¹⁸ ი ქ ვ ე

¹⁹ ი ქ ვ ე

ყობილი გ. რადოვიჩის გამამდიდრებელი ფაბრიკა. ისიც ქვიტკირის ორსართულიან სახლში იყო გაშენებული. ფაბრიკას ამოქმედებდა 32 ცხ. ძალის ნავთქრავა „პეტორი“. ტექნიკურად სრულყოფილ ფაბრიკას გააჩნდა 80 საყენის საერთო სიგრძის ქვიტკირის არხი და ხის ლარები, რითაც მადანი მალაროდან გამამდიდრებელი ფაბრიკისკენ მიემართებოდა. აქვე იყო გაყვანილი 30 საყ. სიგრძის რელსებიანი გზა, 25 საყ. სიგრძის „საესტოკადო გზა“ — 4 ვაგონით. ფაბრიკა 8 საათში 4000 ფუთ გამდიდრებულ მადანს უშვებდა. აქაც, ისევე როგორც სხვა ფაბრიკებთან, აშენებული იყო ორსართულიანი სახლი მუშებისათვის. ამგვარადვე იყო მოწყობილი ძმების გ. და ა. ქავთარაძეების, ასევე ბუაძეების გამამდიდრებელი ფაბრიკა. უკანასკნელის ფაბრიკაში მალაროდან მადანი მიემართებოდა ჯერ ე. წ. „წყლის დასაშვებით“ (ღარით), ხოლო შემდეგ 100 საყენის სიგრძისა და 15° დახრილობის ორმხრივი ბრემსბერკით. ბაგირი ფოლადისა იყო, ხოლო თითო 60 ფუთის ტევადობის. ვაგონეტები — რკინისა. ფაბრიკის წარმადობა 8 საათში 3 000 ფუთს უდრიდა²⁰;

ფაბრიკებში საწარმოო პროცესი მექანიზებული იყო და ისინი „საერთო ძრავას“ ძალით მოქმედებდნენ. ბევრგან მექანიზებული იყო მალარობებიდან ფაბრიკაში მადნის მიწოდება და გაუხვებელი მადნის რკინიგზის სატვირთო ბაქნებამდე გადაზიდვა. ფაბრიკების ტერიტორიაზე გაყვანილი იყო რელსებიანი გზები. აშენდა მუშათა საცხოვრებლები, გაიმართა დამხმარე საწარმოები და საზეინკლო სახელოსნოები. 1914 წელს 29 მოქმედ გამაუხვებელ ფაბრიკაში არასრული ცნობით დაახლოებით 1800 მუშა ითვლებოდა²¹. ყველა მოქმედმა გამაუხვებელმა ფაბრიკამ 1913 წელს გამოუშვა 22 125 737 ფუთი გამდიდრებული მადანი²². მარგანეცის მრეწველთა სტატისტიკური კრებულის მოწმობით ყველა გამამდიდრებელ ფაბრიკას, ინტენსიური მუშაობის შემთხვევაში 1913 წელს შეეძლო გაემდიდრებინა 72 მილიონი ფუთი მადანი²³. გამდიდრებისას „იკარგებოდა“ ფაბრიკებში მიზიდული მადნის საერთო წონის ერთი მესამედი — 33%²⁴, ზოგიერთ სხვა წყაროს მოწმობით კი 35,17%, ზოგჯერაც 44—45%²⁵. სამაგიეროდ გაწმენდილი მადანი შედარებით კარგად ფასობდა. სამრეწველო

²⁰ ЦГИАЛ, ф. 37, оп. 75, д. 691, л. 17, 18—19.

²¹ ХФЦГИАУ, ф. 834, д. 141, л. 44.

²² Статистика марганцевого дела, К., 1914, гл. XI.

²³ Статистика марг. дела, К., 1914, гл. XI.

²⁴ Статистика марганцевого дела, К., 1914, гл. XIII.

²⁵ ЦГИАЛ, ф. 23, оп. 28, д. 514, л. 70.

სტატისტიკის ცნობით, 1914 წელს ჰიათურაში ფუთი ჩვეულებრივი, გაუმდიდრებელი მადანი 6½—7 კაპიკი ფასობდა. ხოლო გამდიდრებული — 9—13 კაპ.²⁶.

• • •

ასეთი იყო სამრეწველო გადატრიალების მიმდინარეობა ჰიათურის მარგანეცის მრეწველობაში, ასე გარდაიქმნა ის ინდუსტრიულ უაიდაზე. ეს პროცესი მექანიკური ენერჯის უფრო და უფრო ინტენსიურ და დიდი მასშტაბით გამოყენების ბაზაზე განხორციელდა. ჰიათურის სამრეწველო რაიონში გიდრაულური, ორთქლის, ნაეთის — „გაზომოტორებისა“ და „ელექტრომოტორების“ ძალის გამოყენება განსაკუთრებით ფართოდ 1906—1914 წლებში დაინერგა.

ინდუსტრიულ საფუძველზე გარდაიქმნა ჰიათურის რკინიგზის სადგურებზე მადნის ვაგონებში დატვირთვის პროცესიც. საბადო ზეგნები უშუალოდ, მადნის მექანიკური დასაშვებებით (ბრემსბერგითა და საპაერო-საბაგირო გზით) დაუკავშირდა რკინიგზის ბაქნებს. გამამდიდრებელი ფაბრიკებიდან მადანი ასევე მეტწილად რელსებიანი ან საბაგირო გზით მიემართებოდა რკინიგზის სატვირთო ბაქნებისაკენ. უკეთ მოეწყო მადნის საწყობი და დასატვირთი ბაქნებიც. მადნის დატვირთვა ვაგონებში რკინიგზის ჰიათურის შტოს სამ სადგურზე წარმოებდა: 1. სადგ. ჰიათურაში, რომლის ბაქნების სივრცე 17 000 კვ საყენს აღწევდა; 2. სადგ. დარკვეთში, რომელსაც მადნის საწყობად გააჩნდა 2 400 კვ. საყ. ფართობი და 3. ჰიათურა-დარკვეთის გზაზე (6 ვერსის სიგრძეზე), სადაც ბევრგან რკინიგზის ხაზიდან რამდენადმე მოშორებით მრეწველებს მადნის კერძო საწყობები ჰქონდათ. ჰიათურის რკინიგზის შტოს მოცემულ უბანზე მადნის საწყობი და სატვირთო ბაქნების საერთო ფართობი 27 000 კვ საყენს აღწევდა. მადნით რკინიგზის ვაგონების დატვირთვისათვის განკუთვნილი უბნები დიდ სიგრძეზე იყო გადაჭიმული, რის წყალობითაც რკინიგზის შტოს დასახელებულ სადგურებზე ერთდროულად 100 ვაგონის დატვირთვა შეიძლებოდა²⁷.

ჰიათურის აუზში სამრეწველო ცხოვრების განვითარებამ ერთგვარი ბიძგი მისცა საკრედიტო დაწესებულებების ქსელის გაფართოებას მთელ მაზრაში. მათ შორის აღსანიშნავია: 1. ყვირილას საკრედიტო ამხანაგობა; 2. შორაპნის საკრედიტო ამხანაგობა; 3. სასოფლო-

²⁶ ЦГИАЛ, ф. 23, оп. 28, д. 514, л. 71.

²⁷ В. Л. Тухолка, Назв. соч., გვ. 68; დ. წერეთელი, შავი ქვა, 1930, გვ. 135.

სამეურნეო კრედიტის ყვირილას ურთიერთდამხმარე საზოგადოება: 4. დილიკაურ-ბოსლევის საკრედიტო ამხანაგობა; 5. ბელაგორის საკრედიტო ამხანაგობა; 6. კობოზულის საკრედიტო ამხანაგობა; 7. ჭიათურის ურთიერთდამკრედიტებელი საზოგადოება; 8. მარგანეცის მრეწველთა ყრილობის საბჭოს თანამშრომელთა გამსესხებელ-შემნახველი ამხანაგობა; 9. ჩხარის საკრედიტო ამხანაგობა, თერჯოლის საკრედიტო ამხანაგობა. ჭიათურის სამრეწველო რაიონში ოპერაციებს ახორციელებდნენ თბილისის საკომერციო ბანკი, აზოვ-დონის ბანკი, რუსეთ-აზიის ბანკი²⁸; რომელთა წარმომადგენლები სესხებს აძლევდნენ მრეწველებსა და მადნის ექსპორტიორებს.

სამრეწველო გადატრიალებამ თვალსაჩინო ცვლილებები შეიტანა საწარმოო პროცესში, შრომის დანაწილებასა და მუშახელის განლაგებაში, რასაც თან ახლდა ასეთივე ცვლილება მადნის თვითღირებულებაში, მისი შემადგენელი მუხლების თანაფარდობაში²⁹.

გავეცანით მარგანეცის მრეწველობის მატერიალურ-ტექნიკური ბაზის გაუმჯობესების — ტექნიკური გადატრიალების გაღრმავების — პროცესის მიმდინარეობას. მისი ჯეროვნად შეფასება, ვფიქრობთ, სრულ საფუძველს გვაძლევს გადავსინჯოთ საკითხის ისტორიოგრაფიაში გავრცელებული მოსაზრება, რომლის თანახმად მოცემული დარგი 1879—1921 წლებში, ძირითადად „წერილი სასაქონლო და კუსტარული წარმოების ფორმისაა“. სინამდვილეში ცხადზე უცხადესია, რომ აქ პირველ მსოფლიო ომის წინა წლებში საქმე გვაქვს მრეწველობის განვითარების ქარხნულ-ინდუსტრიულ სტადიასთან.

მალაროებში რელსებიანი გზების დაგება და ექსპლოატაციამ გააადვილა და გააუმჯობესა საბადოთა რაციონალურად ათვისება. მალაროდან საბადოს ზედაპირზე მადნის ზიდვის ტექნიკის გაუმჯობესებამ, ასევე საბადო ზეგნებიდან გამამდიდრებელ ფაბრიკებამდე და რკინიგზის ჭიათურის შტომდე მადნის ტრანსპორტირების მექანიზაციამ დიდად დააწინაურა მარგანეცის მრეწველობა: გაიზარდა მადნის მოპოვების მასშტაბი, შემცირდა მისი თვითღირებულება. ტექნიკურად საუცხოოდ აღჭურვილი ფაბრიკები ღიდძალ მადანს ამდიდრებდნენ. მრეწველობის მოცემულ დარგში ტექნიკური გადატრიალება ხასიათდება გიდრაულიკური, ორთქლის, ნავთობის — გაზომოტორული და ელექტრომოტორული ძალის უფრო და უფრო ფართოდ გამოყენებით.

²⁸ სსსა, ფონ. 415, საქ. 109, 1913 წ., ფურც. 10.

²⁹ ЦГИАЛ, ф. 37, оп. 72, л. 138, 1910—1913 гг., л. 190—200.

§ 7. მუშათა რიგების შემდგომი შევსება-ჩამოშალიება.
 მუშათა მდგომარეობა და მოძრაობა ჩვეოლსიური აღმავლობის
 წლებში

ჭიათურის სამრეწველო რაიონში მუშათა რიგების შემდგომი შევსების მთავარ წყაროს განსახილველ პერიოდში, როგორც ადრე, ადგილობრივი გალატაკებული გლეხობა წარმოადგენდა. იზრდებოდა მუშათა ოჯახების წევრთა (ქალოა, მოზარდთა) მონაწილეობა წარმოებაში, მათი რიცხვი მუშათა საერთო მასაში¹. დაჭირებულ მუშათა კონტინგენტი ივსებოდა მოსულთა — რუსების, სომხების, სპარსელების, ბერძნებისა და სხვათა ხარჯზე².

სტატისტიკის ზოგადი ცნობით სამრეწველო რაიონში სამთო მუშათა რიცხვი ასე ცვალებადობდა³:

წელი	სამთო მუშათა რიცხვი	წელი	სამთო მუშათა რიცხვი
1906	5 085	1911	2 073
1907	4 994	1912	2 380
1908	671	1913	3 477
1909	3 123	1914	3 095
1910	3 213		

მოტანილი ცნობები, როგორც ქვემოთ დავინახავთ, მეტისმეტად არასრულია. სამრეწველო სტატისტიკის ცნობით 1905 წელს მხოლოდ 3 172 სამთო მუშაა ჭიათურაში, 1906 წელს — მათი რიცხვი გაზრდილა 49,91 %-ით.

მოტანილი მონაცემები გვიჩვენებენ მუშათა რიცხვის მკვეთრ შემცირებას 1908 წლის კრიზისის პერიოდში; 1909—1910 წლებში მუშათა რიცხვი კვლავ საგრძნობლად გაზრდილია, მომდევნო 2 წლის მანძილზე კი მათი რიცხვი საგრძნობლად შემცირებულია, ხოლო 1913—1914 წლებში სამთო მუშათა რიცხვი კვლავ იზრდება წინა ორ წელთან შედარებით. ზრდის ეს მაჩვენებლები, ისევე როგორც ზემო-მოტანილი მონაცემები, არასრულია. ასე მაგალითად, სტატისტიკის ცნობით 1909 წელს ჭიათურაში მხოლოდ 3 123 სამთო მუშაა, ხოლო მკვლევარ ვ. ტუხოლკას ცნობით 4531⁴. სტატისტიკის ერთი ცნობით 1914 წელს 3 095 სამთო მუშაა, ხოლო მეორე ცნობით, რასაც მკვლევარებიც (ვ. ტუხოლკა, ფ. ბუბლეინიკოვი და ნ. ლესინგი) ეთანხმე-

¹ ЦГИАЛ, ф. 565, оп. 7. д. 26907, 1910—1911 гг., л. 10

² იქვე.

³ Статистика марганцевого дела за 1914—1917 гг., К., 1918; таблица 17.

⁴ В. Л. Тухолка, Указ. соч. (Богатства СССР, под ред. А. Ф. Арского; М.-Л., 1927, 83-67.)

ბიან, სამთო მუშებია 5 000, რკინიგზის შტომდე მადნის გადაზიდ-
ველი მუშები კი 500⁵. ჩვენ მოგვეპოვება შედარებით უფრო სარ-
წმუნო წყარო, რომელიც დამაჯერებლად გვიდასტურებს სამრეწველო
სტატისტიკის ცნობების უზუსტობას და გვიჩვენებს სამთო მუშათა
რიცხვის თვალსაჩინო სიდიდეს. მხედველობაში გვაქვს სამრეწველო
უბნის ბოქაულის, მესხის მიერ 1913 წელს შედგენილი „ცნობები
ჭიათურის სამრეწველო უბნის ქარხნებისა და მალაროების მუშებ-
ზე“⁶. აქ პერსონალურადაა ჩამოთვლილი მადნის გამამდიდრებელი
ფაბრიკები, მათი მფლობელები და იქვე ცალ-ცალკეა მითითებული
სხვადასხვა მსხვილ საწარმოთა მუშების რიცხვი, ხოლო შემდეგ წარ-
მოდგენილია ჯამური მონაცემები ე. წ. „წვრილ“ საწარმოებში ჩაბ-
მული მუშების რიცხვის დასახელებით. თუ ამ ცნობების განხილვისას
მსხვილ სამთო საწარმოთა ერთ-ერთ განმსაზღვრელ პირობით ნიშნად
მუშათა რიცხვს (25 მუშის ზევით) ჩათვლით, მაშინ აღმოჩნდება, რომ
ჭიათურის სამრეწველო რაიონში 1913 წელს 44 მსხვილი სამთო სა-
წარმოა და ისინი სულ 3 110 სამთო მუშას ითვლიან. უწყისში სამწუ-
ხაროდ, ცალ-ცალკე არაა ჩამოთვლილი საშუალო (10—25-მუშიანი)
და წვრილი (1—10-მუშიანი) სამთო საწარმოები. სამაგიეროდ მითი-
თებულია ორივე კატეგორიის საწარმოთა მუშების საერთო რიცხვი
(16+17+16+3842)—3891⁷. ასე რომ 1913 წელს ჭიათურის სამრეწ-
ველო რაიონში სულ 7 001 სამთო მუშაა, მაშინ, როცა სამრეწველო
სტატისტიკის ცნობით ამ წელს ჭიათურაში მხოლოდ 3 477 სამ-
თო მუშაა. ბოქაულ მესხის მიერ შედგენილი ცნობების თანახმად იმა-
ვე 1913 წელს სამრეწველო რაიონში მოქმედი მადნის 15 გამამდიდ-
რებელ ფაბრიკაში 1 098 მუშაა⁸. სინამდვილეში ამ წელს, როგორც
სარწმუნო წყაროები გვიჩვენებენ, აქ 25 გამამდიდრებელი ფაბრიკა
მუშაობს: ბოქაულს მხოლოდ 15 აღუწერია და ამდენად მისი მონა-
ცემები არასრულია.

⁵ შტრ. Статистика марганцевого дела за 1914 — 1917 годы, К., 1918, გვ. XVIII — XIX; В. Л. Тухолка, Указ, соч., გვ. 67; Ф. Бублинников, Н. Лессинг, Марганцевая промышленность СССР, М.-Л., 1925, გვ. 9.

⁶ სსსა, ფონ. 415, საქ. 109, ფურც. 6—7.

⁷ ამ შემთხვევაში საბუთის მონაცემებს ჩვენ ვაჯამებთ არა სამრეწველო სტატისტიკის მიერ შემოთავაზებული პრინციპის მიხედვით, არამედ სხვადასხვა კატეგორიის საწარმოთა იმ პირობითი ნიშნის გათვალისწინებით, რომელიც ჩვენ შემოვიღეთ. ამრიგად, გამოდის, რომ 1913 წელს, როცა სულ 260 სამთო საწარმო ითვლებოდა, 217 საშუალო და წვრილ მრეწველს სულ 3891 მუშა ჰყავდა დასაქმებულად.

⁸ სსსა, ფონ. 415, საქ. 109, ფურც. 6.

ბოქაულის ცნობით, 1913 წელს ჰიათურის სამრეწველო რაიონში მალაროებიდან და გამამდიდრებელი ფაბრიკებიდან რკინიგზამდე მადნის გადამზიდველი მუშებია 1809, ხოლო რკინიგზის ჰიათურის შტოს სადგურებზე მადნის მტვირთავეები—638⁹. იმავე წყაროს ჩვენებით 1913 წელს სამრეწველო რაიონში მოქმედებენ აგრეთვე შემდეგი სარეწავეები¹⁰:

კამფეტის 1 „ფაბრიკა“	— 6 მუშით
ცეცხლგამძლე თიხის 1 „ქარხანა“	— 3 მუშით
აგურისა 33	— 141 „
თონები 5	— 50 „
კრამიტის 61	— 244 „
ლიმონათის 3	— 17 „
კირისა 7	— 118 „

დასახელებულ სარეწებში სულ 795 მუშაა.

ამგვარად, ბოქაულის აღწერით, რაც, ჩვენი დაკვირვებით, სრული არ უნდა იყოს, 1913 წელს ჰიათურის სამრეწველო რაიონში სამთო მუშებია 7001, გამამდიდრებელი ფაბრიკისა—1098, მადნის გადამზიდველნი — 1809, მადნის მტვირთავეები — 638, ხოლო სხვადასხვა, დამხმარე სარეწავეებისა—795, ანუ სულ 11 341 მუშა. როგორც ვხედავთ, 1913 წლისათვის სამრეწველო რაიონში დიდძალი მუშახელია თავმოყრილი. ამაზევე გვანიშნებს წინანდელი წლის დამდევის მონაცემებიც¹¹: ჰიათურის სამრეწველო უბანში 1912 წლის 1 იანვრისათვის აღურიცხავთ 11 128 სული (ორივე სქესისა); საყურადღებოა, რომ აქედან სამრეწველო უბნის მკვიდრი მხოლოდ 173 სულია¹². ჩანს, რომ სტატისტიკური აღწერისას მკვიდრთა რიცხვს არ აკუთვნებდნენ სამრეწველო რაიონის მახლობელი სოფლებიდან მოსულებსაც. ამასთანავე 1912 წლის იანვრის სტატისტიკური აღწერა საგულისხმო ცნობებს შეიცავს მუშათა ეროვნული შემადგენლობის დასადგენად: ამ დროისათვის მალაროებსა და ქარხნებში „ტუზემცებია“ (ვფიქრობთ, ძირითადად ქართველები უნდა ვიგულისხმოთ) 10 014, რუსები — 125, სხვა ეროვნებისა — 499¹³.

ცხადია, რომ მუშათა ძირითად მასას ქართველები შეადგენდნენ. უცხოეთის ქვეშევრდომი მუშები ჰიათურაში, როგორც ზემოთ აღვნიშნეთ, წარმოების ჩასახვიდანვე გამოჩნდნენ, თუმცა მათი რიცხვი

⁹ სსსა, ფონ. 415, საქ. 109, ფურც. 7.

¹⁰ იქვე, ფურც. 8.

¹¹ იხ. Статистические сведения по Чхатурскому промышленному участку Шоропанского уезда (სსსა, ფონ. 415, საქ. 110, ფურც. 2).

¹² სსსა, ფონ. 415, საქ. 110, ფურც. 2.

¹³ იქვე.

აქ შედარებით უმნიშვნელო იყო. აღსანიშნავია, რომ 1913 წელს ბოქაულის მიერ აღრიცხული სამთო, მადნის მზიდველ და მტვირთავ, აგრეთვე გამამდიდრებელი ფაბრიკების მუშებს შორის უცხოეთის ქვეშევრდომია მხოლოდ 219¹⁴.

ზემომოტანილი ცნობები სრულ საფუძველს გვაძლევს ვივარაუდოთ, რომ მოცემულ პერიოდში, როგორც აღრე, კიათურის სამრეწველო რაიონის მუშათა დაახლოებით 85—90%-ს ქართველები შეადგენენ.

ყურადღებას იპყრობს აგრეთვე სამრეწველო რაიონის მუშათა ასაკობრივი შემადგენლობა. 1907 წლის სტატისტიკური ცნობით კიათურის მარგანეცის მრეწველობის დამხმარე სარეწავეების 1382 მუშიდან 387 მოზარდია, ხოლო მადნის გადამზიდველთა შორის 1392 მუშიდან — 205¹⁵. სამრეწველო სტატისტიკის ცნობით 1911 წელს 6 საბადო ზეგნის მაღაროებში (მიწისქვეშ) მუშაობს 1386 მუშა, აქედან არასრულასაკოვანია 69, ხოლო მაღაროს ზედაპირზე — 686 მუშა, აქედან არასრულასაკოვანია 82, მცირეწლოვანი კი 17; 1912 წელს იმავე ზეგნების მაღაროებში (მიწის ქვეშ) მუშაობს 907 მუშა, ხოლო ზედაპირზე—1473, აქედან არასრულასაკოვანია 156, მცირეწლოვანი კი 116, 1913 წელს 9 საბადო ზეგანზე სტატისტიკამ აღრიცხა მაღაროში (მიწის ქვეშ) მომუშავენი 1680, აქედან არასრულასაკოვანია 70, ხოლო საბადოს ზედაპირზე მომუშავენი — 1793, აქედან არასრულასაკოვანი — 217 და 4 მცირეწლოვანი; 1914 წელს სტატისტიკამ 8 საბადო ზეგანზე აღრიცხა: მაღაროებში (მიწის ქვეშ) მომუშავენი 1884, ზედაპირზე მომუშავენი კი 1211, აქედან 42 არასრულასაკოვანია, ხოლო 12 მცირეწლოვანი¹⁶. ამრიგად, წარმოებაში არასრულასაკოვანთა და მცირეწლოვანთა შრომა განსახილველ პერიოდშიც საგრძნობლად გამოიყენებოდა, უპირატესად საბადოს ზედაპირზე გამოზიდული მადნის გარჩევა დახარისხებასა და მრეწველობის დამხმარე დარგებში, ამასთანავე არასრულასაკოვანთა გამოყენება იშვიათად შეინიშნება აგრეთვე მიწისქვეშა სამუშაოებშიც.

უნდა ვიფიქროთ, რომ არასრულასაკოვანთა შრომის გამოყენებას სტატისტიკა სასურველი სისრულით არ ასახავდა, რადგან, როგორც აღვნიშნავდით, სამრეწველო კანონმდებლობა კრძალავდა არასრულასაკოვანთა, ქალთა და მითუმეტეს მცირეწლოვანთა შრომას სამთამადნო მრეწველობაში და ამდენად მეწარმენი დაინტერესებული იქ-

¹⁴ სსსა, ფონ. 415, საქ. 109, ფურც 7.

¹⁵ Статистика марганцевого дела за 1907 год., К., 1908.

¹⁶ ЦГИАЛ, ф. 37, оп. 75, л. 389, л. 4—13.

ნებოდნენ სამთო ზედამხედველობისათვის დაემალათ აპგვარი ფაქტები. მათი შრომის გამოყენება ყოველგვარ ექვს გარეშეა მითუმეტეს, რომ სამრეწველო აუზის გლეხური მოსახლეობის სახმარი მიწების ნაწილი მრეწველთა ხელში გადადიოდა და შეუნელებლივ მიმდინარეობდა ამ რაიონის სოფლის მოსახლეობის სამრეწველო მოსახლეობად გარდაქმნა. ეს გარემოება მთელი სიცხადით ვლინდებოდა წარმოების მიერ განცდილი პერიოდული კრიზისებისას, მაგალითად, 1908 წლის სამრეწველო კრიზისის დროს.¹⁷ როცა წარმოების ძლიერ დაქვეითების შედეგად, სახნავ-სათესი ფართობის მწვავე ნაკლებობის პირობებში, სამრეწველო აუზის მკვიდრი მოსახლეობა აუტანელ შიმშილობას განიცდიდა. ამ დროს იქ შექმნილ ვითარებას ფართოდ გამოეხმაურა ქართული პრესაც. ამ მხრივ ნიშანდობლივია გაზ. „აზრის“ კორესპონდენტის მიერ (ბ. გამწარდაშვილის ფსევდონიმით) 1908 წელს გამოქვეყნებული წერილი, სადაც ასეა აღწერილი ზედა რგანის მოსახლეობის მდგომარეობა: „ბურჟუა-ექსპლოატატორებმა საიჭაროთ აღებულ მამულებში ადგილობრივი მკვიდრნი დღიურ მოქირავნეებათ ააყვანეს და ამის გამო ზედა რგანელებმა მიატოვეს თავისი მეურნეობა და ყოველგვარი საოჯახო საქმე, და ყველამ: დიდმა, პატარამ, კაცმა და ქალმა მიყვეს ხელი შავი ქვის ჩიჩქნას. დღეს მკვიდრნი შავი ქვისგან ვერას შოულობენ, აღარც აქვთ სახნავ-სათესი მიწები, რომ ცოტოდენი ჭირნახული მაინც მოეყვანათ და უკიდურეს გაჭირვებაში არიან ჩავარდნილნი. წარმოება დაცემულია ჭიათურაში; სამუშეო არ არის, სიმინდი არ მოდის და არც აქვთ; უქანასკნელ სამუშაო იარაღს ყიდიან და დღე და დღე ყიდულობენ სადილ-ვახშამს ჭიათურაში“¹⁷. პირველი მსოფლიო ომის დაწყების შემდეგ ჭიათურის მარგანეცის მრეწველობა დაღმავლობას განიცდიდა. ამას ხელი შეუწყო აგრეთვე მუშების ჯარში გაწვევამ, — მარგანეცის მრეწველობაში ჩაბმული მუშების საერთო მასიდან მთავრობამ მხოლოდ 10% დატოვა ადგილზე, ხოლო 90% ჯარში გაწვევას ექვემდებარებოდა¹⁸. ომმა იმთავითვე „ღრმა კვალი დააჩნია“ მრეწველობის მრავალ დარგს¹⁹. და მითუმეტეს ჭიათურის მარგანეცის მრეწველობას, რომელიც მსოფლიო ბაზრის მოთხოვნილებისაგან იყო დამოკიდებული.

პირველი მსოფლიო ომის წლებში მკვეთრად მცირდებოდა კვალი-ფიციურ მუშათა რიცხვი. ქალთა და ბავშვთა შრომის გამოყენების მასშტაბი კი იზრდებოდა. სხვადასხვა კატეგორიის მუშათა რიცხვი სტატისტიკის ცნობით ასე შემცირდა:

¹⁷ გაზ. „აზრი“, 1908, 15 თებერვალი, № 15.

¹⁸ სსსა, ფონ. 275, საქ. 341, 1915 წ., ფურც. 1.

¹⁹ გაზ. „ახალი აზრი“, 1914, 3 ოქტომბერი, № 10.

წ ე ლ ი	სამთო მუშები	გამამდიდრებელი ფაბრიკების მუშები	მადნის გადამზიდველი მუშები
1915	1 222	170	200
1916	1 059	417	15
1917	9 86	222	38

1906—1914 წლებში მსხვილმა კაპიტალისტურმა მრეწველობამ გაიმარჯვა, გაძლიერდა სამრეწველო პროლეტარიატის კონსოლიდაცია მსხვილ, ინდუსტრიულად მოწყობილ საწარმოებში. როგორც ზემოთ აღვნიშნეთ, სწრაფი ტემპით წარიმართა მუშათა კონცენტრაცია მსხვილ სამთო საწარმოებსა და გამამდიდრებელ ფაბრიკებში. სამრეწველო რაიონის მუშათა ძირითად მასას კვლავ სამთო მუშები შეადგენდნენ, დიდძალი მუშახელი მიაწყდა გამამდიდრებელ ფაბრიკებს, ადრინდელთან შედარებით საგრძნობლად შემცირდა მადნის საქაპანო და სასაპალნე ტრანსპორტით გადამზიდველი მუშახელის რიცხვი, გაიზარდა რკინიგზის ბაქნებზე მადნის მტვირთავთა, აგრეთვე მრეწველობის დამხმარე საწარმოთა მუშების რიცხვი. სამთო მუშები იყოფოდნენ: მნგრეველებად, მენიჩბე-მტვირთავებად, მაღაროდან მადნის (რელსებიან გზაზე ან ჩვეულებრივ) გამომზიდველებად, დამხარისხებლად. პირველი სამი კატეგორიის მუშები მაღაროებში (მიწის ქვეშ) ეწეოდნენ საქმიანობას, ხოლო უკანასკნელისა — საბადოს ზედაპირზე.

სამთო მუშათა საშუალო წლიური წარმადობა იზრდებოდა და თუ ადრე ერთი სამთო მუშა საშუალოდ დღეში 35—50 ფუთ მადანს პოულობდა, 1913 წლისათვის ის 65 ფუთს ამზადებდა²¹. შრომის ნაყოფიერების ზრდის ერთ-ერთ უმთავრეს წყაროს წარმოების პროცესში ტექნიკურ სიახლეთა დანერგვა წარმოადგენდა.

სამთო მუშათა შრომის პირობები ერთგვარად გაუმჯობესდა, თუმცა კვლავაც ხშირი იყო შრომის უსაფრთხოების წესების დაუცველობა, რაც უბედურ შემთხვევებს იწვევდა. ამას გვიდასტურებს „უბე-

²⁰ Статистика марганцевого дела за 1914—1917 годы, К., 1918, გვ. 24. ч. 1, табл. № 17, ч. 2, табл. № 17, ч. 3, табл. № 17.

²¹ Статистика марганцевого дела за 1913 год, К., 1914, табл. № 20.

დური შემთხვევების აღრიცვის უწყისი“, რომელიც არასრულია, რადგან სამთო ზედამხედველობას ფაქტიურად მხოლოდ შედარებით მსხვილი სამთო საწარმოები ექვემდებარებოდნენ²². უწყისების მონაცემების ურთიერთშეწყობა-შეჯერებით ჩვენ მიერ შედგენილი ცხრილი ასეთ სურათს წარმოგვიდგენს.

ცხრილი 10^ა

წელი	უბედურ შემთხვევათა საერთო რიცხვი	დაშვადან დიღუპა მუშები		სულ	
		არასრულ-ასაკოვანნი	სრულ-ასაკოვანნი	დაშვადან	დიღუპა
1906	48	1	47	38	10
1907	120	2	118	113	7
1908	89	1	88	85	4
1909	105	—	—	—	10
1910	164	14	150	156	8
1911	161	15	146	163	8
1912	359	20	339	348	11
1913	450	32	433	433	17
1914	379	35	349	365	14
სულ	1911	120	1670	1701	89

როგორც ვხედავთ, უბედურ შემთხვევათა რიცხვის ზრდა განსაკუთრებით საგრძნობია 1910 წლიდან. კავკასიის სამთო სამმართველო 1910—1912 წლებში მომხდარი უბედური შემთხვევების უწყისების მონაცემების შეფასებისას შენიშნავდა: „სამმართველოს საჭიროდ მიაჩნია აღნიშნოს, რომ უწყისის ცნობებით 1910—1911 წლებთან შედარებით 1912 წელს უბედურ შემთხვევათა რიცხვი შორაპნის მაზრაში გაცილებით დიდია. ეს იმით აიხსნება, რომ წინა წლებში სამთო საწარმოები, მათი სიმრავლისა და დაქუცმაცებულობის გამო, სრულად არ იყო აღრიცხული. მრავალი საწარმოს მეპატრონე თვითონ წარმოადგენდა მუშას და სამთო უწყებას არ აწვდიდა ცნობებს მომხდარი უბედური შემთხვევების შესახებ. 1912 წელს კი მოხერხდა უბედურ შემთხვევათა შედარებით სრულად აღრიცხვა“²⁴.

უბედური შემთხვევები ხშირად, ჩანს, ღამით მუშაობისას ან სამ-

²² შტრ. ЦГИАЛ, ფ. 37, оп. 75, д. 225, 1904—1912, л. 2—41.

²³ ცხრილის შედგენისას ჩვენ დავეყრდენით; ЦГИАЛ, ფ. 37, оп. 75, д. 225, 1904—1912 гг., л. 2—41; ХФЦГИАУ, ფ. 834, оп. 1, д. 91, л. 7—17.

²⁴ ЦГИАЛ, ფ. 37, оп. 75, д. 225, л. 14.

თო გამონამუშევრებში მუშების ღამისსათევად დარჩენისას ხდებოდა. ამაზე მეტყველებს 1912 წლის უწყისი, საიდანაც ჩანს, რომ 359 შემთხვევიდან ღლისით მოხდა 296, ხოლო ღამით—63²⁵. უბედურ შემთხვევებს იწვევდა სამთო გამონამუშევრების გაუმაგრებლობა, უსაფრთხოების წესების დაუცველობა.

ამრიგად, განსახილველ პერიოდში უბედური შემთხვევების მსხვერპლი ხდებოდა მრავალი ასეული მუშა.

მართალია, მეწარმეებს ჯერ კიდევ 1906 წლიდან დაევალოთ მუშებისათვის „სანაგარიშო წიგნაკების“ დარიგება, მაგრამ ისინი არ ასრულებდნენ კანონის მითითებას. გამამდიდრებელი ფაბრიკის მეპატრონე ო. გილერტი 30 მუშას ამუშავებდა უწიგნაკოდ, ნ. ვოტრენი 15-ს და სხვ. საკრებულომ (თითოეულ უწიგნაკო მუშაზე 5 მანეთი) ჯარიმა დააწესა და მისი გადახდა დაავალა კანონის დამრღვევ მეწარმეებს²⁶.

განსახილველ პერიოდში მუშათა მდგომარეობას აუარესებდა უმუშევრობა, რაც განსაკუთრებით 1907—1908 წლებში გაიზარდა. 1908 წელს უმუშევართა რიცხვმა 3000-ს გადააჭარბა. მრეწველი ამ დროს აშკარად უცხადებდა უმუშევრობით წელში გატეხილ მუშას: „გეყო რაც ვიზრუნე შენზე, ახლა დროა უკანვე წავიღოთ ის, რაც „ქარტეხილის ხანაში“ ძალაუნებურად დაგიტმეთო²⁷. 1908 წლის კრიზისის დროს მრეწველთა ერთი ნაწილი წავიდა ჭიათურიდან, „ბევრ მათგანს მუშებისათვის ხედრი ფულიც არ მიიუცია, მუშები შიმშილს განიცდიდნენ“²⁸. სამთო, გამამდიდრებელი ფაბრიკებისა და მადნის გადამზიდველ მუშებთან ერთად მძიმე მდგომარეობაში ჩავარდნენ რკინიგზის სადგურებზე მადნის მტვირთავი მუშები—467 კაცი. მათ, ისევე როგორც სამთო მუშებმა, შექმნეს უმუშევართა ბიურო, რომელმაც გადაწყვიტა: „ვინაიდან მუშაობა 467 კაცს არ ყოფნის, გაიყოს 3 პარტიად — იმუშაონ მორიგეობით თითო თვე; ვინც ორშაბათს გააცდენს, პას გაუცდება მთელი კვირა. იმ ადგილზე კი უმუშევართა ბიუროს გაგზავნილი კაცი იმუშავებს“²⁹. მეწარმენი უფრო და უფრო აუარესებდნენ მუშათა მდგომარეობას. „აქაური კაპიტალისტები დღე და ღამე იმას ცდილობენ, რომ სამუშაო პირობები აუტანელი გახადონ

²⁵ ЦГИАЛ, ф. 37, оп. 75, д. 225, л. 15—23.

²⁶ ქსა, ფონ. 39, საქ. 15, ფურც. 12—17.

²⁷ „ჩვენი კვალი“ 1908, 25 მაისი, № 1.

²⁸ „ცხოვრების სარკე“, 1908, 2 მაისი, № 9.

²⁹ „ცისკარი“, 1908, 22 იანვარი, № 10.

მუშებისათვის, დაუკლონ სამუშაო ქირა, გაადიდონ სამუშაო ღირებულება, წაართვან ბრძოლით მოპოვებული უფლებები და სხვ.³⁰

მეწარმეთა უმრავლესობამ მუშათა დიდი ნაწილი დაითხოვა. მაგალითად, ინგლისურმა ფირმამ ფორკულმა და კომპანიამ 1908 წლის თებერვალში 207 მუშა დაითხოვა. ამხედრებულმა მუშებმა „გადაწყვიტეს ერთხმად ბოიკოტი გამოცხადებოდა ფორკულს“³¹. ფირმა იძულებული გახდა დათხოვნილი მუშებიდან 93 კაცი დაებრუნებინა სამუშაოზე, შემოეღო 8-სათიანი სამუშაო ღირებულება, უცვლელად დაეტოვებინა ადრე დაწესებული ხელფასი, უზრუნველყო მუშები ბინით, იაფფასიანი სასაღილოთი და სხვ.³². მაგრამ დასახელებული ფირმის მუშათა გაფიცვის ჩასაქრობად ქუთაისიდან ჩამოსულმა ეანდარმებმა ადგილობრივ პოლიციასთან ერთად, გაჩხრიკეს და ააწიოკეს მუშები³³, მათ დააპატიმრეს ოთხი მუშა: ლ. კილაძე, ნ. შავლაყაძე, ა. გენძეხაძე, ა. კაკაბაძე³⁴. მუშები ირანზემბოდნენ წინააღმდეგობის გასაწევად, სამუშაოს მისაღებად. „ჭიათურის უმუშევარ მუშათა ბიურო“, რომელიც „მარგანეცის მუშათა პროფესიულ კავშირთან“ კონტაქტში მოქმედებდა, მრეწველთა ყრილობას მიმართავდა მოთხოვნით, რომ წარმოებიდან დროებით წასულ მუშათა ადგილზე მიღებულიყვნენ უმუშევრები³⁵. 1908 წელს ჭიათურის სამრეწველო რაიონის მუშათა უმწეო მდგომარეობა არ შეცვლილა. უმუშევრად იყო ათასობით მუშა. სამუშაოს ძებნისას მუშები ხშირად ერთმანეთს უპირისპირდებოდნენ. მაგალითად, სოფ. ხრეთელ უმუშევართა შორის კ. ჟღენტმა, ტ. ჩაფიძემ, ე. მიქაცაძემ და თ. მოდებაძემ აგიტაცია გასწიეს და შეადგინეს ორგანიზაცია, რომელშიც 300 უმუშევარი გაერთიანდა. ეს ხალხი ერთად წავიდა ჭიათურაში, სადაც წინააღმდეგობა უნდა გაეწიათ მეგრელი, გურული, ოსი და სხვ. მოსული მუშებისათვის, რომელთაც სამუშაოს წართმევაში ადანაშაულებდნენ³⁶. ამ ღონისძიების მოთავეებს სამართლიანად აკრიტიკებდა იმდროინდელი სოციალ-დემოკრატიული მიმართულების პრესა, რომელიც გულისტკივილით აღნიშნავდა კრიზისისა და უმუშევრობის უარყოფით გავლენას სამრეწველო რაიონის მუშათა საბრძოლო სოლიდარობაზე³⁷.

³⁰ „მერცხალი“, 1908, 5 აპრილი, № 2.

³¹ „აზრი“, 1908, 17 თებერვალი, № 17.

³² იქვე.

³³ იქვე, 6 თებერვალი, № 7.

³⁴ იქვე, 17 თებერვალი, № 17.

³⁵ იქვე, 15 თებერვალი, № 15.

³⁶ „ციცქარი“, 1908, 22 იანვარი, № 10.

³⁷ „ეკალი“, 1908, 17 სექტემბერი, № 14.

1908 წელი მძიმე აღმოჩნდა სამრეწველო რაიონის მუშათა მრავალათასიანი რაზმისათვის; ე. წ. „მენარდებმა“ კიდევ უფრო გააძლიერეს მუშათა ძარცვა და შევიწროება³⁸, უმუშევართა დიდი ნაწილი უთავშესაფაროდ დარჩა და სამუშაოს მოლოდინში ღამეს რკინიგზის სადგურებზე ათენებდა³⁹. სამრეწველო რაიონს გადამდები დაავადებანი და შიმშილობა მოედო. „პერევისა, შუქრუთი, ითხვისი, ქალაურთა და სხვა ქიათურის ახლომახლო სოფლები შიმშილს განიცდიან“⁴⁰. 1909 წლიდან სამრეწველო აღმავლობა წამოიწყო და მუშები სამუშაოს დაუბრუნდნენ.



განსახილველ პერიოდში მადარობების დიდი ნაწილი ელექტროგანათებაზე გადავიდა, სამთო გამონამუშევრებიდან მადანი რელსებიანი გზით გამოჰქონდათ, საბადოებსა და გამამდიდრებელი ფაბრიკების უბნებში მოეწყო მუშათა საცხოვრებლები, მუშათა სასადილოები და ფარდულები. ერთგვარად გაუმჯობესდა მუშათა სანიტარულ-ჰიგიენური და სამედიცინო, აგრეთვე კულტურული მომსახურება. რამდენადმე შეიცვალა შრომის ანაზღაურების ფორმები.

წვრილი მეწარმენი, აგრეთვე საშუალო მეწარმეთა ის ნაწილი, რომელმაც რკინიგზამდე მადნის ზიდვის მექანიზაცია ვერ შეძლო, მუშებს მეტწილად ნარდად, ფუთობით ურიგდებოდნენ. „მეფუთე“ მუშა ყოველ მოპოვებულ, გაწმენდილ და რკინიგზის შტოს სადგურამდე მიტანილ ფუთ მადანში 2—3—5 კაპიკს ღებულობდა. ამ კატეგორიის მუშათა დღიური ხელფასი 80 კაპიკიდან 1 მანეთამდე აღწევდა⁴¹. მსხვილ სამთო საწარმოებში მუშებმა ბრძოლით მოიპოვეს დღიური დაქირავების სისტემის დამკვიდრება.

სამრეწველო რაიონის მუშათა ხელფასის დონე არ ხასიათდებოდა ერთფეროვნებითა და სტაბილურობით. მუშებს შორის ბევრი სოფელთან იყო დაკავშირებული, იყვნენ დროებით (სეზონურად) მომუშავენიც, რომლებიც სასოფლო-სამეურნეო სამუშაოების პერიოდში წარმოებიდან მიდიოდნენ, რის გამო ზაფხულობით მრეწველობაში მუშათა რიცხვი მცირდებოდა, ხოლო ხელფასი მატულობდა⁴². ამასთანავე,

³⁸ „კვალი“, 1908, 17 სექტემბერი, № 14.

³⁹ „ჩვენი კვალი“, 1908, 25 მაისი, № 1.

⁴⁰ „აზრი“, 1908, 6 თებერვალი, № 7.

⁴¹ А. Тухолка, Железные и марганцевые руды, გვ. 67.

⁴² ЦГИАЛ, ф. 565, оп. 7, д. 26907, 1910—1911 гг., л. 16.

მეწარმენი მუშათა რევოლუციური მოძრაობის გაძლიერებისას (ვთქვათ 1905 — 1907, აგრეთვე 1913 წელს) იძულებული ხდებოდნენ დათანხმებოდნენ ხელფასის მომატებას, ხოლო „სიმშვიდისას“ მას იმთავითვე ამცირებდნენ. ხელფასი სხვადასხვანაირი იყო მსხვილ და წვრილ საწარმოებში.

ქიათურის სამრეწველო რაიონში მუშათა საშუალო დღიური ხელფასი (ქუთაისის გუბერნიის საფაბრიკო და სამთო-საქარხნო საქმეთა საკრებულოს განსაზღვრით) ასე ცვალებადობდა:

ცხრილი 1143

წელი	მუშის ხელფასი										
	სრულსაკოვანისა				არასრულსაკოვანისა				მცირეწლოვანისა		
	მამრობითი სქესისა		მდედრობითი სქესისა		მამრობითი სქესისა		მდედრობითი სქესისა		მამრობითი სქესისა	მდედრობითი სქესისა	
	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	
1907—1909	1	20	80			90	60			55	40
1910—1914	1	80	80			70	50			40	4

მოტანილი ცნობების თანახმად 1910—1914 წლებში მოზრდილთა ხელფასი ადრინდელთან შედარებით გაიზარდა, ხოლო არასრულსაკოვანთა და მცირეწლოვანთა შემცირდა. კვლავაც თვალსაჩინოა მამრობითი და მდედრობითი სქესის მუშათა ხელფასის სხვაობა.

ხელფასის ზრდა-შემცირება მეტი დინამიურობითა და მრავალფეროვნებით ხასიათდებოდა. მაგალითად, 1905 წელს მომატებული ხელფასის დონე მეწარმეებმა 1906 წლის დამდეგს კვლავ შეამცირეს რევოლუციამდელ დონემდე. 1906 წლის ივლისის გაფიცვის შედეგად მუშებმა 8-საათიანი სამუშაო დღის დაწესებასა და ხელფასის მომატებას მიადწიეს. მსგავსი მუშის დღიური ხელფასი 1 მანეთიდან 1 მან. და 80 კაპიკამდე გაიზარდა, მადნის გამომზიდველისა — 80 კაპიკიდან 1 მან. და 50 კაპიკამდე, დამხარისხებლისა — 60 კაპიკიდან 1 მან. და 20 კაპიკამდე⁴⁴, არასრულსაკოვანთა ხელფასმა კი 50 — 60 კაპიკს მიადწია⁴⁵, მტვირთავი მუშები ადრე ერთი ვაგონის და-

⁴⁴ ქსა, ფონ. 39, საქ. 16, ფურც. 1—3, 5.

⁴⁴ ЦГИАЛ, ф. 37, оп. 72, д. 138, л. 38.

⁴⁵ Статистика марганцевого дела за 1914—1917 гг., табл. № 21.

ტვირთვაში 75 კაპიკს იღებდნენ, ხოლო გაფიცვის შემდეგ — 1 მანეთსა და 20 კაპიკს⁴⁶. მაგრამ, 1907 წლის დამლევს მეწარმეებმა გააუქმეს ხელფასის მომატებაზე 1906 წლის ივლისში მიღებული გადაწყვეტილება და მუშებს მხოლოდ ადრინდელი ხელფასი დაუტოვეს, რაც უცვლელი დარჩა მუშათა 1913 წლის ივლისის გაფიცვამდე. ამ გაფიცვამ მეწარმენი კვლავ აიძულა გაეზარდათ მუშათა ხელფასი. ამ დროიდან მუშები დღეში იღებდნენ:⁴⁷.

1. მნგრეველი	— 1 მან. და 70 კაპ
2. მელაფათქე	— 1 „ 50
3. გამომწიდეველი	— 1 „ „ 40
4. დამზარისხებელი	— 1 „ „ 40

ნარდად მომუშავე ერთ ფუთში იღებდა 2 კაპიკიდან 2,23 კაპიკამდე. მტვირთავი მუშები ვაგონის დატვირთვაში ადრე იღებდნენ 1 მანეთსა და 40 კაპიკს, ახლა კი 2 მან. და 25 კაპიკს⁴⁸. ამასთან დაკავშირებით სტატისტიკური კრებული შენიშნავდა: „ივნისის თვეში ჭიათურელი მუშები გაიფიცნენ, მოითხოვდნენ ხელფასის მომატებას. მათ მიემხრო არა მარტო ჭიათურის სამრეწველო რაიონის სხვა საწარმოთა მუშები, არამედ ფოთელი და ბათუმელი მუშებიც. გაფიცვას შედეგად მოყვა ხელფასის მომატება და, რაც მთავარია, ხელფასის ერთნაირი დონის დაწესება ყველა კატეგორიის მუშისათვის“⁴⁹.

დიდი სხვაობა არსებობდა სამთო მუშის მაქსიმალურ, საშუალო და მინიმალურ ხელფასს შორის — 1 მან. და 20 კაპიკიდან 1 მან. და 70 კაპიკამდე მერყეობდა. მუშათა რევოლუციურ მოძრაობაში ნაკლებად ებმებოდნენ მაღაროებიდან რკინიგზამდე მადნის მზიდველი მეურმე-ჩაღვადრები, ამიტომ მათი ხელფასი ნაკლებად მატულობდა; 1 ფუთის გადაზიდვაში ისინი იღებდნენ 2 — 3,5 კაპიკს. მუშის დღიური გამომუშავება ერთი ცხენით 1 მან. 50 კაპიკიდან 2 მანეთამდე აღწევდა⁵⁰.

სტატისტიკოსთა გაანგარიშებით 1913 წელს, როცა 59 188 ათასი

⁴⁶ ЦГИАЛ, ф. 37, оп. 72, д. 138, л. 38; Статистика марганцевого дела за 1913 г. гв. XI, табл. 22.

⁴⁷ შტრ: Статистика марганцевого дела за 1913 г., табл. 22; Статистика марганцевого дела за 1914—1917 гг., табл. 21.

⁴⁸ Статистика марганцевого дела за 1914—1917 гг., гв. XIX.

⁴⁹ Статистика марганцевого дела за 1913 год. гв. XI.

⁵⁰ ЦГИАЛ; ф. 565, оп. 7, д. 26907, л. 19.

ფუთი მადანი იქნა მოპოვებული, მუშების საშუალო წლიური ხელფასი უნდა ყოფილიყო:⁵¹

1. მნგრეველისა — 442 მან.
2. მელაფათქისა — 390
3. გამომზიდველისა — 364 „
4. დამხარისხებლისა — 312 „
5. მტვირთავისა — 368 „

ხელფასის შედარებით სიმცირესთან ერთად საგრძნობი იყო პირველი მოთხოვნების საარსებო პროდუქტების სიძვირე. ასე მაგალითად, 1913 წელს შორაპანში და საერთოდ მაზრაში ფასები ასეთი იყო.⁵²: გირვანქა პირველი ხარისხის გამომცხვარი პური ღირდა 5 კაპიკი, მეორე ხარისხისა — 4 კაპ., 1 გირვანქა ხორცი — 18 კაპ. 10 კვერცხი — 30 კაპ., 1 გირვანქა მარილი — 1 კაპ. 1 ლიტრი რძე — 20 კაპ., 1 ფუთი კარტოფილი — 1 შან და 20 კაპ., 1 გირვანქა კარაქი — 60—70 კაპ.

საარსებო პროდუქტების სიძვირე კიდევ უფრო მძიმე ტვირთად აწეა ჩალეადრებს, ძვირი იყო სასაპალნე პირუტყვი, ასევე ფურაჟი. ცხენი ფასობდა 120 მანეთიდან 300 მანეთამდე, ფუთი თივა — 80 კაპიკიდან 1 მანეთამდე, ფუთი ქერი — 1 მანეთიდან 1 მან და 20 კაპიკამდე, ასი კონა ჩალა კი 5 მანეთიდან 6 მანეთამდე⁵³.

შრომისა და ყოფა-ცხოვრების მძიმე პირობები, სამუშაო დღის ხანგრძლიობა, ხელფასის სიმცირე, პირველადი მოთხოვნების საარსებო პროდუქტების სიძვირე-ნაკლებობა, მუშის სრული უუფლებობა მეტყველებს სამრეწველო რაიონის მუშათა აბსოლუტურ და შეფარდებით გაღატაკებაზე. ყოველივე ეს სამრეწველო რაიონის მშრომელ მასებს ეკონომიური და პოლიტიკური ბრძოლის გაძლიერებისკენ უბიძგებდა.

⁵¹ Статистика марганцевого дела за 1913 год. гл. XI. ეს ხელფასი სტატისტიკოსთა მიერ არის გაანგარიშებული და ამიტომ, საფიქრებელია, რამდენადმე გაზიარებულიყო, წინააღმდეგ შემთხვევაში ის შედარებით მალალი ჩანს, თუ გავითვალისწინებთ, მაგალითად, რომ რუსეთში ერთი მუშის წლიური ხელფასი საფაბრიკო ინსპექციის ცნობით 1907 წელს შეადგენს 257 მანეთს, 1908 წელს — 244, 1909 წელს — 238, 1910 წელს — 243, ხოლო 1911 წელს — 251 მანეთს (იხ. „Своды отчетов фабричных инспекторов“). უკრაინაში კი სურათი ასეთია: ერთი მუშის საშუალო წლიური ხელფასია: 1907 წელს — 212 მანეთი, 1908 წელს — 224, 1909 წელს — 216, 1910 წელს — 218, 1911 წელს კი 230 მანეთი, თუმცა სამთო მუშათა ხელფასი უკრაინაშიც, ბუნებრივია, მეტი იყო. ასე მაგალითად, 1906 წელს ის იყო 357 მანეთი, 1907 წელს — 354 და 1908 წელს — 351 მანეთი (იხ. Свод статистических сведений о несчастных случаях на горных и горно-заводских предприятиях Юга России, гл. IX—X).

⁵² სსსა, ფონ. 415, საქ. 109, ფურტ. 15.

⁵³ იქვე, ფურტ. 16.

რევოლუციის მომდევნო წლებში, სახელდობრ, 1907 წლის ივლისიდან 1909 წლის დამდეგამდე, კიათურის მარგანეცის მრეწველობა მძიმე კრიზისმა მოიცვა. სამრეწველო რაიონში პოლიტიკური რეაქცია მძვინვარებდა. პოლიცია რეპრესიებს მიმართავდა კიათურის ბოლშევიკური ორგანიზაციისა და მოწინავე მუშების წინააღმდეგ. 1909 — 1913 წლების სამრეწველო აღმავლობამ (რაც ერთგვარი რყევითაც ხასიათდებოდა) ხელსაყრელი პირობები შექმნა მუშათა რევოლუციური მოძრაობის აღმავლობისათვის. ვერც სტოლიპინის რეაქციამ, ვერც პოლიტიკურმა რეპრესიებმა, ვერ შემუსრა მებრძოლი ძალები. 1912 წლიდან კიდევ უფრო განმტკიცდა კიათურის ბოლშევიკური ორგანიზაცია, რომელმაც გააძლიერა და გააფართოვა პოლიტიკური მუშაობა სამრეწველო რაიონის მუშებს შორის. მუშათა მასობრივმა მოძრაობამ კიათურაში XX საუკუნის დამდეგს დასაბამი მისცა სამრეწველო რაიონის პროლეტარიატის კლასობრივ ბრძოლას.

„მუშათა მოძრაობა, — გეასწავლის ვ. ი. ლენინი, — მხოლოდ მაშინ გასცილდება ხოლმე ჩანასახობრივი მდგომარეობისა და ბავშვობის სტადიას, მხოლოდ მაშინ ხდება კლასობრივ მოძრაობად, როცა პოლიტიკურ ბრძოლაზე გადადის“⁵⁴. ეს გარდაქმნა მკაფიოდ შეინიშნება კიათურის მაგალითზე. აქ XIX — XX საუკუნეთა მიჯნაზე სამრეწველო „მუშათა მასა“ თანდათან ჩამოყალიბდა „კლასად თავისთავად“, ხოლო მომდევნო პერიოდში, როცა მარგანეცის მრეწველობა ინდუსტრიულ სტადიაზე გადავიდა და მუშათა მოძრაობა ბოლშევიკების ხელმძღვანელობით სოციალიზმთან შეერთდა და მძლავრ კლასობრივ-პოლიტიკურ მოძრაობად გარდაიქმნა, სამრეწველო რაიონის პროლეტარიატი ჩამოყალიბდა „კლასად თავისთვის“.

მარგანეცის მრეწველობის ინდუსტრიულ სტადიაზე გადასვლამ. სამრეწველო პროლეტარიატის შემადგენლობაში, მდგომარეობასა და ფსიქოლოგიაში მომხდარმა ცვლილებებმა თავისი გამოხატულება პოვა მუშათა მოძრაობის მასშტაბსა და ხასიათში. ეს ბუნებრივიცაა, რადგან „მხოლოდ მსხვილი მანქანური წარმოება აღვიძებს მუშებს, ანათლებს და რაზმავს მათ, ობიექტურ პირობებს ქმნის მასობრივი მოძრაობისათვის“⁵⁵. მხოლოდ ის ქმნის მატერიალურ პირობებსა და სოციალურ ძალებს სოციალიზმისათვის საბრძოლველად.

1902 — 1903 წლიდან სამრეწველო რაიონის მუშები თანდათან დაადგნენ მასობრივი, ორგანიზებული ბრძოლის გზას, სოციალ-დე-

⁵⁴ ვ. ი. ლენინი, თხზ., ტ. 4, გვ. 349.

⁵⁵ ვ. ი. ლენინი, თხზ., ტ. 20, გვ. 455.

მოკრატის ხელმძღვანელობით. შემდეგში, განსაკუთრებით 1905 — 1907 წლების რევოლუციის პერიოდში მუშათა კლასის ბრძოლა მძლავრი აღმავლობითა და სოლიდარობით ხასიათდება. რევოლუციის შემდეგ მან 1913 წელს კვლავ მიაღწია განვითარების მაღალ დონეს.

ბრძოლის პროცესში მუშები, პირველ რიგში მათი ავანგარდი, ამჟღავნებდა საკუთარი ღირსების გრძნობას, დამოუკიდებელ მოქმედებას, სიმტკიცეს, გამბედაობასა და სოლიდარობას. ირკვევა, რომ მუშათა რევოლუციურ მოძრაობაში 1907 — 1914 წლებში ისეთი ვითარება არ შექმნილა, რომ ეს ხანა ორ, ერთმანეთისგან განსხვავებულ პერიოდად (რეაქციის პერიოდი: 1907—1910 წწ., რევოლუციური აღმავლობის პერიოდი: 1910—1914 წწ.) დავეყო. როგორც ეს პარტიულ და საისტორიო ლიტერატურაშია შემოღებული. ამიტომ მთლიანად ვიზიარებთ იმ მოსაზრებას, რომ «Период 1907—1914 гг. представляет собой нечто единое с точки зрения формирования пролетариата и поступательного развития рабочего движения, с одной стороны, и экономического развития страны и внутренней политики царизма, с другой»⁶⁶.

• • •

რევოლუციის უკანდახვეისა და პოლიტიკური რეაქციის მძვინვარებისას პოლიციამ გააძლიერა რეპრესიები ჭიათურის ბოლშევიკური ორგანიზაციის, მისი არალეგალური სტამბის ასევე პროფკავშირული ორგანიზაციების გასანადგურებლად, მოწინავე რევოლუციონერების შესაპყრობად და გადასასახლებლად. ბოლშევიკური ორგანიზაციის განადგურებას მან ვერ მიაღწია, არალეგალურ სტამბას ვერ მიაგნო. ამავე დროს პოლიციამ რეპრესიები ფართოდ აწარმოვა. 1907 — 1908 წლებში პოლიციამ დააპატიმრა და სამრეწველო რაიონიდან გაასახლა 98 მუშა-რევოლუციონერი⁶⁷. მან მეწარმეთა დახმარებით 1908 წელს დაარბია სამთო მუშათა მღვიმევისა და პერევისის, აგრეთვე „შავი ქვის მწარმოებელთა“ პროფკავშირული ორგანიზაციები. შექმნილ ვითარებაში მეწარმეებმა უარი თქვეს ადრე, რევოლუციის დღეებში გაფიცულთა დასამშვიდებლად გაკეთებულ დათმობებზე. ასეთი დათმობა მათ 1906 წელს გამოიყენეს არა მარტო ყველა კატეგორიის მუშების, არამედ გაფიცული დაქირავებული

⁶⁶ П. В. Волобуев, А. М. Володарская, Г. М. Деренковский, Ю. И. Кирьянов, Ю. З. Полевой, Ю. Н. Шебалдин, О периодизации рабочего движения в России (იხ. კრებული: Рабочий класс и рабочее движение в России, М., «Наука», 1966, გვ. 36).

⁶⁷ ХФЦГИАУ ф. 834, д. 315, л. 9—10.

„ნოქრების“ დასამშვიდებლად⁵⁸. 1908 წელს მეწარმეებმა ფორვუდმა, შალკემ და სხვებმა „ნოქრები“ დაითხოვეს, პოლიციამ კი მათი პროფკავშირული ორგანიზაცია დახურა, მისი აქტიური წევრები დააპატიმრა და გადაასახლა „ცივ ქვეყნებში“⁵⁹. იმავე წლის 9 თებერვალს ჭიათურაში მეწარმეთა მიერ მუშათა დათხოვნის გამო მალაროელთა გაფიცვა მოეწყო. გაფიცულებმა მეწარმეებს ეკონომიურთან ერთად პოლიტიკური ხასიათის მოთხოვნებიც წაუყენეს. გუბერნიის ადმინისტრაციამ ჭიათურაში მიავლინა ყაზახთა ასეული, რომელიც ადგილობრივ პოლიციასთან ერთად დათარეზობდა სამრეწველო რაიონში, თვით ჭიათურის ქუჩებში სროლას, მუშების დაპატიმრებასა და მათთან ცემასაც არ ერიდებოდა, რათა გაფიცვა იმთავითვე ჩაექრო. უოველივე ამან საზოგადოებაში დიდი შეშფოთება გამოიწვია, ჭიათურის სასწავლებლების მოწაფეებმაც კი თანაგრძნობა გამოუცხადეს გაფიცულებს, — მათ შეწყვიტეს სკოლაში სიარული და მოითხოვეს დაპატიმრებულთა განთავისუფლება, ჭიათურიდან ჯარის გაყვანა და მუშათა მოთხოვნების დაკმაყოფილება. მოსწავლეთა გაფიცვასაც რეპრესიებით უპასუხეს. დააპატიმრეს აქტიური, მოზრდილი მოწაფეები და შეუდგნენ მათი საქმის გამოძიებას⁶⁰. კაზაკებმა და პოლიციამ 16 თებერვლისათვის ჩააქრო გაფიცვა, მისი მოთავე შეიპყრო და პასუხისგებაში მისცა⁶¹. ამის შემდეგ, 1913 წლამდე, ჭიათურის სამრეწველო რაიონში რამდენაღმე მასობრივ საგაფიცვო მოძრაობას ადგილი არ ჰქონია.

• • •

ლენის მუშათა გაფიცვამ და დახვრეტამ, როგორც ცნობილია, მთელი რუსეთი შეაზანზარა, — ფართოდ გაიშალა საგაფიცვო მოძრაობა. საქართველოს და, კერძოდ, ჭიათურის სამრეწველო პროლეტარიტი აქტიურად ჩაება საგაფიცვო მოძრაობაში.

⁵⁸ 1906 წელს „ნოქრებიც“ ჩაებნენ მუშათა საგაფიცვო მოძრაობაში. ისინი გაერთიანდნენ პროფესიონალურ კავშირში. მეწარმენი იძულებული გახდნენ დაეკმაყოფილებინათ ნოქრების შემდეგი მოთხოვნები: 1) 8-საათიანი სამუშაო დღე. 2) ჯამაგირის მომატება, 3) წელიწადში 1 თვის შევებულება ჯამაგირის შენახვით, 4) მიღება-დათხოვნა ნოქრების უფლებათა, 5) დათხოვნილებისათვის 4 თვის ჯამაგირის მიცემა, 6) ჰიგიენურად მოწყობილი ბინა, 7) ადამიანური მოპყრობა, 8) უფასო მკურნალობა 4 თვის ჯამაგირის შენახვით, 9) გაფიცვის დღეების ჯამაგირის უკლებლივ გასტუმრება და სხვ. (იხ. გაზ. „ციხსკარი“, 1908, 12 იანვარი, № 2).

⁶⁰ იხ. „ციხსკარი“, 1908, 12 იანვარი, № 2.

⁶¹ იხ. პროფ. ი. ტალახაძის მოგონება („სახალხო განათლება“, 1949, № 49).

⁶² ХФЦГИАУ, ф. 834, д. 316, л. 5—7.

ქიათურაში 1913 წლის 5 ივნისს დაწყებული მოძრაობა იმდენად მძლავრი იყო, რომ მან გავლენა მოახდინა არა მარტო ამიერკავკასიაზე, არამედ თვით შიდა რუსეთში საგაფიცვო მოძრაობის განვითარებაზეც⁶².

გაფიცვის დაწყებამდე 3 დღით ადრე (2 ივლისს) მუშებმა, ქიათურის სოციალ-დემოკრატიული ორგანიზაციის ხელმძღვანელობით შექმნეს საგაფიცვო ბიურო — 11 კაცის შექადგენლობით (ბ. გელაზონია, გ. ვაშაძე, ი. ვარაზაშვილი, ა. ხაბულიანი, ვ. შერვაშიძე და სხვ.)⁶³. ოხრანკის ცნობით ბიუროს წევრთა უმრავლესობა სოციალ-დემოკრატები იყო⁶⁴. ბიუროს განკარგულებაში გადავიდა ქიათურის არალეგალური სტამბა*. უახლესი გამოკვლევებით დასტურდება, რომ საგაფიცვო ბიუროს მიერ გავრცელებული, სტამბური წესით გამოცემული პროკლამაციების ნაწილი დაბეჭდილი იყო ქიათურის არალეგალურ სტამბაში, ნაწილიც ფარულად ქუთაისისა და ბათუმის ლეგალურ სტამბებში⁶⁵.

საგაფიცვო ბიურომ 2 ივლისს შეიმუშავა მუშათა მოთხოვნები. გაფიცულნი მოითხოვდნენ: 8-საათიანი სამუშაო დღის შემოღებას, ხელფასის მომატებას, შრომისა და საყოფაცხოვრებო პირობების გაუმჯობესებას, ბავშვთა შრომის აკრძალვას და სხვ.⁶⁶ ეს მოთხოვნები 4 ივნისს საღამოს გადაეცა მეწარმეთა უმრავლესობას. ამავე საღამოს დაიწყო საგაფიცვო ბიუროს (რუსულ და ქართულ ენებზე დაბეჭდილი) „მოწოდების“ გავრცელება ქიათურაში, ხოლო მეორე დღეს — ფოთში და ბათუმში. ბიურო მოუწოდებდა მუშებს 5 ივნისს ერთდროულად დარაზმულად და სოლიდარულად დაეწყოთ გაფიცვა. მოწოდებაში ვკითხულობთ: „რუსი მუშა უკვე ფეხზე დადგა და დაიწყო დიადი ბრძოლა შრომის გასათავისუფლებლად. ჩვენსავით

⁶² Г. А. Арутюнов, 56-дневная стачка Чпатурских рабочих в 1913 году (იხ. «Исторические записки», № 58, 1956, გვ. 330—331). ამ გაფიცვას მალაღობა შეუფასებელი ეძლევა აგრეთვე გამოკვლევებში: იხ. П. В. Волобуев и др., О Периодизации рабочего движения в России (Рабочий класс и рабочее движение в России, М., 1966, გვ. 43).

⁶³ ЦГИАМ, ф. ДП, ОО, 1913, д. 341, ч. 1, л. 19.

⁶⁴ იქვე, ფურც. 40—41.

* ამ სტამბის ნაწილები 1965 წელს აღმოაჩინა საქ. კვ. ცკ-თან არსებული პარტიის ისტორიის ინსტიტუტის ექსპედიციამ მღვიმეის სახტარას გამოქვაბულში და მას შეკლევარმა ზ. გეგეშიძემ უძღვნა სპეციალური სტატია: „რევოლუციური წარსულის შესანიშნავი რელიქტია“ (იხ. კრებული: „საქართველოს კომპარტიის ისტორიის საკითხები“, № 14, 1966., გვ. 211—214).

⁶⁵ იხ. ზ. გეგეშიძის დასახ. ნაშრ., გვ. 211.

⁶⁶ ЦГИАМ, ф. ДП, ОО, 1913, д. 141, л. 35.

ჩაგრულმა ჩვენმა ძმებმა, ამხანაგებმა გამოიღვიძეს და მათ დარაზმულად მიაქვთ მტერზე იერიში. მათი თავგანწირულების მაგალითმა ჩვენ უნდა აღგვაფრთოვანოს... ბიურო დღეს მოგიწოდებთ თქვენ. მარგანეცის მუშებო, გაფიცვისაკენ, თქვენი მდგომარეობის გასაუმჯობესებლად. გაუმძღარმა კაპიტალისტებმა გამოგტაცათ თქვენ ყოველივე ის, რაც 7 წლის უკან მოგიპოვებით. შავი რეაქცია კაპიტალისტებისათვის ზეიმი იყო, ჩვენთვის, მუშებისათვის კი უბედურება, რომელმაც შიმშილი და ცრემლები, ციხე და სახრჩობელები მოგვიტანა. ჩვენი დამარცხება მდიდრების გამარჯვებაა, ისინი წინანდებურად უკონტროლოდ გეძარცვავენ და ჩვენი ოფლითა და სისხლით სუქდებიან. 1905 — 1906 წლებში ჩვენ გვთვლიდნენ ხალხად, შედარებით კარგი ხელფასი გვქონდა, ვმუშაობდით 8 საათს დღეში და მეწარმენიც ანგარიშს გვიწევდნენ... ეს იმიტომ, რომ ჩვენ გაერთიანებული ვიყავით; მაგრამ რეაქციამ დაანგრია და გააცამტვერა ჩვენი კავშირები, დაქსაქსა ჩვენი ძალები და „საუკეთესო დღენი წავიდნენ“. ბიუროს მოწოდება მთავრდებოდა სიტყვებით: „ყველამ ერთბაშად შევწყვიტოთ მუშაობა და მაშინ ვნახავთ, რომ ყველა ეს პერსონაჟები, ფორკულები, პაპაეები და ძმანი მათნი, რომლებიც ახლა ჩვენ ზიზლით გვიმზერენ, მუშათა გაერთიანებული ძალის წინაშე ცახცახს დაიწყებენ“⁶⁷. მოწოდებას თან ერთვოდა გაფიცულთა მოთხოვნები⁶⁸. ამ მოწოდებით 5 ივნისს დაირაზმა და გაიფიცა ჭიათურის სამრეწველო რაიონის მუშათა დიდი უმრავლესობა. გაფიცვაში ჩაება სამრეწველო რაიონის ყველა კატეგორიის მუშათა საერთო რიცხვის 91 %. მან საყოველთაო ხასიათი მიიღო⁶⁹. რუსეთში რევოლუციური აღმავლობისას ჭიათურაში დაწყებული გაფიცვა მალე გასცდა სამრეწველო რაიონის ფარგლებს. ეს გასაგებიცაა: „მასობრივ გაფიცვებს. — გვასწავლის ვ. ი. ლენინი, — რევოლუციურ ეპოქაში თავისი ობიექტური ლოგიკა აქვთ. ისინი ასეული ათასობით და მილიონობით ნაპერწკალს ყრიან ყოველი მხრისკენ, — ირგვლივ კი ფიცხი მასალა უკიდურესი გაბოროტების, შიმშილით უმაგალითო წამების, უსაზღვრო თვითნებობის, „ლატაკის“, „ტეტის“ „უსირცხვილოდ და ცინიკურად აბუჩად აგდების სახით“⁷⁰. ასეთი ვითარება იყო შექმნილი საქართველოში. ამიტომ, ბუნებრივია, ჭიათურის მუშათა საყოველთაო გაფიცვას 5 — 6 ივნისს გაფიცვით უპასუხეს შორაპნელმა⁷¹, ბათუ-

⁶⁷ იქვე, ფურც. 9—10; იხ. აგრეთვე ქს. კვანტრე, დასახ. ნაშრ., გვ. 134.

⁶⁸ ЦГИАЛ, ფ. 1276, ოპ. 19, დ. 846, 1913, პ. 14.

⁶⁹ იქვე.

⁷⁰ ვ. ი. ლენინი. „რევოლუციური აღმავლობა“, თბ., ტ. 18, გვ. 117.

⁷¹ ЦГИАЛ, ფ. 1276, ოპ. 19, დ. 846, პ. 14.

მელმა⁷². ფოთელმა⁷³ და ტყიბულელმა⁷⁴ მუშებმა. ზემოთ აღვნიშნეთ, რომ 1905 წლის შემდეგ დასავლეთ საქართველოს მუშათა რევოლუციური მოძრაობის ცენტრმა ბათუმიდან ქიათურაში გადმოინაცვლა. ამ დებულების სისწორეს მთელი დამაჩერებლობით გვიდასტურებს ქიათურის მუშათა 1913 წლის იენის-იელისის გაფიცვის გავლენა დასავლეთ საქართველოს სამრეწველო ცენტრებში და, კერძოდ, ბათუმში რევოლუციური მოძრაობის აღმავლობაზე. ეს კარგად ესმოდათ მთავრობის ორგანოებს ბათუმში, სადაც მათ 1913 წელსაც ყოველნაირად სცადეს თავიდან აეცდინათ ქიათურის მუშათა გაფიცვის გავრცელება ბათუმზე. ამ მხრივ საგანგებო ყურადღებას იმსახურებს ბათუმის ნავსადგურის უფროსის მიერ 1913 წლის 6 იენისს პეტერბურგში (სავაჭრო ნავსადგურების განყოფილებაში) გაგზავნილი ტელეგრამა, რითაც იტყობინებოდა ქიათურის გაფიცვაზე და იქვე დასძენდა: „იმისათვის რომ ქიათურის გაფიცვა ბათუმის ნავსადგურს არ მოედოს, ზომებს ვღებულობთ“⁷⁵. მეორე დღეს იგივე მოხელე დამატებით ატყობინებდა პეტერბურგში: ქიათურაში გაფიცვის დაწყებაზე ცნობის მიღებისთანავე მივმართეთ სასწრაფო ზომებს იმისათვის, რომ გაფიცვა ბათუმის ნავსადგურს არ მოედოს: გავაძლიერეთ პოლიციის რაზმი ნავსადგურში, სამუშაო უბნებზე დავაყენეთ სამძებრო განყოფილების აგენტები, ამასთანავე იმის გამო, რომ ნავსადგურში მტვირთავ მუშათა უმრავლესობა თურქეთის ქვეშევრდომებია, მათ შორის გაეავრცელეთ ხმა, რომ ადმინისტრაციულ ხელისუფლებას მტკიცედ აქვს გადაწყვეტილი სასწრაფოდ გაასახლოს თურქეთში არა მარტო გაფიცული მუშები, არამედ ისინიც, ვინც მუქარის გავლენით, პოლიციის დაცვის ქვეშ არ შეუდგება მუშაობას⁷⁶.

ნავსადგურის ადმინისტრაციამ პოლიციისა და ჟანდარმერიის აქტიური მხარდაჭერითაც ვერ შეძლო გაფიცვის თავიდან აცილება ბათუმში, სადაც 7 იენისს გაიფიცნენ მტვირთავი მუშები.

ფოთში მტვირთავ მუშათა გაფიცვა ასევე ქიათურელ მუშათა გაფიცვის გავლენით დაიწყო 5 იენისს. ამის გამო ნავსადგურის უფროსმა რამდენიმე დღის შემდეგ აცნობა პეტერბურგში:

„გაფიცვა ეკონომიურ საფუძველზე მიმდინარეობდა და ის წარმო-

⁷² ЦГИАЛ, ф. 95, оп. 18, д. 1060, 1913 г. л. 1—3; Статистика марганцевого дела за 1913 год, К., 1914, გვ. XIV.

⁷³ ЦГИАЛ, ф. 95, оп. 7, д. 841, 1913, л. 10.

⁷⁴ ЦГИАЛ, ф. 1276, оп. 19, д. 937, 1913, л. 21—23.

⁷⁵ ЦГИАЛ, ф. 95, оп. 18, д. 826, л. 1.

⁷⁶ იქვე, ფურც. 2.

ადგენდა ქიათურის რაიონის მალაროელი და გამამდიდრებელი ფაბრიკების მუშათა გაფიცვის გამოძახილს⁷⁷.

განვაგრძოთ დაკვირვება ქიათურაში გაფიცვის მიმდინარეობაზე. აქვე წინდაწინ შევნიშნოთ აგრეთვე, რომ დასახელებული გაფიცვის მონაწილე მუშათა რიცხვის განსაზღვრისას წყაროებსა და საისტორიო ლიტერატურაში წინააღმდეგობრივი მონაცემებია წარმოდგენილი. მაგალითად, სამთო უწყების ერთი ცნობით ქიათურის რაიონსა და შორაპანში გაიფიცა 5000-დან 6000-მდე მუშა, მეორე ცნობით კი 5000⁷⁸, ქუთაისის გუბერნიის უანდარძთა სამმართველოსი კი 10 000⁷⁹, ხოლო მაზრის პოლიციის ცნობით, მადნის მზიდველი მუშების ჩათვლით, გაიფიცა 15 000⁸⁰. სტატისტიკოსთა ცნობით გაფიცულები იყო ქიათურაში — 4500—5000, ფოთში — 550, ბათუმში — 150, სულ 5500—6000⁸¹ მუშა.

მკვლევარ ო. ვარენცოვას მტკიცებით გაიფიცა 20 000 მუშა⁸², მკვლევარების გ. რ. არუთინოვისა და ვ. ქანიშვილისა — 10 000⁸³.

თუ გავითვალისწინებთ იმას, რომ, 1913 წლის არასრული აღწერის მონაცემებით ქიათურის მრეწველობაში ყველა საწარმოთა მუშების რიცხვი 12 000-მდე აღწევდა, ხოლო გაფიცვაში თავიდანვე თითქმის ყველა ჩაება, უნდა ვივარაუდოთ, რომ გაფიცულთა რიცხვი 12 000-ზე ნაკლები არ უნდა ყოფილიყო.

ქუთაისის გუბერნიის უანდარძთა სამმართველოს უფროსი 1913 წლის 5 ივნისსვე აცნობებდა პოლიციის დეპარტამენტს, რომ დღესვე მიემგზავრება ქიათურაში. მასთან ერთად წავიდა ქუთაისის გუბერნატორი გენ. სლავოჩინსკი რამდენიმე ასეული ჯარისკაცის თანხლებით.

გუბერნატორმა ჯერ მრეწველობის თათბირი მოაწყო, ხოლო შემდეგ მუშათა წარმომადგენლებისა. მეწარმეებს გადაეწყვიტათ რიგი დათმობების გაკეთება, რაც გუბერნატორმა არ დაანება⁸⁴. უკანასკნელი თავდაპირველად ძალის გამოუყენებლად და მრეწველთა მხრივ

⁷⁷ ЦГИАЛ, ф. 95, оп. 7, д. 841, л. 10; ნავსადგურის უფროსი ყოველდღიურად აწოდებდა ცნობას პეტერბურგში: აღწერდა გაფიცვის მიმდინარეობას (იქვე, ფურც. 10—13).

⁷⁸ ЦГИАЛ, ф. 1276, оп. 19, д. 846, л. 14.

⁷⁹ ЦГИАМ, ф. ДП, ОО, 1913 г. д. 341, ч. I, л. 18.

⁸⁰ ЦГИАЛ, ф. 1276, оп. 19, д. 846, л. 14.

⁸¹ Статистика марганцевого дела за 1913 год. გვ. XIV.

⁸² О. Варенцова, Стачки и демонстрации 1912—1915 гг., М., 1933, გვ. 136.

⁸³ იხ. Г. Арютюнов, Указ, труд, გვ. 328; ვ. ქანიშვილი, დასახ ნაშრ., გვ. 305.

⁸⁴ Газ. «Правда», 1913, 12 июня, № 133.

დათმობების გარეშე იმედოვნებდა გაფიცვის იმთავითვე აღკვეთას, რაც მან ვერ შეძლო.

6 ივნისს მეწარმენი შეიკრიბნენ და დათანხმდნენ 8-საათიანი სამუშაო დღის შემოღებას, გაფიცულების დაუსჯელობას, ბავშვთა შრომის აკრძალვას. საგაფიცვო ბიურომ არ მიიღო მეწარმეთა ნაწილობრივი დათმობები და მოწოდებით მიმართა გაფიცულებს. მოწოდებაში ვკითხულობთ:

„ამხანაგებო! ჩვენ მივმართეთ იმ ერთადერთ საშუალებას, რომლითაც მუშა-ხალხს შეუძლია აჩვენოს ყველას, თუ რას წარმოადგენს ის, როგორც კლასი დღევანდელი საზოგადოებისა; ჩვენ მივმართეთ გაფიცვას, რომ მუშაობაზე ხელის აღებით ვაძეგნოთ ქვეყნიერებას ჩვენი ძალა და მნიშვნელობა... მაშ ძალა ამხანაგებო, თვით ჩვენშია, ჩვენს შეგნებაში და ჩვენს სოლიდარობაში.

...ამიტომ გვმართებს ბრძოლა ერთსულოვანი, ბრძოლა სოლიდარული, ერთი ყველასათვის, ყველა ერთისათვის, აი როგორ უნდა დავიზრუნოთ. ჩვენ კაპიტალის უღელქვეშ ვიტანჯებით არა ერთი რომელიმე ეროვნების ხალხი, არამედ ყველა განურჩევლად ეროვნებისა და სარწმუნოებისა... ჩვენ მივმართავთ ყველა ეროვნების მუშებს და მოვუწოდებთ მათ სოლიდარულად იყვნენ ერთმანეთში და გადაიქცნენ ერთ მებრძოლ რაზმად, ახსოვდეს ყველას, რომ შედეგი ბრძოლისა, კარგი იქნება ეს თუ ცუდი, თანასწორად შეეხება ყველა ეროვნების მუშას და ამიტომ ჩვენ ერთად უნდა ვიბრძოლოთ, რომ გავიმარჯვოთ და მით ყველასათვის გავაუმჯობესოთ შრომის აუტანელი პირობები⁸⁵“. ამით უპასუხა საგაფიცვო ბიურომ ხელისუფალთა და მეწარმეთა ერთობლივ მოქმედებას, რაც მიზნად ისახავდა გაფიცულთა შორის ეროვნული შუღლის ჩამოგდებას. პოლიციამ და ჟანდარმერიამ გაფიცულთა მიმართ 7 ივნისიდან აშკარა ძალადობასაც მიმართა: დაიწყო მუშათა დაპატიმრება, ცემა-ტყევა, გადასახლება⁸⁶. ეს ამბავი საგაფიცვო ბიურომ ტელეგრამით აცნობა IV სახელმწიფო სათათბიროს სოციალ-დემოკრატიულ ფრაქციას, რომლის 31 წევრმა 1913 წლის 12 ივნისს ფორმალურად აღძრა საქმე „ჭიათურაში ადგილობრივი პოლიციის მიერ გაფიცვის მონაწილეთა მიმართ ძალადობის შესახებ“⁸⁷. ამასთან დაკავშირებით შეკითხვა გაეგზავნა მეფისნაცვალს, რომელმაც თავის მხრივ მიმართა ქუთაისის გუბერნატორს. უკანასკნელმა კი უპასუხა, რომ გაფიცვა ჭიათურაში ყოველგვარი ძალდატანების გამოვლინების გარეშე მიმდინარეობს ეკონომიურ ნიადაგზე და ის სრულებით

⁸⁵ სსსა, ფონ. 94, საქ. 606², ფურც. 112.

⁸⁶ ЦГИАМ, ф. ДП,ОО, 1913 г., д. 341, ч. 1, л. 6.

⁸⁷ ЦГИАЛ, ф. 1276, оп. 19, д. 846, л. 2.

არ ატარებს პოლიტიკურ ხასიათს, რომ „ადგილობრივი პოლიციის მოღვაწეობა მხოლოდ გულმოდგინე მეთვალყურეობაში გამოიხატება“⁸⁸.

გუბერნატორი ამასთანავე ირწმუნებოდა, რომ თითქოსდა პოლიციას არ დაუბატიმრებია არც ერთი გაფიცული და რომ პოლიცია სრულებით არ არჩევს ერთმანეთისაგან სხვადასხვა ეროვნების მუშებს და არ ერევა მათ ურთიერთობაში⁸⁹. სახელმწიფო სათათბირომაც უშედეგოდ დატოვა საგაფიცვო ბიუროს საჩივარი, თუმცა მის ფორმალურ განხილვას მაინც ჰქონდა გარკვეული მნიშვნელობა, რადგან ამან ერთგვარად შეუწყო ხელი გაფიცვის პროპულარობას რუსეთში.

გუბერნიის ადმინისტრაცია კვლავაც განაგრძობდა გაფიცვის ჩასახშობად მოქმედებას. ამასთანავე სხვადასხვა ეროვნების მუშებს შორის შუღლის ჩამოსაგდებად მან ბათუმიდან 1 000 სომეხი, ბერძენი და თურქი მუშა მოიყვანა ჭიათურაში გაფიცულ მუშათა მაგიერ სამუშაოდ. ისინი მუშაობას არ შეუდგნენ, გაფიცულებს წარმატება უსურვეს, ხოლო თვითონ გაბრუნდნენ სამრეწველო რაიონიდან⁹⁰. ამის გამო საგაფიცვო ბიუროს მიერ გავრცელებულ პროკლამაციაში ნათქვამი იყო:

„ამხანაგებო!“ აგერ ორი კვირაა, რაც ჩვენ გაფიცული ვართ და შიშის ზარს ვცემთ ხაზინებს. უკვე ორი კვირა გადის, რაც იერიში იერიშზე მოაქვთ ხაზინთა და პოლიციის შეერთებულ ძალას. რა ღონე არ იხმარეს ჩვენს გასატეხად: მუქარა, მათრახებით, მუქარა ციხით. ხიშტით, ტყვიით, ციმბირით; ნაციონალური შუღლის თესვა — პროვოკაციების მოწყობა, ჭიათურაში ცხოვრების აკრძალვა და სხვადასხვა. მაგრამ ამოდ: ჩვენი გაფიცვა დღესაც ისე მტკიცე და შეურყეველია, როგორც დასაწყისში იყო. ამოდ ეცადნენ ხაზინები თათარ-სომეხ-ბერძენთა გაბრიყვებას; ამოდ ეცადა პოლიციაც მათ შეშინებით დათანხმებას. თათარ-სომეხ-ბერძენებმა გამოიჩინეს საოცარი სიმტკიცე მუშათა სოლიდარობისა. მათ მედგრად გადაიტანეს ყველა ის იერიშები. ბოლოს შეურიგდნენ ჭიათურიდან გადასახლებასაც და მუშაობა არ დაიწყეს. ასე მოიქცნენ არა მარტო გაფიცულნი, არამედ შორიდან მოსულნიც. ბათუმიდან მოტყუებით მოყვანილმა თათარ-სომეხებმა, გაიგეს თუ არა, რომ ისინი მოყვანილია გაფიცულების ადგილზე, ძმურად გადაჰკოცნეს გაფიცულები, ხმამაღლა უსურვეს გამარჯვება გაფიცვას და წავიდნენ უკან“⁹¹. გაფიცულებს ინტერნაციონალური ერთიანობის სულისკვეთებას უნერგავდა საგაფიცვო ბიუროს მომდევნო პროკლამაცია, სადაც განმარტავდა: „ბოროტებაში იტანჯებიან ყველა

⁸⁸ ЦГИАЛ, ф. 1276, оп. 19, д. 846, л. 7.

⁸⁹ იქვე, ფურც. 7—8.

⁹⁰ ЦГИАМ, ф. ДП. ОО, 1913 г., д. 341, ч. 1, л. 66.

⁹¹ სსსა, ფონ. 94, საქ. 605², ფურც. 118.

ეროვნებისა და სარწმუნოების მუშები. კაპიტალი ერთნაირად ჩაგრავს ქართველებს, სომხებს, ოსებს, თათრებს. მისთვის არ არსებობს არც ეროვნება, არც რელიგია“⁹².

ჭიათურის მუშათა გაფიცვას თავიდანვე გულისყურით მოეკიდა ბოლშევიკური „პრავდა“, რომელიც განუწყვეტლივ იძლეოდა ინფორმაციას მის მიმდინარეობაზე⁹³. კორესპონდენციაში „გაფიცულთა სოლიდარობა“, ის ამცნობდა მკითხველებს, რომ „ჭიათურის მარგანეცის მალარობის ზოგიერთი მსხვილი ფირმა დათანხმდა მუშათა ყველა მოთხოვნის დაკმაყოფილებას, მაგრამ მუშები უარს ამბობენ განაახლონ მუშაობა მანამდე, სანამ დანარჩენი ფირმებიც არ წავლენ დათმობაზე. მართლაც, საგაფიცვო ბიურო, ითვალისწინებდა რა იმას, თუ რაოდენ მძიმე იყო მუშებისათვის ხანგრძლივი უმუშევრობა, დაიწყო მეწარმეებთან მოლაპარაკება, — ჯერ შუტცთან და ციმერმანთან, მერე სავაჭრო სახლ „ძმ. ოგანეზოვებთან“, სავაჭრო სახლ „ჯავახიშვილი და კომპ.“-თან, ნ. წერეთელთან, მონოლოპულოსთან, ჯ. აბაშიძესთან და სხვ.“⁹⁴.

შეთანხმების პირობებს ყოველ ცალკეულ შემთხვევაში ერთად იმუშავებდნენ ე. წ. მუშათა „ექსპერტები“ და საბადოთა, ასევე ფაბრიკების მეპატრონეები, ხოლო შეთანხმების შედეგებს საგაფიცვო ბიურო ასევე ცალ-ცალკე აცხადებდა⁹⁵. 20—25 ივლისისათვის მუშაობა დაიწყო თითქმის ყველგან: რკინიგზის სადგურებზე, მალარობებში და გამამდიდრებელ ფაბრიკებში. შეთანხმებაზე ყველაზე გვიან წავიდნენ ფირმა „გელზენკირხენი“ და მეფაბრიკე მიულსი, პირველი — 31 ივლისს, მეორე — 1 აგვისტოს⁹⁶. ამ დროიდან შეთანხმება მიღწეული იყო, თუმცა ზოგან ფაქტიურად ნორმალური მუშაობა მხოლოდ 15 აგვისტოს დაიწყო, რადგან ზოგიერთი მუშა ჭიათურის რაიონში სამუშაოდ მხოლოდ ამ დროისათვის დაბრუნდა⁹⁷.

ჭუთაისის გუბერნატორისაგან მიღებული დეტალური ცნობების საფუძველზე მეფისნაცვალ ვორონცოვ-დაშკოვის მიერ შედგენილი მოხსენების მოწმობით მეწარმეებმა დააკმაყოფილეს გაფიცულ მუშათა შემდეგი მოთხოვნები: 1) რეასათიანი სამუშაო დღე (გარდა ვაგონების დატვირთვისა), ხოლო დღესასწაულების წინ ექვსსაათიანი; 2) კვირა-

⁹² ЦГИАМ, ф. ДП, ОО, 1913 г., д. 341, ч. 1, л. 70.

⁹³ Газ. „Правда“, 1913 г. 12/VI, № 133, 13/VI, № 134, 22/VI, № 141, 23/VI, № 142, 25/VI, № 143, 26/VI, № 144.

⁹⁴ ЦГИАЛ, ф. 1267, оп. 19. д. 846; ЦГИАМ, ф. ДП, ОО, 1913г., л. 126—127.

⁹⁵ ЦГИАЛ, ф. 1267, оп. 19, д. 846, л. 15.

⁹⁶ იქვე.

⁹⁷ იქვე.

ობით და დღესასწაულებისას მუშაობის აკრძალვა, გარდა საგანგებო შემთხვევებისა, როცა მუშა მიიღებს სანახევროდ გადიდებულ ხელფასს; 3) ბავშვთა შრომის აკრძალვა (15 წლის ასაკამდე); 5) მუშებისათვის ხელფასის დარიგება მხოლოდ სამუშაო დღეს (შაბათს), ისიც სამუშაო ადგილზე; 6) მუშებისადმი თავაზიანი დამოკიდებულება; 7) ყველა პროფესიის მუშების უზრუნველყოფა ჰიგიენურად მოწყობილი საცხოვრებლით; 8) ზაფხულში სამუშაოს 6 საათიდან დაწყება. ხოლო ზამთარში — 7 საათიდან (4 საათამდე); პირველ შემთხვევაში ორსაათიანი შესვენებით, ხოლო მეორისას ერთსაათიანი; 9) ყველა ფირმისათვის ერთი საერთო საყვირის შემოღება; 10) მუშათა კომისიების დაწესება ყველა საწარმოში; 11) გაფიცულების დაუსჯელობის გარანტირება; 12) ხელფასის მომატება: ა) ფაბრიკებისა და მექანიკურ ჩამოსაშვებთა მუშებს: 20% იმათ, ვინც იღებდა 1 მან. და 20 კაპიკამდე, 15% იმათ, ვინც 1 მან. და 50 კაპ. იღებდა, 10% იმათ, ვინც 1 მან. და 50 კაპ. იღებდა და 10% იმათ, ვინც 1 მან 50 კაპ. იოებდა; ბ) მალაროელ მუშებს; მნგრეველს — 1 მან. 70 კაპ., მენიჩებს — 1 მან. 50 კაპ., გამომზიდველს — 1 მან. 40 კაპ., მწმენდავს — 1 მან., გ) მტვირთავ მუშებს ჭიათურა-ჭიქოურ-დარკვეთში — 2 მან. და 70 კაპიკი ყოველი ვაგონის დატვირთვაზე (თუ ტვირთი ვაგონიდან მხოლოდ 7 საუენითაა დაცილებული) და მეტიც, დ) მტვირთავებს ფოთში რკინიგზის ყოველი ვაგონის დატვირთვისა და გადმოტვირთვაში — 2 მან. და 50 კაპ., ხოლო გემის დატვირთვისას პირველი ლიანდაგიდან 3 მან. და 50 კაპ., მეორედან კი 3 მან. და 70 კაპ., 13) მენარღეების დათხოვნა ჭიათურისა და ფოთის სატვირთო უბნებზე და სამუშაოს გადაცემა მუშათა წარმომადგენლებისათვის; 14—15) ჭიათურისა და ფოთის სადგურებზე ღამით მუშაობის აკრძალვა; 16) ფაბრიკების მექანიკურ დასაშვებთა მუშების უფასო მომარაგება ფეხსაცმლით, წამოსახამითა (პლავით) და ხელთათმანებით; 17) მალაროებში მენარღეთა მონაწილეობით ნარდად მუშაობის აკრძალვა; 18) მდუღარე წყლის უფასოდ მიწოდება; 19) ფოთელი მუშების უზრუნველყოფა უფასო მკურნალობითა და აბანოთი⁹⁸.

მუშათა მოთხოვნებიდან მეწარმეებმა და ექსპორტიორებმა უარყვეს შემდეგი მოთხოვნები: რვასაათიანი სამუშაო დღის დაწესება ვაგონების მტვირთავი მუშებისათვის, მუშების მიღება და დათხოვნა მათივე გადაწყვეტილებისამებრ. მეფისნაცვალი ვორონცოვ-დაშკოვი 1914 წლის 27 იანვარს პეტერბურგში გაგზავნილ მოხსენებაში აღნიშნავდა: «В настоящее время условия соглашения между

⁹⁸ ЦГИАЛ, ф. 1267, оп. 19, 848, л. 15—16.

хозяевами и рабочими выполняются в Чиатурском районе почти полностью. Лишь в отдельных предприятиях рабочим не выданы расчетные книги (пункт 4-й), за сим у большинства работодателей жилища рабочих неуютны (пункт 7-й), общего гудка для начала и окончания работ не установлено (пункт—9-й), а равно невыполняется и условие об учреждении рабочих комиссий (пункт 10-й)⁹⁹.

გაფიცვის შემდეგ ნორმალური მუშაობა მხოლოდ 15 აგვისტოდან დაიწყო. რამდენიმე მეწარმემ აგვისტოს პირველ ნახევარშივე დაიწყო პირობების (ხელშეკრულებას) დარღვევა. საგაფიცო ბიურო, რომელიც 29 აგვისტომდე განაგრძობდა არსებობას, 16 აგვისტოს მუშათა შორის გავრცელებულ პროკლამაციაში აღნიშნავდა: „...ბიურო დროებით განაგრძობს არსებობას და დაიშლება მხოლოდ მაშინ, როცა დაერწმუნდებით, რომ ხაზინებმა დაჰყარეს იარაღი და ასრულებენ იმას, რაზედაც ხელი მოაწერეს, წინააღმდეგ შემთხვევაში ჩვენი სურვილის წინააღმდეგ იძულებული ვიქნებით ბრძოლა განვაახლოთ... ჩვენ ენერგიულად მოვუწოდებთ ყველა მუშას: მტკიცედ იდექით თავიდანვე არჩეულ ტაქტიკაზე, ერიდეთ პროვოკაციულ მახეებს, ერიდეთ ანარქისტულ მოქმედებას. გახსოვდეთ, რომ ჩვენი ძალა მხოლოდ ორგანიზებულ გამოსვლებსა და ჩვენს სოლიდარობაშია“¹⁰⁰. მეწარმენი იძულებული ხდებოდნენ შეესრულებინათ გაფიცულთათვის მიცემული პირობა, თუმცა მათ შორის ზოგიერთი მაინც არღვევდა მას.

ამრიგად, ქიათურის სამრეწველო რაიონის 56-დღიანი გაფიცვა გამარჯვებით დაგვირგვინდა. კარგად ორგანიზებულმა გაფიცვამ გამოაწვინა მუშათა ერთიანობისა და სოლიდარობის ძალა, რითაც შიშის ზარი დასცა მეწარმეებსა და გუბერნიის ადმინისტრაციას. ამას აღიარებდა ქუთაისის გუბერნატორი, როცა ზემდგომ ორგანოებს შემფოთებით აცნობებდა: „ქიათურის გაფიცვა, რომელიც მუშებმა მაღალი ორგანიზებულობით დარაზმულად ჩაატარეს და რომელმაც მნიშვნელოვანი შედეგიც მოუტანა, სანიმუშო მაგალითი გახდა მუშებისათვის, დაარწმუნა ისინი საკუთარ ძალაში. არ შეიძლება წინასწარვე არ განეკერძოთ გაფიცვის ხელახლა აღმოცენების შესაძლებლობა...“¹⁰¹. გაფიცვის მიმდინარეობა, მუშათა შორის გავრცელებულ მოწოდება-პროკლამაციებისა და ლოზუნგების გათვალისწინება, თვალნათლივ მოწმობს, რომ მუშათა რევოლუციურ ბრძოლას სათავეში ედგა ქიათუ-

⁹⁹ ЦГИАЛ, ф. 1267, оп. 19, д. 848, л. 16—17.

¹⁰⁰ სსსა, ფონ. 94, საქ. 605², ფურც. 192, 194.

¹⁰¹ სსსა, ფონ. 2, საქ. 5209, ფურც. 13.

რის სოციალ-დემოკრატიული ორგანიზაცია. ამ ფაქტს საგანგებოდ აღნიშნავდა მეფისნაცვალ ვორონცოვ-დაშკოვი, რომელიც 1914 წლის 26 მარტს პეტერბურგში გაგზავნილ ბარათში წერდა:

„ქიათურის რაიონში გაფიცვა არ ატარებდა წმინდა ეკონომიურ ხასიათს და უეჭველია გამოცხადდა და მიმდინარეობდა სოციალ-დემოკრატიული მუშათა პარტიის მითითებათა შესაბამისად“¹⁰².

გაფიცვამ ცხადყო საქართველოს სამრეწველო პროლეტარიატის ამ მრავალათასიანი რაზმის მაღალი შეგნებულობა და საბრძოლო განწყობილება შრომის გასათავისუფლებლად, თვითმპყრობელობის დასამხობად.

¹⁰² ЦГИАЛ, ф. 1276, оп. 19, д. 937, л. 31.

თ ა ვ

მარგანეცის მადნის გაზიდვა-ექსპორტი, მისი მომხმარებლები

§ 1. ზიათურის მარგანეცის მრეწველობის ხვედრითი წონა მადნის მსოფლიო მოპოვებაში

ჭიათურის მრეწველობას თვალსაჩინო ადგილი ეკავა მარგანეცის მადნის მსოფლიო მოპოვებაში, რაზეც მეტყველებს შემდეგი მონაცემები:

ცხრილი 1¹

წელი	ჭიათურის მონაწილეობა მარგანეცის მადნის მსოფლიო მოპოვებაში (%-ში)	წელი	ჭიათურის მონაწილეობა მარგანეცის მადნის მსოფლიო მოპოვებაში (%-ში)
1892	38,45	1904	30,31
1893	35,65	1905	26,23
1894	36,17	1906	38,81
1895	27,36	1907	26,42
1896	29,62	1908	8,16
1897	28,72	1909	31,21
1898	31,12	1910	27,63
1899	56,01	1911	24,27
1900	45,02	1912	36,64
1901	30,35	1913	39,61
1902	34,43	1914	36,72

როგორც ვხედავთ, ჭიათურის მონაწილეობა მარგანეცის მსოფლიო მოპოვებაში მერყეობდა. მისი ხვედრი განსაკუთრებით თვალსაჩინოა გასული საუკუნის 90-იანი წლების დასასრულს, ასევე პირველი მსოფლიო მამულისამდელი სამრეწველო აღმავლობის წლებში. სხვადასხვა ქვეყნის შეფარდებითი მონაწილეობა მარგანეცის მადნის მსოფლიო მოპოვებაში დროის სხვადასხვა პერიოდში ასეთ სურათს იძლევა: 1892—

¹ მონაცემების დაზუსტებისას ვეყარებით: ЦГИАЛ, ф. 37, оп. 72, д. 139, л. 21; ф. 37, оп. 67, д. 954, л. 45; Статистика марганцевого дела за 1914—1917 гг., К., 1918, табл. 57.

1901 წლებში მადნის მსოფლიო მოპოვებამ შეადგინა 7 871 876 ტონა. ამ ოდენობიდან მადნის მომხმარებელმა ქვეყნებმა (ინგლისი, აშშ, გერმანია, საფრანგეთი, ბელგია, ავსტრია-უნგრეთი, შვეცია) მოიპოვეს სულ 1 627 990 ტონა, ანუ მსოფლიო მოპოვების 20,68%, იმ ქვეყნებმა კი, რომელნიც არ მოიხმარდნენ მადანს (ესპანეთი, პორტუგალია, საბერძნეთი, ბრიტანეთის ინდოეთი, იაპონია, ბრაზილია, ჩილი, კუბა, კოლუმბია და სხვ.) — 2 807 086 ტონა, ანუ მსოფლიო მოპოვების 35,64%, ხოლო რუსეთის იმპერიამ — 3 437 800 ტონა ანუ მსოფლიო მოპოვების 43,68%, აქედან ჭიათურის წილად მოდიოდა 2 811 261 ტონა, ანუ მსოფლიო მოპოვების 35,72%². როგორც ვხედავთ, მოცემულ პერიოდში მოპოვების ოდენობის მხრივ ჭიათურა მსოფლიოში პირველ ადგილზე იყო. სხვა (მარგანეცის მომპოვებელი) ქვეყნები მოსდევდნენ შემდეგი თანმიმდევრობით: ესპანეთი (9,34%), სამხრეთ რუსეთი ურალით (7,96%), ბრიტანეთის ინდოეთი (7,60%), გერმანია (6,09%), აშშ (5,16%), ჩილი (4,32%), ბრაზილია (4,30%), საფრანგეთი (4,28%), თურქეთი (3,62%), ბელგია (2,48%), იაპონია (1,95%), ავსტრია-უნგრეთი (1,62%), საბერძნეთი (1,60%), კუბა (2,17%), კოლუმბია (0,61%), შვეცია (0,44%), იტალია (0,30%), ინგლისი (0,29%), პორტუგალია (0,24%), სხვა ქვეყნებზე (პერუ, კანადა, იავა, ავსტრალია, პოლანდია, ბოსნია და ჰერცეგოვინა) ერთად მოდიოდა მსოფლიო მოპოვების 0,91%³.

სტატისტიკის ცნობით 1898—1904 წლებში მარგანეცის მსოფლიო მოპოვებამ შეადგინა 14 348 506 ტონა, აქედან ჭიათურაზე მოდიოდა 4 751 846 ტონა, ანუ 33,12%⁴.

1904—1914 წლებში მთელ მსოფლიოში მოპოვებულ იქნა სულ 18 573 468 ტონა: მადნის მომხმარებელმა ქვეყნებმა მოიპოვეს 2 847 165 ტონა, იმათ, რომელნიც არ მოიხმარდნენ მადანს — 8 555 446 ტონა, რუსეთის იმპერიამ—7 170 857 ტონა ანუ მსოფლიო მოპოვების 38,61%, აქედან ჭიათურაზე მოდიოდა 5 333 701 ტონა ანუ მსოფლიო მოპოვების 28,72%⁵. ჩვენი მიახლოებითი გაანგარიშებით 1879—1914 წლებში ჭიათურის მარგანეცის შეფარდებითი მონაწილეობა მადნის მსოფლიო მოპოვებაში 36,13%-ს შეადგენდა⁶.

² Статистика марганцевого дела, К., 1902, გვ. III (Таблица).

³ იქვე, გვ. 117.

⁴ Статистика Марганцевого дела за 1914—1917 гг., К., 1918, табл. 56.

⁵ იქვე, გვ. 50.

⁶ ასეთ შედეგს გვაძლევს მოცემულ პერიოდში ჭიათურაში მოპოვებული მადნის ოდენობის შედარება მსოფლიო მოპოვებასთან.



ზემოთ მოტანილი მონაცემები გვიდასტურებენ, რომ რუსეთის იმპერია 1879—1914 წლებში მარტო კიათურის მრეწველობითაც (ნიკოპოლისა და ურალის ჩაუთვლელად) პირველობდა მარგანეცის მადნის მსოფლიო მოპოვებაში. მაგრამ რევოლუციამდელი რუსეთი მარგანეცის მადანს მცირე რაოდენობით მოიხმარდა, ყოველ შემთხვევაში, მოპოვებასთან შედარებით. კიათურის მადანი მეტწილად უცხოეთში იგზავნებოდა და მხოლოდ მცირე რაოდენობით მიდიოდა სამხრეთ რუსეთში გადასამუშავებლად. ფერომარგანეცის წარმოება რუსეთში მცირე მასშტაბით ხასიათდებოდა, ისიც უმთავრესად ნიკოპოლისა და ურალის მარგანეცის ხარჯზე. კიათურაში მოპოვებული მადნის საერთო ოდენობის მხოლოდ 6—8 პროცენტი მუშავდებოდა სამხრეთ რუსეთის ქარხნებში.

მიუხედავად იმისა, რომ რევოლუციამდელი რუსეთი მარგანეცის მადნის მსოფლიო ექსპორტში თითქმის მულამ პირველ ადგილზეა. მას უცხოეთიდან საშუალოდ ყოველწლიურად შემოჰქონდა დაახლოებით 1 მილიონი ფუთი ფერომარგანეცი. მართალია, ფერომარგანეცის წარმოება რუსეთში 1878 წლიდან ჩაისახა ნიჟნი ტაგილში (ურალი), მაგრამ მას მხოლოდ ადგილობრივი მნიშვნელობა ჰქონდა და რუსეთის ქარხნები ფოლადის საწარმოებლად დიდხანს იყენებდნენ შემოტანილ ფერომარგანეცს. 1902 წელს დონეცკ-იურიევის ქარხანამ შედარებით ფართო მასშტაბით პირველმა დაიწყო ფერომარგანეცის წარმოება, ხოლო რამდენიმე ხნის შემდეგ მას ხელი მიჰყო სამხრეთ რუსეთის ზოგიერთმა სხვა ქარხანამაც⁷. ადგილობრივი ქარხნები ვერ აკმაყოფილებდნენ მოთხოვნილებას ფეროშენადნობებზე. ასე, რომ ამ ნაწარმის ექსპორტზე ფიქრიც კი ზედმეტი იყო, მით უმეტეს, რომ ფეროშენადნობთა წარმოება რუსეთში ძვირი ჯდებოდა და მისი ექსპორტი, პროდუქციის მაღალი თვითღირებულების გამო გამოირიცხული იყო.

აღნიშნული გარემოებებით იყო გაპირობებული რევოლუციამდელ ხანაში კიათურის მარგანეცის ათვისების თავისებური ხასიათი, მთელი აქ მოპოვებული მადნის ოდენობის 92—94%-ის ექსპორტი, დაუმუშავებლად, მადნის სახით. უძვირფასესი სიმდიდრის ამგვარი ათვისება, ბუნებრივია, დიდად საზარალო იყო ქვეყნის ეკონომიკისათვის. სამაგიეროდ ის მომგებიანი გახდა მადნის უცხოელი ექსპორტიორებისა და მისი მომხმარებელი სახელმწიფოებისათვის.

⁷ В. А. Тухолка, Железные и марганцевые руды (сборник: Благатства СССР, М.-Л., 1925, გვ. 72).

მადნის გასაღებასა და ექსპორტში ჩაბმული საქმოსნები და ფირმები თავისი ოპერაციების მიხედვით სამ ჯგუფად წარმოგვიდგებიან: პირველი იყვნენ ისინი, რომელთაც საკუთრივ მოპოვებული ან ჰიათურაში, აგრეთვე გომსა და ზესტაფონში სხვისაგან შექმნილი მადანი მიჰქონდათ ნაესადგურებამდე (ფოთი, ბათუმი) ან ვაჰქონდათ უცხოეთში თუ სამხრეთ რუსეთში, მეორე — ფოთში ან ბათუმში მადნის შემსყიდველები და საერთაშორისო ბაზრებზე მადნის გამტან-გამსაღებლები, მესამე — მადნის მყიდველ-გადამყიდველი აგენტები, რომელთაც ჰიათურის აუზში შექმნილი მადანი გასაყიდად მიჰქონდათ ფოთსა და ბათუმში, უფრო ხშირად ექსპორტიორთა დაკვეთით, მეორე და მესამე კატეგორიის საქმოსნები მეტწილად მადნის „გადამყიდველები“ იყვნენ¹. ახასიათებდა რა ჰიათურის მარგანეცის მრეწველობასთან მხოლოდ სავაჭრო ოპერაციებით დაკავშირებულ პირთა და ფირმათა საქმიანობას ვაჭრობისა და მრეწველობის სამინისტროს კერძო სამთო საწარმოთა განყოფილების უფროსი ვ. ა. ტუხოლკა შენიშნავდა: ექსპორტიორები ჰიათურაში მადანს იძენდნენ სხვა მრეწველებისაგან, რომელთა შორის ბევრს უჭირდა და მადანს ძალზე დაბალ ფასებში იძლეოდა. ამის გამო მადნის შექმნა იაფი უჯდებოდათ და არ ფიქრობდნენ საგარეო ბაზარზე ინდოეთისა და ბრაზილიის მარგანეცის ექსპორტიორებისათვის კონკურენციის გაწევაზე. ჰიათურის მარგანეცის ექსპორტიორები მხოლოდ ერთმანეთს უწევდნენ მეტოქეობას, რითაც თვითონვე აქვეითებდნენ აქაური მადნის ფასს.²

ჰიათურის მარგანეცის ექსპორტის საქმე მოუწესრიგებლობით ხასიათდებოდა. მარგანეცის მრეწველთა უმრავლესობა ექსპორტიორებმა დაიქვემდებარეს. პირველს უკანასკნელთათვის გვერდის ავლით არ ძალუძლად მადნის შორს გაზიდვა-გასაღება. ამით მაქსიმალურად სარგებლობდნენ ექსპორტიორები — „მარგანეცის ოპერაციებისაგან“ მოგების ნორმის გასადიდებლად. ასეთი ვითარება დამახასიათებელია მთელი რევოლუციამდელი ხანის ჰიათურის მრეწველობისათვის, რასაც გულისტკივილით აღნიშნავდა იმეამინდელი ქართული პრესა, მათ შორის ვაზ. „დროება“, რომელიც 1909 წელს წერდა: „დღემდე ბატონობს წესი: ქვის დამმუშავებელნი, მრეწველნი თავიანთ ნაწარმოებს კი

¹ ЦГИАЛ, ф. 37, оп. 72, д. 138, л. 54; ф. 565, сп. 7, д. 26907, л. 19.

² Статистика марганцевого дела, К., 1902, гл. 58; ЦГИАЛ, ф. 37, оп. 72, д. 138, л. 64.

³ В. А. Тухолка, Железные и марганцевые руды (Богатства СССР, М.-Л. 1925, гл. 73).

არა ჰყიდიან მომხმარებელ მექარხნეებზე, არამედ ადგილობრივ, ქიათურაშივე აბარებენ უცხოელ კაპიტალისტებს, რომლებიც ეზიდებიან მადანს საზღვარგარეთ... მრეწველები მათ ხელში იყენენ და არიან, ფასები მათზე იყო (და არის) დამოკიდებული. ერთი სიტყვით, ქიათურის ბატონ-პატრონად ისინი ითვლებიან... შავი ქვის მრეწველთა სული ექსპორტიორთა ხელშია⁴.

მართლაც, მეწარმეთა დიდი უმრავლესობა მადანს ადგილზევე ასაღებდა და აბარებდა გადამყიდველებს, ექსპორტიორებს. ეს გარემოება იმიტაც იყო გაპირობებული, რომ ქიათურის რკინიგზის შტოს სადგურებზე მადნის საწყობების (ბაქნების) შოვნა ძნელი იყო, აქედან რკინიგზით მადნის გაგზავნა (ფოთამდე და ბათუმამდე) რიგში დგომას, ასევე რკინიგზის ხაზზე და ნავსადგურში რამდენჯერმე გადატვირთ-გადმოტვირთვას მოითხოვდა, კიდევ უფრო ხანგრძლივ მოლოდინთან და ხარჯებთან იყო დაკავშირებული მადნის გატანა საერთაშორისო ბაზრებზე. ამიტომ, მადნის გასაღებასა და ექსპორტს მნიშვნელოვანწილად „გადამყიდველნი“ და მეტადრე უცხოური სავაჭრო-სამრეწველო ფირმები, აგრეთვე ორი-სამი ადგილობრივი ბანკი დაეპატრონა⁵. ისინი მუდამ იქვემდებარებდნენ და ავიწროებდნენ წვრილ მრეწველებს, აგრეთვე საშუალო მრეწველთა ნაწილს და მადანს შეღავათიან ფასებში იძენდნენ.

ქიათურის მარგანეცის ექსპორტიორთა აღრიცხვა მხოლოდ 1900-იან წლებში მოწესრიგდა. აღრინდელი არასრული ცნობები ასეთია:

ცხრილი 2⁶

წელი	ექსპორტიორები			მადნის რუსეთში გამზიდველნი
	მსხვილები: 1 მილიონ ფუთზე მეტის გ.მზ.	წვრილები: 1 მილ. ფუთზე ნაკლების გ.მზ.	სულ	
1895	4	10	14	2
1899	6	5	11	2
1900	11	10	21	3

როგორც ვხედავთ, ექსპორტიორთა რიცხვი მცირეა და ის მხოლოდ 1900 წელს იზრდება. 1899 წელს ექსპორტიორები იყვნენ:

⁴ ვაზ. «დროება», 1909, 21 იანვარი, № 15, Н. Николадзе, Полукопеечный сбор, Поти 1908, გვ. 5.

⁵ Н. Николадзе, Полукопеечный сбор, 1908, გვ. 5.

⁶ Статистика марганцевого дела, К., 1902, გვ. 60—61; Статистика марганцевого дела, К., 1909, табл. 35—38.

1. ავეგერინო
2. ვაგსტაფი და ბლეი
3. გროტე
4. მათიევიჩი
5. ლუი პანასიე
6. გ. პილიდი
7. სავაჯრო სახლი სამანჯი
8. ძმ. ფორვეული და კომპ.
9. შუტცი და ციმერმანი
10. გ. ემერიკო
11. სამხრეთ რუსეთის ბანკი⁷
12. ძმ. ოგანეზოვეზი⁸

მათ შორის შუტცი და ციმერმანი, ასევე სამხრეთ რუსეთის ბანკი, მაღანს ეზიდებოდნენ არა მარტო უცხოეთში, არამედ რუსეთშიც. 1900 წლამდე ყველაზე მსხვილი ექსპორტიორია ლუი პანასიე, ხოლო ამ წელს ვაგსტაფი და ბლეი⁹. ირკვევა, რომ 1899 წლისათვის მაღანის ექსპორტზე ხელი აუღიათ გ. ჩუბინიძესა და ნ. ლოლობერიძეს, რომლებიც ადრე მას მისდევდნენ¹⁰. ექსპორტიორებს შორის არც ერთი ქართველი საქმოსანი აღარ გვხვდება.

ჩანს, ამ დროისათვის, ისევე როგორც შემდეგში, მსხვილი ქართველი საქმოსნები მაღანს გასასაღებლად მარტო. ფოთამდე და ბათუმამდე ეზიდებოდნენ.

ცხრილი 311

წელი	მაღანის გამზიდველი კიათურებიდან	მაღანის გამზიდველი ფოთიდან და ბათუმიდან	მაღანის გამზიდველი, რომელთაც უშუალო კავშირი არ ჰქონდათ კიათურასთან
1900	25	21	10
1901	21	17	4
1902	21	25	11
1903	20	25	11
1904	21	27	10
1905	20	23	5
1906	28	28	11
1907	29	25	10
1908	28	18	6
1909	39	21	7
1910	35	20	4
1911	33	17	4
1912	22	17	3
1913	26	21	5
1914	23	18	5

⁷ Статистика марганцевого дела, К., 1902, გვ. 60.

⁸ Труды III съезда... марганцепромышленников. გვ. 127. ძმ. ოგანეზოვეზი ექსპორტიორთა 1899 წლის სიაში გამოუტოვებიათ, ეს მაშინ, როცა ამ წელს ფირმამ გასასაღებლად გაზილა 4443 955 ფუთი მაღანი (იქვე).

⁹ იქვე, გვ. 61.

¹⁰ იხ. საისტორიო მოამბე. 1957, № 9, გვ. 153.

¹¹ ЦГИАЛ. ф. 37. оп. 67, д. 253, л. 22; Статистика марганцевого дела за 1914—1917 гг., К., 1918, Табл. 32—34.

სამრეწველო სტატისტიკა 1900—1914 წლებში ისევე, როგორც მანამდე, ცალ-ცალკე აღრიცხავდა ე. წ. მადნის ექსპორტიორთა სამ კატეგორიას (იხ. ცხრილი 3).

უნდა შევნიშნოთ, რომ ჭიათურიდან მადნის გამზიდველთ სამრეწველო სტატისტიკა მხოლოდ პირობით თვლიდა ექსპორტიორებად, რადგან მათი უმრავლესობა მადანს, ისიც შეტწილად სხვისგან შექმნილს, მხოლოდ ადგილობრივ ნავსადგურებამდე აგზავნიდა გასასაღებლად. ჩანს, რომ აქ იგულისხმებიან არა მარტო მეწარმენი, არამედ მადნის გადამყიდველები, რომლებიც მადანს იძენდნენ ჭიათურაში, შემდეგ რკინიგზით აგზავნიდნენ ნავსადგურებამდე, იშვიათად ზესტაფონამდე, სადაც ექსპორტიორებს აბარებდნენ და სავაჭრო მოგების სახით შედარებით დიდ თანხებს იღებდნენ. ამგვარი ოპერაციების დახასიათებისას ს. ქვარიანი 1900 წელს მარგანეცის მრეწველთა III ყრილობაზე აღნიშნავდა: ჭიათურაში გასულ წელს ფუთი მადანი 7 კაპიკი ფასობდა. თუ მხედველობაში მივიღებთ „სკიდკას“ (20%), მყიდველს ფუთი ფაქტიურად მხოლოდ 5,5 კაპიკი უჭლებოდა. ამავე დროს ფოთში ფუთი მარგანეცი 23 კაპ. ღირდა. ჭიათურიდან ფოთამდე მადნის გადაზიდვის ხარჯები ფუთზე 11 კაპიკს შეადგენდა. ამდენად, ფოთში ერთი ფუთის თვითღირებულება 17 კაპიკს არ აღემატებოდა. ასე, რომ ფოთში გადამყიდველები და ექსპორტიორები ფუთზე 6 კაპიკს იგებდნენ. გასულ წელს — განაგრძობს ს. ქვარიანი, -- გატანილ 30 მილიონ ფუთ მადანში მათ მოიგეს 2 მილიონი მანეთი. ამ მოგებას ინაწილებს 11 ექსპორტიორი და 30—40 გადამყიდველი. თითოეულზე საშუალოდ მოდის 40 ათასი მანეთი¹².

მრეწველთა III ყრილობის ინფორმაციით შუამავლები (მრეწველებსა, ექსპორტიორებსა და მომხმარებლებს შორის) ადგილობრივ ნავსადგურში მოგების სახით იღებდნენ ფუთზე 7,59-დან 11,37 კაპიკამდე. ამასვე გვიდასტურებს საარქივო წყაროები, საიდანაც ჩანს, რომ, მაგალითად, 1913 წელს ვაჭარი ჭიათურაში შექმნილ და ფოთში გაყიდულ ყოველ ფუთ მადანში მოგების სახით იღებდა 5—6 კაპიკს¹³.

ზემომოტანილი ცხრილი გვიჩვენებს, რომ ექსპორტიორთა რიცხვი წლების მანძილზე ზრდა-შემცირებით ხასიათდება, თუმცა, ამ ცვალებადობაში უფრო შემცირება შეინიშნება. ირკვევა, რომ ექსპორტიორთა უმრავლესობა თანდათან, უშუალოდ უკავშირდება საკუთრივ წარმოებას.

¹² Труды III съезда... марганцепромышленников, гв. 112—115.

¹³ Труды III съезда... марганцепромышленников, гв. 123; ЦГИАЛ, ф. 37. оп. 72, д. 138. л. 43—44, «Квело», 1900. № 39, гв. 62; № 9, 1899. гв. 138; ЦГИАЛ, ф. 37. оп. 72. л. 139. л. 17.

სხვადასხვა კატეგორიის (მსხვილი და წვრილი) ექსპორტიორების რიცხვისა და მათ მიერ გაზიდული მადნის ოდენობის შედარებითი თანაფარდობა 1900—1914 წლებში ასეთია:

ცხრილი 414

წლები	წვრილი ექსპორტიორები (1 მილიონ ფუთზე ექსპორტით)		მსხვილი ექსპორტიორები (1 მილიონ ფუთზე მეტი ექსპორტით)		"ექსპორტიორები", რომლებიც მადანს ეზიდებიან სამხრეთ რუკაში	
	ექსპორტიორთა რიცხვი	% ხვედრი მადნის სავაჭრო ექსპორტში	ექსპორტიორთა რიცხვი	% ხვედრი მადნის სავაჭრო ექსპორტში	ექსპორტიორთა რიცხვი	% ხვედრი მადნის სავაჭრო ექსპორტში
1900	11	11,45	10	82,55	3	5
1901	9	11,02	8	80,88	4	6
1902	16	18,81	9	79,19	6	4
1903	16	19,31	9	74,69	8	6
1904	18	19,07	9	71,63	6	7
1905	16	20,37	7	74,63	6	5
1906	15	11,23	13	85,79	13	4
1907	16	17,04	9	78,96	11	4
1908	14	17,10	4	80,90	5	2
1909	14	12,70	7	81,30	6	6
1910	11	7,78	9	85,22	2	7
1911	6	11,98	11	81,02	3	7
1912	6	2,11	11	90,89	3	7
1913	8	1,16	13	90,84	4	8
1914	9	2,48	9	90,54	5	7

წვრილ ექსპორტიორთა რიცხვი და განსაკუთრებით მათი ხვედრითი წილი მადნის ექსპორტში მცირდება, მსხვილ ექსპორტიორთა კი, პირიქით, თვალსაჩინოდ იზრდება. ცხადი ხდება, რომ ჰიათურიდან გაზიდული მადნის მხოლოდ უმნიშვნელო ნაწილი მიდის სამხრეთ რუსეთში. გასული საუკუნის მიწურულიდან 1914 წლამდე ერთგვარი ცვლილება მოხდა ექსპორტიორთა პერსონალურ შემადგენლობაშიც. მათი რიცხვი შეივსო მსხვილი უცხოური ფირმებით, ადგილობრივი მსხვილი მეწარმეებით, აგრეთვე ბანკების მონაწილეობით.

საბაჟოთა მონაცემებით 1913 წელს მადნის ექსპორტს მისდევდნენ შემდეგი ფირმები და დაწესებულებები:¹⁵

¹⁴ ცხრილის შედგენისას გამოვიყენეთ: ЦГИАЛ, ф. 37, оп. 67, д. 253, л. 23; Статистика марганцевого дела, К., 1909, табл. 35—38; Статистика марганцевого дела за 1914 — 1917 гг., 1918, табл. 32, 34, 40.

¹⁵ Отчет Кавказского горного управления за 1913 г., 1914, гл. 143.

- | | |
|-------------------------------------|------------------------------------|
| 1. აზოვ-დონის ბანკი | 11. ე. მატეივიჩი |
| 2. აეგერინო | 12. ძმ. ოგანეზოეები |
| 3. ვარნეკე | 13. პაკე და კომპ. |
| 4. ვართანიანი | 14. ლ. პანასიე |
| 5. გელზენკირხენი | 15. რუსეთ-აზოვის ბანკი |
| 6. ი. გილერტი | 16. რუსეთის საზოგადოება
(ბანკი) |
| 7. კავკასიის საბადოთა
ამხანაგობა | 17. სკრიკუნასი |
| 8. კარნარო | 18. თბილისის კომერციული ბანკი |
| 9. ხ. მანოლოპულო | 19. ფორუელი და სელარი |
| 10. მ. მანუილიდისი | 20. ძმ. ჩილინგარიანები |
| | 21. შუტცი და ციმერმანი |

ამრიგად, ექსპორტიორთა რიცხვი გაიზარდა ჩვენთვის უკვე ცნობილი გერმანული სამრეწველო-საეკსპორტო ფირმების, აგრეთვე ადგილობრივი საქმოსნების (ვართანიანი, ძმ. ჩილინგარიანები და სხვ.) ხარჯზე. ზემოთ დასახელებული ბანკები ადრე ექსპორტიორთა დამკრედიტებელნი იყვნენ, ხოლო I მსოფლიო ომის წინა წლებში უშუალოდ ექსპორტს დაეწაფნენ. როგორც აღენიშნავდით, ბერძენი საქმოსნები 1900-იან წლებამდე „მარგანეცის ოპერაციებს“ უმთავრესად მხოლოდ ადგილობრივი საკრედიტო ორგანიზაციებისაგან მიღებული თანხებით ეწეოდნენ და მადანს მეტწილად ფოთსა და ბათუმში ასაღებდნენ. მომდევნო პერიოდში (1914 წლის ჩათვლით), ისინი თანდათან უკავშირდებოდნენ მადნის მომხმარებელ უცხოელ მექარხნეებს; „ისინი მადანს ასაღებდნენ უკვე ყველგან, სადაც კი მასზე მოთხოვნილება“¹⁶. ამ საქმოსნებმა მოიკალათეს მადნის საერთაშორისო ბაზრებზე, იქ დამკვიდრდნენ, ხოლო ფოთსა და ჭიათურაში მადნის შესაძენად დააყენეს „პრიკაუზჩიკები“, რომელთა მეშვეობით გააჩაღეს ოპერაციები¹⁷. ბერძენი საქმოსნები იმდენად წარმატებით უწევდნენ კონკურენციას ბევრ სხვა საექსპორტო ფირმებს, რომ უკანასკნელნი მთავრობის ორგანოებშიც კი ჩიოდნენ, — ბერძნებს ადანაშაულებდნენ საერთაშორისო ბაზრებზე ჩვენებური მადნის „რენომეს“ გაფუჭებაში და მოითხოვდნენ მათ განდევნას მადნის ექსპორტის სფეროდან¹⁸.

მადნის ექსპორტიორები ერთმანეთისაგან განსხვავდებოდნენ არა მარტო სადაურობით, ან ოპერაციების მასშტაბით, არამედ საქმიანობის მეთოდებითაც. მსხვილი ექსპორტიორების მცირე ნაწილი სხვის-

¹⁶ ЦГИАЛ, 37, оп. 72, д. 43, 1910, л. 35.

¹⁷ იქვე, ფურც. 36.

¹⁸ იქვე.

გან მადნის შექმნას არ ჯერდებოდა და თავადაც ეწეოდა მის მოპოვებას. მათ საამისოდ დიდძალი კპიტალი გააჩნდათ (გელზენკირხენი, ძმ. ოგანეზოვები და სხვ.), ამავე დროს მადნის შემკვეთი უცხოური სამრეწველო ფირმების ასიგნაციებითაც სარგებლობდნენ (კავკასიის საბადოთა ამხანაგობა“, ფორუული და სხვ.). ბანკები მარტო ექსპორტს მისდევდნენ. შედარებით წვრილი ექსპორტიორები (ვარნეკე, კარნარო, ე. მატეივიჩი, პაკე და კომ., ასევე ბერძენი საქმოსნების უმრავლესობა) მარგანეცის მომხმარებელი უცხოური ფირმებისაგან მიღებული კრედიტით მოქმედებდნენ.

მადნის ექსპორტის მასშტაბით 1913 წელს რამდენიმე ფირმა გამოირჩეოდა. ამ წელს ექსპორტირებულ იქნა 65 827 266 ფუთი მადანი, რაც შეფასებულ იქნა 11 303 963 მანეთად; აქედან გელზენკირხენს ეკუთვნოდა 14 228 806 ფუთი, ძმ. ჩილინგარიანებს — 9 362 469, თბილისის კომერციულ ბანკს — 7 702 135, ფორუულს — 6 859 314, ფ. მანუილიდისს — 5 204 327, „კავკასიის საბადოთა ამხანაგობას“ — 4 776 256 ფუთი¹⁹.

I მსოფლიო ომის დაწყების შემდეგ, როცა ბოსფორისა და დარდანელის სრუტეები ჩაიკეტა, ქიათურის მარგანეცი რუსეთში იგზავნებოდა. ამ დროიდან გერმანული ფირმები ჩამოშორდნენ ექსპორტის საქმეს, სამაგიეროდ მადნის რუსეთში გამზიდველთა რიგები გაიზარდა ამ საქმეში ადგილობრივ მრეწველთა ჩაბმის ხარჯზე. 1916 წელს ქიათურის მარგანეცს რუსეთში ეზიდებოდა 31 ფირმა, მათ შორის იყვნენ ცნობილი ქართველი მეწარმენი: ალ. ჭაყელი, ჭავახიშვილი და კომპანია, ი. კაკაბაძე, ავ. სვანიშვილი და სხვ.²⁰



როგორც აღვნიშნეთ, მადნის ექსპორტიორი ფირმებიდან მხოლოდ რამდენიმე ეწეოდა მეწარმეობას, უმრავლესობა კი მადნის გასაღებას მისდევდა და დიდ სავაჭრო მოგებას იღებდა. თვით ის ვაჭრები თუ „გაღამყიდველები“, რომლებიც ქიათურაში შექმნილ მადანს ადგილობრივ ნავსადგურებში ასაღებდნენ 1899—1913 წლებში სავაჭრო მოგების სახით ფუთზე 6—7 კაპიკს იღებდნენ. დავადგინოთ მოგების ის ნორმა, რასაც იღებდნენ მადნის ადგილობრივ ნავსადგურებში შემქმნი და ევროპის ქვეყნებში გამსაღებელი საექსპორტო ფირმები. ისინი 1899—1900 წლებში ფოთში ფუთ მადანს იძენდნენ საშუალოდ დაახლოებით 23 კაპიკად, ხოლო მისი გადაზიდვა, ვთქვათ, ინგლისის ნავ-

¹⁹ Отчет Кавказского горного управления за 1913 г., 1914, გვ. 144—145.

²⁰ Статистика марганцевого дела за 1914—1917 гг., К., 1918, табл. 43.

სადგურებამდე (ფრახტი) უჯდებოდათ საშუალოდ 11 კაპიკი, საკომისიო და ზედნადები ხარჯები კი 1 კაპიკი. ამრიგად, ექსპორტიორს ინგლისის ბაზრებზე გატანილი ფუთი მადანი უჯდებოდა სულ დაახლოებით 35 კაპიკი. მოცემულ წლებში ფუთი მადანი ინგლისში ფასობდა საშუალოდ 41—42 კაპიკი. ამგვარად, ექსპორტიორის მოგების ნორმა ფუთზე 6—7 კაპიკს შეადგენდა²¹.

მოგების ნორმამ მომდევნო პერიოდში, მეტადრე I მსოფლიო ომის წინა წლებში მოიმატა. ასე მაგალითად, 1913 წელს ფოთში ფუთი მადნის თვითღირებულება შეადგენდა დაახლოებით 17,35 კაპიკს²². ის სალდებოდა 22—26 კაპიკად²³. ფოთიდან ინგლისის ნავსადგურებამდე ფუთი მადნის გადაზიდვა (ფრახტი) ჯდებოდა 8—9 კაპიკი²⁴, საკომისიო და ზედნადები ხარჯები ფუთზე 1—2 კაპ. ამავე დროს ინგლისში ფუთი მადანი საშუალოდ ფასობდა 44—45 კაპიკი. ამრიგად, ექსპორტიორი ფუთ მადანზე მოგების სახით იღებდა დაახლოებით 6—7 კაპიკიდან 13 კაპიკამდე²⁵. როგორც ვხედავთ, ჩვენებური მადნის გასაღება დიდად მომგებიანი იყო ექსპორტიორებისათვის, რომელთა უმრავლესობას უცხოელები შეადგენდნენ.

§ 8. მარგანეცის მადნის გაზიდვა-ექსპორტი და მისი მოხმარება

ჭიათურის მარგანეცი, როგორც აღვნიშნავდით, თითქმის მთლიანად მსოფლიო ბაზრისათვის იყო განკუთვნილი. ის იგზავნებოდა რკინიგზით ფოთამდე ან ბათუმამდე, ხოლო იქიდან ზღვით — უცხოეთში, ცოტა — სამხრეთ რუსეთში. ფოთის ნავსადგური უფრო მოხერხებული იყო ერთდროულად რამდენიმე გემის დასატვირთად და ამიტომ მადანი მეტწილად ამ ნავსადგურიდან იგზავნებოდა*. ჩვენთვის საინტერესო პერიოდში დასახელებულ ნავსადგურებამდე მადნის გაზიდვის მაჩვენებლები ასეთია:

²¹ განგარიშებისას ვისარგებლეთ: Труды III съезда... марганцевого дела, К., 1901, გვ. 112—115, 123; ЦГИАЛ, ф. 37, оп. 72, д. 139, л. 17, 18; Статистика марганцевого дела, К., 1902, гв. 71; В. А. Адамчук, указ труд, гв. 62.

²² Ф. Бублейников и Н. Леслинг, Марганцевая промышленность СССР, М. — Л., 1925, гв. 17.

²³ ЦГИАЛ, ф. 37, оп. 72, д. 138, л. 199—200.

²⁴ Статистика марганцевого дела за 1914—1917 гг., табл. 45—46.

²⁵ განგარიშებისას მონაცემები ვადმოვიღეთ: Статистика марганцевого дела за 1914 — 1917 гг., табл. 45—46; ЦГИАЛ, ф. 37, оп. 72, д. 138, л. 43, 199—200.

* ფოთის ნავსადგური 80-იან წლებამდე მოუწყობელი იყო: დიდი გემები ვერ შემოდიოდნენ, გემები 2—3 კვირა უცდიდა დატვირთვას, რაც საზღვაო ფრახტის

წლები	გაიზილა კიათურიდან (აკინიგზით) ფოთ. მღვ და ბათუმამღვ		
	სულ (ფუთობით)	პროცენტულად	
		ფოთამღვ	ბათუმამღვ
1879	51000	—	—
1880	254000	—	—
1881	520 000	—	—
1882	545 000	—	—
1883	920 000	—	—
1884	1 276 000	—	—
1885	2 756 005	—	—
1886	3 825 000	65,99	34,01
1887	4 780 000	83,38	16,62
1888	1 867 000	85,74	14,26
1889	3 947 000	79,72	20,28
1890	8 010 000	92,33	7,67
1891	5 616 000	93,67	6,33
1892	9 086 000	94,49	5,51
1893	8 833 000	93,40	6,60
1894	8 618 000	95,52	4,48
1895	10 609 000	96,79	3,21
1896	11 938 000	97,36	2,64
1897	12 135 000	98,02	1,98
1898	17 295 000	95,41	4,58
1899	30 223 000	94,38	5,62
1900	32 037 000	92,37	7,63
1901	21 625 000	95,57	4,43
1902	30 397 000	83,37	16,62
1903	30 852 360	87,28	12,72
1904	33 899 000	94,86	5,14
1905	23 806 750	95,34	4,66
1906	33 521 250	96,36	3,64
1907	35 672 250	93,19	5,81
1908	23 981 275	94,98	5,02
1909	38 271 972	94,48	5,52
1910	39 706 650	93,28	6,72
1911	39 453 496	77,97	22,03
1912	59 436 403	70,26	29,74
1913	69 194 937	59,32	40,68
1914 წ. პირველ ნახევარში	43 622 250	62,05	37,95
სულ	698 580 593	92%	8%

ამაღლებას იწვევდა. 80-იანი წლების შუა ხანებიდან თანდათან განხორციელდა ნავსადგურის გადაკეთებასთან დაკავშირებული სამუშაოები. 1908 წლისათვის ამ სამუშაოების ჩასატარებლად უკვე 17 მილიონი მანეთი იყო გახარჯული (იხ. Н. Николадзе, Полуконечный сбор, Потти, 1908, გვ. 9). ნავსადგურის სარეკონსტრუქციო სამუშაოები გაფართოვდა გასაზიდ ტვირთზე ფოთის სასარგებლოდ

ამრიგად, კიათურიდან სულ გაიზარდა 698 580 593 ფუთი მადანი, აქედან მადნის საერთო ოდენობის 92 %. ფოთის, ხოლო 8 % ბათუმის გავლით. ვხედავთ, რომ 1890 წლამდე ბათუმის მონაწილეობა მადნის ექსპორტში შედარებით თვალსაჩინოა, მომდევნო ხანაში (1901 — 1903 წლების გამოკლებით) — 1909 წლამდე, ანუ ფოთიდან გასაზიდ ყოველგვარ ტვირთზე ნახევარკაპიკიანი საფუთო გამოსაღების დაწესებამდე,* მადანი უმთავრესად ამ ნავსადგურიდან იგზავნებოდა, შემდეგში კი რამდენადმე გაიზარდა ბათუმის მონაწილეობა ამ საქმეში, რადგან მადნის ექსპორტიორთა ერთი ნაწილი გაურბოდა ფოთის სასარგებლოდ გამოსაღების გადახდას და მადანს ბათუმში აგზავნიდა.

* * *

ფოთიდან და ბათუმიდან უცხოეთში, აგრეთვე სამხრეთ რუსეთში მადანი საზღვაო ტრანსპორტით იგზავნებოდა. მადნის ექსპორტიორთა უმრავლესობა ხელშეკრულებებით იყო დაკავშირებული უცხოურ სახომალდო კომპანიებთან, ზოგსაც საკუთრივ გააჩნდა ფლოტილია, თუმცა ადგილობრივი სამრეწველო-საეაქრო ფირმებიდან მხოლოდ „ძმ. ოგანეზოვებს“ გააჩნდა საკუთარი ფლოტილია.²

1899 წლამდე ჩვენებური მადანი ევროპისა და ამერიკის ქვეყნების 14-მდე ნავსადგურში იგზავნებოდა: როტერდამი, ბალტიმორა, ფლიტუდი, მიდლსბორო, ფილადელფია, გარსტონი, ნიუპორტი, ანტვერპენი, ნიუ-იორკი, შტეტინი, მარსელი, ჰამბურგი, ლივერპული, მოსტინ-კაი და სხვ. პირველი 5 ლებულობდა საქართველოდან გაზიდული მადნის 80,1 %, ხოლო დანარჩენები 19,9 %. ექსპორტირებული მადნის თითქმის ნახევარს იღებდა ორი ნავსადგური: პოლანდისა — როტერდამი (მთლიანად გერმანიისათვის), აშშ-სა — ბალტი-

საფუთო გამოსაღების დაწესების შემდეგ, როცა იქ ელექტროიკ მოეწყო გემების შექანიკურად დასატვირთად და სხვ.

¹ მადნის ზიდვის მაჩვენებლები გადმოვიღეთ: Статистика марганцевого дела, К. 1902, стр. 50; Статистика марганцевого дела, К. 1909, табл. 25; Статистика марганцевого дела за 1914 — 1917 гг., К., 1918, Табл. 26. ფოთსა და ბათუმში მადნის გაზიდვის პროცენტული თანფარდობის დასადგენად დავყვარეთ: Статистика марганцевого дела за 1914—1917 гг., табл. 41.

* ფოთიდან გასაზიდ ყოველგვარ ტვირთზე ნახევარკაპიკიანი საფუთო გამოსაღები დაწესდა 1909 წლის 24 მაისის კანონით. ამ თანხის 4/5 ნავსადგურის საკურობისათვის იყო განკუთვნილი, ხოლო 1/5 ქალაქისა (ЦГИАЛ, ф. 565, оп. 7, д. 26907, л. 19).

² ЦГИАЛ, ф. 23, оп. 28, д. 514, л. 273.

მორა³. ინგლისის ნავსადგურებს შორის ჭიათურის მარგანეცს ყველაზე დიდი რაოდენობით იღებდა ფლიტველი.

სამხრეთ რუსეთში გაგზავნილ მადანს 1899 წლამდე იღებდნენ როსტოვი და ოდესა, ხოლო შემდეგ მარიუპოლი, ნიკოლაევი, გვიანაც ნოვოროსისკი⁴, აგრეთვე ტაგანროგი⁵.

ინგლისი ჩვენებურ მადანს ღებულობდა 6 ნავსადგურში — აშშ — 2 — 3 ნავსადგურში, ხოლო გერმანია თავის ნავსადგურებში — ჰამბურგსა და შტეტინში, აგრეთვე ჰოლანდიის ნავსადგურებში — როტერდამსა და ამსტერდამში, საიდანაც მადანი (ტრანზიტით) მთლიანად გერმანიაში იგზავნებოდა⁶.

ჭიათურის მარგანეცის ექსპორტის ზრდისდაკვალად გამრავლდა მადნის მიმღები უცხოური ნავსადგურების რიცხვი; 1905 — 1914 წლებში ის უცხოეთის 42 ნავსადგურში მიემართებოდა⁷.

გასასაღებლად გაგზავნილი მადნის თვითღირებულების უმთავრეს მუხლს გადაზიდვის ხარჯები შეადგენდა. როგორც აღვნიშნეთ, მადნის გაზიდვა ჭიათურის საბადოებიდან რკინიგზამდე და მეტადრე სარკინიგზო და საზღვაო ტრანსპორტით უცხოეთში უფრო ძვირი ჯდება, ვიდრე მისი კონკურენტი ქვეყნებიდან. ქვემოთ (თავი VI, § 2) დავინახავთ, რომ ცარიზმის კოლონიური სატარიფო პოლიტიკა (რკინიგზის ჭიათურის შტოზე უმაგალითოდ მაღალი ტარიფის დაწესება) დიდად ზრდიდა ჩვენებური მადნის თვითღირებულებას, მეტოქე ქვეყნების (ინდოეთისა და ბრაზილიის) მარგანეცის თვითღირებულებასთან შედარებით. ამას ემატებოდა ჭიათურიდან მადნის გაზიდვასთან დაკავშირებული ზედნადები ხარჯების სიდიდე, რკინიგზის ჭიათურის შტოს არასაკმაო გამტარუნარიანობა, მადნის სატრანსპორტო ნავსადგურების — ფოთის და ბათუმის ჯეროვნად მოუწყობლობა. გასული საუკუნის 90-იანი წლების შემდეგ ფოთში ყოველდღე 18 — 20 გემი მოდიოდა მადნის წასაღებად. ისინი საშუალოდ თხოულობდნენ 600 ვაგონამდე ტვირთს, რკინიგზა კი ყოველდღიურად მხოლოდ 120 — 130 ვაგონს აწვდიდა⁸. ამასთანავე ფოთში მხოლოდ 1912 წლის დამლევიდან ამუშავდა ელევატორი და ის მხოლოდ სანახევროდ აუდიოდა გემების მექანიკურ დატვირთვას. მტვირთავ მუშა-

³ Труды III съезда... марганцепромышленников, гв. 16—17.

⁴ Статистика марганцевого дела, К., 1902, гв. 66—68.

⁵ Статистика марганцевого дела за 1914—1917 годы, табл. 41. რუსეთში მადანს მოიხმარდნენ იუზისა და სამხრეთ რუსეთ-დნეპრის ქარხნები.

⁶ Статистика марганцевого дела, К., 1902, гв. 69.

⁷ Статистика марганцевого дела за 1914—1917 годы, табл. 41.

⁸ ЦГИАЛ, ф. 37, оп. 72, д. 138, л. 49.

თა შრომის გამოყენება კვლავ გრძელდებოდა. ყოველივე ეს გეშე-
ბის ტვირთის გაჭიანურებას, მათ ღიძხანს ღვომასა და გაცდენას
იწვევდა. ეს გარემოება, ისევე როგორც ნავსადგურში არამწარმოე-
ბლური ხარჯების სიდიდე, იწვევდა საზღვაო ფრახტის ოდენობის
ზრდას. ფრახტი ფოთიდან ლონდონამდე და როტერდამამდე (3 760
მილი) შესაბამის სიშორეზე გაცილებით მეტი ჯდება, ვიდრე
ინდოეთის ნავსადგურებიდან ლონდონამდე და როტერდამამდე (და-
ახლოებით 7 960 მილი), სახელდობრ ბომბეიდან ლონდონამდე ფრახ-
ტი იყო 16 შილინგი ტონაზე, ხოლო ფოთიდან იმავე ნავსადგურამდე
12 შილინგი⁹. ყველა ამ არახელსაყრელი პირობის გამო ლონდონის
ბაზარზე თითოეული ტონა ჩვენებური მადნის თვითღირებულება
ინდოეთისას აღემატებოდა 2 — 2,5 მანეთით¹⁰.

სტატისტიკოსთა ცნობით პირველი მსოფლიო ომის წინა წლებ-
ში 1 ტონა ქიათურის მარგანეცის თვითღირებულება შეადგენდა
11,17 მანეთს, ინდოეთისა — 8,07, ხოლო ბრაზილიისა — 9,9 მანეთს.
ოფიციალური მონაცემების მოწმობით ფოთიდან ევროპის ქვეყნე-
ბის ნავსადგურებამდე საზღვაო ფრახტი ყოველ ფუთზე ასე მერ-
ყობდა:

ცხრილი 611

წელი	ფრახტი (კაპიკობით)	წელი	ფრახტი (კაპიკობით)
1899	10,2/3	1904	7,97
1900	13,7/8	1905	7,63
1901	10	1906	8,02
1902	9,16	1913—1914	8,9
1903	8,52		

როგორც ვხედავთ, ფრახტი გასული საუკუნის 90-იან წლებამდე
მეტი იყო, ვიდრე მომდევნო პერიოდში, რაც ქიათურის მარგანეცის
ზიღვით დაინტერესებული სანაოსნო კომპანიების მომრავლებასთა-
ნაა დაკავშირებული. ამის მიუხედავად ის, მკვლევართა აზრით, მაინც

⁹ შილინგი 12 პენსია, პენსი დაახლოებით 4 კაპიკია (იმდროინდელი კურსით).
20 შილინგი კი შეადგენს გირვანქა სტერლინგს ანუ იმჟამინდელი კურსით 19 მან.
45 კაპიკს.

¹⁰ В. А. Тухолка, Железные и марганцевые руды. Богатства СССР, М. Л.
1925, გვ. 69.

¹¹ Статистика марганцевого дела, К., 1902, გვ. 71; Статистика марганце-
цевого дела, К., 1907, გვ. 74—75; Статистика марганцевого дела за 1914—
1917 гг. К. 1918, табл. 45—46.

შედარებით დიდი იყო, რაც მადნის თვითღირებულების ზრდას და მაშასადამე, მისი საკონკურენტო ბრძოლისუნარიანობის ერთგვარ შესუსტებას იწვევდა.

რაც შეეხება ფრაქტს ფოთიდან და ბათუმიდან სამხრეთ რუსეთის ნავსადგურებამდე, ის I მსოფლიო ომის წინა წლებში ფუთზე 1,9 კაპიკს შეადგენდა¹².

ჭიათურის ხვედრი მადნის მსოფლიო ექსპორტში თვალსაჩინო იყო. 1892 წლისათვის რუსეთზე (უშთავრესად ჭიათურის ხარჯზე) მოდიოდა მადნის მსოფლიო ექსპორტის 52 % და პირველი ადგილი ეჭირა. ჭიათურის მარგანეცის მომავალი საშიში კონკურენტები: ბრიტანეთის ინდოეთი ამ დროისათვის ერთ-ერთ უკანასკნელ ადგილზე იყო, ხოლო ბრაზილია საერთოდ არც გამოჩენილა მადნის საერთაშორისო ბაზრებზე¹³. მომდევნო ხანებში ვითარება ასეთია: 1892 — 1901 წლებში მადნის მსოფლიო გაზიდვა (ექსპორტი) შეადგენდა სულ 5 213 452 ტონას. აქედან მადნის მომხმარებელმა სახელმწიფოებმა სხვა ქვეყნებში გაიტანეს და გაასაღეს 195 059 ტონა, ანუ დასახელებული მადნის მსოფლიო ექსპორტის 3,74 %, მადნის არამომხმარებელმა ქვეყნებმა — 2 764 931 ტონა, ანუ 53,03 %, რუსეთმა — 2 253 466 ტონა, ანუ 43,23 %¹⁴, აქედან ჭიათურის წილად მოდიოდა 2 198 365 ტონა, ანუ მსოფლიო ექსპორტის 42,17 %.

სხვა ქვეყნებში მადნის გადაზიდვა ოდენობის მხრივ რუსეთსა და, კერძოდ, ჭიათურას მოსდევდა ესპანეთი და პორტუგალია (14,49 %), ბრიტანეთის ინდოეთი (11,12 %), საბერძნეთი და თურქეთი (7,74 %), ბრაზილია (6,48 %), ჩილი (6,45 %), იაპონია (2,68 %), საფრანგეთი (2,04 %), კუბა (1,78 %), გერმანია (0,98 %), კოლუმბია (0,91 %), შვეიცია (0,34 %), ავსტრია-უნგრეთი (0,29 %), იტალია (0,09 %), სხვა ქვეყნები (1,38 %)¹⁴. მართალია, 1892 წელთან შედარებით 1901 წელს ჩვენში მარგანეცის მოპოვება, ასევე ექსპორტი (მსოფლიო ეკონომიური კრიზისის უარყოფითი გავლენის მიუხედავად) ორჯერ გაიზარდა და ჭიათურა ამ საქმეში კვლავაც პირველობდა, მაგრამ მისი შეფარდებითი ხვედრი მადნის მსოფლიო ექსპორტში შესამჩნევად შემცირდა. 1901 წელს ჭიათურაზე მოდიოდა მადნის მსოფლიო ექსპორტის მხოლოდ 38 %, ბრიტანეთის ინდოეთზე — 16 %, ბრაზილიაზე კი 13 %¹⁵.

¹² Статистика марганцевого дела за 1914—1917 гг., табл. 45—46.

¹³ В. А. Тухолка, назв. труд, гл. 73.

¹⁴ Статистика марганцевого дела, К., 1902, гл. 119 табл.

¹⁵ В. А. Тухолка, назв. труд, гл. 73.

გასული საუკუნის 90-იანი წლების დამლევადან 1913 წლამდე მარგანეცის მადნის მსოფლიო ექსპორტში სხვადასხვა ქვეყნის ხვედრითი წონა ცვალებადობით ხასიათდება¹⁶, კერძოდ, ჰიათურის მარგანეცის მრეწველობას ამ მხრივ ფეხდაფეხ მისდევს და 1907 წლისათვის თითქოს კიდევ ეწევა მეტოქე — ბრიტანეთის ინდოეთი, მაგრამ I მსოფლიომამდელი სამრეწველო აღმავლობის პერიოდში ჰიათურამ კვლავ ძლიერი ტემპები აიღო და მადნის მსოფლიო ექსპორტშიც პირველი ადგილი უცილობლად შეინარჩუნა. 1900 — 1913 წლებში ჩვენი, ასევე სხვა ქვეყნების ხვედრითი მონაწილეობა მარგანეცის მადნის მსოფლიო ექსპორტში აბსოლუტურად და შეფარდებით ასეთია:

ცხრილი 717

ქვეყნები	გაიზიდა მადანი (ათას ტონობით)	%-ული შეფარდება მსოფლიო ექსპორტთან
რუსეთი (ექსპორტის 96% ჰიათურადან)	8 584	34,7%
ინდოეთი	5 633	22,9%
ბრაზილია	2 426	9,8%
ყველა სხვა ქვეყანა	7 961	32,6%
	სულ 24,614	100%

ჰიათურის ხვედრი მარგანეცის მსოფლიო ექსპორტში განსაკუთრებით თვალსაჩინოა 1906—1913 წლებში¹⁸:

¹⁶ ასე მაგალითად, 1898—1907 წლებში მადნის მსოფლიო ექსპორტმა შეადგინა 9 947 414 ტონა. აქედან მადნის მომხმარებელი ქვეყნებიდან ექსპორტირებულ იქნა სულ 16551 ტონა, ანუ ექსპორტის საერთო ოდენობის 1,67%, მადნის არამომხმარებელი ქვეყნებიდან — 5818733 ტონა, ანუ 58,31%, რუსეთიდან 4128681 ტონა, ანუ 41,51%, საიდანაც ჰიათურის წილად მოდიოდა 3872868 ტონა, ანუ 39,10% (იხ. Статистика марганцевого дела, К. 1909, გვ. 52—59).

1904—1913 წლებში სულ გაიზარდა 879 556 490 ფუთი, აქედან მადნის მომხმარებელი ქვეყნებიდან — 10 100 668 ანუ 1,15%; არამომხმარებელი ქვეყნებიდან 488 358 376, ანუ 55,52%, რუსეთიდან კი 391 198 114 ფუთი ანუ 44,48%, საიდანაც ჰიათურაზე მოდიოდა 354 917 616 ფუთი ანუ მსოფლიო ექსპორტის 40,35%. (იხ. Статистика марганцевого дела за 1914 — 1917 гг., табл. 59).

¹⁷ განაგარიშებისას ცნობები გადმოვიღეთ: Статистика марганцевого дела за 1914—1917 гг., табл. 59.

¹⁸ Статистика марганцевого дела за 1914 — 1917 гг., табл. 59.

წელი ზენი ქვეყნის (%-ული) მონაწილეობა მარგანეცის მადნის მსოფლიო ექსპორტში

1906	36,49
1909	40,09
1910	39,29
1911	40,90
1912	40,27
1913	53,26

მოცემულ პერიოდში ჭიათურამ მადნის მსოფლიო ექსპორტში ძლიერ გაუსწრო ყველა მეტოქეს. ვითარება შეიცვალა I მსოფლიო ომის დაწყებისთანავე. საქართველოდან მადნის ექსპორტი შეწყდა, ხოლო ინდოეთსა და ბრაზილიის მარგანეცის ექსპორტი კოლოსალურად გაიზარდა.¹⁹

მარგანეცის მადნის იმპორტიორი და მომხმარებელი ქვეყნები ჩვენთვის საინტერესო ხანაში სულ შვიდია, სახელობრ: ინგლისი, გერმანია, აშშ, ბელგია, საფრანგეთი, რუსეთი, ავსტრია-უნგრეთი. მადნის მსოფლიო მოხმარებაში 1892 — 1901 წლებში პირველ ადგილზეა აშშ, რომელზეც მოდის მსოფლიო მოხმარების 25,40%, მეორეზე გერმანია (23,31%), მესამეზე ინგლისი (16,63%), მეოთხეზე ბელგია (12,21%), შემდეგ საფრანგეთი (10,48%), რუსეთი (9,84%), ავსტრია-უნგრეთი (1,62%)²⁰. 1901—1907 წლებში მდგომარეობა ძირფესვიანად არ შეცვლილა, თუმცა გერმანია თითქმის ეწევა აშშ-ს²¹. პირველი მსოფლიო ომის წინა წლებში გერმანია უკვე პირველ ადგილზეა მარგანეცის მადნის მსოფლიო იმპორტში, აშშ და ინგლისი მეორე ადგილს იყოფენ, მათ მოსდევს ბელგია და სხვ.²² მარგანეცის მომპოვებელი ქვეყნებიდან მადანი მნიშვნელოვანწილად მთავარ მომხმარებელ სახელმწიფოებში — ინგლისში, გერმანიაში, აშშ-ში იგზავნება. ეს სამი სახელმწიფოა ჭიათურის მარგანეცის მთავარი მომხმარებლები. 1885 — 1899 წლებში ჩვენებური მადნის მომხმარებლებს შორის პირველ ადგილზეა ინგლისი, მეორეზე გერმანია²³. საზოგადოდ მადნის მსოფლიო იმპორტში 1892 — 1901 წლებში პირველ ადგილზეა ინგლისი, რომელმაც შეზიდა 1 677 894

¹⁹ В. А. Тухолка. назв. труд, გვ. 73—74.

²⁰ Статистика марганцевого дела, К., 1902, გვ. 140 — 141.

²¹ Статистика марганцевого дела, К., 1909, табл. 54.

²² Статистика марганцевого дела за 1914—1917 гг., табл. 62.

²³ Статистика марганцевого дела, К., 1902, გვ. 15; Статистика марганцевого дела, К., 1909, табл. 56.

ტონა ანუ მსოფლიო იმპორტის 30,22%, მეორეზე გერმანია (19,68%), მესამეზე აშშ (18,96%), მეოთხეს იყოფენ საფრანგეთი (13,12%) და ბელგია (13,13%). მათ მოსდევს რუსეთი (4,02%) და ავსტრია-უნგრეთი (0,88%). მომდევნო ხანაში ვითარება რამდენადმე იცვლება. ასე მაგალითად, 1898 — 1907 წლებში ინგლისზე მოდის მადნის მსოფლიო იმპორტის 25,59%, გერმანიაზე უკვე 23,65%, აშშ-ზე — 19,15%, ბელგიაზე — 14,19%, საფრანგეთზე — 10,92%, რუსეთზე — 5,05%²⁴. ცვლილება უფრო თვალსაჩინო ხდება 1904 — 1913 წლების მდგომარეობით, როცა მარგანეცის მადნის მსოფლიო იმპორტში პირველ ადგილზეა გერმანია (27,62%), მეორეზე ინგლისი (25,72%), მესამეზე აშშ (16,21%), შემდეგია ბელგია (12,63%), საფრანგეთი (12,12%) და სხვა.²⁵

ჭიათურის მარგანეცი დაახლოებით ასეთივე თანმიმდევრობით ნაწილდება დასახელებულ ქვეყნებს შორის. ასე მაგალითად, მკვლევარ ადამჩუკის გამოთვლით, რაც სტატისტიკური ცნობების შედარებით ზუსტ დაჯამებას ემყარება, 1886 — 1914 წლებში ჭიათურის მარგანეცის გაზიდვა სხვადასხვა (მომხმარებელ) ქვეყანაში ასეთ სურათს იძლევა:

ცხრილი 8^ე

სახელმწიფოები	გაზიდვა ტონობით	% მთელი გაზიდვის მიმართ
პოლანდია	3 692 587	34,17
დიდი ბრიტანეთი	2 855 234	26,43
ბელგია	1 259 100	11,65
აშშ	816 045	7,55
გერმანია	539 577	5,00
საფრანგეთი	514 764	4,76
სხვა ქვეყნები	385 283	3,56
სულ	10 062 591	93,12%

პოლანდია სრულებით არ ხმარობდა მარგანეცის მადანს და იქ გეზიდული მადანი მთლიანად მიემართებოდა გერმანიაში²⁷. ამრიგად, ჩვენგან გაზიდული მადნის 39,17% გერმანიაში მიდიოდა და ის იყო

²⁴ Статистика марганцевого дела. К., 1909 табл. 5б.

²⁵ Статистика марганцевого дела за 1914—1917 гг., табл. 60.

²⁶ В. Адамчук, Марганец СССР в мировой марганцевой промышленности. М.-Л. 1932, გვ. 15—16.

²⁷ Ф. Бублейников и Н. Лессинг. Марганцевая промышленность СССР. М.-Л. 1915, გვ. 14—15.

მისი მთავარი მომხმარებელი, რომელმაც უკან ჩამოიტოვა ინგლისი, ხოლო აშშ მეტწილად ბრაზილიურ მარგანეცს იყენებდა.

გერმანია ჭიათურის მარგანეცს განსაკუთრებით I მსოფლიო ომის წინა ხანებში დაეწაფა. ასე მაგალითად, 1913 წელს გერმანიამ უშუალოდ და ჰოლანდიის ნავსადგურებიდან შეზიდა ჩვენებური მადნის მთელი ექსპორტის 39,25%, ხოლო ინგლისმა — 22,93%, ბელგიამ — 16,95%. საფრანგეთმა — 5,11%, აშშ-მა 12,78%, სხვა ქვეყნებმა — 3,04%, რუსეთმა კი მხოლოდ — 0,94%. ეს გარემოება უფრო გასაგები იქნება თუ გავითვალისწინებთ, რომ გერმანია მსოფლიო ომის „მთავარი გამწაღებელი“ იყო და ომისათვის სამზადისში ჩაბმული ქვეყნის მძლავრი მეტალურგიის მოთხოვნილება მადანზე განუხრელად იზრდებოდა, თანაც ის მადნის მარაგსაც იქმნიდა.

მარგანეცის მადნის მსოფლიო მოხმარებისა და მისი ფასების ცვალებადობის მთელი პირველი მსოფლიო ომამდელი ისტორია სამეცნიერო ლიტერატურაში პირობითად ორ პერიოდად იყოფა: პირველი მოიცავს დროის მონაკვეთს მარგანეცის მადნის გამოყენების დაწყებიდან 1865 წლამდე, ანუ მეტალურგიაში მის ფართო მოხმარებამდე, მეორე კი 1865 — 1914 წლებს.²⁸ პირველ პერიოდში მარგანეცის მადნის ფასები ძალზე მაღალია. მადანი მაშინ მეტად შეზღუდულ ფარგლებში გამოიყენებოდა, უპირატესად კერამიკულ და მინის წარმოებაში, მედიცინასა და ქიმიურ მრეწველობაში. იმ დროს მაღანზე მოთხოვნილების ერთადერთი დამაკმაყოფილებელია ინგლისი (დევერონშირი). ერთი ტონა (70%-იანი მეტალ. შემცველობის) მადანი ღირდა 8 გირვ. სტ. ანუ 80 მანეთი²⁹, უფრო მდიდარ საბადოთა აღმოჩენის შემდეგ (ესპანეთი) მარგანეცის მადნის ფასი 1865 წლისათვის დაეცა 3 გირვ. სტერლინგამდე.

მეორე პერიოდს დასაბამი მისცა ფოლადის დასამზადებლად ფერომარგანეცის გამოყენებამ, რის შემდეგაც მარგანეცის მადანზე მოთხოვნილება ძლიერ გაიზარდა და მადნის ფასმა (ექსპლოატაციაში შესულ საბადოთა სიმცირის გამოც) კვლავ აიწია: ტონა 8 გირვ. სტერლინგად იყიდებოდა; ჭიათურის მარგანეცის გამოჩენამ მადნის მსოფლიო ბაზარზე (1879 წ.) ფასის 3 გირვ. სტერლინგამდე დაცემა გამოიწვია.

90-იან წლებში მსოფლიო ბაზარზე გამოჩნდა ინდოეთისა და

²⁸ В. А. Адамчук, Марганец СССР в мировой марганцевой промышленности. М.-А., 1932, 33-61.

²⁹ იქვე, 33-61—62.

ბრაზილიის მარგანეცი. ამის შემდეგ მადნის ფასი, ზოგიერთი წლის გამოკლებით, რამდენადმე უფრო სტაბილური გახდა, მადნის ფასები ევროპის ქვეყნებში ძირითადად ერთნაირი იყო. ინგლისში მარგანეცის მადანი ფასობდა:

ცხრილი 90

წელი	სარეალიზაციო ფასი (მეტალ. შემადგენლობისდა მიხედვით) კენსობით			ერთი ფუნტის საშუალო სარეალიზაციო ფასი (კაპოკით)
	50%-ზე	47-50%-ნი	40-47%-ნი	
1890	18-20	16-17	14-15	50-80
1891	15-17	12-14	12-14	48-68
1892	14-16	12-14	9-12	36-56
1893	14-15	13-14	9-12	36-50
1894	11,5-12	9,5-11	8-10	32-48
1895	10,5-11,5	9-10	8-9	32-47
1896	11-13	10-12	9-11	36-52
1897	11-13,5	10-12	8-11	32-55
1898	9-12	8,5-11	7,5-10,5	29-48
1899	10-12,5	9-11	7,5-10,5	29-55
1900	13,15	12-13	10-12	42
1901	12-14	11-12	10-11	30
1902	9,5-10,5	9-9,5	8-9	27,2
1903	10-10,5	8,5-9	7,5-8,5	26,8
1904	9-9,5	8-9	6-8	26,50
1905	9-9,5	7,5-8,5	6-8	29,75
1906	11-12	9-10,5	7-9	47
1907	15-16	14-15	13-14	44,7
1908	10,5	9,5	8,5	27,5
1909	8-16	8-15	6-14	26-49
1910	9-17	9-14	8-13	28-51
1911	"	"	"	"
1912	8-18	9-17	8-14	30-56
1913	10-19	10-17	8-15	32-57
1914 წ.	11-19	10-18	9-15	32-58

პირველ ნახევარში

მადნის ფასის ერთ-ერთი მთავარი განმსაზღვრელი ფაქტორი იყო მისი ხარისხვნება ანუ მეტალური შემცველობა; ამასთანავე ფასი დროის მსვლელობაში ისედაც იცვლებოდა. ცხრილიდან ჩანს მადნის ფასის შედარებითი სიდიდე 90-იანი წლების დამდეგს. ეს იმით უნდა აიხსნებოდეს, რომ ამ დროს მადნის მოპოვებელი ქვეყნების რიცხვი ცოტაა, თანაც მოპოვება მცირე მასშტაბით წარმოებს და ამდენად მსოფლიო ბაზარზე ის მოთხოვნილებას სრულად ვერ აკმაყოფილებს.

³⁰ ცხრილის შედგენისას ერთმანეთს შევაჯერეთ სხვადასხვა ცნობა, რომლებიც ამოვიღეთ: В. А. Адамчук, Марганец СССР в мировой марганцевой промышленности, М. -Л. 1932, გვ. 62; ЦГИАЛ, ф. 37, оп. 72, д. 138, л. 43, 199-200; Статистика марганцевого дела за 1914-1917 гг., табл. 52.

90-იანი წლების შუა ხანებიდან მადნის მოპოვებას მრავალი ქვეყანა ეწევა შედარებით დიდი რაოდენობით. ამიტომ, იმის მიუხედავად, რომ გასული საუკუნის 90-იანი წლების სამრეწველო აღმავლობის ხანაში მსოფლიო მეტალურგიის მოთხოვნილება მარგანეცზე ძლიერ გაიზარდა, მადნის ფასმა გარკვეული დაცემა განიცადა. ეს, ვფიქრობთ, მსოფლიო ბაზარზე გასასაღებელი მადნის მოზღვავეებით უნდა აიხსნებოდეს.

პირველ მსოფლიოომამდელი სამრეწველო აღმავლობა მადნის ფასის თანდათან და თვალსაჩინო ამალღებით ხასიათდება, რაც სავსებით კანონზომიერია, რადგან ომის სამზადისში ჩაბმული ევროპის მძლავრი კაპიტალისტური ქვეყნების მეტალურგიის მოთხოვნილება მარგანეცზე უფრო და უფრო იზრდებოდა. თანაც ეს სახელმწიფოები (განსაკუთრებით გერმანია) მადნის მარაგსაც იკმინდნენ.

ამერიკის ბაზარზე 1889 — 1913 წლებში ერთი ტონა მარგანეცის მადნის საშუალო ფასი 9,3 დოლარს შეადგენდა: 1895 წელს ის ღირდა 7,5 დოლარი, 1909 წელს — 13, ხოლო 1913 წელს — 12 — 12,5 დოლარი³¹. აშშ თავის მოთხოვნილებას უმთავრესად ბრაზილიური მარგანეცის, აგრეთვე საკუთარი მოპოვების ხარჯზე იკმაყოფილებდა. მადნის ფასი აქაც, როგორც ევროპის ბაზრებზე, გარკვეული ცვალებადობით ხასიათდებოდა. მარგანეცის მადნის საერთაშორისო ბაზრებზე ფასის ამ ცვლილებას საფუძვლად ედო და აპირობებდა მარგანეცის მსოფლიო მრეწველობასა და მეტალურგიაში სომხდარი კარდინალური ძვრები. ბევრი რამ იყო დამოკიდებული მარგანეცის მადნის მომპოვებელ და მომხმარებელ ქვეყნებში შექმნილ ეკონომიურ კონიუნქტურაზე, ასევე პოლიტიკურ სიტუაციაზე. ასე მაგალითად, 1905 წლის რევოლუციის აღმავლობის პერიოდში ჩვენგან მადნის ექსპორტის შენელებამ, ასევე I მსოფლიო ომის წლებში მისი ექსპორტის შეწყვეტამ, მძლავრი ბიძგი მისცა მარგანეცის მრეწველობის განვითარებას ინდოეთში, აგრეთვე ბრაზილიაში, ხელი შეუწყო მადნის ფასების ამალღებას საერთაშორისო ბაზრებზე. ბაზრის კონიუნქტურაზე ძლიერ ზემოქმედებდა მსოფლიოს სხვადასხვა კუთხეში მარგანეცის მადნის ახალი საბადოების აღმოჩენა და ექსპლოატაციაში შესვლა, მადნის მომხმარებელი ქვეყნების პოლიტიკურ და ეკონომიურ ცხოვრებაში მომხდარი ძირეული ცვლილებები. ამაზე მკაფიოდ მეტყველებს I მსოფლიო ომის წინა წლების მაგალითი, როცა პირველი რანგის კაპიტალისტური სახელმწიფოების სამზადისმა მსოფლიოს გადანაწილებისათვის, მძლავრი ბიძგი მისცა მარგანეცის მრეწველობის განვითარებას მთელ მსოფლიოში, გამოიწვია მარგანეცის მადნის ფასების განუხრელი ამალღება საერთაშორისო ბაზრებზე.

³¹ В. А. Адамчук, назв. труд, с. 63.

ᄃᄃᄃᄃᄃᄃᄃᄃ

**ჰიათურის ვიწროლიანდაგიანი რკინიგზის გაუყანა
და ცარიზმის კოლონიური სატარიფო პოლიტიკა**

ზემოთ (თავი II, §3) მოკლედ დავახასიათეთ ის მძიმე ვითარება, რომელსაც უგზობა და ურკინიგზობა ქმნიდა ჰიათურის მარგანეცის მრეწველობაში, ასევე ჰიათურის რკინიგზის შტოს მნიშვნელობა მრეწველობის მოცემული დარგისათვის. ახლა გავეცნოთ რკინიგზის შტოს მშენებლობის ირგვლივ წარმოებულ ბრძოლას, გზის მშენებლობას და ცარიზმის კოლონიურ სატარიფო პოლიტიკას.

**§ 1. ხროლა ჰიათურის რკინიგზის გასაუყანად. გზის მშენებლობა
და მწარმოებელი ჩაღვრვა (1882—1891—1894 წწ.)**

დასახელებული გზის გაყვანამდე ჰიათურის მარგანეცის მრეწველობის მეტოქენი უცხოეთში ხელალებით უარყოფდნენ მის აწმყოს და შესაძლებელ მომავალს: „ურიგოდ იხსენიებდნენ ჩვენს შავ ქვას, მთელ ჩვენს მხარეს და, სხვათაშორის, ამტკიცებდნენ, რომ მთვარიდან უფრო ადვილი გამოსატანი იქნება მარგანეცი, ვიდრე კაჟკასიიდანო“.¹

ამიერკაჟკასიის რკინიგზის მთავარ მაგისტრალთან ჰიათურის სამრეწველო რაიონის უშუალოდ, ეფექტური სატრანსპორტო გზით დაკავშირების იდეა 1880 წელს წარმოაყენა აკაკი წერეთელმა.²

¹ იხ. აკაკი, შავი ქვის ამბავი, „ივერია“, 1893, 8 დეკემბერი, № 265.

² აქვეა აღსანიშნავი იმ მოსაზრების უსაფუძვლობა, რომ თითქოს ჰიათურის რკინიგზის გაყვანის ინიციატორი რუსეთის მთავრობა იყო (იხ. ЦГИАЛ, ფ. 1263, იმ. 2, დ. 4914, 1891—1892 რ., შ. 224), რომ ვითომ ამ გზის გაყვანის იდეა, ისევე როგორც მისი განხორციელება, დაკავშირებულია ადგილობრივ მრეწველთა ჯგუფის სახელთან, რომ ეს „იდილი საქმე გაკეთდა ამ მცირე ჯგუფის ინიციატივისა და დაუღალავე მუშაობის წყალობით“ (იხ. ს. წერეთელი, მარგანეცი და მისი მრეწველობა დასავლეთ საქართველოში. გაზ. „საქართველო“, 1920, 25 იანვარი, № 18).

ამ იდეის რეალური განხორციელებისათვის ხანგრძლივი და ენერჯიული ბრძოლა აწარმოვა ნიკო ნიკოლაძემ, აგრეთვე გიორგი წერეთელმა. გზის გასაყვანად ზრუნვისას მათ წარმატებით მოიგერიეს არაერთი ქართველი ინტელიგენტის და რუს მოხელეთა, ასევე სპეციალისტთა ერთი ნაწილის გააფთრებული შემოტევა და გადალახეს მრავალი დაბრკოლება. ამ მხრივ საყურადღებოა, რომ გამოჩენილ ქართველ მოღვაწეთა გულმოდგინება ჭიათურის რკინიგზის გასაყვანად ქართულ პრესაში ცხარე დისკუსიის საგნად იქცა და ზოგიერთი პუბლიცისტი მწარედ დასცინოდა გამოჩენილ მოღვაწეებს³.

რუსეთის ადმინისტრაციის გავლენიანი წრეების წარმომადგენელთა ნაწილი როგორც თბილისში, ისე პეტერბურგში სრულიად უგულვებელყოფდა ჩვენში მარგანეცის მრეწველობის განვითარების მნიშვნელობას და ამიტომაც კატეგორიულად ეწინააღმდეგებოდა ჭიათურის რკინიგზის გაყვანას. ამ წრეების ტიპიური წარმომადგენელი იყო კავკასიის სამთო სამმართველოს უფროსი, სპეციალობით პალეონტოლოგი, პროფ. ვ. მელერი, რომელიც უკიდურეს სექპტიციზმს ამკლავებდა ჭიათურის მარგანეცის მრეწველობისადმი. ასე მაგალითად, 1885 წელს მთავარმმართველის მითითებით თბილისში ჭიათურის რკინიგზის თაობაზე მოწყობილ თათბირზე მელერი დაბეჯითებით ირწმუნებოდა, რომ „ომი კი არა რამდენადმე სერიოზული პოლიტიკური გართულებაა კი, ან კიდევ მარგანეცის მადნის გაძლიერებული მოპოვება ჩვენი ქვეყნის სხვა რაიონებში თუ უცხოეთში, იმთავითვე გამოიწვევს ჭიათურის მრეწველობის ჩახშობას“. მოხელე ამასთანავე დასძენდა: მარგანეცის მადანი მეტად მცირე რაოდენობითაა მოხმარებაში... ჭიათურამდე რკინიგზის გაყვანა ძვირი დაჯდება, თან მოსახლეობა დაკარგავს შემოსავალს, რასაც ის ამჟამად იღებს ურმებითა და ცხენებით მადნის გადაზიდვიდანო. მელერის დასკვნით «Едва ли следует особенно заботиться о возможно большом развитии марганцевого промысла в Шорапанском уезде»⁴.

1888 წელს, როცა ჭიათურის მრეწველობამ ხანმოკლე, მაგრამ მწვავე კრიზისი განიცადა და საზოგადოებრივმა წრეებმა მის ერთ-ერთ მთავარ მიზეზად ურკინიგზობა მიიჩნიეს,⁵ ვ. მელერი მათ პასუხობდა: „შორაპნის საწარმოებამდე რკინიგზის გაყვანას შესაძლებელია რამდენიმე ხნით გადაედო კრიზისის მოახლოვება. ამავე დროს რკინიგზა გამოიწვევდა საწარმოთა საქმიანობის გაძლიერებას, რის გამო კრიზისის

³ „ღრობა“, 1884, № 229, გვ. 3.

⁴ ЦГИАЛ, ф. 1263, оп. 2, д. 4914 л, 60—61.

⁵ «Новое обозрение», 1887, 29/XII, № 1390, 1888, 12/I, № 1402.

შედგევი კიდევ უფრო საშინელი აღმოჩნდებოდა, გაცილებით უფრო დიდი კაპიტალი დაიკარგებოდა უნაყოფოდ⁶. მელერი ამჯერადაც ირწმუნებოდა: „მარგანეცის მრეწველობას არ უნდა მოვეყიდოთ გატაცებით, არ უნდა დაგვაიწყდეს, რომ მრეწველობის ბუნებრივ ზრდას თავისი საზღვრები გააჩნია“.⁷

ჭიათურის რკინიგზის გაყვანის მოწინააღმდეგეთა შორის იყვნენ აგრეთვე ზოგიერთი ცნობილი ქართველი და რუსი სამთო სპეციალისტები, რომლებიც ჩვენში მარგანეცის მრეწველობის განვითარების დიდ პერსპექტიულობას თვითონ ქადაგებდნენ, მაგრამ დაბეჯითებით ვარაუდობდნენ, რომ რკინიგზა შემოსავლის წყაროს დაუკარგავდა ჭიათურიდან რკინიგზის მთავარ მაგისტრალამდე ურმებითა და ცხენებით მადნის გადამზიდველ — ადგილობრივ მოსახლეობას, რომ ეს გზა ხელს შეუწყობდა უცხოური კაპიტალის მოძალებებს ჭიათურაში⁸.

მთავრობის ორგანოებში, საზოგადოებრივ წრეებში, სპეციალისტთა და საქმოსანთა შორის დასახელებული გზის გარშემო აზრთა სხვადასხვაობა და ბრძოლა კარგა ხანს გაგრძელდა. ერთნი უმჯობესად თვლიდნენ შარავის გაყვანას (კავკასიის სამთო სამმართველო), მეორენი ამჯობინებდნენ რკინიგზას — ცხენის წევით (ი. ფურმანი და სხვ.), მესამენი ვიწროლიანდაგიან რკინიგზას ორთქლმავლებით (ინჟინრები: ციმერმანი, ვეისგოფენი, პიო, მეისნერი, იალოვეცკი), მეოთხენი საპაერო-საბაგირო გზას (ი. მირზოვეი), მეხუთენი საპაერო რკინიგზის გაყვანას ჭიათურიდან ტყიბულამდე მარგანეცის გადასაზიდად (გერმანული ანონიმური კომპანია) და სხვ.⁹

ხანგრძლივი დავა მიმდინარეობდა მთავრობის ორგანოებსა და საზოგადოებრივ წრეებში იმაზეც, თუ ვის, — ხაზინას თუ კერძო ფირმას, — უნდა გადასცემოდა ჭიათურის რკინიგზის მშენებლობა. საქმეს აბრკოლებდა გზის მშენებლობის პროექტების განხილვის გაჭინაურება მთავრობის ორგანოებში, ასევე გზის მშენებლობით დაინტერესებულ ადგილობრივ, რუსულ და უცხოურ ფირმათა მეტოქეობა, აგრეთვე მთავრობის ზოგიერთ მოხელეთა, სამთო საქმის ზოგიერთ სპეციალისტთა და მაზრის მოსახლეობის გამოსვლა ჭიათურის რკინიგზის მშენებლობის წინააღმდეგ. ამასთანავე დასახელებული გზის გაყვანით და-

⁶ «Кавказ», 1888, 3/1 № 2; «Нолос обозрение», 1888, 14—15/1, № 1404, 1405.

⁷ ЦГИАЛ, ф. 1263, оп. 2, д. 4914, л. 61.

⁸ „ივერია“, 1893, № 260, გვ. 2.

⁹ ЦГИАЛ, ф. 1263, оп. 2, д. 4914, 1891—1892 гг., л. 520—524; ЦГИАЛ, ф. 1157, оп. 1, д. 52, 1894, л. 244—245; „ივერია“, 1876, 30 იანვარი, № 23; იხ. აგრეთვე ვლ. კანიშვილი, დასახ. ნაშრ., გვ. 154.

ინტერესებულ მრეწველებს საამისოდ მხოლოდ სურვილები აღმოაჩნდათ.

ჭიათურაში რკინიგზის გასაყვანად ნ. ნიკოლაძე და გ. წერეთელი ჯერ კიდევ 1882 წლიდან შეუდგნენ ენერგიულ მოქმედებას ადგილობრივ მსხვილ მრეწველთა მხარდაჭერითა და უშუალო ძონაწილეობით. საამისოდ მათ ხანგრძლივი მოლაპარაკება აწარმოეს მთავრობასთან, ამიერკავკასიის რკინიგზის კომპანიასთან, სხვადასხვა ფირმასთან, ცალკეულ კაპიტალისტებთან.

ჭიათურის რკინიგზის მშენებლობის ხელში ჩასაგდებად არაერთი ადგილობრივი, რუსი თუ უცხოელი კაპიტალისტი თუ ფირმა ზრუნავდა. გზის მშენებლობით დაინტერესებული კაპიტალისტები, ბუნებრივია, ცდილობდნენ, რამდენადაც შეიძლებოდა, მომგებიან პირობებში აეღოთ მისი მშენებლობა და, რაც მთავარია, იმთავითვე მოეპოვეინათ იმის გარანტია, რომ გზის ექსპლოატაციის წინასწარ დამტკიცებული პირობების შესაბამისად, მრავალი ათეული წლების მანძილზე მიეღოთ მაქსიმალური მოგება. მათი უმრავლესობა ლამობდა მონოპოლიური მდგომარეობის მოპოვებას მომავალი გზის ექსპლოატაციაში. ამ ცდებმა მთავრობის ადგილობრივი ორგანოების მხრივ წინააღმდეგობის შედეგადაც, ნაყოფი ვერ გამოიღო.

დასახული მიზნისათვის ხანგრძლივ ზრუნვაში ნ. ნიკოლაძე დარწმუნდა, რომ ჭიათურის რკინიგზის მშენებლობა შეიძლებოდა განხორციელებულიყო მხოლოდ კავკასიის ადმინისტრაციის მხარდაჭერით და ისიც მარტო ხაზინის ხარჯზე. ამიტომ მან 1885 წელს უშუალოდ კავკასიის მთავარმართებელს დონდუკოვ-კორსაკოვს მიმართა და სთხოვა ეთავა შტოს მშენებლობის ინიციატივა¹⁰. უკანასკნელმა საკითხისადმი გარკვეული ინტერესი გამოიჩინა და ის კავკასიის ადმინისტრაციის შესაფერისი ორგანოების (კავკასიის სამთო სამმართველო, ამიერკავკასიის რკინიგზის სამმართველო, ქუთაისის გუბერნიის ადმინისტრაცია და სხვ.) წარმომადგენელთა კოლეგიალური მსჯელობის საგნად იქცა. განხილვის პროცესში, როცა ქუთაისის გუბერნატორი, კავკასიის სამთო სამმართველოს უფროსის ზეგაელენით, შარაგზის გაყვანას ემხრობოდა, ხოლო „კავკასიის რკინიგზის საზოგადოების“ ხელმძღვანელობა რკინიგზის გაყვანის საჭიროებას ასაბუთებდა, დონდუკოვ-კორსაკოვი, უეჭველია ნ. ნიკოლაძის მეცადინეობის შედეგადაც, საფუძვლიანად დარწმუნდა ხაზინის მიერ ჭიათურის ვიწროლიანდაგიანი რკინიგზის გაყვანის საჭიროება-მომგებიანობაში. მთავარმართებლის დავალებით შედგენილი სპეციალური მოხსენება, სადაც მიმოხილული და დახასი-

¹⁰ Н. Николадзе, К истории грузинской марганцепромышленности... გვ. 5.

ათებული იყო ქიათურის მარგანეცის მრეწველობის მდგომარეობა და მისი პერსპექტივები, სათანადო შუამდგომლობის დართვით პეტერბურგში გაიგზავნა.¹¹ მაგრამ იქ, სამთო დეპარტამენტი საქმის ფორმალურად განხილვას დასჯერდა და ქიათურის რკინიგზის გაყვანის წინააღმდეგ წავიდა.

მოწინავე ქართული მოღვაწენი, მათ შორის დიდი ილია, ფარხმალს არ ყრიდნენ, კვლავაც იღწვოდნენ ქიათურის რკინიგზის გაყვანისათვის და სამრეწველო რაიონში გზების გასაუმჯობესებლად. ილია კვლავაც დაბეჯითებით თხოვდა დონდუკოვ-კორსაკოვს: „წინათაც გთხოვდით და ახლაც გთხოვთ... აღმოგვიჩინოთ შემწეობა მადნებიდან შავი ქვის გადაზიდვაში; გზები ძალიან წამხდარია და ამისათვის ქვის გადაზიდვის ქირამ ძალიან აიწია. გთხოვთ იშუამდგომლოთ სადაც საჭიროა, რკინიგზა გაიყვანონ ს. ქიათურამდის“¹². სამთო დეპარტამენტის უარყოფითი გადაწყვეტილების მიუხედავად დონდუკოვ-კორსაკოვმა კვლავ აღძრა ხსენებული საკითხი ცენტრალური ხელისუფლების წინაშე და ის ამჯერად განიხილა სამთო კომიტეტისა და სამთო-სამეცნიერო საბჭოს გაერთიანებულმა საკრებულომ, რომელმაც ხელაღებით უგულებელყო ქიათურის მარგანეცის მრეწველობის მნიშვნელობა და გამოვიდა ქიათურის რკინიგზის, ასევე შარაგზის გასაყვანად ხაზინის მიერ ხარჯების გაღების წინააღმდეგ. ამავე დროს საკრებულო იმ დასკვნამდე მივიდა, რომ თუ რომელიმე კერძო ფირმა ან საზოგადოება გამოთქვამდა სურვილს, მთავრობის მიერ რაიმე ხარჯების გაწევის გარეშე, ქიათურის რკინიგზის გაყვანაზე, ასეთ შემთხვევაში ძთაკოოაას მართებდა ამ საქმისათვის მხარდაჭერა-ხელშეწყობა. საკრებულოს აზრით, მთავრობას უნდა ეზრუნა მართო საბადოთა მტაცებლური ექსპლოატაციის აღსაკვეთად, ტექნიკური ზედამხედველობის გასაძლიერებლად და ისიც მხოლოდ ადგილობრივ მრეწველთა ხარჯზე.

რუსეთის ცენტრალური მთავრობისა და კავკასიის ადმინისტრაციის შესაფერის ორგანოებში ქიათურის რკინიგზის გაყვანის ირგვლივ გაჩაღებული დავა მოწმობს, რომ საქართველოში რუსეთის კოლონიური ეკონომიური პოლიტიკის განსაზღვრისას XIX საუკუნის 80-იან წლებში კვლავ გრძელდება აზრთა სხვადასხვაობა კავკასიის ადმინისტრაციასა და ცენტრალური ხელისუფლების ორგანოებს შორის, ხშირად თვით ამ ორგანოებშიც. მათი მიზანი ამჟამადაც, როგორც აღრე და შემდეგაც, სავსებით ადექვატურია: ეს არის პოლიტიკურად დაპყრობილი მხარის სრული ეკონომიური დაპყრობა. დასახული მიზნის მიღწევას ცარიზში ცდილობდა ჩვენი ქვეყნის, როგორც რუსეთის გა-

¹¹ ЦГИАЛ, ф. 37, оп. 21, д. 918, л. 7.

¹² ი. ჰავკავაძე, თხზ., ტ. VIII, 1956, გვ. 247—248.

ნაპირა მხარის, სოციალურ-ეკონომიური ჩამორჩენილობის კონსერვირებით. მას სურდა აგრეთვე მეტროპოლიის მრეწველობის დაზღვევა კოლონიის მხრივ კონკურენციისაგან. ამაზე სწორად შენიშნავს პროფ. პ. ლიაშჩენკო: «Отсталость социально-экономического строя закавказских национальных окраин не только сознательно поддерживалась царским правительством, но еще и усиливалась...»¹³. რაც შეეხება კერძოდ ჭიათურის მარგანეცის მრეწველობას, «Царское правительство и русский капитализм во избежание конкуренции чистурского марганца с криворожским тормозили развитие дела»¹⁴. ამიერკავკასიის და, კერძოდ, საქართველოს ეკონომიური ათვისების პრობლემების განხილვისას, რუსეთის მთავრობის ცენტრალური ორგანოებისა და კავკასიის ადმინისტრაციის მიდგომაში განსხვავება მხოლოდ დასახული მიზნის მისაღწევად მეთოდების შემუშავებაში ელინდებოდა. ცენტრალური ხელისუფლების ორგანოების წარმომადგენლებს საამისოდ საჭიროდ არ მიაჩნდათ ხაზინის მხრივ ზრუნვა, და მით უფრო დიდი ხარჯების გაღება მხარის სამრეწველო-ეკონომიური განვითარებისათვის, ხოლო კავკასიის ადმინისტრაცია, თუ მხედველობაში არ მივიღებთ მისი ზოგიერთი წარმომადგენლის პოზიციას, მოცემულ პერიოდში, ისევე როგორც ადრე, საქართველოს სიმდიდრეთა კოლონიურ ათვისებას მხარის სამრეწველო-ეკონომიური წინსვლისათვის უშუალო ხელშეწყობით ვარაუდობდა. ამითაც აიხსნება ის, რომ დონდუკოვ-კორსაკოვი, რომელიც ცნობდა ჭიათურის მარგანეცის მრეწველობის განვითარების მნიშვნელობას ხაზინის ინტერესების თვალსაზრისით, ცენტრალური ხელისუფლების ორგანოების ხანგრძლივი და სერიოზული წინააღმდეგობის მიუხედავად, განაგრძობდა ზრუნვას ჭიათურის სამრეწველო რაიონში რკინიგზის შტოს შესაყვანად. მისი შუამდგომლობით და „ამიერკავკასიის რკინიგზის საზოგადოების“ მეცადინეობით ჭიათურის რკინიგზის საქმემ 1886 წელს კვლავ მოიარა რუსეთის გზათა, ასევე მიწათმოქმედების სამინისტრო; ამას შედეგად მოჰყვა მეფის ნებართვა „ამიერკავკასიის რკინიგზის საზოგადოების“ მიერ ხსენებული ვიწროლიანდაგიანი რკინიგზის გასაყვანად საჭირო, წინასწარი, სადაზვერვო სამუშაოების ჩასატარებლად და საამისო პროექტის შესამუშავებლად. შედგა პროექტი, რაც ამიერკავკასიის რკინიგზის ინსპექციამ დასკვნისათვის გადასცა კავკასიის სამთო სამმართველოს. პარალელურად ეს პროექტი შესასწავლად გადაეცა მიწათმოქმედების

¹³ П. И. Лященко, История народного хозяйства СССР, том II, Капитализм, 1956, гл. 550.

¹⁴ იქვე, გვ. 559.

სამინისტროში შექმნილ კომისიას, რომელიც კავკასიის სამთო სამმართველოს მესვეურ — მელერთან ერთად კვლავ გამოვიდა ჭიათურის რკინიგზის გაყვანის წინააღმდეგ¹⁵. მთავარმართებლის ზრუნვამ, ისევე, როგორც ამ გზის მშენებლობის აღებით დაინტერესებულ ადგილობრივ, რუს და უცხოელ კაპიტალისტთა მოქმედებამ, და ნ. ნიკოლაძის ხანგრძლივმა ბრძოლამ ჭიათურის რკინიგზის გაყვანისათვის კარგა ხანს უშედეგოდ ჩაიარა. მაგრამ, ჭიათურის მარგანეცის მრეწველობის მსოფლიო მნიშვნელობა თანდათან უფრო თვალსაჩინო ხდებოდა. ასეთ ვითარებაში ჭიათურის რკინიგზის მშენებლობის საკითხი მთელი აუცილებლობით ისმებოდა. დაბოლოს, როგორც იქნა, მთავრობის ცენტრალურ ორგანოებშიც აღმოჩნდნენ ისეთი მოხელენი, რომლებმაც შეიგნეს ჭიათურის რკინიგზის მშენებლობის მნიშვნელობა და, რაც მთავარია, ამ გზის ექსპლოატაციის მომგებიანობა ხაზინის ფისკალური ინტერესების დასაკმაყოფილებლად. ჭიათურის რკინიგზის მშენებლობის დასაწყებად ხელსაყრელი პირობებიც შეიქმნა: ჯერ ერთი, ჭიათურის მალახზარისხოვანი მარგანეცის მადანზე მსოფლიო ბაზრის მოთხოვნილება იზრდებოდა, მეორეც, ხაზინის მიერ ამიერკავკასიის რკინიგზის გამოსყიდვის შემდეგ მთავრობისათვის თანდათან უფრო აშკარა გახდა მომავალი რკინიგზის შტოს ექსპლოატაციის მომგებიანობა, მესამეც, სურამის (წითის) გვირაბის მშენებლობის დამთავრების შემდეგ ჭიათურისკენ მიედინებოდა დიდძალი უსაქმოდ დარჩენილი, იაფი მუშახელი¹⁶ და სხვ. ყოველივე ამის გამო მთავრობა დაინტერესდა ჭიათურის რკინიგზის მშენებლობით, დაიწყო მის დაპროექტებასთან დაკავშირებული საკვლევადიებო სამუშაოები.¹⁷ რუსეთის იმპერიის გზათა სამინისტრომ და სახელმწიფო ეკონომიის დეპარტამენტმა, სათანადო განხილვის შემდეგ, სახელმწიფო საბჭოს წარუდგინა ჭიათურა-შორაპნის ვიწროლიანდაგიანი რკინიგზის პროექტი, შედგენილი ინჟინერ ფ. რიძეესკის მიერ. სახელმწიფო საბჭომ პროექტი მოიწონა და დამტკიცა რკინიგზის მშენებლობის საერთო ხარჯები 1 087 000 მანეთის რაოდენობით, ზოლო საბოლოო გაანგარიშებით 1 520 533 მანეთი¹⁸.

ყოველი ვერსიი ჯდებოდა 32 000 მანეთი.¹⁹ სახელმწიფო საბჭოს გადაწყვეტილება უმაღლესად დამტკიცდა 1891 წლის მაისში.²⁰ ამავე წლის სექტემბრის ბოლოს დაიწყო ჭიათურა-შორაპნის გზის მშენებ-

¹⁵ ЦГИАЛ, ф. 23, оп. 21, д. 920, л. 13.

¹⁶ ЦГИАЛ, ф. 1263, оп. 2, д. 4914, 1891—1892 гг., л. 525.

¹⁷ ЦГИАЛ, ф. 1263, оп. 2, д. 4914, л. 224, об.

... ¹⁸ ЦГИАЛ, ф. 23, оп. 21, д. 920, л. 209.

¹⁹ ЦГИАЛ, ф. 1263, оп. 2, д. 5192, 1895 г., л. 257. 262 об.

²⁰ ЦГИАЛ, ф. 23, оп. 21, д. 920, л. 210.

ლობა,²¹ რასაც ხელმძღვანელობდა ჯერ ინჟ. ფ. რიძევსკი, ხოლო შემდეგ ინჟ. კ. სიმბერგი.²² მშენებლობის პროექტით გზაზე ეწყობოდა ექვსი სადგური: შორაპნის, მარტოთუბნის, ბოსლევის, რკვიას, სალიეთისა და ქიათურის. მშენებლობა დაკავშირებული იყო გარკვეულ სიძნელეებთან, რადგან გზის გასაყვანად საჭირო გახდა 74 000 კუბ. საყენის მიწის სამუშაოები, ანუ ვერსზე 1934 კუბ. საყენისა. გზის გასამგარებლად აუცილებელი იყო 600 კუბ. საყენი საყრდენი ნაგებობა და 500 კუბ. საყ. ქვის ნაგებობა.²³ გზაზე ასაგები იყო სხვადასხვა ტიპის 135 ხიდი, სულ კი 730 მეტრის სიგრძის სხვადასხვა სახის ნაგებობა, ასევე გასაყვანი გახდა სამი გვირაბი, რომელთა საერთო სიგრძე 95—96 მეტრს უდრიდა²⁴. მშენებლობა უნდა დამთავრებულიყო 18 თვეში, მაგრამ გაგრძელდა 26 თვეს. საქპის ასეთი გაჭიანურება გამოუწვევია ხოლერის ეპიდემიას. რაც სამშენებლო უბნების მშრომელ მოსახლეობას მოსდებია. 1893 წლის ივნისიდან (ე. ი. მშენებლობის დაწყებიდან 16 თვის შემდეგ) გზაზე დროებითი მოძრაობა დაიწყო 20 ვერსზე, მომდევნო თვეში — 30 ვერსზე. ხოლო იმავე წლის დეკემბრიდან მთელი ხაზი მწყობრში ჩადგა, — ქიათურიდან რკინიგზით მდინის გადაზიდვაც დაიწყო. მშენებლობა საბოლოოდ დამთავრდა 1894 წლის 1 მაისისათვის და ის ამავე თვეში შეამოწმა და მიიღო მთავრობის სპეციალურმა კომისიამ. გზის ოფიციალური გახსნა და რეგულარული, ნორმალური მოძრაობა მხოლოდ 1895 წლის 4 თებერვლიდან დაიწყო. მალე წამოიწყო სამუშაოები ქიათურიდან დარკვეთამდე რკინიგზის შტოს გასაგრძელებლად. ამ უბანზე განუწყვეტელი მოძრაობა დაიწყო 1898 წლის 18 ივლისიდან.

ქიათურის ვიწროლიანდაგიანი რკინიგზის ხაზის სამშენებლო ღირებულებამ შეადგინა 1 513 271 მანეთი. მის მოძრავ შემადგენლობას თავდაპირველად შეადგენდა სურამის გვირაბის მშენებლობის დამთავრების შემდეგ დარჩენილი 4 ორთქლმავალი და 385 ვაგონი.²⁵ ქიათურის რკინიგზა უმთავრესად ტვირთზიდვას ემსახურებოდა, თუმცა 1895 წლიდან ამ გზაზე სატვირთო მოძრავ შემადგენლობას თან ახლდა რამდენიმე ე. წ. „სახალხო ვაგონი“.

ქიათურის რკინიგზა თავდაპირველად არ იყო ტექნიკურად საკმაოდ სრულყოფილი და მოძრავი შემადგენლობით სრულად უზრუნ-

²¹ ЦГИАЛ, ф. 1263, оп. 2, д. 5192, л. 256.

²² ЦГИАЛ, ф. 23, оп. 21, д. 920, л. 217.

²³ ЦГИАЛ, ф. 1263, оп. 2, д. 5192, л. 263

²⁴ იხ. ვლ. კინიფილი, დასახ. ნაშ., გვ. 164; სსსა, ფონ. 279. ანაწ. 1, საქ. 6000. ფურც. 51.

²⁵ ЦГИАЛ, ф. 1263, оп. 2, 2, д. 5192, л. 258—259, 256, 260.

ველყოფილი. მისი ექსპლოატაციის პირველ წლებში ხშირი იყო მოძრავე ნაწილების მწყობრიდან გამოსვლის და შეჩერების, ასევე ავარიის შემთხვევები.²⁶

რკინიგზა ვერ აკმაყოფილებდა მადნის გადაზიდვის მზარდ მოთხოვნილებას. საგრძნობი იყო აგრეთვე ბაქნების (მადნის საწყობების) უქმარობა რკინიგზის შტოს სადგურებზე. ამიტომ გზაზე მოძრაობის დაწყებისთანავე შეიქმნა ვაგონებისა და ბაქნების გამანაწილებელი კომიტეტი, რომლის შემადგენლობაშიც შედიოდნენ რკინიგზის ადმინისტრაციის, სამთო ზედამხედველობისა და მრეწველთა წარმომადგენლები. რკინიგზის შტოს ადმინისტრაციამ და, კერძოდ, მისმა ხელმძღვანელმა სიმბერგმა თავიდანვე მოხერხებულად გამოიყენა გზაზე მოძრავე შემადგენლობისა და ბაქნების უქმარობა, დაიწყო მდგომარეობის ბოროტად გამოყენება და გამომძალველობა.²⁷ მდგომარეობამ იმდენად სერიოზული ხასიათი მიიღო, რომ სიმბერგის დანაშაულებრივი მოქმედების გამოსაკრეველად კონტროლიორ სკომაროვსკის მიერ ადგილზე ჩატარებული გამოძიების შედეგების ამსახველი მოხსენება განიხილულ იქნა მინისტრთა კომიტეტში, სადაც სახელმწიფო კონტროლიორმა ჭიათურის რკინიგზის ადმინისტრაცია დაადანაშაულა „ბოროტმოქმედებაში“, „გამომძალველობაში“. ამის საპასუხოდ გზათა მინისტრმა მხოლოდ იმის თქმა შეძლო, რომ „მსგავსი განცხადებები საეჭვოა საფუძველს იძლეოდეს იმისათვის, რომ სახელმწიფო სამსახურში ჩაბმულ სახელგაუტეხელ პირს წავუყენოთ ისეთი მძიმე და საძარცვინო ბრალდება, როგორცაა გამომძალველობა“.²⁸

ვაგონებისა და ბაქნებისათვის ბრძოლა წვრილ და მსხვილ მრეწველებს შორის, თითქმის განუწყვეტლივ მიმდინარეობდა. დაბოლოს, ეს საკითხი განიხილა ჭიათურის მრეწველთა მესამე ყრილობამ (1900 წ.). აქ ერთმანეთს დაუპირისპირდნენ სხვადასხვა კატეგორიის მრეწველები და მადნის შემსყიდველ-ექსპორტიორები.²⁹

ბაქნებისა და ვაგონების განაწილების პროექტი, რაც მრეწველთა მესამე ყრილობამ მიიღო, მთავრობის ორგანოებში საფუძვლიანად შესწორდა მსხვილ მრეწველთა და ექსპორტიორთა ინტერესების გათვალისწინებით, ხოლო შემდეგ სახელმძღვანელოდ გადაეცა სპეციალურ „გამანაწილებელ კომიტეტს“. ამ კომიტეტში, მთავრობის შესაბამისი ორგანოების მოხელეებთან ერთად, იშვიათი შემთხვევების გარდა, მხოლოდ მსხვილი მეწარმეები და ექსპორტიორები იყვნენ მოკალათე-

²⁶ «Новое обозрение», 1895 20/X, № 4057.

²⁷ ЦГИАЛ, ф. 1263, оп. 2, д. 5192, л. л. 286—287.

²⁸ იქვე, ფურც. 289.

²⁹ იხ. Отчет о деятельности Совета съезда избр. на III съезде... გვ. 66.

ბული. ამიტომ მსხვილ მრეწველთა და ექსპორტიორთა შემზღუდველი და წერილ მრეწველთათვის შედარებით მისაღები წესი ბაქნებისა და ვაგონების განაწილებისა, მარგანეცის მრეწველობისა და მადნის ექსპორტის ზრდის ვითარებაში, განუწყვეტლივ ირღვეოდა და განაწილების გარშემო ბრძოლა და სპეკულაციები ინტენსიურად მიმდინარეობდა. ბაქნებისა და ვაგონების ნაკლებობა სულ მუდამ იგრძნობოდა. ქიათურის შტო ვერ აუდიოდა გადაზიდვის მზარდი მოთხოვნილების დაკმაყოფილებას. ვფიქრობთ, ამითაც აიხსნება ის, ერთი შეხედვით, დაუჩერებელი ფაქტი, რომ ქიათურიდან რკინიგზის მთავარ მაგისტრალამდე მადნის გაზიდვაში რკინიგზის შტოს ერთგვარ კონკურენციას უწევდა, ყოველ შემთხვევაში ეზიარებოდა, საჭაპანო და სასაპალნე ტრანსპორტი. ასე მაგალითად, 1890—1914 წლებში სამრეწველო რაიონებიდან ამიერკავკასიის მაგისტრალური რკინიგზის სადგურებამდე, გაზიდულ იქნა მადანი (ფუთობით):

ც ხ რ ი ლ ი 130

წ ე ლ ი	რკინიგზის ჰიათური- ში შტოთი	საურმე გზით
1890	—	8 010 000
1891	—	5 616 000
1892	—	9 086 000
1893	—	8 833 000
1894	—	8 618 000
1895	9 270 000	1 582 000
1896	9 297 000	2 641 000
1897	10 664 000	1 471 000
1898	15 543 000	1 752 000
1899	24 926 000	1 336 000
1900	30 526 473	1 500 527
1901	21 448 355	176 645
1902	30 124 170	272 917
1903	30 739 980	118 380
1904	33 765 000	134 000
1905	21 652 750	154 000
1906	32 669 250	852 000
1907	34 316 250	1 356 000
1908	22 230 000	1 751 000
1909	37 221 000	1 051 972
1910	39 606 750	99 900
1911	39 291 150	162 346
1912	59 368 450	67 953
1913	69 076 367	118 570
1914	43 622 250	—
ს უ ლ	617 352 195	56 761 485

³⁰ მოცემული ტაბულის შედგენისას გამოვიყენეთ: Статистика марганцевого

ცხრილი გვიჩვენებს, რომ მოცემულ მანძილზე მადნის გადაზიდვაში საქაპანო და სასაპალნე ტრანსპორტი ინტენსიურად მონაწილეობდა. ეს მონაწილეობა შედარებით უმნიშვნელო იყო 1901--1903 წლების კრიზისისა და 1905 წლის რევოლუციის აღმავლობის პერიოდში და, პირიქით, უფრო საგრძნობი კი მრეწველობის აღმავლობისა და ჰიათურის აუზიდან მადნის გადაზიდვის მასშტაბის გადიდების პერიოდში, ანუ გასული საუკუნის 90-იანი წლების მეორე ნახევარში, აქვე 1906—1909 წლებში. 1910—1913 წლებში, როცა რკინიგზის ჰიათურის შტო მოძრავი შემადგენლობით შეივსო და ტარიფი კვლავ შემცირდა, რკინიგზა უკეთესად პასუხობდა მადნის გადაზიდვის მზარდ მოთხოვნილებას, რის შედეგადაც საურმე გზით მისი გადაზიდვა ძლიერ შემცირდა, ხოლო 1913 წლის დამლევადან სრულიად შეწყდა.

1895—1913 წლებში სამრეწველო რაიონიდან გაგზავნილი მადნის საერთო ოდენობის 2,6% საურმე გზით გავიდა, ხოლო 97,4% რკინიგზამ გაზიდა.

განსახილველ ხანაში სამრეწველო რაიონიდან საურმე გზით მადნის გადაზიდვის გაგრძელება რკინიგზის ჰიათურის შტოს ერთგვარი მოუწყობლობითაც აიხსნება. უკანასკნელის მნიშვნელობას რამდენადმე ზღუდავდა მოძრავი შემადგენლობის (ორთქლმავლებისა და ვაგონების) სიმცირე-ნაკლებობა. თავდაპირველად რკინიგზას მადნის გასაზიდად ყოველდღიურად მხოლოდ 50 ვაგონი გამოჰყავდა. 1900 წელს რკინიგზაზე მოძრაობდა 8 ორთქლმავალი და 150 ვაგონი. მაგრამ, მრეწველობის აღმავლობის პირობებში ჰიათურის რკინიგზა მაინც ვერ აკმაყოფილებდა გადაზიდვის მზარდ მოთხოვნილებას. ამასთანავე რკინიგზის ბაქნებზე მადანი ღია საწყობებში ინახებოდა და ღია ვაგონებით იგზავნებოდა; მადანი სველდებოდა, რის გამოც ადგილზე თუ უცხოეთში აწონვისას გამყიდველს შემსყიდველი მადნის ფაქტიური წონის 8%-ს „სკიდკის“ სახით უქვითავდა. ამიტომ მრეწველთა წარმომადგენლობითი ორგანიზაცია (ყრილობა) და „სპეციალური კომიტეტი“ კვლავ მოითხოვდნენ რკინიგზის ბაქნებზე მადნის საწყობების გაფართოებასა და გადახურვას, მოძრავი შემადგენლობის შევსებას. 1902 წლის დამდეგს ხაზზე მოძრაობდა 18 ორთქლმავალი და 330 ვაგონი. ესეც არ აღმოჩნდა საკმარისი. რკინიგზის შტოს მოძრავი შემად-

дела, К., 1907, გვ. 45.; Статистика марганцевого дела за 1910 год, К. 1911, Табл. 23; Статистика марганцевого дела за 1913 год., К., 1914; Табл. 24, Статистика марганцевого дела за 1914—1917 годы; К. 1918, Табл. 23. 1890—1894 წლების მონაცემები მოგვაქვს რკინიგზის გაყვანამდე საურმე გზით მადნის გადაზიდვის მასშტაბის საჩვენებლად და მომდევნო პერიოდთან შესადარებლად.

გენლობა შეივსო და 1914 წლისათვის სატვირთო ვაგონთა რიცხვმა 500-ს მიაღწია³¹. ირკვევა, რომ საურმე გზით მადნის გადაზიდვის 1913 წლამდე გაგრძელება რკინიგზის შტოს გამტარუნარიანობის უკპარობასთან ერთად, აიხსნებოდა აგრეთვე იმით, რომ ყველა მრეწველს არ გააჩნდა მადნის საწყობები (ბაქნები), თანაც ისინი ხშირად ვერ იტევდნენ გასაგზავნად მიზიდულ მადანს. რკინიგზაზე დიდი რიგი იმართებოდა და მადნის გადაზიდვა ყოველდებოდა.

ქიათურის რკინიგზას მადნის გადაზიდვაში სპეკანო და სასაპალნე ტრანსპორტი ეზიარებოდა მეტისმეტად მაღალი სარკინიგზო ტარიფის წყალობითაც. ამ გარემოებას ხაზს უსვამდნენ მთავრობის მოხელენიც³²

ამრიგად, დავინახეთ, რომ ქიათურის რკინიგზის მნიშვნელობას ძლიერ ზღუდავდა გზის ჭეროვნად მოუწყობლობა, მოძრავი შემადგენლობის ნაკლებობა, რკინიგზის ადმინისტრაციის ბოროტმოქმედება და, რაც მთავარია, მთავრობის კოლონიური სატარიფო პოლიტიკა.

§ 2. ტარიფის კოლონიური და პროტექციონისტური სატარიფო პოლიტიკა (1894—1914 წწ.)

ქიათურის ვიწროლიანდაგიანი რკინიგზის გაყვანის შემდეგ რუსეთის მთავრობა ძლიერ დაინტერესდა მარგანეცის მრეწველობით. სახელმწიფო საბჭომ 1893 წლის 8 ივნისის გადაწყვეტილებით ქიათურა-შორაპნის რკინიგზაზე მოძრაობის დაწყების დღიდან ნახევარკაპიკიანი გამოსაღებით დაბეგრა მოცემულ მანძილზე რკინიგზით გასაზიდი ვაგონში ჩატვირთული ყოველი ფუთი მადანი¹. საფუთო გამოსაღების სახით შემოსული თანხის ნაწილი გათვალისწინებული იყო სამრეწველო რაიონში სამთო ზედამხედველობის, პოლიციისა და საგზაო ნაწილის შესანახად. დაწესდა 1 მარკშიდერისა და 6 შტეიგერის თანამდებობა. საპოლიციო საქმისათვის სამრეწველო რაიონში შეიქმნა განსაკუთრებული საბოქაულო, დაწესდა ბოქაულისა და 10 „სტრაჟნიკის“ თანამდებობა. მოცემულ პერიოდში ამ ღონისძიებით ამოიწურა მთავრობის ზრუნვა ქიათურის მარგანეცის მრეწველობის „კეთილმოსაწყობად“².

³¹ ს. წერეთელი, დასახ. ნარკვევი (იხ. ვაზ. „საქართველო“, 1920, 29 იანვარი, № 20).

³² ЦГИАЛ, ф. 37., оп. 66, д. 2305, 1895 г., л. 33; ЦГИАЛ, ф. 37., оп. 65, д. 2766, 1898 — 1899 гг., л. 57.

¹ ЦГИАЛ, ф. 37, оп. 67, д. 954, 1892—1913 гг., л. 28.

² იქვე; იხ. აგრეთვე ЦГИАЛ, ф. 37, оп. 55, д. 609, 1900—1903 гг., л. 45; Отчет о представительской деятельности Совета съезда марганецпромышленников за 1908 и 1909 годы, К., 1910, გვ. 25—29.

სამედიცინო და საგზაო საქმის მოგვარება გადაღებულ იქნა, რადგან საფუთო გამოსაღების აღება უოენდებოდა და ეს თანხა საქმარისი არ იყო ნავარაუდები ღონისძიების დასაფინანსებლად. საფუთო გამოსაღების აკრება ჭეროვნად მხოლოდ 1895 წლის თებერვლიდან მოწესრიგდა და აქედან წლიურად შემოდიოდა 34—35 ათასი მანეთი, რაც სამთო ზედამხედველობისა და ადგილობრივი პოლიციის ხარჯების დასაფარავად მიდიოდა. 1896 წელს მთავრობამ გადაწყვიტა ჭიათურაში ექვსსაწოლიანი საავადმყოფოს და აფთიაქის მოწყობა, რასაც უნდა მომსახურებოდა ერთი ექიმი და ორი ფერშალი.

სამთო ზედამხედველობა მრეწველობისადმი უზრუნველობას იჩენდა. ამასთან დაკავშირებით „კვალი“ 1897 წელს სწორად შენიშნავდა: „მეტად ცუდი წარმოებაა მადნებში. თუმცა არიან მთავრობიდან დაყენებული შტეიგერები, მაგრამ ესენი თავის წესს ვერ იცავენ და ყურადღებაც ნაკლებად არის ამათგან მიქცეული მადნის მუშაობაზე“³. ამაზევე მიუთითა 1903 წელს ფინანსთა სამინისტროში მოწვეულმა საუწყებათაშორისო თათბირმა, რომელმაც დაასკვნა, რომ „მარგანეცის საბადოთა ექსპლოატაციის მძარცველურად წარმოება, რაც მთელი აუცილებლობითაა დაკავშირებული უბედურ შემთხვევებთან, მეტწილად გაპირობებულია სამთო ზედამხედველობის არარსებობით. წარმოების მოწესრიგება შეიძლება სამთო უწყების მიერ შესაფერისი ღონისძიების გატარებით“⁴.

სამთო ზედამხედველობის მოუწესრიგებლობა, ისევე როგორც სამედიცინო მომსახურებისა და საგზაო საქმის მოუწყობლობა, თან დაყვა ჭიათურის მრეწველობას მთელ რევოლუციამდელ ხანაში.

მეფის მთავრობას ჭიათურის მრეწველობა მხოლოდ ვიწროდ გაკებული ფისკალური თვალსაზრისით აინტერესებდა. მთავრობამ მხოლოდ ამგვარი პოლიტიკის მიზნებითა და მეტროპოლიის მარგანეცის მრეწველობისათვის მფარველობის გაწევის ინტერესებით იხელმძღვანელა ჭიათურის რკინიგზაზე ტარიფის დაწესებისას. მან ჯერ კიდევ შტოს მშენებლობის დამთავრებამდე კარგა ხნით ადრე დააპროექტა უმაგალითო სიდიდის სარკინიგზო ტარიფი, რომლის მიხედვით ჭიათურიდან შორაპნამდე (38 ვერსზე) ფუთი მადნის გადაზიდვის ფასად დაწესდა 10 კაპიკი. ეს, მომავალი ტარიფი მეტისმეტად მაღალი ეჩვენებოდათ თვითონ მთავრობის ზოგიერთ ადგილობრივ მოხელეებსაც. თავის 1891 წლის ანგარიშში. ქუთაისის სამხედრო გუბერნატორი, — ასეთი „მაღალი ტარიფის შესახებ“, — წერდა: „... საბადოებამდე რკი-

³ „კვალი“, 1897, № 37, გვ. 671.

⁴ ЦГИАЛ. ф. 37, оп. 55, д. 609, 1903 г., л. 7.

ნიგზის გაყვანის შემდეგ ადგილობრივი მადანი მაღალხარისხოვნებითა და ფასით გაუძლებს უცხოური მადნის ძლიერ კონკურენციას. მიუხედავად ამისა, ქიათურიდან შორაპნამდე მადნის გადაზიდვისათვის დაწესებული ტარიფი... 10 კაპიკი ფუთზე, არ შეიძლება არ ჩაითვალოს ნეტისმეტად მაღალ ტარიფად⁵.

მთავრობამ არ გაითვალისწინა ზემოაღნიშნული გარემოება და ქიათურა-შორაპნის რკინიგზაზე დაპროექტებული. შეუსაბამოდ მაღალი ტარიფი დაამტკიცა⁶. ამ გზაზე სხვა ტვირთის გადაზიდვის ფას ასეთი იყო: რკინიგზით ქიათურაში შემოსაზიდ ყოველ ფუთ პურზე. ფურაქზე, სამშენებლო ხე-ტყეზე, რკინაზე და თუჯზე დაწესდა 2-კაპიკიანი ტარიფი, ნავთზე 4-კაპიკიანი, ხოლო თუ ასეთი ტვირთი ქიათურიდან უკან იგზავნებოდა ტარიფი ფუთზე 10 კაპიკს შეადგენდა⁷.

ქიათურის რკინიგზის შტოს დაშთავრებასთან დაკავშირებით 1894 წელს აქ ჩამოვიდა მიწათმოქმედების მინისტრი ა. ერმოლოვი, რომელსაც მოახსენეს, რომ რკინიგზის შტოს მწყობრში ჩადგომის მიუხედავად, შტოზე დაწესებული მაღალი ტარიფის წყალობით სამრეწველო რაიონიდან შორაპნამდე მადნის საურმე გზით გადაზიდვა კვლავ გრძელდება, ამ მდგომარეობის აღსაკვეთად ა. ერმოლოვმა წამოაყენა მოსაზრება, რომლის თანახმად ხაზინას ქიათურის რკინიგზის შტოზე და შორაპნიდან ადგილობრივ ნავსადგურებამდე მაგისტრალურ რკინიგზაზე მადნის გადაზიდვისათვის დაწესებული ტარიფის გამთლიანება-გაერთიანება უნდა მოეხდინა⁸.

ქიათურის შტოზე დაწესებული ტარიფი განსაკუთრებით მძიმე ტვირთად აწვა სამრეწველო რაიონის მშრომელებს. ამიტომ მის შემცირებას მოითხოვდნენ არა მარტო მრეწველები და ექსპორტიორები. არამედ მშრომელი ხალხის მხარდამჭერი იმდროინდელი პროგრესული საზოგადოებრიობა. ეურნ. „მოამბე“ წერდა: „ეს ტარიფი საშინელია, თუ გავითვალისწინებთ, რომ ნორმალური ტარიფის კვალობაზე გამოანგარიშებით ქიათურიდან შორაპნამდე უნდა გამოერთიანათ ფუთზე მხოლოდ 1/2 კაპიკი“, სინამდვილეში კი რკინიგზა იღებს 20-ჯერ მეტ ფასს, ვიდრე ნორმალური ტარიფი თხოულობს⁹. გაზ. „ნოვოე თბოზრენიე“ აღნიშნავდა: „შეუდარებლად მაღალი, თითქმის ამკრძალავი ტარიფი, რაც ამიერკავკასიის რკინიგზის ქიათურის შტოზე დაწესდა, აუტანელ ტვირთად აწვება მარგანეცის მრეწველობას, რომელიც უდიდეს როლს

⁵ სსსა, ფონ. 12, ანაწ. 1, საქ. 1005, ფურტ. 9—10. 11.

⁶ ЦГИАЛ, ф. 37, оп. 65, д. 2766, л. 14.

⁷ ЦГИАЛ, ф. 37, оп. 55, д. 609, л. 28 об.

⁸ ЦГИАЛ, ф. 37, оп. 66, д. 2305, 1895, л. 33.

⁹ „მოამბე“. 1900, № 8. გვ. 82.

ასრულებს ქუთაისისა გუბერნიის ეკონომიურ ცხოვრებაში... მარგანეცის მრეწველობის განვითარება და მისი სარგებლიანობა განსაკუთრებით არის დამოკიდებული ქიათურის რკინიგზაზე ამჟამად დაწესებული ტარიფის დაკლებაზე“¹⁰. ქიათურის შტოზე დაწესებული ტარიფის წინააღმდეგ განსაკუთრებით მწვავედ და ხშირად გამოდიოდა „კვალი“, რომელიც სწორად მიუთითებდა, რომ „ასეთი დიდი ტარიფი ასე პატარა მანძილზე... პირველი მაგალითია მთელ რუპერიაში და... მთელ ქვეყანაზე“¹¹. ამ ფაქტს აღიარებდნენ მთავრობის მოხელენიც. ქიათურის შტოზე დაწესებულ ტარიფს ფინანსთა სამინისტროში არაერთი მოხელე აფასებდა როგორც „სამართლიანი გადასახადის სახეს“¹². მიწათმოქმედების მინისტრი ა. ერმოლოვი 1898 წელს კვლავ მიუთითებდა დასახელებული ტარიფის უმაგალითო სიდიდეზე და ამტკიცებდა: „დაწესებული ტარიფი არ არის ძარტო ტარიფი, არამედ ის მეტწილად წარმოადგენს გადასახადს, რომელსაც იღებს რკინიგზა“¹³. ამიერკავკასიის რკინიგზის აღმინისტრაციის წარმომადგენელი ლ. ზვერევი 1901 წელს ასევე წერდა: „ტარიფი, რომელიც ქიათურის რკინიგზით მადნის გადაზიდვაზე დაწესებული, მაღალია. ეს ტარიფი განხილული უნდა იქნეს როგორც გადაზიდვის ფასი და სპეციალური გადასახადი, თუმცა გასაზიდი მადანი, ამას გარდა დაბეგარილია. პირდაპირი ბაჟით — ფუთი 1 კაპიკით“¹⁴. ქიათურელი მარგანეცის მრეწველები დასახელებულ შტოზე მადნის გადაზიდვის დაწესებულ ფასს სამართლიანად აფასებდნენ, როგორც „ატარიფო რეპარესიას“¹⁵. მართლაც, ქიათურის შტოზე სარკინიგზო ტარიფის არსებულ სიდიდეზე წარმოდგენას იძლევა ასეთი შედარება: შტოზე ფუთი — ვერსი 1/4 კაპ. ფასობდა, მაშინ როცა რუსეთის რკინიგზაზე. საერთოდ, ერთ ვერსზე ფუთი რკინის მადნის გადაზიდვა ჯდება 1/6 კაპიკი, ანუ 16-ჯერ ნაკლები¹⁶. ბაქოდან ფუთი მახუთის გადაზიდვა 842 ვერსზე ღირდა 5,80 კაპ, ხოლო ქიათურიდან 38 ვერსზე — 10 კაპიკი¹⁷. ეს მაშინ, როცა ყვირილიდან (ზესტაფონიდან) ფოთამდე 120

¹⁰ «Новое обозрение», 1903, 15 апреля. № 6365; «Новое обозрение», 1902, 25 августа, № 6146.

¹¹ „კვალი“, 1900, № 40, გვ. 631.

¹² ЦГИАЛ, ф. 35, оп. 14, д. 117, 1897 г., л. 18.

¹³ ЦГИАЛ, ф. 376, оп. 65, д. 27, л. 5.

¹⁴ Л. Зверев, Краткие очерки по истории сооружений и эксплуатации Закавказских ж. д., Тифлис, 1901, гл. 69—70.

¹⁵ ЦГИАЛ, ф. оп. 65, д. 2766, л. 14, об.

¹⁶ ЦГИАЛ, ф. 37, оп. 65, д. 2766, л. 5.

¹⁷ ЦГИАЛ, ф. 37, оп. 72, д. 138, л. 45.

ვერსზე ფუთი მადნის გადაზიდვა ღირდა 2,27 კაპიკი. ამგვარად. სადგურ ჭიათურიდან ნავსადგურ ფოთამდე 164 ვერსზე რკინიგზით ფუთი მადნის გადაზიდვა ღირდა (10+2,27 კაპ.) 12,27 კაპიკი. ეს მაშინ, როცა საერთაშორისო ბაზრებზე ჭიათურის მარგანეცის საშიში კონკურენტის, ბრაზილიური მადნის საბადოებიდან რიოდე-ჟანეირომდე (500—465 კილომეტრზე) ვიწროლიანდაგიანი (12—13 კმ) და სრულიანდაგიანი (488—452 კმ) რკინიგზით ერთი ფუთი მარგანეცის მადნის გადაზიდვა 1895—1896 წლებში ღირდა 10,5 კაპიკიდან 11 კაპიკამდე, ხოლო ტარიფის შემცირების შემდეგ (1897 წლიდან) მხოლოდ 4,6 კაპიკი¹⁸. სხვანაირად, ტარიფის შემცირებამდე ჭიათურის მარგანეცის რკინიგზით გადაზიდვის ფასი 2¹/₂-ჯერ აღემატებოდა ბრაზილიურს, ხოლო თუ ორივე შემთხვევაში რკინიგზების შესაბამის მანძილს გავითვალისწინებთ, გამოვა, რომ თანაბარ მანძილზე მადნის გადაზიდვის ფასი ჩვენს რკინიგზაზე 7¹/₂-ჯერ მეტი იყო, ვიდრე ბრაზილიაში¹⁹. რკინიგზის საქმეებში კარგად ორიენტირებული პირის არლუტინსკი-დოლოგორუკოვის გაანგარიშებით შტოზე ფუთი მადნის გადაზიდვაზე უნდა დაწესებულიყო არაუმეტეს 0,75 კაპიკისა²⁰. მაგრამ, ხაზინა საქმეს ასე არ მიუდგა და თავისი ფისკალური ინტერესების დასაკმაყოფილებლად უპრეცედენტო, მაღალი ტარიფი დააწესა. მთავრობა აცხადებდა, რომ მას სურს აინაზღაუროს რკინიგზის მშენებლობაზე გაწეული ხარჯები, რომ თითქოს, ჭიათურის მარგანეცს საერთაშორისო ბაზრებზე კონკურენტი არა ჰყავს და ამიტომ ის აიტანს დაწესებულ ტარიფს. სინამდვილეში ხაზინამ, როგორც დავინახავთ, ჭიათურის რკინიგზის ექსპლოატაციის პირველ წლებშივე ჰარბად აინაზღაურა დანახარჯი და ეს გზა შემოსავლის მნიშვნელოვან წყაროდ გაიხადა. ჭიათურის შტოზე ტარიფის სიდიდეს, მისი ექსპლოატაციიდან ხაზინის შემოსავლის ოდენობას, ასევე ამ შემოსავლის შემადგენელ მუხლებს მკაფიოდ წარმოგვიდგენს 1895—1900 წლების შემდეგი უწყისი.

¹⁸ Г. Дежапов, Очерк марганцевой промышленности Бразилии... გვ. 15; Отчет о деятельности совета съезда изв. на III съезде марганцеспромышленников, გვ. 114; აგრეთვე ЦГИАЛ, ф. 1276, оп. 19, д. 87, л. 5

¹⁹ ЦГИАЛ, ф. 1276, оп. 19, д. 87, л. 5—6.

²⁰ Аргутинский-Долгоруков, История сооружения и эксплуатации Закавказской железной дороги... გვ. 594.

წელი	მადნის გადაზიდვის ფასი (მანეთებში)	აწონვა	სადგურის ხარჯები	ს უ ლ
1895	927 000	9 270	37 080	973 350
1896	929 700	9 297	37 188	976 185
1897	1 066 400	10 664	42 656	1 119 720
18 8	1 551 300	15 543	62 172	1 632 015
1899	1 744 820	24 926	99 704	1 867 450
1900	2 136 820	30 526	122 104	2 289 450
ს უ ლ	8 359 040	100 226	400 904	8 860 170

როგორც ვხედავთ, კიათურის რკინიგზა დიდ შემოსავალს აძლევდა ხაზინას. შემოსავლის მთავარ მუხლს მადნის გადაზიდვის ფასი შეადგენდა. ძვირი ჯდებოდა ტვირთის აწონვა, ასევე სადგურის ხარჯები. მდგომარეობას ართულებდა და მადნის თვითღირებულებას თავის მხრივ ზრდიდა გასაზიდი მადნის რამდენჯერმე აწონვა, ასევე დატვირთვა-გადმოტვირთვა: კიათურაში, შორაპანსა და ნავსადგურში (ფოთი, ბათუმი) აწონვა და დატვირთვა-გადმოტვირთვა, რის შედეგადაც, გ. ზდანოვიჩის ცნობით, ვიწროლიანდაგიან გზაზე 10-კაპიკიანი ტარიფის დროს, კიათურიდან ფოთის ნავსადგურამდე ფუთი მადნის გადაზიდვის მთელი ხარჯების ჯამი 14 კაპიკს აღწევდა²². ტარიფისა და ზედნადები ხარჯების სიდიდე მით უფრო აუტანელი იყო კიათურის მრეწველობისათვის, რომ გასული საუკუნის 90-იანი წლებიდან სხვა ქვეყნებში მარგანეცის მრეწველობის ჩასახვა-განვითარების შედეგად. მან მადნის საერთაშორისო ბაზრებზე მონოპოლიური ფასის დაწესების შესაძლებლობა დაკარგა.

ტარიფის შესამცირებლად ბრძოლა ჯერ კიდევ გასული საუკუნის 90-იანი წლებიდან დაიწყო და 1914 წლამდე გაგრძელდა.

²¹ Отчет о деятельности Совета съезда. избран. на III съезде марганитно-промышленников, გვ. 125.

²² «Новое обозрение», 1895, № 4047, 4060, 4061, 4063, 4096. კიათურაში მარგანეცის რკინიგზა იღებდა არა პირდაპირ ფოთში გასაგზავნად, არამედ მხოლოდ შორაპანამდე. ამ სადგურზე გამგზავნის უნდა მიეღო თავისი ტვირთი, გადმოტვირთვის რკინიგზის პლატფორმაზე — საკუთარ ხარჯზე, მასვე ევალებოდა ტვირთის დატვირთვა დატვირთვა მაგისტრალური ხაზის ვაგონებში, შემდეგ მადანი იგზავნებოდა ფოთში, გადაიტვირთებოდა საწყობებში (ვიღარ გემი მოვიღოდა), ხელახლა უნდა ჩატვირთულიყო ვაგონში, გაგზავნილიყო ნავსადგურში და გადაზიდული გემზე (Аргунинский-Долгоруков, История сооружения и эксплуатации Закавказской железной дороги, 1896, გვ. 593).

ამ ბრძოლაში თავიდანვე ენერგიულად ჩაებნენ მრეწველები და ექსპორტიორები, მათი წარმომადგენლობითი ორგანიზაცია, რომლის მიერ საამისოდ შედგენილმა და მთავრობის ორგანოებში წარდგენილმა უთვალავმა მოხსენება-შუამდგომლობამ მრავალი ტომი შეადგინა. ამ შუამდგომლობათა მხარდაჭერის მიზნით ქართულ, აგრეთვე რუსულ პერიოდულ პრესაში გამოქვეყნდა მრავალი წერილი და ნარკვევი. ეს ბრძოლა, როგორც დავინახავთ, ცვალებადი წარმატებით მიმდინარეობდა და ტარიფის თანდათან დაკლებით მთავრდებოდა. ტარიფის შემცირებას დიდი მნიშვნელობა ენიჭებოდა. ის ერთგვარ სტიმულს აძლევდა მარგანეცის მრეწველობის განვითარებას, მადნის ექსპორტის გადიდებას, ხელს უწყობდა ჭიათურის მარგანეცის საკონსერვაციო ბრძოლისუნარიანობის განმტკიცებას მადნის მსოფლიო ბაზრებზე. გასული საუკუნის 90-იანი წლებიდან წამოიჭრა მადნის ვითლირებულების და კერძოდ მისი მთავარი მუხლის — სარკინიგზო ტარიფის — შემცირების მკაცრი აუცილებლობა. მსოფლიო მეტალურგიის მხრივ მარგანეცის მადანზე მოთხოვნილების გადიდების შედეგად, მოცემული ხანიდან თითქმის ყველა ქვეყანაში დაიწყო საიებო სამუშაოები მარგანეცის მადნის საბადოთა აღმოსაჩენად, ბევრ ქვეყანაში ეს დამთავრდა მარგანეცის მრეწველობის ჩასახვა-განვითარებით²³. ჭიათურის მარგანეცის საერთაშორისო ბაზრებზე საშიში კონკურენტები გაუჩნდა. საქმეს ვერ შეელიდა აქაური მადნის შეუღარებელი მაღალხარისხოვნება და მოპოვების შედარებითი სიადვილე²⁴. აქაური მადნის ვითლირებულებას განსაკუთრებით ამაღლებდა სარკინიგზო ტარიფის სიდიდე. ჭიათურის მარგანეცის მრეწველთა წარმომადგენლობითი ორგანიზაცია ჯა მოწინავე ქართველი მოღვაწენი ცდილობდნენ დაერწმუნებინათ მთავრობა მრეწველობის მოცემული დარგის მძიმე მდგომარეობაში, „რაც ვიწრო ფისკალური თვალსაზრისითაც არაა მისასალმებელი“. მათი მტკიცებით ვითარების შემსუბუქება შეეძლო სარკინიგზო ტარიფის შემცირებას. მრეწველთა ყრილობა მოაგონებდა მთავრობას, რომ „მკუთრანლობა აუცილებელია ავადმყოფობის დასაწყისში და არა მის ბოლოს“, რომ „იოლია საერთაშორისო ბაზრების დაკარგვა და ძნელია მათი ხელახლა მოპოვება²⁵.

ჭიათურის შტოზე ტარიფის შემცირებას მხარს უჭერდა ქუთაისის გუბერნიისა და კავკასიის ადმინისტრაცია. გუბერნატორი 1891 — 1899 წლებში თხოვდა ხელმწიფეს ჭიათურის შტოზე დაპროექტებული და დაწესებული შეუსაბამოდ მაღალი ტარიფის შემცირებას. ურომ-

²³ „კვალი“, 1897, № 41, გვ. 734.

²⁴ «Новое обозрение», 1897, 21 мая, № 4599.

²⁵ ЦГИАЛ, ф. 350, оп. 14, д. 117, л. 14—15.

ლისოდაც შეუძლებელი იყო წარმოების ნორმალური განვითარება და „კავკასიური მარგანეცის საკონცურენციო უნარიანობის განმტკიცება მადნის საერთაშორისო ბაზარზე“²⁶. გუბერნატორი თავის 1893 წლის „უქვეშევრდომილეს“ მოხსენებაში მხარს უჭერდა მოთხოვნას ტარიფის შემცირებაზე და ამის აუცილებლობას ის ასაბუთებდა ჰიათურის მარგანეცის მრეწველობის საერთო საიმპერიო მნიშვნელობით. მოხსენების წაითხვისას იმპერატორმა წითელი ხაზი ჩამოუყვია იმ გვერდის არშინაზე, სადაც ტარიფის შემცირებაზე იყო მსჯელობა და აქვე მიაწერა: „Да!“. ეს იმას ნიშნავდა, რომ საკითხი განიხილებოდა. 1895 წლის მანძილზე მის განხილვაში მონაწილეობდნენ საიმპერიო ხელისუფლების ორგანოები (მიწათმოქმედებისა და სასელმწიფო ქონებათა, ასევე ფინანსთა და გზათა სამინისტროები) და საქმე იმით დასრულდა, რომ მინისტრთა კომიტეტმა არ დააკმაყოფილა ე. წ. «...Домогательства о пониженнии тарифа на перевозку марганцевой руды по Чиватурской ветви»²⁷. მარგანეცის მრეწველთა ყრილობას მომდევნო, სამი წლის მანძილზე კვლავ მხარს უჭერდა ქუთაისის გუბერნატორი და ბოლოს სამხრეთ რუსეთის (ნიკოპოლის) მარგანეცის მრეწველთა წარმომადგენლების საწინააღმდეგო მოქმედების მიუხედავად*. შედეგი გამოიღო: 1898 წლის 21 აგვისტოს სატარიფო კომიტეტის ახდომაზე ჰიათურის რკინიგზაზე ტარიფის მეტ-ნაკლებად შემცირებას თითქმის ყველა დათანხმდა, მაგრამ ხმები გაიყო. სამი წევრი ხმას აძლევდა ტარიფის 5 კაპიკით შემცირებას, სამი — 4 კაპიკით შემცირებას. სამხრეთ რუსეთის, კერძოდ, ნიკოპოლის მარგანეცის მრეწველთა წარმომადგენლები კი ცდილობდნენ, რომ ტარიფი არ შემცირებულიყო, ყოველ შემთხვევაში, 1½ კაპიკ-

²⁶ სსსა. ფონ. 12. ანაწ. 1, საქ. 1005, ფურც. 9—10 ЦГИА.Л. Ф. 1263. 6/оп., л. 5189. л. 201; ЦГИА.Л. Ф. 1263. оп. 89. д. 5442. л. 421.

²⁷ ЦГИА.Л. Ф. 1263. 6/оп., л. 5189. л. 201.

* ნიკოპოლში მარგანეცის მადნის საბადო აღმოჩენილ იქნა 1883 წელს, მისი სამრეწველო ექსპლოატაცია კი 1886 წელს დაიწყო. 1891 წელს უფრო მდიდარი საბადო აღმოჩნდა მდ. ტიმაკოვსკის სანაპიროზე, სადაც სამრეწველო საქმიანობას შეუდგა „სამხრეთ რუსეთის დნეპრის მეტალურგიული საზოგადოება“. 1904 წელს სამრეწველო რაიონში გაყვანილ იქნა რკინიგზის მაგისტრალი, რომლითაც კრივიროგის აოზი დაუკავშირდა დონბასს. ნიკოპოლში მოქმედებდა 1 მსხვილი და რამდენიმე მ-ბალი საწარმო, რომლებიც თავის ნაწარმს მსხვილ მეწარმეებს აბარებდნენ. მადნის გამდიდრება-გაუხეხება 1907 წლამდე „მშრალად“ ხდებოდა. ხოლო შემდეგში „სიელი გამდიდრება“ (გამამდიდრებელი ფაბრიკა) დაიწყო. ისიც მხოლოდ 2 საწარმოში. ნიკოპოლში მარგანეცის მრეწველობის განვითარებამ რეოლუციამდელ ხანაში 1913 წელს მიაღწია კულმინაციურ წერტილს (იხ. 50 лет Николаев-марганцевого бассейна Сборник статей, рассказов, очерков и стихотворений. Днепропетровск. 1936, გვ. 6—18).

ზე მეტად. ცარიზმმა გაითვალისწინა თავისი პროტექციონისტული ინტერესები და ის ჭიათურის მიმართ მხოლოდ ნაწილობრივ დათმობაზე წავიდა. 1898 წლის დეკემბერში მთავრობამ, როგორც იქნა, ჭიათურის შტოზე ტარიფი (ფუთზე 10 კაპიკი) შეამცირა 3 კაპიკით²⁸. ეს გადაწყვეტილება ძალაში შევიდა 1899 წლის თებერვლიდან.

ჭიათურის შტოზე 7-კაპიკიანი ტარიფიც მაღალი აღმოჩნდა. მარგანეცის მრეწველთა შუამდგომლობებს ტარიფის მეორედ შემცირებაზე კვლავ მხარს უჭერდა ქუთაისის გუბერნატორი. უკანასკნელმა ეს საკითხი აღძრა თავის 1901 წლის „უქვეშევრდომილეს“ ძოხაკებაში, სადაც ასაბუთებდა, რომ „რუსეთის ბრძოლა მეტოქე ქვეყნებთან მარგანეცის მადნის საერთაშორისო ბაზრებზე უპირატესობისათვის მხარდაჭერას და ტარიფის დაკლებას მოითხოვს“. მოხსენების ამ ადგილს იმპერატორმა იქვე მიაწერა: „Что предлагается сделать?“ საკითხი კვლავ მთავრობის ცენტრალურ ორგანოებს გადაეცა განსახილველად. მთავრობამ შეუძლებლად ჩათვალა ტარიფის შემცირება²⁹. ქუთაისის გუბერნატორმა თავის 1902 წლის „უქვეშევრდომილეს“ მოხსენებაში კვლავ აღძრა ჭიათურის შტოზე ტარიფის შემცირების შუამდგომლობა. ის აღნიშნავდა, რომ დაკლებული ტარიფი ორჯერ აღემატება უცხოეთში მოქმედ ტარიფს, რომ ეს ტარიფი ძლიერ ამუხროუქებს ჭიათურის მარგანეცის მრეწველობას, ავიწროებს მრეწველებს, ექსპორტიორებსა და მუშებს. მისი აზრით, მდგომარეობის გამოსწორება შეიძლებოდა შტოზე მადნის გადაზიდვის ნორმალური ტარიფის შემოღებით. გუბერნატორმა აქვე მიუთითა, რომ ჭიათურაში შექმნილმა მძიმე ვითარებამ უკვე გამოიწვია მუშათა უკმაყოფილება და „უწესრიგობა“³⁰. იმპერატორმა „უქვეშევრდომილესი“ მოხსენების აოტახილ ადგილას მიაწერა: „ფინანსთა მინისტრმა მიაქციოს განსაკუთრებული ყურადღება“. საკითხი კვლავ აღიძრა და 1904 წელს უშედეგოდ დაითავრა³¹. გუბერნიის ადმინისტრაცია ჭიათურის სამრეწველო რაიონში მუშათა აუტანელ მდგომარეობას და მუშათა მძლავრ გამოსვლებს 1902 წელს, მთავრობის სატარიფო პოლიტიკის სიმძიმესაც უკავშირებდა, მაგრამ ეს ანგარიშში არ ჩააგდო რუსეთის მთავრობამ. 1905 წელს ჭიათურაში მუშათა რევოლუციურმა მოძრაობამ მძლავრ გაქანებას მიაღწია. ამავე დროს, ჯერ კიდევ 1901 წლიდან დაიწყო ჭიათუ-

²⁸ ЦГИАЛ, ф. 1263, оп. 89, алф., д. 5442, л. 421; ЦГИАЛ, ф. 1276, оп. 19, д. 87, л. 6.

²⁹ ЦГИАЛ, ф. 1263, оп. 2, д. 5519, л. 165; ЦГИАЛ, ф. 1263, оп. 2, л. 5734, л. 663.

³⁰ ЦГИАЛ, ф. 1263, оп. 2, д. 5734, л. 47.

³¹ იქვე, ფურც. 48.

რის მარგანეცის პოზიციების შესუსტება მადნის მსოფლიო ბაზრებზე. სამრეწველო რაიონში შექმნილი ვითარებით იმთავითვე დაინტერესდა მეფისნაცვალ ვორონცოვ-დაშკოვი. მან (1907 წელს) მინისტრთა საბჭოს წინაშე იშუამდგომლა ჭიათურის შტოზე სარკინიგზო ტარიფის "ნემდგომი შემცირების შესახებ. საქმე გადაეცა ფინანსთა სამინისტროს, რომელმაც მის განსახილველად 1908 წლის ოქტომბერში საუწყებათშორისო თათბირი მოიწვია³². მას ესწრებოდნენ სატარიფო კომიტეტის, ფინანსთა, ვაჭრობისა და მრეწველობის სამინისტროს, სახელმწიფო კონტროლის, სამთო დეპარტამენტის. გზათა სამინისტროს, ამიერკავკასიის რკინიგზის სამმართველოს, ნიკოპოლისა და ჭიათურის მარგანეცის მადნის მრეწველთა წარმომადგენლები. ამ თათბირზე სამთო დეპარტამენტის წარმომადგენელმა ი. ურბანოვიჩმა თავის გამოსვლაში არ დამალა ცარიზმის სატარიფო პოლიტიკის კოლონიურ-პროტექციონისტული მიზანდასახულობა, როცა წინასწარ გაფრთხილებას იძლეოდა: „არ შეიძლება არ გავითვალისწინოთ ის, რომ ჭიათურის რკინიგზაზე 7-კაპიკიანი ტარიფის შემცირების შემთხვევაში ნიკოპოლის მარგანეცი საგარეო ბაზარს დაკარგავს და მხოლოდ შინაგანი ბაზრის ანაბარა დარჩება, ამავე დროს შინაგან ბაზარზე ნიკოპოლის მარგანეცს კონკურენციას უწევს ჭიათურის მარგანეცი“. ი. ურბანოვიჩმა პირდაპირ მოუწოდა თათბირის მონაწილეებს, რომ ჭიათურის შტოზე ტარიფის დაკლებით „ძლიერ არ დაზარალებულიყო ნიკოპოლის მარგანეცის მრეწველობა, რომელიც სწორედ ჭიათურის გზაზე დაწესებული ტარიფის მეშვეობით ვი-

³² ЦГИАЛ, ф. 37, оп. 72, л. 138, 1908. л. 49: აქვე უნდა შევნიშნოთ, რომ 1906 წლიდან მადნის მოპოვებისა და ექსპორტის ზრდის გამო, მრეწველთა ყრილობამ იმავე წელს აღძრა შუამდგომლობა ჭიათურის ვიწროლიანდაგიანი გზის ფართოლიანდაგიან გზად გადაკეთებაზე. ეს მოთხოვნა არ იქნა დაკმაყოფილებულ (Отчет о деятельности Совета съезда марганецпромышленников за 1907 г., К., 1907, გვ. 20). ამის შემდეგ ყრილობის საბჭომ იშუამდგომლა, რომ დასახელებულ გზას დამატებოდა მესამე რელსი, რის შედეგადაც ის ერთდროულად იქნებოდა ფართო და ვიწროლიანდაგიანი. მთავრობამ უარი თქვა ამ მოთხოვნაზეც (იხ. Труды XI съезда марганецпромышленников, К., 1909, გვ. 27). როცა ეს შუამდგომლობები და ტარიფის შემცირების მოთხოვნა ხაზინამ არ დააკმაყოფილა. შექმნილა აზრი, რომ ჭიათურის მოსაზღვრე საბადოების მოპირდაპირე (სამხრეთის) ქედიდან, სადაც მდიდარ საბადოთა დამუშავება არ მიმდინარეობდა უგზოობის გამო, გაეყვანილიყო საპატრო-საბაგირო ეზა მდინარე ძირულას ხეობის გასწვრივ სადგურ ძირულამდე. ამ გზის მშენებლობა უნდა დამჭდარიყო 2 მილიონი მანეთი. მისი წლიური გამტარუნარიანობა უნდა ყოფილიყო 10 მილიონი ფუთი, ხოლო ფუთი მანეთის გადაზიდვის ღირებულება 1—2 კაპიკი (იხ. ს. ს. საჭარო ბიბლიოთეკა, ნ. ნიკოლაის არქივი, საქ. № 51/43). ეს გზა, რა თქმა უნდა, ძლიერ შეტოქეობას გაუწევდა სახაზინო რკინიგზას, მაგრამ ეს იდეა არ განხორციელებულა.

თარღება“³³. დასახელებული მოხელე შტოზე ტარიფის შემცირების წინააღმდეგ წავიდა.

ამ თათბირმა გამოაშკარავა, რომ მთავრობამ კიათურის შტოზე მაღალი ტარიფი დააწესა არა მარტო თავისი ფისკალური ინტერესების დასაკმაყოფილებლად, არამედ სამხრეთ-რუსეთის (ნიკოპოლის) მარგანეცის მრეწველობისათვის მფარველობის გაწევის მიზნითაც. თაბირზე გამოვიდა ნიკოპოლელ მარგანეცის მრეწველთა წარმომადგენელი გ. კოლბერგი. მან კატეგორიულად განაცხადა, რომ „კიათურის შტოზე ტარიფის დასაკლებად საკმაო მოტივები არ არსებობს“³⁴. თათბირზე ნიკოპოლის სამრეწველო რაიონის წარმომადგენლები, ისევე როგორც სახაზინო რკინიგზის ადმინისტრაციის წარმომადგენლები, ამტკიცებდნენ, რომ კავკასიიდან მადნის გაზიდვის შემცირება დამოკიდებულია არა ტარიფის სიდიდისაგან, არამედ უმთავრესად მარგანეცის მადანზე მსოფლიო ბაზრის მოთხოვნისაგან“. ისინი გამოვიდნენ კიათურის შტოზე ტარიფის შემცირების წინააღმდეგ და აცხადებდნენ: ჭერ ერთი, რომ კავკასიაში, მადნის თვითღირებულების შემცირება უნდა მოხდეს არა სარკინიგზო ტარიფის შემცირებით, არამედ წარმოების გაიაფებით: საბადოებიდან რკინიგზამდე მადნის გადაზიდვის ხარჯების შემცირებით (მექანიკური დასაშვებობით), ასევე მადნის მეტალური შემცველობის გადიდებით (მადნის გამდიდრება-დახარისხება და გარეცხვა)³⁵. მეორე, ნიკოპოლის სამრეწველო რაიონსა და შავი ზღვის ნავსადგურებს შორის რკინიგზა არაა გაყვანილი, რის შედეგადაც ეს რაიონი უფრო მძიმე მდგომარეობაშია, ვიდრე კიათურა³⁶. მესამე, ტარიფით არ შეიძლება გაუმჯობესდეს კავკასიის მრეწველობის მდგომარეობა, რადგან არსებობს ნიკოპოლის მარგანეცის მრეწველობა, რომელიც შეიძლება დაზარალდეს, თუ კიათურის შტოზე ტარიფი შემცირდება“³⁷. დონეცკელი მრეწველები, რომლებიც საკუთრივ მოპოვებული კოქსვალი ქვანახშირისა და კიათურიდან მიზიდული მარგანეცის მადნის ბაზაზე ფერომარგანეცის წარმოების გახსნაზე ოცნებობდნენ, მოითხოვდნენ კიათურის შტოზე დაწესებული 7-კაპიკიანი ტარიფის შემცირებას მხოლოდ რუსეთში გასაზიდ მარგა-

³³ Отчет о совещании по пересмотру тарифов на перевозку марганцевой руды по Чнатурской ветви (სსრ საქარო ბიბლიოთეკა, ნ. ნიკოლაძის არქივი, საქ 51/105); ЦГИАЛ, ф. 37, оп. 72, д. 138, л. 46.

³⁴ ЦГИАЛ, ф. 37, оп. 72, д. 138, 1908, л. 49, об.

³⁵ იქვე, ფურც. 75.

³⁶ იქვე, ფურც. 49.

³⁷ იქვე, ფურც. 48, მეორე გვერდი.

ნეცზე.³⁸ სამხრეთ რუსეთის სამთო მრეწველთა ერთ-ერთი წარმომადგენელი, ფ. ენაკოვი შენიშნავდა, რომ ჭიათურის შტოზე ტარიფის შემცირება საზიანო იქნება ნიკოპოლისა და კრივირიოვისათვის. ამასთანავე მოითხოვდა, რომ ჭიათურის შტოზე ტარიფის შემცირების შემთხვევაში ასევე შემცირებულიყო ტარიფი შადა გუბერნიებში მარგანეცის გადაზიდვაზე.³⁹ თათბირზე რამდენჯერმე გამოვიდა სიტყვით ჭიათურის მარგანეცის მრეწველთა ყრილობის წარმომადგენელი გ. ზდანოვიჩი. მან შენიშნა, რომ ჭიათურის შტოზე სარკინიგზო ტარიფის შემცირებას ყოველთვის ეწინააღმდეგებიან ნიკოპოლის სამრეწველო რაიონის წარმომადგენლები, რომლებიც მიუთითებენ «На границах этого району бедствия в случае понижения чистурского тарифа»⁴⁰. გ. ზდანოვიჩი განაგრძობდა: „კავკასიის მარგანეცი 14 წელია განსაკუთრებულ პირობებშია და დროა ის გათავისუფლდეს ასეთი მდგომარეობისაგან. ვინაიდან ამან გამოიწვია ის, რომ სხვა ქვეყნებმა, რომლებიც მარგანეცის ექსპორტს ეწევიან, დაიწყეს მისი გასწორება. დაიწყეს აყვავება ჭიათურის სარკინიგზო ტარიფის მფარველობით“⁴¹. მან აქვე დასძინა, რომ ჭიათურაში «Русское государственное казначейство различными налогами и сборами отчуждает в свою пользу не менее 25% производительного народного труда»⁴². გ. ზონანოვიჩმა აკლავდა გამახვილა ყურადღება იმაზე, რომ „ეს მსოფლიოში არსადანახული ტარიფი სასარგებლო აღმოჩნდა იმ ქვეყნებისათვისაც, რომელთაც გააჩნიათ მარგანეცის საბადოები და, რომლებიც, ჭიათურის ტარიფის გარეშე, უეჭველია, მალე როდი გამოიხდებოდნენ სცენაზე“⁴³ თათბირზე გამოვიდა სამთო უწყების წარმომადგენელი ა. ივანოვი, რომლის აზრით, „ჭიათურის შტოზე ტარიფის შემცირება არ დააბრკოლებს ნიკოპოლის მრეწველობის განვითარებას — ექსპორტის მხრივ, რადგან ის საკმაოდაა გაძლიერებული და საშინაო სამომხმარებლო ბაზრის მიმართ გაცილებით უფრო უკეთეს მდგომარეობაში იმყოფება, ვიდრე კავკასია“.

რკინიგზელთა სათათბირო კანტორის წარმომადგენელმა ნ. ნორპემ აღნიშნა, რომ რკინიგზის ჭიათურის შტომ უკვე თორმეტჯერ გამოისყიდა თავისი თავი, რომ ტარიფის სიდიდე და შტოს არადაბაკმაყოფი-

³⁸ ЦГИАЛ. ф. 37, оп. 65, д. 2766, л. 71.

³⁹ ЦГИАЛ. ф. 37, оп. 72, д. 138, д. 34.

⁴⁰ ЦГИАЛ, ф. 37, оп. 65, д. 2766, л. 49.

⁴¹ იქვე.

⁴² იქვე. ფურც. 46, მეორე გვერდი.

⁴³ იქვე, ფურც. 44, მეორე გვერდი.

ლებელი მოწყობა აბრკოლებს ჭიათურის მარგანეცის მრეწველობის განვითარებას და ხელს უწყობს მარგანეცის მრეწველობის განვითარებას ინდოეთსა და ბრაზილიაში, რომელთაც არაფერი აბრკოლებდათ და საპატიო ადგილიც დაიმკვიდრეს საერთაშორისო ბაზრებზე.⁴⁴ მაგრამ. თათბირის მონაწილე სამინისტროთა წარმომადგენლების უმრავლესობამ მხარი დაუჭირა ნიკოპოლის სამრეწველო რაიონის წარმომადგენლებს და ამ რაიონისათვის მფარველობის გაწევის მიზნით ჭიათურის შტოზე ტარიფის შემცირება შეუძლებლად იქნა მიჩნეული. მალე, 1909 წლის თებერვალში მეფისნაცვლის ვორონცოვ-დაშკოვის ენერგიული ჩარევით, საკითხი კვლავ განიხილა რუსეთის მთავრობამ და ამავე წლის მაისიდან, როგორც იქნა, ტარიფი შემცირდა 1,5 კაპიკით,⁴⁵ ე. ი. 5,5 კაპიკამდე. ამის მიუხედავად 1909—1910 წლებში ჭიათურის მარგანეცს, მისი მაღალი თვითღირებულების წყალობით, უჭირდა საგარეო ბაზრებზე საკონკურენტო ბრძოლაში გამარჯვება. ამაზე მიუთითებდა მეფისნაცვალის ვორონცოვ-დაშკოვი, რომელიც 1910 წელს მინისტრთა საბჭოს თავმჯდომარისადმი გაგზავნილ სპეციალურ მოხსენებით ბარათში საფუძვლიანად ასაბუთებდა ჭიათურის მრეწველობისათვის მხარდაჭერის სახელმწიფოებრივ მნიშვნელობას. მან სცადა დაემტკიცებინა აქაური მადნის თვითღირებულების მეტისმეტი სიდიდე სხვა ქვეყნებთან შედარებით. ბარათში მოტანილი შედარებით სარწმუნო ცნობის თანახმად ჭიათურის, ინდოეთისა და ბრაზილიის მარგანეცის მადნის თვითღირებულება ადგილობრივ ნავსადგურებში (ფუთი — კაპიკობით) ასეთი თანაფარდობით ხასიათდებოდა:⁴⁶

საქართველო	ინდოეთი	ბრაზილია
მოპოვება 4,5	1,09	6,16
რკინიგზამდე გადაზიდვა 3	3,09	0,86
რკინიგზით გადაზიდვა 9,89		4,77
(8,39)*	7,35	
სანავსადგურო ხარჯები 1,46	1,61	2,15
სხვადასხვა გამოსაღები 0,75	—	1,34
ს უ ლ — 19,60 (18,10)	13,14	16,10

⁴⁴ ЦГИАЛ, ფ. 37, оп. 65, д. 2766, л. 38, 39, об.

⁴⁵ იქვე, ფურც. 74; ЦГИАЛ, ფ. 1276, оп. 19, д. 67, л. 3—13.

⁴⁶ ЦГИАЛ, ფ. 37, оп. 72, д. 138, 1910, л. 74.

* 1909 წლის მაისიდან ტარიფის 1,5 კაპ. შემცირების შემდეგ.

როგორც ვხედავთ, მადნის თვითღირებულება შედარებით დაბალია ინდოეთში, მერმე ბრაზილიაში, საქართველოში კი ყველაზე მაღალია. რაც შეეხება საზღვაო ფრაქტს, ის ინდოეთიდან გაზიდულ ყოველ ფუთ მადანზე (ჩვენებურ და ბრაზილიურთან შედარებით) მეტი ჯდება 4.5 კაპიკით. საბოლოო ჯამში ინდოეთისა და ბრაზილიის მარგანეცის თვითღირებულება საერთაშორისო ბაზარზე, ჰიათურის მარგანეცთან შედარებით, დაბალი იყო და ამის წყალობით დასახელებულ ქვეყნებს უადვილდებოდათ ქართული მარგანეცისათვის კონკურენციის გაწევა. ფოთის ნავსადგურში მარგანეცის მადნის თვითღირებულების შემადგენელი მუხლების გათვალისწინება გვიჩვენებს, რომ მოცემული თანხის მთავარ ნაწილს — 9,89 (8,39) კაპიკს ფუთზე შეადგენდა სარკინიგზო ხარჯები, რაც იქმნებოდა ვიწროლიანდაგიან რკინიგზაზე — ჰიათურიდან შორაპნამდე (38 ვერსზე) გადაზიდვის ფასიდან — 7 (5,5) კაპიკიდან, და მაგისტრალურ რკინიგზაზე შორაპნიდან ფოთამდე (123 ვერსზე) გადაზიდვის ფასიდან (1,63 კაპიკი), ასევე მადნის გადატვირთვ-გადმოტვირთვისა და ზედნადები ხარჯებიდან (1,26 კაპიკი)⁴⁷, თუ შევადარებთ ერთმანეთს ჩვენში, ინდოეთსა და ბრაზილიაში რკინიგზაზე მადნის გადაზიდვის ხარჯებს 1909—1910 წლებში, ასეთ სურათს მივიღებთ⁴⁸:

რკინიგზაზე ფუთი მადნის გადაზიდვა ჯდება:

საქართველოში 161 ვერსზე	9,89 (8,39) კაპ.
ინდოეთში 741	7,35 „
ბრაზილიაში 526	4,7 „

ამ მონაცემებს თუ ფუთი-ვერსებით გავიანგარიშებთ, მივიღებთ, რომ ჩვენში ტარიფი 6-ჯერ აღემატებოდა ინდოეთისა და ბრაზილიისას, ხოლო თუ შევადარებთ გადაზიდვის ფასს მხოლოდ ჰიათურის შტოზე 7-კაპიკიანი ტარიფისას, ეს ტარიფი 18-ჯერ მეტია, ვიდრე ინდოეთისა და ბრაზილიისა და 13-ჯერ მეტი, ვიდრე საერთო-სარუსეთო ტარიფი. რომლითაც სამხრეთ რუსეთის მარგანეცის მრეწველობა სარგებლობდა. ეს ციფრობრივი მონაცემები სარწმუნო პასუხს გვაძლევენ იმაზე, თუ რა მიზეზების გამო სუსტდებოდა ჰიათურის მარგანეცის მადნის პოზიციები საერთაშორისო ბაზრებზე და რამ შეუწყო ხელი ინდოეთისა და ბრაზილიის მარგანეცის პოზიციების განმტკიცებას მადნის მსოფლიო ბაზრებზე. ამასთან დაკავშირებით ვორონცოვ-დაშკოვი დაასკვნია: „ამგვარად, უეჭველია, რომ ბრაზილიისა და ინდოეთის მარგანეცის მრეწველობა ვითარდებოდა ჰიათურის შტოზე დაწესებული მაღალი

⁴⁷ ЦГИАЛ, ф. 37, оп. 72, д. 138, л. 74, об.

⁴⁸ იქვე.

და, სიმართლე უნდა ითქვას, ქვეყანაზე არსადგაგონილი ტარიფის წყალობით“.⁴⁹

ვორონცოვ-დაშკოვი მკაცრად აკრიტიკებდა სამხრეთ რუსეთის მარგანეცის მრეწველ კომპანიებს და მთავრობის იმ მოხელეებს, რომლებიც მუდამ თავგამოდებით იბრძოდნენ ჰიათურის შტოზე სარკინიგზო ტარიფის შემცირების წინააღმდეგ და წინაზრახულად, ფარისევლურად აცხადებდნენ, რომ საქართველოში მარგანეცის მადნის თვითღირებულების შემცირება მხოლოდ წარმოების უკეთ მოწყობით უნდა განხორციელდეს. არ უარყოფდა რა წარმოების მოწესრიგების მნიშვნელობას. ვორონცოვ-დაშკოვი შენიშნავდა: „შეუძლებელია იგნორირებულ იქნეს ის ფაქტი, რომ უკანასკნელ წლებში საქართველოა მარგანეცის წარმოების მიერ განცდილი წარუმატებლობის მთავარი მიზეზი მაინც უმაგალითო. მაღალი სარკინიგზო ტარიფია⁵⁰. ვორონცოვ-დაშკოვი შეეხო აგრეთვე ერთ არგუმენტს, რასაც სამხრეთ რუსეთის მარგანეცის მრეწველები აყენებდნენ ჰიათურის შტოზე ტარიფის შემცირების წინააღმდეგ, სახელდობრ, მოსაზრებას, რომ ჰიათურის შტოზე ტარიფის ეს შემცირება თითქოსდა აუცილებლად „მოკლავს ნიკოპოლის მარგანეცის მრეწველობას“.⁵¹ ვორონცოვ-დაშკოვი, როგორც გამჭირაბი სახელმწიფო მოღვაწე, შეშფოთებას გამოთქვამდა ნიკოპოლის მარგანეცის მრეწველობისათვის მფარველობის გაწევის მიზნით კავკასიის მრეწველობის დიდი სახელმწიფოებრივი მნიშვნელობის დარგის — ჰიათურის მრეწველობის განვითარების ხელოვნურად დამუხრუჭების გამო. იგი მართებულად დაასკვნდა: «Как было выше указано, южнорусский марганец... может находить целиком сбыт в русском производстве !! хотя действительно, под влиянием покровительственного для него высокого Чнатурского тарифа, вывозов его за границу сильно повысился, но жертвовать ради выгод четырех компаний нуждами такого обширного марганцевого района, как Кавказский, едва ли согласуется с задачами государственного хозяйства страны. И невольно возникает мысль об основательности упреков, что это покровительство основано не на государственной потребности, а на желании оказать поддержку лицам, заинтересованным в этих предприятиях»⁵². ვორონცოვ-დაშკოვი ასევე

⁴⁹ ЦГИАЛ, ф. 37, оп. 72. д. 138. л. 74. об.

⁵⁰ იქვე, ფურც. 75.

⁵¹ იქვე.

⁵² იქვე, ხაზგასმა ჩვენია.

სწორი, სახელმწიფოებრივი თვალაზრისით ხელმძღვანელობდა. როცა თავს ესხმოდა მთავრობის ზოგიერთ ცენტრალურ დაწესებულებას, რომლებიც სხვადასხვა საბაბით გამოდიოდნენ ჭიათურის შტოზე მალალი ტარიფის შესანარჩუნებლად. ძველს-ნაცვალი მოაგონებდა მათ, რომ კავკასიის ადმინისტრაცია და ზოგიერთი დინტერესებული დაწესებულება უკვე 20 წელია მხარს უჭერენ და წუამდგომლობენ ჭიათურის შტოზე ტარიფის ზედტვირებას, რომ შტო დაჯდა 1,5 მილიონი მანეთი, მაგრამ ხაზინამ აქედან 1907 წლამდე მიიღო 24 მილიონი მანეთი, რაც 16-ჯერ აღემატება ამ შტოს ღირებულებას. ვორონცოვ-დაშკოვი საყვედურობს სატარიფო დაწესებულებებს, რომლებიც დასახელებულ შტოზე მალალი ტარიფის შენარჩუნებას ადრე ამართლებდნენ გზის მშენებლობის სიძვირით, ახლა კი სახაზინო რკინიგზის შემოსავლის შემცირების საფრთხით და სხვ.⁵³

ამრიგად, ვორონცოვ-დაშკოვმა 1910 წელს მინისტრთა საბჭოში წარდგენილ მოხსენებაში აღიარა, ჯერ ერთი, რომ ჭიათურის რკინიგზაზე მალალი ტარიფის არსებობას საფუძვლად ედო ხაზინის ვიწროდგაგებული ფისკალური ინტერესები და მთავრობის პოლიტიკა, რომელიც მიზნად ისახავდა მეტროპოლიის მარგანეცის მრეწველობისათვის მთარველობის გაწევას, მეორეც, რომ ასეთი სატარიფო პოლიტიკა მთელი თავისი არსებით ზიანს აყენებდა ქვეყნის სახელმწიფოებრივ ინტერესებს, ძირს უთხრიდა მრეწველობის მსოფლიო მნიშვნელობის დარგს — ჭიათურის მარგანეცის მრეწველობას და იწვევდა „ქვეყნის სავაჭრო ბალანსის დარღვევას“⁵⁴. მთავრობამ ჭიათურის შტოზე ტვირთის (მადნის, სურსათის, ფურაჟის, ხე-ტყის, ინსტრუმენტების, მგზავრთა და სხვ.) გადაზიდვისგან მსოფლიო ომის დაწყებამდე სულ მიიღო 45.6 მილიონი მანეთი.

ამრიგად, ჭიათურის რკინიგზის მშენებლობაზე და მთავრობის სატარიფო პოლიტიკაზე დაკვირვებამ დაგვანახა, რომ მარგანეცის მრეწველობას საქართველოში, მის აწმყო-მომავალს ცარიზმი მხოლოდ ვიწროდ გაგებული ფისკალური თვალაზრისით უდგებოდა. ამის უტყუარ მოწმობას და ჩვენში ცარიზმის კოლონიური ეკონომიური პოლიტიკის მკაფიო გამოხატულებას წარმოადგენდა ჭიათურის რკინიგზის მშენებლობის ირგვლივ წარმოებული 10-წლიანი დავა და შემდეგში კი ამ გზაზე უმაგალითოდ მალალი პროტექციონისტული ტარიფის დაწესება. დაეინახეთ ისიც, რომ რკინიგზის შტოს მეპატრონე, მთავრობა, ჭიათურის მრეწველობის მრისხანე და დაუდევარი ექსპლოატატორიც იყო.

⁵³ ЦГИАЛ, ф. 37, оп. 72, д. 138, л. 75. об.

⁵⁴ იქვე, ფურც. 75.

დასახელებულ შტოზე არნახული, შალაღი, სარკინიგზო ტარიფის შემოღებით, მისი გარკვეული შემცირების მიუხედავად, ცარიზმმა მფარველობა გაუწია სამხერთ რუსეთის (ნიკოპოლის) მარგანეცის მრეწველობას და ვიწროლიანდაგიანი გზის ექსპლოატაციის მეშვეობით ქიათურის მარგანეცის მრეწველობა შემოსავლის თვალსაჩინო წყაროდ გაიხადა. ყოველივე ამის მიუხედავად, ვიწროლიანდაგიანი რკინიგზა ჩვენში მარგანეცის მრეწველობის განვითარების ერთ-ერთი ხელშემწყობი ფაქტორი გახდა. ეს გზა 62 წლის განმავლობაში ემსახურებოდა მარგანეცის მრეწველობას. 1956—1957 წლებში ქიათურა-შორაპნის ვიწროლიანდაგიანი რკინიგზის ნაცვლად მწყობრში ჩადგა ქიათურა-ზესტაფონის ფართოლიანდაგიანი ელექტროფიცირებული რკინიგზა.

**მარგანეცის მრეწველთა წარმომადგენლოვითი ორგანიზაციის
(ურილოვის) დაარსება და მისი საქმიანობა**

§ 1. ურილოვის დაარსება, მის წევრთა დაჯგუფება

ადგილობრივი და უცხოური სამრეწველო თუ სავაჭრო კაპიტალის მეტოქეობა ქიათურის მარგანეცის მრეწველობაში და მადნის ადგილობრივ ბაზარზე უფრო გამწვავდა სამრეწველო აუზში რკინიგზის შტოს შეყვანის შედეგად, რადგან ამ გზას „მოჰყვა თან უცხოელები-სა და მათი კაპიტალის შემოჭრა ქიათურის რაიონში“¹. ამ დროისათვის უცხოური სავაჭრო კაპიტალი თითქმის მონოპოლიურად ფლობდა მარგანეცის მადნის ადგილობრივ ბაზარს და მრეწველობის დასახელებულ დარგში გაბატონებასაც ჩემულობდა. ადგილობრივი სამრეწველო კაპიტალი ქიათურის მრეწველობაში თავისი პოზიციების შესანარჩუნებლად და განსამტკიცებლად წარმატებით იბრძოდა ქიათურის რკინიგზის მწყობრში ჩადგომამდე, — უცხოური სამრეწველო კაპიტალის ეპიზოდურ მოძალებას იოლად იგერიებდა. სამრეწველო რაიონში რკინიგზის შეყვანის შემდეგ უცხოური კაპიტალი გააქტიურდა ჯა ინტენსიურად იბრძოდა წარმოებაში მონოპოლიური მდგომარეობის მოსაპოვებლად. ადგილობრივი სამრეწველო კაპიტალის წარმომადგენლები ადრე, 17 წლის მანძილზე, უფრო ერთპიროვნულად მოქმედებდნენ, თუმცა, როგორც დავინახეთ, გაერთიანებულად, კოლექტიურად მოქმედებასაც ცდილობდნენ; მაგრამ მათი ეს გაერთიანებანი მეტწილად უღდეური აღმოჩნდნენ.

ადგილობრივ მრეწველთა გაერთიანების, მათი წარმომადგენლობითი ორგანიზაციის (თვითმმართველობის) ჩამოყალიბების აუცილებ-

¹ ს. წერეთელი, დასახ. ნარკვევი, იხ. გვ. „საქართველო“, 1920, 21 იანვარი, №14.

ლობა წამოჭრა უცხოური კაპიტალის მოძალების გაძლიერებამ, მარგანეცის მრეწველობის გაფართოების, საბადოთა ექსპლოატაციის პირობებისა და მადნის გადაზიდვის საშუალებათა გაუმჯობესების, ასევე სამრეწველო რაიონის კეთილმოწყობის საქიროებამ. ამ ორგანიზაციის ჩამოყალიბება მით უფრო აუცილებელი იყო, რომ მთავრობის ადგილობრივი ადმინისტრაცია სამრეწველო რაიონში არსებითად მხოლოდ პოლიციურ ფუნქციას ასრულებდა და სამთო ზედამხედველობას მარტო ფორმალურად ახორციელებდა. ის სრულებით არ ზრუნავდა სამრეწველო რაიონის კეთილმოსაწყობად. ამას გარდა, სხვა ქვეყნებში მარგანეცის მრეწველობის განვითარებამ და მადნის საერთაშორისო ბაზრებზე საკონკურენციო ბრძოლის გაძლიერებამ ჰიათურელ მრეწველთა წინაშე დააყენა მადნის მსოფლიო ბაზრისა და მეტოქე ქვეყნების მარგანეცის მრეწველობის მდგომარეობის შესწავლის საკითხი, რის მოგვარებასაც შეეძლო ხელი შეეწყოს საერთაშორისო ბაზრებზე ჩვენებური მარგანეცის მადნის პოზიციების გაფართოება-განმტკიცებისათვის. ადგილობრივი მრეწველები თავისი ნაწარმით მარგანეცის მადნის მსოფლიო ბაზარზე უშუალოდ, უცხოური სავაჭრო კომპანიის უმეშვეოდ, გასვლაზე და იქ დამკვიდრებაზე ოცნებობდნენ, თუმცა მათ ეს, გაერთიანებული ძალით მოქმედების გარეშე (2—3 მეწარმის გამოკლებით), არ ძალუძდათ. მრეწველობის მძლავრი წინსვლა შეუძლებელი იხდებოდა მასზე საერთო მზრუნველობისა და საქმის ორგანიზაციის გაუმჯობესების გარეშე. მთავრობის ადგილობრივი ადმინისტრაცია საამისოდ არ ზრუნავდა. წარმოებისა და მადნის გასაღებაში სიძნელემ იჩინა თავი. ასეთ ვითარებაში დაქსაქსულად მოქმედ ქართველ მეწარმეთა შორის ჩაისახა და თანდათან განმტკიცდა აზრი ჰიათურაში ფართო წარმომადგენლობითი-თვითმმართველი ორგანიზაციის ჩამოყალიბებისა².

ადგილობრივ მრეწველთა საერთო სურვილისამებრ, ქართველი საზოგადოების მოწინავე წარმომადგენელთა მხარდაჭერითა და ცნობილი საზოგადო მოღვაწის გ. ზდანოვიჩის ზრუნვით 1894 წელს შუამდგომლობა აღიძრა³, ხოლო 1896 წელს მიღებულ იქნა მთავრობის ნებართვა ჰიათურის მარგანეცის მრეწველთა წარმომადგენლობითი ორგანიზაციის დაარსებაზე. მომავალი ორგანიზაციის ჩამოსაყალიბებლად საჭირო დოკუმენტების შემუშავებისა და მათი წინასწარი განხილვის შემდეგ იმავე 1896 წლის 15 აპრილს ქ. ქუთაისში შედგა „შორაპნის

² ЦГИАЛ, ф. 37, оп. 72, д. 138, л. 181—182.

³ ს. წერეთელი, დასახ. ნარკვ. იხ. ვაზ. „საქართველო“, 1920, 21 იანვარი, № 14.

მაზრის მარგანეცის მრეწველთა პირველი (დამფუძნებელი) ყრილობა“.

ყრილობამ მრავალი საკითხი განიხილა, მათ შორის, სამთო დეპარტამენტის მიერ შემუშავებული საერთო დებულების გათვალისწინებით გ. ზდანოვიჩის მიერ შედგენილი და წინასწარ სპეციალურ თათბირზე განხილული დებულების პროექტი «Положение о съезде марганцепромышленников Шорапанского уезда»⁴.

ამ „დებულების“ თანახმად მრეწველთა ყრილობა აერთიანებდა მარგანეცის მადნის მრეწველებსა და ექსპორტიორებს და ის მოწოდებული იყო მარგანეცის მადნის მოპოვებისა და ექსპორტის საქმის გასაუმჯობესებლად. ყრილობის წევრი შეიძლებოდა ყოფილიყო ყველა მრეწველი, ვინც მთავრობის ნებართვით ეწეოდა მადნის მოპოვებას. წარმომადგენლობით ორგანიზაციაში ხმის უფლებით სარგებლობდა ყოველი მრეწველი, რომელიც წელიწადში 100.000 ფუთ მადანს მაინც პოულობდა, ასევე ყოველი ექსპორტიორი, რომელსაც წელიწადში გაჰქონდა არა ნაკლებ 300 000 ფუთი მადნისა. მადნის მოპოვებისა და ექსპორტის ოდენობის შესაბამისად ყრილობის წევრს შეიძლებოდა ჰქონოდა 1 — 5 ხმა. „დებულებით“ ყრილობაზე სათათბირო ხმის უფლებით დასწრების უფლება ენიჭებოდა იმ მრეწველებსაც, რომლებიც უმნიშვნელო მასშტაბით ეწეოდნენ მადნის მოპოვებას; ამავე დროს უფლება ენიჭებოდათ გაერთიანებულიყვნენ და მადნის საერთო მოპოვების ოდენობის შესაბამისად, თავისი წარმომადგენლის მეშვეობით, ესარგებლათ ყრილობაზე ხმის უფლებით. ყრილობას სათათბირო ხმის უფლებით შეიძლებოდა დასწრებოდა ყოველი დაინტერესებული პირი და ორგანიზაცია. ის იკრიბებოდა ყოველწლიურად, მიწათმოქმედებისა და სახელმწიფო ქონებათა მინისტრის ნებართვით. თავმჯდომარესაც ფაქტიურად მინისტრი ნიშნავდა. წარმომადგენლობითი ორგანიზაციის მუდმივ მოქმედ აღმასრულებელ ორგანოს — ყრილობის საბჭოს — ევალბოდა ყრილობის შეკრებამდე ორი თვით ადრე წარედგინა თავისი ხარჯთაღრიცხვის „ანგარიში“ და ახსნა-განმარტებითი ბარათი კავკასიის სამთო სამმართველოში. იმ შემთხვევაში, თუკი ყრილობის საბჭო მიუღებლად ჩათვლიდა სამთო სამმართველოს შესაძლებელ შენიშვნებსა და მითითებებს, საკითხი საბოლოო გადაწყვეტისათვის გადაეცემოდა მიწათმოქმედების მინისტრს. ყრილობის საბჭოს, იშვია-

⁴ სსსა, ფონ. 264, საქ. 3601, ფურც. 3—13.

თი, საგანგებო შემთხვევების გარდა, მინისტრისათვის შეიძლება მიემართა მხოლოდ სამთო სამმართველოს მეშვეობით.⁵

ყრილობა იხილავდა მრეწველობისა და მადნის ექსპორტის საკვირბოროტო საკითხებს. ის უფლებამოსილი იყო წარმოებასთან დაკავშირებული საკითხების გადასაქრელად ეშუამდგომლა მთავრობის წინაშე. ყრილობის ოფიციალური ენა მხოლოდ რუსული იყო. ამ ენის არმცოდნეს თავისი აზრის გამოთქმა შეეძლო დაევალებინა რუსულის მცოდნე წევრისათვის. ყრილობის საბჭო ირჩეოდა ფარული კენჭისყრით. ის შედგებოდა თავმჯდომარის, ოთხი წევრისა და სამი კანდიდატისაგან. თავმჯდომარე ირჩეოდა 3 წლით. მისი არჩევა ძალაში შედიოდა მინისტრის მიერ დამტკიცების შემდეგ.

საბჭოს ევალებოდა: ყრილობის მიუთითებებისა და დადგენილებების შესრულება, მრეწველობის საკვირბოროტო საკითხების იმთავითვე განხილვა, რისთვისაც საბჭოს სხდომები ყოველთვიურად ეწყობოდა. ის ადგენდა ყრილობების დღის წესრიგს, აღძრავდა შუამდგომლობას რიგგარეშე ყრილობის მოსაწვევად, მიმართავდა მთავრობას მრეწველობის საკვირბოროტო საკითხების მოსაგვარებლად, გამოსცემდა ყრილობის მასალებს („შრომები“) და სხვ. ყრილობა ირჩევდა სარევიზიო კომისიას 3 წევრისა და 3 კანდიდატის შემადგენლობით, ერთი წლით. მასში შედიოდა აგრეთვე სამთო უწყების წარმომადგენელი, რომელსაც ნიშნავდა მინისტრი. ყრილობა ყოველწლიურად ისმენდა და იხილავდა სარევიზიო კომისიის ანგარიშს. ის ფარული კენჭისყრით ირჩევდა სხვადასხვა კომიტეტს, ვთქვათ, რკინიგზის ვაგონებისა და ბაქნების გამანაწილებელ კომიტეტს და სხვა საკვირო კომისიებს, ერთი წლის ვადით.

ყრილობის საბჭო ვალდებული იყო ჩაეტარებინა დამტკიცებული ხარჯთაღრიცხვით გათვალისწინებული სამუშაოები; საამისო სახსრები დგებოდა საფუთო გადასახადისაგან, რომელიც „დებულებით“ და მთავრობის ნებართვით წესდებოდა. უფრო გვიან მისი შემოსავლის წყაროდ იქცა აგრეთვე ელსადგური, აბანოები, წყალსადენები, ტელეგრაფი, მექანიკური დასაშვები, საავადმყოფო⁶ (ყველაფერი ეს ყრილობას მოაწყო 1900 — 1914 წლებში).

ზემოდანასიათებული „დებულების“ პროექტი განიხილა და გარკვეული შესწორებებით მიიღო მრეწველთა I ყრილობამ, შემდეგ კი წარედგინა მიწათმოქმედების მინისტრს, რომელმაც დაამტკიცა 1896 წლის 18 ნოემბერს.⁷

⁵ სსსა, ფონ. 264, საქ. 3601, ფურც. 11.

⁶ იხ. Труды XV. съезда марганцевопромышленников. К. 1913, გვ. 196.

⁷ სსსა, ფონ. 264, საქ. 3601, ფურც. 2.

ყრილობა წარმოადგენდა ქონებრივი ცენზითა და ცარიზმის კოლონიური პოლიტიკით შეზღუდულ ბურჟუაზიულ წარმომადგენლობით ორგანიზაციას. მრეწველთა ყრილობის საბჭო, 1897 წლის II (საგანგებო) ყრილობის მიერ დამტკიცებული წესდების შესაბამისად მოქმედებდა და თავის საქმიანობაში სამთო უწყების კონტროლს ექვემდებარებოდა. საბჭოს ისედაც არ შეეძლო დამდგარიყო მრეწველობის საერთო ინტერესების სიმალლეზე და ყრილობის ფარგლებში გაერთიანებული, ერთმანეთისადმი დაპირისპირებული ძალების (მსხვილი და წვრილი მეწარმენი, მეწარმენი და ექსპორტიორნი) ზევით, როგორც ამას წესდება ამაოდ ითვალისწინებდა. არაფერს ვიტყვით იმაზე, რომ ყრილობა და მისი საბჭო მიზნად არ ისახავდა წარმოებაში ჩაბმული მშრომელი ხალხის შრომისა და ყოფა-ცხოვრების პირობების მნიშვნელოვან გაუმჯობესებას.

„შორაპნის მაზრის მარგანეცის მრეწველთა ყრილობა“ მრეწველთა, ასევე მადნის ექსპორტიორთა გაერთიანებას წარმოადგენდა. მან რევოლუციამდელ ხანაში 25 წელი იარსება, ხოლო სულ 29 წელიწადი.⁸ ყრილობის მუდმივმოქმედ აღმასრულებელ ორგანოს, საბჭოს. 1896 წლიდან 1917 წლამდე, უცვლელად თავმჯდომარეობდა ცნობილი მოღვაწე გ. ზდანოვიჩი, ხოლო მისი მოადგილე და ერთ ხანსაც (1917—1918 წწ.) თავმჯდომარე იყო ცნობილი მოღვაწე და გამოჩენილი ლიტერატორი ივანე კიტა) აბაშიძე.⁹

ყრილობის საბჭო მთავრობის შესაფერის ორგანოებთან განუწყვეტელ კავშირში იყო და ერთდროულად ასრულებდა წარმომადგენლობით და სამეურნეო ფუნქციებს, ცდილობდა მარგანეცის მრეწველობისა და მადნის ექსპორტის პირობების გაუმჯობესებას. მრეწველთა ყრილობისა და მის საბჭოს საქმიანობის მიზნებზე და ხასიათზე წარმოდგენას იძლევა პირველი (დამფუძნებელი) ყრილობის მიერ მოსმენილი მოხსენებები. ყრილობამ „დებულების“ მიღების შემდეგ, მოისმინა და განიხილა ვრცელი მოხსენებები ჰიათურის მარგანეცის მრეწველობისა და მადნის გაზიდვა-გასაღების ორგანიზაციის თაობაზე. მოხსენებაში ნაჩვენებები იყო, თუ „რა ჰირო სჰირდა მრეწველობას

⁸ დასახელებული ორგანიზაცია 1921 წელს გაუქმებულ იქნა საქ. სსრ სახალხო მეურნეობის უმაღლესი საბჭოს დადგენილებით (სსსა, ფონ. 417, ანაწ. 7, საქ. 44, ფურც. 22), მაგრამ, ის კვლავ აღდგენილ იქნა და საბოლოოდ გაუქმდა და ლიკვირებულ იქნა 1924 წელს საქ. სსრ სახალხო მეურნეობის უმაღლესი საბჭოს გადაწყვეტილებით (სსსა, ფონ. 417, ანაწ. 7, საქ. 55, ფურც. 10).

⁹ ყრილობის საბჭოს 1918 წლიდან 1924 წლამდე თავმჯდომარეობდა ს. წერეთელი და თ. ბაქრაძე (სსსა, ფონ. 417, ანაწ. 7, საქ. 2, ფურც. 1—2).

და რა წამალი უნდა დასდებოდა მას¹⁰. მოხსენებები ასურათებდნენ საბადოთა ექსპლოატაციის მდგომარეობას, საფუძვლიანად ასაბუთებდნენ სამთო სამუშაოებზე ტექნიკური ზედამხედველობის უკეთ მოწყობის საჭიროებას, გზების ცუდ მდგომარეობას და მათი ქსელის გაფართოება-გაუმჯობესების აუცილებლობას, ადგილობრივი ადმინისტრაციის უმოქმედობას და სამრეწველო ადმინისტრაციის ჩამოყალიბების მიზანშეწონილობას. აქვე იყო ნაჩვენები მადნის საწყობების მოუწყობლობა და ჭიათურის შტოზე მოძრავი შემადგენლობის ნაკლებობა, ფოთის ნავსადგურისა და იქაური საწყობების უნუგეშო მდგომარეობა, წარმოებაში ტექნიკური კადრების სიმცირე და სხვ. მიღებულ იქნა დადგენილება წარმოების მდგომარეობისა და მადნის გაზიდვის პირობების გასაუმჯობესებლად, სამთო-ტექნიკური ცოდნის გასავრცელებლად — ქუთაისში სამთო სკოლის დასაარსებლად და სხვ. ყრილობამ განიხილა აგრეთვე იაფფასიანი და ყველასათვის მისაწვდომი სამრეწველო კრედიტითა და გრძელვადიანი სესხებით მეწარმეთა უზრუნველყოფის საკითხი. დახასიათებულ იქნა ჭიათურის მარგანეცის მრეწველობის მეტოქეთა, ასევე მარგანეცის მადნის მსოფლიო ბაზრის შეუსწავლელობის უარყოფითი შედეგები და დადგინდა, რომ მარგანეცის მსოფლიო მრეწველობისა და მადნის მსოფლიო ბაზრის შესასწავლად შექმნილიყო სტატისტიკური (ბიურო) განყოფილება, რომ ამასთანავე მადნის მსოფლიო ბაზრის სისტემატურად შესასწავლად გამოყენებულიყვნენ აგრეთვე რუსეთის საკონსულოები და სპეციალური აგენტები უცხოეთში. ყრილობა იმ დასკვნამდე მივიდა, რომ საჭირო იყო მადნის მოპოვების, ასევე ადგილობრივ გზებზე და რკინიგზაზე მისი გადაზიდვის გაიაფება, რისთვისაც უნდა მომხდარიყო სარკინიგზო ტარიფის შემცირება, მოწყობილიყო ბრემსბერგ-ჩამოსაშვებები, „მაღაროების რკინიგზები“ და სხვ. ყრილობამ საჭიროდ ჩათვალა ჭიათურის მრეწველთა სინდიკატის დაარსება, რითაც ბოლო უნდა მოღებოდა „იმ მეტოქეობას ჭიათურის ბაზარზე, რომლითაც სარგებლობენ უცხოელი სპეკულანტნი, რომ ჭიათურის მარგანეცის ფასები... დასცენ“. მანვე აღძრა, სხვათა შორის, კითხვები „მუშათა ყოფა-ცხოვრების და საერთოდ ჭიათურის სამედიცინო-სანიტარული მხრით უნუგეშო მდგომარეობისა“; აქვე აღინიშნა „ჭიათურის მოუწყობლობა (... არც გზები, არც წყლები, არც განათება, არც სისუფთავე და არც სხვა რამ, რაც საჭიროა...),

¹⁰ ს. წერეთელი, დასახ. ნარკვევი, იხ. გვ. „საქართველო“, 1920, 25 იანვარი, № 18.

რომელიც მეტად ხელს უშლის აქ ცხოვრებას და მოსაქმეობას¹¹. განხილულ იქნა საკითხი სამრეწველო რაიონიდან რკინიგზით გადასაზიდ ყოველ ფუთ მადანზე, ყრილობის სასარგებლოდ, ნახევარკაპიკიანი გამოსაღების დაწესების შესახებ და სხვ.

ყრილობამ განხილული საკითხების გარშემო მიიღო დადგენილებანი, რომლებიც შემდეგ სათანადო შუამდგომლობებით გაეგზავნა უმაღლესი ხელისუფლების ორგანოებს (მიწათმოქმედებისა და სახელმწიფო ქონებათა სამინისტროს, გზათა. შინაგან საქმეთა და ფინანსთა სამინისტროებს).

ამრიგად, გაფორმდა მრეწველთა წარმომადგენლობითი ორგანიზაციის — „შორაპნის მაზრის მარგანეცის მრეწველთა ყრილობის“ — დაარსება, ჩამოყალიბდა მისი ამოცანები. ქართველი საზოგადოებრიობის ის ნაწილი, რომელიც ოცნებობდა შინაგანი სამეურნეო ძალებით ქვეყნის სამრეწველო განვითარებაზე, სიხარულით შეეგება მარგანეცის მრეწველთა ყრილობას — „პირველ ყრილობას ჩვენს სამრეწველო ცხოვრებაში“¹².

ყრილობის შემადგენლობა დროის მსვლელობაში შეივსო და 1900-იან წლებში ის აერთიანებდა დამუშავებაში მოქცეულ საბადოთა მფლობელებს, მარგანეცის მრეწველებს, მადნის ექსპორტიორებს, ასევე ზოგიერთ სამთო-სამრეწველო ყრილობათა, რკინიგზის, სამთო უწყების და საზღვაო-სახომალდო გაერთიანებათა წარმომადგენლებს, რომელთაც კავშირი ჰქონდათ ქიათურის მრეწველობასთან, აგრეთვე ჩვენებური მარგანეცის მომხმარებელი ქარხნების წარმომადგენლებს. მაგრამ, ყრილობის სხდომებზე ვადამწყვეტი ხმის უფლებით, პირადად ან თვით წარმომადგენელთა მეშვეობით, სარგებლობდნენ მხოლოდ მრეწველობაში და მადნის ექსპორტში უშუალოდ ჩაბმული საქმოსნები, მათი ამხანაგობები, და ფირმები¹³.

ყრილობის წევრთა უმრავლესობას მრეწველები, უპირატესად ქართველები შეადგენდნენ, ხოლო უმცირესობას ექსპორტიორები. უმთავრესად უცხოელები.

ქართველ მრეწველებსა და უცხოელ ექსპორტიორებს შორის ცხარე ბრძოლა პირველსავე ყრილობაზე გაიშალა. „ამ ორ ჯგუფს შორის, — სწორად შენიშნავდა ფ. მახარაძე, — მუდამ უკმაყოფილე-

¹¹ Отчет о деятельности Совета съезда избранного на I съезде марганце-промышленников, გვ. 95—98; აგრეთვე ს. წერეთლის დასახ. ნარკვევი, ვაზ. „საქართველო“, 1920, 25 იანვარი, № 18.

¹² „კვალი“, 1900, № 40, გვ. 630.

¹³ სსსა, ფონ. 13, ანაწ. 12, საქ. 335, ფურც. 9. ამ საარქივო საქმეზე მივიღეთთა მკვლევარმა ალ. კოკლავეაშვილმა, რისთვისაც მას მადლობას მოვახსენებთ.

ბა, განხეთქილება იყო, როგორც მყიდველთა და გამყიდველთა შორის¹⁴. ყრილობა ისედაც არ ხასიათდებოდა თავის წევრთა ინტერესების ერთიანობით. „კრება, — მართებულად აღნიშნავდა გ. წერეთელი, — ორ პარტიად იყო გაყოფილი — მსხვილი და წვრილი კაპიტალის წარმომადგენლნი. ისინი ერთდებოდნენ, როცა ამას საერთო ინტერესი მოითხოვდა და სამკვდრო-სასიცოცხლო ბრძოლას მართავდნენ, როცა ერთი მეორის უფლების შემცირებას მოინდომებდა, მეორის უბედურებაზე თავის ბედნიერების აგებას მოიწადინებდა“¹⁵. კრება ანუ ყრილობა მართლაც ერთმანეთისადმი პოლარულად დაპირისპირებული საქმოსნების გაერთიანებას წარმოადგენდა. მისი წევრები ებრძოდნენ ერთმანეთს, როგორც შედარებით წვრილი, საშუალო და მსხვილი მრეწველები, როგორც მრეწველები და ექსპორტიორები, ანუ როგორც მადნის გამყიდველები და მისი მყიდველები და ბოლოს, როგორც ადგილობრივი და უცხოელნი. ადგილობრივი მრეწველები იბრძოდნენ წარმოების ეროვნულ ნიადაგზე გასაძლიერებლად, უცხოელ ექსპორტიორთა თვითნებობისა და მადნის ადგილობრივ ბაზარზე მათი ბატონობის ასალაგმავად. უცხოელი ექსპორტიორები კი, პირიქით, ცდილობდნენ, რამდენადაც შეიძლებოდა, მომგებიან პირობებში შეეძინათ მადანი და გააფთრებით ეწინააღმდეგებოდნენ ყრილობის უმრავლესობას, რომელიც მრეწველობისა და მადნის გადაზიდვის პირობების გასაუმჯობესებლად და კეთილმოსაწყობად თანხების გაღებას მოითხოვდა. ყრილობის უმრავლესობა და მისი საბჭო იღვწოდა იმისათვის, რომ შეეზღუდა უცხოური სავაჭრო და სამრეწველო კაპიტალის მოქმედება წარმოებასა და მადნის ექსპორტში, მაგრამ, ეს მცდელობა მიზანს მეტწილად ვერ აღწევდა, რადგან უცხოური კაპიტალის მოქმედების შეზღუდვა, მისი ძლიერებისა და ადგილობრივი კაპიტალის შედარებითი სისუსტის გამო, შეუძლებელი ხდებოდა. ამასთანავე, მთავარი ამ შემთხვევაში ის არის, რომ ყრილობის საბჭო ცდილობდა ადგილობრივ მრეწველთა დაცვას უცხოური კაპიტალის მხრივ შევიწროებისაგან.

მრეწველთა ყრილობის ფარგლებში ასევე გამუდმებით მიმდინარეობდა ბრძოლა წვრილ, საშუალო და მსხვილ მრეწველებს შორის. ყრილობისა და მის საბჭოს საქმიანობაზე დაკვირვება მოწმობს, რომ წარმომადგენლობითი ორგანიზაცია უმთავრესად ადგილობრივ საშუალო, მეტადრე მსხვილ მრეწველთა ინტერესებით ხელმძღვანელობდა.

¹⁴ ფ. მახარაძე, თხზ., ტ. II, 1925, გვ. 53 — 54.

¹⁵ „კვალი“, 1900, № 30, გვ. 471.

თავისი კლასობრივი შეზღუდულობის მიუხედავად, სამრეწველო აგრეთვე სავაჭრო კაპიტალის წარმომადგენლობითმა ორგანიზაციამ (ყრილობამ) და მისმა აღმასრულებელმა ორგანომ (საბჭომ), როგორც ბურჟუაზიულმა თვითმმართველმა ორგანიზაციამ, საკუთარი არსებობის ხანგრძლივ პერიოდში, გარკვეული დადებითი როლი შეასრულა ქიათურის მარგანეცის მრეწველობაში. მისი ბიუჯეტი და პრაქტიკული სამეურნეო საქმიანობის მასშტაბი მნიშვნელოვანწილად განისაზღვრებოდა მთავრობის მიერ ნებადართული „საფუთო გამოსაღებიდან“ მიღებული შემოსავლით. ეს გადასახადი ფაქტიურად, სრულად მხოლოდ 1895 წლიდან იკრიბებოდა. სამრეწველო რაიონიდან გასაზიდ ყოველ ფუთ მადანზე დაწესებული $\frac{1}{2}$ -კაპიკიანი გამოსაღების დიდი ნაწილი ყრილობის განკარგულებაში მხოლოდ 1898 წლიდან გადავიდა. 1906 წლიდან, მრეწველთა ყრილობის და მისი საბჭოს გულმოდგინეობის შედეგად, მიღწეულ იქნა საფუთო გამოსაღების გაღიღება $\frac{3}{4}$ კაპიკამდე, 1913 წლიდან — 2 კაპიკამდე, ხოლო 1918 წლიდან — 3 კაპიკამდე¹. ამ გზით შეგროვილ თანხას, როგორც ზემოთ აღვნიშნეთ, ემატებოდა აგრეთვე წარმომადგენლობითი ორგანიზაციის მიერ დაარსებულ დაწესებულებათა და საწარმოთაგან მიღებული შემოსავალი. ამ თანხებით ხდებოდა ყრილობის მთელი პრაქტიკული საქმიანობის დაფინანსება. ის ნაწილდებოდა სხვადასხვა ღონისძიებაზე. დასახელებული ორგანიზაციის მუშაობის მეტნაკლებად დადებითი მხარეებია: მრეწველობის განვითარებისათვის ხელშეწყობა, სამრეწველო რაიონის ეროვნული ბურჟუაზიისათვის მხარდაჭერა, მუნიციპალური საქმიანობა და სხვ.

ა. მრეწველობის განვითარებისათვის ხელშეწყობა და ეროვნული ბურჟუაზიისათვის მხარდაჭერა

ამ საქმეს განსაკუთრებული ადგილი ეკავა ყრილობის (და მისი საბჭოს) მუშაობაში. საყურადღებოა მისი მცდელობა საბადოთა სამრეწველო ექსპლოატაციის მოსაწესრიგებლად, — სამთო ზედამხედველობის გასაუმჯობესებლად. ამის შედეგად შემცირდა საბადოთა უნებართვო ექსპლოატაცია, მრეწველთა დიდი უმრავლესობა მუშაობდა სამთო სამმართველოს მიერ გაცემული ნებართვით, თანდათან გაძლიერდა ოლქის სამთო ინჟინრის, მისი თანაშემწის და შტეიგერ-

¹ სსსა, ფონ. 417, ანაწ. 1, საქ. 311, ფურც. 30.

თა ზედამხედველობა.² თუმცა ამ ღონისძიებამ ვერ უზრუნველყო უსაფრთხოების წესების ჯეროვნად დაცვა და მალაროებში უბედურ შემთხვევათა საგრძნობი შემცირება.

წარმოებისათვის გარკვეული მნიშვნელობა ჰქონდა ყრილობის ზრუნვას სამრეწველო რაიონში ახალი გზების გასაყვანად და ძველის გასაუმჯობესებლად, რისთვისაც ის ყოველწლიურად გამოყოფდა თანხებს. ჯერ კიდევ მრეწველთა II ყრილობამ (1897 წ.) მიიღო გადაწყვეტილება გზების შეკეთების თაობაზე. მალე დაიწყო მისასვლელი გზების შეკეთება რვანის, ზედა რვანის, თაბაგრების, დარკვეთის, შუქრუთის, მღვიმევის და ითხვისის მალაროებში, შეკეთდა ან ახალი გზა გაკეთდა 5—6 ვერსზე; მღ. ყვირილაზე აიგო ხის ხიდი, რაც ყრილობას 4000 მანეთი დაუჯდა. ამ საქმიანობას წარმართავდა ყრილობის საბჭოს მიერ დანიშნული ტექნიკოსი ი. დეკანოზიშვილი. მალაროებიდან რკინიგზამდე მდნის ზიდვის პირობების გასაუმჯობესებლად, — შარაგზებისა და საბაგირო გზების გაყვანის საკითხებზე ხანგრძლივი მსჯელობა გაიმართა მრეწველთა III ყრილობაზე (1900 წ.). ყრილობის საბჭომ ჯერ კიდევ 1899 წელს ქუთაისის საგუბერნიო სამმართველოს სთხოვა დახმარება აღმოეჩინა დასახელებული გზების მოწყობაში. სამმართველოს დავალებით ინჟ. სახაროვმა იმავე წელს შეადგინა შესაფერისი პროექტი, რომელიც ითვალისწინებდა 40 კმ სიგრძის გზის გაყვანას 60000 მანეთად. ამ საქმეს ისიც ართულებდა, რომ ამ პროექტით ნავარაუდები გზები არ უდგებოდა ყველა საბადოს, ყველა სამთო საწარმოს. ამავე დროს საკითხი იმის შესახებ თუ სად, რომელ მალაროში გაყვანილიყო გზა, ყოველთვის დიდ შეკახებებს იწვევდა მეწარმეთა შორის, რადგან ყოველი მათგანი იბრძოდა, რათა ხაზინის თუ ყრილობის ხარჯზე გზა გაყვანილიყო მის საბადოში. ასეთ ვითარებაში გზის ზემოდასახელებული პროექტი მიუღებელ იქნა. ამის შემდეგ ყრილობის საბჭომ ხელშეკრულება დაუდო სამთო ინჟინერ ა. მიხაილოვს, რომელსაც დაევალა გზის პროექტის შემუშავება და მისი წარმოდგენა მრეწველთა III ყრილობაზე. მის მიერ შემუშავებული პროექტისა და მოხსენების თანახმად ზოგიერთ საბადო ზეგანზე უნდა გაყვანილიყო რკინიგზა, რასაც მალაროები დაუკავშირდებოდნენ საპაერო-საბაგირო გზით, ხოლო საბაგირო გზებისათვის აუცილებელი ელექტროენერჯიის მისაღებად, აგრეთვე მალაროების განათების მოსაწყობადაც, უნდა აშენებულყო ჰიდროელექტროსადგური ან თბოსადგური. ავტორის აზრით, საქმის ასე მოწყობა უფრო მიზანშეწონილი იყო, ვიდრე ბრემსბერ-

² ს. წარეთელი, დასახ. ნარკვევი, გაზ. „საქართველო“ 1920, 29 იანვარი, № 20.

ვისა და რკინის დარების მოწყობა მაღაროებიდან რკინიგზამდე მდ-
ნის ჩამოსაზიდად.³ ეს პროექტი და მოხსენება, ისევე როგორც შემ-
დეგში ყრილობებზე თუ მთავრობის ორგანოებში წარდგენილი
პროექტები, მათ შორის კონცესიონერ გ. წერეთლისა, მოწონებულ
იქნა ყრილობის მიერ, მაგრამ არ განხორციელდა. მრეწველთა ყრი-
ლობის საბჭო განუწყვეტლივ განაგრძობდა საბადოებისკენ მისა-
სვლელი გზების მშენებლობას და პირველი მსოფლიო ომის დაწყე-
ვამდე გაიყვანა 60 — 70 — 80 ვერსის სიგრძის საერთო სარგებლო-
ბის გზა⁴. ამავე დროს ამ გზებს შორის დიდი მნიშვნელობა ჰქონდა
(1906 წელს) ზედა რგანსა და რგანს შორის გაყვანილ გზას⁵. საბჭომ
მოაწყო საერთო სარგებლობის მეჩხერის მექანიკური ჩამოსაშვები,
რითაც წელიწადში 4 მილიონი ფუთი მადანი მიემართებოდა ჭიათუ-
რის რკინიგზის სატვირთო ბაქნებამდე⁶. მღვიმევეში გაიყვანა 160 საე-
ნის სიგრძის უსასრულო საპაერო-საბაგირო გზა, ხოლო დასატვირთი
ბაქნის მახლობლად 52 საეენის სიგრძის ასეთივე გზა. ორივე საერთო
სარგებლობის გზის გამტარუნარიანობა საათში 4 000 ფუთს შეად-
გენდა.⁷

მრეწველთა ყრილობამ და საბჭომ ხანგრძლივი ბრძოლა აწარმო-
ეს რკინიგზის ჭიათურის შტოს სადგურებზე ხაზინის მიერ ბაქნების
უკეთ მოსაწყობად და გასაფართოებლად, — ამ გზის გამტარუნარია-
ნობის გასაზრდელად. ამის შედეგად ბაქნები მოეწყო, ხოლო შტოს
მოდრავი შემადგენლობა შეივსო: საკმარისია გაეიხსენოთ, რომ შტო-
ზე ნორმალური მოძრაობის დაწყებისას მხოლოდ 50 სატვირთო ვაგო-
ნი დადიოდა, ხოლო ყრილობის საბჭოს განუწყვეტელი თხოვნა-შუამ-
დგომლობების შედეგად ის თანდათან შეივსო და 1914 წელს ამ გზა-
ზე 500 ვაგონი მოძრაობდა.

ყრილობის საბჭოს ხელმძღვანელობამ, განსაკუთრებით გ. ზდანო-
ვიჩმა, პ. წულუკიძემ, აგრეთვე იმ დროს ფოთის ქალაქისთავმა ნ. ნი-

³ იხ. Доклад горного инженера А. Д. Михайлова в Совет съезда марган-
цепромышленников об устройстве механической доставки чнатурских марган-
цевых руд от рудников к погрузочным платформам чнатурской ветви Зак.
ж. дорог и об электрическом освещении рудников и зданий, К., 1900 г., Труды
III съезда... марганцепромышленников, გვ. 34.

⁴ ს. წერეთელი, დასახ. ნარკვევი, გაზ. „საქართველო“, 1920, 29 იანვარი, № 20:
სსსა., ფონ. 417, ანაწ. 8, საქ. 3, ფურც. 56—57.

⁵ Отчет о деятельности Совета съезда марганцепромышленников за 1905
и 1906 гг. К., 1907, გვ. 6—7.

⁶ Отчет Кавказского горного управления за 1913 г. Тиф., 1914 გვ. 98—
99; ЦГИАЛ, ф. 565, оп. 7, д. 26907, л. 16, об.

⁷ ЦГИАЛ, ф. 37, оп. 75, д. 691, л. 20—21.

კოლაძემ, განსაკუთრებით დიდი დრო და ენერჯია მოახმარეს ჭიათურის შტოზე მთავრობის მიერ დაწესებული უმაგალითო, ფაქტიურად ამკრძალავი ტარიფის შემცირებას. ტარიფის შესამცირებლად წარმობულმა ბრძოლამ (კავკასიის ადმინისტრაციის მხარდაჭერის შედეგადაც) ნაყოფი გამოიღო: ჭიათურის შტოზე დაწესებული ტარიფი -- ფუთი მადნის გადაზიდვაზე -- 10 კაპიკი, 1899 წლიდან შემცირდა 7 კაპიკამდე, ხოლო 1909 წლიდან -- 5,5 კაპიკამდე⁸.

მრეწველთა ყრილობა (მთავრობის შესაფერისი საუწყებო დაწესებულებათა წარმომადგენლებთან ერთად) აწესრიგებდა მადნის საწყობი ბაქნების და ვაგონების განაწილებას. თუმცა ამ საქმეში საჭირო წესრიგი არ დაშკვიდრებულა.

მრეწველთა ყრილობამ დასვა და ზოგჯერ კიდევ გადაჭრა საწარმოო პროცესის გაუმჯობესებისა და მადნის გადაზიდვაში ტექნიკური სიახლეების დანერგვის რიგი პრობლემები. მრეწველთა III ყრილობამ დაადგინა მადნის დანაკარგის შესამცირებლად ტექნიკური კომისიის ანუ ბიუროს შექმნა, რაც დაარსდა სამი ინჟინრის, ორი ტექნიკოსის, ორი ათისთავისა და ერთი მონაგარიშის შემადგენლობით⁹.

უფრო გვიან დაწესდა აგრეთვე გამამდიდრებელი ფაბრიკების კონტროლი, რითაც ერთგვარად შემცირდა მარგანეცის მადნის შლამით მდ. ყვირილას დატალახიანება.

V ყრილობამ (1903 წ.) დაადგინა და შემდეგში განახორციელა საბადოს გეოლოგიური რუქის შედგენა. მანვე განიზრახა სამთო გამოწამუშევრებიდან საბადოს ზედაპირზე მადნის გამოზიდვის მექანიზაცია, რაც არ განხორციელებულა. V ყრილობამ დაადგინა მადნის გამამდიდრებელი ფაბრიკების მოწყობა, გამოთქვა მოსაზრება ფერომარგანეცის წარმოების დაფუძნების საჭიროებაზე. XIV ყრილობამ განიხილა ელექტრონის გამოყენებით ფერომარგანეცის მიღების, ასევე მარგანეცის მადნის შლამით მდ. ყვირილას დატალახიანებისა და შლამის გამოყენების საკითხები, რომლებიც არ განხორციელებულა.

V ყრილობამ გადაწყვიტა ქუთაისში ქიმიური ლაბორატორიის დაარსება, რისი ხელმძღვანელობაც ითავა გამოჩენილმა ქართველმა მეცნიერმა, ოდესის უნივერსიტეტის პროფესორმა ვ. პეტრიაშვილმა. მალე განზრახულ იქნა აგრეთვე ჭიათურაში ქიმიური ლაბორატორიის მოწყობა, ასევე ბათუმის ნავსადგურში მადნის დასატვირთი ელევატორის მოწყობა, თუმცა ჩამოთვლილი ღონისძიებები ბოლომ-

⁸ ЦГИАЛ ф. 1263, оп. 89, алф., д. 5442, л. 421; ф. 1276, оп. 19, д. 87, л. 6; ф. 37, оп. 72, д. 138, л. 74.

⁹ Труды XV. очередного съезда марганцепромышленников, К., 1913. გვ. 48 — 49.

დე არ განხორციელებულა. მრეწველთა წარმომადგენლობითმა ორგანიზაციამ წამოიწყო სამუშაოები ზოგიერთი მაღაროს წყლით მოსამარაგებლად. საბადოთა ექსპლოატაციისა და მიწისქვეშა სამუშაოების გაფართოების შედეგად მრავალი წყარო დაიკარგა, — მაღაროთა ერთი ნაწილი უწყლობას განიცდიდა. ეს საკითხი განიხილა მრეწველთა XIV ყრილობამ, რომელმაც დაადგინა, რომ, ერთი მხრივ, ეააოვა მთავრობისათვის, რათა მას წყლების გასაყვანად ყრილობის საბჭოსათვის მიეცა სესხი — 300 ათასი მანეთი. ხოლო, მეორე მხრივ, ეთხოვა საბადოთა აუზში არსებული სოფლებისათვის, სადაც წყალსადენი იყო გასაყვანი, რათა მათ შეესრულებინათ საამისოდ აუცილებელი მიწის სამუშაოები. ჰიქოურიდან მღვიმევეში აყვანილ იქნა სანიმუშოდ მოწყობილი წყალსადენი¹⁰. მისი გაყვანა დაიწყო შუქრუთსა და ზედა რგანში, თუმცა ამ საქმის რამდენადმე სრულად მოგვარება შეუძლებელი აღმოჩნდა მსოფლიო ომის დაწყების გამო. ომმა ასევე აღკვეთა მრეწველთა ყრილობის საქმიანობის გაგრძელება სამრეწველო რაიონის ელექტროენერგიით უზრუნველსაყოფად. თუმცა მან მოასწრო ცენტრალური ელექტროსადგურის აშენება ჰიათურაში. ყრილობის საბჭომ მოაწყო ჰიათურის ელექტროგანათება, გამართა ტელეფონის ადგილობრივი ქსელი. მაგრამ სატელეფონო ხაზით ჰიათურა არ იყო დაკავშირებული დასავლეთ საქართველოს ცენტრებთან — ქუთაისთან, ფოთთან და ბათუმთან. ამავე დროს თვით მრეწველთა ყრილობის საბჭოს რეზიდენციას ქუთაისი წარმოადგენდა, ხოლო მადნის საექსპორტო ნავსადგურებს ფოთი და ბათუმი, რის გამო დასახელებულ ქალაქებთან ჰიათურას ინტენსიური სატელეფონო კავშირი ძლიერ ესაჭიროებოდა*. ეს საკითხი განიხილა მრეწველთა XIV ყრილობამ (1911 წ.) და იშუამდგომლა მთავრობის წინაშე, რათა მას თავს ედო ტელეფონის მოცემული ხაზების გამართვა. ხაზინამ ეს მოთხოვნა მხოლოდ 1913 წელს შეიწყინარა, ხოლო მის განხორციელებას ხელი შეუშალა I მსოფლიო ომის დაწყებამ.

ჯერ კიდევ მრეწველთა V ყრილობამ განიხილა საკითხი ე. წ. „ნაფიცი მწონავთა“ ინსტიტუტის დაარსებისა, რაც ფაქტურად 1908 წლიდან გადაიჭრა ნაწილობრივ. ამ ღონისძიებას რამდენადმე გადაჭრებულ შეფასებას აძლევდა ყრილობის საბჭოს ერთ-ერთი ხელმძღვა-

¹⁰ Труды XV очередного съезда марганцепромышленников, К., 1913, 83-196.

* მისი რეზიდენცია მხოლოდ 1918 წელს გადავიდა ქუთაისიდან ჰიათურაში. უფრო ზუსტად მრეწველთა XXI- ყრილობის გადაწყვეტილებით საბჭოს კანტორა ქუთაისიდან თბილისში გადავიდა, ხოლო ჰიათურაში დაარსდა საბჭოს საქმეთა სამმართველო.

ნელი, ს. წერეთელი, როცა წერდა: „სკიდკისა“ და „სიროსტის“ მოსასპობად შემოღებულ იქნა ე. წ. „სასწორთა კონტროლი“. რაიონში დაკანონებულ ყაჩაღობას ადგილი აღარ აქვს¹¹. სინამდვილეში ამ ღონისძიებამ მხოლოდ შეანელა მადნის მწონავთა ძალმომრეობა. მრეწველთა ყრილობამ და მისმა საბჭომ ხანგრძლივი და ენერგიული მუშაობა აწარმოვა ადგილობრივ მრეწველთა გასაერთიანებლად. მადნის უცხოელ შემსყიდველ-ექსპორტიორთა მოქმედების შესაზღუდავად და სამრეწველო რაიონში უცხოური კაპიტალის მოძალების მოსაგერიებლად, მრეწველთა წარმომადგენლობითი ორგანიზაცია ცდილობდა შეეკავშირებია ადგილობრივი მეწარმენი, შეექმნა მათი სავაჭრო, აგრეთვე სინდიკატისა და სააქციო საზოგადოების ტიპის სამრეწველო გაერთიანებანი და ამხანაგობანი, რათა განემტკიცებინა ადგილობრივი სამრეწველო კაპიტალის პოზიციები წარმოებაში; უზრუნველყო მოპოვებული მადნის მომგებიან პირობებში კოლექტიურად გასაღება — ადგილზე ან, უკეთეს შემთხვევაში, საერთაშორისო ბაზრებზე. მრეწველთა II ყრილობამ (1897 წ.) განიხილა მოპოვებული მადნის ექსპორტის კოლექტიურად ორგანიზების მიზნით სინდიკატის დაარსების საკითხი. სინდიკატს უნდა მოეპოვებია შემცირებული ტარიფით სარგებლობის პრივილეგია. ეს შეღავათი ხაზინამ არ დაუშვა და წამოწყება ჩაიფუშა. შემდეგში ყრილობის საბჭოს ინიციატივით ჩამოყალიბდა სხვადასხვა გაერთიანება: ე. წ. სინდიკატი „შავი ქვა“, „კავშირი“, „მრეწველობა“, სააქციო საზოგადოებანი და სხვ.

მაგრამ, უცხოური სავაჭრო-სამრეწველო კაპიტალის წინააღმდეგ კოლექტიურად მოქმედების ეს ცდები წარმატებით ვერ წარიმართა. ხელშემშლელ მიზეზებს შორის აღსანიშნავია დაქსაქსულად, ერთპიროვნულად მოქმედ მეწარმეთა ინტერესების სხვადასხვაობა, მათ ხელთ არსებული საბრუნავი კაპიტალის სიმცირე, ასევე მწერველობის მოცემულ დარგთან დაკავშირებული უცხოური კაპიტალის მოხერხებული მოქმედება ადგილობრივ მეწარმეთა გაერთიანებების, მეტადრე სინდიკატის მოსასპობად.

ზემოჩამოთვლილი ღონისძიებებით ყრილობა, თავის შესაძლებლობის ფარგლებში, მრეწველობისათვის გარკვეულ სასარგებლო საქმიანობას ეწეოდა. ის მიზნად ისახავდა წარმოებისა და მადნის გადაზიდვის საშუალებათა „ევროპულად მოწყობას“ ცდილობდა „ეროვნული სული ჩაებერა მარგანეცის მრეწველებისათვის“¹². ყრილობა გარკვეულ გავლენას ახდენდა მრეწველობის წინსვლაზე, მასში ეროვნული ბურჟუაზიის როლის ზრდა-განმტკიცებაზე.

¹¹ ს. წერეთელი, დასახ. ნარკვევი, გაზ. „საქართველო“, 1920, 29 იანვარი, № 20.

¹² იქვე.

ბ. მუნიციპალური საქმიანობა

ყრილობამ გარკვეული მუნიციპალური მოღვაწეობა გაშალა, — ხელი შეუწყო სამრეწველო რაიონის ცენტრის — ჭიათურის უკეთ მოწყობას. ეს სოფელი მარგანეცის მრეწველობის გარიჟრაჟზე მცირე, მივარდნილ დასახლებას წარმოადგენდა. მრეწველობის ზრდამ და ვიწროლიანდაგიანი გზით ამიერკავკასიის მაგისტრალურ რკინიგზასთან დაკავშირებამ ძლიერ გამოაცოცხლა ცხოვრება ჭიათურაში. ამის შემდეგ სამრეწველო აუზში მოპოვებული მადანი (თვით მდ. ყვირილას მარცხენა სანაპიროს — ითხვისის, შუქრუთისა და პერევისის ზეგნებზე მოპოვებულიც) თითქმის მთლიანად ჭიათურის გზით მიემართებოდა; ამ გზითვე შემოდოდა მაღაროთა გასამაგრებელი ხე-ტყე, სამუშაო იარაღები, ტექნიკური მოწყობილობა, სურსათი, ფურაჟი და სხვ. ჭიათურაში მალე გაცხოველდა ალებ-მიცემობა, ჩაისახა და თანდათან გაფართოვდა უამრავი, მრეწველობის დამხმარე სახელოსნოები, გაიხსნა სხვადასხვა სავაჭრო და საკრედიტო დაწესებულება, მრეწველთა „კანტორები“, მადნის დასაწყობი ფარდულები, ბაქნები, საცხოვრებელი სახლები, სატრანსპორტო საქონლის სადგომები და სხვ. აქ დასახლდნენ საქართველოსა და ამიერკავკასიის სხვადასხვა კუთხიდან, რუსეთიდან და უცხო ქვეყნებიდან მოსული ვაჭრები და მრეწველები, ტექნიკური პერსონალი, მოსამსახურეები, მუშები.

დაბა ჭიათურა მხოლოდ 1917 წელს გამოცხადდა ქალაქად. მთავრობის დახმარების მოიმედე მრეწველთა ყრილობა სოფ. ჭიათურის ქალაქის ტიპის დასახლებად გადაქცევის შუამდგომლობების აღძვრას არ დაჭერებია. ყრილობის სახსრებით ჭიათურაში მოეწყო გზები, ქუჩები, ხიდები, სასწავლებლები, ბიბლიოთეკა, სამკითხველო, მუშათა თეატრი, იაფფასიანი სასადილო, აბანო, წყალსადენი, საკანალოზაციო სისტემა, ნავთით და მერე, 1907 წლიდან, ელექტროგანათება, ტელეფონი და სხვ.¹³ ქუჩების კეთილმოწყობა 1901 წლიდან დაიწყო. კეთილმოწყობილი აბანო 1901 — 1902 წლებში აშენდა. პირველი სათეატრო დარბაზი 1899 წელს მოეწყო კერძო სახლში, ხოლო 1906 წლიდან მუშათა თეატრი ახალ შენობაში გადავიდა. 1907 წელს საქალალო სასწავლებელს გადაეცა კაპიტალური შენობა. გარდა ამისა, ყრილობის საბჭომ შეიძინა და ააშენა მრავალი კაპიტალური შენობა, მათ შორის კანტორის, სარემონტო სახელოსნოს, ტენიკური ბიუროს, ცენტ-

¹³ იხ. Статистика чиатурского населения по переписи произведенной статистическим бюро Совета съезда Шорاپанских марганцепромышленников 18—20 января 1903 года. К., 1905 г. სსსა, ფონ. 417, ანაწ. 8, საქ. 3, ფურც. 56—58; ფონ. 417, ანაწ. 1, საქ. 272, ფურც. 7—8.

რალური ელსადგურისა და სხვ. გაიხსნა მომრიგებელი სასამართლო, სახელმწიფო ბანკის განყოფილება, ურთიერთდამკრედიტებელი ამხანაგობის კანტორა და სხვ. ჰიათურა ფაქტიურად პატარა ქალაქად და სამრეწველო რაიონის ნამდვილ ცენტრად იქცა. მრეწველთა ყრილობის საბჭოს ამგვარ საქმიანობას ზღუდავდა საჭირო სახსრების ნაკლებობა; ამის მიუხედავად, მის მუნიციპალურ მოღვაწეობას უდავოდ ჰქონდა მნიშვნელობა ჰიათურისა და მთელი სამრეწველო რაიონისათვის.

გ. მრეწველთა ყრილობა და მუშათა საკითხი

მრეწველთა ყრილობის საქმიანობაში შეინიშნება სამრეწველო რაიონის მუშათა შრომისა და საყოფაცხოვრებო პირობების გაუმჯობესების რიგი ცდები, — სახსრების გამონახვა მუშათა სამედიცინო მომსახურებისათვის, სანიტარული დაწესებულებების მშენებლობისათვის, მუშათა დაზღვევის მოსაწესრიგებლად. სამრეწველო რაიონში მუშათა კონტინგენტი თანდათან იესებოდა და XIX ს. მიწურულს აქ მუშათა მრავალეროვანი რაზმი არსებობდა. მისი შრომისა და ყოფა-ცხოვრების პირობები თავიდანვე აუტანელი იყო. სამრეწველო რაიონში მუშათა უკმაყოფილების გაძლიერებისა და რევოლუციური გამოსვლებისათვის პირობები მწიფდებოდა; წამოიწყო მუშათა სპორადული ეკონომიური ხასიათის გამოსვლები. ბურჟუაზიულ წარმომადგენლობით ორგანიზაციას არ შეეძლო ამისათვის ანგარიში არ გაეწია. ამიტომ მრეწველთა III ყრილობაზე დასმულ იქნა მუშათა ყოფა-ცხოვრების გაუმჯობესებისა და მათი დაზღვევის საკითხი. ყრილობამ გადაწყვიტა კვირაობით მუშათა დასვენება, მათთვის ხელფასის შაბათობით დარიგება, რაც ადრე კვირაობით ხდებოდა, ასევე მუშებისათვის მაღაროებში იაფფასიანი სასადილოების დაარსება და სხვ. მან მიიღო გადაწყვეტილება სამთო მუშათა დაზღვევის შესახებ, რაც ითვალისწინებდა შესაფერისი ფონდის შექმნას ნახევარკაპიტიანი საფუთო გამოსაღებისაგან.¹⁴ მაგრამ, ეს ასე არ გატარდა. ყრილობის საბჭოს მოლაპარაკების შედეგად მუშათა დაზღვევა თავს იღო კერძო სადაზღვევო საზოგადოებამ — „როსიამ“, მაგრამ, მის მიერ შემოთავაზებული პირობები მუშებისათვის ხელსაყრელი არ აღმოჩნდა. მრეწველთა V ყრილობამ კვლავ განიხილა ეს საკითხი, — მოხსენებით გამოვიდა ყრილობის საბჭოს წევრი — ი. ნიჟარაძე, რომელმაც აღიარა, რომ

¹⁴ Труды III съезда марганцепромышленников, К., 1901, гл. 19.

დაზღვევის ის პირობები, რომელიც „როსიამ“ შეიმუშავა და რომლის საფუძველზე 1900—1902 წლებში დაზღვეულ იქნა მარგანეცის მაღაროთა მუშები, მეტისმეტად არახელსაყრელია მუშებისათვის. მოცემულ წლებში, 30 უბედური შემთხვევისას, დაზღვევით განკუთვნილი დახმარება მარტო 6 მუშას მიუღია და ისიც მხოლოდ უმნიშვნელო რაოდენობით. ასე მაგალითად, მუშას, რომელსაც ფეხი მოტყდა და ინვალდიდ გამხდარა, „როსიასგან“ მიუღია მხოლოდ 150 მანეთი, ხოლო უბედური შემთხვევის შედეგად დაღუპული მუშის ოჯახს მხოლოდ 500 მანეთი¹⁵.

ამის გამო მომხსენებელმა მოითხოვა „როსიას“ მეოხებით მუშათა დაზღვევის გაუქმება და საამისოდ სხვა გზის დასახვა. ამის წინააღმდეგ გამოვიდა, ერთი მხრივ, გ. ზდანოვიჩი, ხოლო, მეორე მხრივ, გ. ემერიკი, რომლებიც საქმისადმი უზრუნველობას იმით ამართლებდნენ, რომ 2 წელი საქმარისი არაა „როსიას“ მეშვეობით დაზღვევის პირობების აკარგიანობის დასადგენად და იმუამდგომლეს საქმის გამოსარკვევად კომისიის გამოყოფა და მისი მოხსენების განხილვა მომდევნო ყრილობაზე¹⁶. ამის წინააღმდეგ სასტიკად გაილაშქრა წვრილ მრეწველთა ოპოზიციამ, რომელმაც საკითხის გადაწყვეტაში ცვლილების შეტანას ვერ მიაღწია¹⁷. ხელშეკრულებით „როსიას“ მიერ მუშათა დაზღვევის ვადა მხოლოდ 1904 წლის 22 თებერვალს მთავრდებოდა და ის უცვლელი დარჩა. მუშათა დაზღვევის საქმე სავალალო მდგომარეობაში დარჩა. ამასთანავე მოცემულ პერიოდში, ე. ი. 1905 წლის რევოლუციის წინა ხანებში, ჭიათურაში, როგორც დავინახეთ, აქტიური და ნაყოფიერი მუშაობა გაშალა რსდმ პარტიის კავკასიის კომიტეტის იმერეთ-სამეგრელოს კომიტეტმა, გაძლიერდა მუშათა შორის მარქსისტულ-ლენინური იდეების პროპაგანდა, ჩამოყალიბდა მუშათა წრეები. ჭიათურაში ჯერ კიდევ 1902 წლის ივლისში მოეწყო მუშათა პირველი მძლავრი გაფიცვა. მუშები გამოვიდნენ პოლიტიკური თავისუფლების, შრომის, ყოფაცხოვრების პირობების გაუმჯობესებისა და ხელფასის მომატების მოთხოვნით. მოცემულ პერიოდში მუშათა მძლავრი რევოლუციური მოძრაობა გზას იკაფავდა თითქმის მთელ რუსეთში, სადაც იმპერიალიზმის ეპოქის პირველი სახალხო რევოლუცია მწიფდებოდა. ასეთ ვითარებაში ცბიერმა მეფის მთავრობამ გადაწყვიტა მებრძოლი პრო-

¹⁵ Труды III съезда марганцепромышленников, гл. 19; ЦГИАЛ, ф. 37, оп. 74, д. 348, л. 278.

¹⁶ Труды III съезда гл. 13.

¹⁷ იქვე, გვ. 18.

ლეტარიტის „დამშვიდება“, მეწარმეთა და მუშათა ურთიერთობაში ჩარევა, — 1903 წლის 2 ივნისის მან მიიღო კანონი „მუშა დაზღვევის შესახებ“¹⁸. კანონის ძალით იზრდებოდა მეწარმის პასუხისმგებლობა და უბედური შემთხვევისას დაშავებულ მუშაზე გასაცემი თანხის ოდენობა, რის გამო კიათურის მარგანეცის მრეწველთა V ყრილობამ უარი თქვა სამთო მუშათა დაზღვევაზე¹⁹. „საქმე იმაშია, — განმარტავდა ყრილობის საბჭოს თავმჯდომარე გ. ზდანოვიჩი, — რომ 2 ივნისის კანონმა ძლიერ დააშინა სადაზღვევო ორგანიზაციები, რომლებიც ან უარს ამბობენ დაზღვევაზე ან აწესებენ მაღალ განაკვეთს“²⁰. მარგანეცის მრეწველთა VI ყრილობამ (1904 წ.) კვლავ განიხილა სამთო მუშათა დაზღვევის საკითხი. მან ცნობად მიიღო, რომ „როსიას“ მეშ-

¹⁸ 1903 წლის 2 ივნისის კანონი ეხებოდა საფაბრიკო, სამთო და სამთო-საქარხნო მრეწველობის მუშებს. კანონით უბედური შემთხვევისას მუშას გასამრჩელო ეძლეოდა თუ იგი 3 დღეზე მეტი ხნით დაკარგავდა შრომის უნარს. მეწარმე მხოლოდ მაშინ თავისუფლდებოდა სადაზღვევო თანხის გადასახადისაგან, თუკი ის დამტკიცებდა, რომ უბედური შემთხვევა განზრახ ან მუშის უხეში დაუდევრობით მოხდა. მუშის სიკვდილის შემთხვევაში მეწარმე ვალდებული იყო: 1) გადაეხადა გარდაცვლილის დაკრძალვის ხარჯი, უკანასკნელის ასაკის შესაბამისად — 15-დან 30 მანეთამდე; 2) ყოველწლიურად გაეცა გარდაცვლილის ოჯახზე პენსია ყოფილი მუშის ხელფასის $\frac{2}{3}$ -ს რაოდენობით. მუშის დასახიჩრების შემთხვევაში მრეწველი მოვალე იყო: 1) აღმოეჩინა მისთვის უსასყიდლო საექიმო დახმარება ან აენაზღაურებინა მკურნალობასთან დაკავშირებული ხარჯები, 2) მკურნალობის პერიოდში მუშისათვის მიეცა მისი საშუალო ხელფასის ნახევარი, 3) დაზარალებულის მიერ შრომის უნარის სრულად დაკარგვისას — მიეცა მისთვის ყოველწლიურად პენსია, ხელფასის $\frac{2}{3}$ -ს რაოდენობით, ხოლო შრომის უნარის ნაწილობრივი დაკარგვისას შესაბამისი წლიური პენსია ურთიერთშეთანხმების საფუძველზე ან კიდევ პენსია მიეცა ერთდროულად 10-მავი ოდენობით. პენსიის გაცემის საქმის მოსაწესრიგებლად და ერთგლამენტაციისათვის პროფესიონალური მუშის წლიური ხელფასის ოდენობად დადგინდა 260 მანეთი, შავი მუშის წლიური ხელფასი უნდა განესაზღვრა საფაბრიკო-საქარხნო საქმეთა საგუბერნიო საკრებულოს.

მეწარმისა და დაზარალებული მუშის შეთანხმება პენსიის თაობაზე ძალაში შედიოდა მხოლოდ საფაბრიკო ინსპექციის ან საოკრუგო სამთო ინჟინრის მიერ დამტკიცების შემდეგ. თუკი სამრეწველო დაწესებულება დახურვას ექვემდებარებოდა, მის მუშატრონეს ხანდაზმული მუშა უნდა დაეზღვია სადაზღვევო ან საბანკო დეწესებულებაში. თუკი საწარმო მეგვიდრეობით გადაიციმოდა მუშის დაზღვევის მოვალეობაც მეგვიდრეზე გადადიოდა.

უბედურ შემთხვევათა აღრიცხვა ხდებოდა საამისოდ შემოღებულ წიგნში. მეწარმე, რომელსაც ეს წიგნი არ აღმოაჩნდებოდა, ჯარიმდებოდა 25-დან 100 მანეთამდე. ასეთი იყო, მოკლე ხაზებში, 1903 წლის 2 ივნისის კანონის არსი (დაწვრილ ტ. Труды VI съезда Шоропанских марганецпромышленников. К., 1901, 33. 14—16.

¹⁹ ЦГИАЛ, ф. 37, оп. 72, д. 138, л. 178.

²⁰ იქვე.

ევობით დაზღვევის ვადა მთავრდება და შეიმუშავა მუშათა დაზღვევის პირობები, რომლის თანახმად სადაზღვევო თანხის $\frac{1}{10}$ ნაწილს იხდიდა მეწარმე, რომელთანაც უბედური შემთხვევა მოხდებოდა, ხოლო $\frac{9}{10}$ ნაწილს ყრილობის საბჭო საფუთო გამოსაღებიდან საამისოდ 30 ათასი მანეთის გამოყოფით²¹. სამთო მუშათა დაზღვევის საქმე არც ამ გადაწყვეტილებით მოწესრიგებულა. ეს აღიარა გ. ზდანოვიჩმა მრეწველთა VIII ყრილობაზე პენსიების თაობაზე გაკეთებულ მოხსენებაში, სადაც დაასაბუთა, რომ ბევრი მრეწველი კვლავაც არ ასრულებს VI ყრილობის გადაწყვეტილებას და რომ მრეწველები დაზარალებულ მუშებს ქრთამს სთხოვენ საბჭოში დაზღვევის თანხის $\frac{9}{10}$ ნაწილის მისაღებად წარსადგენი ცნობების გაცემისათვის. 1905 წელს რევოლუციამ მთელ საქართველოში და, კერძოდ, კიათურაში უმაგალითო გაქანებას მიადწია. ასეთ ვითარებაში მრეწველთა VIII ყრილობა იძულებული გახდა განეხილა მუშათა საკითხი. აქ საგანგებოდ აღინიშნა, რომ ახალი კანონმდებლობით მუშათა დაზღვევის მთელი პასუხისმგებლობა ეკისრება მეწარმეს, რომელიც ვალდებულია გაიღოს პენსიისათვის განკუთვნილი თანხა. აღიარებულ იქნა, რომ „დაშავებულ მუშათა უზრუნველყოფის საქმე ცუდადაა დაყენებული, კიდევ უფრო უარესი მდგომარეობაა მუშაობის უსაფრთხოების წესების დაცვის მხრივ“²². ყრილობამ კვლავ მიიღო ახალი გადაწყვეტილება, რომლის თანახმად პენსიას იძლეოდა მრეწველთა საბჭო, იმ მეწარმეთა ხარჯზე, რომელთა საბადოშიც უბედური შემთხვევა მოხდებოდა. არც ეს გადაწყვეტილება გატარებულა ცხოვრებაში. შემდეგში მრეწველთა ყრილობამ დაადგინა, რომ ის თვითონ გაიღებდა 30 ათას მანეთს მუშათა დასაზღვევად, მაგრამ იმ პირობით, რომ გადასახდელი თანხის 50%-ს მრეწველი გაიღებდა. საქმე არც ამით მოწესრიგდა. ეს აღიარა მრეწველთა IX ყრილობამ (1907 წ.), რომელმაც სცნო, რომ მუშათა დაზღვევის საქმეში ადგილი აქვს ბოროტმოქმედებას, რომ ის პირი, რომელიც მოვალეა აწარმოოს მუშებზე პენსიების გაცემა „დახმარების მაგიერ უბედური შემთხვევებით დასახიჩრებულ მუშებს ართმევს იმ თანხის ნაწილს, რომელსაც ისინი პენსიის სახით იღებენ“²³. ამავე ყრილობაზე (სარევიზიო კომისიის ოფიციალურ ანგარიშში) მუშათა დაზღვევის თაობაზე აღინიშნა აგრეთვე, რომ „პენსიისათვის გამოყოფილი 60 ათასი მანეთიდან დანიშნულებისამებრ არ დაიხარჯა 40 ათასზე მეტი“²⁴. მრეწველთა XIII ყრი-

²¹ Труды VI съезда... Марганцепромышленников, К., 1904, гл. 47—49.

²² Труды VIII съезда... марганцепромышленников, К., 1906, гл. 45.

²³ Труды IX и X съездов... марганцепромышленников, К., 1908, гл. 38.

²⁴ Труды IX и X съездов... гл. 38.

ლობამ, რომელმაც აღიარა უბედურ შემთხვევათა ყოველწლიური ზრდა,²⁵ სცნო რომ წარმოებაში დაშავებულ-დაზარალებულ მუშებზე 1908 წლის 1 იანვრისათვის გაუცემელი თანხის საერთო ოდენობა 130 000 მანეთს უდრიდა²⁶. მეწარმენი გაურბოდნენ უბედური შემთხვევებისას დაშავებულთათვის თუ დაღუპულთა ოჯახებისათვის კანონით დადგენილი მცირედი სადაზღვევო თანხის გადახდასაც. ასე მაგალითად, 1910 წელს ქუთაისის გუბერნიის საფაბრიკო და სამთო-საქარხნო საქმეთა საგანგებო საკრებულომ სპეციალურად განიხილა მეწარმეთა — ვ. მოდებაძის, კ. მასხარაშვილის. პ. ქუთათელაძის, გ. გუჯეჯიანის, ფრანგული ანონიმური სამრეწველო და კომერციული საზოგადოების რწმუნებულ ნ. ვოტრენის და სხვათა მიერ უბედური შემთხვევებისას დაშავებული მუშებისათვის კანონით განკუთვნილი თანხის გადაუხდელობის საკითხი, — ისინი დაავალდებულა გაესტუმრებინათ მუშები და თანაც დააჯარიმა კანონის დარღვევისათვის²⁷. სამთო მუშათა დაზღვევის მდგომარეობას არსებითი გაუმჯობესება მომდევნო წლებშიც არ განუტლია²⁸. ჯერ ერთი, მეწარმენი გაურბოდნენ დაშავებულ მუშებზე პენსიის გაცემას; მეორეც, ყრილობის საბჭო მუშებს დაზღვევის განკუთვნილ თანხას თავის დროზე იშვიათად აძლევდა, ისიც ქრთამის მიღების გარეშე; მესამეც, როგორც ამას აღიარებს მრეწველთა საბჭოს თავმჯდომარე, წერილი მეწარმენი იშვიათად იხდიდნენ ამ თანხას²⁹. ამრიგად, სამთო მუშათა დაზღვევის საქმე ჭიათურაში ფაქტიურად მოუწესრიგებელი დარჩა, ხოლო მოპოვებული მადნის გადაზიდვასა და მრეწველობის დამხმარე დარგებში დასაქმებული რამდენიმე ათასი მუშის დაზღვევის საკითხი არც დასმულა მთელ რევოლუციამდელ ხანაში.

მრეწველთა V ყრილობამ განიხილა მუშათა საყოფაცხოვრებო პირობების გაუმჯობესების საკითხი, საქმის შესასწავლად და ღონისძიების შესამუშავებლად კომისიაც გამოყო, მაგრამ, ამ მხრივ მრეწველთა ყრილობის მონაწილეობით არსებით ძვრებს ადგილი არ ჰქონია; თუმცა, მეწარმეთა ნაწილმა საკუთარი სახსრებით მალარობებში ააშენა ქვიტკირის საცხოვრებელი სახლები და ხის ყაზარმები. ყრილობამ ცხოვრებაში ვერ გაატარა თავისი გადაწყვეტილებები მალარობებში იაფფასიანი სასადილოების გახსნაზე, აბანოების აგებაზე და სხვ. ამ მიმართულებით მან მხოლოდ წამოიწყო ზრუნვა. 1905 წელს ასეთი სა-

²⁵ Труды XIII съезда... К., 1910, гв. 104.

²⁶ იქვე.

²⁷ ქსნა, ფონ. 39, საქ. 15, ფურც. 3—9.

²⁸ იხ. Труды XIII съезда... марганцепромышленников, К., 1910, гв. 104.

²⁹ ЦГИАЛ; ф. 37, оп. 72, д. 138, л. 178.

სადილო გახსნა ჰიათურაში, 1906 წელს ჰიქოურში.³⁰ მრეწველთა ყრილობამ გარკვეული ზრუნვა გამოიჩინა მუშათა საექიმო მომსახურებაზე. მრეწველთა ყრილობის საბჭომ სოფ. ჰიათურაში 1897 წელს გახსნა საავადმყოფოს ტიპის საექიმო პუნქტი 6 საწოლითა და პატარა აფთიაქით. მას ჯერ მაზრის ექიმი ემსახურებოდა, ხოლო შემდეგ საბჭოს მიერ სპეციალურად მოწვეული ექიმი. მრეწველთა III ყრილობამ გადაწყვიტა ეშუამდგომლა გუბერნიის ადმინისტრაციის წინაშე ჰიათურის ქსენონის ყრილობის საბჭოსათვის გადაცემაზე. ის დაპირებას იძლეოდა, რომ ქსენონს გადააკეთებდა 50—60-საწოლიან საავადმყოფოდ³¹. თუ რაოდენ სავალალო მდგომარეობაში იმყოფებოდა სამრეწველო რაიონის სამედიცინო მომსახურება, ამას მოწმობს იქ არსებული ქსენონის დათვალიერების აქტი, შედგენილი, სამთო ოკრუგის ინჟინრის პ. მაკოვსკის მიერ. აქტში ვკითხულობთ: «Осмотривал 25 февраля 1900 года приемный покой Ширапанских марганцевых промыслов, при чем оказалось: пять комнат содержатся без всякого ремонта, печи растрескались до такой степени, что дымят при всякой топке; вентиляции нет никакой; воздух крайне тяжелый, имеется шесть кроватей приблизительно на 2 тысячи пятьсот горнорабочих; если же принять в соображение и возчиков, то не менее, как на 4000 рабочих; на кроватях и то не на всех, соломенные матрасы, видимо, долго непременяемые и не очищаемые; по заявлению фельдшера Пулария, в течении трех месяцев существует такое положение без перемен, вследствие неимения запасных чехлов, которых имеются в наличности всего три на шесть кроватей: в одной комнате на полу в своей одежде лежал умерший рабочий, покрытый одеялом; в двух комнатах лежали рабочие больные... все без подушек, без простыни и без одеял; аптека далеко не полная; хирургические инструменты в негодном состоянии... больные, за неимением белья и невозможности принять ванну, укладываются на кровати в том грязном виде, в каком они приходят с рудничных работ; приходящих больных бывает до 25 человек в день, в среднем, в летнее же время число это достигает восьмидесяти человек; за неимением места ежедневно приходится отказывать в приеме больных».³²

ასეთ, უკიდურესად მძიმე ვითარებაში იმყოფებოდა სამრეწველო რაიონის სამკურნალო დაწესებულება, რომელიც 1901 წლამდე გუბერნიის სამედიცინო სამსახურს ექვემდებარებოდა. მას გან ვიბდა მაზრის ექიმი, რომელიც სამსახურებრივი მოვალეობის შესაბამისად, ჰიათურაში კვირაში მხოლოდ ორჯერ მოდიოდა, ხოლო ყრილობის

³⁰ Труды IX и X съездов, гл. 42.

³¹ Труды III съезда, гл. 73.

³² ЦГИАЛ, ф. 37, оп. 67, л. 954, л. 36—37.

საბჭოს ექიმი — ერთხელ. ყრილობის საბჭო 1901—1902 წლებში სამედიცინო მომსახურებისათვის წლიურად ხარჯავდა მხოლოდ 2500 მანეთს. მრეწველთა ყრილობის გადაწყვეტილებით საბჭოს უნდა შეეძინა სახლი საავადმყოფოსათვის, მაგრამ, როგორც V ყრილობაზე გამოიკვია, მან ეს არ გააკეთა. მომდევნო წლებში მდგომარეობა რამდენადმე გამოსწორდა. საავადმყოფოსათვის კეთილმოწყობილი სახლი აიგო; ყრილობის ხარჯზე არსებულ საავადმყოფოს 1905—1907 წლებში 26 თანამშრომელი ემსახურებოდა. აქედან 2 ექიმი იყო და 5 ფერშალი. მაგრამ, საავადმყოფოს მოვალეობას მხოლოდ სამთო მუშების მომსახურება შეადგენდა, ხოლო სამრეწველო რაიონის სხვა, ათასობით მუშები ამ მხრივაც სავსებით უყურადღებოდ იყო მიტოვებული. მრეწველთა ყრილობის საბჭომ 1909 წლიდან 4 საფერშლო პუნქტი გახსნა საბადო ზეგნებზე³³. საავადმყოფოს მოსამსახურე პერსონალი შეივსო, ჩამოყალიბდა სამედიცინო-სანიტარული, ასევე სანიტარულ-ვეტერინარული განყოფილება და სხვ.³⁴. როგორც ვხედავთ, ყრილობამ გარკვეული ღონისძიებები გაატარა სამრეწველო რაიონის სამედიცინო მომსახურებისათვის, მაგრამ მან ვერ შეძლო მოთხოვნების დაკმაყოფილება და მშრომელი მოსახლეობის მნიშვნელოვანი ნაწილი მოკლებული იყო სამედიცინო მომსახურებას.

ყრილობის მიერ ე. წ. „მუშათა საკითხის“ დასმა და გარკვეული ღონისძიებების გატარება სამრეწველო რაიონის მუშათა რევოლუციური ბრძოლის გაძლიერების საპასუხო ღონისძიებას წარმოადგენდა და მიზნად ისახავდა „მუშათა დამშვიდებას“.

დ. ღონისძიებანი სახალხო განათლების გასავრცელებლად

ყრილობამ და მისმა საბჭომ გარკვეული ნაბიჯი გადადგა მრეწველობის მოცემული დარგისათვის სამთო-ტექნიკური კადრების მოსამზადებლად და სამრეწველო რაიონში განათლების გასავრცელებლად. მრეწველთა II ყრილობამ ჭიათურის სასულიერო სამრეწველო სკოლის შესანახად ყოველწლიურად 600 მანეთის გადასახდებინა. ჭიათურასა და ქუთაისში (ყრილობის საბჭოს შენობაში) გაიხსნა საერთო სარგებლობის სამკითხველო. მრეწველთა III ყრილობამ სამთო სკოლებში მოსწავლეთათვის სტიპენდიების დანიშვნა გადაწყვიტა. დაბალი ტიპის სამთო სასწავლებლების მოსწავლეებს

³³ ЦГИАЛ, ф. 37, оп. 67, д. 954, л. 27, 67, 68.

³⁴ Труды XV (очередного) съезда марганцепромышленников, К., 1913, 33. 54—57.

დაენიშნათ თითოს 300—500 მანეთი წელიწადში,³⁵ ხოლო უმაღლესი სამთო სასწავლებლის ერთ მოსწავლეს 800—მანეთი. 1905—1906 წლებში საბჭო სტიპენდიების ხაზით იხდიდა 30 000 მანეთს. მას სულ ჰყავდა 166 სტიპენდიანტი: 78 სტიპენდიანტი — დაბალი ტიპის სასწავლებელში, 61 — საშუალო ტიპისა, ხოლო 27 — უმაღლეს სასწავლებელში. საბჭოს სტიპენდიანტები სწავლობდნენ დაწყებით, საშუალო და უმაღლეს სასწავლებელში ჩვენში, რუსეთში და უცხოეთში. ისინი იყვნენ:

ტ ა რ ი ლ ი 150

წ ე ლ ი	ს ა ს წ ა ვ ლ ე ბ ლ ე ბ ი				ს უ ლ
	დაწყებითი	საშუალო	უმაღლესი		
			რუსეთში	უცხოეთში	
1905	25	62	11	11	112
1906	48	74	—	17	139
1907	37	50	13	14	114
1908	23	45	12	12	92
1909	29	74	11	10	124
1910	25	67	21	7	120
1911	13	60	22	5	100
1912	10	51	12	1	74
1913	5	43	19	2	60
1914	3	62	12	2	79
1915	1	47	—	—	48
ს უ ლ	219	538	133	81	1,071

საბჭო მრავალ მოსწავლეს ეხმარებოდა; მისი სტიპენდიით რამდენიმე ასეული ახალგაზრდა გაიზარდა ადგილობრივ, რუსეთისა და უცხოეთის სხვადასხვა სასწავლებელში³⁷. ყრილობის საბჭო შეუდგა საკვირაო სკოლის, სახალხო სამკითხველოსა და სახალხო თეატრის დაარსებას. მალე გაფართოვდა ჭიათურის დაწყებითი სასწავლებელი და სამკითხველო. ახალი სამკითხველო დაარსდა ჭიქოურში, საკვირაო სკოლა და თეატრი — ჭიათურაში³⁸. ჩამოყალიბდა „ჭიათურის საზოგადოებრივი კრება“, რომლის წესდება 1904 წლის 9 მარტს დაამტკიცა შინაგან საქმეთა სამინისტრომ. კრების მიზანი იყო მუსიკისა და დრამატული ხელოვნების მოყვარულთა გაერთიანება. ამასთანავე მას —

³⁵ Труды XV (очередного) съезда марганцепромышленников, гв. 8.

³⁶ სსსა, ფონ. 417, ანაწ. 7, საქ. 44, ფურც. 80—82; ვლ. ჭინიჭილი, დასახ. ნაშრ., გვ. 382.

³⁷ იხ. ს. წერეთელი, დასახ. ნარკვევი, „საქართველო“, 1920, 29 იანვარი, № 20.

³⁸ Отчет о деятельности Совета съезда за 1905 и 1906 гг., К., 1907.

ეკითხულობთ წესდებაში, — ხელი უნდა შეეწყოს ადგილობრივი მოსახლეობის ესთეტიკური გემოვნების გამომუშავება-განვითარებისათვის. კრებას უნდა მოეწყოს მუსიკალური და ლიტერატურული საღამოები, წარმოდგენები, კონცერტები, მასკარადები, საოჯახო და საცეკვაო საღამოები და სხვა, — „კანონით ნება დართული გართობები“; პოლიციის კონტროლის ქვეშ.³⁹ სინამდვილეში ამგვარი ღონისძიებების გატარებას, მუშათა რევოლუციური მოძრაობის აღმავლობის ვითარებაში, მთავრობის ორგანოები წარმართავდნენ მთელ იმპერიაში. მათი გატარებით ცარიზმი ცდილობდა მუშებზე იდეური გავლენის მოხდენას, ესწრაფვოდა მუშათა შორის თვითმპყრობელურ-მონარქისტული და ლიბერალურ-ბურჟუაზიული იდეების გავრცელებას⁴⁰. 1904 წელს გაიხსნა ჰიათურის საქალაქო სასწავლებელი. ამ სასწავლებლისათვის 1906 წელს აიგო ახალი შენობა, რაც დაჯდა 14 240 მანეთი. საქალაქო სასწავლებელი 1906 წელს ექვსკლასიანი იყო. ამავე წელს სასწავლებელთან გაიხსნა ერთკლასიანი დაწყებითი სკოლა. საკვირაო სკოლაში სამი ჯგუფი იყო: პირველი წერა-კითხვის უცოდინართათვის, მეორე ქართულად წერა-კითხვის მცოდნეთათვის, მესამე — ქართულად და რუსულად წერა-კითხვის მცოდნეთათვის. ამ სკოლაში ირიცხებოდნენ მოსწავლეები 12-დან 40 წლის ასაკამდე. მოსწავლეთა 38%-ს მუშები შეადგენდნენ. დაწყებითი და საკვირაო

ცხრილი 3¹¹

სასწავლებლების დასახელება	მოსწავლეთა რაოდენობა წლების მიხედვით			
	1911	1912	1913	1914
ჰიათურ-ს საქალაქო სასწავლებელი	209	264	278	—
ჰიათურის ვაჟთა უმაღლესი დაწყებითი სასწავლებელი	—	—	—	294
ჰიათურის დაწყებითი სასწავლებელი	178	175	—	241
ქალთა უმაღლესი დაწყებითი სასწავლებელი	—	—	39	48
ჰიათურის ქალთა დაბალი დაწყებითი სასწავლებელი	—	—	145	157
სამთორჯ-ქნიკური განყოფილება (ვაჟთა უმაღ. დაწყებითი სასწავლ.)	—	—	—	35
მუქრუთის დაწყებითი სასწავლებელი	—	—	157	140
მღვიმევის	—	—	134	133
ზედა რგანას	—	—	88	85
ჰიათურის ბერძენების ერთკლასიანი სასწავლებელი	—	—	84	102

³⁹ ЦГИАЛ, ф. 1284, оп. 187 д. 384, 1801 — 1904 гг. л. 32

⁴⁰ Л. М. Иванов, Пролетариат и самодержавие: Некоторые вопросы идеологического воздействия царизма на рабочих (Сборник: «Пролетариат России на пути к октябрю 1917 года. Материалы к научной сессии по истории Пролетариата. часть 1, Одесса, 1967, гв. 75—106).

⁴¹ Отчет о деятельности Совета съезда марганцепромышленников за 1913 и 1914 гг., К., 1915, гв. 37.

სკოლები, ასევე შტეიგერთა კურსები, ყრილობის საბჭოს ხარჯზე არსებობდა.

1911 — 1914 წლებში მრეწველთა საბჭოს ხარჯზე კიათურაში შემდეგი სასწავლებლები არსებობდა (იხ. ცხრილი 3).

როგორც ვხედავთ, სამრეწველო რაიონში განათლების ქსელი ფართოვდებოდა.

მრეწველთა ყრილობის საგანმანათლებლო საქმიანობა არა თუ მხარდაჭერას პოულობდა მთავრობის ორგანოებში, არამედ, პირიქით, მონღელთა და ზოგიერთ არაქართველ სპეციალისტთა გულისწყრომასაც იწვევდა, რის გამო უკმაყოფილებას გამოთქვამდნენ მრეწველობაში ჩაბმული ქართველი მოღვაწენი. ასე მაგალითად, მრეწველთა V ყრილობაზე ინჟ. ჩერნიაევსკის უხამსი გამოსვლის გამო ცნობილმა მოღვაწემ, მარგანეცის მრეწველმა პ. წულუკიძემ პროტესტი გამოთქვა და სამართლიანად შენიშნა: „ჩვენდა საუბედუროდ, მოსული კაცები, უმეტესწილად ისე უგულოდ გვეყიდებიან... რომ კაცს გააკვირვებს მათი საქციელი. ეს არაფერი: მოგვდგებიან და ისევ ჩვენ გვაგინებენ და გეთათხავენ, ჭამბაზობენ და თვალთმაქცობენ... მეტი ქარაფშუტობა იქნება? იმისათვისაც კი ჰკიცხავენ მრეწველთ, რატომ სასწავლებლისა, თეატრისა და წიგნთ-საცავებისათვის ზრუნავენო. დიახს, სავალალოა ასეთი საყვედურები“⁴². სამაგიეროდ გამოჩენილი ქართველი მოღვაწენი მხარდაჭერას უწევდნენ და ცხოველი ინტერესით ეყიდებოდნენ მრეწველთა ყრილობის საგანმანათლებლო საქმიანობას. ამ მხრივ ნიშანდობლივია, მაგალითად, იაკობ გოგებაშვილის გამოხმაურება კიათურის საქალაქო სასწავლებელთან 1911 წელს სამთო-ტექნიკური განყოფილების გახსნისადმი. გამოჩენილი მოღვაწე და პედაგოგი სიხარულით შეეგება კიათურის საქალაქო სასწავლებელთან სპეციალური სამთო-ტექნიკური განყოფილების გახსნას, ამავე დროს შეშფოთებას გამოთქვამდა იმის გამო, რომ დამატებით კლასებში ქართულ ენაზე არც ერთი საგნის სწავლა არ იყო ნავარაუდები, რომ „თვითონ ქართული ენის და ქართული ლიტერატურის ჰქაანებაც არ იქნება ამ ახალ კლასებში“⁴³. ი. გოგებაშვილი ამ უკუღმართობას სახიფათოდ თვლიდა, რადგან შიშობდა, რომ „ეს უკუღმართობა გადალახავს ამ სასწავლებლის საზღვრებს და მოარულ კირივით სხვა სასწავლებლებსაც გადაედება,“ რომ „კიათურის სატექნიკო სკოლის მაგალითი ჭერ შეარყევს და შეამცირებს ენას სპეცილურ სასწავლებლებში და ბოლოს კი სულ გააქრობს“.

დიდი პედაგოგი და პატრიოტი საჭიროდ თვლის „რომ კიათურის

⁴² იხ. „ივერია“, 1903, № 11.

⁴³ ი. გოგებაშვილი, თხზ., ტ. 4, თბ., 1955, გვ. 389.

სატექნიკო კლასშიაც უსათუოდ კვირაში რამდენიმე გაკვეთილი დაეთმოს ქართულ ლიტერატურას და იგი ძმურად გვერდში ამოუდგეს რუსულ ლიტერატურას“. ი. გოგებაშვილის გამოსვლამ დიდი გამოხმაურება პოვა და მან დისკუსიაც გამოიწვია. ი. გოგებაშვილის გამოსვლას უარყოფითად შეეგება მრეწველთა ყრილობის საბჭო, რომლის სახელით კ. აბაშიძე სამთო-ტექნიკური სკოლიდან ქართულის განდევნას იმით ამართლებდა, რომ მთავრობამ არ ინება ამ სკოლაში ქართულ ენაზე სწავლების დაშვებაო. თავის საპასუხო წერილში ი. გოგებაშვილი საყვედურობს კ. აბაშიძეს, რომ მრეწველთა ყრილობამ სატექნიკო სკოლაში ქართულ ენაზე სწავლების შემოსაღებად მხოლოდ დაბალ ინსტანციებში იზრუნა და არ მიმართა მთავრობის მაღალ ინსტანციებს. ჭიათურის სპეციალური სასწავლებლიდან ქართული ენის განდევნა დიდ პედაგოგს სამწუხარო პრეცედენტად მიაჩნდა, მით უმეტეს, რომ სხვა სპეციალურ სასწავლებლებში ქართულ ენას გარკვეული ადგილი ჰქონდა დათმობილი. ამის გამო „ჭიათურის ანტიპედაგოგიური სკოლის“ დაარსება, საიდანაც ქართული ენა იღვენებოდა, საზიანო საქმედ მიაჩნდა, მით უფრო, რომ ის ხარჯებს მოითხოვდა და შეამცირებდა „იმ ჯამს, იმ რაოდენობას ფულებისას, რომელსაც ჭიათურის საბჭო ხარჯავს სტიპენდიაზედ და სხვა საზოგადო საქმეზედ“¹⁴.

მრეწველთა ყრილობამ, მრავალი სასწავლებელი დააარსა ჭიათურაში და სხვა სოფლებში (მღვიმევი, შუქრუთი, ზედა რვანი), ქალთა კერძო პროგიმნაზია გადააკეთა ქალთა უმაღლეს დაწყებით სასწავლებლად, ხოლო ჭიათურის საქალაქო სასწავლებელი 1914 წლის დამდეგიდან ასევე გადააკეთა უმაღლეს დაწყებით სასწავლებლად, გახსნა ქალთა და ვაჟთა პირველდაწყებითი სკოლები. ყრილობის საბჭო მატერიალურ მხარდაჭერას უწევდა სახალხო კურსებსა და სახალხო უნივერსიტეტს, ბერძნებისა და სომხების სკოლებს ჭიათურასა და ფოთში და სხვ.

ყრილობის საგანმანათლებლო საქმიანობას, ცხადია, გააჩნდა სერიოზული ხარვეზებიც: ის ვერ აკმაყოფილებდა სამრეწველო რაიონის მშრომელთა მოთხოვნილებას სწავლა-განათლებაზე. ასე, მაგალითად, 1910 წელს საქალაქო სასწავლებელს „აუარებელი მოთხოვნილი მოაწვა, მაგრამ ადგილის უქონლობის გამო 3/4 უკან გაბრუნდა“.¹⁵ ამის მიუხედავად, მის მიერ ამ მიმართულებით გაწეული მუშაობა პროგრესული საზოგადოებრივი მნიშვნელობის საქმე იყო.

¹⁴ ი. გოგებაშვილი, თხზ., ტ. 4, გვ. 390, 408, 409.

¹⁵ გაზ. „სხივი“, 1910, 9 თებერვალი, № 3.

ე. საქველმოქმედო საქმიანობა

უნდა შევნიშნოთ, რომ ყრილობის საგანმანათლებლო საქმიანობას ზოლად გასდევს საქველმოქმედო ხასიათი. ამასთანავე მრეწველთა ყრილობებზე მრავალჯერ დაისვა და ზოგჯერ კიდევ განხორციელდა სხვადასხვა საზოგადოებრივი მნიშვნელობის საქმის მოსაწესრიგებლად თუ ხელის შესაწყობად თანხების გაღების საკითხი. ამ მხრივ საყურადღებოა, მაგალითად მრეწველთა IX ყრილობა. მისი გადაწყვეტილებით დახმარების სახით თანხები მიეცა: ხონის კერძო გიმნაზიას — 500 მანეთი, ქართველთა შორის წერა-კითხვის გამავრცელებელ საზოგადოებას — 2000 მანეთი (რაც უნდა დახარჯულიყო ქართულ ენაზე სახელმძღვანელოების შესაქმნელად), ქუთაისის სასოფლო-სამეურნეო სკოლას — 1000 მანეთი; სპარსეთის ქართული მოსახლეობისათვის გაღებულ იქნა — 1500 მანეთი, ქართველ მუსლიმანთათვის წიგნების გამოსაცემად — 300 მანეთი.⁴⁶ საჩხერის საზოგადოებას ხიდის ასაშენებლად მიეცა 2000 მანეთი, ქუთაისში ჰაშუალო სამრეწველო სკოლის დაწესების მიზნით ფონდის შესაქმნელად გაიღო 6000 მანეთი.⁴⁷ ყრილობის საბჭოს ინიციატივით მრეწველთა გაერთიანება „შავი ქვა“ თავის შემოსავლის 3%-ს ითვალისწინებდა ქართული პერიოდული პრესის დასახმარებლად⁴⁸ და სხვ. ზოგიერთი რუსი მოხელენი სასტიკად ადანაშაულებდნენ საბჭოს საქველმოქმედო საქმიანობისათვის. ასე მაგალითად, ინჟ. ა. ბუნგე ბრალს სდებდა ყრილობას და მის საბჭოს „თანხების არარაციონალური ხარჯვისათვის“ — ქველმოქმედებისათვის⁴⁹. წარმომადგენლობითი ორგანიზაციის საქველმოქმედო საქმიანობა გარკვეულ წარმოდგენას იძლევა მის სათავეში მყოფ ქართველ მოღვაწეთა განწყობილებების დასახასიათებლად.

ვ. ყრილობაზე მუშათა წარმომადგენლების დაშვების საკითხი

ეს საკითხი მწვავე კამათის საგნად იქცა ჯერ კიდევ მრეწველთა I ყრილობაზე — წარმომადგენლობითი ორგანიზაციის „დებულების“ განხილვისას. წერილ მრეწველთა წარმომადგენლებმა საჭიროდ ჩათვალეს შეევსოთ „დებულების“ მე-9 მუხლი, სადაც უნდა შესულიყო შესწორება, რომ ყრილობებზე დაიშვებოდნენ მუშები ან მათი

⁴⁶ Труды IX и X съездов марганцепромышленников, К., 1908, гл. 9.

⁴⁷ Труды XV (очередного) съезда марганцепромышленников, К., 1913, гл. 207—209.

⁴⁸ Договор общества «Шави Ква», К., 1902, статья 26.

⁴⁹ Н. Николадзе, «Полукопеечный сбор», Потн, 1908, гл. 228.

წარმომადგენლები, რადგან ისინი მრეწველებზე ნაკლებად არ არიან დაინტერესებული მარგანეცის მრეწველობის საქმით⁵⁰. ეს წინადადება მრეწველთა უმრავლესობამ მიუღებლად ჩათვალა. მაგრამ, როცა სამრეწველო რაიონის მუშათა კლასი სერიოზულ ძალად იქცა და აქტიურად ჩაება ეპოქის გამათავისუფლებელ-რევოლუციურ მოძრაობაში, მუშათა წარმომადგენლების დაშვება მრეწველთა ყრილობაზე კვლავ წამოკრეს თვითონ მრეწველებმა. 1905 წლის რევოლუციის ქარიშხლიან დღეებში ეს საკითხი განიხილა მრეწველთა VIII ყრილობამ, რომელმაც მთავრობის წინაშე აღძრა საკითხი ყრილობაზე. მუშათა წარმომადგენლების დაშვებაზე, რაზეც დადებითი პასუხი იქნა მიღებული.

მრეწველთა IX ყრილობამ ამ საკითხზე მოისმინა ყრილობის საბჭოს თავმჯდომარის მოადგილის კიტა აბაშიძის მოხსენება. მან გამოთქვა მოსაზრება, რომ ყრილობაზე გადამწყვეტი ხმის უფლება მისცემოდა ყოველი 300 მუშის მიერ არჩეულ წარმომადგენელს, რომლის არჩევის დროს გათვალისწინებული უნდა ყოფილიყო აგრეთვე მდინის მოპოვების ოდენობაც: 1 წარმომადგენელი უნდა აერჩიათ მაღაროს მუშებს, რომელთაც მოიპოვეს 2 მილიონი ფუთი მადანი. წინასწარი ვარაუდის თანახმად რგანი და ზედა რგანი აირჩევდა 2 წარმომადგენელს, მღვიმევი, ხალიფაური და თაბაგრები — 4, დარკვეთი და პერევისა თითოს, შუქრუთი და ითხვისი — 2, სამრეწველო რაიონის მეურმე ჩალვადრები — 1, რკინიგზის ვაგონების მტვირთავნი — 1 მუშას, ანუ სულ 12 წარმომადგენელს. საკითხის განხილვა მწვავე დისკუსია გამოიწვია. ყრილობის ერთი დაჯგუფების წარმომადგენლები (ექსპორტიორები — პერსინაკი და სხვ.) მუშათა წარმომადგენლების დაშვებას ფაქტიურად ეწინააღმდეგებოდნენ⁵¹, მეორენი (მრეწველი ვ. მოსეშვილი და სხვ.) ამტკიცებდნენ, რომ ყრილობაზე ისინი შეიძლებოდა დაშვებულიყვნენ მხოლოდ მაშინ, როცა განსაზღვრული საკითხი მუშათა ინტერესებთან იქნებოდა დაკავშირებული, ისიც მარტო სათათბირო ხმის უფლებით.⁵² ამის საპასუხოდ მრეწველმა ი. ნიჟარაძემ განაცხადა: მუშებს მრეწველობასთან დაკავშირებული ყოველი საკითხი აინტერესებს. „სწორი არ იქნება, თუ მუშებს მტრებად ჩავთვლით. მარგანეცის მრეწველებსა და მუშებს შორის სრულებით არ არსებობს ის ანტაგონიზმი, რომელზეც მიუთითებს

⁵⁰ Труды I и II съездов... марганцепромышленников, К., 1900, гл. 5.

⁵¹ Труды IX (очередного) и X экстренного съездов Шорапанских марганцепромышленников, К., 1908, гл. 228.

⁵² იქვე, გვ. 228—229.

ყრილობის ზოგიერთი წევრი.“ ი. ნიჟარაძემ დასძინა: თუნდაც დაეუშვათ, რომ მუშები არ არიან ჩვენი მეგობრები, იმ შემთხვევაშიც „რის გაკეთება შეუძლია მუშათა 12 წარმომადგენელს? ცხადია, არაფრის!“⁵³

საკითხის განხილვისას გაჩაღებული დისკუსიის დროს ივ. აბაშიძემ აშკარად აღიარა ყრილობაზე მუშათა წარმომადგენლების დაშვების ნამდვილი მიზანი და ხელსაყრელობა. მან განაცხადა: „ამჟამად მუშები თავისი უფლებების მოპოვებისათვის იღვწიან არალეგალურად, ხოლო როცა ისინი ლეგალურად იმუშაებენ და მონაწილეობას მიიღებენ ყრილობის გადაწყვეტილებათა შემუშავებაში, თავისთავს მოვალედ ჩათვლიან შეასრულონ ეს გადაწყვეტილებანი.“⁵⁴ მიუთითა რა მუშათა არალეგალური საქმიანობის აღკვეთის საჭიროებაზე, ივ. აბაშიძე დაბეჯითებით ამტკიცებდა, რომ შექმნილ ვითარებაში ყრილობაზე რამდენადაც მეტი წარმომადგენლები ეყოლებოდათ მუშებს, იმდენად უფრო ანგარიშს გაუწევდნენ ისინი მის გადაწყვეტილებებს. „მეორე მხრივ. — ამჟამად ყრილობის წევრებს ივ. აბაშიძე, — ყრილობაზე მუშათა წარმომადგენლების დაშვება არავითარ საფრთხეს არ უქმნის მარგანეცის მრეწველებს, რადგან უკანასკნელთა რიცხვი გაცილებით უფრო დიდია, ვიდრე მუშათა წარმომადგენლებისა. ასე, რომ უთანხმოების შემთხვევაში მარგანეცის მრეწველები ყოველთვის შეძლებენ თავისი გადაწყვეტილების გატარებას.“⁵⁵ ყრილობაზე მუშათა წარმომადგენლების დაშვების მოთხოვნით და მათი ინტერესების დასაცავად გამოვიდა წვრილ მეწარმეთა წარმომადგენელი ი. კაკაბაძე, რომელმაც ზოგიერთ მრეწველთა თუ ექსპორტიორთა მისამართით განაცხადა: «Те, которые пользуются трудами рабочих, которые набивают себе карманы на их шее, хотя довести до минимума представительство рабочих...» «Но,—განაგრძობს იგი,—пусть не забывают эти паразиты (звонки председателя), что рабочие все же добьются своего; не следует забывать, что раз благосостояние этих паразитов (звонки председателя обращенное к оратору, быть осторожнее в своих выражениях)—основано на труде, то рабочие больше всех имеют право вмешиваться в разрешение тех или других вопросов; те же, которые стараются мешать им в таком стремлении и лишать их этого права в удовлетворении своего животного эгоизма, должны убит в себе этот эгоизм. 15 тысяч рабочих... должны иметь больше права принимать участие в занятиях съезда, чем марганцепромышленники и экспортеры; и они должны послать на съезде не 12, а больше защитников своих интересов...»⁵⁶.

⁵³ Труды IX и X съездов... გვ. 231.

⁵⁴ იქვე.

⁵⁵ იქვე, გვ. 229—230.

⁵⁶ იქვე, გვ. 231—232.

ორატორის, წვრილი მრეწველის ასეთი რადიკალური გამოსვლა, — მის მიერ სამრეწველო რაიონის მუშათა ინტერესების დაცვა, — ეპოქის გამათავისუფლებელი რევოლუციური მოძრაობის გაძლიერებით უნდა ყოფილიყო გაპირობებული. წვრილი მეწარმენი, რომელნიც თავისი გენეზისით და რეალური მდგომარეობით შორს არ იდგნენ მუშებისაგან, ამჯერადაც ისევე როგორც ყოველთვის, ყრილობაზე მსხვილ მრეწველთა და ექსპორტიორთა ძლიერ წინააღმდეგობას წააწყდნენ. ყრილობამ ხმების უმრავლესობით დაადგინა: დაშვებულ იქნეს სამთო, მზიდველი, ასევე ჭიათურასა და ფოთში მადნის მტვირთავი მუშების მიერ წარმომადგენლების არჩევა 3 კაცის შემადგენლობით, მარგანეცის მრეწველთა მორიგ და რიგგარეშე ყრილობებზე საათობირო ხმის უფლებით დასასწრებლად.⁵⁷ ამრიგად, ყრილობაზე მუშათა წარმომადგენლების დასწრება მხოლოდ ფორმალურ ხასიათს ატარებდა. ამასთანავე საყურადღებოა ის, რომ ყრილობაზე მუშათა წარმომადგენლების დაშვება ადრე (II ყრილობაზე — 1897 წელს) სერიოზული განხილვის საგნადაც არ იქნა მიჩნეული. შემდეგში (VIII ყრილობაზე — 1905 წელს) მუშათა წარმომადგენლების მოწვევა საჭიროდ იქნა აღიარებული, ხოლო IX ყრილობაზე (1907 წელს) თუმცა ფორმალურად, მაგრამ მაინც გადაწყდა მათი დაშვება.

ზ. სამრეწველო სტატისტიკის ორგანიზაცია

მრეწველთა ყრილობამ ჩამოაყალიბა სტატისტიკური ბიურო. მას ჰყავდა თავისი გამგე, აღმრიცხველი და აგენტი უცხოეთში.⁵⁸ ბიუროს ამოცანას შეადგენდა უცხო ქვეყნების მარგანეცის მრეწველობისა და მადნის მსოფლიო ბაზრის შესწავლა. ის მიზნად ისახავდა მრეწველობის მდგომარეობის გაუმჯობესებას სხვა ქვეყნების მარგანეცის მრეწველობის განვითარების გამოცდილებისა და მადნის საერთაშორისო ბაზრებზე შექმნილი ვითარების შესწავლისა და გათვალისწინების საფუძველზე. ბიუროს ევალებოდა „მარგანეცის საქმის“ სტატისტიკის მოწესრიგება. მაგრამ, ის ჯეროვნად ვერ ახერხებდა მადნის მსოფლიო ბაზრის, კონკურენტი ქვეყნების, აგრეთვე თვით სამხრეთ რუსეთის მარგანეცის მრეწველობის ჯეროვნად შესწავლასაც.⁵⁹ არ მოწესრიგდა სამრეწველო რაიონის „მუშათა სტატისტიკაც“. ბიუროს

⁵⁷ Труды IX и X съездов... გვ. 232

⁵⁸ Труды XV. (очередного) съезда марганцепромышленников, 12, 1913. გვ. 46—47.

⁵⁹ Н. Николадзе, Кавказское марганцевое самоуправление, СПб., 1910. გვ. 16—17.

მიერ გამოცემული კრებულები უამრავ ყალბ ცნობებს შეიცავდა.⁶⁰ ამასთანავე ყრილობის საბჭოსა და სტატისტიკური ბიუროს გამოცემები ზოგიერთ უტყუარ, ხელშესახებ ცნობასაც შეიცავს ჭიათურის მარგანეცის მრეწველობის მდგომარეობის, მარგანეცის მსოფლიო მრეწველობისა და მადნის მსოფლიო ბაზრის დასახასიათებლად.

თ. ყრილობის საქმიანობის ხასიათი

გავეცანით ჭიათურის მარგანეცის მადნის მრეწველთა წარმომადგენლობითი ორგანიზაციის საქმიანობას და დავინახეთ, რომ ის ხშირად ახორციელებდა პროგრესული ხასიათის ღონისძიებებს, თუმცა, მათ ბურჟუაზიული თვითმმართველი ორგანიზაცია, თავისი კლასობრივი შეზღუდულობის გამო, ბუნებრივია, თანმიმდევრულად და ფართო მასშტაბით ვერც გაატარებდა. შეზღუდული იყო თვით ორგანიზაციის მატერიალური შესაძლებლობაც. ამავე დროს მასში გაერთიანებული იყვნენ ერთმანეთის საწინააღმდეგოდ განწყობილი საქმოსნები, ადგილობრივნი და უცხოელნი, მეწარმენი და ექსპორტიორები, რომლებიც ერთმანეთისაგან განსხვავებული, ურთიერთსაპირისპირო, ინტერესებით ხელმძღვანელობდნენ და თითქმის სულ მუდამ ერთმანეთს ებრძოდნენ. ყრილობის ფარგლებში ერთმანეთის წინააღმდეგ მებრძოლი საქმოსნები ძირითადად სამ დაჯგუფებად იყოფოდნენ. ერთს შეადგენდნენ წვრილი მეწარმენი, რომელთაც, სიმრავლის მიუხედავად, ხმების მცირე რაოდენობა გააჩნდათ, მეორეს — საშუალო და მსხვილი მრეწველები, რომლებიც ხმების უმრავლესობით სარგებლობდნენ, მესამეს — მადნის უცხოელი ექსპორტიორები, რომლებიც თავის ეკონომიურ ძლიერებას ორგანიზაციაში გადამწყვეტი გავლენის მოსაპოვებლად იყენებდნენ.

წვრილ მრეწველთა ოპოზიცია ყრილობის სხდომაზე ხშირად გამოდიოდა სამრეწველო რაიონის ვაჭირებულ მშრომელთა მდგომარეობის გაუმჯობესების მოთხოვნით. მის გამოსვლას ყრილობაზე მუშათა წარმომადგენლების დასაშვებად, მუშათა მდგომარეობის შესამსუბუქებლად, მსხვილ მრეწველთა და ექსპორტიორთა თვითნებობის ასალაგმავად, მხარს უჭერდნენ თერგდალეულთა პლეადის სახელოვანი წარმომადგენლები: აკაკი წერეთელი, ნ. ნიკოლაძე და სხვ. ოპოზიციის გამოსვლის მუშათა ინტერესების დასაცავად მხარს უჭერდნენ გამოჩენილი რევოლუციონერები ფილიპე მახარაძე, ჭლექსანდრე წულუკიძე და საზოგადოდ „კვალის“ პუბლიცისტთა უმრავლესობა, აგრეთვე „ივერიის“ პუბლიცისტთა პროგრესული წყვილი.

საშუალო და, მეტადრე, მსხვილ მრეწველთა დაჯგუფების წარმომადგენლები და მათი ინტერესების დამცველნი ყრილობის საბჭოს ხელმძღვანელ ბირთვს შეადგენდნენ. ეს დაჯგუფება ეროვნული ბურჟუაზიული ინტელიგენციის ზოგიერთ წარმომადგენელთა და გაზ. „ცნობის ფურცლის“ პუბლიცისტთა დიდი ნაწილის მხარდაჭერით სარგებლობდა. მართალია, ის მხოლოდ საკუთარი ინტერესებით ხელმძღვანელობდა, მაგრამ წარმოებაში ადგილობრივი კაპიტალის პოზიციების განსამტკიცებლად ზრუნვასთან ერთად, ზოგიერთ პროგრესული მნიშვნელობის ღონისძიებასაც ახორციელებდა.

მადნის უცხოელ ექსპორტიორთა დაჯგუფება წარმომადგენლობით ორგანიზაციაში ებრძოდა, ერთი მხრივ, წვრილ მრეწველთა ოპოზიციას, ხოლო, მეორე მხრივ, ადგილობრივ საშუალო და მსხვილ მრეწველთა დაჯგუფებას, ასევე ყრილობის საბჭოს ხელმძღვანელობას, რომელიც მრეწველობის ეროვნულ ნიადაგზე წინსვლას ესწრაფვოდა. ის გამოდიოდა ყრილობის ინიციატივით ქართულ მეწარმეთა სავაჭრო და სამრეწველო გაერთიანებათა ჩამოყალიბების წინააღმდეგ, ეწინააღმდეგებოდა ყრილობის მატერიალურ შესაძლებლობათა გაზრდას ე. წ. „საფუთო გამოსაღების“ გადიდების მეშვეობით, ასევე ღონისძიებებს მრეწველობის კეთილმოსაწყობად, მუშათა მდგომარეობის შესამსუბუქებლად, განათლების გასაავრცელებლად და სხვ. დასახელებული დაჯგუფების წევრებს შორის ამ მხრივ გამოირჩეოდნენ: გ. ემერიკი, ლ. პანასიე, ი. პერსინაკი, ძმ. ფორუდები და მძლავრი გერმანული ფირმები⁶¹. გასაკვირი არაა, რომ იმჟამინდელი ქართველი ინტელიგენცია და ქართული პრესა თითქმის ერთხმად გამოდიოდა უცხოელთა ამ დაჯგუფების წინააღმდეგ.

ყრილობის საბჭო, ცხადია, მიზნად არ ისახავდა მრეწველობაში ჩაბმული მშრომელი ხალხის სასიცოცხლო ინტერესების დაკმაყოფილებას, მუშათა მდგომარეობის მნიშვნელოვან გაუმჯობესებას და ამ მიმართულებით მის მიერ გატარებული გარკვეული ღონისძიებანი ნაკარნახევი იყო სამრეწველო რაიონის მუშათა მრავალათასიანი რაზმის გაელენის გაზრდით, — მუშათა რევოლუციური მოძრაობის გაძლიერებით. ის მუშათა შრომისა და ყოფა-ცხოვრების პირობებზე განუწყვეტელი და ეფექტური ზრუნვის ილუზიას ქმნიდა, სინამდვილეში კი საამისოდ, ასევე მუშათა დაზღვევისა და ყრილობაზე მათი წარმომადგენლების დასაშვებად მხოლოდ ფორმალურად, ან კიდევ მეტად შეზღუდულ ფარგლებში ზრუნავდა.

⁶¹ იხ. Труды III съезда марганцепромышленников, К., 1901, гв. 41, Труды XII съезда марганцепромышленников, К., 1910, гв. 75—78.

მრეწველთა ყრილობა თავისი ბიუჯეტიდან გარკვეულ თანხებს გამოყოფდა მუშათა საყოფაცხოვრებო პირობებისა და მათი სამედიცინო მომსახურების მოსაწესრიგებლად. ყრილობის საბჭო ამ შედარებით მცირედ თანხებს ზოგ შემთხვევაში დანიშნულებისამებრ არ ხარჯავდა. ის ხშირად თვითონ მოიხმარდა საავადმყოფოს, სკოლების, მოსწავლეთა სტიპენდიების, აგრეთვე სხვადასხვა ნაგებობისა და გზების მოსაწყობად განკუთვნილ თანხებს⁶².

მრეწველთა ყრილობისა და საბჭოს საქმიანობის ხასიათის დასადგენად ფრიად საყურადღებოა მის ბიუჯეტზე დაკვირვება.

გავეცნოთ ჭიათურის მრეწველთა ყრილობის საბჭოს ბიუჯეტს, რომელიც 1895 წლიდან მოყოლებული დგებოდა უმთავრესად „საფუთო გადასახადის“ სახით შეგროვილი თანხიდან, თუმცა რამდენადმე გვიან, კერძოდ, 1908—1914 წლებში საშემოსავლო სტატიებს შორის გარკვეული ადგილი ეკავა ყრილობის წარმოება-დაწესებულებათა ექსპლოატაციიდან მიღებულ შემოსავალს. ასე მაგალითად, 1912 წელს ყრილობის საბჭოს შემოსავალი იყო 515 500 მანეთი, აქედან 442 500 მანეთი „საფუთო გამოსაღებიდან“, ხოლო 73 000 მანეთი მისსავე წარმოება-დაწესებულებებიდან მიღებული⁶³.

1898 წლიდან 1910 წლამდე, ე.ი. 12 წლის მანძილზე ყრილობის საბჭოს ხელთ არსებული თანხა 1 837 000 მანეთი, ჩვენი გაანგარიშებით, ასე განაწილდა და დაიხარჯა:

ცხრილი 4⁰¹

საქმე, რაშიც თანხები დაიხარჯა	თანხის ოდენობა	
	აბსოლუტური ოდენობა მანეთობით	% შეფარდება მთელ თანხასთან
პოლიციის შენახვა	242 000	13,1
გზების მოწყობა-შენახვა და ტექნიკური ზედამხედველობა	347 000	18,8
სამეურნეო ნაგებობანი და უძრავი ქონება	297 000	16,1
სამდიანო მომსახურება	273 000	15,1
საალხო განათლება	176 000	9,6
სხვადასხვა ხარჯები	57 000	3,1
უბედური შემთხვევებისაგან დაზარალებული მუშებისათვის ფულადი დახმარება	16 000	0,9
საბჭოს შენახვა და ყრილობების მოწვევა	290 000	15,7
მუშათა საყოფაცხოვრებო პირობების გაუმჯობესება	117 000	6,3
სხვა ხარჯები	23 000	1,3
სულ	1 843 000	100

⁶² ფ. მახარაძე, თხზ., ტ. II, გვ. 22—23.

⁶³ Труды XV съезда марганцепромышленников, К. 1913, გვ. 196.

⁶⁴ ЦГИАЛ, ф. 565, оп. 7, д. 26907, 1910—1911 гг., л. 18.

თუ ამ მონაცემებს შევადარებთ მთავრობის მიერ მიღებული „ღებულეებით“ დაწესებულ ნორმებს, დავინახავთ, რომ ყრილობის საბჭომ თანხების ხარჯვისას არაერთი გადახვევები დაუშვა: ჯერ ერთი, მუშათა დასაზღვევად ანუ უბედური შემთხვევებისას დაზარალებულ მუშათა დასახმარებლად საერთო თანხიდან „ღებულეებით“ გათვალისწინებულ 5,9%-ის ნაცვლად, დაიხარჯა მხოლოდ 0,9%. სახალხო განათლებისათვის დაწესებულ 13%-ის ნაცვლად — მხოლოდ 9,6%, ე. ი. ორივე შემთხვევაში საგრძნობლად ნაკლები; მეორეც, „აუცილებელი ხარჯებისათვის“, რაც პოლიციის შესანახადაც იყო განკუთვნილი, „ღებულეებით“ დაწესებული 5,5%-ის ნაცვლად, საბჭომ გაიღო მის განკარგულებაში მოქცეული თანხის საერთო ოდენობის 13,1%, ყრილობისა და საბჭოსათვის 12%-ის ნაცვლად 15,7%, ე. ი. გაცილებით მეტი; მესამეც, მუშათა საყოფაცხოვრებო პირობების გასაუმჯობესებლად „ღებულეებით“ დადგენილი ნორმის—1,8%-ის ნაცვლად, ყრილობის საბჭომ გაიღო 6,3%, ეს აიხსნება ეპოქის გამათავისუფლებელ რევოლუციურ მოძრაობაში ჭიათურის მუშათა რაზმის აქტიურად ჩაბმით, რისთვისაც საბჭოს არ შეეძლო არ გაეწია ანგარიში. ყრილობის საბჭომ 30—40 პოლიციელისათვის გაიღო თავისი შემოსავლის 13,1%, მუშა-მოსამსახურეთა საექიმო დახმარებისათვის (შესაბამისად) მხოლოდ 15,1%, ხოლო „სხვადასხვა ხარჯისათვის“ (სადაც, როგორც ჩანს, ერთ-ერთ მთავარ მუხლს საბჭოს წევრებზე გაცემული „დამატებითი ხელფასი“ შეადგენდა, ასევე საბჭოს ხელმძღვანელთა ხელფასისა და ყრილობის ხარჯისათვის) მთელი შემოსავლის 20,1% და სხვ. ყრილობის საბჭო თვითონ თითქმის ყოველწლიურად ხარჯავდა სხვა საქმეებისათვის განკუთვნილ თანხებს. ასე მაგალითად, მრეწველთა მესამე ყრილობის სარევიზიო კომისიამ არ დამალა, რომ „საბჭომ ყრილობის უნებართვოდ მისცა თავის წევრებს სხვა საქმისათვის განკუთვნილი თანხა—2851 მანეთი“⁶⁵. ამგვარი თვითნებობისათვის ყრილობის საბჭოს დაუნდობლად აკრიტიკებდნენ გამოჩენილი რევოლუციონერები ფ. მახარაძე და ა. წულუკიძე. ეხებოდა რა ყრილობის მიერ მუშათა მომსახურებისა და საზოგადოებრივი საქმეების მოსაწესრიგებლად განკუთვნილი თანხების არადანიშნულებისამებრ დახარჯვის ფაქტებს, ფ. მახარაძე არც თუ უსაფუძვლოდ შენიშნავდა, რომ „ყრილობის საბჭომ თავისი მოქმედებით უარყო კრება. და მისი გადაწყვეტილებანი, მან სრულებით გააუქმა თვითმმართველობა და ვაამეფა თვითნებობა“⁶⁶. ყრილობის საბჭოს ასევე მკაცრად აკრიტიკებდა ა. წულუკი-

⁶⁵ Труды III съезда марганцепромывальщиков, К., 1903, стр. 75.

⁶⁶ „კვალის“, 1903, № 14, стр. 79.

ძე. იგი გამოეხმაურა და გამოექომავა წერილ მრეწველთა ოპოზიციის წარმომადგენლის ნ. ჭიჭინაძის გამოსვლას მრეწველთა V ყრილობაზე, სადაც ორატორი „საბუთებით ხელში საბჭოს უმოქმედობას, მის არარაობას არკვევდა, საზოგადოებას სინამდვილეს აუწყებდა“⁶⁷. ა. წულუკიძე მიუთითებდა ყრილობის საბჭოს თავმჯდომარის გ. ზდანოვიჩის დესპოტიზმზე, შეეფოთებოთ აღნიშნავდა, რომ „სიმართლე მასში წინააღმდეგობას იწვევს და სინათლის ჩასაქრობად რაინდები დაჯანგული ხმალი მოუმარჯვნია!“⁶⁸.

ჭიათურის მარგანეცის მრეწველთა ყრილობის 14 წლის საქმიანობა ვრცლად დახასიათებული ნ. ნიკოლაძის ნაშრომში -- „Кавказское марганцевое самоуправление“, სადაც ავტორი იძლევა „მარგანეცის თვითმმართველობის საპროგრამო კრიტიკას“⁶⁹. ეს პოლემიკური ნაშრომი ერთგვარი გაგრძელებაა იმ ხანგრძლივი და მწვავე დისკუსიისა, რომელიც ნ. ნიკოლაძესა და გ. ზდანოვიჩს შორის გასული საუკუნის 90-იანი წლებიდან მიმდინარეობდა ჭიათურის მარგანეცის მრეწველობისა და ფოთის ნავსადგურის მოწყობის თაობაზე. ამ დისკუსიაში ფოთის ქალაქისთავი, ნ. ნიკოლაძე, წარმოგვიდგება ჭიათურის მრეწველობისა და ფოთის ნავსადგურის კეთილმოწყობისათვის დაუღალავ მებრძოლად, ხოლო მარგანეცის მრეწველთა ყრილობის საბჭოს თავმჯდომარე, გ. ზდანოვიჩი მხოლოდ ჭიათურის მრეწველობის ინტერესების დამცველად. ცხარე ბრძოლაში ნ. ნიკოლაძე საქვეყნო საქმისათვის მზრუნველი, ფართო მასშტაბის მოღვაწედ წარმოგვიდგება და სიმართლეს უფრო სწორ შემთხვევაში მის მხარეზეა⁷⁰. ორ მოღვაწეს შორის მიმდინარე პოლემიკამ თავისი გამოხატულება პოვა ნ. ნიკოლაძის ზემოთ დასახელებულ ნაშრომში, სადაც ჭიათურის მარგანეცის მრეწველთა წარმომადგენლობითი ორგანიზაციის მოღვაწეობის სუსტი მხარეები წინა პლანზეა წამოწეული. ხოლო დადებით მხარეებზე არაფერია ნათქვამი⁷¹.

მრეწველთა ყრილობის საქმიანობის ხასიათის შეფასებისას ყურადღებას იმსახურებს მისი ე. წ. „მუშათა პოლიტიკა“ ანუ, სხვანაირად, მისი დამოკიდებულება სამრეწველო რაიონის მუშათა შრომისა

⁶⁷ „კვალი“, 1903. № 5, ა. წულუკიძე, თხზულებანი, 1943, გვ. 80—81.

⁶⁸ იქვე, გვ. 81.

⁶⁹ Н. Николадзе, Кавказское марганцевое самоуправление. СПб, 1910, გვ. 3.

⁷⁰ დაწერ. იხ. Н. Николадзе. Полуколекционный сбор. Потл, 1908; გვ. XVIII. ნ. ნიკოლაძის წერილი გასაზიღ ტვირთზე ფოთის ნავსადგურის სასარგებლოდ ნახევარ კაპიტალი საფუთო გამოსაღების დაწესების შესახებ დაიბეჭდა გაზ. „Батумский голос“-ში 1908 წელს (იხ. № 180, 182, 194, 195).

⁷¹ Н. Николадзе, Кавказское марганцевое самоуправление. გვ. 1.

და ყოფა-ცხოვრებისადმი. აღსანიშნავია, რომ ბურჟუაზიულმა წარმომადგენლობითმა ორგანიზაციამ ამ მიმართულებით 1900 წლამდე არსებითად არაფერი გააკეთა. ამას აღიარებდა ამ ორგანიზაციის მესვეური გ. ზდანოვიჩი. ამაზე ამახვილებდა ყურადღებას ფ. მახარაძე, როცა წერდა: „ზდანოვიჩის მოხსენებიდან, რომელიც მან წარუდგინა 1900 წელს შავი ქვის მრეწველთა მესამე ყირლობას, ჩვენ ვტყობილობთ, რომ მთელ რუსეთში ძნელად მოიპოვება მრეწველობის მეორე დარგი, სადაც ისე უყურადღებოდ იყოს დატოვებული მუშა ხალხის მდგომარეობა, როგორც ჭიათურისა, და სადაც დღემდის მისი მძიმე ტვირთის შესამსუბუქებლად არაფერი არ გაკეთებულა“⁷².

ამ მხრივ გასული საუკუნის დამლევს ჭიათურის აუზში გაცილებით უფრო მძიმე ვითარება იყო შექმნილი, ვიდრე ბაქოს ნავთობისა და სამხრეთ რუსეთის სამთამადნო მრეწველობაში.

ვითარება რამდენადმე შეიცვალა XX საუკუნის დამდეგიდან, როცა ჭიათურის სამრეწველო რაიონში ჩაისახა და ბოლშევიკური ორგანიზაციის ხელმძღვანელობით ფართოდ გაიშალა მუშათა რევოლუციური მოძრაობა, სამრეწველო რაიონის ბურჟუაზია და მისი წარმომადგენლობითი ორგანიზაცია იძულებული გახდა ერთგვარი ანგარიში გაეწია მუშათა ამ მძლავრი რაზმისათვის. ამ დროიდან შეინიშნება მრეწველთა „ზრუნვა“ ჭიათურელ სამთო მუშათა მდგომარეობის რამდენადმე შესამსუბუქებლად. მართალია, ჭიათურის მარგანეცის მრეწველთა ყრილობამ ამ მიმართულებით 1900—1914 წლებშიც შედარებით ცოტა რამ გააკეთა, მაგრამ მისი ე. წ. „მუშათა პოლიტიკის“ დახასიათებისა და შეფასებისას სწორი არ იქნებოდა იმის გაუთვალისწინებლობა, რომ მრეწველთა ყრილობისაგან, როგორც სამრეწველო, აგრეთვე სავაჭრო ბურჟუაზიის წარმომადგენლობითი ორგანიზაციისაგან, არც იყო მოსალოდნელი მუშებისადმი დაუცხრომელი ზრუნვა, რასაც მისგან ამაოდ მოითხოვდა „კვალის“ ზოგიერთი პუბლიცისტი. ყრილობა, როგორც თავისი შემადგენლობითა და კლასობრივი ინტერესებით ძლიერ შეზღუდული ორგანიზაცია, სამრეწველო რაიონის ბურჟუაზიის გამდიდრების მიზანს ემსახურებოდა და თუ ის მუშებისადმი რაიმე მზრუნველობას იჩენდა, ეს მხოლოდ იმდენად, რამდენადაც იძულებული იყო ანგარიში გაეწია მისთვის, როგორც მზარდი რევოლუციური ძალისათვის.

თავისი კლასობრივი შეზღუდულობის მიუხედავად „შორაპნის მაზრის მარგანეცის მრეწველთა ყრილობამ“ გარკვეული პროგრესული როლი შეასრულა ჭიათურის მრეწველობაში: იგი მხარს უჭერდა ერთ-

⁷² ფ. მახარაძე, თხზ., ტ. II, გვ. 2—3.

ნულ ბურჟუაზიას, ენერგიულად, ხშირად ეფექტურადაც, იცაიდა მრეწველობის სასიცოცხლო ინტერესებს მთავრობის ორგანოებში. მან მიაღწია ქიათურის სახაზინო რკინიგზაზე უმაგალითოდ მაღალი ტარიფის ზედიზედ შემცირებას, ამ გზაზე მოძრავი შემადგენლობის რამდენჯერმე შეესიბას, მადნის საწყობი ბაქნების უკეთ მოწყობას, ცდილობდა რკინიგზის სადგურებსა და ნავსადგურებში მადნის დატვირთვა-გადმოტვირთვის ხარჯების შემცირებას, წუუპოვარი ბრძოლით მიაღწია თავისი საქმიანობის დასაფინანსებლად განკუთვნილი „საფუთო გამოსაღების“ რამდენჯერმე გადიდებას. ყრილობა ხელს უწყობდა მრეწველობის განვითარებას: მეცადინეობდა სამთო ზედაბედველობის გასაძლიერებლად, ზრუნავდა სამრეწველო რაიონში მიმოსვლისა და რკინიგზამდე მადნის გადაზიდვის საშუალებათა უკეთ მოსაწყობად. ახალი გზების გასაყვანად და ძველის გასაუმჯობესებლად, ცდილობდა წარმოების „ევროპულად მოწყობისათვის“ ხელშეწყობას, ტექნიკური სიახლეების დანერგვას მადნის მოპოვებაში, მის გამდიდრებასა და გადაზიდვაში, აყალიბებდა მოსაზრებებს ჩვენში ფერომაგანეცის ქარხნის მშენებლობის თაობაზე და სხვ. ყრილობა იბრძოდა წარმოებაში უცხოური კაპიტალის შემოქრის წინააღმდეგ. აგრეთვე მარგანეცის მადნის ადგილობრივ ბაზარზე უცხოური სავაჭრო კაპიტალის ბატონობის აღსაკვეთად, განუწყვეტლივ ზრუნავდა ადგილობრივ მრეწველთათვის კრედიტორის საპოვნელად და, რაც მთავარია, ცდილობდა ადგილობრივ მეწარმეთა შეიკვირება-გაერთიანებას „...ახანაგობაში“, „სინდიკატში“, „სააქციო საზოგადოებაში“. ამით ის ესწრაფვოდა მრეწველობაში ადგილობრივი კაპიტალის მონოპოლიზრად გაბატონებას და ჩვენებური მადნით საერთაშორისო ბაზრებზე უშუალოდ, უცხოური სავაჭრო კაპიტალის უმეშვეოდ. გასვლას და იქ დამკვიდრებას. ყრილობა ეწეოდა მუნიციპალურ საქმიანობას, რითაც ხელს უწყობდა სამრეწველო რაიონის ცენტრის ქიათურის კეთილმოწყობას, 1900-იანი წლებიდან ახორციელებდა გარკვეულ ორონისძიებებს სამთო მუშათა მძიმე მდგომარეობის შესამსუბუქებლად, გარკვეულ ნაყოფიერ მოღვაწეობას ეწეოდა სამრეწველო რაიონში სახალხო განათლების გასავრცელებლად; სტიპენდიებს უნიშნავდა მრავალ ახალგაზრდას. — დაწყებით, საშუალო და უმაღლეს სასწავლებლებში, — ჩვენში, რუსეთში და უცხოეთში მოსწავლეებს; ეწეოდა საქველმოქმედო საქმიანობასაც; ყრილობა ცდილობდა ჩვენში მრეწველობის მდგომარეობის გაუმჯობესებას სხვა ქვეყნების მარგანეცის მრეწველობის გამოცდილებისა და მადნის საერთაშორისო ბაზრების კონიუნქტურის გათვალისწინების საფუძველზე.

მრეწველთა ყრილობა მთელ თავის საქმიანობაში, ბუნებრივია.

უპირველეს ყოვლისა კაპიტალის ინტერესებით ხელმძღვანელობდა და დემოკრატიულად უფრო მოსაჩვენებლად „მოიპრანჭებოდა“ ხოლმე. ამის მიუხედავად მის საქმიანობას ობიექტურად დადებითი მნიშვნელობა ჰქონდა მრეწველობის მოცემული დარგისათვის.

ყრილობა გარკვეულ ფარგლებში პატრონობდა და ხელმძღვანელობდა მრეწველობას, ხელს უწყობდა მის წინსვლას და, რამდენადაც ძალუძდა, განამტკიცებდა შინაგან სამეურნეო ძალთა პოზიციებს საქართველოს სამთამადნო მრეწველობის მსოფლიო მნიშვნელობის დარგში.

**ადგილობრივი, რუსული და უცხოური კაპიტალის მატროპოლია
ჰიათურაში I მსოფლიო ომის პერიოდში სალიკვიდაციო
გერმანული ფირმების უძრავ-მოძრავი ქონების ხელში
ჩასაგდებად**

ზემოთ (თავი IV, §5) განვიხილეთ ჰიათურაში 1914 წლის დამლევამდე მოქმედი მძლავრი გერმანული ფირმები, ასევე I მსოფლიო ომის დაწყების შემდეგ რუსეთის მთავრობის მიერ ამ ფირმების სალიკვიდაციოდ გატარებული ღონისძიებების მოტივები და მიზნები. ახლა გავეცნოთ იმ მწვავე და ხანგრძლივ მეტოქეობას, რომელიც 1914-1917 წლებში გაიშალა ადგილობრივ, რუსულ და უცხოურ კაპიტალს შორის — სალიკვიდაციო გერმანული ფირმების უძრავ-მოძრავი ქონების ხელში ჩასაგდებად. გერმანული ფირმების საწარმოთა შესაძენად (და, მაშასადამე, ჰიათურის მარგანეცის მრეწველობაში მძლავრი პოზიციების მოსაპოვებლად) I მსოფლიო ომის დაწყებისთანავე შეუდგა ზრუნვას მრავალი სამრეწველო-საეაჰრო, ასევე საკრედიტო ფირმა და დაწესებულება. ამ ბრძოლაში აქტიურად ჩაება არაერთი სახელმწიფოს მთავრობის ორგანოები, რომლებიც საკუთარი ქვეყნის ფირმებს შუამდგომლობდნენ რუსეთის მთავრობის წინაშე — ჰიათურაში გერმანული ფირმების კუთვნილების შესაძენად.

რუსეთის მთავრობას მიაჩნდა, რომ „Вопрос о будущей судьбе германских владении в Чнатурском марганцевом районе имеет сугубо жизненное значение для населения всей вообще Грузии...“¹.

თავის მხრივ გერმანული ფირმები I მსოფლიო ომის დაწყებისთანავე შეეცადნენ საკუთარი პოზიციების შენარჩუნებას ჰიათურის მრეწველობაში, ნეიტრალური ქვეყნის ფირმასთან წინასწარი მორიგებით. ამ მიზნით ისინი იმთავითვე დაუკავშირდნენ შვედურ ფირმა „ვინტერვიკენსს“, რომლის ერთ-ერთი მთავარი აქციონერი იყო შვე-

¹ ЦГИАЛ, ф. 23, оп. 28, д. 514, л. 101; Газ. «День» 1916 г., 5 октября.

ციის საგარეო საქმეთა მინისტრი კურტ ვალენბერგი, რუსეთის მთავრობის დიპლომატიურ წრეებში საკმაოდ ცნობილი პიროვნება. იმისათვის, რომ გერმანულ და შვედურ ფირმებს შორის შესაძლებელი მოერიგება რეალური გამხდარიყო და რუსეთის მთავრობას, ომის ვითარებაში ეცნო ჭიათურაში გერმანული ფირმების კუთვნილების შვედური ფირმის ხელში გადასვლა, კ. ვალენბერგმა ნიადაგი წინასწარვე მოამზადა. უკანასკნელმა საქმის კურსში ჩააყენა, ერთი მხრივ, რუსეთის საელჩო სტოკჰოლმში, ხოლო, მეორე მხრივ, შვეციის სამეფო მისია პეტროგრადში². საგარეო საქმეთა მინისტრმა 1915 წლის 12 თებერვალს მიმართა რუსეთის ელჩს სტოკჰოლმში, — ნეკლიუდოვს და ითხოვა ოფიციალური შეკითხვა გაეგზავნა თავისი მთავრობისათვის და გაეგო: დაუშვებს თუ არა რუსეთის მთავრობა შვედური ფირმის მიერ ჭიათურაში გერმანული ფირმების საწარმოთა შესაძლებელ შექენას³. შვედური ფირმა „ვინტერვიკენსი“ პეტროგრადიდან პასუხის მოლოდინში განაგრძობდა გერმანულ ფირმებთან („გელზენკირხენის სამთოსამრეწველო სააქციო საზოგადოება“, „კავკასიის საბადოთა ამხანაგობა, შეზღუდული პასუხისმგებლობით“) მოლაპარაკებას. რუსეთის მინისტრთა საბჭოში რამდენადმე გვიან, 1917 წლის მარტში, წარდგენილი წერილიდან ირკვევა, რომ შვედურ სააქციო საზოგადოება „ვინტერვიკენსის“ მიერ ჭიათურაში გერმანული ფირმების ქონების შექენას პეტერბურგში მხარს უჭერდნენ გარკვეული წრეები: „После телеграфного запроса в Петрограде, — ვკითხულობთ წერილში, — посол Неклюдов уведомил общество, что наше правительство окажет ему всякую поддержку и радо будет считать заинтересованным в России О-во Винтервикенс“⁴. საქმის მსვლელობაზე დაკვირვებიდან ჩანს, რომ სტოკჰოლმიდან მიღებულ შეკითხვაზე დადებითი პასუხი გასცა რუსეთის საგარეო საქმეთა მინისტრმა ს. დ. საზონოვმა, თუმცა თავის მთავრობის შესაფერის ორგანოებთან წინასწარი მოლაპარაკებების და მათგან თანხმობის მიღების გარეშე. რუსეთიდან დადებითი პასუხის მიღების შემდეგ, 1915 წლის 6 და 8 აპრილს, „ვინტერვიკენსმა“ სპეციალური (სავარაუდებელია ფიქტიური) ხელშეკრულებები დადო ჯერ „გელზენკირხენთან“. ხოლო მერმე „კავკასიის საბადოთა ამხანაგობასთან“⁵. ამ ხელშეკრუ-

² ЦГИАЛ, ф. 23. оп. 28. д. 513, л. 2.

³ ЦГИАЛ, ф. 23, оп. 28, д. 514, л. 192.

⁴ იქვე.

⁵ რუსეთში გარკვეულმა წრეებმა ეკვის თვლით შეხედეს ამ ხელშეკრულებებს და გამოითქვა მოსაზრება „ვინტერვიკენსის“ მიერ დადებული ხელშეკრულებების ფიქტიურობაზე, რის მაჩვენებლადაც ჩათვლილ იქნა ის, რომ «последнее общество приобрело промысел и произвело полную уплату денег без его осмотра»

ლებით გერმანულმა ფირმებმა მთელი თავისი ქონება ჰიათურაში 5 მილიონ კრონად გადასცეს „ვინტერვიკენსს“⁶.

1915 წლის 20 და 26 მაისს შეედურმა ფირმამ სათანადო შუამდგომლობა და სტოკჰოლმში რუსეთის გენერალურ საკონსულოს მიერ შემოწმებული ხელშეკრულებები წარადგინა პეტროგრადში, თბილისში და ჰიათურაში⁷. „ვინტერვიკენსის“ შუამდგომლობას რუსეთის მთავრობის ცენტრალურ ორგანოებში მხარს უჭერდა საგარეო საქმეთა მინისტრი ს. დ. საზონოვი. ამას ადასტურებს 1917 წელს შედგენილი, ჩვენი დაკვირვებით, სარწმუნო ცნობა, სადაც ვკითხულობთ: „საზოგადოება „ვინტერვიკენსი“ თავისი უფლებების განხორციელებისას პეტერბურგში შეხვდა უაღრეს კეთილგანწყობილებას და მხარდაჭერას საგარეო საქმეთა ყოფილი მინისტრის ს. დ. საზონოვის მხრივ. საზონოვს ჩვენმა სტოკჰოლმელმა ელჩმა გამოუგზავნა ტელეგრამა, რომლითაც ადასტურებდა გარიგებათა სინამდვილეს და აღნიშნავდა, რომ გარიგებათა ლეგალიზაცია, მათში ვალენბერგის კაპიტალების მონაწილეობის გამო, სასურველია არა მარტო ეკონომიური თვალსაზრისით, არამედ შვეციასთან კეთილი ურთიერთობის შენარჩუნების მიზნითაც. საგარეო საქმეთა მინისტრმა მხარი დაუჭირა „ვინტერვიკენსის“ შუამდგომლობას და ოფიციალურად თხოვა შესაფერის სამინისტროებს, რომ ისინი კეთილგანწყობილებით შეხვედროდნენ შეედური ფირმის შუამდგომლობას“⁷, სხვა საბუთებიც ცხადყოფენ, რომ ს. დ. საზონოვი უშუალოდ ენერგიულად, თუმცა ამოღო ცდილობდა „ვინტერვი-

(ЦГИАЛ, ф. 23, оп. 28, д. 514, л. 193). ამ ექვსა და სინამდვილეს შორის კავშირის არსებობას ასაფუძვლებდნენ სალიკვიდაციო გერმანული ფირმების კუთვნილების შექნით დაინტერესებული გავლენიანი რუსი საქმოსნები ს. ლიანოზოვი და გ. ლუოვი, რომლებიც ვაქრობისა და მრეწველობის მინისტრს შთაავახებდნენ, რომ «Столь необычайный способ приобретения и уплаты миллионов за непустое, неизученное и неосмотренное предприятие дает полное право предполагать, что под Шведским флагом скрывается германская контрбанда, что О-во «Винтервикенс» является лишь подставным лицом, в целях обхода наших законов о предприятиях, принадлежащих подданным воюющих с Россией государств (სსსა, ფონ. 13, ანაწ. 12, საქ. 335, ფურც. 22). დასახელებულ საქმოსნები ირწმუნებოდნენ, რომ «Истинным владельцем дела остается по-прежнему общество Гельзенкирхен» (იქვე, ფურც. 22, მეორე გვერდი).

⁶ ЦГИАЛ, ф. 23, оп. 28, д. 513, л. 2, 7—9; ф. 23, оп. 28, д. 514, л. 192. სხვა წყაროს ცნობით, რაც სათუოდ გვეჩვენება, ფირმებს შორის ხელშეკრულება დაიდო და ანგარიშსწორება განხორციელდა 1915 წლის 12 აპრილს, რუსეთის საგარეო საქმეთა სამინისტროსა და სტოკჰოლმში რუსეთის ელჩისაგან წინასწარი თანხმობის პილების შემდეგ (ЦГИАЛ, ф. 1276, оп. 19, д. 1102, 1915—1916 гг., л. 1. 06).

⁷ ЦГИАЛ, ф. 23, оп. 28, д. 514, л. 192, 06.

კენსის“ შუამდგომლობისათვის მხარდაჭერას⁸. ამ შუამდგომლობაზე უარით უპასუხა რუსეთის ვაჭრობისა და მრეწველობის სამინისტრომ, რომელსაც ამის გამო საგარეო საქმეთა მინისტრმა საზონოვმა 1915 წლის 24 მაისს ერთგვარი საპროტესტო ტელეგრამით მიმართა. ს. საზონოვმა შეედური ფირმის შუამდგომლობის დაუკმაყოფილებლობა შეათასა როგორც „გაუგებრობა“ და მისი დაუყოვნებლივ აღმოფხვრაც მოითხოვა. ვაჭრობისა და მრეწველობის მინისტრმა, რომელმაც, ეტყობა, იცოდა, რომ საგარეო საქმეთა სამინისტრომ მთავრობის სხვა ორგანოებთან წინასწარი შეთანხმების გარეშე დააიშედა შეედური ფირმა, 1915 წლის 27 მაისს, ს. დ. საზონოვს უპასუხა, რომ ჰიათურაში „ვინტერვიკენსის“ დაშვება მიზანშეუწონლად მიაჩნია, ამასთანავე საგარეო საქმეთა მინისტრს არც თუ ისე ორაზროვნად ანიშნა, რომ ეგრეთწოდებული „გაუგებრობა“ მისი უწყების წინდაუხედავი მოქმედების შედეგია. ამ პასუხში ვკითხულობთ: «По поводу указания в телеграмме на желательность устранения недоразумений, возникших в министерстве Т. и П. в связи с покупкой означенных предприятий обществом «Винтер Викенс», считаю необходимым заметить, что о совершенной сделке министерству не было известно, и посему не могло возникнуть и указанных недоразумений»⁹. ს. დ. საზონოვის ცდამ უშედეგოდ ჩაიარა: ვაჭრობისა და მრეწველობის, ასევე შინაგან საქმეთა და ფინანსთა სამინისტროებმა ჰიათურაში შეედური ფირმის დაშვებაზე უარყოფითი დასკვნა წარადგინეს მინისტრთა საბჭოში. მინისტრთა საბჭომ 1915 წლის 17 ნოემბერს განიხილა საკითხი და დასახელებულ ფირმას (ს. დ. საზონოვის პროტესტის მიუხედავად¹⁰) უარი უთხრა ნებართვაზე¹¹. ეს გადაწყვეტილება განაპირობა აგრეთვე საქმეში დიდი მთავრის ნიკოლოზის ჩარევამაც. მეფისნაცვალმა კავკასიაში ანგარიში არ გაუწია თავისი წინამორბედის ვორონცოვ-დაშკოვის თანხმობას ჰიათურაში შეედური ფირმის დაშვებაზე¹² და პეტროგრადში საწინააღმდეგო დასკვნა წარადგინა.

მეფისნაცვლის ასეთი პოზიცია გასაგები გახდება თუ გავითვალისწინებდით იმას, რომ 1915 წლის შემოდგომაზე მას მრავალმა გავლენიანმა ადგილობრივმა და რუსულმა სამრეწველო, სავაჭრო და საკრედიტო დაწესებულებამ თუ ფირმამ წარუდგინა განცხადება ჰიათურა-

⁸ ЦГИАЛ, ф. 23, оп. 28, д. 514, л. 192, об.

⁹ ЦГИАЛ, ф. 23, оп. 28, д. 510, л. 6; ф. 23, оп. 28, л. 514, л. 371, об.

¹⁰ ЦГИАЛ, ф. 23, оп. 28, л. 514, л. 192, об.

¹¹ ЦГИАЛ, ф. 23, оп. 28, д. 510, л. 9.

¹² ЦГИАЛ, ф. 23, оп. 28, д. 514, л. 192, об.

ში სალიკვიდაციო გერმანული ფირმების საწარმოთა შექმნის მოთხოვნით.

კავკასიის ადმინისტრაცია ომის დაწყების შემდეგ (1914 წლის მიწურულს), როგორც იქნა, გაერკვა ჭიათურის მრეწველობაში გერმანული კაპიტალის ექსპანსიის შედეგად შექმნილ ვითარებაში. მისთვის ცხადი გახდა ისიც, რომ ეს ექსპანსია დაკავშირებული იყო მსოფლიო ომისათვის გერმანიის მრეწველობის სამზადისთან. ომის დაწყების შემდეგ მთავრობამ იმთავითვე გადაწყვიტა რუსეთში მოქმედი გერმანული ფირმების საქმიანობის აღკვეთა. ასეთ ვითარებაში მეფისნაცვალმა, ნიკოლოზმა, მინისტრთა საბჭოს მიმართა ჭიათურაში სალიკვიდაციო გერმანული ფირმების კუთვნილების ხაზინის ან, უკიდურეს შემთხვევაში, ეროვნული კაპიტალის განკარგულებაში გადაცემის მოთხოვნით. მხარის განსაგებელი აღწერდა ჭიათურაში გერმანული კაპიტალის მოქმედების სავალალო შედეგებს, ხაზს უსვამდა დასახელებულ საწარმოს უდიდეს სახელმწიფოებრივ მნიშვნელობას და ასე ასაბუთებდა თავის შუამდგომლობას: «Таким образом, добыча и экспорт марганца, ввиду исключительного значения последнего для металлургического производства, составляет вид промышленности высокой государственной важности и по сему весьма желательно, чтобы марганцевое дело постепенно сосредоточивалось в руках государства или, по крайней мере, в руках национального капитала и предпринимателей, которым можно доверить это отечественное богатство в убеждении, что эксплуатация его будет направлена соответственно экономическим и политическим государственным требованиям».¹³

მეფისნაცვალი მოითხოვდა, რომ მთავრობას გამოეყენებია ომით შექმნილი ვითარება: „გადამწყვეტი გავლენა მოეხდინა მარგანეცის მრეწველობის მომავალზე კავკასიაში“. ის შუამდგომლობდა ჭიათურაში გერმანელთა კუთვნილი საწარმოების ერთად (დაქუცმაცების გარეშე) შენარჩუნებას ან ასეთივე სახით გასაღებას, რითაც ხელი უნდა შეწყობოდა წარმოების ტექნიკის შემდგომ გაუმჯობესებას მსხვილ სამრეწველო დაწესებულებაში¹⁴.

ომის მძიმე ვითარებაში ხაზინამ არ შეიძინა გერმანული ფირმების საწარმოები ჭიათურაში და მთავრობამ ამ ფირმების სალიკვიდაციოდ შექმნილ „განსაკუთრებულ სამმართველოს“ დაავალა მთელი მათი უძრავ-მობრავი ქონების გასაღება. შექმნის მსურველი, როგორც ზემოთაც მივუთითეთ, ჩვენში, ასევე უცხოეთში, მრავალი აღმოჩნდა. შეედური ფირმის გარდა, რომელიც რუსეთის მთავრობისგან უარის

¹³ ЦГИАЛ, ф. 23, оп. 28, д. 514, л. 8; об.

¹⁴ იქვე, ფურც. 11.

მიღების შემდეგაც იბრძოდა ჭიათურაში გერმანული ფირმების საწარმოთა ხელში ჩასაგდებად, სალიკვიდაციო ფირმების კუთვნილების შექმნის პირველი პრეტენდენტი იყო ჭიათურის მრეწველობაში მტკიცედ დამკვიდრებული სავაჭრო სახლი „ძმები ოგანეზოვები“. მან 1914 წლის ნოემბერში განცხადებით მიმართა, ერთი მხრივ, მეფისნაცვალს კავკასიაში, ხოლო, მეორე მხრივ, იმპერიის ვაჭრობისა და მრეწველობის მინისტრს¹⁵. ფირმის განმკარგულბელი ი. ოგანეზოვი თავის განცხადებაში აღნიშნავდა, რომ ის 25 წელია, რაც მრეწველია ჭიათურაში, რომ მას სანიმუშოდ მოწყობილ საწარმოსთან ერთად გააჩნია გემები, რითაც პირველმა დაიწყო და წარმატებით აგრძელებს მარგანეცის მადნით რუსეთის მომარაგებას¹⁶. მრეწველი ირწმუნებოდა, რომ ის, როგორც რუსი საქმოსანი ხელმძღვანელობს რა „მშობლიური მრეწველობის ინტერესებით, ჭიათურაში გერმანული ფირმების ქონების შესაძენად ხელშეკრულებით შეუკავშირდა მსხვილ რუსულ საფინანსო ჯგუფს, ასევე სხვა კომპანიას, რომელსაც განზრახული აქვს სოფ. ალპანის მახლობლად მძლავრი ელსადგურის აგება, ასევე ფერომარგანეცის ელექტრომეტალურგიული ქარხნის აშენება და ამოქმედება. ი. ოგანეზოვი ამასთანავე ირწმუნებოდა, რომ გაიჩენდა მძლავრ ფლოტილიას მადნისა და ფერომარგანეცის გასაზიდად. დაბოლოს, ის თხოვდა მთავრობას გაეთვალისწინებია მისი, როგორც მეწარმის, სანიმუშო დამსახურება და ნება მიეცა ჭიათურაში ორივე გერმანული ფირმის საწარმოთა შესაძენად¹⁷. ი. ოგანეზოვი პირობას იძლეოდა, რომ ომის დამთავრებისა და საზავო ხელშეკრულების დადების შემდეგ გელზენკირხენს გადაუხდიდა 1 850 000 მანეთს, ხოლო „კავკასიის საბადოთა ამხანაგობას“ — 1 200 000 მანეთს¹⁸. მან მთავრობას შემდეგშიც მრავალი ამგვარი შინაარსის განცხადება და ბარათი გაუგზავნა¹⁹. მათ შორის 1916 წლის დეკემბერში წარდგენილ ბარათში ი. ოგანეზოვი აცნობებდა, რომ ის უკვე შეუერთდა კონცესიონერთა ჯგუფს, რომელსაც განზრახული აქვს ააგოს 60 000 ცხ. d. სიმძლავრის ელსადგური და ყოველწლიურად გამოაღწოს 4,5 მილიონიდან 5 მილიონამდე ფუთი ფერომარგანეცი. ამ მოტივით ის კვლავაც ითხოვდა ნებართვას ჭიათურაში გერმანული ფირმების კუთვნილების შესაძენად²⁰.

რუსეთის მთავრობას ამგვარივე თხოვნით მიმართა ს. გ. ლიანო-

¹⁵ ЦГИАЛ, ф. 23, оп. 14. д. 507, л. 48.

¹⁶ იქვე, ფურც. 49.

¹⁷ იქვე.

¹⁸ იქვე, ფურც. 44.

¹⁹ სსსა, ფონ. 13, ანაწ. 12, საქ. 335, ფურც. 17—19, 32—34;

ЦГИАЛ ფ. 28, დ. 514, л. 55—57.

²⁰ სსსა, ფონ. 13, ანაწ. 12, საქ. 335, ფურც. 32—34.

ზოგმა და გ. ა. ლვოვმა, რომლებმაც 1915 წლის ივლისში განცხადებები წარადგინეს პეტროგრადსა და თბილისში. განცხადებას მათ დაურთეს ვრცელი და დასაბუთებული მოხსენებითი ბარათი, სადაც ფართოდ იყო მიმოხილული ჭიათურის მარგანეცის მრეწველობის წარსული და თანამედროვე მდგომარეობა, დახასიათებული იყო ამ დარგში გერმანული კაპიტალის შემოჭრა და მისი შედეგები. ბარათის ავტორები ცდილობდნენ ეჩვენებინათ მრეწველობის დასახელებული დარგის სახელმწიფოებრივი მნიშვნელობა, დაესაბუთებინათ ჭიათურიდან უცხოური ფირმების განდევნის და მათი საწარმოების ხაზინის ან რუსი კაპიტალისტებისათვის გადაცემის აუცილებლობა²¹. ბარათში, ასევე განცხადებაში, ს. ლიანოზოვი და გ. ლვოვი ირწმუნებოდნენ, რომ სალიკვიდაციო გერმანულ ფირმებსა და შეედურ „ვინტერვიკენსს“ შორის დადებული ხელშეკრულება ფიქტიურია. მოითხოვდნენ რა მთავრობის ნებართვას ჭიათურაში გერმანული ფირმების საწარმოთა შესაძენად, ისინი დაპირებებს იძლეოდნენ, რომ რუსეთსა და გერმანიას შორის საზავო ხელშეკრულების დადებისა და მისი გამოქვეყნების დღიდან 3 თვეში „კავკასიის საბადოთა ამხანაგობას“ გადაუხდიდნენ 1 000 000 მანეთს²², ხოლო გელზენკირხენსს — 2 500 000 შეედურ კრონს, „გელზენკირხენსსა“ და „ვინტერვიკენსს“ შორის ხელშეკრულების დადების დღიდან ამ კაპიტალზე ყოველწლიურად დამატებით 6%-ის გადახდით, იმ პირობით, რომ კრონის კურსი იქნება არა უმეტეს 65 კაპიკისა²³; თანაც, მოცემულ ვადაში მთელი თანხის გადახდაზე პირველხარისხოვანი ბანკის გარანტიას იძლეოდნენ²⁴. პრეტენდენტები დაბეჯითებით ირწმუნებოდნენ, რომ ქუთაისის გუბერნიაში დააფუძნებდნენ ფერომარგანეცის ელექტრომეტალურ-გიულ წარმოებას, რასაც, მათი განცხადებით, შედეგად მოჰყვებოდა: „მრეწველობის მხრივ საერთოდ ღარიბ მხარეში ახალი დარგის აღმოცენება, მთის მდინარეების წყალვარდნილების გამოყენება, ადგილობრივი მოსახლეობისათვის შემოსავლის ახალი წყაროს გაჩენა, „ნედლეულის“ (ანუ მარგანეცის მადნის) გაზიდვის თანდათან შემცირება და მისი შეცვლა 95%-ანი ფერომარგანეცის გაზიდვით და სხვ.²⁵

ჭიათურაში გერმანული ფირმების საწარმოთა შესაძენად საქმე აღძრა და 1915 წლის 13 სექტემბერს მეფისნაცვალს კავკასიაში ტელეგრაფმა გამოუგზავნა ცნობილ რუს საქმოსანთა ჯგუფმა: რუსეთის

²¹ სსსა, ფონ. 13, ანაწ. 12, საქ. 335, ფურც. 1—5, 6—16.

²² იქვე, ფურც. 21.

²³ იქვე, ფურც. 22.

²⁴ იქვე, ფურც. 21, 22.

²⁵ იქვე, ფურც. 22.

გემთმშენებლობის საზოგადოების თავმჯდომარემ ვ. მ. ივანოვმა, რუსეთის ორთქლმავალმშენებელი და მექანიკური საზოგადოების დირექტორმა ს. ს. პალაშკოვსკიმ, სამხრეთ-რუსეთის დნებრის მეტალურგიული საზოგადოების გამგეობის წევრმა, მეფის სასახლის კომერგერმა ლ. ფ. დავიდოვმა²⁶. ეს ჯგუფი ამავე დროს იტყობინებოდა, რომ მას განზრახული აქვს ქუთაისის გუბერნიაში მოაწყოს ფერომარგანეცის ელექტრომეტალურგიული ქარხანა, რისთვისაც მან გადაწყვიტა კონცესიით აიღოს და უწერაში (რიონზე) ააგოს ჰიდროელექტრო „დანდგარი“ ფერონარგანეცის წარმოებისათვის. საქმოსანთა ჯგუფი მოაგონებდა მთავრობას თავის დამსახურებას ომთან დაკავშირებით თავდაცვითი მნიშვნელობის სამრეწველო დარგების განვითარებაში, აცნობებდა, რომ მას მოპოვებული აქვს უმსხვილეს რუსულ საფინანსო დაწესებულებათა მხარდაჭერა და მოითხოვდა აღძრული შუამდგომლობის დაკმაყოფილებას²⁷.

ჭიათურაში სალიკვიდაციო უცხოური საწარმოების შესაძენად თავგამოდებით იბრძოდა აგრეთვე მრეწველთა და ტექნიკოს-სპეციალისტთა ჯგუფი: ე. კ. გრუბე, ე. დ. ლვოვი, დ. ს. ხრულიოვი, სამთო ინჟინრები მ. პ. ტერ-დავიდოვი და ლ. მ. ბელინკო. მათ ჯერ 1915 წლის დეკემბერში, ხოლო მერმე 1916 წლის თებერვალში „უქვეშეერდომილესი“ თხოვნით მიმართეს მთავრობის ორგანოებს პეტროგრადში და თბილისში²⁸. საქმოსანთა ამ ჯგუფის აზრით აუცილებელი იყო შექმნილი სიტუაციის გამოყენება ჭიათურაში მსხვილი რუსული სამრეწველო დაწესებულების დასაფუძნებლად, ასევე ამ რაიონიდან გერმანული და საზოგადოდ უცხოური კაპიტალის განდევნა, ფერომარგანეცის წარმოების დაფუძნება მდ. რიონის ჰიდროენერჯიის გამოყენებით, მძლავრი სავაჭრო ფლოტილის შექმნა რუსეთსა და უცხოეთში ფერომარგანეცისა და მარგანეცის მადნის გასაზიდად. ამ მძიმე და რთული ამოცანების გადასაწყვეტად, საქმოსანთა ჯგუფის მტკიცებით, აუცილებელი იყო მძლავრი სააქციო საზოგადოების დაარსება, თუ მეტი არა, 20 მილიონი მანეთის კაპიტალით მაინც²⁹. დასახელებული საქმოსნები ამასთანავე ირწმუნებოდნენ, რომ ისინი შეიარაღებული არიან დიდი გამოცდილებით, საქმის ცოდნითა და გავლენით, ფინანსური სამყაროს ნდობით, რის წყალობითაც ძალუძთ ჭიათურაში სამრეწველო საქმიანობის ფართოდ გასაჩაღებლად მოი-

²⁶ სსსა, ფონ. 13, ანაწ. 12, საქ. 335, ფურც. 17 — 19; ЦГИАЛ, ф. 23, оп. 14, л. 536.

²⁷ სსსა, ფონ. 13, ანაწ. 12, საქ. 335, ფურც. 19.

²⁸ იქვე, ფურც. 22—24, 25—28.

²⁹ იქვე, ფურც. 25.

ზიდონ სამი უმსხვილესი რუსული კომერციული ბანკი: ციმბირის აზოვ-დონის და საერთაშორისო და რომ ამ ბანკებს შეუძლიათ და კიდევ სურთ თავს იდონ მთელი საქმის დაფინანსება 20 მილიონ მანეთის ფარგლებში³⁰.

ყოველივე ამის გამო მრეწველთა ჯგუფი მოითხოვდა ჭიათურაში გერმანული ფირმების კუთვნილების შექმნის ნებართვას და დაპირებას იძლეოდა, რომ მათ ანგარიშს გაუსწორებდა, დააარსებდა სააქციო საზოგადოებას საკმაო კაპიტალით. უზრუნველყოფდა მარგანეცის საბადოთა ექსპლოატაციას, 60 — 80 ათასი ცხ. ძ. სიმძლავრის ჰიდროელექტრო „დანადგარის“ გამართვას ალპანაში (მდ. რიონზე). ელექტრომეტალურგიული ქარხნის მშენებლობას ჭიათურაში (ყოველწლიურად 4 ან 5 მილიონი ფუთი ფერომარგანეცის წარმოებით), გემების შექმნას მადნის და ფერომარგანეცის რუსეთში და უცხოეთში გასაზიდად. მრეწველთა ჯგუფი ირწმუნებოდა, რომ „... ზემოჩამოთვლილ პირობებში მარგანეცის მრეწველობაში არა მარტო აღმოფხვრილი იქნება გერმანელთა და სხვა უცხოელთა გავლენა, არამედ ამ გავლენის ნაცკლად მტკიცედ აღიმართება მარგანეცისა და ფერომარგანეცის წმინდა ნაციონალური მრეწველობა, რითაც იამაყებს რუსეთის მთავრობა და რუსეთის მრეწველობა“.³¹ თავის „უქვეშევრდომილეს მოთხოვნაში“ საქმოსანთა ჯგუფი შთააგონებდა მთავრობას, რომ მარგანეცის საქმით დაინტერესებულ სხვა ფირმებსა და პირებს „არავეითარ შემთხვევაში არ შეუძლიათ დააქაყოფილონ ზემოთ ჩამოთვლილი ძირითადი პირობები“, რომ დასახული ამოცანების გადაწყვეტა მხოლოდ საკუთრივ მათ შეუძლიათ.³²

გერმანული ფირმების ჭიათურის საწარმოთა ხელში ჩასაგდებად ასევე ენერგიულად იბრძოდნენ ურბანოვიჩი და პალაშკოვსკი, რომელთაც გადაწყვეტილი ჰქონდათ 20 ათასი ცხ. ძ. სიმძლავრის გლოლის ელსადგურის მშენებლობა (მდ. რიონზე). ასევე ფერომარგანეცის ქარხნისა ჭიათურაში³³.

საქმით დაინტერესდა მძლავრი სავაჭრო-სამრეწველო გაერთიანება „სტაბევეი და კომპანიაც“. რომელმაც 1916 წლის ოქტომბერში სთხოვა ვაჭრობისა და მრეწველობის სამინისტროს, რათა ფირმის რწმუნებულისათვის, ინჟინერ ი. ი. გუსარსკისათვის, ნება მიეცა გასცნობოდა გერმანული ფირმების სალიკვიდაციო სამმართველოს მასალებს ჭიათურაში³⁴.

³⁰ სსსა. ფონ. 13, ანაწ. 12, საქ. 335. ფურც. 27.

³¹ იქვე. ფურც. 25.

³² იქვე. ფურც. 26.

³³ იქვე.

³⁴ ИГНАТИ. ф. 23, оп. 28, л. 514, л. 109.

თავადმა კ. პ. კანტაკუზენმაც 1916 წლის ოქტომბერში მიმართა მთავრობას და სთხოვა მისთვის მიეყიდა ან სხვა პირობით გადაეცა გერმანელთა საწარმოები ჰიათურაში. ის პირობას იძლეოდა, რომ ამ საწარმოებს შეიყვანდა მსხვილი მეტალურგიული დაწესებულებების სისტემაში, დაწესებულებებისა, რომლებიც იქმნებოდნენ რუსეთის კაპიტალით ახალ-მოსკოვის მაზრაში, გზათა სამინისტროს საჭიროებისათვის. კანტაკუზენიც ირწმუნებოდა, რომ მოაწყობდა ფერომარგანეცის წარმოებას ჰიათურაში.³⁵

სალიკვიდაციო ფირმების ბედი ძლიერ აღელვებდა ქართული საზოგადოების გარკვეულ წრეებს, ინტელიგენციას, კერძოდ ნ. ნიკოლაძეს, გ. ზდანოვიჩს, კ. აბაშიძეს, პ. ქავთარაძეს და სხვ. ისინი ცდილობდნენ, რომ ეს სიმდიდრე „ეკლავ მოსული ელემენტის ხელში არ გადასულიყო, არამედ დარჩენოდა ჰიათურის მარგანეცის მრეწველთა ყრილობას...“³⁶. ქართველი ინტელიგენციის წარმომადგენლები და მრეწველთა ყრილობის ხელმძღვანელები საამისოდ საზოგადოებრივ აზრს განაწყობდნენ ქართული და რუსული პერიოდული პრესის მეშვეობით. მათი აზრით, „მთავრობის, სახელმწიფო მრეწველობის, ქართველი სამრეწველო წრეების და სამრეწველო რაიონის მთელი მოსახლეობის სასიცოცხლო ინტერესები მოითხოვდნენ სალიკვიდაციო ფირმების საწარმოთა თავისუფალი შეჭიბრების წესით გაყიდვაზე უარის თქმას და ნორმალურ ფასში მათს გადაცემას ჰიათურის მარგანეცის მრეწველთა ყრილობისათვის,“ რადგან უკანასკნელი წარმოადგენდა ადგილობრივ მრეწველთა მასობრივ ორგანიზაციას, რომელიც ხელმძღვანელ როლს თამაშობდა მრეწველობაში და ფართოდ ახორციელებდა დიდი საზოგადოებრივი მნიშვნელობის ღონისძიებებს სამრეწველო რაიონში და მთელ გუბერნიასში.³⁷ პ. ქავთარაძე წერდა: „სალიკვიდაციო გერმანული საწარმოების გადასვლა ყრილობის ხელში, ერთი მხრივ, უპასუხებდა ადგილობრივი მრეწველობისა და საერთო სახელმწიფოებრივ ინტერესებს, მეორე მხრივ კი, იქნებოდა მდიდრული წყარო მოსახლეობის სხვადასხვა მომწიფებულ საჭიროებათა დასაკმაყოფილებლად ადგილობრივ მრეწველთა ორგანიზაციისათვის“³⁸.

დასახული მიზნით მრეწველთა ყრილობის საბჭომ შეადგინა სპეციალური მოხსენება, რომელიც 1916 წლის 15 ოქტომბერს განიხილა

³⁵ ЦГИАЛ, ф. 23, оп. 28, д. 514, л. 112.

³⁶ იქვე, ფურც. 101.

³⁷ იქვე.

³⁸ იქვე.

მრეწველთა რიგგარეშე (საგანგებო) ყრილობამ³⁹. საკითხის განხილვის შემდეგ ყრილობამ მიიღო ნ. ნიკოლაძის წინადადება საფუთო გამოსაღების გაზრდის მეშვეობით გერმანული ფირმების საწარმოთა შექმნის შესახებ.⁴⁰ მალე აშკარა გახდა ამ გზით გერმანული ფირმების დიდძალი ქონების შექმნის შეუძლებლობა. ამიტომ ყრილობის საბჭომ 1916 წლის ნოემბერში მთავრობას მიმართა ახალი მოხსენებით, რომლის შესავალში ვკითხულობთ: „სახელმწიფოს, ჩამოართმევდა რა საწარმოებს გერმანულ ფირმებს, არავითარ შემთხვევაში არ შეეძლო მიეცა ისინი საჩუქრად კერძო პირების ან საზოგადოებათათვის, რადგან მათი გამდიდრებისათვის როდი იქნა მიღებული ასეთი განსაკუთრებული ზომები. ამ საწარმოების შემოსავალს უნდა განაგებდეს საზოგადოებრივი ორგანიზაცია, რომელიც მას გამოიყენებს სახელმწიფოს საჭიროებისთვისვე, და რომელიც ამა თუ იმ ფორმით ადგილობრივ მოსახლეობას დაუბრუნებს მხარიდან გატანილი სიმდიდრის ექვივალენტს“.⁴¹ ასეთი მისიის შესრულება, მოხსენების ავტორთა მტკიცებით, მხოლოდ ყრილობას შეუძლია, რადგან „მარგანეცის მრეწველთა ყრილობა დაარსების დღიდან მიზნად ისახავს სახელდობრ, დააკმაყოფილოს არა მარტო ჭიათურის რაიონის, არამედ მთელი გუბერნიის სამრეწველო და კულტურული საჭიროებანი“.⁴²

მოხსენების ავტორები აღნიშნავდნენ, რომ სალიკვიდაციო ფირმების საწარმოთა შესაძენად მოქმედი სხვა ფირმები მხოლოდ ვიწრო ინტერესებით ხელმძღვანელობენ, სპეკულაციური გზით გამდიდრებას ესწრაფვიან და თუ ეს საწარმოები მათ ხელში ჩავარდება სამრეწველო რაიონი განადგურდება. ისინი ხაზს უსვამენ იმ გარემოებასაც, რომ ყრილობა ერთადერთი საზოგადოებრივი ორგანიზაციაა ჭიათურაში, რომელიც მთავრობის კონტროლს ექვემდებარება და მის ამოცანებს ახორციელებს. ამიტომ მთავრობას სთხოვდნენ ყრილობისათვის სესხად მიეცა სალიკვიდაციო ფირმების საწარმოთა შესაძენად აუცილებელი თანხა, რომელსაც ყრილობა დაფარავდა წარმოების „წმინდა მოგებით.“ მოხსენების ავტორთა მტკიცებით, ამ თანხის გადახდა ძლიერ გაადვილდებოდა თუკი მთავრობა ყრილობას დააკისრებდა თავისი ნაწარმით სახელმწიფოებრივი დანიშნულების ქარხნების მომარაგებას⁴³.

³⁹ ЦГИАЛ, ф. 23, оп. 28, д. 514. л. 101.

⁴⁰ იხ. საქ. საქარო ბიბლიოთეკა, ნ. ნიკოლაძის არქივი, საბ. 3/51.

⁴¹ სსსა, ფონ. 13, ანაწ. 12, საქ. 335, ფურც. 70—71.

⁴² იქვე, ფურც. 71.

⁴³ იქვე, ფურც. 72.

წყარობიდან ჩანს, რომ თბილისის გუბერნიის სათავადაზნაურო საკრებულოც ცდილობდა ჭიათურაში გერმანული ფირმების კუთვნილების შექენას. თავდაპირველად ის ვარაუდობდა ამ ქონების 4 მილიონ მანეთად შექენას, რუსეთის სავაჭრო-სამრეწველო ბანკისათვის უფრო მაღალ ფასში გადასაცემად⁴¹. ხოლო შემდეგში მის შექენას სააქციო საზოგადოების ჩამოყალიბებისა და მომგებიანი სამრეწველო საქმიანობის გაჩაღების იმედებს უკავშირებდა. თბილისის თავადაზნაურობის წინამძღოლმა თავადმა კ. აფხაზმა თავის რწმუნებულს დაავალა რუსეთის სავაჭრო-სამრეწველო ბანკის გამგეობასთან მოლაპარაკება, შემდეგ გარემოებათა გათვალისწინებით: თბილისის გუბერნიის თავადაზნაურობა გამოვა სალიკვიდაციო გერმანული ფირმების („გელზენკირხენისა“ და „კავკასიის საბადოთა ამხანაგობის“) საწარმოთა შემსყიდველად ჭიათურაში. ორივე სალიკვიდაციო ფირმის საწარმოები ერთად იყიდება; წინასწარმა შემფასებელმა კომისიამ ეს საწარმოები თვითღირებულების მიხედვით შეაფასა დაბალ ფასებში, — არსებული ცნობებით, — 7 მილიონ მანეთად; საიმედოა მყიდველს შესაძლებლობა ეძლევა შეიძინოს ეს საწარმოები. ამასთანავე რწმუნებული მოახსენებდა ბანკს, რომ თბილისის გუბერნიის თავადაზნაურობას, რომელიც მეტად თვალსაჩინო სიმდიდრის მფლობელია, უპირატესობა ენიჭება დასახელებულ საწარმოთა შექენაში, მაგრამ დაბრკოლებას წარმოადგენს ამჯერად თავისუფალი კაპიტალის უქონლობა. ამავე დროს მხედველობაში იღება რა იმას, რომ სალიკვიდაციო საწარმოთა სარეალიზაციო ფასი სამჯერ ნაკლებია მათ ნამდვილ ღირებულებასთან შედარებით. თბილისის თავადაზნაურობას შესაძლებლად მიაჩნია გამოვიდეს მყიდველად, იმ შემთხვევაში თუკი სახეზე იქნება სოლიდური საბანკო დაწესებულება, რომელიც თანხმობას განაცხადებს დააფინანსოს ეს საქმე შემდეგ საფუძველზე:

1) თავადაზნაურობა იძენს სალიკვიდაციო ფირმების ყოველგვარ უფლებებს; 2) მთელ ფასს ერთდროულად (ან ვადის გაგრძელებით) იხდის ბანკი, რომელიც გაცემული თანხის საგარანტიოდ თავადაზნაურობისაგან იმთავითვე მიიღებს და შეინარჩუნებს საწარმოთა შექენასთან დაკავშირებულ საბუთებს და უფლებებს (სააქციო საზოგადოების დაარსებამდე). 3) თავადაზნაურობა ვალდებულებას კისრულობს დროულად აღძრას შუამდგომლობა სააქციო საზოგადოების ჩამოსაყალიბებლად, 4) სააქციო კაპიტალი უნდა შეესაბამებოდეს საქმის ნამდვილ ღირებულებას, რაც გაგებული პირების გან-

⁴¹ ЦГИАЛ. ф. 23, оп. 28. д. 514, л. 193; 6. ნიკოლაძის არქივი, საქ. 55/43, 55/52.

საზღვრით 20 მილიონ მანეთს შეადგენს. რადგან მხედველობაშია მისაღები ამ საქმის შემდგომი გაფართოება-გაძლიერება: ფერომარგანეცის წარმოება დაფუძნება, ფლოტილის შექმნა, გაუსაღებლად დარჩენილი მარგანეცის საბადოების შექმნა იმავე რაიონში⁴⁵. ყოველივე ამას კისრულობდა თბილისის თავადაზნაურობა, თუკი ბანკი მხარში ამოუდგებოდა. წინასწარი მოლაპარაკება წარმატებით დამთავრდა. ამის შემდეგ, 1916 წლის 27 ნოემბერს, შედგა თბილისის გუბერნიის თავადაზნაურობის საგანგებო კრება, რომელმაც მოისმინა წინამძღოლთა და დეპუტატთა მოხსენება „დააახლებული საქრებლოსათვის ამიერკავკასიის გუბერნიებსა და ოლქებში უძრავი ქონების, სამთო-სამრეწველო საწარმოთა, ფაბრიკების, ქარხნების და მათი მოწყობილობის, აგრეთვე სხვადასხვა სასარგებლო წარღისეულის საბადოების შექმნის რწმუნების მოცემის შესახებ“⁴⁶.

კრებამ მოხსენებები მოიწონა და დაადგინა: რწმუნება მიეცე, წარმომადგენელთა და დეპუტატთა კრებას შეუდგეს ზემოაღნიშნულ საქმიანობას⁴⁷, ამის შემდეგ, 1916 წლის 22 დეკემბერს, გუბერნიის თავადაზნაურობის წინამძღოლმა მიმართვა გაუგზავნა რუსეთის საეკონომ-სამრეწველო ბანკის გამგეობას. სადაც წერდა: „მივუთითებ რა ჩვენს პირად მოლაპარაკებაზე, პატივი მაქვს თბილისის გუბერნიის თავადაზნაურობის სახელით დავადასტურო, რომ თავადაზნაურობა თანახმაა მონაწილეობა მიიღოს მომავალ შეჯიბრებაში ჭიათურის რაიონში განლაგებულ სალიკვიდაციო გერმანულ საწარმოთა შესასყიდად, იმ შემთხვევაში, თუ ბანკი ვალდებულებას აიღებს თავადაზნაურობას აღმოუჩინოს ფინანსიური დახმარება“⁴⁸.

ბანკის გამგეობამ გერმანული ფირმების საწარმოთა შესასწავლად ჭიათურაში მიავლინა სამთო ინჟინერი ს. გ. იმენიტოვი, რომელმაც ორივე გერმანული საწარმო დაათვალიერა და ვრცელი მოხსენება შეადგინა. მოხსენების შესავალში ავტორი შენიშნავდა: „ჭიათურის მარგანეცის საბადო, სადაც საწარმოები გააჩნია „კავკასიის საბადოთა ამხანაგობას“ და „გელზენკირხენის სამთოსამრეწველო საზოგადოებას“, ცნობილია არა მარტო რუსეთში. არამედ მთელ ძველსა და ახალ სამყაროში...“⁴⁹. ს. იმენიტოვი მაღალ შეფასებას აძლევდა გერმანული ფირმების საწარმოებს, მათ ტექნიკურ აღჭურვილობას, მძლავრ ელსადგურს. ის დიდად პერსპექტიულ საქმედ თვლიდა ამ

⁴⁵ ЦГИАЛ, ф. 634. оп. 1, д. 237, л. 3.

⁴⁶ იქვე, ფურც. 4.

⁴⁷ იქვე.

⁴⁸ იქვე, ფურც. 6.

⁴⁹ იქვე.

საწარმოთა შექმნას, ამასთანავე დასძენდა: „უკეთესი იქნებოდა ყველა ეს საწარმოები შეგვეერთებინა ტულის თუჯასახმელი ქარხნების სააქციო საზოგადოებისათვის“⁵⁰.

ბანკის გამგეობამ გადაწყვიტა საქმეში ჩაბმა და ხანგრძლივი მიწერ-მოწერა აწარმოა თბილისის თავადაზნაურობის წინამძღოლთან — კ. აფხაზთან. დაბოლოს, 1917 წლის 10 თებერვალს ბანკის გამგეობის თავმჯდომარემ კულაკოვმა უღებემა კ. აფხაზს, რომ თანახმაა საწარმოთა მთლიანად შექმნისა, ისე, რომ კერძო პირების ხელში არაფერი დარჩენილიყო⁵¹. თბილისის, ასევე ქუთაისის, სათავადაზნაურო საკრებულოს მეცადინეობამ გერმანული ფირმების კუთვნილების შესაძენად უშედეგოდ ჩაიარა.

* * *

სალიკვიდაციო გერმანული ფირმების საწარმოთა შესაძენად ენერგიულად იბრძოდა „რუსეთის სამთოსამრეწველო საკომისიო საზოგადოება“, რომელიც დაკავშირებული იყო რუსულ-ინგლისურ საფინანსო ჯგუფთან ლონდონში („The International Russian Corporation Limited“) და ეწეოდა სამთოსამრეწველო დაწესებულებათა მოწყობასა და დაფინანსებას⁵². „საზოგადოებამ“ 1916 წლის 2 აპრილს ვაჭრობისა და მრეწველობის სამინისტროს მიმართა განცხადებით, სადაც ის, სხვათაშორის, აღნიშნავდა, რომ მან, 1914 წელს, შექმნა ორი მსხვილი სამთო საწარმო („რიდერის სამთოსამრეწველო სააქციო საზოგადოება“ ალტაიში, 20 მილიონი მანეთის ძირითადი კაპიტალით და „ყირგიზეთის სამთოსამრეწველო სააქციო საზოგადოება“, 10 მილიონი მანეთის კაპიტალით), რომლებიც უკვე მუშაობენ და ემსახურებიან სახელმწიფო თავდაცვის საჭიროებას⁵³. „საზოგადოება“ ირწმუნებოდა, რომ მას, ომის ვითარებაში წამოჭრილი მოთხოვნილების შესაბამისად, უახლეს მიზნად აქვს დასახული ფერო-მარგანეცის წარმოების მოწყობა რუსეთში, რისთვისაც ის უკვე დაუკავშირდა ტყვარჩელის ქვანახშირის საბადოთა მფლობელებს და ზრუნავს ჭიათურის მარგანეცის საბადოთა შესაძენად; ამიტომ უშამდგომლობდა მთავრობის წინაშე, რათა მას ნება დაერთო ან საკუთრების უფლებით, ან კიდევ ხანგრძლივი იჯარით აეღო გერმანული ფირ-

⁵⁰ ЦГИАЛ, ф. 634, оп. 1, д. 237, л. 11.

⁵¹ ი ქ ვ ე, ფურტ. 21.

⁵² ი ქ ვ ე, ფურტ. 29;

⁵³ ი ქ ვ ე, ფურტ. 30.

მების კუთვნილება ჭიათურაში⁵⁴. როგორც ჩანს, „საზოგადოება“ ინგლისურ კაპიტალთან იყო დაკავშირებული და მისი ინტერესებით ხელმძღვანელობდა.

ჭიათურაში სალიკვიდაციო გერმანული ფირმების საწარმოთა ხელში ჩასაგდებად გულმოდგინეობდა ამერიკული კაპიტალიც. ასე მაგალითად, ე. წ. „რუსულ-ამერიკული პალატა“ 1916 წლის 28 ივნისს გერმანული ფირმების „სალიკვიდაციო სამმართველოს“ თაემჯდომარის პროტასიევის სახელზე გამოგზავნილი დეპეშით იტყობინებოდა: „ჩვენი ამერიკული ორგანიზაციისაგან მიღებული გვაქვს ცნობა რუსეთის მთავრობის მიერ კავკასიაში მარგანეცის ორი საწარმოს გაყიდვის თაობაზე. პალატა მოგმართავთ უმორჩილესი თხოვნით დაწვრილებით გვაცნობოთ საწარმოთა გაყიდვის პირობები, საწარმოთა მასშტაბის, ასევე ტექნიკური შეიარაღების მაჩვენებლები და სხვ.“. ამერიკული ორგანიზაცია ამასთანავე აღნიშნავდა: „ყველა ეს მონაცემი უაღრესად საჭირო და აუცილებელია ჩვენი ამერიკული ორგანიზაციისათვის, რომელიც დიდად დაინტერესებულია მარგანეცის ექსპორტით და მარგანეცის საბადოთა შესყიდვით“.⁵⁵ ამერიკულ კაპიტალს ამ შემთხვევაში წინ აღუდგა ინგლისური კაპიტალი. რუსეთის საგარეო საქმეთა სამინისტრომ 1916 წლის 8 და 9 აგვისტოს „საჩქარო“ მიმართვა გაუგზავნა ვაჭრობისა და მრეწველობის სამინისტროს, სადაც იტყობინებოდა: დიდი ბრიტანეთის საელჩომ პეტროგრადში აცნობა საგარეო საქმეთა სამინისტროს, რომ ორ მსხვილ ინგლისურ ფირმას — უაილდს (მილსბორო) და ფერგიუსონს (ლონდონი) სურთ შეიძინონ გერმანული ფირმების კუთვნილი მარგანეცის საბადოები კავკასიაში. «Великобританское посольство,—вквитხოლობთ მიმართვაში,—желало бы знать, может ли быть допущена такая покупка императорским правительством и, в утвердительном случае, могут ли покупающие рудники фирмы рассчитывать на безопасное признание прав собственности на означенное имущество. При этом посольство отмечает, что вышеуказанное желанье имеет также целью предупредить возможности попадания этих рудников в Американские руки, что в сущности равнялось бы сохранению над ними немецкого влияния».⁵⁶

რუსეთის ვაჭრობისა და მრეწველობის სამინისტრომ 1916 წლის 25 აგვისტოს აცნობა საგარეო საქმეთა სამინისტროს (დიდი ბრიტა-

⁵⁴ ЦГИАЛ, ф. 23, оп. 23, д. 524, л. 53; სსსა, ფონ. 13, ანაწ. 12, საქ. 335, ფურც. 30, მეორე გვერდი.

⁵⁵ სსსა, ფონ. 13, ანაწ. 12, საქ. 335, ფურც. 45.

⁵⁶ ЦГИАЛ, ф. 23, оп. 28, д. 514, л. 79, 102.

ნეთის საელჩოსათვის გადასაცემად), რომ ინგლისელთა შუამდგომლობა მეფისნაცვალს გადაეცა განსაიღველად.

ჭიათურაში სალიკვიდაციო გერმანულ საწარმოთა შესაძენად მოქმედებდა არა მხოლოდ ზემოდასახელებული ინგლისური ფირმა და ისიც არა მარტო დიპლომატიური ორგანოების მეშვეობით. საამისოდ გამოყენებულ იქნა რუსეთის მეტალით მომარაგების კომიტეტი ლონდონში („Комитет металоснабжения русского правительства в Лондоне“). უკანასკნელმა 1916 წელს მრავალჯონის მიმართა რუსეთის მთავრობას ჭიათურაში სალიკვიდაციო გერმანული საწარმოების შესაძენად ინგლისური ფირმების შუამდგომლობით. კომიტეტი საგანგებოდ გულმოდგინეობდა შეფილდელი მექარხნის რობერტ ჰედფილდის დაქალებით: რუსეთის მთავრობას ვ-ჯერ აცნობა, რომ ჰედფილდს სურს ჭიათურაში სალიკვიდაციო საწარმოთა შექმნა და მოითხოვდა, რომ, თუ ეს წინადადება საინტერესოდ იქნებოდა მიჩნეული, იმთავითვე საქმის კურსში ჩაეყენებია დასახელებული ინგლისელი კაპიტალისტები⁵⁷.

* * *

ჭიათურაში სალიკვიდაციოდ განკუთვნილ გერმანულ საწარმოთა შექმნის ყველა პრეტენდენტის ჩამოთვლა შორს წაგვიყვანდა. ვფიქრობთ, აღნიშნულიც საკმაო დამაჯერებლობით მეტყველებს ამ საქმესთან დაკავშირებით გაშლილ მეტოქეობასა და ბრძოლაზე. ზემოთ ჩამოთვლილი პრეტენდენტები: ადგილობრივი, რუსული და უცხოური სავაჭრო, სამრეწველო და საკრედიტო დაწესებულებები, ასევე თავადაზნაურული თუ ბურჟუაზიული წარმომადგენლობითი ორგანიზაციები, ერთბიროვნულად, აგრეთვე ჯგუფურად მოქმედი საქმისგანეხი თითქმის მთელი ოთხი წლის მანძილზე ეცილებოდნენ ერთმანეთს სალიკვიდაციო ფირმების საწარმოთა შექმნაში. ეს მეტოქეობა მწვავე ფორმებში მიმდინარეობდა 1917 წლის თებერვლის ბურჟუაზიულ-დემოკრატიულ რევოლუციამდე და მთლიანად მის შემდეგაც არ შეწყვეტილა. სალიკვიდაციო საწარმოთა შექმნის პრეტენდენტთა უთვალავი განცხადება-შუამდგომლობების განხილვა გაჭიანურდა. თავის მხრივ ჭიათურაში გერმანული ფირმების სალიკვიდაციო სძმართველო სრული დატვირთვით მუშაობდა და ცდილობდა საქმის მალე დამთავრებას, მით უმეტეს, რომ ამ ფირმების შესაძენად გაშლილ

⁵⁷ ЦГИАЛ, ф. 23, оп. 28, д. 514, л. 91.

მეტოქეობასთან ერთად, სამხედრო უწყება ჩქარობდა გერმანული საწარმოების გადაცემას კერძო ფირმებზე, რომელთაც ჩვენში ფერო-მარგანეცის წარმოება უნდა დაეფუძნებიათ⁵⁸.

სალიკვიდაციო სამმართველომ ჭიათურაში ორივე გერმანული ფირმის უძრავ-მოძრავი ქონების აღწერა-შეფასება და მისი მიღება საკუთარ განმგებლობაში მხოლოდ 1917 წლის 2 თებერვლისთვის მოახერხა. თებერვლის რევოლუციის შემდეგ, როგორც ცნობილია, ხელისუფლების სათავეში მთვე დაპყრობითმა ძორებით, რომლის ეკონომიურმა პოლიტიკამ და ცდამ, — გამოსავალი ეპოვა ქვეყნის სამეურნეო ნგრევისაგან და ეხსნა კაპიტალიზმი, — კრახი განიცადა⁵⁹. დროებითმა მთავრობამ 1917 წლის 10 მარტს განიხილა რუსეთში მოქმედი სააქციო კომპანიების საკითხი; ამ ფირმებზე შედამხედველობა, ასევე ახალ სააქციო საზოგადოებათა დაშვება ვაჭრობისა და მრეწველობის სამინისტროს დააკისრა⁶⁰. რუსეთის წინააღმდეგ მეომარი ქვეყნების ქვეშევრდომებს კვლავაც აეკრძალათ აქ მოქმედ სააქციო საზოგადოებათა საერთო და ტექნიკურ აღმძღვანელობაში მონაწილეობა⁶¹. ჭიათურაში ლიკვიდაციის პროცესში მყოფი გერმანული ფირმების საითხი დროებითი მთავრობის აავალებით განიხილა ვაჭრობისა და მრეწველობის სამინისტრომ, რომელმაც ამასთან დაკავშირებით 1917 წლის 24 მარტს, 4 და 18 მაისს სპეციალური თათბირები გამართა⁶². 24 მარტის თათბირის გადაწყვეტილებით გერმანული ფირმების სალიკვიდაციო სამმართველო ჭიათურაში დაექვემდებარა ვაჭრობისა და მრეწველობის სამინისტროს, სადაც შეიქმნა „გერმანული საწარმოების სალიკვიდაციო კომიტეტი“. 1917 წლის 26 მარტს გერმანული ფირმების სალიკვიდაციო სამმართველომ (ჭიათურაში) განცხადება გამოაქვეყნა ამ ფირმების კუთვნილების საიჯარო გაყიდვის თაობაზე⁶³. მაგრამ საქმე შეჩერებულ იქნა და ვაჭრობისა და მრეწველობის სამინისტროში 1917 წლის 4 და 18 მაისს მოწყობილი თათბირების შედეგად გადაწყდა: 1) გერმანული ფირმების ჭიათურის საწარმოთა ხაზინისათვის გადაცემა, სალიკვიდაციო „სამმართველოს“ მიერ დაწესებულ ფასებში; 2) ამ საწარმოთა

⁵⁸ ЦГИАЛ, ф. 23, оп. 28, д. 514, л. 85.

⁵⁹ Г. Р. Волобуев. Экономическая политика временного правительства. М., 1962, გვ. 469.

⁶⁰ ЦГИАЛ, ф. 23, оп. 4, д. 21, 1917, л. 1—2.

⁶¹ იქვე.

⁶² ЦГИАЛ, ф. 23, оп. 28, д. 514, л. 191, 323.

⁶³ იქვე, ფურც. 228.

შემდგომი ექსპლოატაციისათვის სააქციო საზოგადოების დაარსება, ხაზინისა და კერძო მეწარმეთა მონაწილეობით⁶⁴.

დასახელებული ფირმების ლიკვიდაციის საკითხი 1917 წლის 15 ივნისს განიხილა „ოზაკომმა“, მან ცნობად მიიღო ამ ფირმების ხაზინისათვის გადაცემის გადაწყვეტილება და სალიკვიდაციო სამმართველოს გადასვლა ვაჭრობისა და მრეწველობის სამინისტროს განმგებლობაში.

ამასთანავე, სალიკვიდაციო სამმართველოს წინადადება მიეცა დაუყოვნებლივ დაკავშირებოდა სამთო დეპარტამენტს საწარმოთა ხაზინისათვის გადასაცემად. მაგრამ, შემდეგ, 1917 წლის 22 აგვისტოს, „ოზაკომი“ ცვლავ დაუბრუნდა ამ საკითხის ხელახლა განხილვას: მოსმენილ იქნა „ოზაკომის“ წევრის მ. ი. ჯაფაროვის მოხსენება გერმანული საწარმოების ლიკვიდაციის საქმის მსვლელობაზე. მოხსენებების განხილვამ ცხადყო, რომ „ოზაკომი“ უკვე არ ეთანხმება დროებითი მთავრობის და, კერძოდ, ვაჭრობისა და მრეწველობის სამინისტროს ზემოთ დახასიათებულ გადაწყვეტილებას ჭიათურაში სალიკვიდაციო ფირმების თაობაზე. სხდომაზე აღინიშნა, რომ „ოზაკომმა“ ჯერ 1917 წლის 8 ივნისს, ხოლო შემდეგ 18 აგვისტოს უდებეშა მინისტრთა საბჭოს თავმჯდომარეს, ასევე ვაჭრობისა და მრეწველობის მინისტრს და სთხოვა მისი მონაწილეობის გარეშე არ მომხდარიყო ჭიათურაში სალიკვიდაციო ფირმების საკითხის საბოლოო გადაწყვეტა. პეტროგრადში საკითხი მისი მონაწილეობის გარეშე გადაწყდა, რასაც არ ეთანხმებოდა „ოზაკომი“, რომლის (22 აგვისტოს) სხდომის ეურნალში ვკითხულობთ: «Обсудив изложенное, Особый Закавказский Комитет усмотрел формальные нарушения в принятом новом направлении дела ликвидации и непосредственное подчинение этого дела ведению Министерства проведено без предварительного сношения с Особым Закавказским Комитетом, который при этом лишен тех прав, которые были предоставлены наместнику в этом деле в прежнем положении. В виду этого, — აღნიშნულია ეურნალში, — и в согласии с интересами местного населения и краевой промышленности, Озаком постановил сохранить ведение ликвидации предприятий за собою, оставив временное заведывание... за особым управлением по ликвидации, реформировав последнее путем привлечения в него представителей местных демократических организаций. Озаком... высказался за принципиальную недопустимость передачи предприятий

⁶⁴ ЦГИАЛ, ф. 23, оп. 28, д. 514, л. 323.

как в казну, так и отдельным предпринимателям, признав, что наиболее целесообразным представляется передача предприятий будущему земству или соответственной местной общественной организации»⁶⁵.

ამასთანავე, „ოზაკომმა“ წინადადება მისცა სალიკვიდაციო „სამმართველოს“ განსაკუთრებულ მითითებათა შილებამდე თავი შეეკავებინა ვაჭრობისა და მრეწველობის სამინისტროში რაიმე მასალების გაგზავნაზე. ამ დროს თბილისში ჩამოვიდა ვაჭრობისა და მრეწველობის მინისტრის ამხანაგი მალიაეკინი, რომელიც ირწმუნებოდა, რომ ჭიათურაში სალიკვიდაციო საწარმოთა საკითხის გადაწყვეტაში „ოზაკომის“ მონაწილეობის მიუღებლობა რაღაც გაუგებრობის ნაყოფია, რადგან სამინისტროს შეხედულებით „ოზაკომს“ უფლება აქვს თავისი დასკვნა წარადგინოს ამ საკითხის საბოლოოდ გადასაწყვეტად. მინისტრის ამხანაგმა „ოზაკომს“ ამასთანავე განუცხადა, რომ სამინისტრო სალიკვიდაციო საწარმოთა საკითხის თაობაზე მოხსენებას ამზადებს დროებითი მთავრობისათვის წარსადგენად და რომ ამ მოხსენების ტექსტი დასკვნისათვის წინასწარ გადაეცემა „ოზაკომს“. ასეთი პირობის მიცემის შემდეგ მინისტრის ამხანაგმა დროებით დაითანხმა „ოზაკომი“ და მითითება მისცა გერმანული ფირმების სალიკვიდაციო სამმართველოს, რათა მთელი მასალები გაეგზავნათ ვაჭრობისა და მრეწველობის სამინისტროში⁶⁶. მასალები გაიგზავნა მაგრამ დროებითმა მთავრობამ ვერ მოასწრო საქმის გადაწყვეტა: რუსეთში დიდი ოქტომბრის სოციალისტურმა რევოლუციამ გაიმარჯვა.

საქართველოში მენშევიკების ხანმოკლე ბატონობისას გერმანულ ფირმებს კვლავ ამინდი დაუდგათ ჭიათურაში: მენშევიკური მთავრობა გერმანული კაპიტალის მოხმობით შეეცადა ჭიათურის მარგანეცის საბადოთა სამრეწველო ათვისებას. მთავრობის მესვეურთა იდეით ჭიათურაში გერმანული კაპიტალის მონაწილეობით მძლავრი სააქციო საზოგადოება უნდა შექმნილიყო. ამ მიმართულებით პრაქტიკული ნაბიჯებიც გადაიდგა: „შერეული“ სააქციო საზოგადოების პროექტიც შემუშავდა⁶⁷, მაგრამ არ განხორციელდა. სამაგიეროდ, I მსოფლიო ომის წლებში ჭიათურაში სალიკვიდაციოდ განკუთვნილი გერმანული საწარმოები იმთავითვე დაუბრუნდათ მეპატრონეებს,

⁶⁵ ЦГИАЛ, ф. 23, оп. 28, д. 514, л. 453—454.

⁶⁶ იქვე, ფურც. 454.

⁶⁷ იხ. სსსა, ფონ. 417, ანწ. 1, საქ. 50.

რომელთაც აქ თავისი კუთვნილება კვლავ რამდენიმე წლით შეინარჩუნეს⁶⁸.

* * *

ასე დამთავრდა ადგილობრივი, რუსული და უცხოური კაპიტალის მეტოქეობა, რაც I მსოფლიო ომის წლებში გაჩაღდა, ჭიათურაში სალიკვიდაციო გერმანული საწარმოების ხელში ჩასაგდებად. ყოველივე ამაზე დაკვირება თვალნათლივ მოწმობს რუსეთისა და უცხოური კაპიტალის მძლავრ მისწრაფებას ჭიათურის მარგანეცის მრეწველობაში დასამკვიდრებლად. ის წარმოდგენას იძლევა საკუთრივ მრეწველობის მოცემული დარგით იმ დროს დაინტერესებულ ფირმებზე, ასევე იმ გეგმებსა და პროექტებზე, რომელთა განხორციელებასაც ეს ფირმები ჩემულობდნენ ჭიათურის მარგანეცის მრეწველობის გასაფართოებლად და საქართველოში ფერომარგანეცის წარმოების დასაფუძნებლად. მთავარი კი ის არის, რომ ჭიათურაში გერმანელთა კუთვნილი საწარმოების ხელში ჩასაგდებად წარმოებულმა მეტოქეობამ საერთაშორისო მასშტაბს მიაღწია; ამ ბრძოლაში მონაწილეობდნენ დაინტერესებული ქვეყნების მთავრობის ორგანოებიც.

მოკლე დასკვნები

საქართველოში კაპიტალისტური ჯრთიერთობის გამარჯვებას თავისი ობიექტური წინამძღვრები და კანონზომიერება გააჩნდა. საქართველო რუსეთთან შეერთების შემდეგ განვითარების ახალ გზაზე გამოვიდა. XIX ს. 30-იანი წლებიდან მშვიდობიანობის ჯამყარებამ ხელსაყრილი ვითარება შექმნა საქართველოს საწარმოო ძალთა ზრდისათვის. შედარებით დაწინაურებული რუსეთის გაიღონით ერთიანად დაქარდა ჩვენი ქვეყნის ეკონომიური განვითარების თავისთავად კანონზომიერი პროცესი. რუსეთის ეს პროგრესული ზეგავლენა უფრო თვალსაჩინო 70-იანი წლებიდან გახდა. ბურჟუაზიულმა რეფორმებმა დააჩქარა ჩვენი ქვეყნის სამრეწველო-კაპიტალისტური განვითარება. რეფორმათა მომდევნო ხანაში საქართველო და ამიერკავკასია რკინიგზის საშუალებით მეტროპოლიასაც მჭიდროდ დაუკავშირდა. გაიზარდა რუსეთის კაპიტალიზმის გავლენა საქართველოსა და ამიერკავკასიაზე.

⁶⁸ სსსა, ფონ. 417, ანაწ. 7, საქ. 91.

XIX საუკუნეში, მეტადრე რეფორმათა მომდევნო პერიოდში, რუსეთში სწრაფად ვითარდებოდა სამრეწველო კაპიტალიზმი, ქვეყანა ჩაბმული იყო საქონლის მსოფლიო ბრუნვაში და რუსეთის ბურჟუაზია საქართველოსაც აბამდა ამ ფერხულში¹. რუსეთის კაპიტალიზმის განვითარება „სიგანეში“ სტიმულს აძლევდა საქართველოს ერთიანი ბაზრის შექმნა-განვითარებას. ერთიანი ბაზრის შექმნას თავიდანვე ხელს უწყობდა აგრეთვე საქართველოს უშუალო კავშირი „მსოფლიო შარაგზასთან“ — საზღვაო გზებთან. საქართველოში სამრეწველო წამოწყებებს, ასევე მრეწველობაში კაპიტალის მოქმედების სფეროს თანდათან გაფართოებას, მეტროპოლიის კაპიტალთან ერთად, ბიძგს აძლევდა უცხოური კაპიტალიც. ჩვენში ერთიანი ბაზრის შექმნასა და სამრეწველო წინსვლას აჩქარებდა კაპიტალიზმის მსოფლიო ბაზრის ზემოქმედება, აგრეთვე დაწინაურებული კაპიტალისტური ქვეყნების „მაგალითი და დახმარება“. საქართველოში წარმოების ახალი წესის გამარჯვების ხელშემწყობ ფაქტორებს შორის საგანგებო მნიშვნელობა ჰქონდა ქვეყნის ბუნებრივ სიმდიდრეთა სიუხვეს.

მეორე მხრივ, არსებობდა საქართველოს სამრეწველო განვითარების დამაბრკოლებელი ფაქტორები. მათ რიცხვს განეკუთვნებოდა ცარიზმის კოლონიური ეკონომიური პოლიტიკა, რომლის მიზანს შეადგენდა საქართველოს გადაქცევა რუსული სამრეწველო საქონლის გამსაღებელ ბაზრად და ნედლეულის ბაზად. ცარიზმი ესწრაფვოდა პოლიტიკურად დაპყრობილი ქვეყნის „ეკონომიურად დაპყრობას“. რუსეთის ბურჟუაზია, თავისი შედარებითი სისუსტის გამო, ამ გზაზე ხანგრძლივი დროის მანძილზე წარმატებასთან ერთად მარცხსაც განიცდიდა. ამაზე მიუთითა ვ. ი. ლენინმა 1899 წელს, როცა აღნიშნა, რომ კავკასიის „ეკონომიური დაპყრობა სავსებით აქამდეც არ დასრულებულა“², რომ საქართველოს მრეწველობის ზოგიერთი ნაწარმი „თავის მხრივ იპყრობდა რუსეთის ბაზარს“³. საქართველოში კაპიტალიზმის შემდგომ განვითარებას აფერხებდა ბატონყმობის გადმონაშთების სიმრავლე. კაპიტალისტური ურთიერთობა ჩვენში (რუსეთზე უფრო მეტადაც კი) აღმოჩნდა გახვეული „წინაკაპიტალისტური ურთიერთობის განსაკუთრებით ხშირ ქსელში“⁴. ამასთანავე საქართველო შედარებით გვიან დაადგა კაპიტალისტური განვითარების გზას. იგრძნობოდა

¹ ვ. ი. ლენინი, თხზ., ტ. 3, გვ. 704.

² იქვე, გვ. 703.

³ იქვე, გვ. 704.

⁴ ვ. ი. ლენინი, თხზ., ტ. 22, გვ. 325.

კაპიტალის დაგროვების უქმარობა, ქვეყნის შიგნით მიმოსვლისა და სატრანსპორტო საშუალებათა მოწყობის დაგვიანება, სამრეწველო ტექნიკის შედარებით დაბალი დონე, რაც ასევე აფერხებდა კაპიტალიზმის განვითარებას მრეწველობაში.

საქართველოში ჯერ კიდევ XIX ს. რეფორმამდელ ხანაში შეინიშნება სოციალურ-ეკონომიური ცხოვრების ბურჟუაზიული ევოლუცია: იზრდება მისი წამყვანი რაიონების სოფლის მეურნეობის დარგების საქონლიანობა, საფუძველი ეყრება კაპიტალისტური ხასიათის ცალკეულ საწარმოებს მრეწველობაში, იზრდება საშინაო და საგარეო ვაჭრობის მასშტაბი. მზადდება პირობები ბურჟუაზიული ურთიერთობის გასამარჯვებლად.

საქართველოს საზოგადოებრივ-ეკონომიურ ცხოვრებაში ძირფესვიანი გარდატეხა რეფორმების ხანიდან დაიწყო და მის მომდევნო პერიოდში განხორციელდა. წარმოების კაპიტალისტურმა წესმა სწრაფად გაიკაფა გზა და საბოლოოდ გაიმარჯვა. რეფორმების მომდევნო ხანაში ძლიერ განვითარდა საქართველოს სამთამადნო მრეწველობა. კერძოდ კი მისი ისეთი პირველხარისხოვანი დარგი, როგორცაა მარგანეცის მრეწველობა.

* * *

ჭიათურის მარგანეცის მრეწველობამ 1879—1914 წლებში განვლო ოთხი, ერთმანეთისაგან თვისობრივად განსხვავებული, პერიოდი: პირველ პერიოდში (1879—1894 წწ.) მის განვითარებას, მრეწველობის დაფუძნებასთან დაკავშირებულ სხვადასხვა ხასიათის სიძნელეებთან ერთად, აფერხებდა ახალ სამრეწველო რაიონში მიმოსვლისა და მადნის გადაზიდვის სრულყოფილ საშუალებათა არარსებობა, — რკინიგზისგან მოწყვეტილობა; მეორე პერიოდში (1895—1900 წწ.) „ორიქლის რკინიგზით“ უზრუნველყოფილმა დარგმა, მარგანეცის მადნის მომხმარებელ — მსოფლიო მეტალურგიასთან ერთად, განიცადა მძლავრი აღმავლობა და ის საიმპერიო და მსოფლიო მნიშვნელობის დარგად იქცა; მესამე პერიოდში (1901—1905 წწ.) მარგანეცის მრეწველობამ, მსოფლიო მეტალურგიასთან ერთად, განიცადა მძიმე კრიზისი და მომდევნო დეპრესია, ხოლო მეოთხე პერიოდში (1906—1914 წწ.) მისი ინდუსტრიული განვითარება (1907, მეტადრე 1908 წლის პერიოდული კრიზისის მიუხედავად) უსწრაფესი ტემპით წარიმართა. პირველი მსოფლიო ომისა და საქართველოში მენშევიკების ბატონობის პერიოდში ჭიათურის მარგანეცის მრეწველობა, რომელიც მსოფლიო ბაზარს მოწყდა, დაღმავალი გზით წავიდა და 1921 წლისათვის მინიმუმამდე დაეცა.

ჭიათურის მარგანეცის მრეწველობის განთიადი ხასიათდებოდა წვრილი (უმთავრესად გლეხური) სარეწავებისა და მანუფაქტურული ხასიათის საწარმოთა თანაარსებობით. XIX ს. 80-იანი წლების მეორე ნახევარში მრეწველობა განვითარების მანუფაქტურულ სტადიაზე გადადის. 90-იან წლებში საფუძველი ეყრება მრეწველობის გარდაქმნას ინდუსტრიულ ყაიდაზე. სამრეწველო გადატრიალება ძირითადად დასრულებულ სახეს პირველი მსოფლიო ომის წინა წლებში იღებს. ჭიათურის მრეწველობა 1894 წლიდან უკვე უზრუნველყოფილია რკინიგზით, სამრეწველო რაიონი თანდათან იფარება ბრემსბერგებ-სა და საპაერო-საბაგირო გზების ქსელით, მიწისქვეშა და საბადოს ზედაპირზე გაყვანილი რელსებიანი გზებით, „ესტოკადებით“, წყალსაქაჩავებითა და მადნის დასაშვები „ლარებით“. ფართოდ იწერება ჰიდრავლური, ორთქლის, ნავთობის—გაზომოტორული და ელექტროენერჯის ძალის გამოყენება. სამრეწველო რაიონში აშენდა და ამოქმედდა მადნის 30 გამამდიდრებელი ფაბრიკა, რომელთა უმრავლესობა იმდროინდელი ტექნიკის უკანასკნელი მიღწევების გამოყენებით მოეწყო. მრეწველობაში გადამწყვეტ როლს ასრულებდნენ შედარებით მსხვილი, ინდუსტრიულად მოწყობილი საწარმოები. მართალია, მაღაროებში მადნის მონგრევა და ვაგონეტებში ჩატვირთვა ხელით წარმოებდა, მაგრამ მაღაროებიდან საბადოს ზედაპირზე მისი რელსებიანი გზით გამოზიდვა, საბადოებიდან ბრემსბერგით ან საპაერო-საბაგირო გზით მდ. ყვირილას ხეობაში გამართული გამუხუხუბელი ფაბრიკებისათვის მიწოდება, იქ მადნის მექანიკური გამდიდრება და მისი „საესტოკადო“ გზით რკინიგზის სატვირთო ბაქნებამდე გადაზიდვა, რკინიგზის ვაგონებში მადნის მექანიკური ტვირთვის დანერგვა, — ყველაფერი ეს მოწმობს მრეწველობის მოცემული დარგის ინდუსტრიულ ყაიდაზე გარდაქმნას. ამასთანავე წვრილმა და მანუფაქტურულმა საწარმოებმა მთელ რევოლუციამდელ ხანაში შეინარჩუნეს არსებობა, მაგრამ ისინი მეორეხარისხოვან როლს ასრულებდნენ საქმიანობის მასშტაბისა და დასაქმებულ მუშათა რაოდენობის მხრივ. ჭიათურის მარგანეცის მრეწველობა მსოფლიო ინდუსტრიის ერთ-ერთ წამყვან დარგს — მსოფლიო მეტალურგიას ემსახურებოდა, მასთან იყო დაკავშირებული. ამიტომ ის, გარკვეული გაგებით, შეიძლება შევაფასოთ, როგორც მსოფლიო მეტალურგიის ერთ-ერთი დასაყრდენი და შემადგენელი დარგი.

ჭიათურაში ჩამოყალიბდა საქართველოს ეროვნული ბურჟუაზიის მრავალრიცხოვანი ჯგუფი. მის გენეზისზე დაკვირვება მოწმობს, რომ ჩვენში XIX ს. 70-იან წლებში კაპიტალის შინაგანი დაგროვება არასაკმაოა, კერძო კაპიტალისტური თაოსნობა ერთგვარად მოისუსტებს. კაპიტალის შინაგანი დაგროვების პროცესი ახალი ძალით ღრმავდება XIX ს. უკანასკნელ მეხუთედში და გრძელდება XX ს. პირველ მსოფლიო ომამდე ხანაში. ამ ბაზაზე ჩამოყალიბდა სამრეწველო ბურჟუაზია ჭიათურაში. ის ყალიბდებოდა გაბურჟუების გზაზე და ადგილი თავადაზნაურობის, შედარებით შეშლებულ ვლესთა, გლეხური წარმოშობის ეაქართა. აგრეთვე (იშვიათ შემთხვევებშიც) გამდიდრებულ ხელოსანთა ხარჯზე. შესასწავლ ხანაში მარგანეცის მრეწველთა საერთო მასაში ქართველი საქმოსნებია დაახლოებით 94—95%, ადგილობრივი სომხები, ბერძნები, ებრაელები — 2—3%, უცხოელები 3%. 1860-იანი წლების დამდეგს ქართველ მეწარმეთა საერთო რიცხვის 50%-ზე მეტი თავადაზნაურთა წრიდანაა, დანარჩენი კი ვლესობიდან. დროის მსვლელობაში ვითარება იცვლება გლეხური წარმოშობის მეწარმეთა სასარგებლოდ. 1900—1914 წლებში ისინი შეადგენენ ქართველ მეწარმეთა საერთო რიცხვის 58—59%.

*

უცხოური კაპიტალი თავიდანვე აქტიური ჩანს ჭიათურაში. მისი მოძალემა წარმოებაში უფრო ენერგიულია XIX ს. 90-იანი წლებიდან. უცხოური ფირმებიდან აქ, 1900-იანი წლების დამლევამდე, უფრო მძლავრი არიან ფრანგული. აგრეთვე ინგლისური კაპიტალის წარმომადგენლები, რომელთაც მხარს ვერ უსწორებდნენ გერმანული ფირმები. მომდევნო პერიოდში გერმანული კაპიტალის ექსპანსიის გაძლიერების შედეგად ვითარება ძირფესვიანად იცვლება. უცხოური და ადგილობრივი კაპიტალის მეტოქეობა ჭიათურაში თავიდანვე მწვავე ფორმებში მიმდინარეობდა და ის ზოლად გასდევს მარგანეცის მრეწველობის მთელ რევოლუციამდე ისტორიას. ადგილობრივმა კაპიტალმა წარმოებაში 1900-იანი წლების დამლევამდე შეინარჩუნა გადამწყვეტი პოზიციები, ხოლო უცხოური კაპიტალი თავიდანვე მტკიცედ დაეუფლა მადნის ადგილობრივ ბაზარს. უცხოური სამრეწველო კაპიტალი ჭიათურაში დამკვიდრების პირველ წლებში ხელს უწყობდა მარგანეცის მრეწველობის წინსვლას, აჩქარებდა მის მატერიალურ-

ტექნიკურ პროგრესს, ხოლო აქ მტკიცედ დაფუძნების შემდეგ საქმეს აბრკოლებდა, მრეწველობის დაქვემდებარებას ლამობდა, სამუშაო ძალის უმოწყალო ექსპლოატაციას აძლიერებდა, საბადოთა სამრეწველო ათვისებას უფრო და უფრო მტაცებლურად ეწეოდა. გერმანულმა ფირმებმა 1909 წლიდან დიდძალი კაპიტალი დააბანდეს ჰიათურაში. მათ ძლიერ შეაფიწროვეს არა მარტო ადგილობრივი სამრეწველო კაპიტალის პოზიციები, არამედ ინგლისური და ფრანგული კაპიტალისაც. ორი გერმანული ფირმა — „გელზენკირხენი“ და „კაუკასიის საბადოთა ამხანაგობა“ — აფართოებდა ოპერაციებს და წარმატებით იკაფავდა გზას მარგანეცის მრეწველობაში მონოპოლიური მდგომარეობის მოსაპოვებლად. მათ ხელთ იგდეს ექსპლოატაციაში შესული, საუკეთესო საბადო — ზეგნების ფართობის თითქმის მესამედი (სოლიდური კაპიტალი ქმონდათ გამიზნული ახალ საბადოთა შესაძენად). სესხების გაცემით დააკაბალეს ადგილობრივ მეწარმეთა ერთი ნაწილი, გერმანული სააქციო გაერთიანებანი გულდადებით ეწოდნენ საკუთარ საწარმოთა მატერიალურ-ტექნიკურ აღჭურვას, შეგნებულად აყოვნებდნენ დასაკუთრებულ საბადოთა სამრეწველო ექსპლოატაციას და დაკაბალებულ მეწარმეთაგან შეღავათიან ფასებში მზარდი მასშტაბით შეძენილ მადანს შინ ეზიდებოდნენ. ამ მხრივ დამახასიათებელია, რომ დასახელებულმა გერმანულმა ფირმებმა 1909 — 1914 წწ. ჰიათურის აუზში საკუთრივ მხოლოდ 15 მილიონი ფუთი მადანი მოიპოვეს, ხოლო აქედან გაზიდეს 90 მილიონი ფუთი⁵. მათ თვალსაჩინო მასშტაბით აწარმოეს მადნის შესყიდვა-გაზიდვა, რითაც სტრატეგიული ნედლეულის კოლოსალური მარაგი შეუქმნეს გერმანიის მეტალურგიას. პირველი მსოფლიო ომის დაწყების შემდეგ გერმანული ფირმების საქმიანობა აღკვეთილ იქნა ჰიათურაში: სალიკვიდაციოდ განკუთვნილი ფირმების საწარმოთა ხელში ჩააგდებდა (1914—1917 წწ.) ადგილობრივ, რუსულ და უცხოურ კაპიტალს შორის გაჩაღებული მეტოქეობა მწვავე ფორმებში მიმდინარეობდა. ამ მეტოქეობამ საერთაშორისო მასშტაბს მიაღწია და მასში მონაწილეობა მიიღეს დაინტერესებული ქვეყნების მთავრობებმაც.

უცხოური კაპიტალის მოძალეების მოსაგერიებლად ადგილობრივი კაპიტალი თითქმის განუწყვეტლივ ცდილობდა გაერთიანებულად მოქმედებას, ესწრაფვოდა მეწარმეობის ერთპიროვნული ფირმიდან კოლექტიურზე („ამხანაგობანი“, სააქციო საზოგადოებანი, სინდიკატი) გადასვლას. ამ მიმართულებით დაბეჯითებით, თუმცა მეტწილად წარუმატებლად, გულმოდგინეობდა მარგანეცის მრეწველთა წარმომადგენ-

ლობითი ორგანიზაცია — „ყრილობა“. თავისუფალი კონკურენციის საფუძველზე მიმდინარეობდა წარმოების გამსხვილება და კონცენტრაცია. მოცემულმა პროცესმა ჭიათურაში ვერ მიაღწია იმ საფეხურს, როცა იქმნება მონოპოლია. ადგილობრივმა კაპიტალმა ამ მიმართულებით მხოლოდ ბერლინის „მანგანსინდიკატთან“ შეკავშირებული სინდიკატის დაარსება შეძლო, ისიც მხოლოდ XX ს. დამდეგს, ე. ი. ეპოქაში, „როცა ძველი კაპიტალიზმი შეიცვალა ახლით“. ადგილობრივი სინდიკატური გაერთიანებაც უდღეური აღმოჩნდა. უცხოურმა, კერძოდ, გერმანულმა ფირმებმა ვერ მოასწრეს ჭიათურაში მონოპოლიურად გაბატონება. უმაღლესი ტიპის მონოპოლისტური გაერთიანებანი (ტრესტი, კონცერნი) ჩვენში საზოგადოდ არ აღმოცენებულა.

* * *

რუსული სამრეწველო კაპიტალი ჭიათურაში XIX ს. 80-იანი წლების დამდეგსავე გამოჩნდა. მან აქ, გარკვეული ცდების მიუხედავად, ვერ შეიქმნა საკუთარი პოზიცია. სამაგიეროდ მეტროპოლიის ზოგიერთი საკრედიტო დაწესებულება წარმატებით ჩაება ჭიათურის მარგანეცის ექსპორტთან დაკავშირებულ ოპერაციებში. მოცემულ დარგს ცარიზმი მხოლოდ თავისი ვიწროდ გაგებულ ფისკალური ინტერესებისა და მეტროპოლიის მარგანეცის მრეწველობისათვის მფარველობის თვალსაზრისით უდგებოდა. ამან თავისი გამოხატულება პოვა ჭიათურის სახაზინო რკინიგზით მადნის გადაზიდვაზე უმაგალითოდ მაღალი ტარიფის დაწესებაში. რეპრესიული სატარიფო პოლიტიკის გატარებით ხაზინა სოლიდურ შემოსავალს იღებდა, ჭიათურის მარგანეცის მრეწველობას ძლიერ ავიწროებდა, ხოლო მეტროპოლიისას ამით ხელს უმარათავდა. მთავრობა XIX ს. 80-იანი წლებიდან განსაკუთრებული გულმოდგინებით ახორციელებდა პროტექციონისტულ პრინციპებს. სახალხო მეურნეობის მძლავრი განვითარების უზრუნველსაყოფად ის გადაწყვეტ მნიშვნელობას ანიჭებდა საკრედიტო პოლიტიკას, მიმართულს უცხოური სამრეწველო ინვესტიციების მოზიდვისაკენ, ასევე საბაჟო პოლიტიკას, რითაც რუსეთის კაპიტალიზმი თავს იცავდა უცხოური სამრეწველო პროდუქციის მხრივ კონკურენციისაგან. „ეროვნული ეკონომიური სისტემის“ შექმნისადმი მისწრაფება (რაც რუსეთის სახალხო მეურნეობის პროგრესული განვითარების საჭიროებით იყო ნაყარნახევი) 80-იანი წლების პოლიტიკური რეაქციის პირობებში, უღარესად რეაქციული ეკონომიური შოვინიზმის ფორმით გამომჟღავნდა და მან დასრულებული სახე 1891—1900 წწ.

შიდლო.⁶ მოცემულ პერიოდში, იაევე როგორც XX ს. პირველ მათე-
ლიომამდე წლებში. მეტროპოლია გაძლიერებულ ინტერესს იჩენს
საქართველოსა და კავკასიისადმი, თავისი კოლონიური ეკონომიური
პოლიტიკის განუხრელად გატარებით ცდილობს ერთდროულად ორი
მიზნის მიღწევას, სახელდობრ, მხარის სრულ ეკონომიურ დაპყრობასა
და ასიმილაციას. დასახული მიზნების მისაღწევად გამიზნული
კოლონიური პოლიტიკის მეთოდების შემუშავებისას მთავრობის ორ-
განოებში ხშირად იჩენდა თავს აზრთა გარკვეული სხვადასხვაობა. მთა-
ვრობის ცენტრალური ორგანოები მეტროპოლიისათვის ხელსაყრელ
საქმედ არ თვლიდნენ საქართველოს მრეწველობის ინდუსტრიული გან-
ვითარებისათვის ხელშეწყობას, ამ პროცესს შეგნებულად ამუხრუ-
ჭებდნენ. პეტერბურგში სწორედ ასე ეკიდებოდნენ ჭიათურის მარ-
განეცის მრეწველობას, რომლის წინსვლას ფაქტიურად აბრკოლებ-
დნენ, ისიც არა მარტო სატარიფო რეპრესიის მეშვეობით. კავკასიის
ადმინისტრაციის მესვეურთა უმრავლესობას კი მიაჩნდა, რომ მხარის
სრული ეკონომიური დაპყრობა მის სამრეწველო ძალთა წინსვლი-
სათვის ხელშეწყობით უნდა განხორციელებულიყო. კავკასიის ადმი-
ნისტრაცია კოლონიურ მხარეში მეტროპოლიის სამრეწველო კაპიტა-
ლის პასიურობის პირობებში, ჭიათურაში უცხოური კაპიტალის და-
ბანდებას ხალისით ეგებებოდა და ხელს უწყობდა, ამავე დროს მთა-
ვრობის ცენტრალური ორგანოების წინაშე თითქმის გამუდმებით შუ-
ამდგომლობდა საქართველოს მარგანეცის მრეწველობის განვითარე-
ბის შემაფერხებელი სატარიფო პოლიტიკის შესარბილებლად. რუსე-
თის გავლენიანი საქმიანი წრეებისათვის უცხო არ იყო საქართველო-
სა და კავკასიის სიმდიდრეთა კოლონიური ათვისების მომგებიანობის
გაგება. ამ მიმართულებით მათი მოქმედება უფრო გააქტიურდა XIX ს.
90-იანი წლებიდან, როცა რუსი კაპიტალისტები, ერთი მხრივ, სა-
კუთრივ უფრო ენერგიულად, თუმცა მეტწილად წარუმატებლად,
ცდილობდნენ საქართველოს ბუნებრივ სიმდიდრეთა სამრეწველო
ექსპლოატაციას, ხოლო, მეორე მხრივ, მთავრობისაგან მოითხოვდნენ
საგანგებო ზრუნვასა და უფრო ეფექტურ მოქმედებას მეტროპოლიის
მიერ ამ სიმდიდრეთა კოლონიური ათვისებისათვის. რუსეთის საქმი-
ანი წრეების ასეთი მისწრაფება არა თუ ცხრებოდა, არამედ საგრძნობ-
ლად გაძლიერდა იმპერიაში მშრომელთა რევოლუციური მოძრაობის
გაღრმავება-გაფართოებასთან დაკავშირებით. ეს გასაგებიცაა, რადგან
რუსეთის გავლენიანი საქმიანი წრეები საქართველოსა და კავკასიაში
1905—1907 წლების რევოლუციის განსაკუთრებულ სიმძლავრეს

⁶ П. Я. Лященко, История народного хозяйства СССР, т. 2. გვ. 178—191.

სწორედ რომ მოცემული კოლონიური მხარის სამრეწველო-ეკონომიური განუვითარებლობითა და, მის გამო, აქაური გაღარიბებული მოსახლეობის დაუსაქმებლობით ხსნიდნენ. მეტროპოლია საქართველოსა და კავკასიაში რევოლუციური მოძრაობის აღკვეთას კოლონიის სრული ეკონომიური დაპყრობისა და მოსახლეობის ასიმილაციის მეშვეობით ლამობდა. ამ მიმართულებით გამიზნული პოლიტიკით ცარიზმმა „...მსოფლიო რეკორდი დაამყარა ერთა ჩაგვრაში იმპერიალიზმის საფუძველზე, იმპერიალიზმისა, რომელიც გაცილებით უფრო უხეში, შუასაუკუნეობრივი, ეკონომიურად ჩამორჩენილი და სამხედრო-ბიუროკრატიულია“.⁷ მეფის რუსეთმა, რომელიც ჩვენთვის საინტერესო პერიოდში საკუთრივ, ასე თუ ისე, „მსოფლიო ფინანსიური კაპიტალის ოთხი ბურჯის მოვალე და მეხარკეა“, თავისი შედარებითი ეკონომიური ჩამორჩენილობის გამო, საწაღელ მიზანს ვერ მიაღწია: ვერ შეძლო საქართველოს სრული ეკონომიური დაპყრობა და ასიმილაცია. რუსეთის ბურჟუაზია ვერ დაეუფლა საქართველოს მრეწველობას, კერძოდ, ჰიათურის მარგანეცის მრეწველობას, რომლის ინდუსტრიულად მოწყობასაც ცარიზმი რიგ შემთხვევებში შეგნებულად აბრკოლებდა, ჰიათურის მარგანეცის მადნის გადაუმუშავებლად ექსპორტის შედარებით წამგებიანობას ანგარიშს არ უწევდა, საქართველოში ფერომარგანეცის წარმოების დაფუძნებით დაინტერესებულ ფირმებს გასაქანს არ აძლევდა. ეს მაშინ, როცა მარგანეცის მადნის მსოფლიოში ცნობილი ექსპორტიორი, რუსეთი, ფეროშენადნობთა იმპორტს განუწყვეტილვ ეწეოდა.

• • •

ჰიათურის სამრეწველო რაიონის მუშათა რიგები ივსებოდა საქართველოს სოფლიდან მოსული ღარიბი გლეხობის, აგრეთვე კავკასიისა და შიდა რუსეთის სხვადასხვა კუთხეებიდან სამუშაოდ მოსულთა ხარჯზე. მუშახელი მოედინებოდა ირანიდან და თურქეთიდანაც. სამუშაო ძალის კონტინგენტის შევსების ერთ-ერთ წყაროს მუშათა ოჯახების წევრებიც შეადგენდნენ. წარმოებაში თავიდანვე დაინერგა არასრულსაკოვანთა და ქალთა შრომის გამოყენება. თვალსაჩინო იყო მუშახელის დენადობა. კადრის მუშათა ძირითადი კონტინგენტი ივსებოდა სამთო, აგრეთვე მადნის გამამდიდრებელი ფაბრიკებისა და რკინიგზის სადგურებზე მოკალათებულ მტვირთავ მუშათა ხარჯზე, ბოლო სეზონურისა მრეწველობის დამხმარე საწარმოთა მუშებისა და

⁷ ვ. ი. ლენინი, თხზ., ტ. 22, გვ. 459.

მადნის საჭაპანო და სასაპალნე ტრანსპორტით გადაზიდველთაგან. XX ს. დამდეგამდე მადნის გადაზიდველი მუშახელის რაოდენობა სამთო მუშათა რიცხვს უტოლდებოდა, მომდევნო პერიოდში კი ვითარება იცვლება: პირველი „კატეგორიის“ მუშათა რიცხვი თანდათან მცირდება, ხოლო მეორისა იზრდება. ასევე თანდათან ივსება გამამდიდრებელი ფაბრიკების მუშათა რიგები. ჩვენთვის საინტერესო პერიოდში მუშათა საერთო მასაში ეროვნებით ქართველებია დაახლოებით 80%, რუსები — 6%, დანარჩენს კი შეადგენენ სომხები, ბერძნები, ოსები, ლეკები, თათრები და სხვ. (სამრეწველო რაიონში 1900-იან წლებში 15 ეროვნების მუშებია აღრიცხული). მუშათა საერთო რიცხვი არასრული ცნობით 1900 წელს 8000 აღემატება, ხოლო 1913 წელს 12 000 აღწევს. პირველი მსოფლიო ომისა და საქართველოში მენშევიკების ბატონობის პერიოდში სამრეწველო რაიონის მუშათა რიცხვი ძლიერ შემცირდა. ამასთანავე მუშათა საერთო მასაში გაიზარდა ქალთა და არასრულსაკოვანთა აბსოლუტური და შეფარდებითი რაოდენობა. სამთო მუშათა ასაკობრივი შემადგენლობა, სადაზღვევო ბარათების ჩვენებით, ასეთია: 20-დან 35-მდე წლისა 69%, 36-დან 50-მდე წლის — 20%, ხოლო დანარჩენს კი სხვა ასაკისანი შეადგენდნენ.

1903 წლის დემოგრაფიული აღწერის ცნობით ჭიათურაში მუშათა საერთო რიცხვის 17% წერა-კითხვის მცოდნეა, ხოლი სადაზღვევო ბარათების მონაცემებით 1914 წელს ასეთია 29%.

პირველი მსოფლიო ომის წინა წლებისათვის მუშათა საერთო რიცხვის დაახლოებით 80% თავს იყრის მსხვილ, აგრეთვე საშუალო სიდიდის საწარმოებში, ხოლო დანარჩენი მოდის წვრილ (უმთავრესად გლეხურ) და მანუფაქტურული ტიპის საწარმოებზე.

სამთო მუშათა შრომის პირობების გაუარესებას პირველ რიგში აპირობებდა მიწისქვეშა სამთო გამონამუშევრების თანდათან შექრა საბადოთა სიღრმეში. შრომის უსაფრთხოების წესების დაცვის საქმე ჭეროვნად არ გაუმჯობესებულა. საბადოთა სამრეწველო ექსპლოატაციის გაფართოებასთან ერთად იზრდებოდა უბედური შემთხვევების, ასევე მათ შედეგად დაღუპულ თუ დასახიჩრებულ მუშათა რიცხვი. მუშათა დაზღვევის მოგვარება მხოლოდ 90-იანი წლების ბოლოს დაიწყო და ის შემდეგშიც მნიშვნელოვანწილად მოუწესრიგებელი დარჩა. სამუშაო დროის ხანგრძლიობა წლის სხვადასხვა დროს, 12—14 საათს აღწევდა, ხშირი იყო კვირაობით, ასევე ღამით მუშაობის შემთხვევებიც. სამუშაო დროის გახანგრძლივებას ხელს უწყობდა მუშათა დაქირავების სანარდო სისტემის ბატონობა.

მუშათა (მათ შორის კადრის მუშების) კავშირი სოფელთან (თუ ღმვიათ შემთხვევებს მხედველობაში არ მივიღებთ) არ წყდებოდა, ინ-

ტენსიური სოფლის მეურნეობის ქვეყნის პირობებში ეს კავშირი მხოლოდ სუსტდებოდა. ამას აპირობებდა აგრეთვე ტერიტორიული სივრცის მხრივ შედარებით მცირე ქვეყნის სოფლისა და სამრეწველო ცენტრის სიახლოვე. ჭიათურაში, ისევე როგორც ეს ხდება საზოგადოდ, „მიწათმოქმედებისა და მრეწველობის შეერთება მუშის კაპიტალისტური ექსპლოატაციის უძლიერეს საშუალებად იქცა“. მუშის შრომის ნაყოფიერების ზრდის მიუხედავად, მისი ნომინალური და რეალური ხელფასის დონე (მუშათა მძლავრი რევოლუციური ბრძოლის წლების გამოკლებით) თანდათან ეცემოდა. ამას, მეწარმეთა მიერ მუშათა ექსპლოატაციის გაძლიერებასთან ერთად, ბიძგს აძლევდა მუშახელის სიჭარბე მასზე მოთხოვნილებასთან შედარებით, ასევე უმუშევრობის ზრდა, რაც განსაკუთრებით ფართო მასშტაბს იღებდა წარმოების პერიოდული კრიზისების შედეგად. მუშათა მძიმე საყოფაცხოვრებო პირობების ერთგვარი გაუმჯობესება მხოლოდ მსხვილ საწარმოებში შეინიშნებოდა, ისიც მარტო XIX ს. მიწურულიდან. სამრეწველო რაიონის მომარაგება პირველი მოთხოვნილების საგნებით ჯეროვნად არ მოწესრიგებულა. დიდ სივრცეზე გადაჭიმული რაიონის ზოგიერთ უბანში სასურსათო მღაზიები და მუშათა სასაღილოები არ მოწყობილა. სამრეწველო მოსახლეობის განუზრგელი ზრდის პირობებში სურსათ-სანოვავის ნაკლებობა უფრო და უფრო საგრძნობი ხდებოდა, პირველი მოთხოვნილების საგნებზე ფასები მატულობდა. მუშათა სამედიცინო მომსახურებაც არ პასუხობდა მოთხოვნილებას. ყოველივე ამაში ვლინდებოდა სამრეწველო რაიონის მუშათა შეფარდებითი და აბსოლუტური გადატაკების პროცესის გაღრმავება. ასეთ მდგომარეობას მუშები მიჰყავდა საკუთარი ისტორიული მისიის გაგებამდე, ის განაწყობდა მათ ცარიზმისა და ბურჟუაზიის წინააღმდეგ საბრძოლველად.

მუშათა სპორადული ეკონომიური ხასიათის სტიქიური გამოსვლები ჭიათურაში XIX საუკუნის დამლევს წამოიწყო. მუშათა ეკონომიური ხასიათის გამოსვლები XX საუკუნის დამლევს პოლიტიკურ ბრძოლაში გადაიზარდა. პირველ პოლიტიკურ გამოსვლას ჭიათურაში ადგილი ჰქონდა 1902 წელს: მძლავრი გაფიცვა 4 დღეს გაგრძელდა, მასში 1300 მუშა მონაწილეობდა. სამრეწველო რაიონის მუშათა ბრძოლამ შემდეგში უფრო შეგნებული და ორგანიზებული რევოლუციური ბრძოლის ხასიათი მიიღო. 1903 წლის ივლისის გაფიცვამ ჭიათურაში 12 დღე გასტანა, მასში 3 000-მდე მუშა მონაწილეობდა. ჭიათურის სამრეწველო რაიონის მუშათა რევოლუციური თვითშეგნებისა და აქტივობის ამაღლებაზე, ბუნებრივია, დიდი გავლენა მოახ-

დინა რუსეთის გმირული მუშათა კლასისა და ამიერკავკასიის სამრეწველო ცენტრების მუშათა რევოლუციური ბრძოლის აღმავლობამ. მუშათა მოძრაობამ ჭიათურაში ლენინური სოციალ-დემოკრატიის ხელმძღვანელობით ჭერ კიდევ რუსეთის პირველი რევოლუციის წინ მიადწია ფართო გაქანებას. ამ დროისათვის ჭიათურის სამრეწველო რაიონში კადრის მუშათა შრავალათასიანი რაზმი ჩამოყალიბდა და აქტიურად ჩაება რევოლუციურ მოძრაობაში. მთელი ქვეყნის მუშათა კლასთან ერთად, ჭიათურელ მუშათა პოლიტიკურმა ბრძოლამ ახალ, უფრო მაღალ საფეხურს 1905—1907 წლების რევოლუციის პერიოდში მიაღწია. ამ ეტაპზე ბრძოლაში აქტიურად ჩაება სამრეწველო რაიონის ყველა „კატეგორიის“ მუშა. მუშათა ბრძოლამ, სოციალ-დემოკრატიის ხელმძღვანელობით, დიდი გავლენა იქონია შორაპნის მაზრაში გლეხთა მოძრაობის გაძლიერებაზე. რევოლუციამ დიდი საბრძოლო გამოცდილება შესძინა მუშებს, ხელი შეუწყო მათი რევოლუციური თვითშეგნების შემდგომ ამაღლებას, გაზარდა მათი საბრძოლო სოლიდარობა. რევოლუცია თვალსაჩინო ნიშანსვეტი გახდა სამრეწველო რაიონის მუშათა კლასის რიგების საბრძოლო დარაზმვაში. 1905 წლის მეორე ნახევრიდან დასავლეთ საქართველოს რევოლუციური მოძრაობის ცენტრმა ბათუმიდან ჭიათურაში გადაინაცვლა. ამის საუკეთესო დემონსტრაციას წარმოადგენდა ჭიათურელ მუშათა 1913 წლის იენის-იელისის 56-დღიანი გაფიცვა, რომელმაც მძლავრი გამოძახილი პოვა ბათუმში, ტყიბულში, ფოთში. გავლენა მოახდინა ამიერკავკასიასა და შიდა რუსეთში სავაფიცო მოძრაობის განვითარებაზე. ეს გაფიცვა იყო ამიერკავკასიის მუშათა კლასის ერთ-ერთი უდიდესი და მძლავრი გამოსვლა ახალი, საერთო სარუსეთო რევოლუციური აღმავლობის პერიოდში.

* * *

1879 წლიდან 1914 წლის ივლისამდე ჭიათურაში მოპოვებულ იქნა მარგანეცის მადნის მსოფლიო მოპოვების 36,13%, მის წილად მოდიოდა მარგანეცის მსოფლიო ექსპორტის დაახლოებით 43%. აღებულ პერიოდში, არასრული ცნობით, ჭიათურიდან გაიზიდა 698 581 000 ფუთი.

აქედან უცხოეთში გატანილ იქნა 656 666 000 ფუთი (ანუ 94%), ხოლო რუსეთში — 41 915 000 ფუთი (ანუ 6%).

1879—1914 წლებში ჭიათურაში მოპოვებული და აქედან გაზი-

დული მარგანეცის მადნის ღირებულებამ, ჩვენი მიახლოებითი გაანგარიშებით, შეადგინა:

ცხრილი 1

მადნის ღირებულების შემადგენელი მუხლები	უცხოეთში გაზიდული 656 666 ათასი ფუთი მარგანეცის მადნისა		რუსეთში გაზიდული 41 915 ფუთი მარგანეცის მადნისა		უცხოეთსა და რუსეთში გაზიდულისა (ათას მანეთობით)
	ფუთი კაპიტალიზით	სულ ათას მანეთობით	ფუთი კაპიტალიზით	სულ ათას მანეთობით	
საბადოს რენტა	1	6 566,6	1	419,2	6 985,9
მადნის ამოღების (მოპოვების) ღირებულება	2	13 133,3	2	838,3	13 971,6
საბადო-მიდან კიათურაძელე მადნის გადაზიდვის ღირებულება	3	19 700	3	1 257,5	20 957,5
მადნის თვითღირებულება კიათურაში	6	39 400	6	2 516	41 916
მადნის სარეალიზაციო ფასი კიათურაში	8	52 533,3	8	3 353,3	55 886,6
მეწიარე მთავრება	2	13 133,3	2	838,3	13 971,6
კიათურიდან ადგილობრივ ნავსადგურებამდე მადნის გადაზიდვის ღირებულება და ზენდაღები ხარჯები	11	72 233,3	11	4 610,6	76 843,9
მადნის თვითღირებულება ადგილობრივ ნავსადგურებში	19	124 766,5	19	7 963,9	132 730,4
მადნის სარეალიზაციო ფასი ადგილობრივ ნავსადგურებში	23	151 033,1	23	9 640,5	160 673,6
კიათურიდან ადგილობრივ ნავსადგურებამდე მადნის გამზადებულ კაპიტალისტთა მოგება	4	26 266,6	4	1 676,6	27 943,3
ვეროპის და რუსეთის ნავსადგურებში მადნის გადაზიდვის ღირებულება (ფრანკა და ზენდაღები ხარჯები)	12	78 799,9	2	838,3	79 638,2
მადნის თვითღირებულება ვეროპისა და რუსეთის ნავსადგურებში	35	229 833	25	10 478,8	240 311,8
ექსპორტიორ (და რუსეთში მადნის გამსადგებელ) კაპიტალისტთა სავაჭრო მოგება	7	45 966,6	1	419,2	46 385,8
მარგანეცის მადნის სარეალიზაციო ფასი	42	275 799,6	26	10 898	286 697,6

როგორც ვხედავთ, ჰიათურის მარგანეცის რეალიზაციიდან კოლოსალური თანხა იქნა მიღებული; საშუალოდ, წლიურად მიღებული თანხის ოდენობამ (34 წლის მანძილზე) 8 432 255 მანეთი შეადგინა. სინამდვილეში ეს ოდენობა წლიდან წლამდე თანდათან, ზოგჯერ ნახტომისებური ზრდითაც ხასიათდება. ასე მაგალითად, 1900 წელს საქართველოს ნავსადგურებში გასაღებული 40 მილიონი ფუთის სარეალიზაციო ფასმა (ფუთი 23 კაპ.) შეადგინა 9 200 000 მანეთი, უცხოეთში (ფუთი 42 კაპ.) კი 16 800 000 მანეთი, ხოლო 1913 წელს შესაბამისად 16 100 000 და 29 400 000 მანეთი. სამრეწველო რაიონის მუშებმა შედარებით უმნიშვნელო ოდენობის თანხა მიიღეს, ხოლო მრეწველმა და ექსპორტიორმა კაპიტალისტებმა კოლოსალური ოდენობის ზედმეტი ღირებულება (მოგება და სავაჭრო მოგება) მიითვისეს. დიდძალი თანხები მიიღო აგრეთვე რკინიგზის მფლობელმა ხაზინამ და უცხოურმა, აგრეთვე რუსულმა სანაოსნო კომპანიებმა, რომლებიც მადნის გაზიდვას ეწეოდნენ.

ჰიათურის მარგანეცის მრეწველობამ არ შეამსუბუქა სამრეწველო აუზის მკვიდრი გლეხური მოსახლეობის ეკონომიური მდგომარეობა. სარწმუნო წყაროს მოწმობით „Промысли не повлиали ни на выкуп земель, ни на приобретение земельной собственности, что касается до полеводства, то посевы отчасти, скорее сократились, нежели увеличились“⁸.

მრეწველობამ ადგილობრივი მოსახლეობა დააზარალა: „ისედაც უნაყოფო ადგილებს ქვემოდან ნიადაგი გამოეცალა, გვირაბ-მადაროების გაყვანით ადგილები, სამოსახლოები, თვითონ სახლები და შენობები დააქცია, სასმელი წყლები დააშრო, ტყე, ბალახი და ვენახები გაახმო და მოსპო“. სამრეწველო აუზის საბადო-ზეგნები „მტრისაგან აოხრებულს და ნანგრევ არე-მარეს დაემსგავსა“⁹.



ჰიათურის მარგანეცის მრეწველობაში, ისევე როგორც საერთოდ ჩვენი ქვეყნის ცხოვრებაში, თვისობრივად ახალი ეპოქა საქართველოში სოციალისტური რევოლუციის გამარჯვების შემდეგ დაიწყო. ამ დროიდან ხდება მრეწველობის დასახელებული დარგის გეგმანომიერი განვითარება მოწინავე ტექნიკის სულ უფრო და უფრო მზარდი მასშტაბით დანერგვის ბაზაზე. სოციალისტური ინდუსტრიალიზაციის

⁸ ЦГИАЛ, ф. 1263, оп. 2. д. 4914, л. 521.

⁹ გაზ. „აზრი“, 1908, 15 ნოემბერი, № 15.

წლებში ის გადაიქცა საქართველოს ინდუსტრიული მრეწველობის ერთ-ერთ მოწინავე, საკავშირო მნიშვნელობის დარგად.

ჭიათურის მარგანეცის მრეწველობა წარმატებით ამარაგებს საბჭოთა კავშირის მძლავრ მრეწველობას მეტალურგიული ნედლეულით. ამასთანავე ჩვენი რესპუბლიკისათვის დამახასიათებელ საექსპორტო საქონელს უკვე ფეროშენადნობები წარმოადგენს. საქართველოს ექსპორტში ტრადიციულად დიდმნიშვნელოვანი ადგილი უკავია მარგანეცის მადანს. ამ მეტალურგიულ ნედლეულზე საგარეო ბაზრის დიდი მოთხოვნა გაპირობებულია მისი საუკეთესო ხარისხით¹⁰.

ფეროშენადნობთა და მარგანეცის მადნის მყიდველები არიან მოძმე სოციალისტური სახელმწიფოები, აგრეთვე განვითარებული კაპიტალისტური ქვეყნები. აღსანიშნავია, რომ საქართველოდან ფეროშენადნობები გადის 25 ქვეყანაში.

ლენინის ორდენოსანი ჭიათურა საბჭოთა საქართველოს ერთ-ერთი მძლავრი ინდუსტრიული ცენტრია.

მარგანეცის მრეწველობის განვითარება საბჭოთა საქართველოში, განსაკუთრებით კი ჩვენს ქვეყანაში კომუნისმის მატერიალურ-ტექნიკური ბაზის გაშლილი მშენებლობის პერიოდში, ფრიად მნიშვნელოვანი პრობლემაა საგანგებო კვლევისათვის.

¹⁰ იხ. სსრკ საგარეო ვაჭრობის სამინისტროს რწმუნებულის (საქ სსრ მინისტრთა საბჭოში) რ. ელიგულაშვილის საუბარი საკდესის კორესპონდენტთან („ახალ-ვაჭარა კომუნისტი“, 1968, 18 იანვარი, № 8).

ГОРНОРУДНАЯ ПРОМЫШЛЕННОСТЬ И ПРОМЫШЛЕННЫЙ ПРОЛЕТАРИАТ В ДОРЕВОЛЮЦИОННОЙ ГРУЗИИ

р е з ю м е

Среди отраслей капиталистической промышленности пореформенной Грузии особенно бурно развилась горнорудная, в первую очередь возникшая в 1879 году чиатурская марганцевая промышленность. В 1879—1914 годах она удовлетворяла растущий спрос мировой металлургии на высококачественную марганцевую руду. За этот период ее доля в мировой добыче марганца составила 36,13% и 43% его мирового экспорта. Удельный вес данной отрасли в капиталистической промышленности Грузии неуклонно возрастал: с начала XX века она заняла первое место среди всех отраслей промышленности по размерам производства и по числу вовлеченного в нее национального пролетариата.

В предлагаемой монографии, основанной на анализе разнообразных, преимущественно до сих пор не известных архивных и иных источников, а также и специальной литературы, исследуется развитие марганцевой промышленности и формирование промышленного пролетариата в Чиатура; освещены все аспекты данного процесса: социальный, экономический, политический, технический. Изучен генезис промышленной буржуазии, прослеживается соперничество местного, русского и иностранного капитала в Чиатура, выделены различные формы промышленности, определены стадии и этапы ее развития. Охарактеризована «деятельность» представительного органа промышленной и торговой буржуазии, колониальная тарифная политика царизма, а также развернувшаяся в 1914—1917 годах между местным, русским, английским, американским и шведским капиталом (при содействии правительств соответствующих стран) борьба за захват предприятий ликвидируемых в Чиатура немецких фирм.

Марганцевая промышленность Грузии за 1879—1921 годы прошла следующие, качественно отличные друг от друга этапы: первый — начало промышленного освоения Чиатура (1879—1894 гг.), когда ее развитие тормозилось недостаточностью внутреннего накопления капитала, слабостью капиталистического предпринимательства местной буржуазии, отсутствием удобных путей сообщения для вывоза руды и т. п. На втором этапе (1895—1900 гг.) с проведением Чиатурской железной дороги и в результате увеличения спроса на марганец со стороны бурно развивающейся мировой металлургии марганцевая промышленность пережила стремительный подъем и приобрела мировое значение. Третий этап (1901—1905 гг.) — это период кризиса и последующей депрессии. Четвертый этап (1906—1914 гг., за исключением 1907—1908 годов) отмечен ускоренным индустриальным развитием, а пятый (1914—1921 гг.), совпав с мировой войной и кратковременным господством меньшевиков в Грузии, характеризуется утратой мировых рынков и катастрофическим упадком чиатурской марганцевой промышленности.

Данная отрасль в своем развитии прошла три стадии: мелкотоварную, мануфактурную и фабричную (машинную).

На заре развития марганцевой промышленности, наряду с многочисленными мелкими (преимущественно крестьянскими) промыслами, возникли мануфактурные предприятия. Во второй половине 80-х гг. XIX века промышленность перешла на мануфактурную стадию. В 90-х годах закладывается основа для перевооружения производства на индустриальный лад. В последующий период промышленный переворот углубляется и завершается. Чиатурская промышленность с самого начала стала ареной соперничества местного, русского и иностранного (французского, английского, немецкого и др.) капитала. Грузинская промышленная буржуазия до 900 х годов занимала решающие позиции в промышленности, а местным рынком марганца и экспортом руды с самого начала владел иностранный (в основном французский и английский) капитал. В последующий период положение коренным образом меняется. Немецкий капитал все более и более широко проникает в промышленность, овладевает и экспортом руды, вытесняя другие иностранные, а также местные торгово-промышленные фирмы, успешно прокладывая себе путь к монополизации промышленности. Однако этому помешало начало первой мировой войны. Русский капитал в Чиату-

тура активизировался в 1911—1917 годах. Местные промышленники, испытывая недостаток оборотного капитала в борьбе против засилия иностранного капитала, интенсивно (хотя и безуспешно) пытались объединить свои усилия путем перехода от единоличных форм предпринимательства к коллективным (товарищества, акционерные общества, синдикат) формам. На базе свободной конкуренции происходит процесс концентрации производства. Но он не повлек за собой создания монополии. Царское правительство, покровительствуя южно-русской (инкопольской) марганцевой промышленности и преследуя узкие фискальные интересы казны, в отношении чиатурской марганцевой промышленности неуклонно проводило жесткую колониальную (протекционистскую) тарифную политику и тем самым искусственно тормозило развитие чиатурской марганцевой промышленности.

В монографии исследуется формирование кадров постоянных рабочих в промышленном районе Чиатура; выяснены источники пополнения их рядов; дана социальная характеристика состава рабочих, описано их положение. В Чиатура сформировался многотысячный и многонациональный отряд пролетариата Грузии; основным источником его пополнения являлось пришедшее из грузинского села разорившееся крестьянство. Его ряды пополнялись также пришлыми из разных областей Кавказа, внутренних губерний России, из Турции и Ирана рабочими.

Возникшие в конце XIX века в Чиатурском промышленном районе спорадические выступления рабочих, носившие экономический характер, с 1902 года переросли в политическую борьбу. С июля 1905 г. центр революционного движения в Западной Грузии перемещается из Батуми в Чиатура. Рабочие чиатурского промышленного района сыграли видную роль в освободительной борьбе пролетариата Грузии.

* * *

Качественно новый этап в развитии чиатурской марганцевой промышленности начинается после победы социалистической революции в Грузии. Ее планомерное развитие осуществилось на базе все более широкого внедрения передовой техники. Марганцевая промышленность превратилась в одну из ведущих отраслей грузинской индустрии, имеющую всесоюзное значение

Удостоенная Ордена Ленина, чиатурская марганцевая промышленность снабжает могучую советскую промышленность металлургическим сырьем; вместе с тем, ферросплавы и марганцевую руду поставляет 25 странам мира.

G, Margiani

THE MINING INDUSTRY AND THE INDUSTRIAL PROLETARIAT IN PRE-REVOLUTIONARY GEORGIA

Summary

Among the branches of capitalist industry in the postreform Georgia, it was the mining industry that showed particularly rapid development — primarily, the Chiatura manganese industry which emerged in 1879. During the 1879-1914 period it met the growing demand of the world metallurgy in high-quality manganese ore. During that period its share in the world output of manganese amounted to 36.13% and 43% of its world export. The specific share of this branch in Georgia's capitalist industry grew steadily: at the turn of the 20th century it held the first place among all the other industries as to the scale of production and the numbers of the national proletariat involved.

In the present monograph, based on an analysis of various archival and other hitherto largely unknown sources, as well as of the special literature, the development of the manganese industry and the formation of the industrial proletariat in Chiatura has been studied by the present writer; all the aspects of the process in question are elucidated: social, economic, political and technical. The emergence of the industrial bourgeoisie is studied; the rivalry between local, Russian and foreign capital in Chiatura is retraced; various forms of the industry have been identified, and the stages and periods of industrial development ascertained. The "activities" of the representative organ of the industrial and commercial bourgeoisie and the colonial tariff policy of tsarism are passed under review, as well as the scramble of local, Russian, British, American, and Swedish capital for control of the enterprises of German firms which were being liquidated in Chiatura.

During the 1879 - 1921 period the Georgian manganese industry went through the following, qualitatively distinct, periods. The first—the initial industrial exploitation at Chiatura (1879-1994), when its development was hampered by the lack of internal accumulation of capital, by the weakness of the capitalist investments of the local bourgeoisie, by the absence of convenient transportation for the export of ore and so forth. In the second period (1895-1900), with the construction of the Chiatura railway and with the growing demand for manganese from the rapidly developing world metallurgy, the manganese industry witnessed a boom, gaining world importance. The third period (1901-1905) was a period of crisis and subsequent depression. the fourth period (1906-1914, with the exception of 1907-1908), was marked by an accelerated industrial development, the fifth period (1914-1921) — coinciding with World War I and the short-lived rule of the Mensheviks in Georgia — is characterised by the loss of world markets and a catastrophic decline of the Chiatura manganese industry.

The industry went through three stages of development: small-scale commodity production, manufactural and factory (machine).

On the eve of the development of the manganese industry, alongside with numerous petty (predominantly peasant) handicrafts manufactural enterprises came into being. In the late 80s of the 19th century the industry changed to the manufactural stage. In the 90s the foundation was laid for the industrialization of the ore mining. In the subsequent period the industrial revolution developed further and was consummated. From the very beginning, the Chiatura industry became an arena of rivalry between the local, Russian and foreign (French, British, German, etc.) capital. At the turn of the century the Georgian industrial bourgeoisie held the key positions in the industry, whereas the local manganese market and the export of the ore came under the control of foreign (mainly French and British) capital. In the ensuing period the situation changed radically. German capital increasingly penetrated into the industry and took over the ore export by ousting other foreign, as well as local, commercial and industrial firms, thus successfully paving the way for the monopolization of the industry. However, this was prevented by the outbreak of World War I. The Russian capital in Chiatura became active in 1914-1917. The local industrialists, experiencing a shortage of circulating capital, in their fight

against the dominance of foreign capital, made intensive, but unsuccessful, attempts to combine their efforts by means of changing from private enterprises to collective (association, joint-stock company, syndicate) forms. On the basis of free competition concentration of production occurred. But this did not result in the creation of monopolies. The tsarist government — by patronizing the South-Russian (Nikopol) manganese industry and furthering the narrow, fiscal interests of the exchequer—steadily pursued a tough colonial (protectionist) tariff policy in relation to the Chiatura manganese industry, thereby artificially impeding the development of the Chiatura manganese industry.

The formation of regular worker cadres in the industrial region of Chiatura is investigated; the sources of filling in its ranks is also studied; the social characterization of the composition of the workers is given and their condition is described. A numerous, multinational body of Georgian proletariat was formed in Chiatura. The main source from which it drew its recruits were the ruined Georgian peasants from the countryside. Its ranks were also filled by workers from various regions of the Caucasus, the inner provinces of Russia and from Turkey and Iran.

The sporadic risings of workers in the Chiatura industrial region at the turn of the 19th century—first of economic character—grew, beginning with 1902, into a political struggle. From July, 1905, the centre of revolutionary movement in western Georgia shifted from Batumi to Chiatura. The workers of the Chiatura industrial region played a significant part in the liberation struggle of the Georgian proletariat.

* * *

A qualitatively new stage in the development of the Chiatura manganese industry began after the victory of the socialist revolution in Georgia. Its planned development was carried out on the basis of an extensive introduction of advanced technology. The manganese industry turned into one of the leading branches of Georgian industry of all-Union significance.

The Chiatura manganese industry — decorated with the Order of Lenin — supplies the mighty Soviet industry with metallurgic raw material, providing at the same time 25 foreign countries with ferro-alloy and manganese ore.

ზემოკლებანი

ЦГИАЛ — Центральный государственный исторический архив в Ленинграде

ЦГИАМ — Центральный государственный исторический архив в Москве

ЦГВИА — Центральный государственный военно-исторический архив

ХФЦГИАУ — Харьковский филиал центрального государственного исторического архива Украины

სსსა — საქართველოს სახელმწიფო საისტორიო არქივი

მლინსა — სკკპ ცკ არსებული მარქსიზმ-ლენინიზმის ინსტიტუტის საქართველოს ფილიალის არქივი

მსსა — ქუთაისის სახელმწიფო საისტორიო არქივი

მნიმპა — ქუთაისის ისტორიულ-ეთნოგრაფიული მუზეუმის არქივი

შ ი ნ ა ა რ ს ი

წინასიტყვაობა	3
შესავალი	7
თ ა ვ ი I. კიათურის მარგანეცის საბადოს აღმოჩენა და მისი სამრეწველო ექსპლოატაციის პირველი ეტაპი (1846 — 1876 — 1879 — 1894 წწ.)	
§ 1. საბადოს აღმოჩენა-გამოკვლევა (1846 — 1876 წწ.)	34
§ 2. კიათურის საბადოს სამრეწველო ექსპლოატაციის პირველი ეტაპი (1879—1894 წწ.)	38
ა. პირველი მრეწველები. საბადოთა იჯარით გაცემა. ადგილობრივი და უცხოური კაპიტალის მეტოქეობის შედეგები	38
ბ. სამრეწველო ბურჟუაზია. მრეწველთა შემადგენლობა და კატეგორიები .	63
გ. ქართველ მრეწველთა გაერთიანების პირველი ცდები .	80
დ. მუშები და მათი მდგომარეობა .	84
ე. მრეწველობის განვითარება და ხასიათი	113
§ 3. ურკინიგზობა	127
თ ა ვ ი II. სამრეწველო აღმავლობა კიათურაში (1895 — 1900 წწ.)	
§ 1. უცხოური კაპიტალის შემოჭრისა და ადგილობრივ მრეწველთა გაერთიანებების ჩამოყალიბების ახალი ცდები	136
§ 2. მარგანეცის მრეწველთა წარმომადგენლობითი ორგანიზაცია. პირველი ნაბიჯები მეწარმეთა გაერთიანების — „სინდიკატის“ — ჩამოსაყალიბებლად	141
§ 3. სამრეწველო ბურჟუაზიის რიგების ახალი შეესება. მრეწველთა კატეგორიები და მათ თანაფარდობაში მომხდარი ცვლილებანი	145
§ 4. მუშათა რიგების შეესება და მდგომარეობა	155
§ 5. მრეწველობის განვითარება და ხასიათი	166
თ ა ვ ი III. კიათურის მარგანეცის მრეწველობა 1901 — 1903 წლების კრიზისისა და 1904 — 1905 წლების დეპრესიის პერიოდში.	175
§ 1. მადნის მოპოვების მკვეთრი შემცირება	177
§ 2. სამრეწველო ბურჟუაზიის რიგების შემცირება. მრეწველთა კატეგორიები და მათ თანაფარდობაში მომხდარი ცვლილებანი	180
§ 3. ადგილობრივი და უცხოური კაპიტალის მეტოქეობა. უცხოური სააქციო საზოგადოებანი, ადგილობრივ მრეწველთა ამხანაგობანი და „სინდიკატის“ ტიპის გაერთიანება	186
§ 4. მუშათა მდგომარეობა და ბრძოლა სამრეწველო კრიზისისა და 1905 წლის რევოლუციის აღმავლობის პერიოდში .	206

§ 5. წარმოების მატერიალურ-ტექნიკური ბაზის გაუმჯობესების ახალი ცდები და მის ხასიათში მომხდარი ძვრები 233

თ ა ვ ი V. კიათურის მარგანეცის მრეწველობა 1906 — 1914 წლებში

- § 1. მარგანეცის მადნის მოპოვება 241
- § 2. სამრეწველო ბურჟუაზიის შემადგენლობაში მომხდარი ცვლილებები 245
- § 3. ადგილობრივი სამრეწველო ბურჟუაზიის გაერთიანების ცდები 253
- § 4. მეტროპოლიის შოვინისტურ-კოლონიური ეკონომიური პოლიტიკის დახასიათებისათვის 257
- § 5. გერმანული კაპიტალის შემოჭრა კიათურის მარგანეცის მრეწველობაში
 - ა. პირველი ნაბიჯები კიათურაში დასამკვიდრებლად 260
 - ბ. „გელზენკირხენის სამთო-სამრეწველო სააქციო საზოგადოების“ საქმიანობა კიათურაში . 267
 - გ. „კავკასიის საბადოთა ამხანაგობა, შეზღუდული პასუხისმგებლობით“ 298
- § 6. მრეწველობის მატერიალურ-ტექნიკური ბაზის გარდაქმნა — სამრეწველო გადართილების გაღრმავება 310
- § 7. მუშათა რიგების შემდგომი შევსება-ჩამოყალიბება. მუშათა მდგომარეობა და მოძრაობა რევოლუციური აღშავლობის პერიოდში 323

თ ა ვ ი V. მარგანეცის მადნის გაზიდვა-ექსპორტი. მისი მომხმარებლები

- § 1. კიათურის მარგანეცის მრეწველობის ხვედრითი წონა მადნის მსოფლიო მოპოვებაში . 349
- § 2. კიათურის მარგანეცის მადნის ექსპორტიორები 352
- § 3. მარგანეცის მადნის გაზიდვა-ექსპორტი და მისი მომხმარებლები 359

და მ ა ტ გ ბ ა

თ ა ვ ი VI. კიათურის ვიწროლოანდაგიანი რკინიგზის გაყვანა და ცარიზმის კოლონიური სატარიფო პოლიტიკა

- § 1. ბრძოლა კიათურის რკინიგზის გასაყვანად. გზის მშენებლობა და მწყობრში ჩადგომა (1882 — 1891 — 1894 წწ.) 375
- § 2. ცარიზმის კოლონიური და პროტექციონისტული სატარიფო პოლიტიკა (1894 — 1914 წწ.) 384

თ ა ვ ი VII. მარგანეცის მრეწველთა წარმომადგენლობითი ორგანიზაციის (ყრილობის) დაარსება და მისი საქმიანობა

- § 1. ყრილობის დაარსება და მის წევრთა დაჯგუფებები 401
- § 2. ყრილობის საქმიანობის ხასიათი და მნიშვნელობა 409
 - ა. მრეწველობის განვითარებისათვის ხელშეწყობა და ეროვნული ბურჟუაზიისათვის მხარდაჭერა 409
 - ბ. მუნიციპალური საქმიანობა 415
 - გ. მრეწველთა ყრილობა და მუშათა საკითხი . 416
 - დ. ლონისძიებანი სახალხო განათლების გასაავრცელებლად 424
 - ე. საქველმოქმედო საქმიანობა . 427
 - ვ. ყრილობაზე მუშათა წარმომადგენლების დაშვების საკითხი 427
 - ზ. სამრეწველო სტატისტიკის ორგანიზაცია 430
 - თ. ყრილობის საქმიანობის ხასიათი . 431

თ ა ვ ი VIII. ადგილობრივი, რუსული და უცხოური კაპიტალის მეტოქეობა ჭიათურაში პირველი მსოფლიო ომის პერიოდში სალიკვიდაციო გერმანული ფირმების უძრავ-მოდრავი ქონების ხელში ჩასაგდებად	439
მოკლე დასკვნები	458
რეზიუმე რუსულ ენაზე	473
რეზიუმე ინგლისურ ენაზე	476
შემოკლებანი	477

რედაქტორი ჯ. ლომაშვილი
გამომცემლობის რედაქტორი ნ. გონაშვილი
მხატვარი დ. გრიგოლია
მხატვრული რედაქტორი ნ. ოსკანოვი
ტექნიკური რედაქტორი ნ. ქავთარაძე
კორექტორი პ. ლეღეცვა

გადაეცა წარმოებას 4/VI-68 წ., ხელმოწერილია
დასაბეჭდად 2. IX. 68 წ., ქალაქის ზომა 60X90^{1/16},
ნაბეჭდი თაბახი 30.25, სააღრ.,-საგამომც. თაბახი 28,43,
უე 01457 ტირაჟი 1 000 შეკვ. № 594.
ფასი 2 მან. 28 კაპ.

გამომცემლობა „საბჭოთა საქართველო“
თბილისი, მარჯანიშვილის 5.

“საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარბოლიგრაფმრეწველობის სტამბა № 1, თბილისი,
ორჯონიძის ქ. № 50.

Типография № 1 Главполиграфпроца Госкомитета Совета
Министров Груз. ССР по печати. Тбилиси, Орджоникидзе № 50.